

四庫全書存目叢書編纂委員會編

齊魯書社

四庫全書存目叢書

集部
第九五冊



責任編輯：孫言誠 賀 偉

ISBN 7-5333-0615-5



9 787533 306151 >

EB37/05

四庫全書存目叢書·集部九五

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇古籍精裝印務有限公司印製

787×1092 毫米 16 開本 45.125 印張

1997 年 7 月第 1 版 1997 年 7 月第 1 次印刷

印數 1-100

ISBN 7-5333-0615-5

Z·60 集部定價：127800 圓

集部第九五冊目次

集部·別集類

孔文谷集十六卷續集四卷詩集四卷文谷漁嬉稿二十卷

〔明〕孔天胤撰

孔文谷集續集山西省祁縣圖書館藏明隆慶五年刻萬曆增刻本詩集文

谷漁嬉稿北京大學圖書館藏明嘉靖四十一年洪朝選刻萬曆增刻本

祐山先生文集十卷

〔明〕馮汝弼撰

蘇州市圖書館藏明刻本

序芳園稿二卷

〔明〕趙伊撰 劉子伯評點

北京圖書館藏明萬曆二年趙邦秩等刻本

孔文谷集十六卷續集四卷
詩集四卷文谷漁嬉稿二
十卷

〔明〕孔天胤撰

孔文谷集續集山西省祁縣圖書館藏

明隆慶五年刻萬曆增刻本詩集文

谷漁嬉稿北京大學圖書館藏明嘉

靖四十一年洪朝選刻萬曆增刻本

附《四庫全書總目·孔文谷文

集十六卷續集四卷詩集二十

四卷》提要

文谷孔先生文集序

士君子接人應事其見于辭大要有詩若文
二者詩則發于性情而述于歌詠其辭屬之
簡然其人與事有非詩之所能盡者則窮邇
鋪揚舒徐紆遠而爲文雖不外于性情而非
歌詠之可以限截者其辭或不啻以簡矣夫
詩與文皆本于人心也而有能有不能辭
有兼之者即如昌黎以文雄而詩則讓李杜
而詩與文之中又各以其類分工拙焉他固
可推也

本集

本

明興以舉業取士士之精神心術自童習以
至于強仕率盡竭于佔俾對偶之間故于詩
則判然置之分外而于前人之文亦率以古
目之比仕而可以脫舉業則又拘于吏事而
倥偬于簿書之叢即有豪傑之才欲挽而爲
古之作者亦已難矣惟吾文谷先生殆兼有
之先生方盛年登上第其脫舉業之習已早
一仕而督學秦中則又不拘于吏事矧其生
當文運之隆神降河山之秀氣質之稟厚而
且清不濁不浮乃天地間氣所萃者即故群

之偏吏之習猶當超出乎其外者而況天既以此生之故又特善培其所遇也是故兼之者矣愚生也晚聞先生方在諸生時諸課試輒自成一言不卑卑隨衆勦襲平居感物就事口占歌詠即爲希古之調至今膾炙人口所謂言出爲論聲即爲律也即其官歷四方至今懸車以來啓口皆德當席揮毫每出一篇若夙構記然者是豈可以尋常儒吏例耶學士大夫無問遠近識與不識莫不訪問求請得其篇章不啻朋錫一時在世者不論

文集

卷

二

即如故祥符高蘇門氏亳州薛西原氏諸子皆卓然以其詩文高視一世獨于先生之作推讓焉是故可傳也已往者閩中洪芳洲氏參藩晉省時嘗刻其詩付西河之石室因先生所自名漁嬉名之焉顧其文尚秘無以示也訥宦遊過家往來且十年數以爲請乃先生以其詩則與人借樂每歲刻漁嬉一帙而獨難于以文示人以訥在民署閱年蓋四方相知者愈益問請以爲不可無傳也予叨爲先生弟子于是益以自愧內訟乃捐俸寄

生之弟乾石氏借諸門人刻于家塾因憶漁嬉之刻予業已序之其于文敢獨嘿然已乎易有之觀乎人文以化成天下然則文之爲言人也文非其人則虛也故文也者人之緒也不可以盡其人也愚請因先生之文而言其人蓋自訥從先生門下三十餘年竊見其居家孝友與宗親仁讓處鄉黨交禮厚邦之大夫禮見有時無援瀆即遠方慕而來見者非道義則塵之方其秦越督學則先行實而後文藝類衛當路則重風俗而畧刑名至總

文集

卷

三

轄關河兩藩則又惓惓于節用愛人以爲本而不屑屑于催科期會以爲能其文之見于酬應者即當如其人惜也人徒知其文也而或不知其所以文也先生今年幾七十而德彌邵方聖賢相逢之時訪延舊老得先生用之將有名世之事業焉何但以其文也唐虞三代名世之臣皆以其精神爲致君澤民之功其文之可見者謨訓數語之外無聞焉非不能文不屑于文也然則先生豈徒欲以文顯哉嘉靖初

肅皇帝以農桑策士蓋示以安民致治之實也先生應

制雅稱

上意遂擢首科乃以宗親外補假使先生不格于例得竟其用則其所以加于上下者當如幽風無逸所稱矣然先生高尚之志當仕已然今其恬愉淡泊逍遙以游與其弟乾石氏及諸山人詩酒相娛甚樂也仕路馳驅于先生何有哉故愚嘗論之君子之不能用非君子之不幸而斯民之不幸也君子之用于

太倉集

序

四

文非君子之幸而學者之幸也故吾于先生論其人既為斯民惜獨為先生喜論其文復為先生惜轉為學者喜然則學者讀先生之文尚知其人哉撫卷咨嗟奚啻三致意焉

隆慶五年辛未三月吉

賜進士第承德郎戶部署郎中蒼門生趙訥頓首撰

請刻孔文谷先生全稿書

門人趙訥

訥聞躬行君子原不在于文辭之工而言之有文斯足以為行遠之籍是故天行至健日星斯章地德無疆山河為紀聖賢之道豈容無文道固不盡于文而因文可以見道一撮之士廣厚之地可窺小明之星高明之天亦在惟吾師文谷先生宣聖之裔帝室之甥忠孝著於家邦德業超於遠近貌標玉立見之者鄙吝斯消詞吐鍾洪聞之者愚蒙遂發德

書

一

功已載於不朽緒餘時見於文言見豈因文文無非道萬言應制簡在帝庭兩省宗文印傳聖教諸所酬應隨寓精微凡有詠吟莫非意趣雖尊道不屑於小伎意在忘言而後學實賴於前言不則何述即平生著作之富已播勒金石之間炙口於人傳心在世顧梓行未有全集則博大難於備觀今此四方猶勞求問將來百世何以徵存德自有旨道豈終秘西河子夏雖不徒文學之科汾上文中亦必有中說之著此吾鄉之

先進爲今日之儀刑訥也不才忝廁門下僅供洒掃敢與斯文執經三十年雖未敢望登堂而入室聞言千萬語亦私竊蠡測而管窺管請遠編未蒙鈞賜固知德行之存乎默尤愧文章之不得聞且近世稗野之家猶或刊布於朝市雖官府牒移之俗亦已印貯於有司况此至言豈宜獨缺既爲弟子寧忍無傳是以不揣近卑妄援高遠亦自知言之不易庶幾見立言之可行伏乞尊慈俯允所請命侍史以文錄語錄全稿賜訥當與二三門

書

二

生及海內同好之士通與已刻詩集梓爲全集羨而斯愛豈徒門人小子之私珍愛而斯傳當爲天下後世之同寶雖凡夫肉眼知之固難而荆玉南金世豈無識訥不勝瞻望懇祈之至

自敘

余弱冠學文白首無成焉文易言乎憶每有所綴初自謂小可再看則醜矣輒棄去嘗懷草就正於人復逡巡不敢面白至臨別置案間而出其慙劣如此比家僮整書獲弃餘數百篇陽谿君見而歎曰先生之志於茲也文故在茲矣獨不觀世乎夫赫奕之塗多附沉寘之巷寡交多附則延譽者衆寡交則莫之與也延譽則飛天皆洪閭之華莫與則玄文處幽而已是故寂寞枯槁之人雖著書含章

文集

自敘

吳明章判

卒老死若穴而名不稱者夫豈少哉乃今先生之文門人小子而不錄也其誰爲於是與余弟東明君刊置家塾余於是知覆瓿之笑必不免矣乃自釋曰吾文猶孤生之桐乎枝無扶疎而根有結據其思古其法存其辭陋其旨微其敘事不爽於人情其統類不愆於物理其傳述不舛於賢者其是非不謬於聖人其詩陶寫幽人之貞咏歌先王之風庶幾乎六義之趨焉是余所以學也若其佳惡我自知之非陽谿誰復相知定吾文於他日者

蘇子曰昔楊子雲著太玄人皆笑之子雲之言曰世不我知無害也後世復有子雲必好之矣子雲死近千載竟未有子雲可歎也此語蓋傷知我者希老子有言知我者希則我貴信斯言也君子亦貴其所可貴者而已矣若仲任之閉門潛思著書養性節信之憤世著論潛夫是名彼豈有微於人之知哉
萬曆二年歲次甲戌中秋日七十老人文谷子書

文谷集

自敘

二

孔文谷集目錄

卷一

策

嘉靖壬辰科廷試策

卷二

序

刻王端溪先生所著經義序

贈玉臺任公上陝西布政左使序

贈總督大司馬石岡王公進錫序

送大中丞約菴歐陽公撫治鄖陽序

文谷集

目錄

送前溪先生劉公赴雲南按察使序

贈觀察使南橋李公陟蜀藩右轄序

敘石南子奉壽大司馬萬治齋

浙江按察使抑齋盧公晉廣東布政右使序

送獅山柯公赴河南行省右轄序

送都閫驃騎大將軍巢湖傳侯乞歸序

贈大中丞淨峯張公移鎮廣東序

送勿齋叟公赴福建布政左使序

贈退齋林公陟湖廣按察使序

贈葵峯黃公晉浙藩少參序

卷三

送浙江右使曉溪謝公赴河南左轄序

起俗庸言序

送冲菴先生歐陽子參知蜀藩序

送月山楊君赴清浪軍參戎序

別敘

贈督學紀山曹公陟參江藩序

贈羅江陳公總憲江西序

鄉耆趙翁七十壽序

賀憲使譚子家慶四壽序

文集

目錄

三

重刻文章正宗序

重刻唐詩紀事序

薛詩拾遺序

刻明道先生語畧序

刻朱子晚年定論序

贈錢塘學諭張鳴鶴陞容城知縣序

卷四

山西通志序 代作

楊東江詩集序

贈雲汀齊公應詔還京序

何栢齋先生文集序

西陂先生文集序

韓苑洛先生文集序

錫命贈言序

端溪先生文集序

武經七書序

胡蒙谿文集序

刻西京雜記序

謫台稿序

送理問宋子南歸序

文集

目錄

三

贈抑亭陳公擢湖廣廉使序

贈那伯龍岵張公入覲序

喜雨朝天圖序

贈中丞印臺傅公進少司空還京序

送與川葛公巡撫河南序

青甕獨坐序

卷五

陝西壬子科鄉試錄序 代作

贈臨津王公陞任南京東城兵馬指揮序

贈僉憲南菴趙公陟參江藩序

贈郡守龍岵張公受撫臺旌獎序

劉母太夫人七旬序

贈霍州守元泉褚君受撫臺旌獎序

蟠桃獻壽圖序

贈司馬中丞麓泉王公榮進序

贈葛陂許公移職慶成王府教授序

王母太夫人壽序

刻四書膚解序

玄覽編序

長樂園序

文集

目錄

四

柞胤慶言序

壽宗尉西谷公六十序

送周以明就例遊大學詩序

峒山君壽圖序

具慶贈言序

卷六

贈太封君岐山趙公七十壽序

贈憲使右溪謝子拂衣歸里序

贈坦齋路公考績之京序

贈岐山趙公拜官清苑主簿序

雲汀圖序

贈與川葛公總憲山西序

送別駕蕭公序

贈邦伯龍岵張公南還序

次山晉陽稿序

賀葛陂許公膺獎序

宴壽贈言序 書分守宋承山先生

贈郡守雲石王公賢能膺獎序

贈別駕南岡趙公賢能膺獎序

贈太守一川吳公榮膺薦獎序

文集

目錄

五

居敬堂集序

王西野詩集序

崇正錄序

贈參知仙臺李公擢四川按察使序

贈雲峯高子學教屯留序

卷七

海居敘讚

贈學正虛溪林君以賢薦獎序

毓嗣發祥序

清源先生詩集序

汾上講餘錄序

旌賢敘語

雲天遙祝序

贈盧溪林先生會試序

瞻遠樓詩序

送承山宋公南還序

贈盧溪林先生擢任懷遠序

曹守受齋孫侯德政序

贈邑侯斗垣陳公膺撫臺旌獎序

贈汾幕趙君聖順天府庫使序

卷八

食錄

木

贈直古老人李公登年上壽序

介休縣志序

贈別駕丹峯夏公入覲序

南山獻壽序

卷八

大竹文集序

愚谷文集序

程參戎刻窓稿序

贈范大參請告東歸序

雲林清籟序

篤行貞節詩序

贈抑齋張公巡撫寧夏序

贈大參省吾紀公移鎮汾陽序

秋聲詩序

蒲坂王氏世恩錄序

蒲坂王氏世德錄序

陽谿集序

詔封兵部尚書梧岡霍翁登年八十序

贈明府達泉鄭公以卓異膺獎序

贈梁母太老夫人八十壽序

卷九

食錄

七

贈吳母太老夫人八十壽序

記

記

重修周文王武王陵寢及周公太公墓祠記

浙江改建船廠記

新昌縣重建先師孔子廟庭記

陝西泃置正學書院學田記

湛泉書院記

太平縣肇興水利記

創建鄉二大夫祠記

脩南宮縣學記

創建泮宮亭橋記

介休縣興復西渠水記

遺愛祠記

勅賜遼道書院記

介休縣興復廟學記

臨縣脩城記

創置汾州學田記

弘脩汾州廟學記

招隱園記

文集

目錄

卷十

介休縣繕城記

玄天上帝閣記

分守冀南道題名記

愚公園記

寄拙園記

清陰軒記

增置苑東樹園記

汾州題名記

重脩天寧寺萬佛閣記

徐溝縣脩復三渠記

脩建石佛寺記

雲松菴記

文誥敘記

蘭雪齋書錄記

卷十一

碑誌

巡撫都御史繼津王公去思碑

太原府知府於公去思碑

分守右叅政芳洲洪公德政碑

文集

目錄

平遙縣知縣韓侯去思碑

誥贈資政大夫兵部尚書霍公墓碑

工部尚書襄敏張公墓誌銘

河南按察司副使栢山劉公墓誌銘

壽官趙公墓誌銘

湖廣按察司副使黃巖李公墓誌銘

何異周孺人墓誌銘

卷十二

山東布政使司右叅議西田趙公墓誌銘

勅封文林郎江都縣知縣岐山趙公墓誌銘

豐明誥封奉國將軍北村公墓誌銘

鄉貢進士龍石郭公暨配牛氏合葬墓誌銘

晉府右長史潭水先生李公墓誌銘

副使黃巖李公暨配孺人牛氏合葬墓誌銘

封文林郎衛輝府推官西塢王公墓誌銘

鄉貢進士呂梁張貞孝君墓誌銘

張雲溪先生墓誌銘

王母太安人張氏墓誌銘

皇明慶成安穆王墓誌銘

慶成王長子小溪君墓誌銘

文集

目錄

十

故王官敘茶潘君墓誌銘

鴻臚寺序班西巖李公墓誌銘

隱居教授貞毅先生西野馮公墓誌銘

書記毅菴周金暨元配党氏合葬墓誌銘

勅封太安人趙毋田氏墓誌銘

卷十三

雜著

刻司馬溫公資治通鑑題辭

趙雲正論題辭

東坡志林題辭

讀湖關感別之篇便書其後

陵海二集題辭

誠心堂銘

讀恩壽冊文

題文苑清居十二詠

園約二首

解嘲一首

園中賞花賦詩事宜

邪氣解

王朱辨

文集

目錄

十一

漁父說

論語解

大學解

中庸解

孟子解

園中錄語

敘知與王北野翁

篤行貞節傳

旌孝贈言

甲第贈言

贈言圖引

儕輩並茂圖引

雲溪圖卷引

汾亭別意引

書多士贈言卷

書鄭平川榮歸贈言卷

詩思說

東溪圖說

壽辭讚述

書筆峯冊

文集

目錄

書勗勤篇後

李氏像讚

節文

宴談

策秀才講學正心文六首

卷十四

四六語

卷十五

書

與張南溪左丞

與疊川於大叅

與弟民

與雪山焦提學

與呂山車郎中

與約菴周老先生

與岱野張憲副

與陳虞山大卿

與謝與槐年丈

與蔡白石年丈

與項甌東

文集

目錄

與劉栢山

與前溪劉大叅

與郭寬山

與戚南山

與百泉胡大叅

與謝右溪年丈

與廖東霄年丈

與李抑齋年丈

奉莊石山座主

與王端溪翁

與張南墅憲長

與中川陳宗師

與謝右溪年丈

與潘春谷年丈

與洪芳洲先生

與程松溪先生

再與蔡白石年丈

與百泉皇甫先生

與錢緒山年丈

與黃父菴先生

卷集

目錄

與皇甫少玄年丈

與寒谿方隱君

與鄭淡泉先生

與楊月山總戎

與趙龍巖年丈

與蔣可泉提學

與大同空劉坦翁先生

與廖洞野先生

再與劉坦翁

與顧荊翁

十四

與陳石陽先生

與張南溪先生

再與謝與槐少叅

與李少泉先生

與包蒙泉年丈

與童南衡先生

與葛與川吏部

乞休疏

與督撫張南川先生

與曹紀山先生

卷集

目錄

與楊小竹少叅

與王南岷年丈

再與端溪翁

與彭東谿大叅

與陳抑亭大叅

與王敬所方伯

再與楊小竹少叅

與馮少洲大叅

再與王敬所方伯

與霍思齋兵部

十五

再與趙陽谿

與陳梧岡都憲

與王西塘侍御

與林虛溪先生

與王心菴掌科

與洪芳洲中丞

與杭州劉望陽

與詩人謝四溟

再與馮少洲大參

再與陳抑亭中丞

泰集

目錄

去

與程靜泉憲長

與王西瀛年丈

再與洪芳洲中丞

與沁州張清源

與龍岡太守

再與陳抑亭中丞

與郭艮山通政

與馬北崖員外

與孫思泉大參

與栗太行先生

與項曉東

與薛方山先生

與王鑑川督府

再與馬北崖員外

荅宗老雲峯翁

與馮益川憲副

與王龍池方伯

上慶成王宗川

卷十六

誄祭文

泰集

目錄

主

明經王桐菴先生誄

故汾州學正虛溪先生林公誄

禱雨文

再禱雨文

禱雨告先正文

祭王陽明先生文

祭瀾石梁方伯文

祭張襄敏公南川先生文

祭潘春谷少參文

祭李黃巖憲使文

祭別駕陳環山文

祭樹七嶺先生文

祭總督王石岡文

祭慶成安穆王文

祭貞毅先生馮公文

祭王毋太安人張氏文

祭趙毋太安人田氏文

祭兩湖蕭方伯文

祭土地神文

祭友人文

文集

目錄

卷

祭李荆陽大參文

祭張毋馮氏太夫人文

祭劉毋呂氏太夫人文

孔文谷集目錄終

孔文谷集卷之一

策

嘉靖壬辰科廷試

臣孔天胤

臣對臣聞帝王之治敦本以厚天下之生達權以通天下之變則天德孚而王道成矣夫民生也者邦家所恃以爲基者也然而厚生之道有本存焉事變也者治忽所乘以爲幾者也然而通變之道有權存焉夫其本之在是也而弗敦之以厚天下之生則化必不溥澤必不深而邦

文集

序卷

家之基或將匪安夫其權之在是也而弗達之以通天下之變則弊弗可釐滯弗可起而治忽之機將有大可畏者矣是以聖帝明王之治天下也代天理物必以厚生爲先更化善治必以通變爲先惟厚生也則必自其本之所在者而敦之躬行於上而作則於下焉經理之密而講畫之詳焉必期化溥澤深而後已惟通變也則必自其權之所在者而達之察時審勢而化裁之焉隨幾應用而神明之焉必期弊釐滯起而後已化溥澤深則群生和萬物育而邦基日以

益固弊釐滯起則德富有業日新而治幾日以
益熙由是天德孚於上下王道成於始終而有
以昭帝王之威者固如是矣恭惟

皇帝陛下膺

天眷命繼承

大統臨御以來視民如傷望道未見乃進臣等於

廷策以天下之務臣莊誦竊歎以駕

聖人建其有極敷錫厥福端崇理本明燭化機固有

神明之道而乃以詢之末學之臣臣愚何足以

知之然對揚

奏集

序卷二

二

章

休命不敢以終默焉臣嘗讀周之書有曰惟天地

萬物父母惟元后作民父母言天生民而立之

君使司牧之也讀易之辭有曰后以財成天地

之道輔相天地之宜言明王代天理物奉若天

道也是知泰若天道莫大乎子民子民之道莫

大乎厚生厚生之道莫大乎遂其所安所欲之

情遂其所安所欲之情則又莫大乎重農桑之

務足衣食之源足則民情遂民情遂則民生厚

民生厚則教化行風俗美陰陽調風雨時群生

和庶類殖民泯物情之異冠賊奸宄之變莫不

盡銷諸福之物可致之祥莫不畢至而王道有

終矣是以古昔先王繼天立極開物成務必以

此先焉粵稽庾義氏之王天下也首教民耒耜

而耕之制以興耕之制興而食之源以開矣軒

轅氏之王天下也首教民衣服而蠶之制以興

蠶之制興而衣之源以開矣堯命羲和授民時

舜命益稷興民利禹湯平成允殖文武咸和永

清率是道也然三代之道固無不同而成周之

法尤爲至備於是天子有籍田之典焉一撥三

推庶民助以終畝也王后有親蠶之典焉繰三

奏集

序卷二

三

章

盆手世婦布於蠶官也夫君后至至貴也而以服

田野之勞誠念夫稼穡之艱難小民之所依王

業之根本在是也故服勞以爲天下先焉是以

當時之人男則服事乎耕焉所謂亦服爾耕十

千維耦也女則服事乎蠶焉所謂女執蠶筐爰

求柔桑也夫天下至大也而皆力農桑之務誠

念夫食之資於耕耒之資於蠶而所安所欲之

樂在是也故協極以先其本焉今觀無逸之書

七月之詩帝王所傳心法之要可繹思矣成王

以之致四十年之平周家以之永八百年之祚

良以敦天下之本而厚天下之生如是也

聖制曰民之所安所欲者必首之以衣與食使無衣無食未免有凍餒死亡流離困苦之害夫匪耕則何以取食弗蠶則何以資衣斯二者亦王者之所念而憂者也夫哉

皇言其真得帝王之法而敦本以厚天下之生者乎何其憂勤惕勵如此也臣嘗竊觀天下之勢矣錢鏐在野非不耕也而閭閻猶啼饑之衆杼機在室非不蠶也而寰宇多號寒之民此其故何耶漢賈誼告文帝曰一人耕之十人聚而食之

文集

序卷

四

欲天下無饑不可得也十人織之不能衣一人欲天下無寒不可得也夫誼之爲是言也豈無見於天下之勢而云爾哉蓋以天下之物生之豐敗存乎天用之多寡存乎天下之人遺本逐末者亦已多矣而游墮者又從而半之焉終歲勤動者不足用矣而冗雜者又從而耗之焉昔人論治嘗有官浮於冗員禄浮於冗食兵浮於冗費之說矣又有賞盈於太濫俗盈於太侈利盈於太趨之說矣之二說者皆饑寒之由也不獨誼之論爾也饑寒以身則怨聲愁氣上

天和而水旱蝗蟲之爲災矣人民流離倉粟竭則外夷窺伺而邊有煙塵矣游墮無賴俯仰相困則放僻日恣而內有盜賊矣

聖制曰耕者無幾而食者衆蠶者甚稀而衣者多又加以水旱蝗蟲之爲災游墮冗雜之爲害邊有煙塵內有盜賊無怪乎民受其殃曰甚一日也是

陛下之沉幾先物加志窮民有以深識天下之勢而洞見其受弊之源矣然猶

省躬自咎以上不能參調化機下不能作典治理

文集

序卷

五

第

而憂且愧焉且又以時有今昔權有通變欲有道以致雨暘時若災害不生百姓足食足衣力乎農而務乎織順乎道而歸乎化惓惓以清問芻蕘之臣焉是即堯咨衢室舜察邇言禹湯不自滿假文武不敢康寧之誠也臣愚學不足以明理智不足以識時抑何以仰裨

聖治於萬一乎我

皇上體元居正通變宜民設施於九五之尊炳煥於敷天之下者臣得見知於依被之餘久矣請以是而颺言之而竊以一得之愚附

焉今夫聖人理天下使萬物各得其所爲至極而君相以父母天下爲王道故斯民失所則當敦本以厚天下之生治化未孚則當達權以通天下之變此帝王善治之規古今不易之法也今自其敦本者言之農桑不復古久矣我皇上光闡九疇稼穡維寶秩修六府土穀是重聖躬則秉耒耜于

南郊即古之三推之典也

皇后則親桑于

內苑即古之三繅之典也是故百辟卿士承式于

太參集

卷六

六

第

下而農務聿勤

六宮嬪嬙率履于內而蠶典克振是其敦本以爲

天下先者固已

躬行于上矣又自其通變者言之法久則弊生固

也我

皇上一德昭格百度維貞參調化機作興治理敬

天勤民而祈報賑貸之有條禁奢止暴而品式兵刑

之有節是故禮樂教化莫不振舉而上下四方

皆願精白以承

休德是其達權以爲通變之宜者又以

神明於上矣夫敦本以厚天下之生宜乎民生之盡厚也而凍餒猶不免焉無乃

聖心雖懇惻而奉行者之不以實乎達權以通天下之變宜乎事變之盡通也而偏滯猶未振焉無乃

王制雖詳密而化裁者之或有蔽乎蓋君者出令者也臣行其令而致之民焉理也君有惠下之德而臣無宣德之誠則膏屯而靡施斯民安得不受其殃也政者救時者也時有所極而變生焉勢也時有可變之勢而吾無神化之方則弊流

太參集

卷七

七

第

而弗返斯治安得而盡其善也是必奉行之實而後本可敦也必化裁之當而後變可通也且力農而務織足食而足衣順道而歸化有生者之所同欲也今顧有欲耕而無其田有田而不得耕者矣欲蠶而無其桑有桑而不得蠶者矣又奚望其禮節之知而道化之協也此豈可責之民耶上恬而下熙內安而外靜時和而沴消願治者之所樂聞也今邊塵或有鼓之者矣內寇或有致之者矣而天災時變又未必無所感也此豈可委之數耶其所以奉而行之化而裁

之亦惟存乎其人而已爾是故奉行之道最患乎虛名之相尚而實效之無補而化裁之方則以順時宜民補偏救弊爲首務焉然則爲之奈何必也天子以實責宰相宰相以實責監司監司以實責守令守令以實責庶民而後謂之奉行之實必也仰以觀於天文俯以察於地理中以觀於人物遠以稽於先王近以酌於時政而後謂之化裁之宜故爲今之計不徒彌文之是飾也而必尚實以敦其本焉不貴更張之無漸也而必達權以通其變焉問閭有勸課之吏末

大業

序卷一

八

第

作嚴裁抑之防工役罷不急之務賄歛禁催科之擾豪強抑兼併之習而又去三浮以從實酌三盈以從約則民將力乎農而務乎織而衣食無不足之患矣郡邑有循良之吏鄉里弘庠塾之規力田敦孝弟之懿士習崇禮義之正本俗無緇蕞之惑而又修五禮以防僞明七政以齊民則人將歸乎道而順乎化而游隨冗雜之不爲害矣由是練勇敢勵戰鬪旌才略以務治軍選將之實而又篤周之采薇以下五詩之義焉則邊疆有吉甫方叔之將而煙塵可息矣由是

察言行課功狀公薦舉以務求賢審官之實而又如漢之重二千石之義焉則郡邑有龔黃卓魯之賢而盜賊可化矣至於欲雨暘時若而災害之不生則又在

聖天子建中和之極臻位育之功而凡諸臣同心協德興道致治三孤以調燮鼎鼐無媚嫉私刻之流六卿以贊襄機務無險詖傾側之士有官守者盡其職而不曠厥工有言責者盡其忠而不愧厥職有功必賞有罪必罰俾體統正而朝廷尊有利必興有害必除裨恩惠流而教化廣

大業

序卷一

九

章

由是人事盡於下而天變自回人心和於上而天休自至將見穹靈錫祜壤祗貢祉山出器車河出馬圖至治馨香達於神明協氣氤氲盈於宇宙

前星炳耀百男兆麟趾之祥

後祿延和萬國鞏鴻圖之運所謂天德孚而王道成者蓋至矣而無以加矣易曰惟深也故能通天下之志惟幾也故能戡天下之務惟神也故不疾而速不行而至臣草野之人不識忌諱謹以是爲

無任殫越之至謹對

孔文谷集卷之一終

卷一

卷一

十

章

孔文谷集卷之二

序

刻王端溪先生所著經義序

六經聖人之心也所謂天地之道民物之彛宇宙之極而非言語文字之云爾也書曰惟皇上帝降衷于下民若有恆性克綏厥猷惟后言盡性也非聖人曷以哉在聖人兼兩三才首出庶物闢道而弘化敘羣而設教建極以爲天下先繇是變通之而爲易經綸之而爲書歌詠之而爲詩節文之而爲禮和暢之而爲樂法制之而爲春秋皆自其心出之者也而非言語文字之云爾也然自夫子沒而微言絕七十子喪而大義乖則經垂空文人挾臆見垂空文則大道稱隱挾臆見則真知寡儔以不真之知求久隱之道其不謬歟者鮮矣夫聖人之心廣大精微純粹中正與吾心一也故發而爲德業傳而爲訓典皆是物也學者生聖人後志其道恨不登其庭乃取其經尊而讀之疊疊乎言語文字之間也而又硜硜乎傳注之說也一切不求之吾心以求聖人之心而曰明經致用焉可乎特以資科第焉爾嗟乎學術不明人心陷溺陷溺之害甚於洪水橫流將懼其不可止也是故君

卷二

序卷二

章

子有畏天悲人之志而後有救時及本之學人言衆言淆亂折諸聖夫不得其心而能折諸之有也是故我端溪先生讀經體道著易書詩春秋禮記心義各一卷以余亦竊有志焉而未之逮也因悉寄示時汾州守李君見而悅之則梓之郡齋以明學也余故表其義云

贈玉臺任公上陝西布政左使序

嘉靖壬寅夏五月陝西布政左使闕宰臣進玉臺任公言可用若曰關中國之大省又安攘事棘必得岳牧茲惟其人哉上曰可是時任公爲河南布政右使

奏集

序卷三

三

章

廣陵南溪張公爲左使一時德政和平榮名嘉美號爲最盛蓋河南屢災百姓困公與南溪公同心共濟協恭和衷務惠養元元與之休息教養崇節愛以表在位吏民于是各以其職業順序晨起視事庭無畱難府史但跪案前乞署文書而已二公並坐堂上垂紳玄覽視春時所樹竹栢俱已長茂鹿呦呦其下鶴舞成列自公退食雍容委蛇蓋省中晏然焉國人至讚羔羊故號最盛曩余僉事西司間一來則見受事者紛屈膝門外吏人抱簡而集階次大方伯處分或不暇退食當是時固心厭藩司之煩如是今余

奏集

序卷三

三

章

家得參議政事攬清明之化則又不煩因時特察公等威德大氏公順利物居敬而行簡爲本夫公故能同順故能應敬簡故能貞此三者德之所以盛也故事物之來張公運於左曰如此公不以爲辱公運於右曰如彼張公不以爲僭是故大同而無我循理而達治者已故知建中和于一堂布清寧于四境非其威德其孰能與于此古之聖人精明內蘊外順理萬物其志不分萬物迎刃而解故舉天下無難焉孔子贊易稱黃帝堯舜垂衣裳而天下治蓋言乎其至易也故易簡之德配天地變通之理齊四時公與張公同舉進士正德中皆深于聖王之道明於當世之務故其威德乃爾哉公既被命遂分陝而治其道一舉諸此關中其有庇乎夫關中民病矣武備又不振蓋官多政急食少兵疲故宰臣曰安攘事棘憂之也夫政有體差稅誠不足以病民其病民者以積煩故夫省雖大一總制四巡撫三巡按以臨有司斯有司之政常急然不知簡要日夜徒驅擾百姓以供事百姓勞苦而不得息如之何其不積煩也夫國家命將守邊武備宜日日振其不振者以積玩故夫軍法最嚴今匈奴殺掠其民人主帥無論或戰而折傷即論不

備雖有斬獲僅自贖而已故將帥皆喜規避務保全
茲人拾虜棄遺偵殺其歸虜中者獻俘制臣輒奏捷
乞賞過人盡笑之將士遂決意不戰矣且居無積倉
行無裹糧雖廉頗李牧在今能爲之哉此賞罰之不
明而勸懲之無實如之何其不積玩也夫積煩以敝
民積玩以泐武備非細故也公去以治行河南者推
而達之率有司辨期會之節守寧一之規悉除去煩
苛與民休息百姓其無蘇乎又移書塞上白鎮巡以
忠信謀明鼓舞士氣強本足用蓄養軍威毋邀近利
毋取虛名毋怵禍患請朝廷破條格以廣感惠解文

彙集

序卷三

四

章

墨以待俊豪三軍其無起乎是固安攘之大者知公
必亦坐而運之矣國家重卿相之選先試才外服積
官至岳牧然後進之於朝授以大政調元和布化光
均平四海垂耀無窮誠閱歷廣大而明習甚周也乃
公惟其時矣公始以比部員外郎出僉陝憲歷雲南
江西浙江所在聲聲民所嘉樂是非深於聖王之道
明於當世之務者耶然江西河南俱再至惟陝乃公
初出僉之所今又總領大藩矣史記言東方物所始
生西方物之成熟故作者必於東南收功實者常
於西北故余知公之卿相之業繇茲其大顯云公西

行之日群僚出祖供帳夷門南溪公授簡贈言命余
申寫其事然既職在末位曷敢以不敘焉第言之畢
適益蔽公之高美爾是時補右使者則按察使豐山
孫公

贈總督大司馬石岡王公進錫序

比歲邊不得寧上勤于西顧爰結戎紀而專制帥便
宜戰守之防綜飭功罰之令總理方略弘壹調度則
師丈之選文武之才足憲萬邦而貞六師而後出則
有重於泰山入則功光乎日月是爲安攘胥臻內外
咸輯吏盡樂職而民悉序業夷守定固而戎馬閑也

彙集

序卷三

五

章

而後朝廷有大凱之樂臣子有竭忠効義運籌卅萬
全之勲而後光表碩膚嘉貺寵榮鴻名照耀休烈永
存是爲明良之盛寥贊之隆提福四海爲生民慶是
故豈弟君子求福不回民之攸暨是故交于神明則
有歆盼之享洽于人民則有頌美之孚我大司馬兵
部尚書石岡王公實承上簡命授界全陝三邊四鎮
而節制之是爲嘉靖戊申蓋是時總理方略弘壹調
度于以安內而攘外者亟倚乎公故公自本兵移鎮
式遘于行入關與吏民約所以撫綏與將士約所以
備禦又親霜霧溫嵐沙周歷邊徼視阨塞險要兼

備軍實而高正之須蜚輓之供儲積之待車騎之修器械之戒無弗整也斥堠之縫封守之戎無弗虔也戰陳之勝壁壘之堅無弗審也驕匱之防進止之機無弗省也春夏水草生邊令部曲耕守以其餘力合築塞垣西自瓦梁東及響水延亘殆將百里使千夫乘塞列隧而萬虜莫前故胡人雖秋高馬肥不敢南向而牧于是師有不戰之勝兵有時戰之威故虜我一過西海而甘涼已獻俘矣公方憂勤儉素多算廣謨本之以忠誠行之以仁義周之以智慮震之以剛健質之以詩書文之以禮樂時戒懼而持之俾不敢

齊集

卷二

六

章

急日詔國人而訓之使知其方而虛文疑說務勝好奇矜能喜事緣飾以希功名之會者一切罷棄而利害無所繫其心故居中鎮靜則群動遵軌舉得于外則福生于內故文墨之吏壹意撫民介冑之夫搏心禦侮間閭寡愁歎而疆圉絕爭獬蓋自公命之于今三年所謂吏樂職民序業邊底寧誠已然矣維時大司馬爲表其勞天官冢宰爲奏其績上乃大悅賜褒美之書崇貺錫之典晉公太子少保仍蔭錄元嗣拜命之日三軍之士莫不起舞吏民瞻育聽風咸共欣慶若曰今日朝廷有竭忠効義運籌冊萬全之臣如

此太平天子有大凱之報如此于是藩吳長其德議于政事之堂曰昔漢後將軍趙充國經理西羌宣漢威德料敵制勝計出萬全天子既冊元勳詩人爲之頌曰昔周之宣有方有虎詩人歌功乃列於雅在漢中興充國作武趙趙桓亦紹厥後今三邊實廣于西羌兵糧弗加于漢代而坐制勝全尤有難于充國者乃威謀慎重正律矢文昭其果毅武過醜虜即其威惠如山如河豈曰柔遠寧邇慰我皇心實冀潤我人而福之則匹休方虎比跡營平我公爲有烈焉况今躬被寵靈荐承福祉以有慶也則頌美之作可

齊集

卷二

七

章

無絕乎左叅政天胤時與執事之末乃謹述公威德列此敘辭若陳詩歌功如雅頌所云則明堂清廟高文典冊存之聞之古曰君子服寵以爲美安民以爲樂聽德以爲聰視遠以爲明夫聰明者聖之德也美樂者時之遇也或德盛而遇道或因緣幸會而不必克聖世豈少哉乃今公實有之尋以其德還而翼亮于清穆也以康四海之民以綏萬世之寵光文其不在茲乎

送大中丞約慈歐陽公撫治鄖陽序

鄖陽咽喉楚蜀襟帶漢沔形勢扼塞風氣標激而山

林川澤之饒可以給民故其民多蓄聚而罕積蓄而他所流亡往往歸集其地通乎漢中商洛南陽汝寧之間故四郡之俗亦多枝柱急疾茲究易萌非輟輻而銜轡之難爲理也于是四郡之內各有兵備撫民方面一人而于鄖陽特簡命御史中丞一人開府坐鎮所以括綜方畧綴一統類然職以撫治爲名則誅錮之不專而保合之爲務仁義之理不殊而德威之宜異也故爲政在人言政有方體而化裁繇之焉今歲甲辰前中丞員闕上命浙江左使歐陽公以右副都御史往賜之璽書假以節鉞蓋簡風望而登之故既重且專矣然古之君子抱道德于身負弘濟之志方其蒞器俟時思無出位及策名展采則亦患乎任之不重而柄之不專蓋不重則不尊不專則不一不尊不一而能視民而能使民懷德畏威式和彞憲者寡矣故君子于其重且專也而欲其道之行焉今歐陽公奮膺簡擢雄制三面吏民約束咸聽指揮故朝晝令堂上而夕風行四境矣公喜悅則春氣澤流震怒則川谷凜而成秋蓋自外大夫而下無與抗禮者自閭閻氓隸吏胥而上無不待命以爲榮悴者則所謂重與專者信然兼而有之然其居尊守一節在導

施使媮媚務勤流徙安集寇竊衰止姦詐銷亡禮教蔚興而兵刑備戒則仁義之大較而德威之兼資也知公必有以焉夫民一也編戶之民易治而流徙之民難爲瘠土之民思善而沃土之民多淫何也勢也善治者因其勢而理之則必有以通其情而移易風俗之化繇是而可期不然以編戶者爲吾民也而以流徙者非吾民也而逐逐焉日防禁之日追呼之使其人搖搖如風林之羽則是我以私心待之適先自處其難彼有不難爲者哉不然以瘠土者爲良民也而以沃土者爲不良民也而逐逐焉日疑忌之日賤斥之使其人惴惴如湍水之鱗則是我以私心待之適先自絕以善而彼有不多淫者哉故古之君子不分民而治不偏物而理有以節濫則民皆思善有以同利則民皆樂業如是而有不平則威之威之而不恪者未之有也故德而後威則厥威惟畏威而後德則厥德靡懷是惟仁義者能之故不仁則私不義則陂雖與之重任專柄猶無益于治體也歐陽公慈惠而直溫敬簡而貞亮自登進士秉禮秩宗歷試藩臬咸本仁義以爲用故德業炳然爲一時望今茲之行知必化行江漢而與詩人稱召公經營疆理之功同

登晉而左右密勿以其道相而理天下焉可也故嘗
臨祖與三司大夫尊美述辭如古贈言之意云

送前溪先生劉公赴雲南按察使序

嘉靖乙巳正月戊寅浙參政安成劉公陟雲南按察
使先是銓部以公陪推浙之右輅時上方加志疆囑
之事急風紀之司故陟惟其人公惟其陟焉駕言但
征官僚適錢公有言公資望年勞敘遷為稍淹者余
攷之公秉德醇亮履道端平守直不阿居寬有制紹
世服儒遵古勵行懇懇于愷悌之風禮樂之意者矣
自登進士迄今踰三十載初三仕大邑政成民思繼

文集

序卷二

十一

章

歷刑曹獻辟清允出守二郡惠化光乎副貳蜀臬參
知浙藩咸弘表憲儀澤流懿德蓋公每有揆議必根
據物情每有設施必務先大體故其道經德而不回
其政循理而不擾雖詩書所稱和平正直茂以踰焉
由茲治行以致資望歲月以攷年勞則既賢且久矣
執政持是三物以敘遷天下之才而庸之而賢且久
者猶為前薪則其為有淹也豈不信哉然辨賢而登
列者用人之事也守道而無求者貞已之常也故以
言乎用舍久速則存乎人以言乎盈虛消息則存乎
時以言乎履則存乎常焉子曰君子素其位而行不

願乎其外其履之謂乎又曰君子居易以俟命其常

之謂乎在昔皇猷之世民率恒性以貞物無畔援心
無飲羨宅仁以為安路義以為通位禮以為尊鏡智
以為耀質之以忠信文之以禮樂學聖業不敢少
愆惟守其常而已我守其常而物莫能變故履道無
弗坦也故古之聖人可用可舍可久可速可盈可虛
可消可息而吾無怨尤于其間者常之至也然仕或
驟而累遷久而非調賢而沈於下僚德而遜世不見
自旁觀者視之則有淹駛有崇卑有顯默然以聚君
子之常則遜於其過而已矣故耕莘釣渭不為遲屈

文集

序卷三

十二

章

阿衡鷹揚不為顯伸遜其過也後世常道失守人趨
競躁朝問津要途夕投書政府日睥睨墻仞時垂涎
鼎順以先得為高疾末路為委蛇機變為通敏貞守
為鈍僻夫通者既姍鈍僻淹者亦厭委蛇由是士人
往往以貞為戒遂毀其仁宅涇其義路撤其禮位垢
其智鏡伐其忠信揉其禮樂慕達節劾通顯如秦上
首功而人習戰殺曾不知其猶火而併焚也伯陽父
曰知常曰明不知常妄作凶嗟乎弗明也久矣故出
處之際可以觀人淹速之間可以觀德劉公資望如
此其賢也積平年勞如此其久也今所敘遷裁至臬

長吾以觀乎有位察韓子所謂尊高溫厚則有大謬不然者矣非公確然貞守其常能如是乎吾聞公在即署執政嘗欲改爲御史而公固不就則宜有是之淹矣雖然君子之道焉可誣也吾蓋觀諸天地之常而知遠者大者焉二儀混茫三辰隱藏摩盪既久曜靈乃章孰爲之理曰惟厥常故君子之道不息則久久則微微則悠遠悠遠則博博厚則高明凡是物也皆非近小欲速而爲之者也孔子思王序數成功曰必世而後仁夫仁成於世則以三十年爲期今公履道守官惟其期矣由是大行其道以崇博厚高明

文集

序卷三

三

章

贈觀察使南橋李公陟蜀藩右轄序

公稟名岳之醇靈策昌賢之景運貞載物之厚德贖位事之脩能惠直紹山甫之嘉儉靖履公儀之淑藏馨瑩於沉潛廓弘含於渾博文質兼資道器不二彬彬乎體仁篤行之君子者矣初以明經甲科即署二京繼綰郡符超衆藩務並抒前美克闢鴻休功光虞典事邁漢條由是上嘉悅之乃于甲辰之夏陟戶浙

文集

序卷三

三

臬蓋盤錯之地太阿是憑公下車之日慨思急疾風非清平之化鈞飾之虛罔明弼之實乃躬率德樂職中和權審手憲銓綱綜乎禁網議事以制爲度約法以省爲章故小大之獄必當其情吏民之感攸歸於德遂令苛冗銷氛姦譎息響曾不半載幾於刑措處簡而施裕時罕而勤豐非攬轡則江海俱澄按節則風雷並益焉克爾哉由是上益嘉悅即以是歲之冬陟丞蜀藩蜀爲公參知舊疆吏民方懸去思茲再宣旬易勝鼓舞知公益抒前美大闢鴻休俾湛恩幽洽祥風顯披惠鏡井邑威帖羗夷流天澤於彌漫成帝力之疊疊晉之乎台階升之乎鼎鉉前美益烈鴻休永熙可覽於斯矣蓋德博厚者其施光能茂敦者其庸廣豈與菌燭鸞斯究其揚詡哉夫慶雲垂采見者欣屬鴻飛遵渚信宿興懷乃若明公和衷一堂之上投分屢月之交開布不疑宴翰時作有黃鳥伐木之真無白首按劍之薄即一日不見心各有冲况萬里睽携浮雲奄忽如之何其處情也然則曩時歸聚之歡祇以綢繆日之悰云爾公車既脂察案出錢乃相與綜述事意光表攸行

敘石南子奉壽大司馬萬公治齋老先生

嘉靖二十二年七月庚申公自丘園以御史大夫受上徵命統節南征浮于江漢臨于沅辰觀險于五谿厲兵乎二省運籌決策遣將授符機以神速爲貴算以廟勝爲多廼用十一月甲子申伐鬼國肆剪蠻方探罪鎮算校讐銅平是時谿峒霜深苗黨霧結怙久稔之兇惡莫當之險曩在宣德嘗一勦平則勞兵十萬費食一年故議者每以爲難公于是止用師三萬克期四月遂屠夷徇鬼割裂巴龍灰塵瓦聶蹂躪靡靡戕木葉摧雷公犁都庫擁糯塘斬首上千俘獲過半繫渠魁而待命走脅從以圖生於是山箐失其險

太倉集

序卷二

古

勁間戎得其晏寧餘威震乎氏焚緒烈疎平作印爲明年二月丁卯奏膚于朝上嘉悅之晉兵部右侍郎蓋苗夷蕃悍增羨于昔而兵力所施翻省于前事半而功倍威顯而德併非夫大道之隆弘抱文武之畧得附衆攘遠之宜曷克臻威如此也凱旋之辰縉紳大夫以下莫不郊勞慶讚詠酬厥美石南江子方參知浙藩乃即公壽誕六旬之日逞以其情致慶讚焉賦南山之雅寓萬年之觴展親戚之義頌邦家之光外史某聞而嘉之且甚信然其言也乃爲敘佐其事意曰惟皇上帝舍和秉禧爰錫善類厥惟葆茲在昔

太倉集

序卷三

五

先民欽淑履祥祈天永命福壽康寧顯用考德故德善降之百祥非以儆神惟其合德不然何安設貞吉惟天爲大哉書籍所載咸彰此理稽其最著則南山皎焉故邦家之光德暉普也萬壽無疆吉永貞也司馬公端亮淵懿經緯天人振儀先朝耀德大位正議崇憲恢紀植紉既而知幾處神韜光立園迹雖晦而名益顯德既盛而業益隆故簡命特徵勛庸載赫昔仲山甫出則經營四方入則典司政本贊命調化熙鴻罔極邦家之光莫闢於是矣明公今其以之志曰宜民宜人受祿于天立德立功宜其永年亦萬壽無疆之指也故愚竊以石南子之言爲信然誕辰爲其年十月乙亥二十七日

敘浙江按察使抑齋盧公晉廣東布政右使

廣東僻在嶺南爲古百粵之地唐虞三代列荒服外自秦畧定揚越戎五嶺漢益開拓疆圉而番禺之間始稱都會歷代相沿風土寢勝明興綜壹四海畫省分藩迺敘廣州等十郡麗廣東布政使司其地負山抱海外控交桂內肇荆吳閩越島夷陸居海中重譯通道瀕海多犀象羣鳥珠璣翠羽銀銅果布之湊號爲沃饒險阻之區蠻夷大賈往往挾取珍貨相貿易

故豪猾則通番舶其次則通山以謀且夕或競利則相賊殺無賴則肆爲剽劫故盜寇滋多軍旅數興蓋東南邊鎮莫是之重焉矣然古謂沃土之民多淫險野之民多盜亦勢所必爾者乎夫更化善治懷撫衆疊勸導之以禮教束縛之以刑罰總其絃枋而盈縮劑量使吏奉其職民安其業鳥獸革面梯航遵軌即海不揚波而內化光遠則惟牧方之臣之任故牧方得人則邊境安寧或不得人則往往多事故朝廷每命藩臣必慎簡資望鴻碩材德文武者往往莅其任嘉靖二十二年秋廣東右轄位虛廼晉今浙江按察使抑齋盧公惟其人也公秉上哲之資抱中和之德蓄淵源之學宏經緯之才履道坦夷持節貞介繇舉進士歷官兩京刑部郎署特調兵部職方時西北多故大議盡所裁決廟無遺策邊竟底寧陟廣東叅議歷浙江按察副使布政大叅政至總憲皆廉正不苟仁義並用貪戾斂手氓庶安席群吏順令嚮風士大夫服德慕誼及有是命中外莫不喜說謂重鎮得人謂朝廷知公之才之賢行冒臺省顯節鉞據鼎鉉出將入相爲國家建安攘之勲樹興隆之業繇茲其不顯矣魏劉劭有曰凡人之質量中和最貴矣中和之質

平淡無味故能調成五材變化應節故其人質素平淡中脣外朗筋勁植固聲清色懌儀容正直則純粹之德也吾每以是觀公而知公之大受鴻造榮名茂實未可涯涘况其歟歷已牌炳如是耶公將行群僚大夫咸相率爲詩以美榮域而贈之別和峰鄒公視余敘述其事

送獅山柯公赴河南行省右轄序

孟子書與公孫生言加卿相之位山霸王之業而不動心也而曰我知言我善養吾浩然之氣先儒曰知言則有以明天道義而於天下之理無所疑養氣則有以配夫道義而於天下之事無所懼此其所以當大任而不動心也是雖有說矣然非孟子意也亦非公孫生意也夫公孫生亦知孟子之當大任而不以爲異也其曰動心否乎蓋私以得位爲樂否也夫以得位爲樂則必以不得位爲憂矣以位爲憂樂者世俗之情也以道爲憂樂者聖賢之所以異於人也故樂則行之憂則違之確乎其不可拔夫何疑何懼耶其曰道義則然矣而曰知言以明之養氣以配之是以義爲外也失孟子意矣夫道義者性之德也氣之帥也事之宰也確乎其不可拔者也不可拔者不動

者也夫不動心故知言可以俟聖人養氣可以塞天地夫聖人可俟天地可塞而心有能動者耶凡有所動於中者必其道義之弗純者也故孟子曰其爲氣也配義與道無是餒也夫配義與道者言道爲氣之主帥而氣即次焉者也無是餒也者言無主帥則氣不充焉者也氣非內也義非外也而曰合而有助若觀貼然失孟子意矣古之夫居廣居立正位行大道中心純乎道義確乎其不可拔故得志則澤加于民不得志則修身見於世世之富貴貧賤威武一無所繫於其中而後其言可以俟聖人其氣可以

本集

序卷二

本

塞天地何假於助合何資於觀貼予觀世之醜俗以就功名因人以成事業類非有居廣居立正位行大道而爲之者大氏皆沿術用智假合觀貼而爲之故窮居多戚戚之士在位希塞塞之臣此道德功利之所以分舜跖王霸之所以異夫世衰道微聖王不作諸侯放恣處士橫議邪說誣民仁義充塞異端蠱起聖道響滅孟子生當其時國不能用苟有用我則必首闢邪說以崇正道抑伯功以興王業撥亂世反之正然則所謂知言者乃得位行道之大端而非以是而明道義欲其無所疑也當是時惟以行道爲心

不以得位爲樂故道行則雖受天下而不爲泰况卿相乎不行則脩身焉爾矣故可仕則仕可止則止可久則久可速則速乃所願則學孔子焉然則動心之說亦公孫生世俗之見已予觀古之君子建功業於天下流光明於後世未嘗不本之道義行之剛大而明君簡賢以自輔俾又以弘化亦未嘗不斯人求之然或所用非所養又往往不若是烈於戲難哉獅山柯公明允而篤誠剛大而直方起家正德丁丑進士筮仕兩邑最廉正徵拜諫議慨然以天下爲任封駁建論侃侃閭閻不畏不撓大要距詖闢邪以明王道

本集

序卷二

本

出守寧波武昌歷兵憲四川參藩廣東所在道行義立黎民允懷豪傑懾服今歲二月來總浙憲紀綱縷布吏民仰首嚮風然轉而之河藩右轄矣河藩居天下之中處河山之會宗黨蟄殖供餽日繁百姓困於徵使吏不能恤荏苒多盜奸人犯法吏不能捕頻歲備胡河北民又怵于兵吏不能爲以故地稱雄巨而政事多干他省故方伯之選常慎簡其人以爲之重公之茲行實惟其理然公之嚴嚴之氣侃侃之行卓有似於孟子由是而加卿相之位則何以哉三司大夫咸舉節以相贈也而予以讀之孟子者申之兼以

考德而問業焉

送都閩驃騎大將軍巢湖傳侯乞歸序

巢湖傳侯之專浙閩也令簡政因而軍務平軍人說焉明年甲辰忽上疏陳疾願乞解印組去得蒙旨遂歸三司大夫僉出祖送之文谷子敘曰古之將者受命制閩申保郊圻總領方略戒禦不虞居常則整伍礪械鍊氣積威有事則展策勛智勇交布皆不遑啓處不敢先身之圖而後國家之急是爲干城之器方虎之備詩書所稱莫之有改焉今傳侯既專閩受事有封疆之司軍旅之寄則常體古名將之所爲而

奏集

序卷三

三

章

乃智未効謀勇未宣力即引疾乞骸息陰丘壑比逢掖之遐舉追考槃之緒風是遑啓處而先身圖也吾感之傳侯乃力疾頓首言曰噫嘻敬聞命矣鄙人曷敢以例此哉然嘗察時以自我也則介冑不可以語太平擇櫟不可以厠隆棟今皇風清穆海宇晏閑鳳滿朝珠璧投野雖有伊臯無所用智而况武人雖有尹商無所用勇而况非村鄙人實抱擁腫之病被蒙匠石之棄且時而不去非智也見義而不爲非勇也乃今幸得以骸骨歸方謂荷天地之鴻私出犬馬之望外而明公猶詰我以大道訓我以古聲鄙人曷

敢以例此哉諸大夫於是傳侯始也若非智勇人也而今乃知傳侯人之智勇也夫量時而去就曰非智去而不疑孰曰非勇古之豪俊過時有爲則奉皇極而吐玄策擁華蓋而躍天衢其不可爲也則亦龍蛇其身而已矣假使傳侯不去縱不得立功萬里之域揚輝三光之高譚烈名于竹素銘豐實於景鍾耶磬折取容守官一而縮銀黃佩三組日與雄藩冠蓋雍容以遊豈不可哉然而有不欲焉則傳侯之賢于人遠矣傳侯世胄少營業儒居廩膳後連舉不第乃襲其先將之蔭而歷今官然其行止之際誠非讀書體道者不能也故讀書者非以博科干祿爲也要之適吾用耳夫材爲世出道以時庸傳侯既有能以智勇律身則當待時而出如古名將之所爲矣余特敘而歸之

奏集

序卷三

三

敘贈大中丞爭峰張公初從浙之潘參移鎮廣

東

惟歲癸卯余奉璽書視費校浙中則訪諸寅采而稟度焉于時歐陽左丞及諸大夫咸語余以爭峰張公之盛其略曰公海嶽英琦珪璋淑質天粹內融德曜朗曜道衍關閩之緒學傾揚馬之波是以掄魁里選

上第甲科儀鳳羽于天朝布鴻譽于海宇初至大
禮官搏心禮樂揖志襲龍上疏武皇謙諫不撓秉直
南遷亮節逾茂今上御極延攬名流收羅宿望則起
公簿領之餘置身即署之上乃三提文印闢道東南
兩參大藩升猷吳粵有文經武緯之才玉振金聲之
實既陟中丞受授節鉞開府鄖陽則江漢廓清徙鎮
洪都則聲教赫奕可謂鄒魯之儒宗伊傅之匹儔者
矣子問度其若人之思乎余退檢案牘得憲令若干
條乃公襄布學官法經人士而有效者其崇正學則
精一之規也其迪正道則明新之矩也其正文體則

文集

序卷二

三

雅頌之所也其端士習則道德之同也卓哉廩廩乎
言之維法行之維則者矣然非深造洞極聲律身度
其疇克爾哉故余也竊有志焉而未逮也明日以告
歐陽子而謝之歐陽子曰是所以爲淨峰者也曩淨
峰以督學曹參浙藩尋有安南之役上將命大司馬
統六軍以行而選文謨武畧之臣經贊籌帷于是公
應簡命移而鎮之廣東方是時群僚大夫偕有贈言
之什以公亟行迄今未上子其敘而述之以補申章
之義可乎余乃述左丞之語而竊附景仰之私如是
崧高之詩曰申伯之德柔惠且直操此萬邦聞于四

國公其以之吉甫作誦其詩孔碩其風肆好以贈
伯諸大夫有焉又曰高山仰止景行行止蓋某之謂
矣夫身雖不至而心切嚮往其誰曰不然哉

送勿齋婁公赴福建布政左使序

皇帝臨御二十有二載益加惠海寓慎簡牧方務安
養元元用敦化理維時福建布政左使員闕執政推
上今浙江布政右使婁公調補之帝曰可除書既到
婁公乃祇承于役式過其行圖卷在東行李蕭然而
浙之吏民耆老縉紳先生之徒皆相與祖餞都亭遮
畱郊野仁風四流義氣群翕綢繆填委傾聽駭觀三

文集

序卷二

三

章

司寮宋重蓋簪之雅素光錢宴之有孚依依終朝益
不忍別蓋欣其道之行而悵其伊人之遼邈云約菴
歐陽先生顧外史氏而語之曰人情之於官也迎之
不若送之之爲真也畏之不若愛之之爲至也然而
可以觀德焉已婁公茲行送者寒塗愛不遐謂其至
誠而能動威德而光輝者乎而何其得人之情深如
此也于是外史氏作而紀曰然哉然哉古稱仁人君
子真德實行循理樂天其心休休其政閭閻其感人
動物無所于知而其入焉者如登春臺而煦煦焉和
而不自知也如飲醇醪而陶陶焉醉而不自知也故

大海蕩蕩水所歸賢愉愉民所懷詩言豈弟君子
傳稱威德至善豈非然哉世風趨下忠信乃漓吏治
蒸蒸日上偽諛利則飭智以罔民及名則違道以
干譽生事則多端而動衆好奇則變常以惑俗上下
相蒙怨惡滋起故民情有刻木而期不對去位而恐
不速甚疾之也而況于愛而送之者乎善夫人之言
曰名不貴苟傳行不貴苟難權爲茂矣而其幾不若
經也辯爲美矣而其理不若訥也文爲顯矣而其中
不若樸也博爲盛矣而其正不若約也反經以持訥
抱樸而履約其真德之義而實行之理乎故通於道

秦集

序卷二

五

章

者其守約明於治者其統近其守約者無弗廣大也
其統近者無弗高遠也故忠信者治之本而道之先
也縣于茲者畫公以之公天資醇厚德性廉謹忠信
而愛人易簡而不苛始以明經射策登進士甲第出
知趙州以廉平寬厚爲治趙人以和居三載徵拜戶
部郎中尋督理糧餉并肅廉平以處錢穀寬厚以與
軍士而邊用足邊人和焉居又三載拜杭州府知府
杭故稱劇郡公至壹以廉平寬厚爲治杭人壹以和
爲作青天之歌其詞曰青天兮昭明赫兮覆我以無
數兮居六載拜福建運鹽都轉運使公至既以廉平

寬厚爲治而又釐察錮弊疏通法品式精明綜理
詳密商民和之居四載拜浙江布政右叅政商民懷
思爲作惠我之歌其詞曰惠我兮何私去我兮何之
帝弼汝兮臯夔望闔閭兮懷思又曰侯功德兮在我
閭水萍泱兮山嶙峋起栖枳兮敷懋大綸悅歌効祝
兮衣被陽春又三載而拜布政右使是時歐陽公爲
左使方以端亮清平爲天下先而公壹以廉平寬厚
相佐治由是吏奉其職民悉樂終其惠故一時稱方
伯之良號公等爲最盛乃今遷陟閩轄閩人亦得終
蒙其惠而公之廉平寬厚之化遂大溥于閩何其威

秦集

序卷二

五

章

哉初公之去杭也杭人思之勒碑吳山之館及其去
閩閩人亦建生祠而勒碑祠中今蔡司馬候官人經
前許給事海寧人相卿皆公正不阿明理達世而樂
爲民課碑述公之盛德甚稱名實此豈今之仕宦所
易得哉然則今日之行罔宜無弗愛且送者矣所謂
至誠而能動物感德而有光輝豈不然哉豈不然哉
昔班固作循吏傳稱黃霸朱邑龔遂召信臣等治郡
所皆民樂所去民思榮名嘉美祠祀無窮此廉廉庶
幾德讓君子之遺風若裴公者何加焉先王養賢輔
治歷試不磨故公卿之選岳牧攸咨以勳歷既久諱

緣益深通于當世之務明于國家之體故也以盡之寬厚廉平老成醇懿將起而登陟臺晉而調鼎鉉上佐天子建中和之極下錫極四海以康兆民豈不益美哉于時群公之惓別者咸有慰于斯言畢用書之以紀其行

贈退齋先生林公陟湖廣按察使序

按察使總憲一方或以爲刑名是大不然夫憲者法也自天地設位垂著象法聖人則而寬之以成其能於是範裁百物經緯萬端本仁施義降典折刑典則裁然而不可分刑則凜然而不可犯蓋自朝廷百

表集

序卷二

五章

官以至萬民自家國以及天下自一時以達萬世咸循道遵軌定志順分君子日進德脩業而不自息小人日遷善遠罪而不自知風宣教流上穆下敬禍亂不作政治尚德而不尚刑何也天理明人心正憲法弘也故唐虞之世畫象而化皇陶淑閭閻陳九德呂命訓刑務在悲憐此其憲有所端不以刑罰以刑服民憲失其本矣故天理不明則人心陷溺陷溺之民罔不畏死故以死懼之犯法滋甚然憲豈刑之謂哉故先王之賞人也非以崇欲其刑人也非以肆忿以明憲也後世憲本失真議事制罰用其民一以刑

辟勢至以刻爲明以深爲公使天下畏治獄之吏有疾痛之心而乃襲取其明公之名以矜私能則不止于肆忿矣此則認刑名以爲天憲者之敝也傳曰正其本萬事理差之毫釐失之千里可不慎歟余嘗索是理於中庸其曰大哉聖人之道洋洋乎發育萬物峻極於天優優大哉禮儀三百威儀三千則憲莫備焉其曰待其人而後行苟不至德至道不凝焉則弘憲康紀明天理以正人心使上下揆道守法截然知不可易凜然知不可犯官不訖威民有懷畏非是實德真達治體則毫釐千里幾何而弗差也林公稟明

表集

序卷二

五章

允剛正之姿迷唐虞三代之德道以中庸爲依學以廣微爲致本自延閣高賢秩宗典禮始敷教新中後飭兵柄上並光昭文武允憲兼資既復敷教廣服參政浙藩益克終政教憲化覃流比湖廣按察使關天子特命公往任持總其憲以綏豐芑之原誠其榮遇矣然憲法所在人人皆得而奉之皆可以明天理正人心顧復有不然者或官守之專分不一憲本之貴不省殊爾治體好尚風化影響豈有迫驅亦曰表正表正之常是爲天紀調天之紀以回民應以貞師師以肅泯泯由乎此則爲天理明人心正不由乎此則

爲匪恒爲弗貸其孰曰不然者若云臺憲之臣但以刑名則害禮傷教誣君子體道經世之誠開小人以威雪盜騁之僞世道之污隆繫于此矣昔子產鑄刑叔向詒讓世衰道微邪說暴行有作孟子正之雖其時事不同要之皆闡厥憲今公之總其憲也事專而位尊事專則易舉位尊則能信當必象大易風雷之益取四序春秋之理推孔孟救世之心顯聖王垂憲之意晉而執衡司鉉匡運格天一弘憲如一方而百官萬民天下萬世莫不同景光烈則至德之脩能疑道之實事所謂待人而行誠有待焉者昔公之備顧

文集

序卷三

五

章

也適代予今予復從事公後故竊契公之賢而知與道之易易也時公便南邁三司大夫咸有贈言之托因輒漫次臆語附而請裁

贈蔡峯黃先生晉浙藩少參序

余南游于浙而脩取友之學于憲僉蔡峯黃子則得其談易與其尤長于易之政焉蔡峯子之談易也比于今所傳章句爲有發揮守墨之士所不得而喻也蓋其意一本之心極所謂聖人以此洗心退藏于密齋戒以神明其德寂然不動感而遂通天下之故而以變以占以象以辭悉存乎感焉故曰吉凶悔吝生

文集

序卷三

五

章

乎動者也君子貞所以感之者必慎乎動故終日乾乾不息于誠而懲忿而窒欲而遷善而改過而素位而行而不願乎其外斯求易于心而易其幾矣守墨之士執其象不反其心泥其言不惟其意居常啓懼授徒號爲講肆投試操管命題輒數篇可立就小者敘高等大者取甲乙之科亦明經矣然或當進退之際臨利害之交昧知幾之神忘處命之義雖多亦奚以爲是故守墨之士所不能喻也而余于是得稍喻之于懷蔡峯子之爲政也亦一本之心極而能體時而率物因地而施理遏惡而揚善損過而就中且貞固之幹持以不搖變通之宜行以不倦故茲仕大邑而惠敏敷晉拜諫議而嘉讜著出僉浙憲敕興屯理兼攝諸道履載三年而風猷允塞絃紀咸清蓋庶乎廉潔成務隨時變易以從道者矣是故其政爲尤長于易也而余之喻于懷者益于是乎有資乃甲辰二月蔡峯子陟參大藩不遠浙中而徒鎮焉則余聽其談經而觀其善政當亦不遠省閤而得之雖稍離析非遐阻睽則分袂之期猶若聚首于一堂也然追惟曩時同解宇數朝夕聯鑣并衙宴語稠互自謂密親及其吏案牽纏行縣委迫旅去旅來若春鶯秋鴻聞

不相見者屢焉况官守既分齋署攸隔即日在省中亦已握手無及况復有吏案行縣之擾耶乃知古人歎室邇之人遙懷嘉會之靡常良有以也既而蔡峯子果拜表還京自夏徂冬方始來晤晤未幾復東行郡縣去是為乙巳今春盡夏且復闌欲握手如昔遂已寂寥如是况復千里外耶方蔡峯子陞日蘇長柯亦陞而藩臬歐陽公等亦漸陞別去今司中舊僚獨余與石南白石盤峯在耳聚散之際能無感懷雖然聖人之盛德大業莫備于易而蔡峯子日以其道進德脩業功光堯舜緒烈周孔而余之所以友其德者將無窮焉抑奚聚散之足云也諸大夫是時咸有贈言之託而余乃自述此詞大夫曰嘉哉蔡峯子之德之政吾輩亦皆資之云爾豈曰子取之乎遂書刻簡端

浙江鄉試錄後序

嘉靖二十有二年癸卯秋八月浙江省臣例舉鄉試事成錄所選士九十人及其文二十一篇以獻其以執事當敘諸末簡于是作而言曰大哉人文之盛乎惟皇建極惟士乃興故雲漢章天俊髦所以延舉我闡化英人所以樂成蓋神化潛孚氣類響應有必

而政有象焉綱紀章也于是吏民大悅咸願立其有成忽復陟河南左轄去吏民乃大惜之公初以監察御史按部浙中光聞風猷吏民懷畏其後東觀風齊魯之墟西分陝而治中總憲河南距由河南而來茲也蓋踰一紀矣故人心思舊德悅新理而又惜其邁邁如此云言邁之辰白露初霜寒氣總至江潭送別朋來悲離何以贈之曰余有言夫先王代天弘化列官資理寄以風猷屬其光闡于是有宣條布憲育德厚生專厥莅御靜以歲月俾其下視聽審固心志寧一然後群吏仰式而蒸民遵軌罔敢携貳而淑于化是故官師有相乎天道君上成享乎歲功何也久于其道而天下化成也道之弗久雖美弗宣弗宣弗著又奚化焉故孔子曰苟有用我者暮月而已可也三年有成如有王者必世而後仁蓋思大化而歎其用也今上求治皇皇端理化機而官材辨治雲從林立然宰相擇賢而處恒若寡傳援德而任猶恐不速而德賢之士又自惜其抱道屢遷不得須其化于一方而人心幸遭思化卒亦不果于成余常憚之而不得其故茲于晚溪之行竊有觀焉蓋綠督之理可以守經至求治緩急之際則人才淹速繫之乃聖人與世

然皆多士之呈藝而興也皆鴻材利器通經雅詞
下得江海之靈上煥斗牛之曜積千歲脩而徵于選
選彬彬稱其盛焉故有司錄其名氏以廣其聞錄其
文詞以顯其學而又宴之鹿鳴以樂其賢升之天府
以達其用則多士之拔茅升階鴻儀鳳翽斯有時矣
然亦因鹿鳴而思所以爲嘉賓者乎彼國昔育于菁
莪作于雲漢者也當周之時其政尚文士生其間宜
文習武藝博學稱濟然王者篤禮義而求大道則曰
德音孔昭視民不怵君子是則是儆而嘉賓樂治世
而願明主亦曰民之質矣日用飲食辭黎百姓編爲

文集

卷一

爾德夫厚典惇禮憲世淑民非至德其曷成之故知
周之君以望乎臣周之臣以承乎君者一惟純德以
爲本而渾化以爲功其所謂文特用救夏商之敝焉
爾而非所以爲教也今多士涵濡聖化光顯藝材既
定其論將承其官君子望之小民後之茂哉稱嘉賓
矣毋乃盛麗之習而樸厚之漓乎夫雕文刻鏤傷農
事者也錦繡纂組害女紅者也煩禮縟儀虛談僞行
戕士德者也農事傷則饑之本也女紅害則寒之原
也士德戕則靡之極也可弗慎與夫周之詩有曰豈
弟曰顯允曰馮翼曰孝德曰文武曰肅離皆厚下其

德而不漓者也有曰詭隨曰夸毗曰彊禦曰掇克曰
懷忒曰譖背曰回過皆習于其文而流焉者也多士
其鑒審于茲如農之植本務滋而其積有茂也如織
之恤緯務績而其束有受也斯耶德塞道以臨示百
姓而民不媮以表義位著而君子法之爲龍爲光爲
圭爲璋儼然盛世之嘉賓焉豈不懿哉如其文而
已也吾懼其或流而靡也其可以弗慎與其可以弗
慎與

文集

卷一

三

孔文谷集卷之三

起俗庸言序

夫俗緣教而成者也故化俗之理務在端教道政齊刑非其所先粵若唐虞之世其民淳穆遜于五品畫象不犯桀紂之時其民頑暴不遜于五品日誅殺之而犯豈其性有殊教不同也及湯與代之以寬文武反之以仁則頑民回面暴者改心此豈教有加益其性然也教則牖之云爾譬牖其室暗則光復而暗亡也故端教之機牖民孔易眎法殊軌則効嚮異趨矣朝廷以風俗之事命親民之長厥惟守令顧其當務

卷三

序卷三

章松

然或宣揚聲氣之元鼓動愆應感之節則視聽攸感習慮徂遷窳窳訟之類興而孝悌忠信媿讓之本衰矣議者率云寬政民慢挾之惟恐不猛於是而壹厲以政刑如療沈痼亟投峻餌或稍緩于目前而元元者急矣如茲而欲起彼澆薄登之渾厚豈不難哉矧令條之匪厚也夫渾厚之道民性本函習而貫之乃成自然正如所謂暗室梁棟壁題几席帷杖無物不備無庸不習特荷牖未闡則成蒙豈有以牖之便畢朗通故端教之機牖民孔易以此象彼或無遠焉記曰移風易俗莫善于樂樂者樂也樂者性也性

者教也教既爲民樂矣俗豈有不易哉余謬總覺序之憲有賴省之司比東校藝括既與諸生綜文質之際問郡縣之政教乃還稅諸暨證緒山子論學崇山而縣尹履祥等方錄其紹興太守蘇君之起俗庸言四十條以眎法縣之人士而教之余既善尹之循理而章教而因細攬太守之書則知宜風不舛而動物靡愆會稽之俗當繇此起云詩曰周道如砥其直如矢君子所履小人所視庸言陳宗廟名義祭祀燕享教養等物較然正直不有君子小人曷視哉

送冲菴先生歐陽子知蜀藩序

卷三

序卷三

二

章

夫括既之阻大江之東藩也岷梁之隘西南藩之最也天子簡封疆之臣綜戎憲之事不有達才曷克兼資者哉歐陽子者天才之達者也道姿冲睿德輝朗宣博雅聞神識藻鑑自登進士歷水衡影纓朝署之間延首垂衣之化當是時也群才等跡於鳬鴈特達羈理乎珪璋及出副浙臬專奉璽書重鎮封守則投大之會而歷試之期乎夫人負大則求荷於力受試則必有所懇求其中無激動外無張皇而雍容以居而閒暇以處自非特達豈不難哉歐陽子自開府以來三越歲於茲矣吾觀其居常談笑樽俎點染篇

翰登高臨深劉攽周聽一若無委於吏局無事其
能者然其飭軍旅表官屬斷案剖辭防警察姦則如
操刀而割悉中肯綮之會合于桑林之舞是故東藩
之理清靜寧一不大聲色而盜山之徒舶海之寇日
衰止焉而後知歐陽子之才爲天才之特達也頃拜
新命參政蜀藩夫蜀固西南要奧擇賢才以資屏扞
然得是人而達之何有哉古詩稱玄王桓撥受小國
是達受大國是達率履不越遂視既發美哉洋洋乎
達其至矣是故深識可以極微博通可以運廣不越
者式遵其軌既發者無出其機而後掌布之績光於
虞庭大治之休垂乎殷祀殷人頌美升歌原本盛德
而章之曰達是故司徒之政萬世可知已季康子問
賜也可使從政孔子曰賜也達於從政乎何有是故
君子不患乎無政而患乎政之未達焉爾歐陽子學
仲尼之道有志三代之英宜其達於政事然由賜之
優進司徒之盛將無施而弗溥邇有光乎前烈蓋由
茲其選也初歐陽子既駐括僚友恨不數會或歲間
往來輒隔止浹旬宴語闌夕依依不忍復去是亦達
之徵也今西去蜀萬里意何以堪然達則無間於心
其別云傳曰棠棣之華副其文而豈不爾

望是遠而未之思也夫何遠之有其達心之謂乎是
時群公大夫出湄飲錢成紆此心遂本贈言之義而
爲永懷之慰云爾

送月山楊君赴清浪軍叅戎序

維世天清地寧偃革脩藝垂百七十學士大夫壹意
文憲車駟材官晏然疆陲飲馬射雉終歲不肯一戰
而武功不勲將畧譎諱大司馬推轂徙鎮一以歲月
爲資勞而已而圍臣之任稍與漢殊然或倉卒有事
則介冑之士急於星火庭推闡授弗遑日夕亦其勢
然哉昔歲庚子匈奴掠過鴈門高闕辛壬癸甲四歲
無歲不過南渡漳汾東瞰紫荆西登黃蘆皆流血時
來草死後去當是時羽書如月甲士如雲猶無益于
折衝不能當其傷破何也兵策久安而素定未重也
然則制勝于無形應變于不測取之乎無窮用之乎
不竭非有鴻謀駿烈知名蚤計一旦而欲委副猶云
難矣史有之非信廉仁勇不可以傳兵論劒與道同
符內可以治身外可以應變君子比德焉於戲鴻謨
駿烈離信廉仁勇奚以哉皇帝新神外攘悉意虎臣
大司馬每上將領必謹擇其人大畧先此四者去歲
浙閩闕人用月山楊君楊君來則有文事以濟武備

余敘此數語云

別敘

余與龍巖趙子偕登今上壬辰進士其年余外補督學使者分陝以西龍巖選翰林吉士授秋憲尋改秩宗禮官闕然不相聞者數年後各遭遇徂遷或沈或浮或憂或喜如驚禽斷梗棲流無定闕然又不相聞者數年遂巡到於癸卯余稍從河藩遷督學江東明年甲辰龍巖亦起復來補江東憲使兩人闕然十載餘者裁一旦晤語之耳夫同生百歲離日已空十載能無慨乎兩人既相晤又同案署遂得數晨夕矢心

期簿書之隙復綜理學問庶乎文言所謂忠信德業乾乾終日者然余性疎淺志有存而行弗逮龍巖性深醇簡密日行與志俱余則師之云爾要之厚勵之機善信之意則如斷金與蘭山山然相入而不自喻也因追歎朋友經天命紀人倫王者不得則不與君子不得則不成有以也哉頻曾閱再諸賢脩夫子之道合志同行至終其身不忍離去有以也哉然則思吾十載之前良可慨矣今年丙午龍巖當進表上皇帝壽余亦且有秋滿之代則一行之後良晤復已中輟度其來日又安知非往日耶此楚老悲離之旨激於樂知之深魏公索居之僻差於離群之久而余與龍巖之心遂益纏綿慨惜不能自得前月孟陬龍巖未行余將閱嘉湖龍巖曰吾將行矣恐不及面予也乃連日酌余又夜送余過關歌于女信宿仲月余來自嘉湖龍巖未行又將閱寧紹龍巖曰吾將行矣恐不及面予也乃連日酌余又夜送余過江歌瞻望弗及時三月二日也余行二日到子會稽雨夜下燒兩燭靜坐回想龍巖與余別者酌之送之信之宿之瞻之望之神留意春色悵悵傷歌聲貫金石義氣薄雲天竊攬古書籍密親懿友登臨悵悵未有也而余

與以得是於龍巖龍巖亦奚取於余哉夫世態變與利皆驕樂皆稱譽皆善亦皆黨伐故有快易投必其人之與也而余貧賤木訥舉世不之比數獨龍巖有取焉則君子之所皆可也夫人之嗜好凡物欲皆有厭敝獨道義之悅不然故詩人有言心乎愛矣選不謂矣中心藏之何日忘之夫忘且不能矧厭敝乎明起試士中心惴惴如有所失乃抽紙筆敘寫別端顯吏報上龍巖且代余候送至西水又賦雙鷺一篇並上又憶龍巖管命余敘說其號今因極道義之事與乾父九三之學則龍德而正中者非龍巖之名

奏集

序卷三

七

第

義乎夫龍至陽之精無欲而靜故能隨時而動動與天合乾道變化品物流行遠邇幽明出處語默無不潛通皆是物也巖則高莊而龍宅其中乃居中應化龍之所以神也龍巖以之今別矣即山川間之歲月選之勞心切切曷云能來譬諸亢旱之時天地開塞山澤不通人民皇皇艱阻俯仰無門而神龍一驤首附翼則浮雲四流霧雨咸集當是萬里之通一息可遍然而忠信之德神龍也道義之情雲雨也人已賦形受役山南海北安能長握手不相離者願忠信所託道義至不至耳若龍德之雲行雨施固無弗至者

也今別矣復何言哉余志存而行不逮也則勉之龍行與志俱也則安之已乎

贈督學紀山曹公陟參江藩序

紀山先生稟淵哲之上資佩精一之正學特達表荆璆之重瓊琦挺衡岳之高故德行純備經緯夙成才兼述作道足楷模蓋天爲世理篤生鴻儒俾之敷歷以宣以蕃文命單敷國鈞攸賴焉矣方今上臨軒策士開館延賢之辰先生乃應選合符登崇躋華實所謂銷然而韶濩鳴蔚然而鸞鳳翔者也是故金門王堂推高文大冊之英石室蘭臺妙秘書執法之選既

奏集

序卷三

八

第

而按部南邦徧于江浙攬轡登舟並見肅清時海內多虞要公弘濟乃出守河藩進使晉泉尋奉璽書宣敘昇訓惟是晉鄙僻處荒隘三聖攸選九原不與士生其間靡所見聞是故師心綠俗之習滋而成德廣業之致泯矣常痛葛屨之謬陳彼魏風揚憚之書陋此西河醜習俗之固移思化工之不變乃遂近逢嘉會蒙被烈光提正印以主盟開心極而闢範謂錮蔽不可以明善則示之以講學謂卑污不可以致道則示之以明志謂越履不可以敦行則示之以迪倫謂勦說不可以綜文則示之以本經謂求材貴廣所

多蓄以鼓其機謂考課貴精所以
器以稽其效謂碩果不食雖老生在所
生可畏雖童子亦必與進至於登高作賦推誠體物
言出爲章動罔不吉令聞者聲入而神伏見者容接
而心向乃道均貫一義齊吹萬所謂興觀群怨之際
有感必通動靜語默之間無行不與者也然即其寬
而有制則司徒之敬敷也憚而能約則夫子之善誘
也於是三才之士其悟也如夢之覺其得也如水之
流焉乃先生誕膺簡命參政江藩駕言行邁委講輟
論是時學官弟子悵然茫然若墮若墜郡守而下罔
不同情因微余言以寫其衷余以意應之先生之生
以名世也以弘道也其諸所敷布皆欲匡一世使之
平揚斯道使之明而其精切廣大之旨皆寄與諸生
乃自心之本然非外物之假借所謂歸而求之有餘
師擴而充之不可禦者惟在服膺而勿失之耳不然
覺者復夢流者復塞雖聖日與之居亦迷途莫之返
也若先生之遠心冲度瞻智宏能出入藩維入司鼎
鉉德威業隆光配岳則讚之不能增其高敷之不
能竟其大云於是郡守師生咸唯唯頤頤遂軸而書
之以申帳餞因憶先生接浙之日余屬吏文學及

河藩余又忝丞署草木之味偶定交於五言鵲黍之
情竟如約於千里念人生之幾何而所遇亦已多矣
故贈言鴻飛不覺離緒之翩翩也

贈羅江陳公總憲江西序

初晉之民庶富而可教者河東爲上冀南次之冀
又次之而政事之難易因之焉近胡寇深犯災沴著
臻內繁賦役外劇邊防政煩教微人不興行蓋所謂
庶者凋富者耗而可教者亦寢荒矣舉其政事之難
則冀南爲上冀寧次之河東又次之焉舉冀南之難
則汾其尤乎其地近塞其供役每先於列城其治近
省其督責每先於群吏而又宗藩盤之食祿冗之於
時吏民皇皇日不暇給欲政之不煩教之不微不可
得矣乃嘉靖三十六年上命羅江陳公參知政事分
守冀南開府汾陽焉公下車之始即深察民隱允聲
吏治其所以推恩布德除姦祛暴壹以惠養元元爲
意而吏奉法民安業者日不應玉變焉矣始臨問諸
生大要以德藝爲上下德猶本根藝猶枝葉德即和
順積中藝即英華終外適見諸生多朴略少文即爲
文多不中於有司問其學故茫然而不對肩不反而求
之心乎孟子有言學問之道無他求其放心而已矣

心苟不放則德也者德此者也藝也者藝此者也而
而盈之聖同天乎如斯而已矣而奚舉子之業之
焉乎哉於是諸生覲然汗出勃然思所以自求也三
十七年上擢公總憲為江西按察使當其啓行吏民
與師生咸共攀戀靡靡搖搖如失所天諸生方思奮
緝學期永服訓言徵野史述詞以奉揚大君子之光
惠胤乃述其私所見聞者而著之言夫保釐明綱在
岳牧則稱其仁在臺省則推其入者盛德之至標載
之光也我公名賢宿望其德忠肅而恭懿宣慈而惠
和行見亮采於虞庭之上矣

文彙

序卷三

士

第

鄉耆趙翁七十壽序

余讀夫子父母之年不可不知一則以喜一則以懼
之訓以為此亦人之恒情耳而聖言垂憲乃如是
之諄切何耶及讀孟子人少則慕父母知好色則慕
少艾有妻子則慕妻子仕則慕君不得於君則熱中
大孝終身慕父母之言而後知孩提之童無不知愛
其親者良心之始然也及其感物而動移隨事而遷
改也斯有不愛其親者矣不愛則不之慕也不之慕
則不之知也不之知則其喜也寥寥焉惟得其私之
為也其懼也寥寥焉惟不得其私之為也一心之微

張喜紛之群懼般之幾何而能及其親也昔者子游
子夏曾參同受教聖門求仁體孝以事其親然游或
優於飲食而短於敬夏或長於服勞而少於色求其
善養志者則參焉一人而已其餘固已難矣是故夫
子之教人孝也自知年始也蓋自良心之愛易知易
能者發之也今匹夫匹婦雖號稱至愚然於其親之
生日也必有以樂之而為之拜焉觴焉雖身處異域
亦必感時興愴而為之憶焉喟焉何也良心之不容
泯也然則感發人子之良心最為切近而易曉者莫
大乎知父母之年矣知則能愛愛則能慕慕則能養

文彙

序卷三

三

第

故一日之養重於三公也如之何其勿喜三秉之榮
不俟終日也如之何其勿懼夫百年之內喜也以吾
之養親之日永也懼也以吾之養親之日有限也乃
孟子所謂終身慕也曾之孝舜之大孝繇此其廣之
也是故聖謨洋洋嘉言孔彰者百行之源也誦法孔
孟表裏詩書介親之壽永保康福者萬天之望乎鄉
進士趙文岡子聰敏誠懿夙能孝養其親蓋身體先
聖知年之訓而有得者茲於其尊翁七旬之歲令誕
之辰奉觴稱壽以展家慶情文爍於欄彩孝養芬於
鼎順而同游之侶邇來之舊各以其豹紉之文鵲筭

之祝彬彬而來也所謂躋彼公堂稱彼兕觥萬壽無疆者也太老先生目瞻蘭桂森庭之儀耳聆絲竹侑觴之響心和錫純聚順之致神游無懷萬天之野陶陶焉融融焉不知老之將至云爾望者以爲仙也而文岡子之喜焉而可以無懼懼焉而可以長喜者亦可知也然世之欲如曾子之孝者窮居可能也以操養不可能也欲如舜之大孝者窮居可能也以天下養不可能也文岡子羨塋思舜三省學曾既以登氏賢書策名天府矣行將躋膺仕祿萬鍾日羞五鼎之珍以隆愛日之誠其誰不曰文岡子之孝不可能也

素集

卷三

三

賀憲使譚子家慶四壽序

在昔上古淳熙沕穆神極統天精機肇世五氣清平萬有孚協當是時人生其間上被三光下游四序無有天閼性命永延故謂天下爲壽域以天下皆壽長也是爲泰畤之盛在天下中古則不然五氣間不清平萬有間不孚協故折木而淫稼火浸穡天大旱流金鑠石當是時人生其間內慾外勞多有天閼或

天荒之野無何之鄉其教不爲其民寡管合乎元祿葆乎混沌乃有玉禾醴泉誕生川谷人茹飲之悉老而壽故亦無有天閼性命永延故謂其國爲壽域以國人皆壽長也是爲泰畤之盛在一國下古則又不然五氣參差萬有糅錯災異荐臻嘉祥希渺當是時人生其間縱情嗜慾迷心鴆毒爭名競利毀道破德干戈相尋訛訛翕翕乃形神雙散隨實六極故鮮寡孤獨者戶有而疾痼死亡無空日也或十室之信上仁之里其道躬行其德處善合乎元祿葆乎混沌乃有天慶積于厥家父祖子孫康彊逢吉眉壽相望春

素集

卷三

西

酒載堂詩書禮樂照耀階序子歌魯頌篇孫上南山章亦無天閼而性命永延故謂其家爲壽域以其家皆壽長也是爲泰畤之盛在一家在天下者皇在一國者王在一家者昌西蜀譚使君家累世忠信服行上古之道躬脩善德不染世氛含元履順均體泰畤其先世既皆壽考乃今大父金沙翁與其父大理公及祖母與母氏太宜人俱劬德高齒白髮蒼顏並懸堂上齊樂林間而使君方弱冠登朝取進士上第南官大理天下稱平東僉浙泉江海揚清實演家世之休風而纂善慶之鴻緒者已惟金陵浙江去西蜀殆

八千里使君則時時懷望言昔衣褐之日家門清寧
閭井安和四老人在堂每日晨昏及歲時節令誕生
之辰問安拜慶未嘗不在諸兒孫之列而今望之青
天白雲正勞我心耳于是歲遣人一上家慶在南都
時都官大夫咸有四壽之賀茲在浙也其誰不思賀
哉夫賀壽之義頌禱之禮也余覽襄之善頌與高年
蓋未有一家而四壽者今蜀譚家慶四壽所謂泰齡
之盛不在斯乎不在斯乎泰齡細細輪齒彬芬日月
得之而久曜金王得之而長存靈芝燁其三秀神鳥
翩其五文物無稟而不瑞人何壽而弗昌爰省斯旨

文集

卷三

五

第

式揆厥祥鑄齡則壽善德則章承家則孝輔世則良
弘茲四者而後謂之昌然則使君之上家慶也尚以
此哉余故著冊書代諸賀者言譚使君名榮登嘉靖
戊戌進士時爲按察僉事別號少嶠吾先子有言始
於事親終於事君立身揚名以顯父母少嶠之謂也

重刻文章正宗序

文章正宗三十卷余既選工雕印布令學徒與舉業
兼資習之迺復告語其意夫文章爲教自六籍已然
蓋聖人之道本神其所顯設故自皆成文一天之垂
象而三辰曜如也故六籍所載皆聖人之道道者正

宗之謂也惟學者以道求之則凡文章皆聖學若上
以文求之則必支離乎道將亡羊多岐喪珠赤水遂
使神理微滅聰聰焉日見虛華而悅之夫虛華者無
宗之文也凡物無宗猶之乎不繫之舟與行潦之水
易爲飄蕩故人悅之無不飄蕩其志者直欲假之
以要紆青紫耳則茲意已不成章尚奚復他文有耶
昔子貢以文章學聖人而謂聖人者多聞人也多知
識人也及見其與顏子而默之則知聖人非多聞而
無弗聞也非多知識而無弗知識也迺有宗焉而舉
物不能出之於是乎反之而貫於一故曰夫子之文

文集

卷三

六

第

章可得而聞也夫子之言性與天道不可得而聞也
是言可得而聞者正不可得而聞者也合一語也是
爲得聖人之宗惟得其宗則載籍之間皆性道性道
之外無文章矣西山曰士之於學所以窮理而致用
也文雖學之一事要亦不外乎此故今所輯以明義
理切世用爲主其體本乎古其指近乎經者然後取
焉否則辭雖工亦不錄其義蓋辨乎此若學者徒以
文之體指與其本古而近經者求之則謬倍甚矣
有正宗焉不可以不察也經自嘉靖甲辰孟夏而
仲秋之望落成諸所督校咸識各左方

重刻唐詩紀事序

唐詩紀事若干卷舊敘是臨邛灌園居士計敏夫字
有功所集而爲懷安假守王禧字慶長鑲置郡齋時
記嘉定甲申年代既遠印版磨滅或無再刻之者故
其書罕存即有傳者但鈔本爾嗜文之士意恒闕如
也嘉靖乙巳錢塘洪子美氏釋官宋玉絳之班理家
園竹素之業得笥藏懷安初本遂爲雕緒父之成書
余覽而嘉之且善其紀事之意敘曰夫詩以道情嘯
弗恒言之哉然而必有事焉則情之所繇起也辭之
所爲綜也故觀於其詩者得事則可以識情得情則

文集

序卷三

七

可以達辭譬諸水木事其源委本末乎辭其津涉林
叢乎情其爲流爲壅者乎是故可以觀已故君子曰
在事爲詩又曰國史明乎得失之迹夫謂詩爲事以
史爲詩其義臚哉然自性情之說拘而狂簡或迷累
於事則猶不窮水木而徒迷驚乎津涉蔽虧乎林叢
其於流壅益已踈矣故孔父又言致知在於格物孟
子誦詩必論其世且如虞有卿雲之歌弗稽大傳曷
知其爲禪夏漢成五篇之詩非考兩都又焉得其鴻
興也故善學者大通而無閼不善學者小見而多難
詩從刪後豈展無之顧大雅雖闕然歌詠之事可者

而繹焉唐詩紀事

皆情感乎而發抒辭緣情而綺麗即情事之合一評
觀覽之可偏宋興理學儒者偏鄙薄詞華覆又推杜
甫等而以格調聲律爲品裁然但言理而不及事豈
與古人說詩之旨同哉今高材切慕其成說競依憑
其離下掇拾其緒餘及博討唐篇如窮水木或不喻
其時代與人物是既不曉事又安識所謂道情者與
夫所謂聲調者亦寢言也已然則紀事一書其藝流
之源委文苑之本末利涉之方航發蒙之朗若者當
觀集唐詩者奚啻什數集紀事如有功者少刻唐詩

文集

序卷三

七

者奚啻百數刻紀事如子美者少余故嘉善作此敘
詞詩三百篇毛傳蓋其紀事今爲考亭所紬然欲究
遺經當必考之子美名梗歷詹事府主簿

薛詩拾遺序

薛先生稟上人之資體先天之學蓋自考功郎中請
告閉戶著書垂十九載而亡然其道極底于玄故其
書多微言精義時人真難測也先生亦罕出示人故
既歿而其書罕傳今所傳者幾老子集解約言及考
功集而已余往在大梁使人吊先生於墓求書其家
不得得遺詩若干于朱灌甫所至浙多暇刻存付

謂之拾遺然雖屬短篇顧其稱指亦已玄矣初余嘗
讀考功感而賦之其詞曰余往歲丙申初謁考功于
誰城大寧齋中考功一見余即莫余逆也畱飲闌夕
賦詩見志後數往來並喪爾我既余別先生去而先
生亦與世別矣先生精契道本神領聖宗當朗曜天
庭燭世迷暗然河清難俟嗟乎嗟乎獨其書存耳茲
卷不與焉卷中有賦泚溪硯一篇乃先生攬物懷余
夫先生懷余余可得余今懷先生先生其可得耶展
卷揮涕言不成章一覽西原作闌干涕莫從紛茲懷
化鶴憶昔見猶龍耿耿對秋竹青青倚春松玉壺斟
水月瑤席整絲桐聽嘯蘇門上窺玄草閣中著書躡
二老解綬辭三公道即先天地名誰究始終希知占
子貴直指發余蒙義諦昭如日言詮穆似風洪河方
飲鼠岐路忽飛蓬遠吊斯文喪深悲吾道窮流沙歸
李叟梁木萎尼翁生死原相托幽明遽不同譙墳宿
草長苦縣暮雲叢懸劍情何極投芻理亦空惟將千
古意潛向九淵翔烏虛觀于此者其庶知先生而有
感于遺文也嘉靖甲辰秋九月望日

刻明道先生語畧序

聖學至宋惟派洛爲得其宗而醇乎其醇則明道先

共學之爲貴乎

刻朱子晚年定論序

諸儒訓詁之學至朱子稍稍折衷是故有易詩四書
等傳注初意蓋欲繇講解以爲入道之門若曰博學
而詳說之將以反說約焉爾誠非其學之至論之定
也一片門人遂以綴輯而張大之後儒遂守其說而
不詳忘其約而不反至於信傳而不信經從人而不
從天學術支離道體蒙障則章句爲有禍焉此門人
黨伐過矣故朱子晚年既反約于詳說之餘則盡悔
其未詳之說之非至以爲自詭詭人罪不勝贖斯學

有所至論有所定朱子已非自誣而學人之自誣者於今猶烈也可勝痛哉適見陽明王子畧取其言稱其爲定論也且曰世之學者徒守朱子中年未定之說而不復知求其晚歲既悟之論競相呶呶以亂正學不自知其入於異端信斯言也則學者宜深省之吾故刻其書以視同志

贈錢塘學諭張鳴鶴陞容城知縣序

錢塘學諭張子當宰容城而問所以治文谷子曰夫政教一而已矣子爲教見士之善者若已有之見不善者若已失之責在已也然則容之民有利病休戚

卷一

序卷

三

章

謂非已責可乎夫政出諸心者也心無窒礙然後能通乎物通乎物然後能體物體物斯可以言政焉故廣大可以兼容精明可以普照敬簡可以弘馭強敏可以廣業執我見者徧徇他物者闇泥陳故者迂惑綱領者亂此入者政之得失之所出也民之利病休戚之所關也子爲治其研諸此而已乎

孔文谷集卷之三終

孔文谷集卷之四

山西通志序 代作

晉志之闕久矣余按部之初蓋申理之暨余事竣而其書二十篇成是爲山西之通志云二十篇者曰圖考曰建置沿革曰星野曰山川曰風俗曰物產曰田賦曰戶口曰祠祀曰封建曰職官曰學校曰古蹟曰帝王曰名宦曰人物曰選舉曰藝文曰武備曰雜志焉夫志記也記一方之事而備載之書是以謂之通也昔楚靈王稱左史倚相能讀三墳五典八索九丘九丘蓋其志九州者而其文不傳矣周禮建史氏之

卷一

序卷

一

章

官而志之文始出如太史掌建邦之典小史掌邦國之志內史掌八枋之法外史掌四方之志而邦國都鄙及萬民之治令則御史掌之是已余竊想有周盛時建國親侯治教隆洽天下車同軌書同文行同倫故其典章文物之紀輿圖簡冊之數通內外合遐邇而一之凡萬國之事書皆一王之法典故卷阿之詩曰爾土宇遐章亦孔之厚矣及王室衰微諸侯疆大國自爲政家自爲俗是以在周則爲周志在鄭則爲鄭書在魯則爲春秋在晉則爲乘在楚則爲檮杌雖其文則存而合同之化泯矣故韓宣子聘魯觀書於

太史氏見易象與魯春秋曰周禮盡在魯矣夫言在魯則他國之信可知也聖朝統天絡地範圍之以禮樂彌隆之以政教其典章文物之紀輿圖簡冊之數光天之下至於海隅罔有闕失大哉洋洋乎周禮之盛蔑以加乎茲也肆余於晉志之成也深有慶焉然舉其治令以授諸從政則余之事乎夫事有定準而理有化裁定準者因化裁者革志之事二十以言其化裁者三蓋風俗學校與職官焉夫作而行之之謂風沿而習之之謂俗敦而本之存乎學校神而明之存乎職官舊志稱晉之俗深思儉陋有陶唐氏之遺

太史氏

序卷

三

第

風上黨故趙之分其俗悲歌忼慨而尚氣節雲中迫近戎狄其俗尚武多鄙朴而少禮文比者豪貴所處駸習驕橫而椎埋剽竊任俠依憑往往自罹刑辟田里之民讐怨相競鬪訟蜂起至滅身而無悔是子弟無父兄之教寡廉鮮耻而俗不長厚也然其漸磨於聖化遷改其敝習會中和之極同禮樂之歸固已風淅乎回風而嚮道矣而猶有不盡然者則有司之過也夫有司主奉宣治令故職官舉則學校興學校興則風俗美孔子曰安上治民莫善於禮移風易俗莫善於樂言治令之本也從政者必移其本而易其末

焉可也繼自是書之志曰孰也官師之良也而正學也而使民興行也繇是而田賦登也戶口增也人文觀也賢才奮也兵食物也孰也官師之良也外志紀之而內書錄之也是則志之大者已今志列表名臣皆古之良大夫也人言後之視今亦猶今之視昔有不信哉余斯敘述其義以明是書為熙世之法典而非空文之垂焉耳是舉也學憲周君之所專任方伯吳公諸賢之所助成其賢良文學覃研撰述與群執事之有裨者咸得書其姓名於簡端焉春秋君舉必書之義也

太史氏

序卷

三

第

楊東江詩集序

夫泥之在釣惟甄者之所為金之在鎔惟冶者之所鑄言以制器者惟其人也若夫篇章之事有弗然哉蓋人秘天之靈而為心心應感而為志志發言而為聲聲成文而為詩亦以為文或言近而指遠或義約而語闕於人情之微眇幽鬱無不本也於物理之芬泯結滯無不該也皆神檢朕兆於虛無意匠經營於妙有是以粹白純備爰瑩厥靈乃統天然不惟其人曷克爾也余覽古載籍明修其辭之卓越者為大雅之才其溫潤者具愷悌之性虞庭執法之臣能康喜

起周室元戎之宰善誦清風作之惟人望其然矣太
原太守祥符李君廉正不阿過汾諮余言此時作者
有督府楊東江公焉自御史按部畿內以至兵憲易
水及兩撫雲中總督遼薊咸感物而造端情融而理
會乃其觀風問俗之際不忘太史之陳臨戎決策之
時有裕橫槊之賦實桓桓鷹揚鸞虎變之文銷銷鴻
藻表鳳鳴之瑞者矣豈與雕蟲之生營小技於窓間
揮寸管於畦徑操不割之鉛刀徒無因而強作者儻
也某將刻之以傳倘子爲敘其事乎余因引甄者治
者而伸作者之一致太守曰公正直廣淵義弘於大

文集

卷四

四

車

雅宜慈惠和仁篤於愷悌斯其辭卓越爾溫潤爾子
之言是矣公有謨有猷執法如臯陶能文能武元戎
如吉甫行當歌明良於九重之端詠穆清於百僚之
上子之言抑又是矣茲集也品其才章之美信皇猷
之黼黻參之鐘石之縣其金聲而玉振之歟遂書之
琬琰以請實於公

贈雲汀齊公應召還京序

雲汀齊公名御史也今歲之春出補陝臬憲副飭兵
關南惟關南當蜀漢孔道綿控鄖陽弘統商洛其地
巖險阻深其產金石草木之良其人東西南北之所

依負故有欲焉則易以爭無賴則易於爲暴或暴而
獸聚鳥散猝然不可撲滅爲閭閻憂惟廉察之明威
是毗是馮捕治平輯施於已形禁於未著分亂繩使
之斥鍼疾本令不得發惟廉察之明威是巨是綏故
非有遠度淵識廣略鴻姿經緯勘定之才仁智沈期
之德天人之學世道之任不然也而我公開府布令
風猷迥別條畫方陳景響輒効又屬大侵之後還安
爲難而扶憚保傷銷萌滌邪朞月而已即已改弦易
聽至於幽崖窮谷莫不震疊如雷霆潤澤如流水郡
縣凜然承事吏民畏而愛之無何值醜虜跳梁至於

文集

卷五

五

章

畿甸上咨選俊又將推轂剖符專任尊寵用斯怒之
威奮不可勝之武一掃其穴而犁其庭於是當道上
疏薦者十有二人而我公傑然稱首焉上於是亟召
公還京師而關南之人咸懷去思學士大夫皆榮其
行而愜悅其別去初公在臺中也望泰山重蓋不宜
外補及外補則爲外重今復還內則內重者益信矣
夫戎大事也古不忘戰以保大後好戰以飾弱飾弱
者危保大者安夫爲戰均而安危異係何也夫古備
而不輕用則內有餘後無備而輕用則外有餘內餘
可以制外故安也外餘則內反受制故危也夫師行

糧食師老財匱與養兵積資養氣節勞者殊也哉而動與玩而無震者殊也漢晁錯趙充國皆有文武之略安攘之能方虎之亞頗牧之儔也而談攻議守料機決勝無遺策有萬全冊書可睹記焉今公之識度姿略才德學志非特晁趙也行且諗之訂謨授之大事宵旰之憂閭閻之託非特漢主也而公何以籌之哉公曩按部全晉屬醜虜度劉之餘公察獄于憲恤孤保疲微勇慎封畱田遠壙爲晉人計者溥也夫事有大小道無遠邇其度衷制義有弗同乎夫衆馬在廐群木在山雖至材駿平居無所表見及蹈遐建魏

奏

序卷四

六

第

使良樂般爾踟躕四顧而後華山之駉駉豫章之梗楠出焉故公今日之行必有濟爲天下萬世重可知也我晉鄙之遺氓也又從事大夫之後沐浴其膏澤歌詠其威德久矣當臨高送別目覽飛鴻何以贈之惟有德音三司大夫曰吾志也於是乎歸之以申同好

何栢齋先生文集序

栢齋先生者昭代之儒臣也自章句之習崇而學或鮮於知德自青紫之趣深而仕或舛於行義蓋流風相沿蔓草相襲有莫知其所以然而然者矣士當其

時雖號爲有志其所識踐履不免於夾雜何也道之不明與不行也擇守之無豫也可勝惜哉先生崛起河山之陽獨曉然力究聖學敷陳王道於道德性命之微禮樂倫制之大辭受取予之節出處進退之機審固閑定確乎其不可拔於是海內稱理學者推先生云先生遇孝宗朝蜚英館職逮事武皇帝日進講經筵讜論諤諤要在親賢遠姦敬天恤民雖權倖側目而道不少屈今上御極起用舊儒而先生歷臺省大位却守在畱都竟謝病去以故道不大伸然其情志之端言行之槩亦往往見諸著作先生端默簡淵

奏

序卷四

七

第

固不改文與詩然理散乎辭自爾條貫氣洩於聲無不諧美者矣故海內慕先生弗克由見咸欲見先生之遺章緣平居罕以示人斯刊布未廣近次山劉公始廣師門之傳錄其所述又列系理學名臣之書令潛德之光與薛文清等後先相望庶天下後世知昭代儒臣在河內復有斯人焉其於風教厚矣前河南左使天胤敘曰元儒臣許魯齋亦河內人先生嘗論其上接考亭之統學以躬行爲急而不徒事乎言語文字之間道以致用爲先而不徒極乎性命之奧其所得者蓋純乎正而不可加矣嗟乎據其說以觀先

生之純正視魯齋奚愧焉故今謂相齋接魯齋之統可也遺文九卷詩一卷都爲一集夫詞人之語麗澤而經師之言典則緣情之靡易趨而根心之粹難測覽者宜有以自得之嘉靖壬戌之秋九日會次山公按節汾郡因出此語就正且奉命焉公曰可

西陂先生集序

集四卷大司馬西陂先生作也嘉靖己酉先生既解兵柄明年庚戌卜築金華之圃構樂志之精廬理修文之舊業則是集出焉時巡撫大中丞印臺傅公覽厥鴻藻謂先生沈潛道藝綜古文辭篇章之積歷三

卷

金華

八

章

四十載而裁出是立言勒成一家可以傳矣遂命工刻之書成門人天胤讀之私竊歎曰夫大夫之賦與雕篆者殊塗也信哉余既三復其集辭又紬繹其義而知所以爲作以上則歌詠盛德以下則敷揚理事以經緯則神情內融以組織則機象外著作者無矜名之銜聽者無窳言之譏可以章教可以樹風是故爲賢人君子之志大夫之能賦明矣夫矜名害道窳言亂真玉卮無當雖美奚足焉是故技之小者壯夫薄之爾夫志於作者操紙濡毫無不欲希乘最上凌駕千古及就綴列斧藻丹牘登之琬琰潢以縑緗信

美矣然使匠心者詮其品宗眼者按其節或辨迹於表玉充類於說金察巧於屠龍諒真於畫馬猶不免於江河之趨竟之取於莛華之陟豈色相之摹臨實工抑性情之德鮮也夫詩言志以道性情性靜而虛不能不感情動而直不能不應於心不能不宜諸其口發於聲不能不矢諸其言詩者言之成聲聲之成文者也是故其所感正者其應和其所發粹者其矢精其所會正和粹精者其文雅以醇詩三百篇皆繇此選也故義有六焉其思一而已矣善乎子雲之言曰詩人之賦麗以則辭人之賦麗以淫夫則則準乎性情淫則假於色相準乎性情者以言志假於色相者以志言言志者不見而章志言者直學語焉爾即其意臆已殊而蹊徑有不別哉故以道性情言乎其詩以養性情言乎其學故淵以養靜篤以養虛凝以養動專以養直養得其養神明自瑩所謂萬有之宗象妙之門有感而斯應不誦而愈出文五采而彬布聲八音而允諧一化工之抒其藻谷神之竅其籟耳目無藉而禮樂不可勝窮矣是爲作者之絕軌人文之大觀顯道之餘烈陳藝之緒芳復何色相之可假而言語之可學耶彼拘方於體裁喪偏乎格調外

卷

金華

九

章

矣先生天質冲敏德膺廣淵學跡道懋才以智弘性情之蘊洞然太虛故然光靈確然正和粹精其所著宜宜其卓爾大雅不群如此而後知詩人之不妄作法言之有理也言之文者行之遠立之不朽者永之傳名弗稱者聖之憂美弗著者友之咎先生之作誠其威麗門人小子而不敘述之也非教也故雖不敏亦略附其說俾覽者知所本焉

苑洛先生文集序

大司馬韓公苑洛先生文集二十二卷其一卷二卷為敘三卷為記四卷五卷六卷為誌銘七卷為表八

文集

序

十

第

卷為列傳九卷為策問十卷為五言十一卷為七言及聯句十二卷為填詞十三十四十五十六十七卷為奏議十八十九二十二十一二十二卷為語錄巡撫大中丞樵村賈公取付省中刻之以表憲一方若曰文獻為可傳耳於是外史胤推敘其略昔孔子學夏商之禮歎文獻之不足徵至於周禮則曰學之用之從之焉是有周之文獻昭然可攷而據也然文托獻獻紀文苟非其人道不虛行矣苑洛先生當代之儒賢也蚤植學於庭闈蜩蛭英於館閣敷歷恭踐保釐獨承議制敘物聰明純固所謂亨於天人爛於大

體位著之表儀典刑之舊德故其為文類非丹雘藻之事蓋帝王統治之猷聖賢傳心之學人物之汗隆風俗之上下性情之所感宣聞見之所著錄其辭不一其陳理析義卓然一出於正其揚教樹聲翕然一矢乎聖代之彛即大夫攷政事士攷學聞鄉國之人攷孝友睦婣之俗雖不必別求載籍其經法攸寓可按集而省焉然則謂公為當代之文獻不亦信乎故刻斯集也允矣其再表憲也

錫命贈言序

文集

序

十一

第

自天子命之厚典之錫爰表卓賢揚庭之輝以流茂實矣是故階秩所進無弗尊也冊書所褒無弗顯也傳有之德懋懋官立身揚名以顯父母其是之謂乎南明汪公以鴻俊博雅之賢出守襄陽為主上宣著教化培育元元綱紀文章條理溫粹循行疾苦威惠溥將歷三載而政成則吏有神明之畏民咸父母之懷於以稱職而安業也乃奏績稱治行第一上命進秩褒美仍推廣以隆其親繇是公父雙塘翁受封為中憲大夫湖廣襄陽府知府母胡氏受封為恭人各錫之誥命其稱雙塘翁曰孝友施於家政忠信重於

鄉評寄傲林泉適情書史不耀其光以昌爾嗣子

效月明時服采惟謹其稱胡毋曰早備組紃之訓
閑閨閭之儀章敬順以相夫明愛勞以教子俾爾子
茂著年勞以光懿訓溫綸寬厚皇覽幽微所以體子
之孝廟臣之忠源源本本地錫於庭闈而增榮乎郡
邑者感矣乃雙塘翁夫婦於是列尊位膺顯名親以
子貴則玄文處幽而光表於國子以親賢則上功陳
明而承寵於家是南明公德茂而身立有明徵也嗟
夫士大夫通籍內近隨牒外遠凡若干人皆自以遭
遇清平計展采奮政立躋尊顯爰以其緒業光於相

奏集

卷三

主

考垂厥後昆然畢竟有不能一致者則卑而無位沒
而無名者又何歎焉如南明公治行高等與其親之
賢淑並見徹九重總荷百禄式金玉之度寶龍鳳之
章以光以裕克崇克熙信全美矣而况後效遐邇方
類類未已耶公拜茲寵榮襄陽之人指峴山以獻壽
遡漢江以祝釐大堤銅鼓歌朱絲而壽玉壺也郡僚
佐毛君蘇君趙君等各欣觀盛事相屬贊稱毛蘇猥
與余有舊因遠介託文余敬次其書雖之語為錫命
贈言時南明公役有闕余感酬之雅則諸君是舉適
以為公便拜家慶之一

端溪先生集序

孟子載遊於聖人之門者難為言夫言何難哉難乎
其為正耳聖學不明先王之法晦天下之言學者皆
任其一偏言法者復沿襲於敝是故異端之言滿天
下簣鼓時人之耳目比之淫淫之樂充塞仁義比之
洪水猛獸之災於是衆言殺亂不可稽矣遊聖人之
門者則不然本天道以言學述堯舜之道以言法學
術審法軌端如日中天如水行地如繩誠陳不可欺
以曲直如衡誠設不可枉以重輕而百家之言始梗
塞而喑息而後知其說之難也當是時鄭聲放黜大

奏集

卷四

主

韶振汎濫委輸九河安狹偷獵獲之類竄伏百姓寧
輯正道宣朗而天下之言學言法者壹統於天同歸
於堯舜三綱布昭九疇敘列五尺童子不愆於儀而
後知君子之立言以扶教也故孟子曰能言距楊墨
者聖人之徒也余誦覽端溪先生文集而編次之其
文浩浩其言諄諄其究非聖人之學不敢談也非先
王之法不敢陳也乃知先生遊聖明之世贊皇極之
敷其所以修辭纂言卓然一出於正觀者體之心可
以知德推之物可以明政有非言語文字之間爾者
是故可以傳矣然則孟子所謂聖門之言其不如是

乎夫文章根本乎六經先生所著有六經心義若干
卷刻在家塾試取而並參則是集也特枝葉之扶
者焉

武經七書序

武經七書載兵家畧已明備故取用爲武之經焉
錯曰將不知兵以其卒予敵也夫將而不知兵則已
如欲知兵捨是奚適哉惟漢擅河山之勝稱帶甲之
雄則桓桓之將糾糾之旅林立山峙宜人人諳曉
畧然或算有遺策攻有遺力豈非知兵之道有未悉
哉即算勝攻取又不能保全功名如古名臣抑與
泰集

序卷四

西

不知兵者等耳蓋兵法闕廓深遠有三代揖讓之道
焉故帝王之兵稱全勝內不失已外不損人不失已
者功光如日不損人者威行如雨是所謂知兵之將
至矣然而世平道明縉紳則守禮樂介冑則熙恬門
柝而已故緩急之用往往稱乏安危之間好忘屬焉
則撥策之猷克詰之務有不容緩者顧臨莅三軍親
援枹鼓可不學而無術哉巡按監察御史吳興姚公
按歷茲土百度咸貞謂過比多事皇上方選將練兵
則將貴知兵兵貴知要左莫嚴於此時者也乃爰檢
是書行省中刻而布之以開迪映之試人於是布政

左使進賢張泉復覽正其譌闕共成七卷胤乃敘記
其槩如此夫規矩建而方員有程衡繩陳而平直無
舛言有經法可據循也武經布而將畧之弗嫻章
憲條教之旨哉即因文權事如司馬穰苴本齊之閭
伍耳晏子稱其文能附衆武能威敵者以深知古司
馬兵法故齊君追古附名遂號彼之兵法今誠有知
兵者又安知七書非我之書哉

蒙谿集序

夫顯道於藝而有陳極之觀行言於遠而有載籍之
托是故明著作者振其華愛傳述者表其實肇文以
泰集

序卷四

五

第

來莫之已也金版玉匱之書流至於今屋壁山巖之
典式存自古倘華實之岨嶇亦奚足爲有無哉夫照
夜之珍見之咸襲爲寶揆天之藻攬之疇肯不盈固
好是之鈞鑄在茲所同神者爾抑有矜心相忌誣瑕
掩瑜專務毀善弗欣成美斯狹淺之過信道之衰甚
矣昔偉長著言典雅魏文贊以成家休文麗藻天逸
康樂稱其冠世豈曹謝之才薄於二子惟徐沈之實
故當合愛而同聲也古之益友何可逮焉蒙谿胡先
生誕膺醇醪弘體純潛蚤策鴻蜚中迴鳳覽乃遁迹
深栖塋埃無滓博綜友約神理並融蓋墳典之菁英

儀極之與衍遷於是乎而歲月所假著作所臻則章章而載還古禮句句而言迄今樂蓋其綠情建標則窮神內瑩體物施采則含景外彪細則析於毫釐鉅則周乎濔沆故程憲司契檢鏡獨持淹疾莫覓首尾咸麗焉即使楚材同生漢備齊世與談賦心蓋亦如斯而已斯固作者之所暢必傳之所不疑也夫淵岳其衷者可以列高深金玉其相者可以敘文質撥華拾實無本而不立言靡文而弗行矣三復蒙篇一賁斯理信哉非空浮華如是之取爾時余與秋渠張子共愛希有同期廣錄雖琬琰之未能庶銀梓之

奏集

卷六

末

可就將命匠作各敘其旨一篇事存表實言不殫微匪言弗殫微故難究

刻西京雜記序

西京雜記記漢故事本敘謂是劉敞所編錄故多聞博綜故所述經奇今關中固漢西京也鴻人達士慕漢之盛品古登高往往歎陵谷之變遷傷文獻之闕絕或得斷碑殘礎片簡隻字云是漢者即欣睹健羨如獲珎璧方且亟為表識恐復湮滅好古之信也乃若此書所存官室苑囿輿服典章而文奇技瑰行備材以及幽鄙而不涉淫怪爛然如漢之所極觀實

威稱長安之舊制矣故未央昆明上林之記詳於郡史卿雲辭賦之心閱於本傳文本等七賦雅麗獨陳雨雹對一篇天人茂著餘如此類徧難悉數然以之考古豈不烟覽巨麗哉綠其書罕傳故關中稱多古圖籍亦獨闕之余携有舊本在中筍中因聽左使百川張公談西京故事多後學所不聞云本西京雜記余遂出其書百川公即取而刻之以廣其傳不知好古者視之果何如也

謫台稿序

奏集

卷六

末

難興而羈思之感易作故登山臨水緬爾長誦別鶴飛鴻悽然異調咸續繼於去國並徙倚乎懷鄉無有離而不傷傷而不歌者也夫國風婉思慕小雅善怨排山來豈邇也哉時有作者要惟當斯情耳與槐謝公本館閣鴻英端揆碩質一旦出補台郡法理登臨海之嶠詎厭承明之盛從簿書之委奚勞侍從之事矧時物錯陳光景代化脩阻前期栖遲遠已斯不能不取感於情因應於作矣余諦覽其篇其材藻之瑰麗則瓊林玉堂之標其節響之冲遠則白雪幽蘭之飄至石梁桐栢之觀層臺雙闕之陟則陵霞御風之

絕致遺俗之極軌也無復遷人逐客之悲而有含
中聲之趣蓋思而不滯怨而不怒國風小雅之流
夫詩可以興吾得其情焉是故行役之賦賢人所爲
述志也關日多暇停雲遠思因與秋渠太史共閱同
歎各矢敘辭嗟乎世固有服奇抱玄深文朗質不揚
聲輝於清廟則流音采於川塗亦理也哉是詩當永
勒霞標之郡愛紀台躔之謫云

送理問宋子南歸序

夫人無幽顯道在則爲尊余視世恒情率尊重通顯
斯言殆虛語耳及觀宋子則又不然宋子稟醇和之

文集

序卷

太

序

質沈穎之姿淵識允尚覽遠服奇固宜擢在高位乃
從理問一官稱屈焉然職主猷憲體附屬大藩得
行其令於郡邑小大之獄得其情則冤雪念蠲結滯
懸解乾沒源流者懼遠負欺隱者有省也我二三大
夫賴之得恭已而惠民否則昧昧備員盈庭積案上
勞下濟無所賴斯不足多者是其任則重矣前吏
未易得人而官益以輕事不由道其勢則然也宋子
到官以來信敬以飭躬從容以審度明慎以折獄平
恕以用中蓋推擇必當而負抑底平省中稱得理焉
吾大夫得享其逸繇是上下之情無不允服宋子而

重之故撫按後先相望品藻材行甄別吏能咸推獎

宋子表之薦剡章之物采吾大夫每與接談治事必

咸起心敬其見重如此是宋子官不加崇而望尊也

自他人視宋子或以爲善事上官或謂左右承位近

華要執事者與之故迨其屬皆非知宋子者宋子政

暇嘗與余論學又遣其子秀才來正其學知宋子卓

然有道者也其言曰某少事舉業攻文詞既從道林

蔣先生聞道德之學文不根道不敢言也行不繇道

不敢爲也今逡巡而守一官亦如斯而已先生以爲

何如余帖然曰是有道者之真也何往而弗尊使子

文集

序卷

九

登上第服大僚卒默默無所本視其所尊重何如哉
故道在則爲尊耳當奔計南還因敘送以紀其別

贈抑亭陳公擢湖廣廉使序

昔者夫子之言政曰近者悅遠者來夫政非務悅也

而必曰悅之云者豈非驗吾之道有以信乎人哉今

有茲之而民悅去之而見思者其道蓋如斯矣夫監

司之體貴廉而守令之務多飾刑政之舉畧儒而禮

樂之事遺吏斯四者皆偏是故廉與飭交則名實駘

儒與吏分則本末離於是惠有所弗孚威有所弗震

刑有所弗中教有所弗興而民聽貳貳則弗信弗

則弗悅弗悅則弗思矣君子則不然心統之身任之公體之平施之一生之未遂一害之未除一法之未純一士之未迪監司者曰吾大者不能行其道也守令者亦曰吾有司者不能奉其法也刑政必以教化爲先禮樂必以風俗爲要事不偏任功不專能得不街名失不委咎上不虛美下不隱惡斯六者皆善是故惠有所必孚威有所必震刑有所必中教有所必興而民聽壹壹則信信則悅悅則思如流水之赴大壑源源云云雖欲已之而不可得然後知吾之道真有以信乎民而民信之斯夫子之所謂政者也嘉靖

李集

序卷

三

五

戊申抑亭陳公以純厚廣淵之德濟敏達識之才清謹正直之操愷悌精明之運守冀南而來也下車與郡縣約曰夫官以爲民民之休戚無秦越之視網紀之盈縮惟共貫焉若用智自私吾不敢爲公等無務矯飾以病民無自携貳以妨至公於是諸吏疊疊汾之士陞部使者蓋皆惜之然率委於學官功令之司而不教公至始教以經法於是諸生疊疊其年北虜跳梁過忻代公預授方畧令一道修戰守具虜竟不敢犯冀甯明年大旱百姓乏食流莩載道公移粟高平數千石所全活汾平介孝垂死者數十萬人躬精

搏雨兩輒下行入賀萬壽聖節汾人作喜雨朝天圖歌詠仁澤車未及旋擢湖廣按察使方公之康惠我民牖啓我後生民士固欣然悅之今則翻然思矣汾郡師生楊光先等言群情之所以念公者圖宣之乎文辭是誠所謂去四偏兼六善莅之而民悅去之而見思者公之道信乎民也驗矣允矣持是道以輔聖明布元化俾四海之廣莫不大悅固大君子之優爲也已

贈郡伯龍嵎張公入覲序

李集

序卷

三

五

不欲久任以行其志然而有不可必得者豈非久任之難哉余舉其難以觀百執事則守令者尤其難者也蓋守令以一人之身有以承乎上有以御乎下上之人責我也常備而吾所以承之者未必皆周以未必皆周之迹而近責備者之心則甚下之人望我也常厚而吾所以御之者未必皆詳以未必皆詳之迹而拂厚望者之心則懟懟與甚交而官危矣如是而欲久任豈不難哉是故久任以成其功者上下信之也書曰三載考績三考黜陟幽明言久任之功也孟子曰獲上治民言所以信也我龍嵎張公之守汾也

蓋據撫原膺劇郡惟郡賞冀孔道密邇會城其上則撫按監司實近囑之而又有分守以親臨之其所以責備者奚但簿書期會之間而已也當是時雖龔遂黃霸之賢能自保其必周而無恙乎其下則藩府之卒軍衛之戎與吾閭閻之民旁午錯綜其所以厚望者率多分黨比類之私當是時雖王尊劉寬之賢能自必其皆詳而無憾乎乃龍嶠公處之逮六載矣上稱其賢無所於甚下頌其德無所於慙然非公志行之純將無以信乎人非上下之能信公將不能一日安乎其位而能儼然贊中和之極奏循良之功於六

本集

序

三

章

美而爲之敘云

喜雨朝天圖序

皇上膺歷統天今四十載其中秋十日爲萬壽聖節我分守抑亭公以夙望簡命之臣宜入賀未行值大旱蓋自春如夏無一雨公憂省祈禱靡不周至乃瀕行而雨施群生以甦公乃大喜曰聖主欽吳授時令

守臣宣序條達庶陰陽調而風雨時五穀熟而民人育以錫福乎元元而含生蒙化咸鼓舞嘉祥沐浴休澤以歸福乎聖明日德潤四海澤臻草木天地之間被潤澤而大豐美實惟我后惟我后壽萬萬億與天無極惠育群有亦萬萬億無極是爲太平之祝齊三光而超五岳非徒隨例上章歡舞山呼而已若竊喜臣今日之行蓋致之乎斯矣周人祝其君之多福曰群黎百姓徯爲爾德民之質矣日用飲食夫兩弗時若嘉禾弗茂民曷飲食哉民饑生且弗聊局爲德哉故周人所云爲善頌福也今祿位名壽在聖明備矣

本集

序

三

章

贈中丞印臺傳公進少司空還朝序

印臺公拊循全陝之明年是爲嘉靖庚戌時秋高
乘至於畿輔皇上思謀猷之臣列在帷幄爲安撫計
乃咨用宿望進公工部右侍郎而當塗上言今日要
務宜選將練兵誠有將即不慮無兵誠有兵即區區
醜虜所不足慮故易譖師貞夫人詩歌元老壯猷因
疏名中外臣工有文武資略如干人而我公爲稱首
焉繇是皇上於公益益注屬之矣公既承簡命過車
還京三司寅餞灞亭再拜贈言曰邇來西北多事而
關陝之爲殷四方蓄饑而關陝之爲甚天下民力凋
劫姦宄萌滋吏治之弗勝也而關陝之爲尤自公撫
臨實保釐之究政事之得失研物理之精微引義以
正其維弘仁以廣其育炳睿以炯其察議制以廉其
斷而民之勞者息也而整頓者有哺也而邊瑕剔靈
彛憲敘而吏道光也又夙夜匪懈以考其衷小大必
情以委其誠幽顯畢達以罄其宜登其民數而歛其
軍實撙節其侈越而康保其休息故群吏受紀百物
陳敘曾不踰年而統類齊一仰鏡承流回風嚮道之
不暇而吾之牧岳者得以泮其化布憲者得以章其
度分閭者得以申其律皆公之靈也今其持是而上
以其敬恭亮采弼承天事經營安撫有弗洪濟用底

如州循者哉然公之善言在耳穆如清風懿德
正心愉如陽春鴻飛之誦爲我心怒焉夫詩抑有之
無言不酬無德不報今公之及我者厚矣何以酬之
我聞自昔爾有嘉謀嘉猷入告爾后於內公其以之
又何報之我聞自昔信其道德謀明輔和公其以之
公於是以為贈言之古也侃以執事之後謹敘述之
雖揚厲盛美之難亦表見群誼有如茲者夫古之名
臣稟純碩之德施又亮之才應鴻昌之運冊桓赫之
勲出則賦政於外經營四方入則贊美元樞珪黻巖
廊之上譽烈炳乎日月功流洽乎河海如詩書所稱
周召仲山尹甫之明尚矣然而德以本之才以弘之
居天下之大端乎勲烈其緒之位望其因之焉爾昔
夫子蓋有志焉遭時既紉芟詩敘書以言古君臣之
際德業之間觀其深微而傷其遐邇實憊憊乎于茲
後有作者聖王之英也我公高朗弘毅之德總統遐
馭之才所謂文武之兼資輔世之雄略是故其所敷
歷偉矣今其入而周召其勲仲山尹甫其勲如詩書
所稱何讓焉是則今日嚮咨之旨二三大夫之蓄意
云

送與川葛公巡撫河南序

是歲秋八月陝西左布政使與川葛公膺皇上簡命
進都察院右副都御史巡撫河南璽書載昇式過于
行惟時三司舊條咸素服公義而榮厥徂征乃贈言
以相送也前參知謝公俾僦爲敘其略夫御史大夫
尊官也巡撫則居尊以行其道紘總一方準裁庶務
臣表有位惠植群生古之所謂保釐者也非其官尊
者其任重乎是故籲于俊又選于傑英信于歷試顯
于懋咨名其才非其德弗予也名其德非其實弗予
也斯賢以簡登庸以實舊位匪輕授道不虛行昔孔
子贊唐虞得人之盛儼然夏商周之弗如也豈三王

卒瑟之談岐嶷之譬伐檀之賦彙順之文上士所謂
寒心下士以之變節如是而言才德之際名實之閒
難矣邈矣肆聖皇求治必以唐虞而簡賢授位一惟
元凱其人故尊官重任疇克舉之我儀圖之與川公
其宜之矣蓋其廉哲之姿有如齊聖沉毅之蘊有如
廣淵忠信廉潔有如忠肅易直慈諒有如惠和由是
而之保釐則中州其勿又乎夫中州伊雒之經陰陽
之會田廬擊距人物阜蕃殷周之故都禮樂之餘俗
所謂四隩咸宅寓內莫如者也矢其文德宣其彞憲
則其教易行息其游惰敦其本力則其養易足廉貪
立懦表之清補偏救弊作之明返異歸同範之一黜
浮崇雅本之公中州其勿又乎夫無實而虛譽者有
矣未有有其實而無其功者也公舉於鄉也爲明經
第一尋舉進士復策高第筮仕推府辟命司馬秩宗
大夫出視學河南實弘於道德嫻於兵刑達於禮樂
及參晉之藩掌晉之臬實康我全晉之民既莅分陝
實又提全陝之民而康之今舉而之保釐也無二道
也欲勿又可乎即舉而之寅亮也必唐虞之又爲也
故曰信于歷試顯于懋咨詩有之肅肅王命仲山甫
將之茲行之謂與於時諸大夫皆曰然

青氈獨坐卷序

夫青氈者以表儒官之清也儒有抱道自娛不競利
達不鄙窮約飲水甘於列鼎緼袍華於佩玉偃仰一
室之內所樂惟琴書詠歌先王之風其聲若金石至
其講道論德以詔來學吟風弄月以適天趣與童冠
數子廻翔雀鱣之庭雍容槐杏之所而其光霽融朗
之標化育流行之意蓋不知天壤之間復有何樂可
以代此者乃坐卧乎一氈一氈之內萬物不能干其
志一氈之外四海無以喻其寬蓋嶢然泥而不滓卷
之無朕而放之不窮是爲儒之清也然以清而言清
則難乎其爲狀善喻者取一氈以表之雖不言清而
其清自不可掩乃其冲而深者越以章也我前源先
生楊公實具是道諸生田俊民等於誦服之餘思以
贊先生之德者特繪青氈獨坐圖卷以繫詩之可謂
善形容有道之氣象矣余喜爲敘其大略如此

文集

卷五

天

孔文谷集卷之四終

孔文谷集卷之五

陝西王季子科鄉試錄序 代作

皇上統天御極之三十一一年是爲嘉靖壬子當大比
興賢之期惟西上克慎厥事監臨則巡按監察御史
某提調則布政使某監試則按察使某其諸執事咸
秩如虔如惟式畫既已昭矣乃進提學副使其所簡
士二千有奇三試之得中式士六十有五人文若干
篇遵制錄獻某謹敘其義曰夫興賢所以求俊乂也
今俊乂之選慎矣慎則將必得若人焉然其究也信
哉否歟夫必慎茲毋敢射主司能自信之惟俊惟乂
諸士有弗自信者乎夫信者實有諸已而無惑於志
故信已可以信人中心疑者勦必窒焉昔者子使漆
雕開仕曰吾斯之未能信子說說其能考所信魯欲
使樂克爲政孟子喜之喜其學在善信之中良以此
也皇上大中如之極久聖神之化甄陶萬類涵育群
材巍巍乎蕩蕩乎與天同運盛矣夫四時行焉百物
生焉以從天也諸士沐浴鼓舞藹藹彬彬効庸熙事
疇不誠俊乂哉然弘道惟艱緝學無止體而信之當
自茲始矣夫九德之行三物之教皆古之俊乂所以
位然其道非虛談僞作可以綠飾要之天德之良

文集

卷五

一

本固有之惟真識允蹈信而不疑斯廣大流行亮采而用章是雖德有九物有三而所以行之者一也譬諸淵泉方圓惟所注矣昔有虞命官相事以平水土命禹禹惟服以播時百穀命稷稷惟服以掌布五教明五刑命契與臯陶契與臯陶惟服以典禮命伯夷典樂命夔伯夷與夔亦惟服何也皆自信其所能孔門論志仲山任治賦冉求任足民公西赤任學禮樂蓋亦舉所自信今諸士抱蕓弄藻析理陳道著之成篇又雍容揖遜式禮不愆其威儀文辭儼然俊又亦略可表見即且登用嚴廊策名委質大受如虞庭小

指揮序

守令之道二曰守已曰愛民焉而已矣夫是二者士人類能言之然方其處也謂其出而行之也及其出也則行之而弗逮者往往而是焉豈復以二道爲不美哉夫亦有所奪之也奪之云何曰物喪心也守曰

義吾心也愛曰仁仁吾心也吾存吾義矣吾體而行之無弗宜也以言乎脩己則爲能守而非有襲於外也吾存吾仁矣吾體而行之無弗慈也求言乎治人則爲能愛而非有私於內也無襲於外雖行一不義而得天下不爲也古之人有行之者淵陋巷而處而爲邦之道已著尹任世而出而耕莘之德已舍何也心主於一而物不能二也是故其出也猶其處也其言也猶其行也今之士則不然俗學障之俗思殺之營營乎利害之吟而趨遠之迷逐乎彼我之界而厚薄之於是損人以利己而可爲也厚以自裕而以薄待天下而可爲也夫利害不並存也彼我不兩立也我取其利害必貽人厚歸於我薄則誰受如是而曰守已曰愛民可自信乎故未有守已而不愛民亦未有愛民而不守已者也臨津王公學純而志恪存省仁義之性而有得於心蓋自窮居之日即以古孝廉自勵庶乎孟子所謂不爲不忍焉者是故筮而貳汾而二道行焉其淡泊之操一年而人謂其矯也二年而人謂其苦也三年而人謂其真矣其寬和之政一年而人謂其緩也二年而人謂其便也三年而人謂其惠矣曰貞曰惠能守能愛之謂也昔者夫子之

子產也亦惟是焉而已矣而王公何以服行厥躬
炳茂一至此耶夫卓德異行當世平道明之時易處
物欲橫流仁義充塞之時而能挺然以獨持者難若
王公可謂勇矣即登而庸之使當大任奚不可者乃
澤南原東城兵馬指揮蓋借賢以爲都官重也啓行
之日一郡之人無不喜其敘還而惜其捨去者余與
同志相率而送而申之斯言云爾

贈俞憲南菴趙公陟參江藩序

三十六載之夏分巡憲使南菴趙公陟參江藩
東郡屬吏良貴等率三十六州

奏集

卷五

四

章

邑長吏相與議於庭曰晉置四道而河東爲最鉅天
子簡命憲臣分鎮而巡之必以名俊乃南菴公望重
而道弘前憲臣之巡理也咸有補於吏民然即其所
以宣序一惟條格之建利而世永其賴也
南菴公夫乙卯地
獲輕者十室而半工
九也又水火於
不可已公是時
其殘破瘞其伏
曰晉置四道而河東爲最鉅天
巡之必以名俊乃南菴公望重
理也咸有補於吏民然即其所
恒有者耳若濟難而時被其休
殊而功異德廣而惠深實惟我
之變亟矣盈河東之民橫被蕩
者過之而蒲坂之間則十室而
薄盜賊起於掘發徹夜連日而
捕治加意察撫其子遺而賑
保其頽敗由是喘息之餘

相煦濡而生矣傾危之故居得相寄泊而處矣而城
郭宮室漸次表營令官府復覩其儀衛而條其紀綱
也今則寔以恢矣非濟難而時被其休者乎夫河東
之地有水而多旱而民不知用之矣公至察其土
風觀其流泉相其原隰令民作車以引水作陂塘溝
渠以爲蓄注由是高亢之田將爲沃壤旱乾之歲亦
有豐年乃公造之物民蒙其惠大矣遠矣非建利而
世永其賴者乎若夫端亮之體精明之政寬而有制
廉而不苛示我表儀立之中正殆不能以歷陳矣夫
德盛者懷功高者頌今於公之行也若之何爲情而
後可也群吏唯唯贈言天生俊良以扶世也故君子
以世道爲己責隨其所在則布德而樹功焉非自爲
其譽之謀求以不負乎天焉而已矣今南北多故戎
馬倥傯其勢不啻一地之震蕩也公私並匱徵應復
煩其勢不啻一方之枯槁也願公柄用大行以其爲
河東之濟難而建利者而弘濟之而普潤之令威惠
浹於海隅勲烈升於廊廟則我公之能事群吏之所
佇延也書曰若濟大川用汝作舟楫詩曰經營四方
告成于王公其以之於是上其言以效之頌送之遠
而懷之不能已已也

奏集

卷五

五

章

贈郡守龍嶠張公受撫臺旌獎序

主上以知人安民之道付之臣其在外則撫按之務在知人守令之務在安民然急於知人者恒過於望察則知人之數少何也心有物焉則賢否眩其明也上官過於望察則有司急於求知其所爲安民者亦恒過於求暴則安民之數亦已微矣何也心有物焉則名實損其真也斯二者皆難惟吏之貴者則不然守道而服官循理而奉職以民爲吾同胞以物爲吾與因其利而導之因其害而驅之日孳孳焉泯泯焉爲之而不出吾性分之常吾無所求知於時而自當

卷集

卷集

木

乎時之知然後爲真能安民之賢矣求其賢者其惟我龍嶠張公平公始守代居無何復移重守汾惟代適邊外有黠虜之虞民生蓋難寧日公守道循理以安之民乃用安虜用不敢深入撫臣曰賢矣乃請上移守汾州惟汾居腹內有疆宗之患民生蓋亦難有寧日公守道循理以安之民乃用安疆橫亦用以表撫臣曰真賢矣乃宜上條令後移書以旌之夫以汾較代則汾劇而代稍約以治之難易則疆之患在羣黠之虞獸聚而鳥散耳於是代民惜公之去而汾民幸公之來也於是撫臣亦自以爲知人之審也擅行

之展吏士相與慶於堂氓庶相與慶於野山人得而識之昔者臯陶之陳謨曰在知人在安民然其道惟哲惟惠惟其人之德有九惟宜惟嚴惟浚明惟亮采迺平其身見乎其家邦公卿大夫之所以爲惠也惟翕受敷施惟九德咸事君相之所以爲哲也竊觀公寬嚴有濟敬簡不渝沉潛而高明忍謹而彊毅蓋有迪知忱恂之學而涵之有素者矣今以其德見知於撫臣而達之天子之庭則俊乂之陟爲不遠也是故有安民之實者然後成知人之明而於下有所求於上有所援者皆誣也

卷集

卷集

七

劉母太夫人七旬序

嘉靖三十六載菊有黃華之月霜來青女之辰劉母太夫人林氏壽登七十有四子四女十一孫男三孫女四曾孫男及曾孫女咸以是月獻壽致禧以崇奉太夫人元子介石君宰西平遙以西平之俸致甘旨來仲子白石君任都御史在告乃親以臺省之儀致燕樂元孫中齋君太守真定亦遙以真定之俸致甘旨如西平餘子若孫或分銜於章甫或振藻於黌庠或舉進士於鄉或正蒙養於塾各彬彬藹藹翩翩儔儔之彩秀蘭茁之英佐酒稱觥舞階扶杖先意以承其

其志和氣以怡其顏所謂樂生而不可已者舞之蹈之而不知其所以然也君子以爲孝弟之至可以通神明矣而況太夫人之心有不陶陶然樂哉西河外史聞而讀曰維皇天篤佑隆我國積用生才哲賴此淑媛乃太夫人慈惠和懿克昭上帝是用錫祉降康俾身其康強子孫其逢吉或股肱王家亮采惠疇或經略安撫輯匡內外或定省溫清弗遠庭闈式奉忠履孝各有其人並行並育同符兩儀乃太夫人家聲缺順國多移孝寢息有高枕之安與居無倚閭之望是用游衍淳和優入壽域以引以恬蓋保有無疆者是如斯而已

卷五

序

八

贈霍州守元泉褚君受撫臺旌獎序

海寧褚君之守霍也與他守異也他人之守霍者謂其地之陋也而薄之謂其民之敝也而疾之謂其土之僻也而棄之謂其宗之彊也而諛之夫是四者之心皆藉於有我有我則我與物離物亦與我離是以其政無三年成也褚君則於其陋者而安之於其敝

者而植之於其僻者而開之於其彊者而正之安之於以奠其居植之於以厚其生開之於以廣其學正之於以肅其儀蓋以物同我而我率物而其心公焉是以一年而政理再年而政行而物之懷惠者日以親也畏威者日以敬也則其政三年成可知矣巡撫大中丞閔公知君之賢表表如是既疏名薦之於朝復宣布璽書褒美之令檄所司優禮厚文示旌獎於君之公堂以彰善也於時郡別駕陳九思以余與褚君有一日之雅乃微言爲敘其事余凜然歎服失文學政事可二乎哉而聖門別爲兩科蓋據其所得之多者而言之耳然文學所以求此心之理而明之以去其偏鄙競僞之私政事所以推此心之理而行之以達其宣慈惠和之公其道焉可岐也若以文學爲摘藻之工政事爲鉤奇之術則二之可矣故有大涵養者必有大設施有大學術者必有大事功也褚君夙以文學著聞兩浙實修身體道以求聖門之所謂求志達道之實而一之宜其治郡之賢表表如是矣夫君子思不稱名者稱之特義行之日也褚君其達矣乎詩曰顯顯卬卬如珪如璋令聞令望維君子以之

卷五

序

九

蟠桃獻壽圖序

陳毋太恭人趙氏淑德坤符壽祉天介甲寅之歲庚午之月十有一日厥維誕辰厥壽七十時家子文岡大夫方奉帝璽書載敷文命周爰三聖之墟式和五典之則循循噩噩善誘不倦乃王事之在職家慶之不躬上矣于是緬望白雲之高遙酌南山之獻秩秩英僚藹藹俊彥咸與摘藻贊詞舉觴添壽取象金丹之儀撫實蟠桃之啖繪圖裝軸合組列錦以遺太恭人若曰身雖不至心則嚮往之云爾太恭人目睹金玉之章耳聆海山之頌當必樂福物之遐致慰有子

卷五

序卷五

十一

之浚明適志養之嬉增康彊之豫而不知老之將至與子之遠遊也文岡公猶矚然歎然不自已已客有解之者曰夫事親有等分焉卿大夫之事固宜與士庶殊矣愉顏羞甘定昏省晨嘉時令節上杯酒爲壽依依終日堂序之不越者士庶之所以爲孝卿大夫則不然承訓于家展采于國身立而各顯服寵而鼎順歛時錫以爲休集人和以爲慶故子崇萬里之勲則親裕高堂之樂矣今公奉太恭人宜慈之教惠和之令入而翼亮朝章出而經緯文憲帝賜晉錫之封人歌魯母之壽即其榮養豈與士庶比哉况太恭人

克相夫君澹亭翁登上第策鴻名踐歷省寺直哉寬清恭保東郊惠威明允夫君蚤世太恭人又親訓其子通觀其所樹揚奕世載德赫如桓如而諸子若孫復森列炳蔚即其受祉則太恭人之所以壽豈在膝下一篇哉文岡于是唯唯授圖徵外史氏述詞敘列其上昔澹亭翁以直道左官有遺愛于武鄉陽曲兩邑咸俎豆之三十載而文岡公復主盟斯道昌其惠思龐傳弘衍實太恭人貞淑之風融融穆穆同壽永康胤晉鄙之遺氓也敢不載言以矢其音

贈司馬大中丞麓泉王公榮進序

卷五

序卷五

十一

上之三十二年以大中丞麓泉王公督撫吾晉之疆邑一年平其政弘闡厥猷虜不敢向鴈門百姓寧息霜寒草死虜纔一窺伺適我軍方張固已追逐挫敗之矣所得獲斬首甚衆奏上捷書上大嘉悅進公兵部右侍郎且召之入以其地之賴也仍兼右僉都御史督撫之如故尋又遷獲奸細以絕虜之鄉導報書又上上益大嘉悅又進公兵部左侍郎兼右副都御史督撫之如故璽書載臨吏民罔不欣抃藩臬大夫相與頌功稱賀曰惟是疆邑股肱京輔天子命重臣使鎮其地實藉茲茂略與其總統而布其惠威以安

內而攘外而中外賴之如草木之有山陵原隰容保之用休也乃自北虜跳梁蓋十有六載而兵不怠防於是疆邑之民稍已稱困然主憂勞臣况率官奔命民竭躬亦勢所必至矣故前籌之或得或失後事之或利或鈍皆不可必也惟我公經略安撫以來其事細大悉有條貫可遵議以制不泥其陳度以可不行其臆以故將信士奮吏畏而民懷之而于安于攘之功不可以有加也是大臣總統有方則廢僚可以靖其政體均平便宜則民雖勞而不怨詩曰君子所依小人所腓其是之謂矣夫大臣受主上之知專閫外之寄其任大其責重其心恒以弗克稱使爲懼及稱使矣又功名之際疑畏之衝有不得不而不業者今我公功立而志孚名顯而位達上心實眷注之行且召之而元臣之勳亨矣其等敢不歌頌厥功而惟慶之賀哉故願登上竹帛以紀不世之徽云爾於是徵外史氏敘述其旨而上之攷之於周稱文武吉甫萬邦爲憲說者以爲文附衆武威敵也公素備是德而肯憲是邦則邦人庶上誠亦沐浴歌詠之久矣敢附及之

贈葛陂許先生移職慶成王府教授序

文集

序卷五

三

章

葛陂許公司訓於汾之學五年而有慶成王府教授之擢除牒載臨當移署府中惟府與學宮居雖相望而師生戀戀咸惜其舍此而之彼也乃請余言以贈之余固知公者而公之賢又可以颺之言蓋師儒之官以道德爲實以文章爲華而傳道解惑一惟傳此解此而已矣近師席倚而不講朋徒相視怠散是末師而非往古狃於所習毀其所不見於是惡拘檢樂誕縱於禮有所弗聞也公於是獨言禮用私智見小利於義有所弗聞也公於是獨言義發講習弛討論於學有所弗聞也公於是獨言學昏理路塞思塗於文有所弗聞也公於是獨言文夫是四者扶本實於既撥振朝華於已萎以紹古昔以覺盲聵師道爲已端矣雖暴棄者未易即回而聰明持志之士改觀內向者率影響應之也使公誠久在師位令興起者得卒業以考其成豈不幸甚矣乎乃遽移其重於王官譬之挈千尋之綆汲九重之泉泉半上而綆中絕則渴者之望阻矣然汲引之惠則惜之宜不能已也又有爲公難其曳裾之行者而公亦自有難色余解之夫淮王雄尊賈誼傳之膠西弗弗馴董子正焉彼皆不遇其主而二臣猶卒見信名垂始終况賢於所遇則

文集

序卷五

三

章

志易行職易稱者乎故與王好竿而子鼓瑟君好少
而臣年老者殊軌而異調也今賢王樂善謹度君臣
道合上好禮公能言禮上好義公能言義上好學公
能言學上好文公能言文則古人魚水之喻無以加
於茲矣然而或難之者豈不過哉皇朝漸服之盛金
斯麟趾照耀區夏然舉其巨麗則慶成據其最中則
好禮好義好學好文者彬彬如也即反是者可導而
上也其轉移之機庸怒之術亦在公汲引之而已矣
然自亦有難色者豈不亦過矣哉昔孔子天縱之聖
其仕魯也入門鞠躬過位色勃孟子命世之才一見

卷集

卷五

西

章

齊王則曰齊人莫如我敬王者公固素願學孔孟則
所以贈公者豈復有他說耶

王母太老夫人壽序

嘉靖三十有六載厥惟嘉平之月十有某日爲王母
太夫人令誕之辰是時太夫人之嗣西石君以少參
之重居守河東奉迎太夫人於邸舍日崇養以祿於
以隆愛日之誠太夫人康強悅豫命西石以宣慈惠
和明允篤誠之道道平陽蓋庶幾元愷之緒烈而保
釐堯舜之故都者矣於是河東吏民咸服西石君之
化而鼓舞太夫人之慈訓故於其誕辰罔弗稱慶若

華封人之祝堯云惟特靈石縣本董大經請余敘
厥休而躬往獻壽於其堂余竊以爲卿大夫之孝與
士庶異者誠謂其克以祿養然祿亦人事之常然者
耳而非與天地合其德者也與天地合其德者其惟
元和平乎天地以太和元氣爲主本而以其順化流行
於四時貫通乎萬物而四時長序焉萬物長生焉而
天長清焉而地長寧焉以其性情而言謂之仁以其
功效而言謂之壽合仁與壽而言謂之福今祝人以
飲福者必先乎壽然不仁不可以言壽祝人以饗壽
者必先乎仁然不和不可以言仁惟太夫人以和德

卷集

卷五

主

章

訓厥家西石君以太夫人之德亮采有邦而濟濟庶
僚元元蒸民悉以其和心頌太夫人西石君於是既
以鼎旨奉安膳後聚是醇和以爲之順積是百順以
爲之福則太夫人之所以爲壽者真宜與天地觀矣
刊四書膚解序

士以舉業爲時義而不推本乎聖學者誣也何也沿
俗以爲工也趨時以求售也溺於末流而忘其源也
聖學或幾於息矣不亦誣乎夫聖人之學心學也心
即性也性即理也理即道也其諸所謂盡心知性窮
理修道皆學也而實不外於心也其諸所謂德行之

存事業之著文章之炳皆心也而實不外於學也夫士之於舉業也猶農夫之耕也農夫不能舍耒耜以爲耕士亦不能舍聖學以爲舉業也堯舜禹湯文武之爲君也其臣未嘗非士也其士未嘗無學也然不聞有沿俗之行趨時之習即云有沿則精一中敬之外無餘趨也即云有趨則精一中敬之外無餘趨也無餘沿趨即無二學也周道衰教化缺學術不明人心陷溺於是有沿俗之行趨時之習斯士之敝也流吾先子惻焉表群聖之幽微垂六藝之統紀繩往緒正來觀博文約禮而一以貫之於是即心是學即學是心之義曉然如揭日月而行百世以俟聖人而不惑也何獨於舉業而二之哉二之者惑之也故余以爲誣也三代損益時政不損益禮故忠質文迭易而禮不易道不可變也夫子用文從周聖之時也假使夫子生於今之世必繇舉業矣其綜文必屬時義矣於舉業無所加於聖學無所損也今爲舉業之本領者有六經以立其極有四書以會其歸何其而非聖學之心法也學者誦其言而不味其旨徂於沿俗趨時不復反而求之於心宜乎其自誣也是故想像者無真見音響者無真聞記誦者無真知模擬者無真

行則獨者其得其爲聖學亦已非矣夫子曰辭達而已矣非示人以文之方乎然未有欲達其辭而不求諸理者也未有欲明諸理而不求諸心者也故士不患不達但患不達於理不達於辭但患不達於理耳元泉子漸名士也明允深造有師友淵源之學家全授徒成造廣益及牧霍也則政教兼舉而尤懇懇於聖學之傳焉霍進士喬承詔與諸生劉選等既得其所著書義以鋟之梓又得其四書膚解復選梓鋟之蓋皆超悟而力行之矣因以徵余敘余覽之中夜知云膚者自謙也其云解者皆發明孔孟之心學指陳舉業之正的欲令學者一洗沿俗之行趨時之習而歸之道即其用心豈徒嘉惠後學實亦有裨於教矣而學者無復雷同勦說以重誣焉可也余故諱言之云爾

玄覽序

玄覽編者事之玄者也昔純陽呂公慕天授之醇靈頓氏辨現異錄儒林之藻秀迴學海之波瀾遭時濁亂結遠遊苦節求師貞心進道尋參領平衆妙竟策步上乘是故正言以筌其理則雲笈纓華詭行以印其象則人鈴耀彩乃其仁存浮世意在深

卷五

金奎

五

五

斯清詞絕調流寫人間匿景現形超騰物表蓋游
戲三昧變化萬殊不可得而測矣歟其有無究其旨
歸豈非老子所謂玄之又玄者耶今其書可睹記焉
學士大夫稔境域中詫情方外非聖之書樂所不觀
然馬遷敘六家之統惟道是崇劉向博群書之精列
仙乃述則弘觀廣覽烏可以偏廢也是故高文達識
如坡老輩皆喜躡玄蹤樂傳奇事但其書止名文集
之泛未標玄理之微靈寶朴菴彭翁家世嗜道妙契
厥文始欲更飾微題重雕廣布適其嗣東谿公保璫
之暇出是編語余是時山人方覃思道德之府極意
逍遙之林實卷展而義陳目擊而心悅便議熙號玄
覽鋟梓蘭齋碑上達覽之而神悟下士聞之而願解
也問可以荅仙翁乎公曰可哉遂定刻之老子有言
將除玄覽能無疵乎夫玄覽者覽於玄微也吾取諸
此而已文垂千古道在同心龍沙之謠若非虛語鶴
樓之笛會豈無人

長樂園序

長樂園在城之北崧之南莊之下其地有清流激湍
茂林脩竹如山陰蘭亭之勝云者而崇山峻嶺雲霞
出沒嵐采氤氳可以遠望蓋望之而若屏風焉而園

卷五

金奎

五

五

選勝撰於斯矣大宗正南村翁携其家嗣東阜君
與諸孫七泉君等日游偃其中以爲樂焉然未有以
名其園者幽谷朽生名曰長樂蓋天生斯人原以真
樂付之令弗憂煩是爲本性是爲自然乃老子所謂
爲常道者也而人情奪目於富貴役志於紛華未得
則憂其難既得則患其失悄悄焉憧憧焉寤無寧心
寐無好夢耳顏早消素絲先現計其初心欲以盡一
生之歡窮當年之樂則歡樂之時少而憂患之日多
矣南村翁居足富貴處滿紛華而乃逍遙山水之間
栖遲魚鳥之際樽酌循環翰墨間作象谿谷以怡神
先俯仰而上德遂令憂患無所入之夫憂患不入即
心是樂此樂無改是名永長即長而言其說有二守
此天真以保百齡延而綿之萬有千歲是一長樂也
父以是傳之子子以是傳之孫子而又子孫而又孫
以永守此樂永保此壽是又一長樂也故余名其園
曰長樂云爾

柞胤慶言序

余觀韓昌黎河中府連理木頌言咸寧王尹蒲有德
之交暢者五如訓戎宜恤之類爲庶德昭融神斯降
祥於是殊本迎理之柯生於河之東邑此特假物

歸之德焉耳孰愈夫躬備純德建中用和天人
感祚胤徵至爲無所假哉我東谿彭公之保釐冀南
也德不可得而數也吾舉其大夫司牧者將平之也
然徇性臆決任法刻深公來準儀弗徇弗任壹即之
天理而順當乎人心而安簿書倥偬則禮樂未遑公
來靜正闡厥聖謨陳乃藝極俾我多士迪德勵業矜
寡疆禦易忽易撓公來惠威生養疲黎保安無告申
訓明禮銷姦化梁監司務察守令務藏公來寅亮開
誠率下同道體物吏職咸奉民業以安訟有牽連獄
有寃滯或拘或嫌鮮克伸控公來明恕平反昭雪摘

文集

卷五

三

伏發姦寃生感泣服辜者其位崇道尊視下若遺視
微若辱公來謙損詢于芻蕘賁賁及草莽片善必嘉小
過弗計樽俎雍容瓊琚玉珮恒事易了變端難持公
來神敏式遏寇宄中厥機宜府兵之亂談笑定之中
丞倉卒公益整暇轉危而安重如泰山是故吾舉其
大比之昌黎之言交暢者數不止五而有六焉也吾
何以頌之當是時鼓舞休沐沐浴膏澤者謂草木之
纂纂鹿豕之狂狂士女之嬉嬉皆公之和德神之降
祥也何物而非運理哉吾何以頌之今已未仲秋適
誕育良嗣則梓胤徵至之祥也詩曰樂只君子

艾爾後斯可以爲慶矣以故王公薦紳父老皆賀
正瑤訓導光先同諸生雲翔等相與議於官曰昔鄭
人頌子產之德言我有子弟子產訓之今公奚但訓
之而實虛我太和復我元氣長育成就我如菁莪焉
矣今乃天錫公嗣若曰公有仁恩及我庶類斯報之
麟鳳之祥耳天且不違而況於人乎於是師生相率
九頓首而稱慶又託余言以爲之頌余無昌黎之文
而有其情聊敘述其事以紀公之福德云

壽宗尉西谷公六十序

文集

卷五

三

之其氣體若或翼之優游康彊維順維期一也人廣
其譽俾以宜昭敘述其勛微讚詠其辭令彌漫洋溢
無已無殆二也我種其德俾以純懋尊德樂義而無
假於外安土敦仁而守固於中長永真靜以清以寧
三也夫是三者皆立不朽與天壤俱然係乎天者有
不可必係乎人者有不可知則可篤長生之基培久
視之道者惟其德而已矣何也存乎我者即天之所
以與我人之所以同我者是故失其德而天人遠度
者有之矣未有有德而天不之應人不之歸者也天
人合符悠久不二則沆瀣朝霞不足餐也安期羨門

不足慕也而三壽之理森然備焉演一以爲三可也
圖之而爲一亦可也一歲而抵千秋可也萬有千歲
而爲一朝亦可也一言而爲萬世法可也邈一世而
無悶亦可也譬彼高山衆丘仰之譬彼大海群壑赴
之一自然而然耳乃上古天真之爲壽黃帝之所聽
瑩也惟我大宗正西谷公實兼三壽而有之公以銀
潢之派玉牒之英蚤從事詩書禮樂以克紹先王之
光訓乃文德懿東天章炳蔚道積厥躬行憲厥世吐
詞振藻馳譽流芳郁彬彬盛矣美矣而神宇泰定
性天朗融望之儼然即之溫如今甲子載周矣而精
義集

卷五

送周以明就例遊太學詩序

五

五

神意氣猶夫方壯之時也則綿歷之祺保艾之慶寧
有既耶故曰兼三壽而有之不虛居矣戊辰三月十
有九日實惟誕辰兄弟子姓合家慶於堂而縉紳大
夫聲附景從固其理也余因舉是說以明之平川廣
文書其說而獻之

送周以明就例遊太學詩序

天燕雀之情一隅鴻鵠之志千里在物有之人亦宜
然是故秉識之深者而洞重淵之測垂覽之遠者而
極高臺之觀執矩之儒守窮轍而不出通方之士適
殊塗而有歸故明主設雲網以周羅則網總而目凡

多彥幸天門之廣闢則衆從而景附蓋時難得而易
失會因緣而可乘易曰觀國之光利用賓於王故士
獲委輅脫輓而游帝鄉幸矣何必株守墻東哉兗川
周子才稱樸茂學號弘通乃試藝屢領於場闈抱志
獨傷乎歲月偶因例貢之選聊從國學之遊惟茲賢
士之所關實彼大觀之攸繫三代之彛倫炳焉六經
之精采煥焉隆師則山斗之非遙取友則金蘭之孔
邇故志有可辨而善有可摩功有可崇而業有可廣
所謂顏冉之龍翰鳳雛曾史之蘭薰雪白舒向之金
玉淵海卿雲之黼黻河漢皆繇此其選也而瑋瑰卓
義集

卷五

峒山君壽圖序

五

五

越大有進於此者不可得而殫也引而伸之觸其類
而長之是在周子矣夫觀國之光尚賓也周子其賓
之哉斯睹白日而翔天庭附青雲以有爲也於時同
懷之侶咸有贈別之篇

峒山君壽圖序

惟朱明之肇序定清和之扇景綠槐陰而如蓋紅藥
媚其滿欄烏背背而流韻荷的的而始華乃萬物之
得時而三才之朗茂天地之感節而日月之韶光老
氏擬衆樂於熙臺瞿叟圍群休於樂國乘大化者神
遊委至和者理解鵬九萬而不渝鷗一枝而自足惟

以惠適怡真不以矯強拂性然人情好歡而苦感
生愁廣而娛希故歎老嗟卑者臨鐘鼎而不夷啼饑
號寒者值豐煖而愈泣或充於財者蓄於用通於勢
者環於營精神以內戰而凋形色以外紛而卒坐使
良辰孤邁促景同傾雖窮達殊塗而憂患一軌豈不
痛哉此達士炳齊物之觀通人擅及時之樂難與俗
人道可與智者談也奉國大將軍峒山華誕當強仕
之年適建投回美之會同宗之侶舉千金而稱壽合
道之朋頌萬年而奉觴誠有見於此矣

具慶贈言序

文集

卷五

三

章

君子於其親也值嘉辰逢令旦居則拜慶於一堂之
上仕則祝釐於萬里之外情也亦恒也然而有進於
是者親具慶於家子昭慶於國中和之理達於位育
孝悌之至通於神明人悅之天眷之錫祉受符偕老
並茂優游容與不可企及焉昔者夫子之言孝曰始
於事親中於事君終於立身揚名於後世以顯父母
夫事君者以祿養也名顯者以善養也以祿養者尊
以善養者榮矣昔者詩人之言假樂曰宜民宜人受
祿于天保佑命之自天申之夫宜民人者中和達也
受祿命者神明通也中和達者人悅之神明通者天

眷之矣君子躬此四德者於其親也慶之大也釐之
隆也非區區拜祝之間而已也其我太守龍嵎張公
之謂乎公珪璋之器黼黻之才勉為親隨牒三命而
為大夫崇養以祿是為能尊其親其為大夫也宣慈
恭懿弘衍家緒廓其德音崇養以善是為能榮其親
公樂民之樂民亦樂公之樂公老人之老人亦老公
之老今年孟冬值太封君樂菴翁與太夫人魏同辰
共壽是日龍嵎公南望祝釐吏民頤頤亦南望祝釐
凡有衣冠會文字者罔不鼓舞歡情而歌頌威德者
矣是不謂人悅乎觀人之悅而公之中和之理可知

文集

卷五

三

章

也公之老親合德齊齒清寧康彊稱其慶則萬福之
同言其孝則百順之積是不謂天眷乎觀天之眷而
公之孝悌之至可知也夫人道莫大於孝孝莫大於
尊榮其親人生莫難於福福莫難於人悅而天眷我
龍嵎公實咸有之余齊民中之野人也故因其祝釐
而附屬之如此庶驅獻萬年之觴以表國人之善頌
云

孔文谷集卷之五終

孔文谷集卷之六

贈太封君岐山趙公七十壽序

嘉靖四十一年三月二十六日禮有賀焉爲封君前清苑縣簿岐山趙公七旬舉也蓋七旬爲壽寓形者之所稀有也是故齒則尚之於鄉老則優之於國長生久視之術則求之於道家壹惟壽之貴也然鄉國龐眉之叟什伯而二三服食導引之輩率更衰矣是壽也者必天所篤焉人故稀有之也人稀有之而公矍然躋之斯可賀也已肆余賀之衆人亦賀之然天之篤公公之所得於天別有進於此者衆人所不知

文集

卷六

壽序

也在昔夫子嘗一表見之曰仁者壽言仁者固自壽而齡之脩短不數數爾也天下之仁莫尚乎唐虞天下之壽亦莫尚乎唐虞故曰堯舜之心至今在也後世有善言壽者則曰不朽焉而已矣不朽之事亦惟仁者能爲之如金之在鎔惟冶者之所爲也是故立德則壽焉立功則壽焉立言則壽焉如山岳之峙萬古其不可拔也如江河之浸萬古其不可涯也如日星之麗萬古其不可掩也信斯言也則頽淵處之而不爲短矣原壤處之而不爲脩矣非其年之不殊仁不同也是故壽之云者不專於年也正嘉之閒邑子

以德行文學著者兩人其一爲文孝田君田君終太學生然太學傳其賢爲不朽矣其一爲公公孝友忠信之行精純博雅之學無愧田君以故貢上太學亦著名太學筮仕清苑輒惠平清苑及薄遊還里惟日以著述爲事弗倦弗衰夫是道也豈世俗悠悠苟且以延歲月而已者耶其庶乎立德立功與立言者乃所以爲壽也抑又有大進於此者公以是傳之二嗣其誦也舉進士連仕兩邑割鷄於定興而展驥於江都也非聖弗學也非王弗憲也非道弗辭也其讚也又褒然爲群儒首也皆克纂公緒而光大之以揚厲

文集

卷六

二

壽序

於前而鋪張於後計其休烈蓋無已已是非所謂不朽之大者耶乃所以爲壽也而後兼有乎長年壽之全也天篤之至也余以是賀之

送憲使右溪謝子拂衣歸里序

詩之衡門言賢者之不樂仕也白駒言賢者之去而不可畱也千載之下猶可想見其人誠有見幾而作不俟終日樂天知命而不憂者自利達之趨勝而止足之戒微止足之戒微而得失之患深得失之患深而義命之知淺矣故得位而曰隆也隱居而曰約也所處殊遇而愛惡異情於是富貴之門多微微之人

負其之途矣。處之士而不知惡有終身而不能免。愛有千計而不可得者。徒以其微微戚戚爲極。指爲倒懸。誠異乎二詩之所風矣。吾三復厥詩以求其纖得右溪謝子焉。謝子者。脫然有見於道而不受役於塵物之累。皜然泥而不滓者也。貞睿潔白。義胆抱冲。縣舉進士。宰劇邑。稱古循良。及擢諫垣。數開口論天下事。遂蒙捕吏下遷郡縣者六年。稍轉浙東。兼事分巡西道。下車問民疾苦。察吏治得失。宣興正綱。敬簡寬栗。即其風猷。類非沿俗之吏所能望其萬一。時浙西吏民疲於奔命。愠於煩苛。久之得公。乃皆大悅。而

三

英
謝公字子佩。庭蒞其名也。四川富順縣人。與余舉嘉靖壬辰進士。至甲辰。自浙西歸部。使者累其賢。隆慶改元。詔起山西布政司左叅議。不就。贈坦齋路公考績之京序。

考績之典。所以察吏治之精也。精則明明。則有功。有功則有陟焉。是故考課貴精。吏治亦貴精。易曰。精義入神。以利用也。其精之謂乎。是故怠義者。荒忽義者。忘襲義者。僞失義者。難皆不可以致乎用矣。何也。義者。宜也。吾心之裁制天理之當行者也。是故無不宜。

四

者謂之精。有不宜者。謂之雜。唐虞百工。允釐庶績。咸熙實惟精之道。本本源焉。是故三載之所考者。皆百工之所精也。邑令承天子之命。授百里之封。網紀之盈縮。風俗之汙隆。生民之喜戚。皆總統繫屬。如我之一身。倘於義弗精。理攝理弗宜。將痛養之不知。奚補於治哉。漢代賢令者。多然表表在人。則曰卓魯。云卓茂爲密。令其治民。舉善而教。不能待吏以恩信。卒使吏民愛而畏之。魯恭爲中牟令。導民以孝。推誠而治。仁行童孺化。及蟲禽。卒使上官敬而信之。斯二者。上下孚也。故稱精理行者。莫賢於二君矣。坦齋路

公以明經甲科令臨漳慕西門豹爲民間疾苦禁邪
巫鑿渠利民與史起增修水利之事式弘厥施仍立
二大夫祠以表見其志而其政教恩信推誠化導吏
民畏愛上官敬信又兼卓魯之善而優爲之吾意言
今之精理行者宜亦莫如路公矣蓋公蚤以精義之
學發解三晉尋揚於大庭小試斯邑其亮采惠疇乃
舉此而加彼耳今歲已歷三載當報績天子之庭若
第上上以膺明陞上官自撫按藩臬郡中無不推獎
勸駕僚吏士民罔不遵道攀轅斯非孚於上下之一
驗乎由之庸顯策勲上而見孚於九重下而見孚於

文集

卷六

五

贈岐山趙公拜官清苑主簿序

嘉靖丙午孟冬岐山趙公拜官清苑縣簿專管馬政
余聞而喜之其子進士訥與余有一日之雅問曰家
君得一小官先生何喜焉余應之曰子不見孟子言
爲貧而仕者辭尊而居卑乎又不見孔子爲乘田爲
委吏乎官小事專職易稱道易行也且以孔孟之聖
遵顯時攝樞位何不可者然而居卑處下志無不得

文集

卷六

六

豈非道有難行者哉道非位不行故裁成輔相弘濟
光明必兼履大位古之位人也以天下之公今之位
人也以一人之私以天下公則位待賢以一人私則
賢待位位待賢則野不蔽賢朝無竊柄賢待位則操
縱據於當塗予奪分於愛憎而小人負乘之寇與君
子失志之賦作矣由是聖人知位不可待寧居卑處
下而不求即使得位而日競焉投人之愛憎受人之
操縱予奪吹噓則九天之上擠落則九淵之下得失
嬰其憂患進退等之維谷如乘巨航渡大海之中魚
龍作怪駭以風濤動靜不定出沒不知所存雖才足
濟川無能爲矣如此而謂職之易稱行道不難然與
否乎居卑處下則不然操縱不重於當塗予奪不急
於愛憎不望吹噓不畏擠落惟以盡吾職而已矣故
其道爲易行趙公忠信人也居業狐岐之山服行先
王之道常有志於大行屢舉不第晚拜此官以一主
簿比卿相之位誠小矣然以忠信之心行仁義之事
推之馬政如衛文公秉心塞淵而有騶牝之徵使邑
人愛之如衛人之愛文公何職之不稱道之不行也
假使岐山偶於科第居卿相之位稱職行道遂不得
如主簿之專且易寧不玷於心乎故小官爲可喜也

程子有言一命之士苟存心於愛物於人必有所濟正岐山今日之心矣程子此語蓋發自鄆簿之日所謂體貼天理之真者也岐山居身處物四十年未嘗不在天理獨於官有不體貼者乎故余又喜其稱職行道之有本也趙子曰然敬閒命矣請書之以貽家君余不敢辭

雲汀圖序

北海之濱有水土之平處曰汀焉今名御史齊公少築室讀書養志其中自以天降時雨山川出雲雲者水土輕清之氣爲之觸石膚寸不終朝而雨天下有

文集

卷六

七

君子行道濟時之象又符景天瑞爲爾爲慶蕭索輪菌如煙非煙又放之彌漫欽之無迹有君子有道則現爲而不有功成而不居之象則雲之爲義遠矣於是取以名汀而曰雲汀云及登名珥筆正色立朝攬轡澄清風行郡縣猶不忘其始而繪之圖以隨是故左有圖右有書也嘉靖丙午公按部到汾諮外史氏爲表厥圖孟子曰窮不失義達不離道斯其以之夫隱顯之迹異而道義之心同故君子窮養而達施達之所施即窮之所養如伊尹格天功光隴畝顏淵隱居德當平世非心同而能若是乎公名世二哲之後

文集

卷六

八

而同心千載之前心難點畫而寓之圖圖難擬議而托之辭因辭以求其義亦曰精而已矣易曰精義入神以利用也利用安身以崇德也夫義非物事可持精非意必可盡一念之宜百宜之府剝無不用安無不處一德之崇萬有之祖地平天成不越庭戶無少庸智無纖自私氣壹之動吾志反騁於戲精哉公之學蓋如此是故其汀之清平而止者吾德之正而無礙也其雲之舒卷而適者吾德之動而無極也其雲與汀之冥合而玄化者又吾之至盛而不知其所以然也斯窮達一萬物類晝夜通天地位而後攬於圖者知其義之精得其精者超於象之外也

贈與川葛公總憲山西序

與川葛公分守冀南之明年是爲嘉靖丁未其年本省臬司長闕執政者薦公補之上曰俞哉於是有按察使之命初分守之駐汾也以汾劇也其大者王王子弟蕃衍殆千而強者競恣匪羣頑民投陷因緣爲姦吏不敢問至受犯法者賕挾迫守吏撓一切法吏不得行盜賊平晝劫入夜放火明著踪跡吏不敢捕加邊警歲急百姓困窮無所愬吏民但仰天太息未知何止時議分守始顯駐汾所以申鎮壓之威布勞

係之惠計使車所駐至公而四然其威惠之微則惟此時爲然其去汾而之泉也吏民皆俛俛不忍捨去州守寵語余曰昔者周公東征四國是皇迨其歸也東人作詩思曹至今有邇鴻之歌召伯循行南國會樹施惠迨其去也南人作詩愛慕至今有甘棠之詠今公匡棟不減於周公惠綏有光於召伯而吏民思愛之心故無改於詩人矣夫子其曷言之余問太守何言守曰寵何言往時長蛇帶門豺狼在野風發車揭莫審誰何吏於其茲者視事有掣肘之虞退食無下咽之歛閉閣多扣擊之驚出道每遮闌之辱詩云行邁靡靡中心搖搖吏治可知已而今則不然長蛇去門豺狼去野四民新集綱紀再陳吏於其茲者視事得展靖恭之職退食得享清閒之燕閉閣則得讀書而省愆出道則得清塵而整轡詩云式夷式已無小人殆吏治又可知已向微我公鎮壓於上勞俸乎下雖百小吏居此能無憂乎故吾吏民凡有一日之安者皆公之賜也寵何言余曰禁姦止暴類非法令之所能也然別有大端公實生民之秀淵稟文德廉直敏信人不敢干以私廉直故威敏信故惠其守吾上而姦慝化吏民安者大端以此夫憲司總統教化

匡壹風俗爲道甚大近止簿書聽斷耳公至必弘開惠威康我全晉俾民盡樂其業吏盡稱其職矣豈一道云然夫出而經營入而寅亮我道蓋是也周召之威亦如斯而已肆余何以贈之亦以歌邇鴻而詠甘棠乎於是守唯唯稱善用紀冊書

送別駕蕭公序

昔孔子罕言命而以道之行廢卜之及孟子言莫之致而至者命也而後樂天知命之理爲益明清泉子之別駕於汾也其持已也廉其御事也慎其聽訟也審其保民也惠宜無可以致廢者乃今以察免歸距仕之日纔二載耳豈非莫之致而至者耶然清泉子之心固無怍矣苟心之無怍也奚所往而不自得也臨當別去士夫相與歎於郡百姓相與歎於野咸惜其澤之未究忘之未行而徒遺去後之思也乃以圖以詩爰述其情焉清泉子歸老舊林課子明農登高臨流徜徉逍遙無破釜失聲之患庶乎樂天知命故不憂者雖孔孟之道無以加茲矣

贈邦伯龍鳴張公南還序

古人有言曰不求人知而求天知不求同俗而求同理其君子義命之歸乎夫人寓形宇內與物爲伍處

卷集

卷集

上

利害之衝居榮辱之阻履得喪之路由毀譽之門其是非之相糾倚伏之相尋蓋茫茫乎其不可岸森森乎其不可涯也而君子於斯或當利而得害或宜榮而反辱或當得而竟喪或宜譽而毀隨則如之何哉亦曰以義遜命而已矣義存乎已命存乎天存乎已者吾得而與焉吾勉焉吾無愧焉存乎天者吾不得而與焉故利之可也害之亦可也榮之可也辱之亦可也得之可也喪之亦可也譽之可也毀之亦可也舉無損益乎吾之義也苟吾弗義雖大利極榮無隕獲無間言反之於心能自慊乎是故不求知於人而求知於天則樂天知命而不憂矣不求同俗而求同理則窮理盡性而不疑矣不疑者斯義之精不憂者遜命之至亦奚所往而不自得哉龍嵎張公守汾郡五載廉以律身惠以予民蓋無一事不循乎理無一念不體乎天者而吏民蒸蒸僉謂子產在鄭召父居漢不遠孔邇矣是故兩課最於述職之行歷旌能於撫按之選其視一時巧宦緣飾詐吏偽增賸削以爲奔競之資封植而成溫厚之計者萬萬不侔也乃議佞與於嫉妬敗毀加於即墨與情憐憫方欲赴理闕庭借寇河內而我公遂拂衣南還矣夫功成身退天

卷集

卷集

上

之道也公有功於民而無忝於義其不理於口者然其人之不我知俗之不我同也柰之何哉祖道之先別駕宋君詣余言曰惜哉龍嵎公之行也能復靖共有位同寅協恭如斯人哉幸一敘辭以慰其行余故述之云爾

次山晉陽稿序

古有之曰登高能賦可以爲大夫大夫奚俟於賦哉蓋賦者敷也敷在心之志而發之言也大夫負經世之材涵宰物之智必也有是志乎有是志而後有是言方其含章淵默則機緘莫窺及其感物造端則深美可見是故即其言而知之其言之溫厚也而知其可以教其言之平達也而知其可以政其言之中正也而知其可以位其言之和樂也而知其可以育故曰可以與圖國政故可列爲大夫也孔子曰不學詩無以言誦詩三百授之以政不達雖多亦奚以爲其旨遠矣然俗之賦詩率流於綺靡而無益於用是猶玉卮而無當也次山先生劉公自御史按部太守褰帷以至移鎮我冀南有所歷覽必興感賦詩雖篇章殊製要之皆溫厚平達中正和樂之言由其言以觀其志亦因以徵其材智則材足以濟一世智足以

周萬物固皆已試之効而攸言之踐矣三事大夫行且屬公其起而賡歌於虞庭之上而曰古之良大夫也其道如斯而已公有行南詩一卷爲中丞孫公刻之以傳余今刻晉陽稿焉蓋誦言而忘味者蒙愛美而弗傳者惜余其免諸

賀葛陂許公膺獎序

夫人無幽顯道在則尊秩無崇卑義行則大是故君子或幽或顯或崇或卑惟其道義焉而已矣道也者冠首天地垂敷人物兼統以爲宗而絃野不能外立隆以爲極而林總不能加是以如是之尊也義則推

文集

卷六

七

行其道而宜之當其可則無爲而爲沛然若江河之流當其不可則無爲而不爲屹然如山岳之固威之所不能怵利之所不能回是以如是之大也君子不患其弗尊而患所以致其尊者有未弘不慮其弗大而慮所以立其大者有未精故苟有是焉則雖野處卑棲而不以爲屈若其無之則高位厚祿焉耻也昔子真耕於谷口而名聞朝廷之上梅福隱於市門而聲流宇宙之間長孺出守而淮南寢謀仲舒還相而驕主易習奚必崇顯哉今見其人其爲陂許公矣公道義人也自司訓郡庠日與諸生講明是學然徒設

空言於階序未若見之行事之深切而著明也及擢

拜教授曳裾王門乃考禮正憲以匡飭國人時宗黨有不法者陰聚徒爲姦至暴橫而無所忌憚結而不可解國君大夫俱莫敢何公獨無所疑懼一舉而餐之大參洪公因按捕之奏狀悉寘之法於是盜賊之害人者消皇化清國俗正公之賜也時洪公白其賢於撫按曰教授仁根於心義形於色者也撫按曰信也於是文言以獎之威儀以彰之州守揚光於郡庭師生歸美於黌舍禮有慶也夫公處閑散之地居卑冷之官而能爲此掀揭之事桓赫之功豈不誠尊且

泰集

卷六

七

大哉其視全軀保妻子之臣徒躋通峻竟碌碌庸庸無所建白者何如也故知公道義之實偉矣是時學師林公等徵余敘詞以歸美之余不佞第述其所見如此云

宴壽贈言序

壽分守宋承山先生

聖天子垂意封疆之臣簡迪鴻俊俾守冀南開府於汾之陽以虞宗黨之汰悞也用坐鎮而彈壓之是以有專駐之役惟時左叅政承山宋公適常其任亦慶成王襲位之初年公至告王宜以禮禁姦曰昔太原多晉公族其流習以詐力相傾驕恣橫逆漢興爲

難化乃擇守用嚴猛之將任殺伐之威亦矯枉過直矣今王之族蓋駸駸乎是日詛祝會盟以逞其詐力數敗度千典而不悛艾豈嚴憲尚弗究哉古有之禮禁將然之前法施已然之後執法者有司之事也秉禮者后王君公之事也祖宗以法付王聖上以敬一之箴授王王受而傳之是爲訓典訓典之謂禮夫禮以示之防焉防其暴慢淫僻之行也示之養焉養其恭儉敬讓之心也示之辨焉辨善惡之歸使好惡之不愆也禮之功大矣王實親睦不豫以此導之必俟其敗而請罰焉其若之何吾懼有司用法之日煩也

奏集

卷六

五

夫王親族有司親民若飭吏治撫民生節省以息凋敝征繕以裨安攘我不敢後王慎典崇禮以正是國人其嚆曰不然王曰信善哉於是始以禮禁姦凡屬訟在官悉以報王王按牒處分不以爲偏法無所貸官按法施之不以爲濫蓋一年而宗風振即迷復惟咎繇數人而已王曰人有心邦有禮公之功也當是時吏民無豪奪之聲侵陵之憂既得以脩秩而安業而國人之服禮者亦畏威懷德與吏民同其情焉矣王曰緇衣之好賢也吾於公乎以之乃因其誕辰設賓禮陳宴舉酒而爲之壽賦南山有臺之首章君子

謂王於是乎知言夫其詩曰樂只君子邦家之基只君子萬壽無期曷言之也蓋悅諸心之謂樂焉君子之德備於我則我悅之施於人則人悅之通於神明則天悅之是以其爲樂只也持是德以安宗社則宗社安以安生民則生民安如建人屋肇乃鴻基棟隆之吉終永藉之是以其爲邦家之基也基莫大於久安久安莫大於長壽是以其爲萬壽無期也今公文德懿表慈敏莊敬容接所加莫不夷懌樂也以禮嚴邦深享正固其也篤祐純佑永保茂明壽也王於是乎知言矣王極主於敬敬者德之興也信哉公坐

奏集

卷六

七

鎮詰姦弭暴不煩刑辟一言禮於國而國人皆飾輪轅修轂輻且歸惠而祝釐焉行論道巖廊之上贊聖主建中和之極陪昊天之夜宴奉萬年之觴其樂壽奚有已也蒸民曰天監有周昭假于下保茲天子生仲山甫公之謂歟吉甫作誦穆如清風王其有焉

贈郡守雲石王公賢能膺獎序

雲石公來守汾郡踰三閱月而政有紀焉乃其大者則寅清以律已惠直以理人嚴以飭吏胥儉以省里甲寬以戢征科明以折評訟如是而有紀也乃監司狀其事於撫臺撫臺萬公騰書獎焉用憲典也於特

學官弟子當舉禮合樂從事於公之庭仍屬余爲文以表之夫公之德其達矣乎昔者夫子之論聞達也曰夫達也者質直而好義察言而觀色慮以下人在邦必達在家必達言德乎於人而行無不得與求聞達於人者異也公初政惟慎脩之圖其所宣敘一本之誠心由乎直道所謂實清惠直嚴儉寬明蓋疊疊焉業業焉惟日之弗遑於百姓無千譽之私於當道無希寵之術然而稱道其賢者響赴旌獎其能者景從是非夫子之所謂達者乎夫鶴鳴于九皋聲聞於天桃李不言下自成蹊正如此矣昔者子產之治鄭

奏集

奏卷六

主

贈別駕南岡趙公賢能膺獎序

嘉靖乙丑之春當大朝考第百工而郡長貳咸缺郡務取他官攝守既而南岡趙公來補同知攝守者去公總統厥猷視事之初自謂始脫鉛槧於簿書期會之間未之能信乃思而後行審而後發如大匠建屋先定繩墨運斧揮斤如良醫治病先診視命脉方藥乃施於是視事數月即撫惻發抑豪右察獄情平賦理省里甲慎追呼衆寡小大無敢慢心學校風俗尤拳拳焉於是郡中稱平謂公所行皆合乎天理當乎人情矣邊馬不敷撫院發帑金買補郡縣吏或請張處之致價騰踴往往賄鬻奔命不免病民公獨兩平務不虧官損民而已而馬顧獨好於他臨當部解吏白盤費當取諸繇役公曰吾買馬不敢動一民覆以解馬爲之乎乃出俸金資給竣事焉巡撫萬公知此即移文獎勞尋復加幣帛之禮令費序將之以旌其卓異也師生於是屬余文爲敘其事余觀古公能之吏以卓異見稱者非復一科然所貴乎道者則循理愛人之吏爲最賢已是故有守法奉公之行可以語循理有慈祥愷悌之心可以語愛人子謂子產有君子之道四焉子產之遺愛至今在也漢代篤循良之選如邵信臣杜延年朱邑卓茂之爲郡邑皆循理愛

奏集

奏卷六

太

人廢乎子產之遺愛者公所秉溫厚樸誠其所措政
即暮月而可如此嗣假之歲月之久得之誦練之深
於古人奚多讓哉曩余視學嘗第公茂才異等公人
品政略復以卓異見推獎於時抑異羨於射策甲乙
也師生皆曰公惻惻無華於下無表襮之術於上無
酸尊之援微巡撫公善綜核名實則卑位稀顯揚之
日微夫子善敘事理則知德者鮮矣然亦賢者之遇
矣乎

贈太守一川吳公榮膺薦獎序

天子以司牧之官列在四方相去百千萬里其賢否

未易聞也

未易知也

未易知也

目之臣按部省觀書疏別白今御史之巡歷是已夫
御史以民生之休戚占吏治之得失以吏治之得失
徵才格之高下而又采之閭巷之謠叅之僚友之譽
定之監司之評舉無忒焉而後疏以上聞也當是時
辨賢如淘沙之金檢能如剖石之玉錄醇品於什一
甄高等於百二有非尋常備員所能與者故有司以
得御史之薦為難我郡守一川吳公脩身以立其位
循理以治其民者也平且整衣冠懷德義而匪懈
也清堂階肅吏胥發程書理亂繼而無紕也饒饒有

疎之後循賦困極之餘示之節儉存以休息而發
旌集者衆也宗貴翁習或為姦邪亂政而悉哀止
追呼不濫置訟不滋盜賊不起而閭閻安也市安其
處而農勸其業也學士大夫得宴坐林間奉禮教以
事育其子弟也是則公之賢是則賢之茂且異者去
歲御史王公按部至郡見其治如此詢之百姓百姓
唯唯謔之庶僚庶僚唯唯質之監司監司唯唯於是
上疏薦之天子之庭若曰列九德之資備三事之擢
云御史又以疏揚於庭禮獎於郡皆憲典也復崇之
鐘鼓幣帛令僚吏師生相與宣賀于臨政之堂侈美
乎橋門之觀俾聞望其風采者有以興也夫全晉之
地為州者二十為縣者八十有三籌其所舉則令之
見薦者殆什之一守之見薦如我公者誠百之二焉
矣孔子曰不患無位患所以立遷史稱奉職循理謂
之循吏公身脩則道立循理則功著有以也夫時經
大夫老於家者皆欣觀鴻榮垂白策扶而往賀之其
所感深故其應不戢外史氏為敘其略

居敬堂集序

維康王在位如千年日以著述為事述其上實為什
累十數萬言微嗣成畢王編次成帙綴梓以傳命良

李天賦徵序北山之愚以山愚昔岳牧河省於
國文獻嘗睹記焉乃作序曰篇什之興尚矣綜其
妙要主於麗則蓋不獨詩人之賦云爾也辭士綺
固不足珍學子牽拘亦非可貴惟王公大人之作
大雅不群雅者正也正斯麗以則矣故大雅言王公
大人而德逮黎庶如康公謀父之譚公劉抑之之
作者孰加焉山中之人不能語蓬瀛海上之客不
語崑華而游觀廣覽者掌視六合論議若懸河焉
故以朝堂而陳古今之故王霸之略四方之風萬
物之紀則易以逢掖之侶雕蟲之技而望朝堂之
兼總條

文集

序卷六

王

貫則難何也見聞有通不通而聰明之感殊也王公
大人居仁義之府處禮樂之庭蒐詩書之苑驅輪
之場非先王之法言弗宣非往聖之精蘊弗載非三
光之靈曜弗形非六籍之菁藻弗綴極游觀廣覽之
知而理解神會故其建言矢音如登昊天臺之
輶之宇撞千石之鐘擊靈鼉之鼓而飛蒼天氏之浩
唱也豈謏聞狹見有不絕塵者乎夫其存之也粹故
其發之也華其言之也文故其行之也遠乃今康王
之作正如此矣三代以來王公大人漢有楚元河獻
楚元以明詩聞河獻以雅樂著至其著作罕所稽見

若著作累十數萬言時則有康王云王樂善悅賢
禮敦道祇皇上敬一之訓其學一主於敬因自銘其
讀書之堂為居敬則其篇什爾雅又別有本源矣成
臯克紹厥猷以廣孝思懼穆穆者之弗彰也故直續
其編為居敬堂集云

王西野詩集序

西野君之宰南宮也余弟民寔守學官功令之章以
奉君君儒賢也其治壹以儒飾故其文章政事條理
相宜氣象雍容典雅類非俗吏之所能為者焉初弟
寄余書曰邑侯愷悌君子也再書曰邑侯篤實光輝

文集

卷六

王

文質彬彬君子也三書以其著作一編來乃君自署
之曰齊東剩語者蓋謙之甚也余讀之卒業知其於
性情之旨參矣夫性靜而正情動而和物感而應聲
協而文古之所以為詩也然中無所主徒襲取成案
比附雕刻捏目以為華蓬心以為慧則失之矣是編
標韻清遠菁藻秀潤天然之致卓爾不群自非正和
之感真聲文之諧妙其曷克臻此者耶故於性情之
旨參矣是故無心於文而自無不文也使其降聖門
之學專辭苑之工則相如子雲不足多王維孟浩然
未肯讓矣然君之所貴固有鉅於朱丹其轂者觀之

於言語之外可也昔夏侯湛作周詩成以示潘岳曰此作非徒溫雅乃別見孝悌之性今謂君詩非徒文質彬彬乃愷悌見焉庶明允哉弟署書尾曰兄覽吾邑侯之作幸敘之余斯敘之云爾

崇正錄序

學憲際崖周公校晉之藝取其文之正者得如千篇錄爲一書刊布以示承學命曰崇正錄焉胤以老生爲敘其義曰際崖公之主盟斯道也既崇德以正多士之行矣而曰德行本也文藝末也士貴先德行而後文藝也茲又於文焉崇之何耶曰是正所以崇德

文集

序卷六

三

也今夫文者德之符也默而存之之謂德煥而章之之謂文是故德成而上而非無文也藝成而下而非無德也特道之物有本末學之序有先後焉耳而其理則不之二也夫士偏長一藝而或不本於道德之意者有矣未有有德而不兼善乎藝者也孔子曰有德者必有言有言者不必有德蓋有德之言其辭正不必有德之言其辭偏其辭正者達其辭偏者蔽故孔子曰辭達而已矣今惟正之錄也以示崇焉實考德以觀其煥然而非偏長一藝之作所能與也君子於是知教之所以崇知教之所以崇則知學之所以

崇矣是以崇雅絀浮爲尚德之威崇功事業爲敏德之應其機豈淺淺哉惟晉稱鄙學寡師資士或拘陋而乏廣大之充或踈略而鮮精微之究至安於所習毀其所不見者往往而是也自公表憲陳訓儀矩式昭士於是爭先嚮道皆律身乎孝弟忠信之壺禮義廉耻之開熙志乎性命道德之府文章禮樂之場猶雲蒸龍變光景沸騰其著而爲文宜其精華之煥卓雅不群如此夫然學有淺深則造詣有至不至焉茲錄蓋即其已至其未至者望之而未之見則亦諦審其所崇而躋之拾卑闕之阻進高明之極斯於大宗

文集

序卷六

三

師嘉惠後學之旨明矣詩曰追琢其章金玉其相言之所以爲文也我日斯邁而月斯征其學之謂乎

贈參知仙臺李公擢四川按察使序

仙臺李公守我冀南之再年擢四川按察使以行瞻開府在汾汾人皆戀之不置學之師生謀所以贈言於外史氏曰槐聞諸孔子之教子貢也曰事其大夫之賢者大夫者政教之主而士民之望也其賢者則慎其樞機而淑其表儀出言有章而作事可法者是故端肅以承之嚴憚以勉之則可以成吾仁焉今夫執規司矩而爲方圓者資持衡袞繩而爲平直者

賢而況於爲仁者乎吾師生之事仙臺公也於其賢之屹然淵然不可跋而及也然竊有以得其政焉夫國俗奢公曰若是之靡也寧約焉於是先之以節儉蓋澣衣蔬食而無取其下之供民散於兵荒公曰若是之困也寧休息焉於是先之以博愛蓋除煩禁苛在勿擾之宗有圯族敗類公曰若是之頑也無忿疾焉於是徐而制之卒自底於罰吏有弗堪任事者公曰若是之窳也不如已焉於是愔而處之使不得肆於民上是則政之大者是固可以贈乎又竊有以得其教焉自公蒞學以臨吾師生未嘗不惠之色笑以

文集

卷八

三

示其涵育之機也自吾師生進見未嘗不蒙其延接以領其誘獎之意也不登壇講德而仁義之言藹如不專門角藝而文章之美煥如當是時猶和氣之煦物而物油油然化矣是則教之大者是固可以贈乎外史氏曰有是哉贈之宜也夫節儉廉也博愛惠也制頑哲也御吏肅也善教恭且仁也古所謂尊五美者宜莫美乎此也然公有此大美每自含弘如太樸未雕及當事遇物剖析幽微料理艱大無不燭照數計而刃解者乃其在中之實如此故其光大發於事業矣知公歷試敝歷一用此道茲由蜀憲以登相天

下可也夫鄉校而議執政在昔子產之時思之今生方頌言以相贈也非大夫真賢不能得師生之贈非師生真能事大夫之賢亦不能知所以贈矣余於是紀之

贈雲峰高子掌教屯雷序

雲峰高子司訓於汾之學也五年擢屯雷縣學教諭去去之日其僚友與其群弟子也皆不能舍也余問之何居而曰夫子之處僚友也敬處群弟子也信其自處也其中退然惟恐先乎人也其言訥訥然如不出諸其口也古所謂篤厚君子也者蓋夫子其人也

文集

卷八

三

夫惟篤厚也者篤於親則民興仁焉篤於友則民興義焉如之何其能舍也若夫官則不可以不之也於是雲峰子去而之屯雷余於是知屯雷之教興也夫師以掌教模範之謂也惟木有模則方圓因之矣惟竹有範則曲直因之矣惟師有篤厚之教而多士有不因之者乎古之士也淳今之士也漓古之士也修今之士也飾蓋文習之趨而江河之下流也滔滔然皆是而不可迴也當是時天下之爲師者亦莫不以文習之趨趨之矣師以綜文教弟子有善爲摘藻者方自以爲青於藍也師以講學教弟子有善爲華說

者方自以爲寒於水也於是有所鑿之不相入者是
以其教之否也誠得師之篤厚者而身教之日凝然
屹然曰孝弟而已矣曰忠信而已矣曰禮義而已矣
曰廉耻而已矣由乎此者謂之學不由乎此者謂之
判由乎此者雖木訥少文貧賤而可貴不由乎此者
雖摘藻挾天華說驚世紆銀黃取青紫而莫與也有
不感發其良心而興起其善行者乎夫是八者非由
外鑠我也我固有之也是故聖門之設教也孝弟忠
信之外無餘旨也管子之言治也禮義廉耻之外無
餘術也皆篤厚其所固有者神而明之存乎其人焉

文集

卷六

三

耳今雲峰以篤厚之道行余是以知屯之教興也屯
學固多文彥茲其相與丕變文質彬彬儼有先王之
遺風焉固其所矣祖帳郊庭咸有言以相贈也余公
言之云爾雲峰子再拜而別

孔文谷集卷之六終



孔文谷集卷之七

海居敘讚

大司馬東崖翁公抱天人之鉅策該文武之鴻資承
上簡命專閭朔方總統經制規遠謀明運籌決勝帷
幄千里無遺過還不勞餘力其最大者更累年退步
之防中王制在夷之守脩築塞垣荷鑰大門崇墉耳
野蟻輜相望蓋百夫守之而萬虜莫前稍稍出奇則
所向無敵矣當是時軍士畱田而養銳將領待勝而
蓄威聖上免西顧之虞疆土獲內安之庇公於是方
興懷四牡縣望白雲以尊君梅賾翁遊在海上海我

文集

卷七

二

身在朔方又世世居海村而梅賾翁實紹大其德而
我時繹思乃命工繪海居圖庶一披覽之而猶庭之
趨也而猶邊將也其天理人情之至而忠孝之純備
云惟時三軍之士官寮之屬莫不聞而感之乃按察
使楊左叅政耀右叅政璽僉事徵相與議於庭事曰
自北虜跳梁越過雲中高關至晉內境剽劫視若無
人元元遯死不暇三河震驚畿輔互動山東之民不
得安枕而臥蓋歷庚辛壬癸無寧歲焉皇上憫然惻
然簡材推轂得我大司馬翁公自公臨戎今六年矣
匈奴遠跡陲壤晏如何治前後殊也實惟許展



以謀大聲策力群矣忠益廣乎是用安撫胥効皇心
命爲社稷設長利矣至夫財不費而績鉅役不省而
人悅兵有不戰而勝虜有不殺而威則公之器使之
明妙節制之玄微焉夫古之稱名臣碩輔崇德懋勲
必本之忠孝如小雅所云南仲方叔尹吉甫是已今
公所樹立固昭昭如是則修之家者用之天子之庭
所謂事親孝故忠可移於君也二者宜莫尚焉可弗
稱乎夫遇明盛而不述者鄙也感神志而不宣者忘
也吾等幸奉命承教於公久感遇也隆可弗稱乎乃

卷集

卷七

二

各綴一篇圖次原本德業歸美世家以慰公永懷之
心而竊附小雅之義仍命外史俛列之云爾夫大海
蕩蕩水所歸高賢愉愉民所懷俛何人斯而獨不懷
况賴公之靈得爲縣解之民者也爰作讚一篇其辭
曰淵淵浩浩有碩其居篤生鴻俊乃將乃儒天子命
之臨彼朔方總統經略式遏寇攘桓桓司馬握策運
籌出其家緒以闢王猷王猷赫赫我武自天崇墉有
甌觚是虔力省勦繁源絕師倍父人之貞如決斯
沛天子是憚曰公之故公曰聖明亦或予父蕩蕩藩
良肅肅憲使表孝揚忠賦圖稱志曰予不敏奚能一

辭鶴鳴在陰其子和之

贈學正虛溪林君以賢薦獎序

皇上右文熙理特重儒臣之選而部使之所察舉率
以是爲重然曩師以老故備職弦誦無卓絕之能其
間克膺厥舉者難矣故御史每歲薦獎率多郡縣之
又師儒而見與者槩省不過二三求其文行之具優
學識之兼邃益又難矣今其人則有莆田虛溪林君
焉君以八閩名才舉進士於鄉乞疏願就學職以待
臨軒之策於是署學正於汾之學也君署學有古雅
純正之文謙靜莊敏之行闊深博大之學精通廣遠

卷集

卷七

三

之識以之爲訓寬和而有嚴循循而善誘成人有德
小子有造焉綜其名實可謂具優兼邃之賢者矣去
歲巡按御史王公薦之一省以爲得人今巡撫御史
熊公亦薦獎之如例於是郡太守一川吳公別駕宋
公偕僚吏親展賀於學官以崇獎其賢禮也太守又
以茲事美大宜有文敘焉以紀之余於是言記曰
師嚴然後道尊道尊然後民知敬學夫固師之道也
然必上之人有以重之而後得成其尊嚴而起其敬
信故窮鄉下邑之師雖嚴弗威矣弗威民弗惕雖尊
弗顯矣弗顯民弗從弗惕弗從則弗敬弗敬則弗學

焉即禮教有不興之處賢才有不出之隅其故可以明矣今林君之賢既見薦獎於御史又見禮厚於郡大夫語曰何以與衆所扶何以起衆所舉當是時雖欲不嚴不尊其可得乎雖欲民弗敬學其可得乎故汾之學於是乎興矣禮教勃焉賢才蔚焉爲有繇矣第君當策試大廷又用薦者當大見詔擢則遵鴻之思不能不預啓多士之皇皇耳是時太守並被獎薦夫一時卓異之舉太守拔郡縣之萃師儒表學校之良皆不外吾郡而得之何其盛哉於是乎紀之以彰其美大云

文集

卷七

四

毓嗣發祥序

虎溪先生以嘉靖壬戌自京師隨牒來署學於汾其年寇犯興化先生之妻子與重圍出無恙及次於福適與迎者會乃踰海涉江浮淮度河歷羊蕩九折而抵解舍是爲癸亥之夏計發福至汾行萬里閱數月眷屬小大舉無風露之虞君子以先生素行通於神明得鬼神呵護如此明年甲子二月六日誕生男子之祥諸生進餅果金錢具退讓不受經生俊民等議師完壁之後復天眷產珠宜圖篇焉贈之余曰謂之毓嗣發祥則可夫祥天福也易稱自天佑之吉無不

利是已以言其致則信順以載之思優以成之漢明易嘗對天子以和德言心和則氣和氣和則形和形和則天地之和應而諸福之物可致之祥莫不畢至揆易所謂履信思順承佑之旨明矣然以景星慶雲朱草醴泉麟鳳龜龍侈其祥者其猶取物也遠惟鳬鷺之詩嘉祚胤以表其錫類抑之詩言惠於朋友則子孫繩繩以取諸身於信順最近焉先生天質純敏文德懿衷鴻雅博通溫恭肅哲明於天人之統合於聖賢之度其爲教也康色以容其進惠心以平其施迎機以啓其化量材以作其能奮其不及而約其

文集

卷七

五

有餘卹憫其厄窮而剗拂其顛隳其所以爲道則執規而居持矩而處珪璋之爲質而黼黻之爲文蓋非信弗獲非順弗思如此考之於詩則錫類之善惠友之仁先生以之徵之於易則天佑之祥現乎祚胤兆乎繩繩焉可誣也是故諸生之以圖以篇也謂之毓嗣發祥則可先生道大行且對制殿庭採漢儒和德之議闢信順之符揚錫福之威策鴻名稱善對爲天下第一則自其所有者而致之是又發祥之一大端也

清源先生詩集序

惟沁陽之郡爲古銅鞮之域山川融會竊挺奇人則
有我清溪先生云先生之兄起家御史至廷尉廷尉
之子能世其業起翰林吉士御史太守憲副至僕卿
蓋炳靈有奕者已獨先生別駕海陵不樂居職退保
玄虛大放厥辭含英吐華落紙成帙爰有蟬林晚噪
梧桂鶯鳴之編乃謙已自名復自敘之其悲歌慷慨
之致恒識所不能殫也但歲承先生命駕論心開卷
玩目因托使校定仍敘卷端嗟夫鄙人離群索居譬
諸盲瞶無以與乎宮商之聽黼黻之觀久矣乃今榮
然霍然應之而不暇挹之而不窮也奚但發蒙竇以

素集

卷六

六

愈痼而乃稍稍識其爲奇作焉蓋其注意不主於故
常降格不落於卑近斯險韻誦辭詰曲聲牙如野馬
像輪綢繆續紛不可捉搦誠亦奇矣唐興詩人有李
賀怪盧仝險今也語筆墨於畦逕之表論文心於雕
龍之中以此方彼疑弗劣焉夫事物之形人欲聞而
厭見則無奇矣謂之奇者必出於聞見之所希有是
故水火禽蟲本不足奇若溫泉火火鼠冰蠶則人
皆奇之矣何也希有故也夫盜驪騮耳固與汗涓殊
跡飈車羽輪抑豈合轍於城門之軌哉先生有奇才
而無奇遇上視李廣馮唐則可以無我著書立言資

藻紛敷藏之山巖布之海隅曜潛德之耿光纂斯文
之鴻烈則可以無物無我則樂天知命而不憂無物
則甯然喪其天下而散徒黃屋夫蟬辭之榮焉足以
點廖廓之光也故覽於琬琰者有以知先生之奇初
先生過汾復蒞任子館而通焉茲訖事謹就正於任
子而歸之先生

汾上講餘錄序

夫達觀物之理者道有小而必存樂取人之善者言
無微而可略是故農圃鄙陋不見遺於文學之賢藹
蕘淺俗獨見採於先民之聽粵陽谿子之從吾游也

素集

卷七

七

以吾一日之長也而吾與陽谿子游則以其生乎吾
後其聞道也先乎吾當是時道之上者吾不得而語
也亦非吾之所能語也乃陽谿子默而識之不言而
信其有語者特其最下者耳律之道門宜弁髦棄之
顧陽谿子則蓄之懷袖之餘又鏤之以期不忘若曰
平生之言可以久要者乃爾也抑亦以托辭喻志無
六義之備而有一得之愚乎是故其觀之不藐而取
之無吝矣夫輕塵無補於岳而泰山不外乃所以成
其高墜露無增於水而滄海不別乃所以就其深舉
此以例則陽谿子之所以爲大也庶可彷彿其萬一

截要之由道義之衷夫道義者隱於無形必有事以章之垂於不朽必有物以紀之余於是書君之舉亦衷之不可以已也余兩人詩自嘉靖庚子至隆慶丁卯皆贈答寄憶而作各如千篇後倘有作則續之云

旌賢敘語

虛溪先生林公之守吾郡學也蓋主張斯道以爲教焉其先曰孝弟忠信禮義廉耻其次曰經史淹詳篇翰典則其入曰精思實踐其究曰廣大高明教既立群弟子志有定趨功有循次而日漸被於薰涵長就於化育則上者德而成焉而游於藝也下者藝而成焉

奏集

卷八

八

焉而據於德也於是稱先生之道明晉志之闕者百有餘年經先生總攬獨運蒐遺補漏考異定同注記編纂簡瞻閱該不半載而成一家之言垂三晉之信於是稱先生之道文質彬彬焉溫恭愷悌周行不殆弘雅博綜旁燭無疆而作人脩史有經有緯蓋德才學識文章政事全也於是稱先生之道爲純備焉時有薦先生於廷而加獎於學者前有監察御史西塘王公今則有南墩熊公云符至禮行則僚友諸生以爲賀也先生又固不受余舉觴而進曰先生自此升矣夫古之君子抱道於身

或大而莫容或現而難識或賢而隱於下位者夫豈

少哉在聖人則目之曰遜而歎其不成乎名也而明

揚側陋是必有稱道薦舉焉此十六相所以升有虞

之庭今御史以薦賢爲職先生道尊而位卑道尊則

不求人知位卑則易爲時所累而御史固特薦之則

是真以賢見揚矣先生始舉進士於鄉褒然推大儒

猶未諧上第乃就師資而修相格增其彌高而益其

彌深斯其所彪炳於黌序之間者固已彰彰如是所

謂龍翔而景雲浮虎變而谷風振非其機哉行且衡

文大江之南歸而上南宮之選最大廷之對天子臨

奏集

卷九

九

軒而賜顧曰予知汝名有司顧數以聞矣予其汝庸汝勿替當是時出其純備杼文而廣國華論道而調天紀實自致之極焉耳然揆其泰階之符則自今兆之故曰先生自此升矣於是受賀以成禮也仍書其敘語於軸

雲天遥祝序

雲天遥祝者言大衆知湖山劉公介壽於親之心也公仁孝誠敬於親無斯須之忘茲銜命守晉其封君鑑塘翁七十之辰與太安人何氏六十九辰俱在豫章諸子姓侍焉而公不獲躬家慶之拜奉南山之觴

寧能已於心乎是以望雲天而祝之若曰天錫公純
嘏亦右文毋云爾外史胤聞而言曰夫公亦猶行古
之道也昔者狄梁公之行役於外也望太行之雲而
思而曰吾親舍其下也古之公卿大夫之孝其親也
與士庶異士庶服勞於家故燕昵於親之側則有其
事而無遐慕之心公卿大夫委質於國故不得燕昵
於親之側則無其事而有其心御鼎俎而有菽水之
懷膺綬冕而有斑斕之羨策四牡而興不遑之嗟循
廣野而起南陔之詠蓋仕則慕君而慕親之心不可
移也故未有忠臣而不孝子亦未有孝子而不忠臣

卷集

卷集

十

者夫公亦猶行古之道也而何以言介壽乎夫真常
之謂壽也壽之在人不可必有可必有不能得有
不能不得則定於孔子之一言曰仁者壽蓋仁天道
也仁之者人道也天道主仁故有常人道合天故亦
有常詩曰維天之命於穆不已於乎不顯文王之德
之純言天而徵之人也俾彼雲漢爲章於天周王壽
考遐不作人言人而徵之天也鑑塘翁溫良愷悌廉
孝貞固守約而不污樂善而不倦不曰仁乎太安人
勤儉慈惠淑慎柔嘉合陰陽之德理健順之宜不可
不謂之仁也湖山公紹庭光訓克廣聖猷解澤登朝

爲大雅宗自詳刑部陽秉禮秩宗敷文黔南保登三
晉行且正銜紀之序調泰鈞之元皆弘衍家風以康
國粹又何莫非仁之敦耶是則必得之壽不介而
已臻真常之道全體而不匱是故身其康彊而無窮
之景福萃焉子孫其逢吉而不世之鴻休引焉老子
曰復命曰常知常曰明明於此者古之真人而無極
也安得以心迹之間而芥一室千里哉我心不遐雲
天匪遙太安人誕在中秋十日鑑塘翁誕在嘉平廿
日公馳使上起居爲壽以寄其屬屬之心乃外史
綴此敘辭作圖錄獻焉夫他人有心予忖度之仲山

卷集

卷集

士

甫永懷以慰其心其斯之謂矣

贈林虛溪先生會試序

嘉靖四十三年天開甲子皇上維新景運不圖文明
以明年乙丑會試詔禮闈於取士焉徵之於天下
之士盡備計而集京師乃虛溪先生以學正行其月
宋與群弟子送焉外史胤代之言曰先生過矣先生
純敏端亮博學而深造遐覽而玄識著爲文辭典樞
精瞻大者無垠小者無內要之與六經之旨同歸也
其操履應酬之間周旋折旋壹禮義恭讓而信以成
之孔子所謂君子也諸生被其薰涵而長養成就

彬如也先生蓋才德兼學識具而文之不可掩乎前
小就學職蓋有待焉今皇上恭默思道外則思守封
疆之臣與安郡邑之吏內則欲得文學侍從之臣月
月論思朝夕獻納以調元佐太平詔旨招延如此
其盛乃鴻藻之才進龍德之侶升珪璋之品達黼黻
之彥登應元會之運承泰階之符如龍現文而祥雲
景附虎布武而惠風颺合千載一時之遇莫奇乎茲
也顧以先生之才之德之學之識之文有不稟然爲
舉首乎故吾知其遇矣易曰公用射隼於高墉之上
獲之無不利子曰隼者禽也弓矢者器也射之者人
也君子歲器於身待時而動何不利之有動而不括
是以出而有獲語成器而動也今信乎先生之器成
故吾知其遇矣夫器之用匪一而利於論思獻納之
用者是先生之器也故吾知其遇矣登金門步玉堂
爲有日矣攝提貞孟祖帳青郊同寮二人弟子蓋三
百人藩郡之餞與環橋而觀者蓋如堵焉僉以外史
之言爲然遂書之以爲贈云

瞻遠樓詩序

夫樓居者資其勝槩以寄其情適焉而已矣傍山臨
水複檻層簷碧甍玲瓏虛中洞達其槩也端坐而有

抱冲之適憑高而有寥廓之適眺遠而有蒼莽之適
俯觀而有離塵之適舒嘯而有放懷之適歌詠而有
感物之適燕娛而有延景之適其情也君子則不然
發乎情止乎禮義動以天不間以人承山公家起一
樓大江環流四巖拱翠固足以縱逍遙之遊窮極意
之樂而日啓窓西望有皇祖中丞公皇考督府府君
之封樹焉觀德愆之氣以攬予懷慕之心則取其宇
號之文以名其樓曰瞻遠也當是時將顧名思義處
高處危矚濤潭以迴源睇長松而追本對越乎聲容
之掩藹游衍於神化之流通淵默而有雷聲之應泰
定而有天光之發雖樓居則同而情之所適同與世
殊矣嗟夫古之君子一出言舉足不敢忘其親也乃
觀承山公豈不信然也哉公以端揆之望方受命敷
歷固不遑百尺之栖而左圖右書實倦倦焉文史披
玩往往詠言因託野史氏敘之以表群玉云

送承山宋公南還序

參知政事承山宋公守晉之鄆三年撫接交上疏薦
言其賢可大用乃禦虜功著督府與巡按御史又特
上疏請顯擢事下兵部大司馬服其明允特舉賞不
踰時之例請加藩轄職銜仍借守舊疆上曰可計前

後事宜俱屬銓司掌覆俱不果行已而用一言之毀廢千人之譽時公方申畫兵防撫綴殘破蚤作夜思靡不勤茲百姓賴之如山嘗葬而就衽席及聞此意外之報則遠近大小惻心隕魄欲攀援信宿而不可得郡博士弟子咨嗟言曰某聞之明明在上穆穆在下明良之所以相濟也是故賢者在位能者在職則朝無棄德野無棄才今聖天子圖治之初賢宰相寅亮之日而賢才之進退其輕如此不已棄乎夫中外展采之臣誠多布列矣其純潔端平愷悌明敏如公者幾文德懿衷武以威敵如公者幾議事以制不爲

文集

卷五

古

刑辟如公者幾不侮於寡不畏彊禦如公者幾處煩以簡濟變以通如公者幾禮檢宗藩道興學校如公者幾使布列而皆若人則小賢而避大賢可也或方茲而有一劣則倖位之慙獨免於胡頹之謂乎何言聽之皆易也夫公譽之而不用私毀之而不察竊恐貞人智士將望望而皆隱矣外史氏因曉之曰夫官者非吾本有之也倘來寄之而信其去耳孔子曰道之將行也與命也道之將廢也與命也公伯寮其如命何言吾道當廢天適使讒人毀之雖讒人亦受制於命矣彼焉能廢我哉故君子或仕或止無入而不

自得也公生平以道爲體其視去位若浮雲之散太虛了無得失之患際於其中所謂樂天知命而不要者公以之矣顧區區外物奚足爲公益損哉然諸君之意則憤世疾邪傷大道閉塞賢人中隱篤縑衣之好而惡巷伯之深也於時博士弟子咨嗟不能已已二三士夫皆臨岐泣數行下乃共持此語追送以張本去後甘棠之思云

贈學正林虛溪先生擢任懷遠序

嘉靖四十四年乙丑五月汾學正虛溪先生林公擢懷遠縣令初先生以純雅博通孝悌潔白之儒上王

文集

卷五

五

成第未過乃暫署學當是時學子之屬失匠石之資也久視其宮有茂草焉及得先生如渴得飲如聞得姓先生垂法之楷陳義之高析理之精綜文之典勸有獎情有懲貧有周患有卹如沛江河之潤揭日月之光斯片楹不濡無幽不燭者矣如是者三年學以大興復上第乙丑祖餞之辰自郡大夫以下至門弟子僉以先生之德藝下之謂必遇於時乃復不見遇尋亦以賢見擢云先生莅學之年鴻藻甚著省中因以晉乘扁之先生執觥詮纂不數月而成書今稱信史矣已而聘衡江試弘採國楨又稱匠師之良焉

生雖以賢見擢群情猶不釋然乃先生慷慨就道無
戚戚容祖錢之辰自郡大夫以下至門弟子又食以
先生之德藝卜之謂必遇於時必行其志自一邑始
也孔生曰自古聖人賢士之生天固界之以用世之
具矣用之教以明其道用之政以達其德則君師之
事公旦仲尼之選也以先生之蘊杼之奚時而不遇
奚志而不行哉抑又有命之說焉造物者之爲令也
或予或奪或困或亨或桃李之華而先榮或松栢之
心而後茂或淵潛而龍現或漁釣而鷹揚察物之變
揆人之紀雖蚤暮不同要亦俾之遇矣俾之行矣志

文集

卷一

七

稱懷遠爲我太祖高皇帝豐沛之邑其湛恩汪濊神
化消融至今寢遠寢明其形勝對峙兩山先生左挹
荆山笑卞和之泣右攬塗山思大禹之功撫湯沐之
遺氓存可封之比屋條其紀綱文之禮樂興修利益
黜遠暴害壹澤之以江河之潤照之以日月之光誠
始於一邑將施之天下而無窮也夫觀水於濶觀象
於隙言有本者如是是之取爾若自竭其潤自蔽虧
其光將比蹄涔燿燿之弗如而能以治一邑耶乃今
而湯湯而赫赫而曷其有極言畢酒闌愜先生之嘆
屈者咸悅先生遂再拜結旌脂德車以行

曹守受齋孫侯德政序

汾司訓蔣坡尹子曹人也與余語曹守受齋孫侯之
賢且徵言以爲贈其賢之大者曰蠹蔽之釐也賦稅
之平也徭役之均也聽斷之審也刑罰之中也夫蠹
以傷民蔽以罔上皆緣飾以爲姦多出於府史胥徒
之流左右近習之輩侯深察而處之是以謂之釐也
夫賦稅者正之供而豪強兼并里書飛詭有田連阡
陌而逋負獨多產僅中人田無百畝往往累其陪納
於是乎貧且病者夥矣侯深察而處之是以謂之平
也夫徭役者力之宜而高門多例免之私茅屋有獨

文集

卷一

七

勞之歎亂其等則之常加之影射之幻於是乎越且
亡者夥矣侯深察而處之是以謂之均也夫訟者所
以求理侯小人之獄必以情是以謂之審也夫刑罰
所以禁姦侯善無微而不勸惡有小而必懲是以謂
之中也故曹人之困也以五者之失其度也今則更
稱其職民安其業而行旅者歡遊宦者悅志也有宗
族在田里有子弟在學校而蒙教養之休有老夫坐
卧青氈而無內顧之憂皆侯之賜也是以謂之賢焉
而不能盡其大願有述焉庶以矢其德乎余應之曰
善哉受齋侯之政有如此者夫自世道末趨而吏治

外獎則密於事上而略於保民急於邀名而緩於務實於是上交誦而下交瀆能聲雖著而仁聲罕聞即子產之愛叔向之直何武朱邑之思不可復見矣乃受齋侯秉天理之純心揚惻悌之洪化故能行是五者皆保民務實而無一毫希世取寵用智自私之念豈非無所爲而爲善之君子耶昔子路治蒲三年孔子過之入其疆而知其恭敬以信也入其邑而知其忠信而寬也至其庭而知其明察以斷也皆觀其政而知其德雖三稱其善猶以爲未足也今敬聞侯五政之規當不止乎三德之頌矣夫國家以進賢爲治

增邑侯斗垣陳公膺撫臺旌獎序

君子之道以自信爲本實以見信於人爲徵應無本實弗立無徵應弗行故必能自信而後可以言立能見信於人而後可以言行以德心敷德政施濟而不拂乎民內省而無歉於志是之謂自信我善是人亦稱是與之非謂辭受之無愧色是之謂見信於人余

孟子見其言獲上治民若居官守職猶有假於及推本明善誠身而極於感人動物則所以自信以見信於人者乃履信之道順應之常而非有所假也明矣故曰不患無位患所以立不患莫己知求爲可知也昧者爲之或恃才不免於凌忽負氣不免於懷直用智不免於自私好名不免於緣飾或暴得虎譽而敗不旋踵則不信之過也故君子於本實之端也非以求信於人而徵應之來適以考吾自信之誠孝義當丁卯寇亂之餘加之征繕之役民命不絕如縷其勞者之欲休息傷者之欲植援真赤子之慕茲母也

也得斗垣陳公爲之拯其貼危修其墮壞補其偏枯集其通負雪其煩苛雨之康惠蓋數月而元氣藹焉即其惻怛之心與其中和之政皆其自信而巡撫揚公舉憲典旌非見信於人之一驗乎夫自朝省以至撫按監司俱以知人安民爲事惟撫臣之經略也則錢穀甲兵禮樂刑政無不總統其安撫也則問民疾苦培養命脉尤爲切要然皆責効於有司而旌別其賢撫臣曰賢則無所不賢矣故旌書皆重而出於撫臣爲尤重焉然公之心固主於信道不以是爲重輕至安位行志持之歲月之久馴之漸漬之深以大惠

斯邑則閭閻之幸庠序之幸縉紳之幸也鄉賢礪菴
霍子以其尊翁大司馬相公之意慶之而徵余言以
表之因又知公之賢見信於嚴廊之上弘矣遠矣

贈汾幕趙君陸順天府庫使序

夫一命之寄苟存心於愛物於人必有所濟信哉斯
言也天地以好生爲德而人得之曰愛所謂先王以
仁心行仁政不過推其愛而已矣今有受命於君而
司牧乎民捨是心焉則無所用職矣故位無崇卑能
利人濟物則爲慈爲良爲愷悌不能則爲貪爲暴爲
姦邪君子小人之所以分也而階資不與焉假如據

文集

卷五

三

高官大爵一以勢利汨其中私臆橫於外殘民害物
無所不至與官卑祿薄循循守已惻惻愛民者較其
孰得而孰失哉此守位之所以貴仁自天子以至一
命之臣其心一也北台趙君以華陽史陟汾幕到官
之日值北虜擁衆薄汾君倉卒中城多計略虜竟遞
去殘破之民呻吟愁痛賴君撫摩嗟煦如慈母之於
赤子也時長吏以苛虐立威群衆多附君獨持寬厚
不詭隨及苛虐事敗而君賢益彰主掌微巡姦盜屏
息間井焚蕩之餘得稍稍寧輯皆歸惠於君焉君明
法令凡用文主斷宜愴刻少恩而哀矜明恕往往如

詩書之所稱至其忠信篤敬若太樸未雕習俗所不
能移者蓋天與鑄其善歟其慈良愷悌藹然著於一
時真所謂存心愛物而有濟於人者也其賢於茂公
之仁而尸位自雄遠矣不可同條而語矣居歲餘陟
順天府庫使去夫百官以京職爲榮君以賢徵榮當
復有不次之遷而郡掾等實惓惓焉欲借留之而不
可得因乞余言以贈之如此

贈直古老人李公登年上壽序

人壽以百歲爲期其大域也有能至其域者全其天
年之人也夫自然之數謂之天年天無窮而數有限

文集

卷五

三

如四時焉春而夏夏而秋而冬順而敘之而無所
壅缺一歲之數周矣過此而退進進退則莫之能窮
也人生形而生生而逸逸而息順而受之而無所夭
關百歲之數周矣過此而死死生生死則莫之能窮也
無窮者不可知有限者吾委順焉夫人有少不至壯
壯不至老而與草木同朽腐者皆自成其天年者也
蓋神者形之主也形者神之載也神太勞則竭形太
勞則罷形神俱弊而能全其天年者鮮矣今人趨利
嗜慾內思慮之營以竭其神外奔競之役以罷其形
日夜相代乎吾前而弊弊焉之不休豈不痛哉當弄

之時百姓日出而作日入而息鑿井而飲耕田而食
含哺而嬉鼓腹而遊而形無所役不識不知順帝之
則而神無所營是以擊壤之老皆躋大年華封之祝
壹以多壽蓋全其天年之人皆陶唐氏之遺也老子
曰全汝形抱汝生無使汝思慮營營豈有假於金書
玉錄服食導引哉抑亦以自然者之爲貴耳孝義有
直古老人李翁生澆漓之俗而其純若樞而固也長
雕琢之時而其樸若渾而堅也它衙解之衢而目不
省官吏處桑田之野而口不言市肆鄉飲之行也縣
宰聞其賢而賓之則望望然踰垣而避之曰奈何取

野老而繫之也豈以我爲爲是拘拘者耶居常收視
歛聽靜澹恬愉粟充腹布揜膚坐不欹寢無夢無老
氏之學而有其事無堯民之歌而有其情今歷歲且
百而益康彊其以爲全其天年之人也信也邑中士
大夫相率而禮於其廬以敬老也其子世榮欲文貢
以記之陽泉君徵之余樂爲之敘焉翁姓李氏名某
字某號之爲直古老人云

介休縣志序

夫志史也以史官爲之書也古者列國皆有史官故
并有書以紀其事自郡縣之異制則有守令而無史

官而守令之務又有急於史者則將先其所急而後
其所緩文書盈於几閣車馬靡於道路掾吏委於刃
筆功課析於米鹽歲月無久住之時載乘無世家之
統斯於稽古禮文之事闕矣夫文武之政不墜於方
策秦漢之形有考於圖籍則志之徵也故觀疆次之
所考陰陽風雨之所交則可以敬順天功觀山陵川
澤原隰之阻樹藝灌溉之宜則可以祖識地德觀王
公大人之所經綸賢人貞士之所挺伏方物之陳宅
里之表則可以序宣人紀執三極之矩弘萬類之綱
纂一邑之事繫四方之風道有污隆政有登降俗有
沿革事有損增酌古以準今彰往而察來因故以求
利考衷以度中備是物也其可闕乎介休爲晉名邑
顧獨無志二百年來令尹與國劉公始蒐輯而草創
之而以學諭關西李君事編次不三月而其書成焉
君子以爲文獻之興自公肇之時李君來屬敘余往
述郡志欲兼總三邑故事不能得今乃獲觀其成書
昔孔子慕夏商之禮而傷文獻之不足蓋有意乎其
興之也卒垂禹書定商頌於是二代之迹爲信而有
徵而聖人之志行焉夫邑之不可無志猶人之一身
不可無視聽之資言動之具采色之不昭聲音之不

越善龜之不兆衡鑑之不懸則振振乎買矣然道不終民待人而行公有珪璋之材惟梯之德情物如子產好賢如子賤然必成憲法必古則充其心也三立而不朽者也宜其隆慶緒於久遠傳國於後世如

此大邑之先民有介之推之充節郭林宗之遺文

彥博之忠貞曾無靈於光岳斯端於士風不遺黎薰習往從襲其節諒或將生康沃壤而失憂後跡是因其篤行而文之以禮樂導其富庶而申之以孝弟公之教也志之大也敬敘之簡端

文集

卷五

重

隆慶五年爲聖朝元會之期方服之臣罔不畢詣特汾州守以違例畱丹峯夏公職在別駕當於庚午仲冬抵行於是邦人大夫諸士贈之言曰古之諸侯朝於天子曰述職述職者述所事也今之郡守重於古諸侯循入覲之典而述職於天子之庭於是乎考百明功而以升以絀則古今一而已矣然古者尊重民事而後世以簿書期會奔走承順爲能則惴惴無華與守已愛民之吏往往不得意於上官是則司紀者之過也而此心則可以對天地報朝廷陳於百官表於庶民焉夫誠此心無愧則述所職也可以爲邦

之光矣善乎孟子之言民牧也猶受人之牛羊而爲之牧之也牛羊肥字則可以見主人百姓安阜則可以見天子惟汾晉罹割剝初罹於醜虐之虐劉再佳於屠伯之貪暴蓋因敵極矣比得我君侯實惟矜其疾苦惻其隱幽憫其偏廢除其蠹害平其枉曲無一念不在於民者蓋其聰睿之資通敏之裁廉正之守慈祥愷悌之心無一事不中民之理者由是當道信之僚長敬之士民服之事無巨細獄有大小率委集於公矣公八面應酬成井井有條惟明惟允若城我北廓三月而成特其一端耳蓋使一郡之民得以安

文集

卷五

重

其餘業保其殘生者皆歸惠於公也吾想百辟之行軒冕桂麾銀黃青紫煌煌照耀誠足榮矣然或但把燭時之能而鮮愛民之實於心獨無忍乎公於民也惠及隻車羸馬出郊士民袒道皆噴噴歡戀仁恩頌端旋舊疆用終惠我元元是公之心實無忝民牧可以對揚天子之耿光矣

南山獻壽序

夫國有元老其天下之福乎故詩之言曰樂只君子邦家之基樂只君子萬壽無期夫以樂壽莫邦邦其永綏矣邦其永綏而天下皆蒙其福矣古之君臣

相傲戒頌期公卿大夫之相告語祝頌言保守名位
必以德言受天之祿必以壽豈曰自身有餘而已也
誠以國之司命在保合太和長永貞固之舍所以成
博大悠久之化敦龐渾厚之裕所以衍優游康豫之
休而究中和之極躋天下於仁壽非聖人在上元臣
穆穆大老瞻瞻其瞻克以臻之昔二帝之世有皋陶
三王之世有伊尹萊朱太公望散宜生皆以元老而
執化樞秉道醇泐御世遠綿令和氣綢繆嘉生茂育
上有清穆之宴下無菑害之虞是以堯舜禹湯文武
之盛邦其永綏而天下皆蒙其福也至於今幾千百
載誦其福而歸德之不衰故謂元老爲天下之福明
矣少司空浴泉徐公今之元老也以調元贊化於聖
人之朝而天下望之以爲福焉者也公將以已之福
庇天下則天下之祝公者萬有千歲而不止也介邑
令劉君於公爲後進實望美先達而能愷悌其政比
來郡言將以清和之節選爲公壽歌南山有臺焉且
屬之敘其竊喜上公之致祝詩之樂壽而有加斯稱
之云爾語曰高山仰止景行行止身雖不至心則繼
往之矣心嚮往之則言之不可以已夫

孔文谷集卷之七終

孔文谷集卷之八

大竹文集序

御史大夫行菴陳公寄其先公大竹文集四編余讀
之卒業其疏議則忠謹切直疏通知遠之敷也其文
則典雅溫厚修辭立誠之彰也其書格則情文惻款
仁義之言藹如也其詩詞則才章巨麗性情之理昭
如也其史論則本隱以之顯撥亂世反之正春秋之
旨微矣其遺攷一編則載廟堂清議之所歸縉紳頌
詠之所萃焉野史氏竊謂鴻哲之生朝野皆述於是
敘焉曰夫觀象緯之精芒而知天之積也察草木之
華實而知地之疑也睹文章之璀璨不知其人之存
可乎天之積也清淳故其縣著如彼其盛也地之疑
也和厚故其發生如彼其備也人之存也剛健中正
而文明斯必然矣先民之言曰文自西京以前爲三
代之遺詩自刪後則稱無豈文絕於歷代而詩斷於
三百蓋亦有爲乎其言之也夫經生曲學牽拘於章
句詞人小技雕飾乎斧藻奇詭華抗大而無稽其於
道也遠矣是故有爲乎其言之也以余睹大竹翁之
作不有以見三代之緒論乎不有以見三百篇之遺
響乎夫象緯華實天下所共見也觀天地者但謂其

某縞曰天平其華其實曰地乎非所以覽於形色之外也大竹翁稟海岳之純靈粹惟皇之衷懿修孔孟之正學志伊周之選軌是其存也時其所發特其正威之應旁通之情亦猶象緯華實爲天地之散殊焉耳易曰君子黃中通理正位居體美在其中而暢於四支發於事業美之至也夫豈有意於具美哉予貢曰文武之道未墜在人賢者識其大者翁力扶世道夷險不渝往往多畏天悲人之詞其所識豈小小哉余少聽舊登州守嚴老談東海巨公大竹翁之賢及與行菴公並命分陝竊見身翁之度聲翁之律爲

全集

序

二

愚谷集序

齊魯之間爲文學之淵源也久矣方二國建時當周道之盛及周之衰禮自諸侯出故韶樂在齊周禮在魯孔子以至聖之德詘於季世則修六藝之文明耳王之法故曰文王既沒文不在茲乎孔子之後微言稱絕有孟軻氏出焉游於齊退而序詩書述仲尼之

意作孟子七篇仁義之言藹如也故曰孟氏醇乎醇遭秦滅學斯道缺數十載漢興諸儒復纂或先緒潤色鴻業言易則淄川田生言書則濟南伏生言詩則魯申培公齊轅固生言禮則魯高堂生言春秋則齊胡毋生其後公孫弘爲最著矣皆齊魯之英也可不謂淵源之所自乎要之以粹然一出於正者爲孔孟之宗焉經數百載有樂安李公云李公爲詩文並麗雅溫純無一字不根本六經而振掉古風唐人尚詩而燕許妙其匠心宋人尚理而周程優於聖域明興合藝與道感矣弘正中豪翰之士雄杜甫而右馬遷既乏堂室之觀卒依傍籬壁而已余讀李公愚谷集大氏詩似燕許文似周程蓋一音之契足以究清和之極一義之旨足以闡中庸之微而况衆善悉有群美咸備乎測其優柔涵泳之趣而靜深之蓄可知挹其潔芳秀潤之標而華實之致可想即聖人復起諸儒並列質以公之載述亦必謂之粹然一出於正者矣噫此可爲知者道難與俗人言也雲中守肖溟程君於公有館甥之誼則刻斯集以傳託戶曹趙陽谿君以余爲敎公毓美大國之風蜚英上第之選位列九卿樹爲儒宗炳然文章行業其行業自有書者余

全集

序

三

特敘其文章遡齊魯之淵源焉

程參戎刻窓稿序

丁卯寇亂之餘議汾設戎守乃一山程公奉璽書至擁旄建牙陳師鞠旅調戰陣之具飭鉦鼓之教咸有綱有紀有文有章稱軍容焉汾人知有軍容自茲始也公英資卓犖才文武兼少誦兵法幾十萬言復文史足用起武舉第一人所以含育者弘宜其所宜著如此云練閱多暇尤講藝以迪後生出少所爲論十篇窓下藁也余取而觀之創意構辭折理敷議其氣勃勃其采煌煌皆無舛於道而有成章宛然經生之旨

泰集

序

四

匠氏之方也其以迪人人不興起乎夫百家之言多不雅馴惟兵家祖本仁義與六經通道爲三代聖王之所慎天下太平之所不敢忘然而不根本六經妙有知之而後能言言之而後能行國家設科取士誠欲因言以卜其行然世平道明每切於文士而略於武夫比四郊多壘始大重武科之選計得一儒將如南仲方叔尹吉甫者出焉隆小雅之墜緒絕四夷之交侵亦切切乎以言卜之也公應期射策既獲然千人之英則儒將之功必於此乎兆焉然駸駸已見諸行顧世所以用之天論宜理在漢如東方朔枚舉凡

融之辯猶謂持論非其所長豈非理不勝耶公論頗

準過秦實雅通經術故宜出其根本垂條緒華爲一

家之言昔魯定公與齊侯會於夾谷孔子言有文事

者必有武備有武備者必有文事晉置中軍用卻縠

以其悅禮樂而敦詩書蓋文武之道相濟以爲用而

相須之甚殷不然雖以霍光之忠猶是不學無術闇

於大道而將相兼資自趙充國諸葛武侯後罕有儔

焉今誦其畱田出師之言其所學爲何如也是故即

窓藁而占廟謨藉緒言而窺遠略因點定之命梓以

廣其迪世說曰閑習禮度不如式瞻儀形諷誦遺言

泰集

序

五

不如親承音旨信斯言也則言語文字之表又別有

觀德之觀矣學之不可以已也余故二引其端云爾

贈范大參請告東歸序

夫君子之有益於世也則以身之去畱繫國家之輕

重爲天下之安危古之人有行之者如唐之郭令公

裴晉公其卓然者蓋其大德大才而爲人心之所傾

向如此余以是觀今之大夫其需南范公乎公初以

素望膺上簡書兵備上谷上谷之人倚以爲重而曰

安我者必是公也元年大虜入寧武關長驅輿嵐石

汾等十餘州縣橫肆殺掠而石州破乃滿載備故道

而歸當是時來不堵攔去不邀擊蓋二百年所未有之變上谷厥圍臣以爲玩寇弛備之誠廟堂議選置將吏言兵憲爲最蓋兵憲守文執律與將領並治要害之地專事綜理之司宜明節制議處方畧督戰守之宜紀功罪之當導而上下其視督撫之臣居中遙制聽幕吏行文書而已者爲近而有功故兵憲之爲最也會奇嵐道使缺撫臣請以公代上進公山西省參政錫爵書備守嚴道移鎮老營公至則盡易其往之玩弛申憲令以作士氣率忠義以格人心窮搜險阻以立峻防薙獮寇孽以絕姦細修城壁之壞增溝

文集

卷六

六

壘之嚴積儲峙繕器用明紀律勤訓練興利除害順人所樂軍實所資罔不弘濟自二年戊辰到官及庚午則邊鄙盡寧民用生息一道皆倚以爲重而曰安我者必是公也然勞瘁亦已甚矣因上狀乞移疾歸次稍就調攝倘不先朝露効忠有期詔許之即整駕東歸副將東溪錢公偕所部追送且抵余書曰公所爲皆開誠布公集思廣忠諸葛武侯之御軍也故三軍皆倚以爲重而曰安我者必是公也今公方就道東山而吾能安枕北塞耶是故願一言之以紀其行汾嵐南北衝也前創置參守於汾其調度守禦料理

兵糧皆出公準裁重兵在內公以良翰鑰其北門至今汾人亦倚以爲重而曰安我者必是公也是公有大德大才而人心向之來一方則一方倚以爲重而藉之安去則失其所以爲重而懼其危即起而鴻敷鉅業比隆汾晉則其以一身而係天下國家之望豈誣方將哉斯望羨之云爾

雲林清籟序

疇昔管涔子爲學官功令之司好石屋樺師山居頌迨其歸老好之彌篤常以拈示學人人或持去陽難君聞之爲抄補一冊因恐再失乃摘其所珍六十餘

文集

卷六

七

篇存之鉛槧而號之曰雲林清籟原夫字書籟蕭也蕭肅也其聲肅肅然清也則知籟品本清以其奏於雲林則又清矣故曰雲林清籟者表其非世俗之音也世俗之音世俗之情吹之乎爾而哀怨而懽愉而綺靡而亢厲清乎俞俞否否不可得而據惟夫出世之士蔭非烟息茂樹蟬蛻外膠米解內熱復初乎太樸返真乎元素虛明湛寂妙感玄通是惟無言言則寂於天籟之自鳴所謂靈樞之發虛而不動動而愈出淡而不厭簡而文清哉神矣夫清者神之爲也神妙萬物物受之而不知故上浮之羨絕埃通極之致

不可爲象及其消融變化遂使人驚魂動魄深心
慮大夢回寤沉醉改醒嚼腐於鴟群耻喧繁於蛙
部餐風味道深思高舉則是冷氣所披萬有生聽乃
冲微自然之應而非實比其竹而效俗之吹以動人
也然亦貴於所知故知音者樂之而不知者怪之有
言張樂洞庭之野而鳥避魚潛政以明俗物之不知
音亦猶聽古樂而嘔也蓋怪之矣石屋其人則出世
之士也其言則天籟也其道如是是之取焉若以俞
絕之慣方索冥之棲緣俗之工校遺世之弄得無怪
乎矧世俗之所有者雲林之所無雲林之所有者世
俗之所無無之無者常有之有者常不足非由
天籟以鳴之孰祛解其惑哉

篤行貞節詩序

嘉靖四十一年日長至之後十日皇帝冊封慶成恭
裕王子爲慶成王以左給事中中心菴王公爲制使貴
懿親之命賢近臣之選咨禮樂之英昭軌物之度惟
其人也公至一宣命如制王既端委而即冕服公遂
遍行於燕勞餽贈一無所受曰皇帝隆禮睦親王拜
命敬奉禮義成順德著矣其務制節謹度秉禮守文
惟明憲之肅而以私惠餽遺於使臣也其如天子之

卷八

卷八

八

卷八

卷八

九

休命何且吾先大夫篤行君子也老母在堂樹貞一
之節蚤教其以四事曰忠孝廉節夫忠無欺夫孝無
違夫廉無私夫節無易斯四者乃某之所以脩之於
家而獻之於天子之庭拳拳服膺而惟恐失之者其
敢以帝臣之故而辱王之惠爲昔周襄王使內史與
錫晉侯命見晉侯使上卿近於境身自郊勞館於宗
廟饋九牢設庭燎三命而後成禮有忠信仁義之意
歸以報襄王曰晉侯其能禮矣今某之報於朝也殆
亦猶是矣其何敢私惠之承王曰宜如是哉然賓饗
贈錢獨非晉侯之所已行者乎且吾聞之贈言重於
車也敬愛其親者聞人揚其親之善則喜也公之先
大夫與母氏太夫人同有令德惟馨惟清俾皇天眷
佑篤生顯嗣爲帝耳目之臣忠孝廉節厥德炳茂復
以其緒風餘輝被我有邦詩曰樂只君子邦家之光
公以之矣是不可以贈乎於是作篤行貞節之詩以
表之王子小溪及宗室之能文者咸屬和焉夫使臣
上不辱君內不負親身不失道以順移忠之道昭矣
立身揚名之義彰矣詩成共爲一冊王徵外史胤爲
敘述之外史氏不能詩第歌鴻飛遵陸公歸不復於
女信宿以追公之行吉甫作誦穆如清風冊書蓋可

贈馬

贈抑齋張公巡撫寧夏序

寧夏爲西北巨鎮，賀蘭西峙，黃河東漾，渠壩綿延，帶若屏產，有魚鹽之資，稻粱之利，士馬蕃息，其中無事，則可以養鋒銳，有警，則放河渠之浸，據清壘之阨，以設險且戰，且守而鮮敗，蚬蓋地利人和兼而有之，謂之巨鎮也。宜昔有宋失險，令大盜得負固以窺朔方，非賴韓范經略安撫於外，李文靖王文正公主張國是於內，幾危國矣。明興，統天拓地，九邊雄隴，我鎮我城，則居重馭輕，扞外衛內之勢如天上九關虎豹。

卷集

卷六

十一

守之故，外患雖不能免，而倣戒內嚴，卒保無虞焉。何也？得人勝也。比來醜虜繹騷，朝廷推轂遣將，必擇南仲方虎之賢，當是時，文武名德皆應運策勳，積威所加，虜竄怖攝，至今遂納款獻琛，屈膝請降，廟議以爲天將開國家以太平之治，故使跳梁歸順，令士馬與隸氓稍稍休息，然而勝衰倚伏之機，居安思危之慮，尤所當慎。其推轂遣將，尤所當嚴，蓋攘外之實不貴於用兵，而貴於養兵；安內之實不貴於勞民，而貴於養民。連歲兵疲於不戢，今因其時戢而養之，以精訓練，民困於多勞，今因其不勞而養之，以舒徭役，十年

之後，當士燼馬騰，民安物阜，平則保大，亂則定功，而

我有餘矣。夫英雄展采措事，張皇揮霍，運大略於捨攘之間，易沈潛高明，布鴻猷於悠遠之際，難故必有經天緯地之文，而後可以濟武有撥亂反治之武，而後可以濟文。文武相濟，而後可以言保大定功。比寧夏巡撫門下士兼文武，可以爲大臣者，惟抑齋張公。先是，公以大參進，按察使秩蓋爲今大擢之階矣。公往鎮河西，坐酒泉郡，威行塞外，羗虜悉知名，及擢守冀南，開府汾陽，凡八閱月，而補偏抹弊，省費恤窮，練兵脩器械，井井有條，繕城周圍，十里悉覓以軌。

卷集

卷六

十二

工未半而鉅款放行，度遺矩昭確，必罔怠弛，而惠澤遠也。行而經略撫綏，出文德之衷，振武功之烈，脩安攘之實，豫戰守之防，懷新附之虜，輯來歸之衆，爲國家廣中興之業，垂太平億萬載之休，公之能也。晉書寅亮端揆，著勳盟府，儼古名臣，震曜天衢，公之光也。大參知李村董公曰：人道喜有慶，別有贈焉，禮也。抑齋公之擢，近以三事可無慶乎？奏膚萬里，可無贈乎？於是委外史氏而代之言如此。

贈大參省吾紀公移鎮汾陽序

省吾紀公以宿望受上簡，書飭兵苛嵐坐鎮，老耄爲

隆慶庚午明年擢本省叅知分守莫南當移鎮汾陽
於時老營將士佩公威惠咸彷徨攀戀不忍捨去乃
總戎孫公馳書徵所以爲贈言書曰其所建牙微道
之劇衝也虜連歲弗戢士馬疲且邊人愚憤類不識
儀矩自省吾公到則正度以臨之洪慈以體之脩其
廢弛補其缺略申武之經濟文之憲一開誠布公而
廣忠益其等賴之若處幽隅而見天庭之燭若涉驚
濤而得砥柱之扶茲移鎮矣吾其捨諸計虜虜再至
賴公運帷幄之籌收三箭之利近迷款塞尤欲賴公
指畫養銳積儲以殷內治茲移鎮矣吾其捨諸吾聞

文集

卷八

三

古之贈言也以功德致其頌也若公之功德非善頌
其孰能之夫人臣受命持憲分麾以臨吏民俾一方
吏稱其職民安其業如古所謂循理秉道之賢尚矣
至於臨戎建策使將士服義夷虜知名爲國家安邊
禦侮者勲封疆又非古所謂文武兼資萬邦爲憲之
賢乎省吾公於斯二者實兼隆並茂焉比聖上因違
人來服益思進俊賢興脩小雅以弘內治則經營四
方之佐入輔皇猷斯其時矣詩云衮職有闕維仲山
甫補之公先帝獻納侍從之英也既而爲勞臣矣勞
臣而凱旋如仲山甫爲可頌也今將以頌山甫者頌

公其千載一清風乎是則贈之云爾

秋崖詩序

代北之山有曰五臺者名山也此於首山萊山爲勝
僻焉太史公曰天下之名山八三在蠻夷而五在東
國豈以此爲在夷者耶其山大五百里昔文殊現世
棲托此中歷代寶之漸致講宇連岡花宮被谷至今
爲法界之叢林人天之蘭若焉然地高氣寒不殖嘉
生之物雖有松栢生之其土不肥槁壤所蒸間出芝
菌槩不足以養生而僧亦罕有其人吾聞山之鉅者
其神必靈神之靈者其產必異故不挺異人或呈異

文集

卷八

三

物據今幾兩失之吾何以觀之哉聞此中時有金銀
氣或寶鏡攝光於雲嵐之阻或金燈放彩於雨雪之
宵或見弱翁牽狗老嫗抱兒轉眼又復不見臺盤石
上約可建五丈旗及其登也聚之千人不爲多散之
百人不少凡此亦甚奇矣然所謂懷芳忽兮其中
有物者兮寔兮其中有精不可得而測也不可得而
測乃所以爲山之靈乎鳩摩羅什曰財有五備福戒
博聞辨才深識亦惟仁者能弘其事嗟夫五不必備
苟有一端亦足以表山之靈矣銅殿僧粗印號秋崖
著詩二卷言句之半頗闡宗風乃優鉢之花開來幾

葉善規之樹秀出一枝言理事之雙彰則地靈人傑
可無據乎持是詩而來者洪空也空上人卓錫此山
能以法力募化十方弘脩危剎大啓長廊備百千珍
品供養金像施飽滿香飯令住山貧子遊方大衆皆
得如意用以脩贖濟歡喜一大因緣亦此山之奇士
也余讀秋崖詩兼有感於斯人因綴是語於卷右以
貽其弟子庶永鎮山門焉

蒲坂王氏世恩錄序

世恩錄者錄家世所承之誥命也鑑川王公始以刑
部河南司主事得封其考妣繼以都察院右僉都御

奏集

卷六

四

史得重贈其考妣及其祖考妣又繼以兵部右侍郎
兼都察院右僉都御史得重贈其考妣及祖考妣前
後誥命與叔考中書舍人誥命共如千軸紀之冊書
爲世恩錄若曰其世世對揚天子之休命云外史氏
曰書言章服之榮天以命有德焉明王奉若天道推
而致之臣工於以崇德而象賢故不自以爲恩而臣
工受之爲光啓之慶則謂之恩宜矣然是典也實教
天下以孝而作之忠夫人人生本于祖子孫貴矣而其
所自出者猶夫賤也則孝子之心必不若是忽矣昔
者周公成文武之德追王太王王季王上祀先公以天

子之禮又推其禮以達乎諸侯大夫及士庶人謂之
達孝是以後世有馳恩之典焉於是卿大夫之孝始
得尊顯其親而天子之孝始達諸四海而無間謂非
教天下以孝而作之忠乎夫孝者所以事君也求忠
臣者必於孝子之門斯作之矣觀上之錫命元臣以
崇其報國之忠荐畀先世以廣其承家之孝一溫綸
渙發之間而至誠惻怛之意藹然太和元氣流行於
四時沾被乎萬物則忠孝之士勃然起矣鑑川公純
備大孝弘展大忠爲國垂文武之憲樹安攘之勲其
封拜贈錫翰如連如蓋彤弓不止於一彤矢不止於
一

奏集

卷六

五

蒲坂王氏世德錄序

蒲坂鑑川王公天啓孝衷敬共明德率乃祖考攸行
登奮顯融以都察院右都御史兼兵部右侍郎錫璽
書旄鉞總督我宜大山西等處地方軍務兼理糧餉

威略甫臨虜內潰遂得其愛子慕義歸命名王執
叛輸款誓將交臂屈膝納貢請降茲事若就實爲國
家過數十年方張之虜建千百載未有之功惟帝念
之議所以爲非常之酬厥猷茂哉先是以西事素膚
數膺寵命弘闡厥宗公曰是惟我先世之德格於皇
天克開我後肆其賴之惟時繹思曷敢有忘乃本
源源作世德錄外史氏曰先民有言禮不忘其本而
樂樂其所自生是以周公作大雅之詩追美世德穆
叔與范宣子論世惟以立德爲太上之道而史遷著
世家言世其德者世其家是以君子貴奕世載德焉

卷集

金卷

七

鑑川公之先在龍門與榮河者蓋文儒之軌歟而悠
遠莫稽其籍滿者爲始高之祖皆長厚君子云高之
子孟華公以孝友信義爲德孟華之子敬齋公以方
正寬簡爲德敬齋之子素菴公以恭仁果毅爲德止
一公起家進士官至中書舍人以醇和敏爲德素
菴之子鑑川公以忠肅恭懿廣淵明允爲德其諸德
人不可勝紀自素菴而上質佑啓後人而含弘之自
鑑川公而下實纂承先緒而光大之入之言曰莫爲
之前雖美弗彰莫爲之後雖盛弗傳言作述之不可
已已也有作有述者其惟世德乎錄有狀有銘有表

有碑雖撰者非一要之皆人倫之藻鑑文史之權衡
於辭無所假於實無所遺故金石之言信而有徵矣
宋太祖時詩即王祐自以世積陰德子孫當爲三公
乃手植三槐於庭以爲志其後文正公旦果以元老
相真宗崇冠先薛烈爵後嗣故世謂爲三槐王氏今
鑑川公之貴固已兆於楊真菴銘孟華之詩而曰三
槐奕葉從此起有徵乎其言之也然文正公紳而處
和戎之後易公擁旄而當敵之衝文正止於守
文公則文以經之武以緯之天下之安危以爲出
將入相之望所謂功在社稷澤被生民然鴻號於無

卷集

序卷

七

陽谿集序

陽谿趙子讀禮之餘集其志學以來至今尚書即凡
所著述爲一家言余覽而序之夫立言莫大乎著述
矣以著述者尚其辭以修辭者立其誠誠之立矣辭
之輯矣辭之輯矣民之洽矣是故君子居其室山其
言善則千里之外應之況其邇者乎然則陽谿子言
之而我應之宜矣其著述也有紀事而曰錄焉有表

聲而曰詩焉有析義而曰文焉其爲錄也謹以嚴其
爲詩也和以澹其爲文也洞以疏夫國風發乎情止
乎禮義小雅怨誹而不亂大雅卓爾而不群周公正
其始孔子折其中後有作者聖之所以合天也後有
述者賢之所以翼聖也而習習而謂謂吾無取焉陽
谿子幼學神敏淵允夙成方其綜理文章已有性道
之觀及其包羅象外遂積在中之美至其爲孝友而
重名節好高清而耻淫濁乃其天與之質是故一篇
之中三致意焉嗟乎源本道德之意微而支流之舛
甚涵養性情之志少而言語之過多抑孰知雲漢之

秦集

卷八

文

章精輝與綵繒懸殊韶濩之奏音儀與鄭衛迥絕於
是而攷天人之辨察雅俗之因哉夫禮有本有文無
本不立無文不行有德者必有言有言者不必有德
可以明此而不感矣陽谿子年且服官而其著述之
感已如此亦可見涵養本源無一息不在乎道德無
一念不理乎性情者行亮采帝庭潤色鴻業以左右
史之記爲錄以明良之慶歌爲詩以黼黻之經繡爲
文則有太史氏之纂焉

詔封兵部尚書都察院副都御史年八十序

惟天純佑善人弘闡厥家載篤其慶昇之提福從

子孫則必誕元德之嗣爲國鴻臣惟鴻臣克受休命
于皇天上帝以篤其于國則天必申錫顯祚惟家之
貺于位及齒惟其親之隆若曰念茲戎功用酬爾德
俾無內顧俾爾厥保又云於戲天人之際淵矣時予
之親民鮮克由庸敏滋至則有大司馬霍公大司馬
應世奮庸迨茲悲忱實忠肅恭懿宜茲惠和濟若風
猷爲國耳目飭若疆圉爲國股肱撫若方服爲國帡
幪代若天言爲國喉舌調若天紀爲國腹心百司承
式庶績允釐是惟鴻臣之表克孚于休是用休命之
集于公之親俾之具慶曰安曰富曰尊曰榮曰康曰

秦集

卷八

文

壽是惟隆家之貺惟純佑之允徵哉我聞之周書天
壽平格保乂有殷言命之不易惟殷老平德上通于
天乃萃遐祉于厥躬庶其保乂于無窮乃今惟司馬
公然我又觀之天之高三光縣之地之厚五岳峙之
天地長久光岳不分乃今惟尊惟榮惟三光惟安惟
富惟五岳惟康惟壽惟天地訥益惟申錫之允徵哉
夫人間之世罔弗受制於命斯所值萬有不齊或老
而無子或子而弗貴或家貧而乏甘旨之差或祿薄
而阻鼎俎之奉或弗逞而有南陔之嗟或不待而有
風木之歎茲事與時違志緣運滯爲不少矣今梧岡

翁壽而有子之貴司馬公貴而尊親之養至矣非天之眷德其孰能與於此者歲之終西當萬曆改元正月上辰爲翁初度之日多歷年所荐登八十司馬公請告在庭躬奉觴上壽適上賓國續賜黃金彩服因取以侑萬年之觴而廟堂之上公卿大夫及鄉里表冠撰歌頌而効南山者總至誠祝釐之曠典歛福之殊致也于是外史氏挹豐美而備紀述則曰維天之慶惟有德者承之上其文家兼以需世家之編

贈明府達泉鄭公以卓異膺獎序

余觀智能之士厭恂恂而居者不足以延赫赫之光

文集

卷八

主

多緣俗以爲工而於修己治人之道疎也君子則不然惟其道不惟其官寧惻惻無華而不以雕吾樸寧寂寞無聞而不以回吾默小授則虔大授則惕居其位則思修其職臨其民則思善其治廣淵以涵之齊肅以整之哀矜以察之和以保之充末也承之

出之以篤誠審而後

若弗之勝其治人也

若弗之逮應聲致致日

如當是時雖有智巧亦

無所施奚暇外慕哉是

君子之於道也守之終身

而不易我君侯達泉公卓然守道君子也觀其自治

治人實該此衆善方且恂恂而居以游天人之際義

命之間其見之也定其執之也堅其視倘來之榮猶

劍之快也至其剛明靜正淡簡溫良則又性與天成

德由學立者焉夫剛明者神而融故談笑而解繁劇

之衝淡簡者文而理故裁割而中肯綮之會上交不

諂下交不瀆故靜正不傷矜寡不畏強禦故溫良純

備豐美故坐鎮雅俗端輒樹風有暉銅虎之章而茂

羔羊之節也斯其道高矣遠矣於時巡撫大中丞楊

公巡按侍御史錢公武公並以璽書從事褒獎令德

乃薦劄在廷旌儀在序而輿人之頌在門詩曰既見

文集

卷八

主

君子樂且有儀公守道內重初無慕乎聞達之心而光明桓赫如此允所謂無足而名自至不飛而譽自揚然後知緣俗之術亦已疎矣夫喜之有慶也禮也君舉之必書也春秋法也於是士大夫等賀焉而外史敘其事

贈梁母 范夫人八十壽序

夫人莫不欲尊養其親而兼遂之爲難兼之者天下之福人也夫田里之士孝弟力田以養父母溫飽於肉帛之間定省於晨昏之際告請於出入之期依悌膝下甚謹也可謂能養然養而弗尊則有無位之嗟

公卿大夫有位以尊其親有祿以養其親其榮也雖離親遠止則於依依乎闕乃其權不如田里是二者不可得兼也兼之而爲福何詩人之頌魯曰穆穆魯

侯敬明其德天錫純嘏令妻壽母言魯侯能敬明其孝德故天助其壽以成之謂之純嘏之錫純嘏者全福也觀察使岐泉梁公忠孝純懿爲國鼎臣士之以善養名官之日以榮養著歸之日太夫人垂白高堂之上既壽且康而公益得以專備物之奉養盡志之愉日問安寢闌視膳豐潔當春暉宜朗家園景熙奉太夫人御輕軒玩芳物席長筵羅綵服瞻焉顧

文集

卷八

三

之神怡體適今年季夏太夫人壽登八十岐泉公六十餘矣乃盛燕稱壽服其命服煥其章章惠文薦錦金紫煒煌率昆仲携子孫集鄉里之衣冠來親朋之杖履獻南山之觴爲永日之樂君子曰福生有基天必祚善其昭昭也哉太夫人家世善莊敬慈惠其積也善積而慶弘故天福之令篤生賢嗣如岐泉公以祚善也公純孝既以孝移忠爲國家樹勳歷之勛及功成身退猶幸畢志於養故天福太夫人壽以成其志亦以祚善也肆其子高年而躬養身壽而康樂即之所稱何以尚諸故以爲天下之福人也者亦

猶夫純嘏之謂也州之見禮於德門者會逢其盛咸鼓舞而拜賀於庭以贊厥家慶以對揚天眷之庥外史胤爲敘其事

吳母太夫人八十壽序

太夫人者故監察御史吳公之元配今山西按察副使虛字君之外也君之晉時太夫人命曰往哉其懋哉予茲樂桑榆之光矣是歲癸酉九月登年八十慶於家君已有職守又拜表上皇帝萬壽不得奉觴膝下乃預自遣信歸而獻壽於庭同案諸大夫僉慶而頌之外史胤爲之序曰夫君子之所深願於其親者

文集

卷八

三

其惟名與壽乎而壽爲大昔者夫子之語參乎孝曰立身行道揚名於後世以顯父母而不言壽及言大舜之壽則又本之於天命而歸諸德誠謂名則卿大夫可勉壽則雖天子不能以自必惟視其德何蓋天之大福曰壽而主於報善人之至善曰德而主於膺福虛字公既揚名以顯其親而尤必得其親之壽豈微福哉蓋太夫人其德貞淑而仁孝莊敬恭儉慈惠之懿皆足以格於皇天子又純孝而孝弟之至可通於神明格於天則天佑之通於神則神保之是以其福之臻也初太夫人之早孀也則茹荼育孤以保生

君之枋教三子悉令業儒以克紹先君而光大之其中子果以崑桂之姿究天人之學登金門步玉堂內位次九列出則爲綱紀之臣是爲虛宇君太夫人以子貴受封章之命服則謹笄之不數御居常布衣單味晏如也事繼祖姑曲得其歡心聯二寡孀相得無間言至經紀後事不遺餘力家有積羨顧於族人備極勞問有業儒者仍優助之待僮僕以恩僮僕不知鞭撻作何狀夫先君之恩仁也姑孀之順孝也端壺之儀莊也訓嗣之正敬也不襲寵珍恭也不溢溫飲儉也不厲廝役慈也不吝卹睦惠也夫是之爲貞淑

奏集

卷九

三

虛宇君舒文以廣國華亮采以潤鴻業忠順以事其上惠威以平其民而曰凡此非我皆太夫人教我其一出言舉足而不敢忘耳夫是之爲孝弟之至夫一善足以動天而況其兼乎小孝可以感神而況於至乎此受福之張本也福斯慶慶斯頌其禮也夫然望而獻壽孝子之心猶不若是越客爲歌四牡焉夫先王嘉勞臣之功惻將并之懷蓋言孝子而爲忠臣也君其慰矣



孔文谷集卷之九

記

重脩周文王武王陵寢及周公太公墓祠記

咸陽之北畢原之上有周文王武王之陵在焉而周公太公之墓亦在於是蓋自歷代以來世世崇祀載在典冊舉莫敢廢元季弗絃典禮湮昧兵燹之餘畧存遺蹟而已明興統天範世咸五登三惇禮正文鑒周爲烈故洪武之初於天地帝王山川岳瀆賢聖功勲之祀咸事表章升中告望百神允懷惟是陵寢寔弘創構兼置守塚四家爰敕有司奉守毋替憲臣省

奏集

卷九

三

覽務時脩葺所以昭當代禮樂之光而保先王本源之舊洪熙中嘗葺寢廟增建殿門齋宮歷成化弘治正德之間累有脩增而祠祀周公則成化十六年始祠祀太公則正德九年始云嗣時厥後有司因循成事漸致傾圯嘉靖二十八年監察御史柯城盛汝謙令縣吏補治明年監察御史濡須劉崙代至謁興茶馬宣闢風猷訪豐鎬之故墟追雅頌之遺業展禮陵寢徘徊屋垣謂頽簷壞壁通隘被野甚非所以幽妥靈明肅裡祀內之周旋駿奔外之禁防樵牧乃自穀公府之歲若干金檄分巡道行縣悉脩葺之於是

文陵不顯之殿武陵不承之殿及門廡坊牌成櫛櫛
舊敞加飾新美二陵周圍繚以廣垣北舊增廊蓋門
百餘丈沿東故址建更衣亭三間西建庖厨一所又
因故齋壇建道院房九間其軒朗嚴靜蓋儼乎若二
聖雖雖然肅肅然兢兢然之在其上也又表周公太
公之墓各題碑其墓上周公故有祠而隘乃脩廣之
而備其堂曰太和宇周園垣之計夾百有七十而
魯公伯禽之塚入焉太公祠祀矣乃更建堂三間而
扁曰武成門垣之築蓋差簡於周有侯於後云翼之
軒朗嚴靜亦儼乎若二公几几然桓桓然之在其旁

卷九

卷九

二

也功不干時財不損下經始落成無廢多日尚亦靈
臺之意矣落成之辰七月初吉適按節來縣乃精意
潔牲躬申祭告時分巡副使張渙方督視厥成及分
守參政天胤咸以執事得附拜瞻郡縣吏民學官弟
子咸從樂嘉觀知縣孫湛礪石請銘用紀鴻造子貢
有言文武之道在人賢者識其大者夫不識其大孰
能脩舉之如斯其謂曰洪荒既判神聖有作選哉莫
攷二帝惟饒守道執中三王一之禮樂明備維周緝
熙是爲顯承佑啓無疆成以元聖翊以鷹揚開世淑
民以養以訓正德厚生大化大順幽厲弗繇降於遐

國及無道秦禮器猶識文不沒天代纂其微之綱之
紀是焉是依我明時憲萬邦允孚乎寧禮勿替奕綏勿
渝敬恭傳少肅將有虔省覽璽缺又用植垣門墉崇
崇殿崇崇崇崇崇崇崇崇崇崇崇崇崇崇崇崇崇崇
和民用秩秩上也我我維維維維維維維維維維維
尊式脩維維好曰識其大典禮會壽紀載勒銘以啓後
賢

浙江改建船廠記

浙廠漕漕船初嘗解料于淮作之後弗便改建本省
然猶募作蘇地後有弗便始于仁和縣謝村置廠團

卷九

卷九

三

造又欽命工部抽分主事兼督統理而後事體稍歸
于一然厥厥興于草創其地高望河港間隔勢難
于臨視而官旗商匠利於私便徇徇往往散作他所則
稽察亦有所不周矣故茲爲漁獵備用苦寧事不稱
廉工不軌程弗便猶夫曩也嘉靖甲辰潮溪謝公來
莅東道經務精理植維維維維維維維維維維維維
綜核焉故推則清平而不擾船則靜泊而靡棘於是
吏民相與咨議上狀言件者國造之舉糾工料合繕
作誠甚便宜然厥實隘陋擇地不良居業非所故有
侵蝕之失苟且之虞非圖造意也今明公悉心綜理

之展誠不易遇頗有更畫以開初猷公于是遂令指揮牛天錫等相度其宜僉言厥宜更置置關外板橋地便因變取故廠之值與其扣庫之羨買民隙地六畝募易工材經表營建中構前堂五楹左右廂各五間後堂五楹左右廂各三間爲部使者督臨之所周方綠以崇墉前啓大門門東置把總亭一所把總居之門西置分理亭一所群有司居之其匠作則租地傍附搭廠數十乃糾工料乃合繕作又柵河兩頭嚴其啓閉以閑其出入繇是規制廣嚴畫畧弘備造作不分其志督察可一其防則優緩之路源荷且之門

卷集

卷九

四

塞經體之理得團造之猷闢矣始事季冬之朔而明年春仲落成事盡便宜官民一無擾焉謝公于是將代託余爲記其事夫浙人造舟供漕自國初迄今百八十餘載或解料于淮或鄰境募作或團造本省一事而凡三變皆不能無弊焉絲利故也利之所在人必趨之然古人有一兔在野百夫競逐一金在市雖強者莫之敢撓之喻何也言主于一也然則撓弊之近者其聞造乎往者名爲團造而實無肆以居則猶投兔于野而驅其逐如是而微息爲止弊豈理也哉故實有厥以團造則主于一矣是撓弊之良法也公

實欲畧減料價以杜競逐之私是亦一法乎然舟車事大計費爲小以財聚人易所不諱但貴操得其道而已謝公名體升字順之江西吉水縣人舉戊戌進士

新昌縣重建先師孔子廟庭記

嘉靖甲辰秋七月新昌縣先師孔子廟庭壞以歲久故初縣令曹天憲脩政勤禮見廟屋傾圮啓聖祠敬一亭附廟兩旁爲弗稱制方計整葺而經之適與壞會廢興茲其數哉於是曹令遂決策圖始選材備物狀其事當道並皆獎與因遂造作首崇構廟庭五楹

卷集

卷九

五

次展地尊經閣後中起敬一亭三間奉皇上御箴等碑亭後置屋三間爲啓聖祠餘力所存又以飭廊廡疊舍之弗周者肇緒於是歲十月之朔落成於明年閏正月之望費取諸學租公俸之餘事當於身率心惟之審故規畫既式工質孔良速就而非苟完增美申於積敝余循行學校五月自天台石梁踰天姥而來至縣謁先師課學官弟子以其道則樂其廟貌之如斯有司勤禮之若是也又緣諸生之請而爲之記曰夫聖人之道豈以廟貌爲隆汙哉然宗其道則思以報其德亦猶郊社之於上帝也宗廟之於先也屬

歸乎其無已也然惟仁人爲能享帝惟孝子爲能享親何也享祀者貌也仁孝者上帝先祖之心也以貌而不以心則其祀爲傲瀆其人爲非類鬼神弗之歆矣然則報聖人而不以其心豈所以爲宗其道乎不宗不類廟奚益也今祭章讚夫子之德曰刪述六經垂憲萬世夫六經一簡牘爾萬世何賴焉昔者周道衰虛文勝學術不明人心陷溺陷溺之甚彝倫攸汨故勢利之風煽其烈火競奪之俗燬於積薪當是時天下之人壹已壞心逐物乘勢取利苟可得志無復禮義之念廉媿之萌故賤妨貴少陵長遠間親新聞

奏集

記卷九

六

舊小加大滯破義臣弑其君子弑其父其所由來者遠人心死而天理滅亡也夫子惻虛文之縱淫懼實本之蘊塞畏天命之將隕悲人窮之罔極故追述天地皇王之心而表章之爰有六經以救厥亂迷俾天下之陷溺者回心而嚮道豈曰簡牘文字而已門人三千雖造詣殊科要之皆明學術正人心之志也由是學士大夫陵夷至於暴秦猶尊經抱器而不肯變其志可知已是故聖人之垂憲遠也今其道大宣教者學者悉誦法鄒魯之道攬六經之遺文使徒直勦其說而擗其章利其舉而華之不愿聖人之志以

正其心或所行弗迪於彝憲吾懼夫虛文之弊將重爲聖靈之所呵也詩曰神罔時恫神既恫矣祀將誰享哉昔者夫子既歿門人思之弗置以有若似也遂欲象夫子而事之曾子止曰江漢以濯之秋陽以暴之皜皜乎不可尚已是宗聖道而嚴其心者也思聖人者若曾子可也子曰人而不仁如禮樂何禮樂者文也仁人心也吾既觀其文爲又懼虛勝乃並紀斯言以告多士

陝西初置正學書院學田記

正學書院之設爲簡俊八郡之校而別儲其中以講

奏集

卷九

七

明正學以事授學憲臣之統制蓋養一俊才愈養百庸才得一正學之士愈得百謏聞偏見之士其義大且遠哉然弘治正德之中府庠之資給不匱多士無田而有養故高第雲集正學日新師道成而善人衆如蓬菴虎谷諸公之所講明對山涇野諸才賢之所振厲則屹如桴如可徵而信焉後魏錄竭於虛耗朋徒寢以散去提學之臣雖歲一考視而總集專訓之事疎矣故屋壁破壞而堂序榛蕪雖嚴師厲志士思奮莫可奈何然必田之而後可以修墜緒繹前徽興教作良周禮義厚風俗之道可兼有焉自非鴻仁

上哲洞其遠者大者以議制而審憲希不慮始之爲難矣嘉靖壬子當大比多士巡按監察御史吳興畫溪姚公一元實以文德號裏監臨舉既維式之哀矣又惜餘俊於遺珠圖成器於琢玉曰曷集書院而教之乎於時提督學校副使金陵譚君少南方銳情教理蓄意修明遂陳狀議所以置田計歲所入租爲餼養之資先葺整其廢舍令諸生之後者樂辟敬業而復俸也庶幾專訓兼總而條貫之以俟正學之有成即佩含德教永永無替於是畫溪公慨然足之令有田求田動贖金之在公藏者置之凡置田四百畝

有奇籍曰學田屬西安府管倉同知主之時歲大侵諸生多菜色畫溪公曰倘歲取多積勿吝乎卹貧而昏而喪而刊刻書籍而塗茨垣宇皆得與焉是學田之公也於是師生頌頤謫謫欣戴泐觀用與作碑紀仁謝君以其有旬宣之司當述事著文以表金石乃遂綴列如是夫子產興校田廬是殖孟子言教井樹必先大賢之勗始永終其政至今存焉乃畫溪公之惠寧有沢耶而况俊才正士錄今輩出推其所養以弘厥施尤所以爲不朽也敬書之以考其來田租之數墜界之分圖而列之碑之陰

湛泉書院記

湛泉書院者湛泉先生王公讀書所也先生蚤歲讀書正志以求堯舜之道比策第登朝踐陟銓署即以其道贊冢宰正百官以弘聖天子光格之化尋以建白忤時則退而耕於野葺其先大夫之敝廬以居蔬食帶索晏如也後於宅邊得閑地一區則因其高者而臺之因其卑者而池之而又堂於其臺焉日以讀書樂道於其中於是扁其堂爲求志命其所爲湛泉書院也其地有崇峻之觀則浮山大尖諸峰列其東南藐姑射之山列其西霍山列其北而屏如翰如也有流湍之視則平泉之湛湛清汾之洋洋而帶如珮如也有變化之察則興雲吐霞揚光呈秀魚鳥之聚散草木之華悴而燦如紛如也合而取諸其身得諸其心則精一之中非書也堯舜之道非古也所謂反身而誠樂莫大焉者也而舉物無以加之又惡得而損也是故孔子以爲難焉而曰隱居以求其志行義以達其道吾聞其語矣夫道有隱顯乎哉但未求之志耳苟志於道奚遇而不可也易曰樂則行者愛則適之確乎其不可拔蓋如斯而已矣先生始正志求道居位不渝舍之則歲求志如故則其讀書樂道之

實學可以觀矣嗟乎自小人之儒勝而斯道日以微
不有君子嚙其起予今見其學蓋不可謂無其人矣
孟子曰守先王之道以待後之學者信斯言也則後
學而游焉息焉藏焉修焉於茲所者宜知所以辨志
乎哉夫伊尹阿衡造端獻畝顏淵陋巷致均禹稷其
志道可遐想也先生簞讀書臺既自爲記以述其志
而又寓書於余令記書院之所由往余視學歷安定
臨涇其地蓋有王符讀書臺云其著論憤時不如是
之正默也因謬稱厥旨以復之

太平縣肇興水利記

泰集

記卷九

十

憲使東陽趙公分巡河東之明年是爲嘉靖乙卯絃
紀既秩百度允脩乃爲民行水溉田而教以水車之
法如江南於是河東諸郡邑奉法咸謹悉令民平地
畝作渠塘造水車以援水也由是水之行可以升高
亢回易鹵而灌注沾濡爲昔之絕無者今則始有也
而後民知水之利而後民知興其利以利民也繇我
東陽公太平縣令鄒學書走狀告余曰太平地磽而
農情更不能勸久矣今奉東陽公創制建法置水車
纔七具已灌田二千餘畝矣繼自是而廣之而民不
可勝澤也吏於是亦能以勸農然是良法也美意也

爲斯民垂萬世利也即時弗記後其墮或遺哉而良
之攷也是故願有以文之而托之珉乎余於是作記
以貽鄒令曰昔者禹抑洪水通遼瀋澤惠流四海功
施萬世豈直疏濬而已耶誠令四海萬世得於舟楫
之餘旁引而田之蒙其浸溉用弗阻於饑以其神通
則爲智以其心普則爲仁故稱智仁之大者禹其巍
巍乎矣然其實不越以利民故育牧民之責者亦因
民所利而利之斯禹之徒也河東汾所經歷而由山
之泉行潦之水又無地無之然事棄而不用以故晉
地少沃野而多凶年况屬大禹行水之舊鄒推禹之

泰集

記卷九

十一

德必不以潤澤饒江之南而以乾燥瘠冀之北也第
民不知用耳昔者九川既疏九澤既流其來嚴險亨
阻脩猶有待於人者故鄒公三三江有卒永繼引漳水
有西門豹之志而渠有鄭白此皆引水灌田以億萬
計要其功惠皆有利於民故四十年至今存也夫智
者不外物窮而慮仁者不倍夫德而施於下知而不
處是不智也知處而不施是不仁也故鄒公之德之
道者仁之所以施輔相萬物起墮者智之所以處
陽公高朗沉毅宣慈惠和視鄒公之德而後知
子之不嫌也視其卑乾若吾之田也

水之棄若吾之榮衛離也乃汲汲焉詳處而順施之
淪漪之流布而爲化雨磅礴之區轉而爲膏腴其仁
智可並觀矣其裁成輔相之業可槩例矣其功惠之
於物也一河海而無極也奚但太平之石爲可記哉
公今且竣厥矣後有心公之心者亦以是而稽吏治
植民生斯厥休永永勿替矣鄴令亦宜以告後之令
曰亦幸於貳爾心以永保厥休公諱祖元字宗仁別
號南麓山進士任山西按察司僉事浙之東陽人也
有襄陽公云學書閣中

創建鄴二大夫祠記

文集

卷九

三

鄴二大夫祠者祀魏鄴令西門豹史起也河渠書曰
西門豹引漳水溉鄴以富魏之河內溝洫志曰魏文
侯時西門豹爲鄴令有令名至文侯曾孫襄王時與
群臣飲酒王爲群臣祝曰令吾臣皆如西門豹之爲
人臣也又曰史起爲鄴令引漳水溉鄴以富魏之河
內民歌之曰鄴有賢令兮爲史公決漳水兮灌鄴旁
終古爲國方生稻梁是二大夫者勞定於國法施於
民名顯冊書義孚祀典賢哉邈矣今之臨漳寔古鄴
邑邑祀往哲宜莫如二大夫者顧獨缺焉久之而莫
之與也路君王道以名進士來於是邑問俗興理緯

有成緒修祀與戎用秩禮樂睹茲缺典則喟然嘆曰
於古之作者之不專祀也後何述哉乃選地詎日創
建厥祠爲正殿五楹大門三楹東西翼室各三楹中
塑二大夫儀像質之堅固文之華采輪奐之美赫奕
之觀備焉遂定正祀期每歲以季春三月季秋九日
用羊一豕一從事其役經始於是歲三月五日落成
於四月二十八日木石則取諸廢寺僦覓則得之措
處力役則假之柅候之人以故事省而功易民悅而
神安焉因又作麗牲之碑使人寓書於余焉曰始基
讀書至二大夫蓋嘗慕之今筮仕適得其舊邑及訪

文集

卷九

三

求遺廟不可得矣行安陽豐樂蓋有二大夫祠云故
爲特建一祠於我邑所以彰往而察來存廢而補略
焉復私企靈臯儻我元元如曩時者然春秋有舉
必書况新作乎公舊岳牧又嘗分守茲郡其記言以
表之碑余於是敘述其端委而記之曰夫周道衰微
列雄各以其智力相競知富國而不知富民知強兵
而不知彊本敝也久矣當是時因天分地以厚民之
生者惟二大夫行之豈非文武成康之遺哲哉然自
子長孟堅一表著之而知德者鮮乃今有意乎推本
之也弘曠典發幽光自路君始肯冉子自信足民

未遑禮樂曰以俟君子觀路君敬神和民禮樂其有與也君子哉其若人乎君子哉其若人乎

脩南宮縣學記

南宮之學隆矣初廟廡及明倫堂以屢有脩葺則飭其未然者則有尊經閣敬一亭齋舍門墻與坊牌焉或木瓦摧頽或位置偏僻咸有待於脩正乃嘉靖甲子正月知縣王君中孚議所以脩正仲春土融遂經始之於時耆民曲恩等再嚮義脩閣有故書院一區介廟學中宜毀惟亭舊迫堂序以議更建乃更建於書院堂所厥位孔陽焉惟門舊列西隅以議改作乃

卷九

記九

南

改作書院門所復表以坊牌厥路正直焉惟廟學左右各有一坊以議脩飾則飾之惟齋舍墻垣以議補治則治之凡是圓方向背悉中度增美焉故南宮之學隆矣而其通光岳之靈啓人文之秀於是乎在當孟夏落成計龔石勒銘以紀其事謂余弟學諭天民轉余撰述夫學校弘教育才之所關也其義在闡其法象以明其道之尊新其觀感以作其學之敬道尊則教弘敬學則才有故不尊則不敬焉亦理也夫日月之在天也光華常新則群流仰鏡而熙熙陰雲翳之則心目黯黯然若夫教化之機貴乎作新焉可誣

也夫閭曰尊經者以貯六籍實帝王聖賢之心法載焉亭曰敬一者以奉聖製實道統之傳心法之蘊耶焉曰齋者學官居之以講乎此者也曰舍者弟子居之以業乎此者也曰門曰路者出入乎此由乎此者也曰宮墻坊表者富美乎此者也皆法象之存而道之寓而其理實具於吾心今既闡而明之一舉而咸新之猶日月懸象著明學有不感發而興起者乎易曰富有之謂大業日新之謂盛德學者誠反求諸心居敬守一則可以富有居守無間則可以日新是故德言盛業言大無外假也惟服我皇上之訓蒙之經法之散殊約之禮義之中正焉而已矣古之政教也一今之教教也二言政而及教則舉其政之大者矣春秋君舉必書茲書其大以表鴻觀焉

創建泮宮亭橋記

泮宮之前舊有池焉以象學海也取楊子百川學海而至於海義也然歲久淤塞不治嘉靖癸亥之春濮陽人一川吳公道南來守是邦謁視廟學省覽斯池則喟然歎曰是之謂學海也而顧墮之哉爰命工治之除其淤塞以通其蓄洩又曰池矣而弗亭之則池與我猶判渙也亭矣而弗橋之其絕瓶斷港乎於是

卷九

記九

五

築臺於池之正中而建亭其上名曰聚奎又締一橋於北面焉名曰步雲工既告完師生乃謀共刻石以紀鴻休俾外史氏記之夫易稱天地象法俯仰觀之物之與身遠近取焉言聖人之闡道與教迪學至易矣今余以其虛而受淵而時出者觀池則池其道乎是故蓄言受洩言出也以其建中而極者觀亭則亭其教乎是故聚奎者文明之象也天垂象道顯文真儒出而其教明也以其循序而上達者觀橋則橋其學乎是故步雲者高明之象也山川出雲運運不絕而升太空學之不已而日進於高明也君子由教以

奎集

奎集九

去

最其學由學以致其道亦猶由橋以達之亭由亭以盡夫池也取譬豈遠乎哉夫道也者人之心也心本虛自欺則窒心本淵自滿則淺學者毋自欺則窒往而虛復不自滿則淺去而淵存亦猶夫池之治也自決其壅者始也夫以虛淵語道則微妙而難知以中極語教循序語學則彰察而易見教也者教此者也學也者學此者也無二道無兩心也易曰天下同歸而殊途一致而百慮其斯之謂矣夫取川之學海也蓋作池者之初機而究竟其至令學者得所津梁則太守之垂範也遠是宜銘之以永保壘序云時同知

宋君嘉猷判官馬君宗儒贊厥成事學正林君大槐方端本正文以印來學而訓道高君岡李君應科協心底同諸生亦胥丕應適會途茲舉重作新之所謂無小無大從公于邁吾道之興良有兆乎良有兆乎

介休縣興復西渠水記

縣東南有勝水出抵岐之山其流湛洋汪濊實惟沃壤之資力農之本故通溝洫蓄陂澤則奮而雲興決渠而雨注田廬可腴而凶年不憂蓋因天分地之自然也然細民未知其利庸吏闇於化裁則水之用微矣自宋文路公始作三渠分引此水溉田其東渠

奎集

奎集九

主

中渠則繇東北灌寢張宋安等村之田西渠則繇石河而西經邑城費泮灌寢韓板等村之田百姓饗其利其後石河壅闕西渠乃遂不流蓋近百年莫之能復焉今年辛丑之夏分守大參政疊川於公行縣尋介子之桂樹訪有道之林丘觀風川谷問水郊源遂得西渠所繇廢興即召吏民而語之曰泉流之興以利民也而今乃堙廢如是夫石河之壅有不可辟者乎是則吏不爲民故行水失時地利有不盡焉其盡治之哉乃顓命縣丞李敏德上簿董舉正典理石河之役又命新任知縣董君宗魯督視之河深遂浚七

尺而暗構石隄於中表二百餘步高三尺廣二尺有奇作十日而功成西渠之水遂復流如故焉又爲鑿泮池廣橋門用受新泌之流於是士民欣然謂公一旦而貽萬世之利知縣董君等以訓導呂萬里撰狀屬余爲記其事以表石章俾人世有所考繹昔西門豹之治鄴也令名炳焉史起以爲仁智豹未之盡則以有漳水而不知用史起乃引之以溉鄴田鄴人爲歌史公今於公之澤溥矣介人之歌寧有已耶

遺愛祠記

巡按監察御史容堂吳公奉上簡命來按部三省駐

奏集

記卷九

六

於河東平法清理自嘉靖己未之冬莅事至辛酉夏得代時凡所以裨國計厚民生表忠賢勵廉正并并乎紀綱法度之施懽懽乎風俗教化之務者至矣溥矣於是河東士民生爲公立一祠於麗譙之南且立石焉以彰遺愛永去思都官員外郎張君良知移外史胤書曰比歲茂氣弗至嘉生弗植離薄凝實公私匱焉而邊餉告棘者累矣公來志行通神明歆爲賞軌物一歲之間離乃大凝於是撈採倍常國課紓足焉晉之屯卒有怙賊敗類人莫敢何者公廉得其情壹草薙而禽獮之以雪民之冤也饑歲若臻所在道

奏集

記卷九

七

砥相望公上疏得請免田租之半即貼於危亡者賑其其所全活奚啻數十萬已也關龍逢夏后氏之忠臣祠蕪陬弗稱公廓而新之裴晉公趙文簡公唐宋賢相然闕焉未有祠公取廢寺創之地震蕩之後譙樓圯焉公令復之今觀其廟貌聞其鼓鐘而神人以和也尤作興士類厚資給以裕其暇治正學術以進其廣崇而士彬彬然起也至於懲緝姦猾則電掃風迴清我化源則湛然澄澈云茲舉其大畧若其良法美意無惠不懷靡威弗畏著之人心敷之物表者誠又難以筭數也良知等以爲萬形皆可忘惟威德之思不能忘然匪記之貞石曷克紹永茂哉備亦荷公之德薰者乃敬述其事而爲之記夫法家嚴而少恩吾道本仁義是故君子立朝以正直忠厚爲本容堂公以名御史申飭風紀爲國家整安邊足用之務綜覈所加罔弗嚴憲乃大有恩惠以及民如是奚止於民鬼神斯受之矣是則仁義兼隆隨物廣運恭肅宣慈婉美聖才非壹意行法者比也是爲正直是爲忠厚夫正直是與忠厚是崇朝登之則治神聽之則福民思之則沒世不能忘理也古之人有威德繫思有天子命祠與吏民生爲立祠召父狄梁公其人也耶

其所蘊施有一不正直忠厚者乎河東人爲吳公建
祠勒石以表遺愛乃千載再見之爾公諱過字檢之
河南汝陽縣人嘉靖癸丑進士容堂其別號也

勅賜遵道書院記

夫書院者經籍之府問學之淵也而德行道藝之儒
居之則因以名之矣古之教者家有塾黨有庠術有
序國有學自曾子以至秀民輝焉同也而書院則儒
所獨也乃近代之以義起也義起者何以道崇也至
於王侯而亦有之則敦尚儒行之顯名光表人文之
絕軌已趙康王稱樂善嗜學邀我皇上敬一之訓作
奏集

卷九

二十

居敬堂其嗣成阜王克紹丕懋訓靜專所以主敬清
寧所以協一敬以爲興則無所不載一以爲御則無
所不通我思古人在寢有警御之箴在庭有疑丞之
弼誠以禁其非心今不箴而安於晏耽不可以語清
寧不弼而汎於應酬不可以語靜專因疏請於上願
以舊宮一區創置書院計宜敘之暇肆力於學以靖
恭我有位以奉揚我聖皇之寵靈於是上嘉悅之賜
名遵道書院王乃建工爲藏書之所曰萬卷樓爲講
學之所曰稽古正學爲端居之所曰修敬堂爲門之
坊表曰勅賜遵道書院云工既成王遣使徵記於外

史氏記曰夫遵道者何爲者也昔者孔子之告哀公
曰天下之達道五所以行之者三曰君臣也父子也
夫婦也昆弟也朋友之交也五者天下之達道也知
仁勇三者天下之達德也所以行之者一也是則遵
道之所本乎夫行即遵也誠以立德德以行道其孰
能禦之孔子曰君子遵道而行半塗而廢吾弗能已
矣誠言之不可以已也王睿聖自天學聖聖孜孜在
敬德以弘道肆我皇上鑒於懿衷肇錫嘉號大哉敦
言之旨懸象著明昭於日月矣惟王監茲崇勉緝熙
無愆無忘無空言於詩書書洪範之篇曰無有作好

奏集

卷九

二十一

遵王之道無有作惡遵王之路無偏無黨王道蕩蕩
無黨無偏王道平平無反無側王道正直言去其六
蔽則可以遵道也詩大東之章曰周道如砥其直如
矢君子所履小人所視言能遵其道而人法之也惟
王監茲崇勉緝熙篤靜專之守祛朋從之恩保清寧
之蘊絀臆見之擾雖于而宮肅于而庭出言爲經作
事成矩秉禮樂之宗以黜黜呈猷操著述之選以潤
色鴻業則遵道之有章也業纂訓謨功光屏翰永祿
位之榮備名壽之福則遵道之有慶也詩曰維其有
章矣是以有慶矣王其監於茲哉維歷世百七十餘

載而其主皆文然未有書院則書院之命自成阜始也是爲記

介休縣興脩廟學記

宮室之脩尚矣若夫崇聖人之道以脩廟庭明聖人之教以脩庠序尤禮樂政刑之大者也古者道出於一凡節文度數之彰采色聲音之寓皆政刑紀綱法度之施整齊和合之存皆禮樂是故幽以妥於神靈明以作乎人文而治効美焉及後吏爲之則破而爲二專政刑而遺禮樂其又敝也則以簿書期會爲能以緣飾逢迎爲智復並其政刑而失之矣於是始有

奏集

記卷九

三

坐視廟學之壞而不脩者至使虜莫之極風雨不避講誦之宮鞠爲茂草則頽靡之極也間有作者其聖人之徒歟介休縣先師孔子廟及儒學雖未大壞然亦漸就圯矣楚賢念虛劉公以名儒來蒞謁視之初即有意焉乃積之踰年而脩之於廟之殿廡大門墻墻於學之堂舍門垣與尊經之閣坊表之牌咸轉敗爲成易腐爲新闡奕莊嚴平正通達有截有業爰清爰寧所以爲聖人崇德明教之計審矣落成之日慶雲垂天光風轉蕙明信昭乎燕喜嘉福神人以和於是乎徵公愷悌溫恭自下車布令一以敬神恤民爲

心有猷有爲皆禮樂政刑之正不爲流俗因循之所夷雜惻惻無華而易近民不事表襮充實而有光輝丁卯虜寇之變征繕繁興公高城深池鑄兵練士廣儲蓄不勦聲色而備雍容俎豆之餘而兼軍旅之長非有本之治與道爲一者乎不曰聖人之徒吾不信也是時學諭李君新主盟斯道與學訓紀君焦君率諸生勒石紀事而屬余爲文余與其善脩不過飾貌以美觀其所言德教之實則宜反而求之於心子貢曰夫子之墻數仞不得其門而入不見宗廟之美百官之富言聖人道德之高廣也孟子曰義路也禮門也惟君子能由是路出入是門也言聖人禮義之中正也道德禮義皆具於吾心而體於學諸生瞻於斯仰於斯游於斯息於斯從事於斯固亦聖人之徒也繇是朝登賢俊之英邑琰科名之烈譬諸雲蒸其猶龍變也夫

奏集

記卷九

三

臨縣脩城記

臨縣望河阻山介於興嵐汾石之間近寒邑也然民儉而足城小而窳以故虜入輒犯隆慶元年丁卯九月虜大犯至破石州之城劫汾州之堡而臨之危爲甚虜退去當道乃下令繕城仍調選才吏易補沿邊

邑時關中人吳潮以榮河令調臨至則省覽諸
籍民物之利害條政事之緩急登陴而望黃雲紫金
諸山則所然歎曰姑吾欲崇墉以觀今觀其土石之
蒙冒林莽之藜叢則慨可伐石而代也即折薪以煉
灰不事省而功倍乎於是手畫心惟夜思蚤作募匠
師徵力役公計料廣揚權備器用儲口食既定方略
獨斷準裁簡委群能躬勵督察遂運石成岸積灰成
丘過半踴躍鑿鼓弗勝以二年戊辰四月起工至七
月竣事其包土城而爲石也廣六里五步高三丈五
尺其直如繩其方如矩其濬如淵其峙如岳其密如
櫛其堅整如鑄而女牆樓櫓天棚旗幟鎗砲矢石之
類森其上重濠疊塹品窖伏鋒戰車游械之屬羅其
下當是時地無百雉之築而險有金湯之固環視旁
邑莫茲之爲強矣兵憲范公閱而嘉之乃狀聞當道
咸加幣褒美以獎其勞焉庠士趙應秋陳道規等因
過汾請余爲記夫疆圉之臣恃安而忘危惕守而忘
戰以至遇害而無備臨敵則敗衄而不可支若離石
之難是已乃吳公善思患而豫防必有備而無患矣
夫析柳樊圃狂夫猶懼况設險有固於山谿者乎昔
公輪駟爲楚造雲梯之械將以攻宋而墨翟先往禦

之請以試其術墨解帶爲城以牒爲械公輪九
攻城而墨九距之又使弟子禽滑釐等三百人持其
術以守宋城而公輪之技已窮所謂善攻不如善守
今度胡虜之智劣於公輪明茂之宰賢於墨翟百里
之衆勇於禽釐故虜雖復來而知其必無患且公內
治外嚴惠威並建之實文武兼資之良也是以其蒞
官也多善政焉今勒石紀事專美崇墉識其大也
創置汾州學田記
夫田者先王之所以厚民生也故上愛稼穡雖下農
有之而士出於農蓋取給焉今士寄身一藝而無田
以資斯窮且困矣然則悲人之窮而爲之所非仁者
其孰能之我叅知政事承山宋公分守冀南之年同
民疾苦咨所以卹貧士者州守某言置田便公然之
動贖緩買望春原田百畝籍爲學田擇主守登散蓋
周卹之中含作養之意焉於時學正朝訓導應科文
諸生俊民等言曰茲之有學田也自公始也曷敢以
忘記哉乃敬磨石作碑以余爲記而勒之記曰仁矣
乎公之用心矣夫仁者之心與物同體見有失其所
者則必惻然思有以濟之惟吾力之所能故禹思天
下有溺者由已溺之援思天下有餓者由已饑之伊

天下之民匹夫匹婦有不被堯舜之澤者若已
推而納之溝中皆是心也凡其置田里教樹畜立學
校明理義皆是心之推也故萬世歸仁焉汾之士蓋
三百有奇例得食廩者三十人而額外之士貧窶者
衆至衣有百結之穿食無一飽之繼又至嘉儀曠棄
凶禮頓絕又至喪心口腹之求墮節奔走之累均爲
失其所者公其憫之是以有咨謀之議賑於荒政則
豐煖而有饑寒乞於公府則出納而有吝惜不知田
之則取其每歲之入與三年九年之積而其卹不可
勝用矣是以果置田之行然才品之不同而教養之
文谷集

通其所以爲成物乎是以前意之厚也仁矣仁矣甘
鄭人誦子產之惠曰我有田疇子產殖之我有子弟
子產誨之今吾于公也亦云置田在嘉靖丙寅之秋
明年爲隆慶丁卯元年立石於黌序公諱岳字伯鎮
浙江餘姚縣人嘉靖辛丑科進士

弘修汾州廟學記

惟汾州先師孔子廟及儒學自國初建設至今歷載
二百中間修理作輟陋簡因循遂底于敝焉識者之
所嗟嗟庸人之不省視久矣嘉靖乙丑之歲我分守
左叅政承山宋公來在謁廟而興蒼鼠之悲視學而

增茂草之歎固已有意乎葺之居踰年遂定議嚴修
于是其請于巡按監察御史岸泉王公特嘉允之乃
出帑購材選匠命徒公指授規畫經紀厥爲委更精
勤群役景赴于廟正殿五間東西廡各三十間以至
門墻階序及名宦鄉賢祠皆易腐爲新經始于隆慶
元年三月凡六閱月而告成功鉅而成速則省而事
增其趾雖云沿襲而實完美之更崇其舉雖云繕治
而實大之如創斯觀者以爲弘修也時學官弟子
相與議于外史氏曰昔魯侯蒞學吳斯頌之樊君理
畢蔡邕述焉我公扶廟學于將圯之餘振禮教于式

微之際即其嘉惠神人以和可不刊石摘藻銘勒
勛同光曜靈昭彼遐模哉夫廟者貌也先王祭有道
有德者以爲聖師是也是故飾貌以隆禮焉所以教
天下之敬學者教也先王建國君民教學爲先是也
是故飾教以正倫焉所以教天下之讓夫二者爲禮
教之所關尚矣故禮教之興廢係世道之隆汙世道
之隆汙係人事之得失然則重禮教之地而修之公
明先生有言士之學也以學爲聖賢聖賢之學心學
也道德以爲之地忠信以爲之基仁以爲宅義以爲
路禮以爲門廉耻以爲牆垣六經以爲戶牖四子以
爲階梯求之於心而無假雕飾措之於行而無所不
該是則學之所以修者修則爲敬爲讓不修則爲暴
爲悖修則爲人事之得不修則其失也遠矣茲既不
敢忘公之德其尚無負於厥修焉可也公名岳字伯
鎮浙江餘姚縣人嘉靖辛丑進士辭曰於穆清廟聖
師有嚴光天之德無遠弗瞻秩秩黌區毓材講藝文
以禮樂申之孝悌飾貌隆禮敬恭明神言飾其教遜
品篤倫肅肅憲彝煌煌令典肆于時夏莫不承顯宗
何固陋蕪穢不治丹雘毀棄斧藻陵夷神栖壞屋人

翳頽垣齋明弗屬居肄豈敦顯允上公誕膺純德
敝清明中和正直命世康物蕃我晉疆賦政維則出
旨有章萬善弘敷百行兼舉讓首虞庠敬先尼宇于
潭斯煥于墜乃振闕宮有恤儒林彬彬來觀厥成景
福攸介無小無大從公于邁神罔時憫人文以宣以
永終譽曰億萬年

招隱園記

條嚴張子以書抵余焉曰始嘉靖戊申某棄南司徒
即歸築園蓋二十餘畝將隱而老焉輒自以招隱署
其門內之坊也坊之內爲見一堂侍御黃公題也堂
之後爲心遠堂其左右爲長廊也又其後爲圃爲山
爲洞爲亭臺則總署四時佳興一坊以表之而建亭
延景者四春日四雨夏日錦雲秋日晚香冬日寒友
其山疊石爲九峰亭其上而洞其下亭曰歸雲洞曰
離洞一曰白雲居也復鑿其西爲小洞而連築一室
於其北爲逸老窩云又有仄畦柳徑魚沼釣臺徑之
盡爲樂壽堂臺之傍爲觀物亭至於栽花種樹編種
植欄則隨宜布置之而園之樂止矣當暄藹炎陰霜
鶴雪餘交芬互映復秀水如帶伴山若屏雲嵐相駁
光彩萬殊而吾日偃仰其中以琴以書載吟載酌若

不知有人間世者而園之涉止矣竊計盤谷之官昌黎爰紀獨樂之園司馬自識斯前事不朽矣某無司馬公之德而有李愿之情况子亦隱者倘亦有昌黎之意乎則某之前事亦托永存其書云爾又屬張雲溪氏言之余述詞而爲之記曰招隱之倡蓋自小山叢桂攀援淹留其肯痛深而左太冲陸士衡輩益細繹其旨曰躊躇足力煩耶用投吾簪又曰至樂非有假安事澆醇樸富貴苟難圖稅駕還醇返樸何弗至不憂懼顧出於煩澆苟投簪稅駕還醇返樸何弗至樂哉條嚴子曰園與主人日樂其樂不知園之招我

文集

卷九

三

我之樂園之招斯至樂矣又曰凡宦遊將倦思息期于白雲之隈者踵當相屬也大是杖策招隱士者故作招隱園記

文谷集卷之九終

孔文谷集卷之十

介休縣繕城記

比歲國臣失守北虜跳梁隆慶元年九月至入我內地大肆殺掠時石州城守不設致虜攻襲而介休以縣尹劉君備禦有方得不被害於是郡縣咸大議城守之役然無體國愛民之實者猶勞而無功費而寡効公曰夫古所謂以逸待勞者非晏然無事之謂也乃一勞而永逸乎夫古所謂成大事不計小費者非秋毫無損之謂也乃小費而成乎茲邑之城在承平之時不可不謂之固在折衝禦侮之時則增繕屬可以已也乃均田里以出其力酌公帑以出其財規畫既定程限有期既備乃事弗亟弗徐民樂於趨事工樂於售能不數月而考厥成緒其城增高一丈二尺幫厚八尺周圍雖堞樓櫓敵臺之屬皆有業有嚴式堅式好君所謂一勞而永逸小費而成大允矣然舉一邑之民而遺之百世之安則公之勤也無窮之惠也宜勒之金石以示勿忘於是邑之師生士夫與宗尉之有山莊於邑者共伐石紀功徵外史氏爲之記易曰王公設險以守其國言城廓溝洫之脩也詩曰大邦維翰言守土者有以楨幹乎國也夫大邦無

文集

卷十

一

險哉而必曰維翰則設險者勢也守之者不勢之勢也
也使石州雖無堅城倘得人以守則必無破陷之虞
惟城守俱乏斯賊乃乘之矣今劉君鎮於先見豫於
遠圖蓋不徒設險而已其廣儲蓄以足其餽練士卒
以養其鋒居民業以足其生定民事以和其志無事
則與之休息有事則與之守之可以折衝可以禦侮
君其翰矣邦其永寧夫君子有體國之誠心而後有
佐國之良法有愛民之真心而後有保民之實政君
一繕墉之役而六美具焉可以觀其心矣是用記焉
以告來者君字仲將其名念虛其號也嘉靖己酉

卷十

記卷十

二

鄉貢進士湖廣興國州人

玄天上帝閣記

玄天上帝之神司元化於北方其儀披髮伏劍髮法
也猶言萬法劍檢也以防檢非常即其嚴威有解厄
誅邪之象焉所謂純氣之守而物不能違居聖之真
故曰真武也其踐龜蛇龜者甲兵蛇者戰陣合而爲
旒有捍難禦患之象焉所謂聰明睿智神武而不殺
處道之玄故曰玄武也考之太和山志實爲歷代所
崇本朝列聖崇禮益尊以故邦域之中多厥祠祀師
帥之長職在敬神恤民雖祀典缺載亦有其舉之莫

敢廢焉治城北壩舊有一祠奉神至隆慶三年太守
河內寧公大蒞城築壇增高四丈八尺爲安撫計謂舊
址湫隘乃建閣城之高頂背坎面離厥位以貞因義
起緣疏令道士其募資爲銅範帖金聖像一尊安奉
於閣仍以其餘資作鐘鼓二亭以明年庚午三月三
日落成酬祭從事之辰光景異常若有靈貺蓋太守
以折衝禦侮之才務民之義永樹藩屏而尤式禮大
神如此可謂敬恤之誠明信之恪一舉而衆善并也
神其有不憑乎有不爲民解厄誅邪捍難禦患乎春
秋君舉必書刻茲鴻代乃邦人庶士咸願紀石於是

卷十

記卷十

三

董役經歷思敬等暨以待而外史氏胤謹記以垂
無斁初建閣時貌人嘗有夢徵若上玄有起予者茲
不敢言自太守而下同有事於斯者法得勒其名氏
秩銜於左

分守冀南道題名記

凡政府之有題名尚矣所以彰往而察來也彰往者
名察來者實孔子曰文武之政布在方策其人存則
其政舉其名實之歸乎是故實中其聲者謂之端實
不中其聲者謂之窳言名以實存也名以實存也者
脩治之具而政之紀也題之不可以已也分守道舊

唐省中但時出行縣而已乃題名省碑可嘉靖紀元以來始議署汾遂定開府於汾則合題名於府中然自是莅代陟遷凡幾更歷矣而題識之舉尚闕焉又之今年已未東谿彭公以刑科都給事中握守是道實宜哲廣淵明允敦大近民體物該理常情治不數月而煩冗者芟幽隱者達姦慝者化疲困者蘇而綱紀秩焉神宇泰焉乃喟然坐堂上而歎曰劇哉政之府也茲乎吾前者其脩政也先乎吾吾從而孜之已碑板莫傳焉如後來何因稽之卷牒得往哲如干人斷自元年壬午以及於今而題之石仍虛左方以俟

文集

卷十

四

其後命外史亂記之夫是舉也信乎彰往而察來者則亦有控名責實之義焉蓋弗徒載其名氏階資而已也昔召公分陝以西循行輯綏得兆民和自侯伯以至庶人各得其所無失職者畢公保釐東郊旌別淑慝彰穉樹風申畫郊圻慎固封守皆能舉文武之政以欽若成康之心是故詩詠其棠書陳畢命豈非題鴻名於當時垂茂實於後世哉今聖明簡命守臣務康又一方固宜有召畢其人者後先相望矣公於是俞俞疊疊取以爲記

愚公園記

愚公於嘉靖三十三年甲寅典南壩屋址一區至三十八年已未貼買之明年庚申六月築爲園記曰古有愚谷愚溪今有愚公園焉奚以言之始愚公知其不可而爲之進而無位行而失塗蒙止棘之汗中含沙之射瀕九死而一生歷百折而纔返何其愚也既而間舍上之不能昇華蹈滄下之不能買山而隱顧安此垣一方地出直三倍而始得之傍有巨甯墳萬箱土平焉蓬蒿柱宇鼯鼯穴徑劬損之多而休益之少何其愚也背後荒城假以爲山而前廢井借以爲溪晏坐有向隅之形行汲多抱甕之累孤雲蕭條而

文集

卷十

五

靡依奇樹焦卷而稀潤物且不堪身自恬之何其愚也攬六籍之空文終白首而無効自昔難朔嘲雄駭已談之而今竹几繩牀尚自堆積風雨晦冥耽研不輟何其愚也天生耳目爲受聲色今將絕毀譽之聽斷榮辱之觀塊然獨遠闇然孤瑩惟寂惟冥抱神以靜何其愚也性與天道微妙難言窮神知化當不易極今桑榆之光更期遠照孜孜終朝疊疊關夕欲以躡先師之遺軌躡二老之玄蹤挾三光之明超四氣之變凌霄漢而出宇宙何其愚也夫愚谷愚溪愚乃是哲園之云愚都無哲處故自表現之云爾或有問

愚公爲誰者對是文谷山人也

寄拙園記

地不盈畝喜與宅近薄言治之成一小園東邊脩屋五間一爲門一以住僮僕三則我居之乎爾又鑿井西南隅建厨西北隅而厠其西之缺處焉其餘畫五十畦雜蒔花藥墻下窓前稍置竹石而園斯成矣因名之曰寄拙云余生也拙既於世莫容及退身求田又卒汙萊焉今在東里者渴而汙在西岡者確而萊也而豐年無怨也又築圃東南之郭復壤陂而井園所產惟蓬蒿故今自謂爲蓬蒿園也豈是以考余之

文集

卷十

六

拙可槩見矣乃僅幸託迹於斯則拙者其有寄乎琴書載列酒茗畧具偃仰從性調息養真親友相存撫景共酌陶然悠然聊以自遂固亦拙之餘也夫人生一寄爾余有拙以寄其生又有園以寄其拙計於巧雖未得拙亦弗全失也故作記焉以安之而已嘉靖三十七年歲次戊午四月八日

清陰軒記

吾所居左有槐而右有竹青天白雲蓋其上合而觀之有清陰焉而吾於是得以陰息於其間知吾之白以守其黑保吾之定以一其動靜蓋吾之主以清抑

美思之方書之未息此陰也而其清非始無也及吾之既息此陰也而其清非始有也有無之間未既之際咸不可得而名也而聊以名吾之軒曰清陰云爾嘉靖丁未孟夏一日

增置東園樹園記

文苑東邊復增置一園可六畝許此中舊略有垣屋皆壞雜樹糾紛衆草莽鬱皆不可蔭藉北面有三槐樹鼎列其上竊歷如蓋下如幄焉其傍有井而冽計基趾百尺可作一隱所以槐幄居中央東西正北參列小軒而空其南面疊堦除樹欄檻增前撥畦栽花

文集

卷十

七

種菊畦盡而繼以果樹之極令行間茂密對面森聳若經生負笈童子獻花者然則隱所之功畢矣余暇而盤桓其幄中或與少長列坐其次當晝陰垂景月華穿漏清言薄酌亦一樂也其垣屋與草木之無次第者刪繁就簡化腐爲新如師格群蒙因其固有者而裁之耳不煩費也余每愛韓宣子聘魯宴於季氏之嘉樹賦詩歸美穆如清風今吾此三樹殆亦嘉矣文苑清居有平霞館桐竹房頗不深邃欲別作竹林西館因土性不堪種竹未果也今得此則西館可以不作又竊以井湛槐綠神理交瑩不涉塵滓情深而

文明有天地之純清焉則名其軒以湛綠也白雲康
老易之曰蘭雪今作蘭雪堂

汾州題名記

曾府之有題名尚矣顧汾州獨缺焉久之嘉靖壬戌
之秋同知宋君嘉猷始取新志所載守貳題石刻之
外史氏記曰自春秋君舉必書美惡咸載於是諸侯
大夫有名氏爵里之傳後世可得而議焉蓋因人以
考其行而思省之鑒誠存也今之題名古之所謂碑
版者乎晉之州五而汾爲大州大則爲務也殷務殷
則需才也重是故任官必選賢與能矣有以辨之必

卷十

卷十

八

聰明宣哲而瑩於智者也有以勝之必彊毅果確而
劭於勇者也有以威之必廉正直方而精於義者也
有以惠之必慈和懇惻而篤於仁者也其不然者謬
也或失則昏惰或失則暴虐焉而已矣斯美惡之行
也行以著民物於前而碑以著名氏爵里於後後之
人指曰賢焉某也能焉某也否否焉某也彼善是其
思也若齊彼不善是其省也若辱而其爲鑒誠也遠
矣斯名之題也事之章也政之紀也風之不可已也
而又彰軌於久湮闢物於新造斯宋君之達於政也
雖百世可睹也史以是記之

重修天寧寺萬佛閣記

天寧寺爲汾郡一大叢林其寺其緒所起蓋自隋唐
之間在唐爲太子院道一禪師居之在宋有善昭禪
師住持此寺亦名太子院時善昭建大法幢闡明無
上正真之法崇學之徒霧擁雲集有六大士聽法而
來偈曰明僧金錫光爲法到汾陽六人成大器勸請
爲敷揚是也是時地以人勝故稱汾陽門下西河師
子而寺益以彰也入國朝號天寧寺二百年間雖累
有修葺然未至弘備嘉靖甲子之歲鄉老某等始募
化工資悉心興理廣殿長廊門墻等項皆易朽爲新

卷十

卷十

九

煥然改觀寺後萬佛閣別爲一園傑爽靜深瑯臺秀
樹曲檻迴廊路閣遐觀世界寥廓憑欄俯眺山水蒼
茫雖處寰中實居塵外余嘗謂爲天香玉宇乃鄉老
等於此修飾倍加工力金碧朱丹繪畫金塑莊嚴巨
麗寶輪焉負焉之兼美也乙丑秋落成適分守大參
知東越承山宋公慈覽稱善題太虛勝覽四字扁其
閣又集黃華老人書爲五言一絕以紀其游鄉老等
並勒碑板取鎮山門余宦游海內轍迹幾半見空林
古剎得畱名稱勝於天下後世者未嘗不由高僧住
持名公題詠而能著現之若此者唐時有青龍寺一

長安尋常梵宇耳因墨壁上人住持王右丞題詠有
深居僧坊俯傍人里高原陸地下映芙蓉之池竹林
果園中秀菩提之樹數語至今流傳以爲絕境也今
蘭若重新而上公來賁香林再啓而翰墨垂華即其
因緣際會豈非斯宇之大助哉其年風雨調順五穀
蕃熟衆謂神人協和之應夫文德旁通玄感幽贊亦
理之所必至也余記焉及之尚冀其師有知道一善
昭者主盟其中俾法幢永建寶剎長標焉因刻石樹
欄下於以彰往而察來也

徐溝縣修復三渠記

卷十

十

嘉靖三十四年春憲使小竹楊公奉上官督理屯
政乃下令郡縣周訪渠田之故而修復之於是徐溝
縣知縣董潤狀申其縣中渠田應合修復者有三基
一金水渠田水源出自東山西流過榆次縣車閘等
村地勢西南高東北下因失渠道致厥水漫流歲歲
兩縣席白小王靳良龍李青等村民居田不可勝計
今相度自車閘村東改挑徑西一渠引溉集義村穿
過由庄子屯下至武家庄仍各因勢利導滋挑小渠
則通流可三十里而高田饒灌注之利下者得免於
淤溢其一嘉平渠田故道自榆次縣胡橋村迤邐而

東至徐之郛村通流殆三十五里後水漲道涸上流
淤壅往往霸種其地而下流之民每欲挑濬輒被阻
攔蓋水利不通者三十年矣今相度有長年三老賈
瑤閻讓等指授舊渠其壅塞甚者約七百餘步即此
開通實力少而功倍焉其一沙河渠田故道上自榆
次縣圪塔村經流張花等村屯下至徐之還家營東
西王峇等村連引小河水溉灌不窮後河徙渠涸
又漸壅以風沙遂亦開塞久矣今相度離故渠二百
餘步有民間退灘薄地四畝不堪耕種止可作渠
此開挑當復通流如故狀上仍各畫圖而附離其說

卷十

十

楊公覽之稱善委太谷縣知縣王學模行三渠覆
之已乃報曰董令相度渠田綜理修復所以奉行條
憲達宜幽隱誠甚必當倘明公朝准其行即軍民
受其惠矣公於是三復稱善下縣悉經紀其事於是
以嘉靖三十五年二月十五日分委首領官劉永銘
等六員民皂黃土等六名渠長張子積等三十五名
率夫興作至四月初五日告成計金水渠通流一十
一村溉田一百九十九頃一十二畝用人夫四百三
十有一嘉平渠通流一十四村溉田一百二十二
六十八畝用人夫二百九十沙河渠通流一十村

由一百一十二頃八十畝用人夫二百蓋不煩費不
淹遲而鬱者宜焉利者溥焉役之善者莫善於斯矣
董令以爲茲事體遠大實使君揚公惠之宜勒石以
引勿替乃徵余爲記夫屯田水利政之大者君子持
其紀綱舉之而莫廢之乎爾然始作之而善中輟之
而敝終復之而又善焉豈非人哉仁人心也君子有
是心也之於天下也猶一身也身有痛癢則惻然知
之而按之摩之平復而後已焉有委痺焉則謂之不
仁何也徒有是心而不之知也斯亦廢人焉而已矣
然居官理人視民之休戚物之通塞漠然無所動於
心即有動焉而不爲之所其爲廢矣不甚哉揚公體
天德道聖學持已應物莫非此心即先儒所謂察識
而推廣之者奚事而不然也渠田猶人身之血脉茲
特察其閉者而開之而公之仁可繫觀矣後有作者
但令此脉流行如吾一身焉可也嘗渠之成揚公嘉
獎董令之勞白之巡撫大司馬王公其詞曰知縣潤
畱心水利加意民瘼修復久塞之河渠數十餘村皆
沾其惠起集了來之夫役五百餘頃永賴其休巡撫
公荅曰本官畱心民瘼修濬官渠沾惠至數十村灌
田餘五百頃此無窮之利應與金水相長者矣即其

功能誠可嘉尚是董令之賢鑒鑒可紀如此要之亦
真有愛民之心者也不然監司之於守令猶身之於
臂臂之於指指須神一而氣平倘身運而臂不隨臂運
而指不應雖有善者亦無如之何也已矣故仁政之
行必仁賢能主之亦惟仁賢能輔而成之何也此心
同也楊公諱胤賢山東陽穀縣人由進士任山西按
察司僉事董令則王田人也

脩建石佛寺記

寺之建有二一以興人之善一以表地之勝人有善
心即是佛性情塵障之往往著迷突然敬禮佛像之
心實未嘗泯故論以聲聞法像則易於啟明因其啟
明而遂通之則可以見性是寺之建不有以興人之
善乎地有秀嶺崇山脩梁怪石古木長雲麥隴桑田
然無幽人以託之紺宇以經之則無以包括衆美藻
飾奇致是寺之建不有以表地之勝乎城東北四里
爲米家莊其地背山面流溝塍連絡廬井交疏人煙
之輳而風景之叢也其中舊有石佛寺創自唐昭宗
大順二年歷代因之無有圯壞近歲爲大水所沒但
存基址而已嘉靖戊午里人任敬等合謀脩復先起
正殿三楹仍敦延沙門僧真澍住持本

募鳩工葺材增建東西廊各三間西廊塑西方大樂之景東廊塑羅漢十王又首塑釋迦文殊普賢三像於正殿俱文以金碧又建伽藍土地堂二所以至僧堂寮舍齋厨器用俱煥然一新焉計其前功起戊戌庚不三載而告成其僧行佛力可以聚見真澍乃頂禮乞言以紀其事余喜其興人之善表地之勝與可書也遂次其大略如此至於使一鄉之人父慈子孝兄友弟恭婦雍夫肅勤儉惠和忠厚謹信無替不二之教同歸平等之仁則又係師之所以講導勸施者何如也使一鄉之地山增而高水增而深林木增而

支集

卷十

十四

茂魚鳥增而樂晨鐘夕梵蕩俗氛錫杖蒲團安成淨界依稀虎阜之名彷彿竹林之號則又係師之所以玄暢妙詣者何如也易曰與善人居如入芝蘭之室今其室如此其邇也諺曰人傑地靈今其人亦復如是也故余以爲善可與勝可表也理也真澍乃頂禮受言而勒之石云

雲林菴記

僧之家焚香宴坐以養虛恬禪誦經行而勤實戒非憑藉陳曠結宇幽栖雖理懷淵遠而居業屈翫哉是以初祖投蹤於蒿少遠公遯迹於巨廬雖上聖大賢

不能不龜巖室樾以有成也沙門釋圓知宇大覺號雲林家世壽陽李氏少從師學佛入黃蘆山苦行精修若干年得證正真之果以嘉靖某年遊錫汾陽僑居羊市即玄帝廟隙地構舍息焉古人所謂方丈蓮茨以庇經象者也是時宗風翕揚善類響臻郡中王侯貴公父老人等咸重信之嘉其教應之廣惜其窟宅之隘乃集眾緣總以善力置本市東隅開地一區計若干畝造雲林菴上建觀音堂三間傍建小厦各三間後以輓甃一洞室前有小園遂成一蘭若焉其地東接新城樓雉鬱紆西通人煙誼填不入南望

支集

卷十

十五

平阜光景超忽北牖通衢群動流行信宅生之有緣業空而無累者也其徒明講就斯里市人孔氏之子遵脩師憲行願皈依一時居淨理者推厥師弟爲道勝焉余杖屨暇遊每至斯所覽厥玄况未嘗不爽然失區中之戀寥然起霞外之悰而况朗懸智鏡以照群迷高談宗理用開眾聽使合同者春融乎妙有復初者冰釋乎本無衆叩之徒覲德而情拋惡趣含靈之黨迴風而心歛善緣即壽事不生平懷並盡風流清簡俗尚慈良不必遠尋淨土自然美作仁里則雲林即菩提之果園茅菴總黃金而布地然藁草開林

葉獨始弗紀其序曷考其垂有郡彥郝子元望與
寧遠令張子維間嘗游藝其中而喜大覺之爲人迨
菴之成也曰先生記之文谷子遂援翰而述之云爾
其經營在嘉靖二十三年秋七月明年冬十月落成
後四年秋九月作記

文話敘記

夫文六經尚矣傳記之文其六經之枝派乎余讀左
氏檀弓而知其有典有則爲著述之表儀也蓋二家
出孔子之時故其文爲最古矣凡先士之盛藻咸取
法焉而史漢之爲正孔子曰辭達而已矣達之一字

泰集

卷十

六

所該者廣注云辭取達意而止不以富麗爲工夫文
曰郁乎章曰斐然德曰日新業曰富有獨指富麗而
不用乎鄭爲辭命草創討論修飾潤色盡四子之長
而孔子善之焉知非富麗之工也左氏之文富而豔
檀弓之文言簡而不踈肯綮而不晦遷史之文直而
覈班書之文瞻而詳蓋皆有富麗之則焉後之有作
雖專門名家要皆不出其範圍韓昌黎好譏評人過
而曰左氏浮誇孔子曰巧言令色足恭左丘明耻之
夫既耻巧言必非務爲浮誇者矣不然或傳疑之辭
有似乎誇耳余測海之餘每有著之話言者出四氏

卷如千條

蘭雲齋散錄記

比目漸長稍取書讀攷幽人之所貞適有同然乎我
心者輒掩卷太息曰彼人是哉千載之下尚使人悲
歌樂道之不能已已也乃若韓昌黎後漢三賢贊孟
浩然登鹿門山懷古夜歸鹿門歌王摩詰桃源行非
有心乎其入耶余因檢取二王仲長與龐德公本傳
及陶淵明桃花源記對證觀之於是益信焉淵明五
柳先生傳與子儼等疏忘懷得喪梁昭明作傳頗表
逸宗淵明方外之交有慧遠慧遠之前有支道林道

文集

卷十

七

林道遙篇義及慧遠廬山記並幽人之嘉藻也余手
錄通前總爲一編刻置愚公園用便觀玩獨取其偏
從吾所好云爾

新甓汾州城記

夫城何以言新甓也尚於舊也舊者土而築而今包
之甓也非新甓而何甓之云何戒守也守之云何衛
民杜也夫衛民杜者弘建始之功鑄金石者陳垂遠
之烈茲維其宜矣汾州古西河地也其勢阻山帶河
稱要害其城方廣一千六百丈高三丈二尺蓋王制
百雉之軌云隆慶元年丁卯北虜跳梁攻石州城破

遂馮陵我疆堡虜退乃大議繕城三年已已增高於舊一丈六尺然宿土暴見築壓則多圻於是分守左叅政張公分巡副使董公劉公更議所以甃之時總督太子太保兵部尚書王公制虜款塞慎固封守巡撫都御史石公楊公巡按監察御史饒公桂公壹意內修申嚴保障皆曰甃之便乃命官計度其事有五一日定功以包牆五十丈爲一功四面各八功通定三十二功計用工匠八百名夫七千二百名二日定料以牆廣一丈高四丈八尺爲率定甃及石條石灰爲數各如干通用甃二千四百二十四萬枚石條四千丈石灰萬車而壕牆甃城之用焉三曰定值計甃以萬石條以丈石灰以車爲率直銀爲兩各如干通用銀一萬九千有奇計匠以百計夫以千爲率工食銀爲兩各如干通用銀七千二百有奇而餼廩犒賞之費居外四曰定財計照糧起夫照夫徵銀出銀募夫而不用其力率以糧十石編夫一名名徵銀三兩凡以徵民兼之帑羨通得銀之爲兩二萬九千有奇而費用不貲五曰定委計功三十有二每功委官二員富民一名通用官民九十六員名分管造作而州正佐貳總管督視凡既備矣以五年辛未二月興

事適張公陞去左叅政紀公至乃申畫董正至六年壬申七月告有成緒其甃城之未甃壕陞之未挑者復次第綜理至萬曆元年癸酉六月告完其雉堞聯延樓櫓相望什器儲備填委錯陳其上隆崇廖廓日薄星回其下盤紆鞏固環隄夾渠其四面削成均毗截業即易謂設險詩言崇墉茂以過焉至其說以使民一勞而永逸義以制事小費而大成其爲民社之計誠甚殷矣郡中因屬爲記外史氏曰往犬羊在牧人情勾勾鯁鯁城惟恐其不高池惟恐其不深即高且深猶恐其不固今三者至矣則何以益之昔楚使公輸班攻宋聞墨子之捷而謀解是公輸之善攻不如墨子之善守魏武侯謂山河之羨而吳起折之以德是墨子之守又不如吳起之善故起守西河而秦兵不敢東鄉豈偶然哉夫天下之事忽於豫非智也略於備非仁也怠於成非勇也當是時其修政教之紀乎其講府兵之制乎其舉國練之法乎其精器械乎其廣儲蓄乎其重官守乎神而明之存乎其人得其人萬事理不得其人失之千里明明廟謨固迪茲久矣是役也知州寧策議其始同知夏韶判官立恩敬總其事知州鄭逢時理其中知州周鐸纂其成而

然則隱居之志者吾道之真而萬物之本也終身可也斯南溪公遠不忘隱之心與知公之心則茂林脩竹非吾癖明堂清廟非吾趨吾惟一吾之心而遜其所之是爲天下豁於戲於戲是義其曷能言哉書上卷端以考德于公門

翠虛亭記

嘉樹列園秀色呈翠瞻言受之爰起一亭虛其中焉所以受也命之名曰翠虛是夜夢帝署余爲翠虛亭長昔峙五嶽今然一亭直夢也已亭南據雄壑之垣北對蘭雪之堂東接遂初之圃西連文苑之居中雷

文集

卷十

三

芙蓉之沼依稀小有矣爾其陽林陰渠咸已攝翠而亭獨享嬌名遇之哉觀翠之來似光於始青之冶蘸於水碧之淵而布於卉木其漬沆瀣暎晨霞則湛如縈中黃凌倒景則瑩如蒙霧雨涉烟霏則膏如襲暎曛晃晴霽則縹如薄流飈之輕則游如法雲露之皓則滴如綢緇掩冉豔齋閃鑠抱之而不可盪迴之而不知其始之從意衍之於太虛及其水波葉脫翠隨解散究之而不知其終之委意又太虛歛之邈彼太虛純是翠氣不知虛涵翠耶翠涵虛耶殆竺乾氏所謂色空之不相離而泯於一者也莊周閑放謂天之

文集

卷十

三

氏之脩歟乃自爲記亭作於萬曆二載春夏之交迄於五月五日而亭成七月十有五日石

天真四友社會記

萬曆二年甲戌余年政七十念老矣多慮少懷欲一月之間得一開口而笑非悟言之適必不爾也蓋同道同心則樂宵中無一俗氣則樂先民有社會焉如洛陽睢陽幾乎一死生輕去就忘晦顯累盈乏是以樂之窮年而不厭今人罕有之者俗可知也盡沉憂速老耳戚哉因思寵辱不驚居士舒笑東巢雲君皆脫網塵埃之外垂照桑榆之表今結一社爲天真四

友人月一會會竟日食不兼味以不談世儒而文
仙而玄佛而空則其與也天而真則其自得也子不
云乎優哉游哉維以卒歲樂之謂也白雲康老言

文卷

全集

一



孔文公集卷之十一

碑誌

巡撫都御史繼津王公去思碑

繼津王公以嘉靖丙寅之春茂庵簡命爰撫榆陞惟
幾惟敕以臣以綏經緯萬端惠威一致不二載去鎮
此中文武大小官校耆餘皆沈瀾攀轅之泣縈紆擬
峴之恩謀共伐石勒銘再紀休烈而以進士馬希龍
撰述其事李登白棟馮思吉同來屬詞龍之述曰公
哲宜沉毅明允篤誠玄覽懿衷合度淵海忠肝義膽
比景耀靈挺方叔元老壯猷之佩服孔子臨事好謀
之訓政體善經功圖實効掄所統要管之勝者三
則清平一城坐落沙磧無險可據虜至輒攻危於累
卵公創始增遊擊之兵持重以待果有虜萬騎來薄
候其攀登蟻附則矢石俱下死者幾半虜遂引去以
爲有神自是塞門筆架之墟虜不敢復窺而西崑崙
然也東則神木六堡勢雖設險而兵食爲艱每郊
有警關門晝閉則斗米值銀數錢炊爨以屋居者
往往去公創始造舟通河運興臨石嵐之穢積府
倉以備資給省版駟載之勞訓副總兵軍山屬
入衛之卒以備戰守則兵食兩足虜犯必失利而去

自是葭蘆麟州之墟虜不敢復窺而東路晏然也中則古梁二百里爲鎮城耕牧之地數爲虜所出沒至渡無定之河截歸魚之餉前巡撫胡公議請城之而大垣未築公創始築赤峽口至黑山城四十里高壘屹立允矣巨防又創築邊城於紅山墩一帶外增巨壘內固重關通三路之咽喉爲萬年之保障自是銀州金鎖之墟虜不敢復窺而中路晏然也又以稽降之事授憲副楊公征繕之役授同知邵君石君自是法紀一新而城壘盡飭是以都督趙公起授節旄而有威武之捷參將李希靖有神木之捷遊擊高天吉

奏集

卷上

有波羅之捷守備陳銳有常樂之捷凡此雖諸將功而知人善任運籌決勝者公也又創舟無定河以便米脂上郡之轉輸修先師孔子之廟加諸生饌食之資其他旌善賞功恤疲養銳杜請謁之門開廉平之府悅詩書敦禮樂蒙霜露冒矢石壹意安攘之略不遑其身之圖不可更僕而記也夫點勞方張之時一鎮孤危屢經殘破食置於轉輸之不繼兵疲於調遣之不堪群生憂虞莫知止極而公之拊循若此誠投醪於順流而施續於大寒也如之何其勿思外史氏曰凡人之思以感德則真矣觀其所感則德之真有

不表見者乎夫甘棠之詩思召伯去後作也何武在位無赫赫名去後常見思後世則不然視勢位之隆替故碑板歌頌每施於桓赫之時而賢人失志傷天下之無徒焉其勢使之然也抑亦無忠信誠懇之心以感之公履盛位時顧盼足以生人之光輝援引足以拔人之幽滯彼有言乎思者僞也今思於去位而無所資利則信乎其爲真德之感矣傳曰道盛德至善民之不能忘也公其以之是故敘錄其美而系之以訓公諱遵字其順天府霸州人嘉靖丁未進士其詞曰穆穆上德昭受允悖曰忠曰義乃智乃仁三才

奏集

卷上

克諧九德威儀武表文吏經天緯地展采鴻衢抵德之興厥歷峻造周旋廣居天子曰咨撫予榆塞汝往式虔俾夷之駢公車言邁有翼有嚴元戎是飭醜虜是殲既高我壙復深我隍浚河以漕造舟爲梁行有乾銀居有積籩以飽待饑其師孔毅築甍其衝修中其窳有發必興無弊不滯有禮有樂有兵有刑惠焉雨露威焉雷霆桓桓將士鼎鼎著黎沐浴歌詠萬口一詞天道靡夷人事好乖功高身退實慙我懷欲翹之庭惟其遺於言微之珉焉惟其止稽古在昔厥惟耳棠我思不爽公德永揚

太原府知府於公去思碑

嘉靖三十八年已未歲三月公以工部郎中來
原至壬戌調去太原人思其德不置議建立生祠
石頌德政會督撫兵部左侍郎兼都察院右僉都
史兩溪萬公謄表循良以風郡邑於是太原人上
得所請為遂造祠郭南門外仍採石作碑是為嘉
乙丑之冬距公去時四開歲矣有進士潘雲祥傳
者邦之彥也特書其大政八事涉汾屬辭焉其一
定危虞言家丁叛亂之餘雖累勦擒然猶反反未安
人心爰提兵中朝警夜呼禍福巨測值公下車便旌

奏集

卷十一

四

別淑慝加意撫輯曾不浹旬吏民悉安堵如故其二
禱雨澤言庚申歲旱自春抵秋米價騰踊民不堪命
公齋心徒步禱禱神俄而甘澍響答晚田皆穗焉
其三曰急賑濟言大旱之時流饑顛連道殣相望公
私束手弗克引援公惻心勞力庾粥並施而嗷嗷
奄賴以全活者奚翅數十萬也其四曰修城泄言省
城自辛丑虜犯城下議修未果公是時抗議修浚實
陰以荒政之法存哺就食之民且其費省而功倍焉
民保障之益遠也其五曰省里甲言陽曲常孔道百
役之需奔命已疲公隨事調停刪繁就簡即公私兩

奏集

卷十一

五

便而民力蘇矣其六曰興學校言饑饉荐臻之餘人
救死不贍至博士弛講群徒失業公方憂恤倥偬尤
加意巨飭點勘文章周給貧窶惟日拳拳焉其七日
復堂宇言郡庭廨舍燬於叛卒僚吏至綴蕭以居公
至一修復之視昔稱壯然事不煩費而民無勞擾也
其八曰裁行戶言故事有金楮二行以應上役惟金
行於義匪經公力除去惟餘楮約定經用之數令楮
行不乾沒而已至於清正以抑貪暴嚴殺以攝姦豪
慈惠以遠幽隱剛明以折諍訟抗直而不撓廉潔而
不污凡如此者非復一端枚不可得而舉也余於是

愛於民之實又有名宜太原之人思之而不置云然思之而至於造祠作碑亦可以見思公之實庶乎子產加於何武矣公諱惟一宇德夫直隸安慶人嘉靖癸丑進士今擢陝西按察副使其辭曰肅肅使君天受純壹亮德鴻資聲度身律解薛登朝水曹是秩視草含香紆珥捧日即官出守遂分我疆大藩首善曰惟晉陽屬城基布群衆宿張胥悅新令咸熙景光牙兒甫夷潛孽未殄九飛赤白驚我鷄犬公來撫綏草薙禽獮閭井晏然市肆不變旱魃爲霖再年田饒下民卒瘁公悉哺之靡室弗賑靡利弗祈兩師回亢田

文集

碑卷十一

六

峻轉嬉新堂浚隍飛翬雉鼙鼓鋒鋒擣腹泄泄興工裕荒庸典流惠保障之功一勞永懋何以厚民獨煩省苛何以作人五莢四科如昆如華如江如河鎮定傾圯涵濡委和國推其勲邦表其業高車西邁遺愛東浹麥秀餘譔棠陰永衰創祠勒銘弘備史牒

分守右叅政芳洲洪公德政碑

右叅政芳洲先生洪公受天粹之醇靈躬聖哲之明淑撰經綸之實學瞻巨濟之遠才高朗溫文沉潛剛毅中立而不倚任重而不回是以德爲儒宗行爲民表非仁弗處見義則爲凡可安社厚生罔不殫厥心

力其除害以興利也如嘉穀之務滋彰善而殛惡也猶害馬之必去是以惠威風行懷畏革佩斯古之所謂德政者乎汾歲大侵道殣相望貼於危亡十室而九寇賊姦宄橫恣竊發禦人國門之外劫路康莊之間日殺不辜以取其財或騎馬擐甲負弩提刀攘奪於市而去夜則穿屋踰墻探囊發櫃或斫戶擲石縱火延燒欲以生亂放孽變詐百出縣是商旅驚弦而却市肆集木而喘室家乘屋而瞭街巷列柵而防猶不免焉乃其比黨鉤連依憑結納有盤根之苞附枝之孽以爲內主有平遥之豪趙城之俠以爲外主外

文集

碑卷十一

七

入則內應內出則外應蓋自視如常山之蛇有中央首尾之形矣惡積於習慣害懣於勢成以故國不敢問吏不能捕包藏暴露不可測量而又有效尤之徒劫殺擔負獸聚鳥散謂莫敢我何漸習然也公攝守閩月責苛慢之吏綴困餒之民禁汎濫之呼滌挂搭之蠹又開月申保甲之司繕城廓之守嚴緝捕之令明賞罰之科又開月盡得內外主之姦狀及群盜姓名蹤跡乃持典憲白王囚厥首尊五人爲犯訓之宗也而豪俠之在平趙者並以就擒是時內外失據群醜散亡獨渠魁十餘負固苞所爲觀望計公笑曰竟

冤置矣金魚焉之乃密策郡國守相率官校先入
室隨以別駕兵搜捕須臾之頃盡縛於庭並得甲冑
刀劍咸必有血痕問罪咸伏焉又收捕效尤之盜亦
駢首受縛若神鬼追勑使竟明罰繇是道路通行閭
閻安處閩郡轉清平之福四境流昭曠之休謂公呵
禁不祥如神明懷保疲黎逾父母也然積歲兇殘殄
以一朝之舉萬心冤憤消以一念之推非其仁明剛
健忘物我公好惡審機宜成決斷鮮克濟哉昔者禹
抑洪水而天下平周公驅猛獸而百姓寧以今槩之
其德同矣於時嘉靖四十年歲在昭陽作聖嘉平之

奏集

卷十一

八

月汾州知州張朝憲同知蕭相判官康澍吏目冠仲
哲儒學訓導楊光先高岡諸生張雲翔等三百人僉
歌頌德政爰紀貞珉垂法後世傳之罔極公諱朝選
字汝尹福建同安縣人嘉靖辛丑進士其辭曰於穆
我君純懿天授才挺國積姿呈嶽秀巨時憲聖經物
體元六蔽善誘五美式尊執規司矩持衡履繩獨立
不易平施以稱台鼎之模儒林之表動與德宜行爲
道妙攝符分陝一視同仁殫彼兇殘拯此困貧惟是
兇殘有苞有孽迎刃而解是括是截昊天上帝悲民
隱斯特資鴻俊千汾保釐惟惠惟威乃文乃武民命

如苗我澤如雨茂氣滋至群生以宣孰貽厥祉陶化
廣淵凡我所康成賴之錫微禹其魚殊事合績桓桓
藩輔秩秩郡吏謙謙黌師藹藹髦士莫不感德莫不
頌功圖刻金石三光比隆

平遙縣知縣韓侯去思碑

韓侯諱廷學陝西醴泉人也由鄉貢進士以嘉靖某
年任知縣事惟縣素號難治侯至壹以易治之蓋三
載而治成矣尋以迂物去侯在官之日人憚其明威
日惴惴焉畏之覲其去及去之後率相感而思之凡
侯之明以宣敎化裁匪侯作明以秩我也凡侯之威

奏集

卷十一

九

以彰瘡遏剔匪侯作威以綏我也我其畏之何哉今
則轉畏而爲懷也耿耿焉繼繼焉雖欲忘之而不能
自已也相與謀作碑於庭以寄其思三十年弗果今
嘉靖戊午汾州衛經歷楊君得金往攝縣會文學者
舊詢舊令尹之賢乃文學耆舊以韓侯之所以爲理
及邑人之所以爲思者告楊君曰是在我矣即買石
躬請余記而碑之按事狀列侯之善政凡有八條其
一興理學校其二繕城濬河其三寬省里甲其四明
悉聽斷其五表揚節義其六屏抑豪強其七寓兵保
甲其八勸粟賑饑夫是八者蓋皆所謂侯之明威者

誥贈資政大夫兵部尚書霍公墓碑

文谷集

金
碑
卷
上

+

公姓霍氏諱鳳字鵬瑞世爲孝義縣人其先蓋自有周霍叔霍河東邑也後裔以邑爲氏散處方隅奕世載德代有顯人其居孝義者多隱乃若孫以祖賢祖以孫貴開世閥闥弘衍昌大則自公肇之公爲人質直而好義孝友而敦仁里中以賢豪稱得年三十而卒配李氏葬勝水之南後李氏附葬焉子曰文會元孫曰冀是爲大司馬公大司馬應運崛起能以其命世之才佐時之畧光表家國登嘉靖甲辰進士歷監察御史都察院右僉都御史得封其父母如其官嘉靖四十四年晉南京兵部右侍郎得追崇其祖帝用

贈公爲通議大夫南京兵部右侍郎
人隆慶元年冒總督陝西三邊軍務
都察院右僉都御史帝用贈公爲通議大夫兵部右
侍郎兼都察院右僉都御史李氏爲淑人隆慶二年
晉兵部尚書帝用加贈公爲資政大夫兵部尚書加
贈李淑人爲夫人自贈卿貳至上卿凡三錫命皆極
華衮之褒其一命公之辭曰含真守朴積德累仁勢
利靡甘彝倫是篤賢者之後遠而彌興發聞孫登
踐庸顯淑人之辭曰持身敬慎秉性貞純早歲孀居
聲格有家之業遺孤撫育預延累世之梓致有聞孫

文集

碑卷七

士

爲予良佐其再命公之辭曰性資朴茂行誼純良孝友著乎家庭忠信孚於鄉曲安常履素不隨習俗之移修德行仁每切亢宗之志詒爾式穀肇啓嘉祥淑人之辭曰齊莊莅內恪慎提身早失所天誓勵栢舟之志中經多難益堅冰雪之操撫遺孤以守宗桃啓賢孫而位通顯其三命公之辭曰惇仁履孝式重鄉評冒靜謐華雅稱市隱龍阮窮且天而慶澤未亡宜有繩武之孫爲予名世之位淑人之辭曰友師稟訓夫族稱賢從一而終鞠成遺嗣有古共姜令女之風焉潛德未彰施于孫子爰升華於八座宜貤貺於重

原人司馬荷茲寵榮克展孝思乃樹碑墓道屬外史氏文之以紀萬禩之鴻休嗚呼樂樂其所自生禮不忘其本攷古世家皆由其祖積德百年而後隆公有豐德發才而中道歛藏積再傳而大司馬出焉豈非百年之驗哉實皇天眷善篤生俊哲肇敏成功望膺洪慶若穆穆其文桓桓其武經營四方孔惠孔威尚書納言夙夜罔弗欽古所謂功在社稷澤被生民大司馬之烈也公之遺也懋哉洋洋乎淵矣永矣其子以少司馬加封資政大夫兵部尚書厥配郭氏以淑人加封夫人偕祿天和並躋上壽孫則大司馬鼎鉉

奏集 卷十一 三

方將台緄未艾厥配張氏封夫人其曾孫鍾瑜鍾琦鍾珂鍾琳與玄孫之魁仲者悉如芝蘭玉樹萃美階庭而鍾瑜應國子生銘曰松栢有本清廟有挺河漢有源焉章於天維哲斯濟維茂乃宣式弘我後不始厥先以引以翼曰仁曰賢熙帝之載靡所不虔太微炳靈北斗承乾內貞百度外寧九邊帝嘉鴻臣用錫元祉曰祖之休施於孫子無德弗報無功弗紀何以賚之于公乎敕位號尊崇冊書豐美幽明咸昭對揚殊禮麗牲之碑其文則史於萬斯年令聞不已

明通議大夫兵部左侍郎贈工部尚書襄敏張

公墓誌銘

嘉靖三十九年庚申三月二十三日通議大夫兵部左侍郎南川先生張公卒於家卜明年辛酉某月某日葬時其弟都察院右僉都御史永石公玘巡撫順天乃先期以其從姪進士德化所述公行狀寓書於外史胤曰子知吾兄者幸作銘嗚呼悲夫哲人其亡失我柱石著頌其立德與功炳炳而在敢不銘公諱珩字珮玉別號南川世稱南川先生始祖和之自秦遷石故張氏家世石州焉高祖居曾祖大全俱職德弗耀祖讓贈都察院右都御史兼兵部右侍郎考文紳

奏集 卷十一 墓誌銘 三

初封監察御史歷贈大理寺左少卿都察院右都御史兼兵部右侍郎母康氏歷贈夫人繼母馮氏歷封夫人咸以公貴云叔考禮起家弘治中進士公八歲從授小學端敏則見十四授易毋兄時齋先生即潛心性命之學敦尚儒行才章兼美焉中正德癸酉鄉試辛巳登進士第自癸迄辛蓋專力聖學者九年壬午皇上即位為嘉靖元年授試御史上疏請崇正開邪以新聖政癸未實授陝西道監察御史清審京通鋪行奏革投充占役二十餘家給補負欠物價二萬餘兩尋奉勅巡鹽兩淮條上清理十二事綜覈利弊

故延鎮獨稱底寧已亥陞南京都察院右副都御史
提督操江尋取廻坐院進階嘉議大夫辛丑借吏部
考察天下官員多視公爲準裁其年陞左副都御史
會宣大總督之缺廷推屬公公上疏言鄉人不便從
事遂以迓旨落職爲民癸卯召復原職巡撫寧夏凡
新經略安攘一如延綏時其年陞兵部右侍郎兼都
察院右僉都御史總督陝西三邊軍務公至總統方
略計出萬全居中調度籌靡遺策大要以飭內治爲
上廣德心爲本故其選將練兵整備設禦率以靜制
動以逸待勞臨事決議必開誠布公無用智自私之

卷十

集十

七

意以故公威重如山岳惠流若江河云是時四鎮太
吏如翁公萬達等皆一時鴻略之臣無弗敬服公御
制者前後斬獲首虜五百八十有奇生擒十一奪獲
馬駝六千二百有奇夷器一萬四千有奇蒙璽書金
幣褒獎者三乙巳陞都察院右都御史仍兼兵部右
侍郎丙午陞戶部尚書督理太倉兼管西苑農事未
任以延綏失利被繫議配慶陽壬子召起用復以都
察院右副都御史巡撫延綏癸丑陞南京兵部右侍郎
即隨轉本兵之左適丁繼母馮憂制撫按交薦起
用而公忽不起矣公生於成化丙午十一月二十五

日享年七十有五葬於山寺平原子新兆從公卜也
先是奏聞於朝以公功德允元贈工部尚書謚襄敏
仍廢一子送監讀書其致祭造葬各遣官從事焉其
渥典也元配王氏累封夫人生子賢賢娶重氏早亡
女一適車珏副室楊氏李氏楊生子賢門殤女一適
監生馮潮李生子平路即恩廢者聘綏德都御史孫
公女賢路有子曰絨即官生公自御史歷太僕廷尉
及中丞司馬皆簡授重殷罔弗宣序而經制西陲之
功久且大矣然兩陟再室未究厥勲其竭忠盡瘁而
已者耶公忠孝仁明廉允剛毅涵養定正踐履精實

卷十

集十

七

尤博綜群籍眇觀衆有而體當於一源故所出功行
文辭不愧古人生平樂取人善尤好指誨後進泊懷
遠度淵淳山峙令儀令望邦國之典刑人倫之師表
云所遺有恩光絲綸錄心學圖南川紀年奏議文集
各若干卷傳於世系之銘曰在昔貴立厥維德功德
由學懋功以德崇維公純備精典博通以事以業宣
勤亮忠侍史僕射命滋益恭綴彼西土式遏寇戎文
武是憲寔司馬公進廉兩室望出遂終人爲公惜公
罔時惘謚贈徽顯曰襄司空可廢厥嗣俾世克鴻景
行坦坦高山隆隆銘其弗朽焉其有窮

中憲大夫河南按察司副使栢山劉公墓誌銘
公諱尚義字伯正姓劉氏栢山其別號也世爲郡之
愛子里人始祖仲成以宿德造家高祖巖曾祖肅俱
有善行見重鄉評焉祖志美備儀修善談論以貢
士授朝邑縣丞號廉惠委量田寧夏田盡均時值安
化王亂城中多遇害丞獨保全其治能如此尋乞致
士進階文林郎父世芳爲郡碩儒貢上太學授膚施
縣丞亦號廉惠入覲考上而卒贈文林郎河南道監
察御史毋朱氏封太孺人公生有粹質與弟尚禮稟
趨庭之訓得淵源之傳乃嘉靖甲午同舉於鄉尚禮

泰集

卷十一

七

仕至富平嵩成三縣知縣而公以乙未舉韓應龍榜
進士授行人司行人詔使封葬代徵兩藩式禮不愆
已選擢河南道監察御史巡視東城發姦摘伏如神
權貴慄然會扈從論事忤旨當道下遷秦州判官尋
調朝邑縣知縣朝邑當郡嚴道公至興廢補弊咸惠
並行增拓城墉爲民保障又查正黃河退灘地數百
頃息雄藩之奏爭葦頌民之隱占初其事蓋數爲前
官所勘數被梗中輟公乃毅然任之申狀撫按乞委
官從事事未及行而頑民已糾衆呼譟將欲爲亂委
官遂皆奔去公獨正色危坐群兇亦稍稍退怯乃徐

召父老曉以利害仍密白撫按作捕治狀於是渠魁
就殄脅從解散諸所漏網亦漸彌羅君子以爲仁且
勇矣居歲餘陞鳳翔府通判尋陞松江府同知會計
明當出納平允革侵漁之弊禁包攬之姦皆有法可
循於是旁郡咸取以爲法焉嘗一攝府網紀秩然有
吏白庫金若干爲堂食可取公叱之曰若敢汚我耶
其廉明如此陞南京刑部福建清吏司郎中持憲不
撓司寇萬公考公清廉執法爲諸司稱首云出補山
東按察司僉事分巡遼海時遼海多事公處之如馭
不馬理亂繩有悍將犯辟公盡法治之一軍皆服時

泰集

卷十一

八

迎養太孺人太孺人有疾公日夜躬侍湯藥衣不解
帶及哭太孺人也水漿不入口者數日歸葬之餘誓
欲廬墓而哀毀骨立矣起復除四川按察司僉事整
飭安綿利保等處兵備兼督松茂等邊糧餉數十萬
餘公入境調停便宜即議收折價以省空運之艱嚴
束土官以懲玩愒之習諸所舉措俱切中時宜於是
撫按稱其智勇冠絕時流焉綿中士人爲作廉明剛
毅公惠通敏八頌以美之陞陝西布政司右叅議督
脩榆林三路城堡三閱月而告成上嘉美之賜勞白
金文幣有差陞河南按察司副使整飭直隸大名等

府兵備兼管河道公前以西地震蕩况率板築復抵役天雄酷暑跡乃視事未幾而疽發於背遂卒於官舍焉公既卒囊無一金會大名別駕王龍池公爲列其事於當道因得賻卹而歸之公生於弘治十一年十月十六日巳時卒於嘉靖三十五年八月初八日卯時享年五十有九元配宋氏封孺人早卒繼配孫氏今苦節其家而稱淑媛者也次配任氏黃氏俱早歿生男一曰繼龍娶武氏女一適王迎孫男一曰康寧公爲人簡靜沉默質朴少文然實外和內剛而華美蘊籍故其與人接物藹然佳款居官一以誠心直道而行至於事母爲至孝矣性雅好讀書賦詩尤善五言所著有逐蓮集四卷初公訃至汾聞者皆爲流涕鄉善好之斯其徵矣嗚呼公作宦得名處鄉爲賢不謂生而能淑死而不朽者乎以嘉靖四十二年十一月十五日葬於南舍之塋宋孺人附焉富平君乃先事撰狀托余銘之以掩諸幽余與公等有金蘭之誼敢不銘銘曰紹其厥家揚於王庭使躔有曜法緝載烟臺中之能試諸輦轂郡邑之遷以表民牧都官大夫有猷有謀移鎮海隅砥如矢如軫毋之捐摧毀徹天制盈興復爰整蜀綿巖險之衝調度平善八

頌見推智勇蒙薦曰陝是分以董塞垣既崇既固保我大藩建牙天雄實資鴻遠吳不愆遺吾道奄卷其人則已其德允咸銘其不朽孰云其亡

壽官趙公墓誌銘

公諱鴻字來賓姓趙氏其先太原文水人也六世祖諱福以洪武初徙孝義家焉是時天造草昧文物寡希獨其家以學興故公之伯祖有諱敬者以鄉舉歷官盤屋咸寧尹至太僕丞有諱攝者以歲貢歷官常州通判並有能聲曾祖諱孝柞祖諱志剛父諱泰以歲貢官萊蕪簿生四子公其四也爲人孝友兼至勤

敏異常初公六歲喪母哀思骨立父爲聘辛氏女及期蓋辛氏褻焉有議別婚者公不可父之乃遂娶從其伯經歷文習儒充縣學弟子員時萊蕪君祗柴役於易公往省之忽遇寇道中則從容語曰吾儒生也所携不過一金任自取之耳冠曰吾無取於公也其無恐遂不加害焉時工部侍郎白公方監柴易州聞而問公頗奇之公歸乃肆力於學方輟輟有成矣值族姪傷人公被逮焉魚火之災君子惜之初流賊自平陽北向縣官計無所出民頗逃去公乃取百將傳可行者數事白縣官斷橋隄嚴城守以安人心且諷

以死節之義賊果迴河而東縣人得免於難公之力居多焉教其子若孫必以德行為先嘉靖十二年詔給冠帶為壽官公雖老猶好讀書凡子史百家無不涉獵然性嗜飲酒稍飲即吟暢自若嘗自題畫像曰一十二學問無成三十四德行無聞五十六教誨子孫七十以來叨作鄉賓冠帶幸榮乎數載姓名期播於無窮嗚呼此不由我而屬汝後人卧病殆三載不受醫藥曰吾老焉已矣藥何為哉疾革一無所言但指孫訥若有所期而已尋卒時嘉靖十八年三月初九日也生天順八年八月初三日享年七十六歲

六歲辛氏者同縣鑒之第四女也少喪父母見育於伯母之門及歸公則孝敬端淑人罕儷焉先於嘉靖四年十一月十九日告終距生則成化元年正月二十四日享年六十一歲有子男二長思禹次思商太學生有女二長適武仲璽次適張銘孫男六時曉晴賜訥讚訥以茂材克弟子員孫女五姪武廷翰李仲祿武彥肅曾孫男一尚幼嗚呼公少嘗志學乃格於誣逮然其身之壽與其後昆之茂亦福善之無爽焉其年十一月三日思禹等合葬公城西五里之原思商哭具狀事而乞銘銘曰王之焚如其實不渝以

以毓而瑜珩瓊琚我銘幽石後其考諸

中憲大夫湖廣按察司副使前監察御史黃崖李公墓誌銘

公諱延康字允吉別號黃崖家世為上黨人高祖得剛曾祖志美俱隱德弗耀祖翁仕安定縣令父玳洛南縣丞並有能聲洛南公生五子其廷昌封濟南府推官濟南子如桂拜河南按察司僉事其延馨仕至登州府太守黃崖公則其四子也登嘉靖壬辰進士授汝寧府推官持憲明慎旁郡訟獄皆願李明府直之即萬死無恨有疑獄十年不決公一審成案焉民服其神汝水汜溢為苗治屢歲弗効公一治之乃遂底平民至今賴之居不三載部使者交薦其賢召行取還京將不次用之適奔洛南公之喪及釋禪詣闕拜湖廣道監察御史巡視禁地不競不撓時其兄太守公為戶部郎中並鳴珮登朝人以為盛已亥上幸承天公扈從恪勤賜文幣白金嘉獎焉已巡按陝西時茶馬多敝公至疏剔有條即馬政大修大司馬特上其事復賜文幣白金有差當事峻復命適奔母喪東歸釋禪詣闕命巡按順天順天固畿輔之地吏其地者稱盡法難公至興革利弊慨淑糾奸無論貴右

盡持之以法風裁凜然號真御史焉值大享覃恩贈
洛南公爲文林郎湖廣道監察御史母馮氏爲孺人
癸卯陞公河南按察司僉事分巡河南大梁兩道並
清正明敏如巡按兩省然戊申陞陝西布政司左叅
議奉勅撫治商洛兩洛當三省孔道流民依險負固
礦徒乘間竊發處之得宜非文武才不能公至安輯
弭禦悉有方略於是晏然久之後商盧之盜來竊礦
爲亂公自己捕治得魁首數人令脅從解去乃爲喜
事當道欲邀功以逞遂激烏散者而默聚之及我軍
敗績猶委咎於公以自掩也公但孩之而已至於清
心省事節用愛人取物則寬嚴而有體臨戎則謀勇
之兼至如矜宥罪叛以圖存其毋歎惜故人而竟正
其法則古之遺愛也居五載不遷公處之如一日焉
壬子入賀陞湖廣按察司副使整飭襄陽兵備未幾
報罷中外愕然公正色歎曰吾一官坎壈如斯固知
命不達又不能求達乃今歸休乎吾奚不可者遂杜
門樂志無戚戚容乙卯九月二十七日以疾終於正
寢得年五十有六生於弘治庚申九月十有二日配
牛氏封孺人有子男一人曰如松郡學生員有女三
人長冊濟王妃次適都御史劉夔子承祥次尚幼公

爲人端雅博通孝友忠信有弘濟之才三事之德太
宰許松臯大司馬王浚川皆綜表人物不輕與可並
稱公有羔羊之節愷悌之風焉又長於作詩蓋追大
曆而上之矣所著有關中集傳於世嗟夫公鴻才懋
德卓爾不群宜躋大位享高齡乃二者俱弗之逮天
耶人耶獨其名與實爲不朽爾以丙辰七月二十日
葬柘山祖塋之原如松以余與公有同年之雅又
同官陝西相知爲最深也馳刑部員外郎姚公九功
所爲狀來索銘余技涸而爲之銘曰仕不躋騰壽不
曰眉匪才弗振匪德弗施而達物尸之吾何以知遺
以裕其後昆如木有本如水有源終然達之濬且著
高山大谷存此言
何毋周孺人墓誌銘
周孺人者南京都察院右都御史栢齋何公之元配
也公上賓蓋十有九年而孺人以老疾終時爲嘉靖
癸亥七月八日享年八十有八距生成化丙申七月
廿日考某爲懷慶善士孺人生有淑質靜莊慈婉敬
思孝勤紅鎖之事蚤自嫻習年十六歸栢齋公公世
耕讀於武陟之王化屯值黃河北徙田爲巨流乃就
業居郡城城離屯百五十里孺人爲致食不置以故

文集

卷十一

五

公得肆力於學中弘治辛酉鄉試登壬戌進士拜翰林院某官孺人得恩例誥封焉公在翰林猶淡簡如書生孺人雖貴亦躬理織紵如河陽時正德庚辰公以進講忤旨出爲開州同知稍遷東昌府同知公皆拜命就道無寵辱之驚孺人亦相勉慰藉曰人臣將危險不避况直道而行奚而不可耶及公乞歸養病盡付弟以先人田廬蓋囊篋蕭然而已仍教授生徒於南上村生徒爲置田數十畝孺人亦仍勸績紡以補其乏焉辛巳今上龍飛起公爲山西督學副使丁父侍郎公憂起復改督學浙江歷陞南太常少卿正

文集

卷十一

五

若等務克繼先緒其敢忽諸人有言曰門第高者可畏不可恃爾先君雖致高位無積遺故舉世號清白若等亦經鉏是力乃從爾初服庶克保爾世哉於是諸子皆哭唯唯公名位荐陟孺人當躋顯封然陞拜俱未三載以故終孺人云有子男二人長光祖任南宮縣學訓導娶薛氏次顯宗克郡庠廩膳生娶劉氏繼陳氏有女四人適庠生王世綸劉廷珮監生蕭鶯郝九疇孫男四人長諮以蔭任撫州府通判娶蕭氏次詢娶張氏俱庠生次謀娶姜氏孫女八人適庠生郭鈴吳大英監生高梧儒士朱一松知縣寧策儒士李良才劉擢張繼曾孫男二俱幼曾孫女四長聘吳某次聘張本餘俱幼孺人歿後幾月爲某月某日當拊葬於某原憲使次山劉公先撰狀徵余銘以余管敘公遺文及何長君與余弟南宮論善遂不獲辭銘曰夫爲純儒婦勤約以扶夫爲名臣婦恭靖以循夫克孝養婦是承是享夫克保終婦康樂攸同詩語肅雍易言健順生而德嫺死而道盡大國之封何其靡盈秩祠之榮慶永保爾後生銘石正固含光以寧

孔文谷集卷之十終

孔文谷集卷之十一

朝列大夫山東布政使司右叅議西田趙公墓誌銘

嘉靖辛卯之歲郡文士舉於鄉者五人余與焉其年少而才美則推西田公公既領鄉薦凡三上禮闈不第則益茂於藝至甲辰登泰鳴雷榜進士授戶部陝西司主事監兌浙江著聞清敏尋有繼母之服服除仍授本部廣東司主事時北虜南犯京師戒嚴公主管皇城四門糧餉調度出納井井有條尋考最進階承德郎陞本司員外郎值河南寇亂之餘務得鴻略

文集

卷十一

之臣以底定之乃推公補河南按察司僉事分巡河北察姦救疲威惠大著未幾有父之服服除仍補前職分巡大梁循舊望也大梁視河北殊劇公治之若輕車熟路按轡徐行而威惠覃敷矣陞山東布政司右叅議分守遼海東寧時其地連歲大侵人不堪命公到罷汎濫之務調拯卹之宜發府庾之藏勸富室之貸散粟以周土著之貧養弱以待就食之困又處牛種以助耕設醫藥以療疫掩餓殍之骸禁流鈔之暴家省戶謄心惟手畫皇皇汲汲如我惻源於是遼左之人陷於危亡而賴以全活也撫按方會疏表異

求不次之擢而公疾作矣醫者曰疾得之勞瘁敗矣

蓋所謂形神俱散者也遂卒於官舍訃聞之日一道

盡哭焉時嘉靖辛酉四月二十九日也距生正德戊

辰八月四日得年五十有四公始單車之任及執燭

而訣惟兩家僮焉巡按王公委官閱其囊篋則書劒

衣服之外惟俸金數兩而已王重悲其清令所司賻

之又遣使護導其櫬而歸之則公歿未爲失所矣公

生而有文如印在左手間七歲能誦書千言十歲善

屬文及弱冠行藝卓越識者覘其必大公在官悉優

舉其職資望駸隆當道數表薦之言公端平廉正之

文集

卷十一

操簡遠寅亮之度宜總統方略左右密勿行且召公

矣同舉五人二人止郡縣長一人纔轉觀察余例格

卑休矣公不格於例而進有餘裕據是三者並合躋

高位而享遐祿顧中路亦坎壈焉是人事不可信而

天道不可必其命也夫然有不能朽者則公之忠誠

仁愛與清節乎公世爲汾之田村里人姓趙氏諱世

錄字汝功西田其別號云高祖諱友能曾祖諱興榮

陽縣主簿以廉惠稱祖諱鐔慷慨有大節父諱廷璧

封戶部廣東司主事母某氏贈太安人弟世臣充郡

學廩膳生員配任氏封安人生子男二人長淵郡學

生娶安氏次澤娶周氏繼任氏女一聘生員高孟龍
卒孫男一尚幼嘉靖癸亥三月十有八日葬田村
祖塋之次淵先事自陳狀乞銘嗚呼余銘吾友耶
又不足不銘因系之辭曰學成而宦不登宦登而名
不與吾以觀其恒宦登名與而命不競抑又何憑將
竟其所未究必前格而後承公有嗣子龍變雲蒸緒
慶洪衍於金石徵

封文林郎江都縣知縣前清苑縣主簿致仕
恭孝先生岐山趙公墓誌銘

惟大明嘉靖四十四年乙丑七月二十三日岐山公

墓誌

墓誌

三

以疾終於正寢享年七十三歲時其家嗣訥在部聞
訥遂奔卜兆以本年十二月二十七日葬乃先具狀
即公年譜家錄屬余銘焉曰曩訥報江都政時見先
君老欲不行先君促之及列西曹懼先君老且病欲
乞歸先君又手書止之今則長痛永絕矣惟銘以掩
諸幽乎按公姓趙氏諱思商字尚質道號岐山其先
太原文水人自七世祖福居孝義之宜化里遂籍焉
福生仲均仲均生孝梓孝梓生志剛志剛生泰以歲
貢任萊蕪縣主簿有能聲泰生鴻以耆德拜壽官得
飲於鄉配辛氏生二子孟曰思禹公其仲也公受中

於天沉敏端厚頌長白哲目重瞳子孝讓廉謹率性
根心規仁矩義終始不渝六歲能讓兄取履九歲讀
書知大義常代兄汲水負薪以供炊爨十歲選充秀
才益勤勉嗜學夜乏膏焚則就竈下火光讀之由是
學日以宏試必高等瑞時邑子田文孝先生以篤行
顯名公欣慕定交相與覃思理窟力躋道岸於是文
孝之親賢之因以其子妻之焉屢舉不第門人以次
受經束修之來必卻其厚者曰伊富我貧多受恐爲
所役乃示志作自責詩二章分守苑洛韓公持義甚
高獨延獎二公公自奉約甚然於養親雖啜菽飲水
必盡其歡及臻有廩餼乃喜其有肉帛之養也母病
公侍不離寢衣不解帶憂悴顛樂靡所不周隆冬居
衰哀毀徹夜至涕淚冰凝手足凍裂里閭之人無不
感傷既葬讀禮修趙氏族譜藏於家服竟以選貢例
貢入太學是爲嘉靖癸巳其年值壽官翁七旬公置
酒張樂百拜奉爵而後行太學二年容止卓犖欲上
疏言天下事不果既而勤禮監之奏錄白部廩之誤
多又因妻子還鄉辭給之半時歷事生多潦草書錄
及以空身而冒全給者於是監部皆嘖嘖稱公爲金
不浮人窮不失義者矣事竣歸里壽官翁方病劇乃

墓誌

墓誌

四

見公而愈人謂之孝感云公於是日以怡養為事嘗訓其子曰俗心愛父母類不若愛兒女其惟不失愛父母之真心斯為孝子耳又嘗語其友曰我輩未能得時行道以賞善罰惡或因文字以示勸懲亦非苟作者已於是為漳縣令任君及任孝子作傳又考正名宦鄉賢之祀已亥居壽官翁如毋喪時伏廬撰遺德錄服竟除清苑縣主簿治園清正攝縣稱平如拒許時柘之賂而究其姦公均從之審而細其偽最為郡守吳公所崇禮也吳公方以嚴御史不輕許可顧獨重公臺中之獎一歲累下計超敘有期忽思歸不

文集

卷三

五

可謂遂投狀拂衣休神家術課子西齋明農南畝灌園種樹條其風宇家庭社會寫我天倫焉兄亡厚為葬祭端居簡出邑令皆登堂問政因得除汾宗佃田之弊瑞石貼差之累民永便之已未訥舉進士授定興迎公就養公到舍訥百拜上壽請訓所以為邑公曰愛民便是忠君忠君便是孝親復為畫愛民數事令出而民悅也尋調繁江都江都人所稱善政皆歸惠於公焉甲子江都君考最擢刑部雲南司主事詔封公為文林郎江都縣知縣拜命一年奄忽捐棄嗚呼痛矣生於弘治六年癸丑三月二十五日配田氏

至孺人有子男二長即訥娶許州吏目宋君女封孺人有疾再娶邑庠生李君女次讚廩膳生娶孟縣主簿傅君女有女二長適武廷翰次適武彥肅孫男一曰守黑未聘孫女七長適國子生張君男庠生弘文次聘傳應舉次聘廣平府通判王公男用勛次聘戶部侍郎霍公男鍾琳餘俱幼公為人淵淳岳峙不妄言笑不泛交游於賢有德雖未識面願投分盍簪即非其人雖識面昵好客名飲接殷勤歡要皆善氣所存無孟浪云者尤好施恤及助修橋梁以濟貧涉至非分之物一毫莫取其為庭訓壹以孝經曲禮馴致

文集

卷三

六

聖學肆今有子如高陽氏之才焉平生介而有容與物無競遵道而行實允蹈之古所謂篤行君子矣然其行已也恭事親也孝核其名實奚忝前修故我邦人諸士與其門人私議所以易名謂夫子為恭孝先生所著有家教錄如千卷系之銘曰不上其第以遺其嗣不盈其位以擴其世栖鸞退飛玄覽德輝佩玉輟趨弘表鄉閭昭有令儀冥無愴行萬石醇謹太丘方正進退惟可取予不意知幾明微哲人有焉謙謙其恭懇懇其孝示我周行報之隆號雖有三珪不如公所齋雖有乘車不如公所攜宮其隄區以安常訓

勒銘幽茂永好無斁

皇明誥封奉國將軍北村公墓誌銘

國有敦文履善之英是爲北村公云往宗賢貴戚類不屑文爲及與縉掖者游至北村公乃獨好書又好親賢於書無所不通於才人學士未嘗不虛左而迎之故其德大雅卓爾不群而諸宗之有識者亦胥嚮風繇是彬彬多文學之家矣公天才俊敏神識朗融綜理篇章咸中知燠斧藻丹矚爛若高霞每觸景興情含毫落紙或矢之長音或約之短律曾不限步刻燭而其詩已應機而就若大化之鎔冶萬物性色一

素集

卷五

七

無假焉其敏捷如此又善繪畫凡得之寓形之咸超之有象之觀者輒敷染標飾亦若大化之善幻焉而不可窮也其融會如此要其妙則蘇子所謂少陵翰墨爲無形之畫韓幹丹青乃不語之詩者也一時縉紳鉛槧之士咸傾心歸之如鳥趨鳳焉公孝友忠信廣大溫恭非禮弗言非義弗行嘉善矜否犯而不校下有竊金器者已而悔還竟不之究居常褒衣博帶雲冠崔嵬望之如古先哲人然峪中有佳山水良辰美景公必往游登高賦詩陶陶然樂而忘歸也數與方外僧秋山坐石臨流而談僧所談他人不解公獨

領略時拍手微笑或看月寒潭之上

其意怡然

五十六薨於正寢薨之日從容端坐與親別其言吾乃復造化舊物若等無徒悲顧命其子惟曰若輩作善若惟肖之而已時嘉靖十九年九月十有二日酉時距生則成化二十一年四月初九日子時也公薨未葬以嘉靖三十六年三月十八日卜葬峪里之解原其子中尉君以鄭君登瀛狀徵余銘以掩諸幽余固諸生而承誨愛者敢不銘按公姓朱氏諱奇涵別號北村系蜀太和高皇帝五世之裔誥封奉國將軍高祖晉恭王曾桓慶成莊惠王祖諱美塚封鎮國

素集

卷五

八

將軍父諱鍾缺封輔國將軍配夫人王氏生子十有二人公其仲也元配郝氏封淑人有子一人表祀封鎮國中尉配何氏封恭人有女二人長巴陵鄉君及笄而喪次雲期鄉君配儀賓張儀有孫男三人長知璽封輔國中尉配張氏封宜人次知燠封輔國中尉次尚幼有孫女六人長石鍾鄉君配儀賓屈聘次欽浦鄉君配儀賓王三晉鍾湖鄉君配儀賓任清次宗女配宗壻李忠次尚幼公著述閤富有北村山麓蓋如千卷傳於世銘曰道遐莫弘于岸于登文塵其承以汲以升微公振邁鮮克茲能宗衮是賴皇徽有憑

銘彼不朽視其周陵

貢進士郭龍石生上暨配牛氏合葬墓誌銘

龍有端文孝德之士曰龍石君君姓郭氏諱忻字汝學世爲壺關太平里人別號龍石里中稱龍石先生云龍石諱麟嘗輸粟助賑勅旌其門爲義民曾祖諱誠祖諱榮俱隱於義父諱修以納例授三品武職服色配東昌太守楊氏女蚤卒繼上林苑署丞姜氏女生龍石君五歲喪母哀思欲絕賴繼母王育之稍長就學日記千餘言年十三補學官弟子員而學弘矣十六舉戊子鄉試不第益發憤精思實踐之學十

文集

卷十一

九

九舉辛卯鄉試遂魁多士刻文五篇主司評其文曰疏通爾雅館閣之裁華國經世之章也及見君則少年而老成於是益驚歎焉其後會試禮闈歷壬辰至丙辰凡八上不遇人爲君屈君守道弗撓而益邃於學其視屈信龍如蟻如也初三品公被訟成獄君青衿抱恨曰願使吾父生兒不如緹繫哉吾二弟幼吾當爲理耳及中式則叩首謝天曰是忻理父冤之日矣於是極力陳救者十餘年又損其家貲之半父竟得以不寃然出獄時已年老日盲而君亦面鬢髮脫矣君子曰孝哉龍石能廻天以援父於獄也假使龍

石如陶朱公兒不貨存而父亡乎然三品公風雄於

財出見又損則不悅龍石君因逐之君順受承慰極其宛曲父戚亦稍霽焉已未當入會試以中寒不果行而三品公適考終正寢君力疾悲號水漿不入口者三日棺斂之具無所不盡其情而哀毀踰禮矣因脅痛氣鬱無醫師之良以拯之遂不起焉邑侯何君吊曰天弗憖道使孝子淪棄里中人傷悼皆披淚失聲以爲孝子可贖人百其身也君稟清淑之氣純孝友之心溫恭愷悌端雅惠和敦友睦親恩信藹然接人與物謙敬無貳至其涵睿照於冲虛蓄英華於簡

文集

卷十一

十

淡若同而有介石之貞如儒而有介倚之振則進於道遠矣兵憲江北峰與君舊數欲邀致館中不得其介如此前邑侯段君名御史也稱君孝友賢俊無愧古人信哉爲文本理達辭而後有光談博綜群典靡不精契性喜作字遂擅臨池之工又喜陰陽地理星命之學言命則屢中常自筭午運當厄吾病在申歲而華在小暑之前數刻平屆期果然蓋是日交節在未而午時厄也是爲嘉靖庚申六月四日生於正德癸酉九月二十八日得年四十有八配牛氏同邑巨族魁之女也敬順慈和罕有其儔以嘉靖壬寅七月

六日近生於正德庚午十月十七日得年三十有
三徐氏有子男二人長開封牛出充邑庠生娶吳
縣縣女周應薦女次開塾徐出尚幼有女二人孫女
一人其幼君卒之明年開封將以十二月某日葬於
紫巖之原而以牛夫人補乃持其堂伯恬狀來索銘
片手欲辭淚十數行下曰吾父歿時言同年而知我
者謂文谷兄見之銘心見惻惻於是爲位而哭涕
泣而爲之銘銘曰端也不得以宅揆文也不得以羽
儀惟孝惟德終焉以之天有好神有楮而謙謙者若
斯人何勸而爲誠冥冥之不可知古有易名朋友得

氏三宜人合葬墓誌銘

李氏初爲平定郡西義井都人在唐季蓋多顯者至
今義井南莊有高塚纍纍焉金時有諱之才者官總
領於鄉上有禦亂之功之才生剛剛生思思思忠生
唐卿唐卿生煥煥當國初始合族居平潭爲平潭李
氏云煥生智智生璞三世皆尚德寡慾而璞以勤儉
積粟至三千石能貸施一鄉鄉人倚以爲命於是郡

中鄉飲皆僕之璞生鳳封順天府推官配王氏贈
人其賢在閭祭酒誌鳳生應奎是爲長史公公字文
輝別號潭水年七歲問父學與耕也孰優父大喜曰
賢學矣遂令就塾稍長授經於舅氏王公卒業於憲
副雷公經則博通且潛心勵行與俗學異年十九選
鄉庠生二十四中正德庚午鄉試辛未會試不第就
高陵縣學教諭或姻之公曰吾親老弟幼吾不爲探
養而誰養乎乃端範正講以臨諸生不受諸生之餽
遺諸生有不能婚葬必亟爲處之尤敦重風誼於特
授表孝友貞懿父宦而不彰者七人事在呂涇野集
中時涇野先生居里中遺弟應庚應箕受學焉而已
猶與之共道於是道乃益尊居八年陞華昌府學教
授其操履如高陵時常手書太極圖通書於壁以瞻
諸生何大復督學時獨許隴西諸生有性理之學知
公善教於是徵公正學書院修雍大記書畢夫家
三千乃迎養父及弟應斗來就學並完婚而五月東
歸申狀願分祿以養當道底歎美之嘉靖癸未丁母
憂哀襄盡禮丙戌起復補廬州府學亦分祿養親其
操履亦如華昌時已丑陞伊府紀善言動端平王敬
重之庚子丁繼母憂後府中多事王相憐謂王曰

季紀善若在豈有此哉因遣書存問癸卯起復太宰
許公曰茲宿儒久淹視彼速化者何補晉府紀善尋
陞右長史王素重公端平至是益敬禮之庚戌王上
疏言公忠勤得進四品服俸癸丑丁父憂父在疾時
公乞假省問遂獲躬奉湯藥及棺歛焉人以爲孝感
也公宅憂過傷頰忽忽不豫然羹饘敦道訓啓後昆
無毫髮差以嘉靖壬戌正月二十四日終於正寢享
年七十有八訃聞於國王惻然曰奪我仲舒即遣官
爲文以祭兼賜旌賻生於成化丁未十二月一日元
配董氏繼穆氏俱贈宜人俱莊惠仁淑俱得年二十

奏集

卷十二

七

九歲而卒自有淫野公誌所謂董母以育子而革疾
穆母以哭母而禔魄慈可以照日月孝可以塞乾坤
是已又繼呂氏贈宜人郡名族遷之女也端重沉靜
不妄笑語性慈孝精女紅穆宜人歿後遺子女七人
而五人尚幼呂撫育之無異已出尤孝敬舅姑相潭
水公歷廬洛之間守寒素之業處諸叔妯娌並合道
適宜追惟董穆其賢同揆矣得年三十九歲而卒又
繼劉氏公有子七人長念舉乙未進士歷官至歸德
府知府娶王氏封孺人繼孫氏次愈同兄舉進士歷
官至鳳陽府知府娶楊氏贈宜人繼姚氏封宜人

慈郡庠生取陸氏女一適丁未進士苗敏學董宜人
出也次愛早卒次慈郡庠生娶張氏繼董氏次意郡
庠生娶朱氏穆宜人出也次慈壬子舉人女一適庠
生白雲陽呂宜人出也孫男十四人孫女十五人曾
孫男四人公天質醇明器宇闊遠脩儀義鬚金聲玉
色性好讀書每晨一書必究章乃已古今治亂
人物之紀罔不淹詳剛腸疾惡却絕口不言人過喜
飲酒雖多而不亂即席雅談必忠孝勤儉或座有惡
客未嘗不題沮棄去居處無惰容凡後生小子見公
必肅平旦整巾即焚香祖考前又好施卹而不責報

奏集

卷十二

古

至於孝親友弟樂道并貧謝人與物惟公惟誠殆性
之矣淫野先生不妄許人稱公孝友之行可通神明
篤信之學不愧往哲又稱公有過目成誦之資有食
荼茹苦之節有振頹激頑之材有先人後已之行非
華說也三莅學官功令弟子俱見思兩輔大藩兩王
俱敬禮不衰去之日問也死之日誄也旌也贈也豈
倖致哉公所教弟應庚歷官至西安府同知應箕至
狄道縣知縣應斗充廩膳生而應部以力農裕今年
某月某日葬公古城西原之新塋啓三宜人合葬乃
歸德君泣爲公狀鳳陽君乞爲呂母狀先期奏聞也

作銘胤年家生也曷敢辭銘曰學以啓家賢焉光國
國有庠序付公殖三黷之子歌樸械懿親雄藩公兩
翊陪德秉忠承北極家願大椿其旨即群弟諸兒聆
講德三鳳八龍金組絕五馬大夫百里職創功垂統
萬年則仁孝篤誠福齊稷石君家聲衛武抑呂史讚
垂琬琰刻我銘不斐義不忒別有好辭榮墓側

中憲大夫湖廣按察司副使黃巖李公暨配孺
人牛氏合葬墓誌銘

嘉靖三十四年乙卯某月某日中憲大夫湖廣按察
司副使黃巖李公以疾終於正寢葬柩穀山祖塋後

墓誌

墓誌

墓誌

九載爲四十二年癸亥而元配牛孺人卒當合葬其
冢嗣如松以大藩參雙峰姚公所爲狀來乞銘按狀
公諱延康字允吉別號黃巖居士幼穎秀絕群年十
三充學官弟子才章玉瑩鴻雅博通以禮經中嘉靖
壬午鄉試壬辰登進士第授汝寧府推官清理正議
一以至公有豪獄故不決者十年寃民自御史顧得
李明府一訊即死無恨於是遂正法焉汝水汜溢歲
久不能治用公治之即事省而功倍民間徭役被公
審者無不均平有同家之喪翁不能歸公捐俸盡以
賻之其高明仁義大氏如此以故鏡明水清之謠流

響三河云居三載內微適丁外艱起復拜湖廣道監
察御史巡視內地廉枉察姦無少休太宰許公稱公
爲真御史上幸承天命公整飭軍士護守禁垣駕旋
賜勞白金文幣有差尋奉命巡按陝西茶馬時私販
爲蠹邊廐屢空公至一煎浣而疏通之蕃人畏服馬
以庶繁大司馬爲上其事特賜彩衣白金以嘉其能
未幾丁內艱起復巡按順天其地爲輦轂之近而關
節之衝自非弘毅鮮克通理公肅紀綱以貞吏治詢
風俗以拯民疲如大鈞垂令噴凜並行無少利害之
心於其間是以中貴請托不行閹門犯辟罔貸墨吏

墓誌

墓誌

墓誌

望風咸自解綬而去至議上戎略言飭武備選將才
多所施行焉例補河南按察司僉事分巡汝南大梁
二道修屬城之圯辨良吏之誣弭妖賊之亂御煩理
劇寃厲風行陞陝西布政司左叅議奉勅撫治商洛
時礦盜竊發傷我官軍公相機勦撫竟殄厥渠魁寃
其脅從山民賴以全活者衆有老嫗訟子之惡公曲
爲懲諭子感悟爲孝有洛南故人犯罪死律彼私謂
得免公竟寘之法仍厚其家以報之有按史倨慢公
正色讜言不爲少曲史慙沮加敬焉居五載陞湖廣
按察司副使有飛語陷公於京師者遂謝政歸朝論

方共惜之而公怡然無事。賦詩以自愉。偶感疾而逝。享年五十有六。距生弘治庚申九月十有二日。配牛氏封孺人。生有至性。幼通孝經。女傳及笄。適黃巖公。與公合德。孝敬勤儉。靡所不宜。公家食爲名士起家。爲賢大夫。雖其自植而孺人內助之力爲多。故封誥之文美孺人師於前哲。謹其婦儀。饋克主中事。不言外相。爾夫子勵行。飭文爲實錄矣。享年六十而卒。時嘉靖癸亥某月某日也。生於弘治甲子某月某日。公高祖得剛。曾祖志美。俱隱德弗耀。自祖翁始通仕籍。號安定君。考珖仕洛南。以名宦見。祠祀焉。贈文林郎湖廣道監察御史配馮氏。封太孺人。生五子。皆賢。貴曰延昌。封濟南府推官。其子如桂。見任陝西按察司副使。曰延馨。登己丑進士。仕至戶部郎中。登州府知府。黃巖其行四云。牛孺人之考以齒德拜壽官。妣劉出諫議之門。公有子一人。即如松。爲庠士之彥。娶儀賓崔城女。有女三人。長冊瀟王妃。次適庠士劉承祥。都御史夢之子也。次冊安慶王妃。公爲人莊靜簡嚴。剛明仁恕。孝友忠信。出於自然。官保王浚川公稱公雅致不染淫於流俗。太守陳公特祀公於社前。學憲曹公議之。撫按孟公

藥公允之。少保大司馬楊公爲作記。焉宜矣。公尤雅贍文學。所著有慕終集四卷。存於塾。銘曰。以位以年。與善則歉。以德以才。與俗則殊。以其所殊而易其所。歎豈亦天道之盈虛。人事之反復乎。然其歿而祭於社也。與上之埋也。山若增而高也。亦烜赫者之所歎而澹默者之所殊也。銘之幽墟。與天壤俱。

清河縣學訓導封文林郎衛輝府推官西塢先生王公墓誌銘

嘉靖癸亥六月二日。西塢先生王公以疾終於正寢。享年八十有一。明年甲子閏二月廿四日葬於姚村。

新兆與其配兩孺人。合其子御史君乃先事。問銘自陳川走汾。跋涉殆七百里。出廷評李君所爲狀。按狀公諱澄。字志清。邑中號西塢先生。爲人貞敏。莊厚。孝友。和直。識進讓之義。達明保之機。而尤立於禮。幼讀慧善。讀日滿。千言初操管。締藝才美。則徵師授學。毛詩六義。理解焉。弱冠入邑庠。務飭已脩辭。有儀法。可觀。提學石公欲藉以化俗。令食廩。鄉寧吉州。歷三歲。乃還。及應鄉舉。凡八上不第。竟以循次貢入太學。授清河縣學訓導。公至。守功令之章。課經治之術。崇禮尚恩。口不言利。乃門人日親。欲依歸終身而不忍捨。

去及去則遽留以思公家食時父母與祖父母康彊俱盛公養則致敬及其喪也則堂以盡哀邑人喪尚佛事公獨純用古禮紉是不爲俗至今化之與弟贊恭讓連白首無間又能卹秦氏姊之貧及內外黨之乏者至存歿取庇焉教諸子必先忠孝而後名聲文章政事皆有本源以故趨庭之子胥雲蒸龍變焉公在清河日思歸養其老親及仲子登薦徑棄官歸巡按楊公特走書幣追獎於家公容與林廬踰二十載其溫恭敦睦清平恬雅非仁無爲非道弗處蓋如一朝每遇聖旦元正必蚤起祝釐九頓首而退凡閭社

卷三

卷三

九

往來接杯酒殷勤之懽敘述情話與親戚同難有雜者少筭公輒呼補之其人得遺欵米中亦輒還公鄰鬻宅公酬價多或迂之曰是則周之乎爾有傭作罷者聞或困阨未嘗不往救也初御史君以衛輝府推官考最上封公如其官公既封大郡猶需服僮僕出里門不駕其行誼純備始古所謂厚德君子也公先世太原自八世祖從爲遼時命牌千戶鎮河東因著籍聞喜焉從傳曾孫二十一人而十九公諱克仁者以酒德比五斗先生仁生梟爲國初刑部主事梟生吉吉生佐佐生懋以懿德之劭拜壽官而賓飲於鄉

配梁氏成化癸卯七月十日生公王氏起家自金縣刑部而後有濟肅公諱哲仕至浙江右布政使今贈武光裕則自公更始之云公初配盧孺人繼配張氏以子貴封太孺人盧生於成化壬寅正月二十日卒於正德庚午五月六日得年二十有九張生於弘治丁巳四月六日卒於嘉靖庚申六月九日享年六十有四太孺人莊愼慈淑實與公齊德凡公所爲善行自居家履官端本垂範皆太孺人從中助之兒女婚嫁及諸婦諸孫佔俾機杆以至輟鉏廝役罔不經制有條躬先勞苦節儉終老不渝其爲賢母如此有子

卷三

卷三

三

男七人長宗夏配某氏盧出次宗堯癸卯舉人任浙川縣知縣配某氏次宗舜癸丑進士授衛輝府推官擢南京湖廣道監察御史配某氏封孺人次宗禹宗湯蚤卒次宗文邑庠生配某氏次宗武配某氏有女一人適趙養誠俱張出有孫男十二人曰廷對邑庠生娶某氏有孫女幾人一通解秋一通邑庠生景仰傳一適廷評子李豫養餘尚幼孫男一未名公德積慶餘斯後昆振振盛矣系之銘曰陶唐氏之墟涑水之淵隆崇清淑而玄龜以居蓄其淳穆不大以舒有慶其緒有來其徐馴雉者茂峨豸而舉以引以翼

如龍如臂彼巨林豐厥本初銘之乎石萬年考且

鄉貢進士呂梁張貞孝君墓誌銘

張君之生也其從叔大司空襄敏公稱其志焉其歿也其從叔大中丞永石公述其行焉余君之友也則敘而銘之君姓張氏諱德化字脩甫別號呂梁高祖大金曾祖劍七品散官祖文鹿邑縣丞有惠政父璞毋李氏以貞節見旌表云君生於弘治乙丑三月二十七日幼學能文未冠選入郡學督學使每歲臨試皆慨然舉首蓋其天質純粹復深造敏求以故學日益邃文日益高矣壬辰徵進河汾書院庚子鄉試以

秦集

卷三

三

易中魁選焉孝友端厚篤履不渝其父蚤世祖父母與母在堂君奉養周至顏志之愉溫其之款洽如也逮於喪葬無不於禮也合焉毋李也節君也孝節使秦旌表其門呂涇野先生讚其節孝以相成也癸卯致母之喪哀毀危篤瀕隕復甦人謂孝感之徵事死其恭謹值其暴卒即不起大比喪其室人必終期而繼賓興之時有司特加餽焉君固謝不受嘗遇北虜於田虜奪其乘而不害已乃避巖谷中經四日不食猶賦詩書石有自知非烈士即死不成名之句貞節坊毀君竭力修復曰以保我母氏之烈也祖塋在

濟神七老塔嫌於湫隘君展地率遷不用陰陽禍福

之說而位置廣輪垣樹表記備焉曰以安我先人之

魄也力田自食不假世營構書屋城東扁曰崇倫祭

場圃一區扁曰所其無逸蓋言其志矣門人來學者

衆凡受君指授即卓爾不群性喜飲酒過飲輒盡絕

不邇聲伎焉宗黨有吉凶之儀必助之徒侶之乏必

見卹也其孝友端厚大率如此偶以痰疾卒於嘉靖

壬戌十月十有三日得年五十有八以明年於亥某

月某日葬於遷兆元配董氏繼王氏有子男二長

娶御史車公梁之孫女次繩娶寧鄉鄉貢進士陳讓

秦集

卷三

三

之女有女二長適鄉貢進士崔柄次適安桐俱王出
孫男一曰所性孫女二俱幼君之將葬也門人輩謂
夫子有真德實行追配古賢乃不得見用而鑑於朝
若易其名曰貞孝亦猶行古入之道也故謂夫子爲
貞孝先生君博聞強記沉潛理學尤善爲古文辭復
善書法其淵識雖裁蓋極天人焉至於揚擢古今而
談當世之務則忠謹慨興經濟渙發如武庫啓而利
器森列矣所著存松俗小稿自考錄呂梁集若干卷
襄敏公曰吾姪恩如是事事即是學永石公曰吾姪
既窮不失義必達不離道其舒文以廣國華乎調鼎

以亮天工乎直言極諫乎安邊理邑乎而今已矣殆
齋志以歿者也其命也未是皆信史之言矣銘曰太
人稱志述行炳於丹青名以義起昭於日星無位而
德尊歿而永寧其誰曰不然以考吾之銘

張雲溪先生墓誌銘

雲溪先生姓張氏諱紳字佩之其先浙江仁和縣人
自高祖某從王爲王國入而家汾陽也父諱其母金
氏先生美姿儀善清言性溫爽聰慧涉獵書史通畫
水墨丹青兼通詞翰興寄所托往往入妙慕尚飲中
八口家常釀酒或舉杯獨酌或遇客款畱或杜中招

卷集

卷三十二

三

飲未嘗不高歌傾倒有爲飛魚躍之趣撫景談諧善
而不虐間談世務亦鑿鑿可行少營舉業不就乃挾
策而游京師復西游於秦大司馬彭幸菴脩撰康對
山皆愛其爲人相贈以詩詩在二公集中及倦游爲
晉府引禮舍人又倦游乃始歸汾居無何復游河東
河東人僉重其風流文雅云余秀才時見禮於宗老
北村翁時先生在北村社中因相識焉及余解方伯
之印遂與先生爲方外交蓋文酒追隨風雨晦冥而
不輟者十年余情在避喧先生心亦遠俗故交也嘉
靖四十二年七月初五日以微恙終享年六十九歲

葬於城西石塔之原配鄭氏有子男三人長鳳羽宗
壻次鴻羽生員次鶴羽宗壻有女二人長適王邦國
次適中尉知縣封恭人有孫男四人長汝文次汝行
次汝忠次汝信先生將葬余買石爲誌其墓系之銘
曰雕軒朱紱人所崇堆金積玉人所傾緼袍藜杖誰
其明余哀其行焉而銘以聞幽人之貞

王毋太安人張氏墓誌銘

太安人張氏者贈君王公鶴之配也贈君父諱璵襲
祖廕任汾州衛百戶進職千戶授武略將軍毋審氏
封某人太安人父諱梓毋段氏爲郡中名族太安人

卷集

卷三十二

三

溫惠穆慈自歸配贈君綽有婦德及生令嗣毋儀肅
焉子繡質粹太安人命曰自我爲汝家婦未聞汝先
世以文事濟武功者兒最之否因勸贈君延師以啓
其學學成中嘉靖甲午鄉試戊戌贈君卒太安人經
紀喪葬於禮也合焉郝水峪先生爲之誌時子繡年
十二亦有粹質太安人令就兄學學成中丙午鄉試
丙辰命子繡仕曰吾老矣汝以祿養吾爲汝孝於是
繡謁選授鄆陵縣知縣已未課最陞武定州知州時
歲饑繡攝行收賑政善策奇所全活數百萬人復還
定而安集之太安人喜曰兒陰德乃爾吾何幸壬戌

入覲以忤府左官守順德府學教授尋遷廣平府通判迎養太安人以遷所未往已未緝舉進士太安人乃就養京師其年緝授吉安府推官以太安人老難遠涉又不忍舍弟獨往特上疏陳乞改懷慶府學教授因奉太安人費廨頃就養武定及緝署縣武陟復奉迎太安人來武陟壬戌緝陞國子監助教癸亥陞戶部福建清吏司主事太安人俱在邸舍甲子秋緝入賀母子兄弟咸聚太安人喜甚已而泣數行下曰昔先大父易簣之日賴四子六孫及女甥無一語獨謂吾淑慎當必有佳嗣以振吾宗亦天以報婦乎不

文集

卷十二

墓

意五十年來遂有今日卒何稱先人之教者冀兒輩忠與孝哉時緝監兌河南山東之役當出水次太安人乃就養廣平到廣平三日而卒時嘉靖四十三年九月十七日也享年七十有九生於成化二十二年五月二十八日時在內公卿大夫之與廣順條吏皆夙聞太安人賢及兩子純明仁孝皆爲文以誄兼厚奠云緝扶柩自郡緝奔喪自京追仲冬歸於正寢以明年乙丑三月初九葬萬戶山之祖塋太安人冲虛端靜本於天植苦節貞行勤理克家終始不渝居常齋莊蔬素誦觀音普門品義往往見諸施卹即古所

謂大慈者矣初王氏以武略興歷世但守轍而已至以科第起家而光大之實自太安人始也有子男三長經娶徐氏次即緝娶李氏次即緝娶趙氏有女二長適典膳侯濟次適史朝賓有孫男三長天寵生員娶劉氏早卒經出次用賀聘史氏緝出次用勛緝出聘刑部主事趙君女有孫女三長聘任國柱次聘余長男孔階次尚幼俱緝出襄事之前趙刑部撰狀余作銘銘曰有淑其媛有士其行惠巽宜庭清恬保性躬培善基弘行緒慶訓育兩賢蒙養均正登名展采玉輝金映適觀厥成適享厥盛德祿羨兼孝慈明並

墓

卷十二

墓

既壽既康以考終命烈裕有承褒表無竟廓其武功爽其慈令銘其永存鎮其長靜

慶成王長子小溪君墓誌銘

君諱新堤別號小溪今王之冢嗣也於制爲長子於禮爲嗣君云母妃王氏嗣君擅清一之資撰剛中之德志高千仞心雄萬夫莊敬威嚴無間於隱顯疆域敦敏莫測其淺深自弱齡嗜學長益耽文聰慧天啓悟徹神授研精篇籍之府振藻著作之庭落筆成章吐辭爲律大篇春容小言緻密至舒染翰之雅又出臨池之工由是墨客之流襲惠響於儒林銀潢之侶

牛渚方且孝隆兩宮儀正四國問安寢門之外視膳東廂之側動而足法舉必可青位壽弗登聲華則茂生於其年某日以嘉靖四十三年五月十有六日薨逝春秋四十有一明年乙丑四月十有九日葬孝臣里之原皇上遣官祭諒如制所著有奕善忠貞若千歲擲金聲於地下埋玉樹於土中惜天下之寶沉淪於人間之世短促良有以哉配夫人太夫人子三長慎鍾次慎鏐次幼有女二長配儀賓之屏列其懿行徵銘表幽系之銘曰自我

太

金

主

太祖高皇帝弘文起運垂裕後昆歷莊惠恭僖溫穆端順恭裕以至今王威恪守一德以承世風至於哲嗣則其文於錄其緒有鄭仲其追渥輝此冥漠

故王官敘麓潘公墓誌銘

嘉靖四十四年乙丑十二月公以事被逮聽理於省中因鬱抑疾作死旅舍爲本月二十三日時其子孝廉君隨侍被跣告哀官府盡憐之亟令以椁槨殮而歸葬焉孝廉君痛父匪辜乃日夜號慟次不忍遽葬以隆慶元年丁卯二月十六日葬中千里祖塋先事以其師寬使西瀛王公所列行狀來索銘按公姓潘

氏諱存禮字克敬別號敘麓其先江西浮梁縣人自五世祖積善翁以軍興隨太祖定鼎金陵武羽林尋改隸隨晉恭王之國居晉陽尋又改隨慶成莊惠之郡家汾陽焉積善翁生旺旺生英英生通通配李氏生三子公其長也自積善至公凡五世皆事王而以恪著獨公以果毅彊直管書記之任今王自授粵東館及以長君嗣位殆五十餘載無一事不委重公亦無一事不稱旨者蓋其心計精嚴而勤敏濟之至於持論守見侃侃不回日與豪宗悍族相抗尤爲人所憚焉居家孝友兼至事親生則致養殯志之承未

太

金

主

或少遠病則迎醫籲天憂痒可掬喪祭則哀毀悲慕每歲時致奠未嘗不泣數行下也非賓宴不市酒肉或問之曰曩吾欲養親家貧不可以爲悅今力能具而親不待此臯魚之恨爲我心惻矣仲弟存智好餘繫太原獄五年父母憂之公百計與援得免於難季弟存信好遠遊父病思一見永訣公亟尋致之且爲娶妻以安其業父瞑目焉嘉靖己丑當歲大侵民間三旬九食道殣相望而公經營奉親撫弟無乏食焉智被讞時公躬往救之渡汾河中流適水泛漲乃倉皇祝曰某一身係父母昆弟妻子八口之依若葬魚

腹則一家之命傾矣俄而至岸了無他虞蓋神實助之智有子五歲而孤公撫育封植無異已出今日溪貴者也其孝友如此故事藩府襲封奏討書辦官二員公於是得以嘉靖甲子之春奉朝命冠帶爲書辦官即古書記之任故法得稱王官云生於弘治十二年十一月初三日至歿時六十有七齡矣元配左氏靜惠淑賢嬰疾早亡今村葬繼魏氏亦以淑稱有子男一人曰溪望充郡學廩膳生即孝廉君也左氏出娶薛氏有孫男三人長九成業儒娶袁氏次九功九敘俱幼曾孫男一人名嘉平公爲人城府深沉崖岸整峻重然諾寡交游雖兒子不少假辭色雖教令肄業不輕予一錢在府久見親信有似專美故取嫉任事勇敢有似姪直故遺禍實于中心奚所忍哉銘曰不知臣觀其君其君睿聖而公爲之臣不知父觀其子其子孝廉而公爲之父朱鳥見魁宵人纂言青蠅爲蠱白璧有冤人孰不死無對于天其是安是固以保爾後賢

鴻臚寺序班西巖李公暨元配孺人武氏合葬墓誌銘

李公者汾之大族也諱廷儒字文臣號西巖體貌魁

梧性資瓊瑚少習舉子業充郡學生已而從輪助例貢上國學爲國子生嘉靖九年授鴻臚寺序班時朝廷方興禮樂之事振郊廟之儀得公俊偉以爲宣序光也大宗伯特雅重之居無何乃恍然念親老欲歸遂乞疏得休養焉公自得歸上奉二親孝禮克全下訓育諸子若孫各親成立中養真田園次渠灌花間涉文酒之娛兼窺黃老之秘君子以爲達生者焉公富而好禮自郡守而下率樂與公交前守郭公關中名士其治郡整嚴顧尤與公善及遷去盡寄囊篋於公比宦滿入關公親往舉而歸之則封識無損也關中縉紳咸贈詩稱美焉關中迴後復欲遊江南遂由汴泗歷淮揚度楊子登金焦覽太湖之廣陟蘇臺之高至抗觀潮浙江迦西湖登兩峯而還翩翩然有凌雲之想也於是江南之好事者亦贈詩稱美焉公自遠遊宵次益高動止益逸又善飯人謂公有仙道望之若神仙焉乃以微疾化去自嬰疾至屬續談笑世緣分理家務若無疾人然享年八十有三生於成化二十一年閏四月十有二日卒於隆慶元年二月十有六日葬於大相山之新塋配武氏先卒其賢備載光祿卿張公表中今合葬云公曾祖諱欽祖諱子浩

義官父諱忠義官母孟氏蓋世號殷盛至公而始寔
焉有子男四人長瀛選王府儀賓卒次勅授山東武
定州州判陞大寧都司斷事娶賈氏次洛授河南臨
漳縣丞娶王氏次漁授四川劍州州判娶安氏有女
一適鎮國中尉知燁封恭人孫男十二人孫女八人
曾孫男三人曾孫女十人公為人孝友忠信兼好文
墨所著有李氏家藏集三子入仕俱以公年老不肯
久任輒乞歸及終之日兒孫無一人不在側者可不
謂善慶之全美乎銘曰大相之山有業有嚴厥草維
蔚厥木維粦有藪有蔭有杉丹青其宮金石爾

銘卷上

三

龔我銘不朽於公永絨

隱居教授貞毅先生西野馮公暨元配孺人李
氏合葬墓誌銘

隆慶二年十一月某日吾師西野先生年七十有八
以寢疾終次月二十日葬門人亂述其行而銘之先
生姓馮氏諱思淵字忠甫別號西野世為汾州中千
里人生有偉質奇氣銳志業儒博通群籍弱冠從師
受毛氏詩遂專門名家兼精性理之學綜觀諸子一
以濂洛關閩為宗充郡庠廩膳生屢科不第乃慨然
棄去別開館授徒弟子雲集時俗學務為捷徑講誦

臧裂先生則循循善誘毋陵節毋躐等焉課著經
必理明辭暢一洗鉤棘浮勦之陋後生小子以簡
為高投刺先達耻稱晚生先生立教必矯輕警惰正
容謹節以禮為先自是游師門者少長為有序焉先
生德益勗弟子益多乃令高弟轉相傳授以是有
德有造彬彬如也今登甲乙之選居藩臬之尊維郡
邑之章列師儒之秩儲蓄我之養與子姓之昭訓于
家庭策名於天府者皆先生佑啟之也先生稟性嚴
正剛腸嫉惡非禮勿動見義必為於是非利害之際
了然明白確乎其不可拔遇豪貴則藐之見善如不

墓誌

三

及焉居家孝友純篤與物忠信晚卜築河底之岡清
渠茂林有盤谷之勝誓將老焉而遂老於斯矣曾大
父諱鼎大父諱得川以高年有德拜壽官而飲於鄉
父諱祥母李氏先生生於成化某年某月某日元配
李孺人先卒而葬其賢具載墓誌茲啟孺人之壙而
合葬之禮也生子男四長伯奇監生娶郝氏次仲奇
廩膳生娶李氏次叔奇舉人娶張氏次季奇儀賓娶
都鄉鄉君女四人孫男九人建勳建策建藩建垣建
言建章建業建和孫女六人曾孫男一曾孫女一鳴
呼世固有小才而冒高位涼德而紆顯爵使先生

遇在朝者則必樹譽諤之節以進賢退不肖焉已任
在郡邑則必除強去暴而表循良之儀然卒止儒者
之高蹈其命也夫諸門人以先生有才德而無爵位
當勸古私謚之義以易其名僉謂操節正固貞也履
道直毅也因謚夫子爲貞毅先生系之銘曰孰同
大鈞曰人與神孰歸定命曰善與慶故生爲異人則
死爲貴神善積厥躬則慶流子孫於終之要斯始之
原銘之乎幽永矢弗諼

墓誌銘
慶成王府書辦官毅菴周公暨元配光氏合葬

卷十一

墓誌銘

墓誌銘

嗚呼毅菴其已矣夫公厚德君子也人之云亡則靡
所瞻然而其行也爲可述也其述也爲可銘也乃乎
溪君述之而余爲之銘按公姓周氏諱永浩字德洪
毅菴其別號也其先本浙江海寧縣人始祖賢在洪
武初以軍興從南京爾守章善有功授總旗永樂間
隨侍慶成莊惠王之國汾陽後嗣乃世世事王以謹
厚稱祖達父琛母朱氏生三子公乃行二有卓犖之
質英敏之才琛掌府書辦公從之明習其法兼博通
文史涉百家言於易數地理灼如也尤深沉而有天
畀謙重有容言動可則上下皆敬重之歷事端順恭

荷及今王五十餘載而恪恭如一日恭裕王之時
也首疏其賢幹當據例授官乃得請爲書辦官服冠
帶朝謁雍容文雅甚都蓋與古記室從事之官相等
東漢至唐三公大將軍諸王邸第皆有記室參軍
文學從事主上表章書疏露布羽檄及圖議國事宣
德守文如班傳陳阮代有名流公茂殖雅裁載曆厥
職如無忝前脩而謹厚過之宗室蕃衍至千故事叢
集真屬混淆公承旨剖分無不畢達其他納約自牖
進思退補之忠未易指數焉由是郡士大夫亦皆樂
與公遊郡人緩急率倚公爲濟而公慷慨措置有惠

墓誌銘

墓誌銘

墓誌銘

有孚凡識與不識僉曰公長者也泊家嚴而不苛恩
而有禮有良田廣宅必夙夜省惕洒掃潔清無敢怠
荒無齒穉穉及有薪薪而弗荷者諸子若孫悉令
業儒以故周氏之門有詩禮風雖新學小生而有芝
蘭之氣事親孝養純至與兄弟友于財必兼濟庭靡
間言嘗墜馬幾斃覺有異人舉援得無恙因詣王辭
老不任事然每事仍召問或使人就家諮之其老成
見重如此比忽欲斷家事分產諸兒乃手畫心惟
者數日因微困頃之遂不起焉時隆慶三年五月十
有一日也享年七十有七生於弘治六年二月十有

六日配堂氏賢而早卒繼黃氏生子男四人長倫次
价次備俱太學生女四人孫男三長文蔚郡學生次
文炳文輝俱業儒公歿之日府中郡中咸共悼惜
溫恭朝夕執事有恪長裾委蛇無復斯人矣以歿後
六月二十五日葬北郭廂祖塋之原堂孺人相焉系
之銘曰才不世出地不隱賢譬彼徂徠有楠有楸或
登明堂或克靈光其致雖異其美式彰竹素華於東
觀曳裾坦於丹轂謙益高危天道倚伏懷玉而偃則
無寵辱孰提之福孰與之齡孰昌之後孰永之寧孰
測之微孰題之銘

泰集

卷三

三

勅封太安人趙毋氏墓誌銘

太安人今戶部郎中陽谿君趙毋也姓田氏父友
勝毋張氏爲里中賢淑生子四女二人太安人爲
長女靜婉慈祥不妄言笑長兄文孝先生以德行範
家因得習聞古之儀訓而孝敬勤儉出乎天性父母
爲其擇配文孝曰我聞人多矣有友趙某者端人也
倘天作之合非其人不可遂成禮而歸趙公是爲封
君恭孝先生時公家貧業儒父母在堂兄嫂皆拙略
寡營鄉俗新婦不遽操作安人入門即卸錦緋御荆
布親井臼炊食每食必撙節其精者奉舅姑次夫君

其次自敬則藿糝藜羹而已如是久之無怨苦心以
故封君不缺親養且得專力於學姑病腰痛惟安人
扶掖轉動則痛減他子女來輒揮去及卒勸封君自
毀貧罪葬知伯氏之寡營也舅喪亦如之君子以封
君貧不薄親喪不廢禮焉安人助也封君性剛正遇
有不平欲往直安人曰彼言是耶失在我不是耶失
在彼何以直爲封君素好省已聞此語乃大服其祥
厚而有識多此類及家道中起兒女長育陽谿君方
六七歲安人教曰正爾幼志從服食始每有宴饌雖
餒餘不多與食有香美餅餌必先使茹蠶繭纔量與

泰集

卷三

三

之縫有新衣戒匪時勿穿不使爲輕俊習宅近公署
每貴官過必令陽谿縱觀曰兒他日可如是又令講
小學故事至勤學孝順曰兒今日不可以不如是既
而果然嫁女治裝必先具盛服華筵上舅翁後乃從
事或以爲迂安人曰禮也教婦女務勤紡績居常克
儉敝衣敗絮皆煎浣補綴而用寸木片紙悉貯以待
需當封君已有俸祿尚飯脫粟其儉與性成而教家
如此田文孝夫婦相繼喪亡弟貢亦早亡遺婦吳氏
守節而田毋老安人與封君卹養兼至白縣道樹碑
文孝之墓禮表吳節婦之門陽谿君舉於鄉時值田

老母喪安人厚爲營葬而吳之卹也至今其孝睦如此長女早孀安人勗曰但守志安節如吳舅母可矣女遂以節名陽谿君舉進士除定興令嘗迎養二親安人見善政喜曰吾幸有子矣尋調江都擢刑部主事仍以報江都政封孺人封君背棄陽谿君起復戶部主事遇今上覃恩加封太安人已分曹監徐州倉三迎太安人始一就養則又見善政而喜曰吾幸有子矣喜竟如教居無何值大水沒民田廬陽谿君出公米救濟太安人曰民困至極我何心鄉此會陽谿君事亦竣即便道奉太安人過里舍從吏促行乃踞

奏集

卷五

三

而請曰母老矣兒當止太安人曰兒仕矣吾老無恙還京陞郎中又馳書請曰母老矣兒當止太安人又報書曰兒仕矣吾老無恙頃疾作以隆慶五年辛未四月初十日終于正寢距生弘治八年乙卯九月十有五日享年七十七歲陽谿君自邸奔訃且哭且行十晝夜而抵喪次哀毀絕而復蘇乃治葬以卒之年十月八日啓封君壙合葬廬原封君諱思商字尚質別號岐山以選貢授清苑縣主簿致仕以子訥貴封文林郎江都縣知縣贈戶部主事其嘉言懿行自有誌邦人謚曰恭孝生子男二人長即訥次讚皆封君

之葬也陽谿君以予作銘茲又自爲狀徵銘太安人嗚呼世非無淑媛也孰有純備三德如太安人者弱質而省儀訓淑慎爾止柔嘉維則有女德作配名儒安貧委順約已豐親不匱夫子有婦德躬儉範俗正志養蒙佑啓賢嗣厚倫篤親至弘家之慶爲國鼎臣有母德嗚呼德誠備矣曷可以弗銘銘曰魯有公父文伯之母者淑慎于禮蓋尼父識之而今聞不已於穆趙毋實惟古所賢其德不爽式禮不愆而儷嗣有倬淳耀廣淵匪聖斯讚無美弗傳銘其無射以保萬年

奏集

卷五

三

皇明慶成安穆王墓誌銘

安穆王諱知燦別號竹溪

太祖高皇帝七世孫也高皇帝有天下大封諸子其封晉者爲恭王又分封諸王子其始封於汾者爲慶成莊惠王恭王第四子也莊惠生恭僖恭僖生溫穆溫穆生端順端順生恭裕恭裕生王恭裕有仁德在位久薨時年八十四王以嘉靖四十一年襲爵即位八年以隆慶三年十月十有六日薨享年七十有四生於弘治九年七月二十日諱開於朝上惻然久之遣行人謝某賜祭葬如制謚安穆王生而靈異

傳達沉敏多才藝好讀書作字書無所不通工真行
草篆亦善八分而行篆為絕喜與文人學士談經義
辭章端順王尚賢恭裕為長子深居簡出王日侍祖
側內贊決府事外應酬賓客朝省縉紳先生之屬溫
文而恭遜時他王率多驕傲鮮克由禮王獨循循雅
飭如文儒以是著名諸賓客縉紳亦自負然見王折
節乃相與延舉尤樂得其書曰此竹溪君書也及即
位一以寬厚為體而明恕行之敬老卹貧吊喪問疾
拯難雪冤自宗黨而下靡不蒙其恩惠然秉憲正邪
凜凜不敢犯終王之世強宗而抵於法幽囚流辟至
末集

卷之十

元

伏誅者殆十數輩餘孽俱以嚴見憚漸轉禍為福王
之威也王國人景固略儒自王好文選於庠者十數
人舉於鄉者幾人左右侍從亦皆明習書史忠敬有
儀王待之恩禮悉優居常自奉朝脯一菜一飯冬夏
一裘一葛泊如也至於祀饗宴會必盛服豐膳鮮美
異常王寢疾宮人製袴刺文螭綵雲其上王叱曰此
神物宜宜備下體耶令易以素其體儉適宜多此類
初張太妃無子王出汪氏封長子時上疏乞恩願毋
以子貴詞極悲懇動 肅皇帝勅封次妃得盡孝兩
官由是朝省皆知其孝配王氏冊封元妃勤儉慈明

子英年早世自有誌楓等十餘位俱封鎮國將軍其
配皆夫人係男二十一入長慎鍾勅封長孫為嗣王
次慎鍾等名昭嗣君卜兆於宋家原在郡城西北
二十里以降慶五年九月初一日葬先期以教授呂
恕撰狀徵外史氏銘呂君直諒言不誣系之銘曰自
慶肇封世衍其祚紹烈秉文維王之度博學多藝理
解六書衆體咸備行篆絕殊折節攝謙敦倫廣孝不
出戶庭成國之教豐儉維宜克猛克寬居高思危處
善則安荷天之綏令德壽考子孫其繩式遵王道穆
末集

卷之十

畢

穆价藩桓桓宗老新宮攸寧萬年是保



孔文谷集卷之十三

雜著

刻司馬溫公資治通鑑題辭

有宋司馬溫公惠遷固以來文字繁多學者不能徧綜乃刪削冗長舉撮機要取關國家興衰繫生民休戚善可爲法惡可爲戒者上自戰國下訖五代爲編年一書積之歲月之久成之任理之專治道弘備觀覽不煩故英宗親賜名爲資治通鑑神宗親序其爲博而得其要簡而周於事典刑之總會冊牘之淵林焉古者史以載事六經皆史書而王道之權莫著於

文谷集

卷之三

一

春秋春秋者經世之大法也故董生曰有國者不可以不知爲人臣子者不可以不知云太史公世掌天官史記實纂春秋而作之故歷代之史皆史記之流也然以載事紀法本俗沿世垂鑒資理則古今一揆焉儒者之學思於博而寡要孔子曰誦詩三百授之以政不達使於四方不能專對雖多亦奚以爲援茲以審厥書信亦要已惟在學者週流窮源經史合一徵往察來體用不二庶於治有資爾自溫公善述此編而綱目紀事詳節等書咸探珠璣淵而不置舉芳桂林而有滋則編纂之中要述事之善焉可誣也猶



有拘方臆見恣不滿於三國事者則難以語述而不作矣綱目可也孔子曰吾猶及史之闕文也不云改也且六朝五季嘗復何哉夫史善惡炯鑒戒皆人心生也假使萬世觀者一無曉其善惡必拘拘文字正反間則國風小雅不當載淫誹之篇春秋當盡削弒逆之文有不然者孔子亦與有姻焉矣烏庠此可爲智者道難與俗人言也世傳少微通鑑乃學究爲淺近求庸衆者作取譬不遠殆今卜者之百中經爾非所以論厝也使學者祇如百中以希賣卜安可聞也余謬領提調與諸生脩大學之道居經史之業遂

文谷集

卷之三

二

私以前說質諸有道食謂不愆乃從事雕繕用布學官弟子擇善而多識之其書凡二百九十四卷另考異三十卷

越藝正詮題辭

文章本有正體要在明暢典則至於長短豐約惟準才情各著理象故詮辭達意盡而止譬猶玉水瑤流方園自瑩春華秋實終有因決非水木離其本源而別資假合也以此喻文文體可知近來綴文之士學不求心心不明理惟事裝演割愛迎合時人以希巧中詭過獲禽誠亦易比然本源既失則運籌累

讀都屬假合都屬假合則真者安在晦翁有言自短
道者觀之一按百碎非妄語也至於明理則志敦理
尚質則不然矣每見假合之陋但作一題從承破處
便已妄安頤尾及至起繳歟又橫肆邪說拼贅至十
餘行若又摘辭畧不按理止將原本謂言風影依稀
如緝熙聯間慎密防疎無我正已存神應物天機噴
慾陽明陰濁及其失迂誣不失體常吾以此望胡世
莫覺等語種種穢謬談不能悉實無需不冒無冒不
用故下篇一律辭理雙亡繁衍愈長疵冗愈甚紫色
亂朱玉卮無當所學何事乃沿差襲謬而執迷不悟

宋集

雜卷三

三

也於乎利進之私奪志而速化之術蔽明其蓄豈讓
洛水哉今閱越藝暗諸篇卷則有端人雅士之文一
雪此陋其明勵教尚殆可測度蓋將脩經術以章理
本彬彬出野史之間未可量也即此數篇亦已昭然
發矇恐不令群迷者一及見之謹與太守議下書坊
雕行夫物甚微細然實風猷所關故又批此語於卷
端丙午三月廿七日

東覽篇題辭

東覽篇者憲使皇甫子安巡觀于東而作也浙東惟
會稽歸禹穴迤邐東去則四明天台龍湫鴈蕩各以

其據標秀稟靈為最神隲矣古來賦者或仙聖窟宅
或淪隱道棲或司馬子長之遊標或與公康樂之流
詠雖造託殊軌要之有與于覽無匿于篇咸非率爾
者也余以是察子安之作求造託之理則朗照而知
鑒之積也絕響而知谷之存也夫稱山阿寂寥者有
莫賞之嗟羨登高能賦者為大夫之事山阿奚與于
賞必茲以表靈大夫奚與于賦必茲以弘變故古之
達觀未有當而無賞賞而無賦者也然自數賢而後
茲事遂已嘿塞豈達者未觀而觀者未達耶抑亦斯
人之不數也有斐今篇式紹往哲人亦有言不誣友
將庶必賢于今日爾豈不然哉更惟鴻寶希遠光景
易徂宜如玉笈之卷而圖石室之藏乃取次雕繕都
為一冊云

宋集

雜卷三

四

讀湖閣感別之篇便書其後

少玄皇甫子與嚴潭王子別也作別友賦並取往懷
諸篇書為一冊抽緒神教振華憲雅玉質金相文棟
鬱如也其博物潔芳託辭愁悅則端靜之志離索之
悵可顯焉夫登山悵臨水傷逝人情疇弗爾者若
二子齊以挾天之藻延閣之英在商謏懷早之安于
虞則儀韶之品而乃嚴即一竭江海長徂垂龍之惜

埒乎子卿飄鳳之嗟鄰於宋玉則予正襟閒譚收視迴慮徒有感於斯文不能喻之於懷然後知寡和之曲彌高百代之情難測云爾故紫庭雙鸞之陳則絕雲之際天台八柱之想則凌霞之標夫事既雲霞上矣豈渙溢所能喻哉是故噫時之羽非燕雀之誼飛天之鱗無蚯蚓之游才賢峻亮之士焉與俗謀也顧行遠有時則憂樂緣之斯性情之道必引乎詩焉

陵海二集題辭

大中丞少華先生天才宏授神智風成邁種之懿測之而愈藏通理之文含之而彌暢故能感物而造端

奏集

無卷三

五

登高而陳賦大夫所為深羨詩人之垂典則實齊軌連驥選舉不二焉嘉靖辛亥之秋先生以舊德鴻賓詔起東山爰授節鉞始開府昌平則上陵之曲以抒於是有陵下之帙嗣移鎮遼陽則登海之篇攸綴於是遼海之綿蓋龍蟠虎踞之雄重關絕塞之險蕭條濟沅之形澹慘烟沙之態胡笳邊馬之音刀斗寒霄之歎或軍樂甫陳而悲歌互動或春草遲綠而朔吹已稍如茲之感其至非一皆足以生臨望之思引別離之緒此懷鄉之情戀國之念二集之中交相發焉觀在心之志見功譽所不干聽成聲之律知文武

之未墜是故可以刊矣刊自癸丑之夏秋乃告成及冬而敘之云爾

誠心堂銘

嘉靖二十九年辛亥秋八月左使與川葛公守禮作後堂成題曰誠心時余為左叅政而問義焉公曰傳有之矣如保赤子心誠求之夫岳牧之司欽若帝之咨命宣條布瀟月孳孳務顓保民民不同如面實同我心求民之瘼當不出戶庭而知指諸掌民忽去疾苦而就康悅亦不對吏而不知誰所為如慈母不問赤子不言而各得其所願欲惟心之所同然者求之

奏集

無卷三

六

耳心之所同然者何也誠也君此心民亦此心以心求心無有弗實無有弗實即無有弗當故民之所好之民之所惡惡之斯可以為民之父舅矣此惺惺之良古之所謂遺愛者也今之君子敢不勉思吾欲顧諟厥名以淵繹其義故取而銘諸堂之後夫自公退食又作而思之之所乎余於是敬作銘以紀諸石其詞曰肅肅大夫建此崇宇于公之北于宴之處匪游匪盤求民之安謂同此心謀重厥端皇授下衷厥有恒性篤倫厚生今愛咸正乃實有之弗戚弗欺弗能自若牧之用司嗟嗟司牧曷惟保釐心誠求之道

不遠而我餒我冽求飽而熱我垢我蒙求澣而潔
之無生我弗屏營雖或有心覆不用誠是云虛位罔
民可爲家有嬉幼國有窮黎自天降鑒寧不我私我
是用惕靡敢自適曰衆可易非予疇溺懷保不遐省
躬聞家公斯溥斯弗戾弗差康公之陳克明克親爰
揭降棟光表牧臣

讚恩壽冊文

惟皇上帝誕錫嘉命集于有淑俾緝熙于純嘏君子
承之是爲允綏厥福之諸物惟百千萬而其洪厚
遐懿言有二焉寵命光也年壽康也孰不爲光皇川

奏集

卷十三

七

我錫服其命服天所光也天之所光耀莫大焉孰不
爲康皇用我錫履其壽履天所康也天之所康慶莫
大焉既耀且慶以保泰元垂裕奕世子孫克紹是以
有貽恩駢壽之冊外史氏讚之曰有周申伯之世閔
于蒲圻曰謝太翁與其夫人敦素醇淳厚其積修天
祚文嗣碑作帝臣大貺乃福而鸞封鶴算如月如月
如山如河並明並麗孔固孔長煌煌寶書燦燦神策
歲之金石之府永保勿替

題文苑清居十二詠

夫丘中之人亦不能無所事事但自適耳蓋士之初

也處農圃之中修詩書之業或出而無遇則復返於
是焉當是時心去世營之擾身捐俗累之煩敦風好
乎詩書而安農圃也管池魚籠鳥脫局促而返深茂
豈不適哉愚公適於園也有南壩以寄其拙而又有
背郭一區郡守張龍岫公號樂壽也愚一歲多偃此
中遂稍稍布署得可圖詠者凡有十二曰平霞館曰
讀書臺曰雙樹軒曰杏花亭曰桐竹山房曰長春洞
曰春草茵曰果菴曰楓井曰藥欄曰魚鏡曰菊柴焉
平霞館在高處若與霞平也蓄書卷數千其中讀書
臺在館前雙樹軒對兩翠栢作也杏花亭以一株杏

奏集

卷十三

八

慈龍可攬故特置一亭也桐竹山房在碧梧翠竹之
間長春洞乃面南甃甌爲之取向陽恒暖以蓄盆卉
安蒲團焉春草茵草可藉也果菴以看碩果帶檀梨
奈李之林也楓井井上有一大楓垂綠相蔭瑩也藥
欄是芍藥與木芍藥之所植者魚鏡是砌石作池以
養魚所謂魚下碧潭當鏡躍也菊柴則樹散柴以籬
其菊花耳是爲丘中之事雖無爲與上德殊要之非
役役於外者乎故足以自適矣因興寄所托總名文
苑清居而各詠其事以短章仍丐定陶畫士郝君繪
十二小障焉間復以呈同好庶有感於斯文而和之

云

園約二首

韓子曰採於山莢可茹釣於水鮮可食言取足於我而易供無求於彼而難繼也愚公亦自足於園特與園丁約主人到園先上茶一杯便刈蔬作雜菹一盤菜羹一盂炊粟米飯一碗爲早食午食則量爲麪劑而菹羹如前有酒則傾一二磁琖無則啜茶而已有客到園必皆賞我趣者亦先上茶一杯便刈蔬作菹共爲四碟作羹各爲一盂加肉一品飯則炊稻仍加一品麪食也愚公近戒殺生故爲黍而不殺鷄若市

文卷集

雜卷十三

九

有湯鷄則買之果酒隨設果不必備酒不令空愚公既與園丁約飲食之節復自約其修曰老子有言知其雄守其雌爲天下谿知其榮守其辱爲天下谷愚公既已爲谿谷之民則其所守可知矣曩出行失路如羽毛之子者跼蹐而飛蹶蹶而走幾不免於祗禽怪獸之口也乃今深居而簡出夫物有同類而相長者而況於人乎故愚公作夢亦畏與世接矣即有惠好我者則莫之逆也家有薄資令兒僮各以其力勤四民之業不妄求利故頗自知足也性好靜坐學易之復以求天地之心老子曰致虛極守靜篤

泰集

雜卷十三

十

物並作吾以觀其復夫物芸芸各歸其根歸根曰靜曰復命復命曰常知常曰明不知常妄作凶今也雖未能明而妄作鮮乎五代楊凝式書神仙起居法直按摩耳不足貴也才不能爲文與詩及作字然意復好之即雖未工而達性檢心胥此焉系也陶靖節委心去爵命杯取適著文章自娛頗示已志邵康節隱居自樂玄酒大羹微醺朗吟鼓陶唐氏之風愚甚慕焉然固師之乎爾仲公理欲卜居清曠逍遙一世之上睥睨天地之間不受當時之責永保性命之期愚讀其詞未嘗不飄飄然有凌雲之氣也秘叔夜懶

解嘲一首

客有嘲愚文苑清居者曰子之苑與居也則荒陬甚矣以比大象之林直兔逕耳奈何其詫之過耶愚曰然乎否否夫是亦由乎履之素也何名爲詫哉昔于陵之澤而名嚴子真之谷而名鄭也今爲愚公之苑也者是爲苑也文不爲愚公之苑也者不爲苑也文爲愚公之居也者是爲居也清不爲愚公之居也者

不為居也清也名其本也夫文者道之顯清者無
天地之間何道而非氣何氣而非道也且地文之
萌芽甲畢現天清之湛光塵屬焉子又安知荒之弗
文而陋之弗清也耶假使愚因緣遺會獲取雄威廣
闊園囿起歌鐘之飾高入青雲政行乎闢葦之叢變
志於穢濁之塗而偽飾以美名吾其安乎子憐心徒
爾日富貴而死還乎幽人之所貞愚亦以子為蛇
矣吾方培真靈苑蔭景神居垂條結華敷琳瑯之葉
繁瓊瑤之英暉三光而燦九霄筆絕颺灑玄淵極湛
一之冲融瑩滑虛之期潔流玉冰而飛蘭雪也子以
為文耶清耶荒耶陋耶其人乃嘿塞而退耳

園中賞花賦詩事宜

連歲客見過賞花人持酒金率滿一錢似太重自今
我賞牡丹秋賞菊花之時主人具蒸豚白飯候花下
客過賞者計人只出金五分量買果餅酒津貼務在
盡歡不復有八碟四碗蒸饅粉湯之俗氣也亦是快
事
詩以達性然須清遠為尚西原薛子論詩獨有取於
謝康樂王摩詰孟浩然韋應物言白雲抱幽石綠篠
如清澗清也表靈物莫賞真誰為傳遠也非必紅

與竹山水有清音景具鳴禽集水木湛清華清遠兼
之也總其妙在神韻矣愚公志

邪氣解

白雲康老問曰杜子秋述言魏子挺生者也無矜色
無邪氣必是用則風后力牧是已文學則子游子夏
是已以其無邪氣故也得正始也夫正始與邪氣是
何物哉管涔子曰吾聞之上古天真之篇正始者元
氣也其為物清靜光明為陽邪氣者賊風也其為物
黯慘躁濁為陰其元氣中人則俾其人為真人為至
人為聖人為賢入其賊風中人則毀人精神沉湮蒙
太集

雜卷十三

冒貪戾癡噴潰潰汨汨清其本真口鼻迷其臭味耳
目亂其聰明榮衛結轡文體奮振突梯傲睨譎言橫
行匠人中之乖錯準繩畫師中之舛厥圖經文士中
之則墮落鬼道寗於旁門不可以登著作之庭康老
曰毒哉邪氣之害也有如此哉然則何術可治參之
何方曰有之撥亂反治復辟元始食六氣而飲沆瀣
漱正陽而含朝霞保神明之清澄精氣入而羸穢除
是則三閭大夫之所云然又可為知者傳難與俗人
論也是太上無邪其次去邪其次病邪邪病則弊焉
而已矣無惑乎癘民之種種也悲夫

王朱辨

宋儒好以春秋之義責備賢者往往過於刻薄其隱微之病在抑人揚己名法大舜孔子而實申商之習名則異端而實陰用佛老之術其流弊浸淫使人矜誕譏評賊義掩姦忘躬厚之實損仁恕之真長虛無之風傷師穆之化即其病已在心如油入燭不可煎浣皆反以誅心之法則壞人心術不其於洪水之爲災乎然其毫釐千里之問不可以不辨也姑舉一二如朱穆大節本無可議易名曰貞無系公叔而楊龜山詬之夫梁冀雖不賢既秉國之鈞則辟賢固其分

朱集

雜卷十三

三

也漢天子在天下仕者皆得立於其朝苟其志在爲上爲德爲下爲民不在依阿取容以猥圖富貴則不當言受潔美之辟矣王通挺生絕學之後志欲興周公之功脩孔子之業實爲吾道立一赤幟而朱晦菴晉之曾互鄉童子之弗如謂其僭擬聖人夫聖人可學而至也擬之而言何僭之有斯二者豈不過哉自兩賢橫被詬訾後世沿襲之儒盡勦說雷同不惟莫辨益語刺刺不能休是流弊浸淫之一徵也可勝歎哉晉陶潛述并州刺史南陽朱穆狀曰公叔中正嚴恪有才數明見初補豐令政平民和有宓子賤之

風上書陳損益辭切情至宋阮逸作文中子中說序曰文中子聖人之脩者也孟軻之徒歟非諸子流矣中說者子之門人對問之書也薛收姚義集而名之大哉中之爲義上不蕩於虛無下不局於器用惟變所適惟義所在中說者如是而已或有執文昧理以模範論語爲病此皮膚之見非心解也據是二說可以折衷

漁父說

愚公歸釣大陵之西洛浦之南爲汾汀漁父夫漁父有三有魯漁父者與孔子言於緇帷之林其言不受

朱集

雜卷十三

古

名迹不邇疵患不拘於俗不分於道法天而貴其在放而無我孔子以爲有道也有楚漁父者與屈原言於湘潭之滸其言掘沅揚波鋪糟歠醢標指玄同揮斥矯亢法聖而貴權避世而無悔屈子之所不能測也汾汀漁父者初非漁也嘗學劍學劍不成去學書學書不成去學爲儒爲儒情而寡要勞而無功乃落而爲漁今漁十九年矣蒙風雨月霜雪襲煙光明威與水波沒與垂釣益深挂魚益少至終歲而不獲一鱗妻織布兒緝蕭蒼首治石田計其所入以糊余口有微羨焉則沽取鴟夷而醉就蕭蕭而臥竊自視之

網網一漁父也然無所取魚空名爲漁是其學漁復無所成日垂景西矣遂徘徊婆娑而不能去茲即去茲矣學也彼魯之漁也抱道而聞於江海楚之漁也達世而隱於山澤然至今不忘繇於孔廟孰辨汾之漁哉其野莽蒼其濱寂寞鳥獸之過我者日數百而不驚除罔兩間景絕迹無與晤談者而後嗟斯人之孤也於是作漁父篇以自表焉古二人今一人合而言之三也愚公志

論語解

論語是聖門求仁之書故首章論學言說諸心學至

卷三

卷三

五

於說則得其本心有天理之昭融無人欲之障礙故說也朋來之樂廣此說也人不知而不愠恒此說也德於是乎成矣此所以爲君子也

大學解

大學是聖門窮理之書故首章特言至善明德親民是大人之體用而其要只在止至善故知止一節正言至善所當止物有本末事有終始知所先後則近道矣爲下文張本道字即是至善物字即是身與家國天下事字即修齊治平古之欲明明德於天下至致知在格物言先之所當知也物格而後知至至天

下平言後之所當知也自天子以至於庶人壹是皆以脩身爲本歸本於明德也明德者至善之謂也明之者止於至善也欲止至善須要明善故以格物致知言之務窮理也所謂物者非外錄也具之吾性而皆備所謂格者非旁求也反之吾心而自得自得則知知則誠誠則正正則脩齊也治也平也皆舉此而措之者也夫是之謂明明德夫是之謂親民夫是之謂止至善言明德則親民之體已具言親民則明德之用已行言至善則體用一源內外無間其下十章皆此理也親民作親爲是書曰百姓不親註言綱領

卷三

卷三

五

中庸解

中庸是聖門盡性之書故首章特舉天命之性以明道之本原爲人心不可須臾離者其戒慎乎其所不睹恐懼乎其所不聞是直截向裏功夫乃性學也只此功夫便自盡性下文莫見乎隱莫顯乎微故君子慎其獨也只是申言此意獨字即是隱微隱微字即是不睹不聞慎字即是戒慎恐懼非謂暗處細事之上又別有一層功夫也喜怒哀樂之未發謂之中然而皆中節謂之和中也者天下之大本也和也者夫

上之達道也乃直指心之性情以見天命之性率性之道精切簡易其所以戒慎恐懼乎其所不睹不聞者正涵養未發之本原也中和是括出精切簡易二字以明性道今學者有所依據非性道之外別有一中和也故能致中和則天地位焉萬物育焉而學問之極功聖人之能事畢矣蓋天地萬物本吾一體惟性有未盡則不能合一既盡吾性則天位乎上地位乎下而我成位乎其中矣萬物散殊流而不息而與我合同而化矣故言天地位焉萬物育焉者言位育之外無餘事兩間之內皆中和也是故篤恭而天下

文集

卷十三

七

平章句以功效言之亦是但天地萬物本自位育固非有待於人爲亦非人爲所能使之然者而至誠無息一章正言此理

故君子尊德性而道問學一條正指出大哉聖人之道洋洋優優即是吾之德性要人尊之從問學上來其言廣大精微高明中庸故新厚禮皆德性也致之盡之極之道之溫之知之敦之崇之皆問學也皆尊也惟德性如此其大是以其尊之如此也是故大哉聖人之道其用則極於兩間其體則具於一心焉而已矣無巨細無表裏也故以尊德性爲存心而極乎

道體之大以道問學爲致知而極乎道體之細者不免於分析之疑也

孟子解

孟子是明善之書養氣一章最是精到似爲傳註所迷如其爲氣也至大至剛以直養而無害則塞於天地之間是統說浩然其爲氣也配義與道無是餒也乃直指道義爲氣之體言理乘乎氣氣載乎理故爲配義與道若無此義道則是血氣之偏而已是故養氣在乎集義要義道充積渾然在中無所愧歉方是本體功夫必有事焉而勿正心勿忘勿助長也正言

文集

卷十三

七

直養而無害也其功密其義精所謂精義入神以利用也註云人能養成此氣則其氣合乎道義而爲之助使其行之勇決無所疑憚則取彼而假合乎中捨我而求助於外即與告子何殊哉夫志氣之帥氣體之充實張本配義與道而言之橫渠子曰天地之帥吾其性天地之塞吾其體蓋確然有見於此矣孟子曰盡其心者知其性也知其性則知天矣蓋統言心也性也天也一理也存其心養其性所以事天也言學之始也致壽不貳脩身以俟之所以立命也言學之終也學而至於立命則全其天之所賦心其

有不盡乎性其有不知乎天其有不知乎此蓋天人合一之旨而非物格知至造理履事之云云焉

園中錄語

禮之言曰耆指使又曰老者不以筋力爲禮余少日讀此謂爲文具今微諸身則一實也游兆攝提格之歲余年六十有二自以其衰較始衰時誠又甚矣蓋髮短脫落不可以攝簪冠行飲食左腳麻木不利走趨幾有藍輿之役甚衰之歎拾我而誰也自余謝卑位返躬耕常恐饑乏尚麓藁是勤今不能矣而況能與賓客對讓登序坐終日百拜乎乃迷杜門以

文集

雜卷三

五

一童子候之而我偃仰廬中存龍蛇之身守大塊之逸而已有白雲康老者莫逆交也其人亡是非喪爾我閑往閑來無將迎焉文章亦外物耳念嘗以此奮身遂弗忍棄去今雖未達匠心之妙然頗著以自娛造端述辭輒弄紙墨慵作小楷令兒寫之以張吾軍是爲園中錄云因哉乎余也以力衰故遺形役今綴言纍纍若原蠶之絲獨非形役乎蓋吾心之精爽與吾耳目之聰明未與形俱散也康老曰姑兩置之矣有天倪焉而和之而曼衍之將與子入無竟之門哉游兆攝提格爲丙寅也愚公著

敘知與王北野翁

夫與余四十年相知而不感者其惟北野翁乎翁少多藝尤長於易數兼通徐子平祿命之術余布衣時問焉翁筮之得遯之否推之官而不達夫遯焉猶否官豈達耶是後皆驗其曰道不濟時文不華國君子無情小人側目甲戌之歲其咎其辱乃甲午有蒲之役甲辰有沙蟲之蠹甲寅被讒見放甲子被偷戊辰即鹿無虞豺狼返噬固皆驗矣由是使余信命而不憂誰救之哉故知我者翁也翁既自知命生平不行一不義守先人田廬聊以自足無外求非其人不與

文集

雜卷三

五

談命人有贈者曰吾豈賣卜耶拒不受有子爲寇可掾教令謹循四女皆貴爲椒房而子壻有弗佳者絕不與通也得秋釀酒置床頭興到輒飲滿數杯或彈琵琶或吹洞簫於高林朗月之處或拍手長嘯而陶陶然浩浩然如有自得時人不得而窺也余嘗有詩曰甕中有酒心常醒囊裏無錢道不貧翁亦以爲知己之言今年翁七十有三余六十有五度相處之日各已有限如翁之知我我之知翁有出於世情之外者不一言之恐兩家後人忘之也故因舉酒爲壽作敘知

篤行貞節傳

篤行公者忻之厚德君子也姓王氏諱某字某道號守拙氣清而質瑣宅心高明不浮湛間里之俗學爲名儒不希利達介石之操確如也居身處物壹簡淡溫恭而終始不渝家有遺紵履者卻曰又將以何爲冠乎每易一新服必置澁退避久之不涉市酤不遇聲妓遇親識食飲非專設曾不舉箸與諸弟讀書城南親戚相勞以酒肉輒讓與諸弟諸弟亦讓與公嗣公不肯曰若燈窓享此已過而又恣豚大口腹乎其簡嚴若此事親孝養或有疾則憂惶靡寧藥餌互至

文集

雜著

三

疾愈乃夷待諸弟友惠不私蓄一錢於宗族鄉黨六親固有弗欽取友無勢利之交教群弟子必先德理而後文辭生平學問務窮理盡性以至於命涵養省察之功日孳孳焉常悲憫時事以經濟自期故於天文地理人事之紀如井田官制兵食大略實種種究心當大同癸巳之變公不憚者累日曰王事多難自茲始矣旨哉其有意於世也年三十七卒公善風鑑嘗引鏡自照曰待吾過三十七歲世間事方許我做時有友王某在側則惻然歎曰恐君亦不免矣已而皆應公歿後若干年有子曰治登進士上第給事省

中其配極夫人以貞節著聞忻守羅君題其門曰篤行貞節篤行以表公也作篤行公傳 貞節婦者篤

行公之妻極夫人也公賢而蚤世夫人稱未亡人上孝養老親歲時得一佳果新菜必先獻之下海育兩孤勤勤懇懇俾無忘庭訓焉初適時當篤行公敦仁履孝亦即以莊靜敬順効琴瑟之好公從師於外有大父母父母在堂夫人內事以純孝稱繼祖姑性嚴急每呵責之夫人竟怡顏底豫焉家三世仕宦固清乃中乏夫人益勤儉主饋相篤行公學未嘗缺供具也及公疾對夫人泣數行下曰即吾委化奈親老家

文集

雜著

三

貧子幼何夫人亦泣數行下曰自入君門久習溫飽目前小困心已安之竊見君家世積德後嗣必有昌者借終否焉命也吾以身任之死而後已公乃瞑目夫人毀容茹哀經紀厥家會霍亂膚患之餘至躬掃圍籬以代薪夜非織紵則燃不然曰省油以給兒讀耳每同舍生與子會必烹葵炊稻以勞曰先君有子幸公等夾持子嘗畫紙爲棋局及袖有冗書夫人輒斥毀之曰聞先君言玩物喪志其此類也夫居常儉甚至於祀真賓客賻贈餽遺無弗腆備如篤行公之志焉每一哭墓便絕而復甦憶夫妹蚤天長心悲之

有同母兄弟孤寡亦往往爲視其家兩家有疑事相質輒立判可否皆中風有癩疾少間即起勤事惟恐或墜抱影長嗟冰霜內蘊歲年守義白首不渝壹意保嗣克紹不歿夫君而已賢哉賢哉郡大夫欲上其事夫人辭言曰此婦人常事安敢上聞太守羅君特題貞節以表其門閭今有子成名爲天子侍從之臣貞之教也作貞節傳論曰余讀孔子躬行君子及曾子臨大節而不可奪之言而知行節者生人之美德篤之貞之爲德之一實也自世教衰民不興行與祇節於是尊顯之長厚之標幽寡多卑屈之態誠欲

奏集

雜卷十三

三

求徐孺於儒林尋孟母於女史則五原之內晉昌之間爰有其人如王氏夫婦者已夫仙畢之呻而履道德雖無位而行尊死不朽矣婦簪帶之執而建節義竟有子而身貴生則榮焉書曰古人爲善惟日不足方哲士淑媛各循勉爲善奚暇要取名譽哉然桃李不言下自成蹊矣是故君子譽之而曰篤行貞節云漢史曰高士弘清淳之風貞女亮明白之節正斯之謂也夫禮失求之野閭門之內綱紀之首王教之端豈不信哉假使若人射策甲乙拾芥青紫或質不勝文華掩其實自非大行其道不免隨俗以畢功能雖

陽歷一朝未必奮厥幽光垂千載名况篇生鴻嗣爲國鼎臣抒補衮之猷叶蒸人之雅即慶錫所遺抑又遠矣前年嗣君以給事中冊封到汾進士任元者善信人也是君年家向余論說此事斯述之乎爾

旌孝贈言

部使奉上明命旌宗衮之賢二其一爲東臯公公系出太祖高皇帝之後晉恭王之六代慶成莊惠王之五代孫奉國將軍南老府君之子奕世載德恭孝而溫文夫恭者德之基也孝者德之元也溫者德之純也文者德之章也四德備矣而孝爲大公實履其

奏集

雜卷十三

三

大者而持之以莊敬敦之以和厚發之以英華蓋年且七十而鹽鹽如一朝以是家庭儀之邦國信之皆曰恭孝溫文君子也皇上龍飛以文命敷四海孝德首宗風詔有司上宗室賢孝令部使者旌薦以聞於是郡國守相監司僉言公有實德如此而部使者謹加禮如詔云時郡中學士大夫相與陳賀于公之堂公隱然謝客曰昔我先府君受祚命茲益虔夙夜進善猶恐弗及恭也服我先訓事我祖盡志盡物一舉足而不敢忘孝也善與人同與物無競崖岸不立疾怒不形常使人愛之如冬之日溫也動而中禮出言

有章文也實四德備矣而孝爲大然而未有聞焉余
小子自趨庭勉學至終天思慕雖竊有志焉而未之
達也願聲聞過情如此願諸公有以教我矣而曰賀
焉則吾豈敢哉諸學士大夫曰史不虛美禮無虛賀
公實有大德宜有賀且吾聞君子德盛而心下則德
益威寵至而知誠則寵益彰公家先君蓄德未暇誠
有待於後公茲立身揚名以顯父母信有光於前矣
又聞公先君作家訓有五葉重光之圖秉文之上後
讚望之今觀其盛則圖訓爲有徵哉肆將以有斐之
詩進矣奚而不可賀耶於是卒舉觴爲賀而書以紀

之

卷三

三

甲第贈言

大將軍汾村公新建甲第一區面南岡背北阜左長
川右萬戶中爲官室矩方繩直樓觀崔嵬階序整飭
丹楹刻桷銀榜璇題畫簷烏翬瑤臺雲栖重門洞啓
廣堂清暉綺疏綈壁珠網羅幃圖書之館翰墨之林
斧藻丹雘湧碧流金壯乎其巨麗也自兩藩肇建厥
國群宗各承有家斯爲盛矣乃儒紳因其落成咸往
賀焉禮也宴開有執爵而爲壽者曰室則美矣然猶
有美於此者願上公以仁爲宅以禮爲門以義爲路

以詩書爲園以禮樂爲圃以恭儉爲戶牖以莊敬爲
几席以大中至正爲庭堂俾天道好謙見祥悅德保
作呵護永饗厥福身其康彊子孫逢吉以清以寧和
調玉燭書籍所傳如崑崙之瓊宮璇室吾固不能得
其彷彿若衛霍之第金張之館皆高入雲霄歌鐘鼎
沸虎視塵寰然率以寵盛德衰不免犯雍門之嗟非
不生當華屋處也公則不然棟隆以師大壯故麗而
不奢美宅以希樂志故富而有禮昔衛公子荆善埴
孔子不厭其美晉獻文字考成張老特爲之頌則諸
士大夫今日之賀也亦猶行古之道也

卷三

三

贈言圖引

皇上以單于納款自可作太平一觀因外寧之會修
內治之實宜益以慎乃以簡訓儲蓄威明之事付圉
臣而以生養休息惠綏之事屬藩翰之臣惟晉地於
京師爲股肱郡比兵疫民困蓋特甚於他所以故藩
翰之選視他所爲特重時憲使董公以法從近侍移
補外臺既整我冀南復移藩省參知良以此哉惟冀
南分鎮五州當寇亂之餘部使者矜恤吏民以仁恕
而有司不明遂徃徃恣其私臆或倚刑亂爲苛肆於
民上而殘民以逞厲階之郵幾不可遏自公臨莅正

度九釐躬歷郡縣問民疾苦攷吏治厚薄利爲之興
害爲之除汚暴爲之幽廉善爲之顯誅詰戎兵爰謹
征繕如城我北郭貳貽永固省節虛煩用補凋敝乃
其大端云公每事必先其大者遠者而近小之不遺
故滌弊源使之清夷險岸使之平有威有惠宜民宜
人焉茲以新命蕃宣實功弘前緒德溥舊疆而終始
之是不分主而莫不易民而理政教一而民志定也
得其一則萬事舉持其定則四海安內治實矣外侮
誠不足禦公命世之才也蓋維嶽降神爲國表儀故
其忱恻九德達於天人之微格於文武之略固知出
而經營重則踰於泰山入而寅亮重則踰於九鼎蓋
隨其所在而重焉今泰山在上誰不仰憑當命駕時
分守抑齋公曰曩公鎮此土予來也慕暨予來此公
又叅知省中矣然數月之間凡可以共濟洪川者靡
不同也書曰同寅協恭和衷哉公實起予予則何以
爲贈外史氏曰贈言古之道也古之贈言者美盛德
述崇功而期所益盛望所益崇言之也文頌之也勸
所以爲忠厚惻惻之誠今也亦猶行古之道也乃矢
事敘辭爲圖史料

椿萱並茂圖引

夫大海蕩蕩水所歸矣高賢愉愉民所懷矣以今觀
之豈不信然哉我龍喁公之治汾也寬裕而有容莊
毅而有立慈惠而有恩恭遜而有禮以是與民民莫
不與也是故吉有喜也喜有賀也心油然而同情藹然
篤也壹百川之注而至於海也椿萱並茂圖者爲公
父樂菴翁與母太夫人壽也其年齊七袞而其誕同
朔旬是以其云並茂也大椿以八千歲爲春秋萱草
亘天地而無憂壽之長者無若二物然世之稱父母
者舉之故今舉以壽公之二親物理與人情咸當也
復有詩以詠之其言人人殊要之皆歸德之心也首
其事者書院長思鵬諸子偕屬而和之

雲溪圖卷引

張子少嘗學文蓋有意乎青紫矣然意不自得則棄
去之務爲自得之學日看雲觀水見雲之聚散水之
流停一自然而然而造物者無容心於其間則仰而
思俯而歎曰吾之學盡在是矣於是處心端行讀書
窮理一本諸正順之常絕不徇隨世俗嬰情去畱雖
荆扉藿食緼袍帶索憂如也及詞章煥發藻繪間作
往往冲穠簡遠有詩人隱逸之標蓋其玄解真詣有
得於雲水之外者故自名其廬曰雲溪與之游者亦

甚愛其自得之趣故率稱雲溪先生云

汾亭別意引

此送四明呂山人別也山人徂秋看余自上邨來館
畱桐竹山房過臘明年庚午正月廿後別去臨別作
此圖賦詩送之計山人脩然玄遠遊戲紙墨十旬之
內賦詩滿百篇調中原音韻詞近三十首又著同時
布衣錄一編陳義甚高也余蕭索寡會及會山人復
有大佳致戀款語依依清言穆穆綢繆烟霞芝桂之
表抑何忍遂至分析耶然聚散萍蘋也古今人共歎
不得不爾惟水則如人意逝者如斯而未嘗往也余

文集

金卷三

五

贈詩託意明月山人畱別指橫汾良有以哉汾亭者
王文子所謂汾上亭也此地有子夏退老之石室段
干木田子方之遺閭焉千載之後又見呂山人經行
桐竹山房我之郊居也圖有所詠皆載之貴乎得意
以忘言不可誦言而忘味云

書多士贈言卷

賜谷先生崔公主盟于汾之學也蓋一年而七敬二
年而士愛其三年而化矣乎然有待焉而未之遂也
於是教授太原之陟夫物之情有所敬者懼其或
相遜也有所愛者懼其或相離也遜則企離則思矣

今公則行而多士之情可知矣先王建學立師以養
士也謂之曰養則涵育薰陶表儀變化因其性之攸
近隨其材之所宜俟其機之自動以引而伸之觸而
長之如草木發榮於元氣之蒸滋長於風雨之潤是
之謂天地變化草木蕃師道立而善人多言善養也
世道衰微師異教士異習以幫經貼註為講論之資
以絺章繪句為切磨之具以角勝為儔以鬪靡為高
其甚也以賈楚怒罵為嚴以脂韋苟合為寬謀其利
不正其誼計其功不明其道則心術壞風俗淪而輕
惰褻淺之習成矣嗟乎不有以養之孰從而正之也

文集

金卷三

五

公起家儒術振迹鄒魯之間號明經高第其所為教
壹以誠心實踐為本雖講論切磨未嘗不在文藝要
之德成而上耳而流俗因循之弊有小必蠲根本節
目之詳無大不舉矣由是以模範則足以起敬是故
士作敬也由是以意氣則足以致愛是故士作愛也
傳曰與善人居如入芝蘭之室久而不聞其香與之
俱化矣多士升堂入室固彬彬其威然化可能也又
不可能也是故其有餘情焉人以善養人之義惟
孟子言之也深其曰以德服人者中心悅而誠服也
如七十子之服孔子也以微養也今多士之敬也愛

也信已悅服之矣公將啓行禮有贈言余斯敘述之云爾

書鄭平川榮歸贈言卷

夫觀水之歸而知海也觀人之與而知賢也今之以言贈人者與也然率於其勢若位者驚之也勢微位卑則鮮及之矣至於委而去之當益無所贈矣苟有贈焉必其與者及與於人者皆賢也平川公在韓城人頌之去韓城人頌之在高陵人頌之去高陵人頌之馬光祿谿田先生關西名儒也呂錄事東華子涇野先生之賢嗣也皆矢詩敘辭其他同聲以相和者

文集

雜卷三

五

皆道義合者也皆所以與公也噫公真賢矣

詩思說

夫人心之中萬理咸備妙用渾涵方其寂於無感於未兆實無端可尋及有觸而形是爲端緒端緒萌生則思之所由起也夫即其所由起而究其所歸若機緘之露其發也微不專一念之精則鬱而不暢故思之思之又重思之引而伸之觸其發而長之若其決也中潰四出不專一念之正則橫溢而不可制故求其端以盡其變大其規以要其肯者衷度中撥亂而反之治如此者融性情之稟極中和之量聲成文

律合度正之歸也妙解玄通有思得之於內不可得而傳精之

東溪圖說

東溪者大將錢公之別號也公而復別曰東溪豈非智謀之象水注川爲谿言周流而無滯大順而有容天下之至智莫尚於此矣故易曰地中有水師君子以容民畜衆九二在師中吉無咎象曰在師中吉承天寵也王三錫命懷萬邦也師之義遠矣宜大將之有取焉然所謂中者以剛中也天地之帥而吾之心也又曰中

文集

雜卷三

五

心爲忠夫無慾則剛克忠惟中是故得衆得天而寵任隆也老子曰上善若水水善利萬物而不爭古之君子善世而不伐功蓋天下而謙以處之蓋如此又曰天下之柔弱莫過於水以攻堅強則莫之能勝古之君子統百萬之衆臨參五之機以靜制動以逸待勞蓋如此夫是兩端亦易之旨也非有師貞丈人之智弗能明矣公英妙之年而挺敵哲之姿文武之略爲國大帥將策勲萬里名炳丹青則知自號東溪之義非但取象於水而洪德之守實爲天下谿矣因爲作東溪圖說

無思無思無不而思之能畢矣

壽辭讚述

歲維己酉月令甲戌火流燄而既盡金肅氣以彌深
白露有凝黃華斯綴滕閣瞻暮山之紫漆園談秋水
之寒木葉老而蒼蒼雲英湛而白白鴈北來而寫影
星南粲以揚輝時有朱門貴子樂祥誕之佳逢六甲
神人慶元辰之始適堂開水陸之筵門駕車騎之客
絲竹管絃協彼清商酒醴肴核豐其中膳歌萬年著
參雅頌之古辭壽千金者竊海山之遐祝主人醉而
賓旅從天倫敘而心賞極要其留情所適與其趣致
之臻雖東華西池之會華林樂遊之嬉殆依稀矣乎

卷十三

壽辭讚述

三

有鴻臚李子魁然巨室翩然雄傑捧金卮而持獻張
錦軸以興謠

壽筆峰冊

薛生善書畫紀山公命其號曰筆峰蓋峰者鋒也凡
物之銳而利者皆謂之峰若筆則尤貴是矣故筆之
有鋒者稱中書君禿則中不中也夫山亦有之余往
登鴈宕其上蓋有筆峰云峰處有天然石龍下有石
池如硯滴水入池則自龍鼻中出也是山靈亦幻此
奇事要令世間知筆宜有鋒而又有所以濡之者非
偶然也夫峰有偏正用筆在心心正則鋒正矣生其

勉哉

書勗勤篇後

余讀是篇而知虔溪先生闢求心之要開入德之門
以誘啓我多士者至肯綮也多士既皆乾惕以回輟
情猶懼久而失其傳焉則相與鏘真珉嵌璧俾其
文情如日月之精久照長新令學子按日警心永永
無竭焉是先生之教行弟子之傳習也盛矣盛矣田
生俊民等上之石

李公像讚

嗚呼是爲西嚴李公之遺像也魁梧鎮重鴻儒膚達

卷十三

李公像讚

三

端靜有容深厚不伐少選鄉庠閒俎豆之事長遊國
學識冠履之儀拜官臚旬克敘九賓乞疏田里不俟
終日以善養親明農課子孝德爲規義方爲矩樂志
園廬之清曠怡情黃老之真常既富且貴復壽而康
慶餘桂蘭之美業垂家世之光若公者可謂福德之
完人矣

御文

昔有周文武盛時以內治則見於天保以上之詩以
外治則見於采薇以下之詩今因其禮樂征伐之文
以求闢雕麟趾之實因其宣勞勗勉之義以求至誠

惻隱之仁則太和元氣流衍於無外皆上下交而爲泰之時賢才輔而天下治也故太平之福備於天保之篇見焉及其衰也賢人失志戎馬生郊寇賊姦宄肆行蠻夷猾夏何也無復先王之政教也故子夏日小雅盡廢則四夷交侵中國微矣至宣王中興始內修政事外攘夷狄復文武之境土揚日月於中天其北伐也以吉甫於是有六月之詩其南征也以方叔於是有采芑之詩今觀二詩之辭以求全勝之道一惟得其人焉用之而已矣

卷集

卷集

夫賢否在前而是非之心形焉者公也形而後有愛憎畏忌之情焉者私也夫其公也則是其所是而不以爲恩非其所非而不以爲厲夫其愛憎之私也則以爲物而黨同矜已而伐異夫其畏忌之私也則曲法以遠怨矯情以避嫌於是乎有是其所非而非其所是者矣若曰如是乎其利於我也不如是則於害而有所不免也是愛憎畏忌不同其爲計利害之私一也古之君子之於天下也論是非不論利害今也論利害不論是非則論其秉是非之公當賢否之實吾不信也憲臣司六條察舉皆自謂惟公惟明乎爾比有肆於民上而殘民以逞者國人皆曰可殺而察

舉者顧獨與之而又庇其敗聞有飭躬保民循循循恐不及者國人皆曰可薦而察舉者非但不與且薄待之其於愛憎畏忌之間何如也其於是非之公賢否之實何如也當是時吏有治行之善而無勢利之授其欲表現於儔人寡衆之中難矣即能自表現者必其察舉者之公且明也

卷集

卷集

自置郡以來稱太守之良惟漢代曰盛究其所以爲良則曰民安其業而已矣究其所以爲安則曰上平其政而已矣平之云何持衡而理因物付物以人治人視其低昂而稱之使平蓋事理本平吾特平之而已而吾不能出私智以擾之斯平矣安之云何居民之生定民之業業本有四而吾啓其昏蒙率其勸怠除其強梗植其善良俾各業其業而成於吾之不以私智擾之斯安矣漢易秦苛刻以寬和長厚務民文景之效庶幾成康斯所以爲盛矣此道下淪吏趨愈下至厲民以自養使民疲於奔命以悅人於是壞士習剝民生而後知吏治之衰甚也夫士之於學也猶農之於耕工之於技商之於貿也余讀管子而又知四民之中士爲之望其業則孝弟忠信禮義廉耻之行詩書六藝之文然使之守正而不遷則師帥以維

之所謂匡之直之輔之翼之使自得之是已彼三民之業者易耳然漢氏言政而不及教言民而不及士據其統紀理固先之夫文猶人也躬行爲難惟躬行爲能平其政惟平政爲能安其民

大臣受遺命輔幼君宜修古三公之職以保育聖躬薰涵聖德俟其長養成就以弘博厚高明之業其天下之事一以身任之而不疑古者三公之輔其君也太師以總其經法太傅以宣其道義太保以保其身體至於幼君尤加謹焉正始於幾先端本於新政俾耳目聰明不眩於淫僻精神志意不亂於奇靡所邇

奏集

卷三

三

必正厚之流所狎無輕嫖之輩所存皆天地之心所聞皆聖賢之學所履皆帝王之道勿作勞以困其脆弱之軀而日以堅強勿多事以搖其未定之氣而日以完粹庶恩道恭默之居而光啓嚮明之治也所謂保育薰涵俟其長養成就以弘大業者如此今主上冲年御極大臣正宜一弘此道以相輔佐其要尤在親賢遠姦内外交養須講明官中府中一體之義蓋人主一日之間御大廷之時少居深宮之時多御大廷則有論思獻納文學法從之臣爲之左右前後居深宮則左右前後不過宦官婦人宜自兩宮慎選謹

厚端良之人以充贊御專委責成務在陳善閉邪有不中者許大臣得以與聞而裁議之至於視朝考政聽講之期亦須以時起居節勞逸酌量早晚疎密俾上無憚煩苦難之意徐徐而行油油而入日有所就月有所將將見聖躬與天同健聖學與日俱新積之廣大發之高明四海順治萬壽無疆實權輿於此矣此則大臣之責而天下之心也

夫蕭蘭同隕而蘭摧則悲珉玉共傷而玉毀則感誠以荆昆之寶固於散礫殊珍曉谷之香豈與群非並秀惟物則爾美人不然乃有邦之淑媛芬芳潔白嫵

奏集

卷三

三

美乎崇蘭溫潤貞堅比德於良玉宜其長生桂館式弘蘋藻之儀永主璇閨聿展珪璋之助顧嚴霜委質白日沉輝鏡掩離鸞琴收別鶴總帷周象羅袂無聲翻何珊珊緬眇瑤臺之月鄂不韡韡低徊湘渚之雲觀戴勝於柔條驚心春老聽哀蟬於落葉動魄秋深縞馬酸嘶玄猿悽斷意隨時而惜逝情感物以追亡是以其淚下萬行腸迴九曲不能已已也矣

宴談

古栢庭前脩竹池邊玲瓏翠藹縹緲蒼烟鳥悅茂而依枝魚樂深而躍淵彼微物之能爾豈伊人之不然

寂無感而弗通朕有開之必先要白雲之康老度長日之小年婆娑其次容與周旋或偃或仰或坐或遷或傾有肯或撫無絃或形問影答或神釋理詮或高譚碧落或下討黃泉或遠稽憲時之聖或近數邇世之賢迺其天畀在宥帝錫解懸爾我都喪生死互捐恬愉淡漠夷猶渺綿蓋已遊無何有之鄉冥乎二老之玄

策秀才講學正心文六首

問諸生夫學校羅英才而教之原以聖賢大學之道待諸生也諸生固人人以英才自負其於聖賢大學

文集

卷十三

三

之道脩之講之否乎夫大學之道只一明明德便可推之天下國家無往弗明然所謂明德有何方體只一正心而德明矣故聖學格物窮理自一念以至萬應自博文以至約禮無非致吾之知求不爽乎善惡之幾不差乎好惡之發幾不爽而發不差即吾之靈明之體不昧便是正心便是明明德矣此德既明則千變萬化皆由此出廣大光明通達順利無有虧欠無有假借無有將迎無有內外故達之天下國家一以貫之而無餘此之謂聖賢大學之道後世離叛本心外爲功名詞章之習所以謂小人之學今諸生亦

知空談大人之學乾慧聖賢之事及其爲業欲人人作一決科舉子而不可得即又不如古之功名之士欲人人作一成章經義而不可得即又不如古之詞章之士夫古之功名詞章如管樂班揚雖不得爲大學然其學術猶有過於淺俗者故其人已不可及而況進之聖賢達之天下乎此其故可知也學術之不明也心術之不正也心豈有不正哉然而日營心於外縱欲于中則本源日益昏塞未有源塞而流通者也諸生其自今以始一洗習心反觀吾道要知學問無他惟是變化氣欲充養德性不使陷溺爲孟子所

文集

卷十三

甲

蒙每於心念感物而動之幾慎加省察其善其惡務在不惑好之惡之務在不欺推而至於應事接物讀書爲文無非體驗此理以培養此心務在有事勿正勿忘勿助不仁不義寧死不爲寧得天下而不爲如此則是格物真功致知實事如此則意念自誠誠則心體自正正則明明則萬物皆備於我觸處無不感通試發之而爲文詞則六經三史先秦兩漢皆滄海之餘波也而況于舉業乎排之而爲事業則皇帝堯舜臯夔伊周皆日月之末光也而況於科第乎故今文不成章者非詞不能文美不在中也身不利用者

非材不能用器不在藏也夫美之與器非吾之明德耶惟諸生其省之察之思之辨之篤而行之俟自得之毋爲道在邇而求諸遠也吾於諸生有教化之責斯道之任故懇懇告之諭之非曉曉好辯爲也若止以隨俗校藝待諸生諸生亦止以俗藝應常例則是上下虛蒙負朝廷養士之實違夫子大學之教少有志識者當愧死而不爲也諸生其亮之哉惟高明而先識忠信而好學者當必有以荅我也詩曰人之好我示我周行又曰先民有言詢于芻蕘故諸生而有示我者是好我也不然其猶芻蕘而詢之乎是先民

奏集

卷十三

聖

之言也爲可聽也故諭

問諸生今日所課豈非藝之最下乎然締觀所呈篇卷有解義達朱蔡屬詞象歐蘇者亦罕矣則下而又下學校之教止此學者以此爲賢良可蓋痛爲庫學之不講久矣先師曰是吾憂也蓋憂其必至于今也三年之艾猶可蓄乎夫學猶種樹者也心則其本根也文章事業其枝葉也講習討論省察克治其培養也氣質之剛柔情欲之生滅皆本根之蠶也講習者講習乎此者也討論者討論乎此者也省察者省察乎此者也克治者克治乎此者也乃所以爲培養也

乃所以爲學也如是之久則根本貞固枝葉洪濫文章炳焉事業煥焉詩書所稱茂以加焉區區剪綵捕風搏沙握泥卒猶不能似者豈不羞痛甚哉且學無止法今學者纔會操觚便視爲學問之極功偶博一第便比作聖賢之能事早夜華華大小汲汲止是狃習氣任私情長傲遂非見小欲速以驕矜爲貴以情慢爲尊以輕薄爲才以簡畧爲德以忠信爲腐鈍以篤敬爲迂拘言行無忌尤悔不驚見得則貪緣奔競稍失則怨恨悲愁識者盡惜其非彼方自以爲是蓋蹲狼于室而不知其害之隱認賊爲子而不知其偷

奏集

卷十三

聖

之源由是本心日以蠹喪萬事日以支離邪行恣作正道沮銷有浮靡之風無篤實之意此豈聰明才辨篤信好學之士減於古人抑豈無豪傑之士不學而能者乎然學術不明即世教衰世教衰即民不興行民不興行者指凡民而言也教猶在學校也今學校之教不行于俊秀則斯民之邪惡何有極也昔孔孟傷世教悼民風有德無位獨講學以正人心扶大道今論語二十篇孟子七篇皆學之講也諸生不以此理培養本根惟務口耳爲媒利鬻名之計又不憚惻生人陷溺之災挺然力講此學以興起斯文爲已任

舍其具上而甘心其最下何貴乎儒名而俗行耶是故可羞痛甚也今第考品諸上言雖不足以盡人然由枝葉以測本根並因以占事業雖百世可知已夫游夏稱文學子貢億則屢中不聞聖學終讓顏曾荀揚班馬之徒豈不稱儒文然又拜游夏之下風耳宋儒獨曰程爲明學然或少於文彼固有所不屑若通書三十章定性一書與六經並可也諸生濟濟彬彬信必右若而人者但俗學方熾邪見多指正見爲邪兼以爲迂故無定守者反爲所奪或畏其指議又從而忌諱之遂廢學而不講程子曰學者爲氣所勝習

卷三

卷三

聖

所奪只可責志夫堂堂丈夫一身性情不能料理氣質不能變化而惟汨沒流浪沉耽糠粃以卒歲月至欲爲一真實舉子而不可得此豈不可責志信斯言也人苟皆諸生以無志心必憤然疾其焉然靜思勝乎不勝乎奪乎不奪乎則已之有志無志當較然自明凜然自失矣烏虜吾以爲同志者請乎吾非多言吾謬典庠序于諸生有講學之任故學之不講吾憂也久矣諸生群養學校所學何事而獨不此之憂乎倘有憂則必求是而講之故敬問之覲有以答之也問學校之教止是明學術以正人心自正明謂之心

明正謂之學正則明矣明則正矣其他躁妄昏華不在明正之科者皆孔子所謂小人反是孟子所謂庶民去之諸生日常修德講學明乎正乎否也舉業學之緒餘始古人出疆必載之質由忠信而後有禮者也其以君子貴之質不由衷是貨之也貨則君子耻之今諸生而業舉也亦由忠信以爲禮也則貴矣倘以貨爲則耻莫大焉孔子至聖但云忠信好學其所學者何事忠信之外豈復有別理哉夫學術不明人心陷溺陷溺之弊必至誠淫邪遺橫恣亂亡而後已此孟子所爲深辯凡以正明而已今諸生豈無孟

卷三

卷三

聖

子其人必有憂於此時者也當自爲辯之毋勦說空談爲德之棄問胡五峰敘周子通書言先生患人以終策決科榮身肥家希世取寵爲事也則曰志伊尹之所志患人以廣聞見工文詞矜智能慕空寂爲事也則曰學顏子之所學人有真能立伊尹之志脩顏子之學者然後知通書之言包括至大而聖門之事業無窮矣朱子以爲不可易之至論是一書之肯綮吾之志學也何者爲最要乎夫耕莘陋巷樂道不改必有事焉而勿正今學者亦曰吾志云爾吾學云爾不太易乎恐

是荆公談相輪也必反而求之果能得其志學之事而不犯先生之所患然後為真能耳犯與不犯惟在獨知君子小人之分惟在獨之慎與不慎諸生人人好高豈貴口勝只內省其志庶無墮口耳之虛華溺勢利之昏波焚氣欲之雷頡則可以言志學矣古之聖賢豈要斷功滅文只是先立乎大小不能奪故小奪大者耻也不能慎獨者無耻也無耻者過也不聞過者大不幸也必有耻則可教聞過則可賢然則立志脩學之要其諸此乎特與諸生商榷而共學之高明以為何如若有先覺便當覺予以樂道不改之意

文彙

雜志

星

問程子言古之學者惟務養性情其他則不學此於孟子學問求放心之旨甚有發明學者當必有據因自思所學猶謬故日用所行多不是諸賢學皆求是於此必皆精思力行不知其方何似聖門務外近利莫如子張樊遲觀其問行問仁問崇德修慝辨惑却漸要近裏而孔子告之只在言行居處之間宜若淺近何程子謂為徹上徹下與天地同其體也夫此學絕無文采巨颺反同乎天地而後世雕篆矜榮翫習雄甚且視顯孫輩薄不為也觀其所就乃卒與草木鳥獸同朽腐焉何耶豈彼不曰學乎誠學之謬也吾

懼夫謬者將迷而不復也故特請問其方外徒亦曰忠信篤敬懲忿窒欲遷善改過如孔子說見成語也必以已所精思力行著言之如曰我忿何等懲我慾何等窒我日改幾過遷幾善也云爾我忠信如何主篤敬如何行云爾我性情如何養放心如何求云爾我所學自度可與天地同體抑與草木鳥獸同朽腐云爾若不言已事猶是勸說常談如貧子說金吾無取焉

文彙

卷十三

星

問子夏曰博學而篤志切問而近思仁在其中矣此最是子夏篤信謹守之學不知所學所志所問所思者是何等物事也而仁何以遂在其中朱子以為未及力行不知此外作何施為而後謂之力行也昔伊川問謝顯道別後工夫謝答只去矜字伊川遂許之為切問近思之學夫去一字反為切學豈與子夏博學之旨同耶今諸生所務顯在學問間有默識如顏子者固無言矣又冥然悍然者方小視游夏等而不為也不知肯有姑從篤信如子夏顯道之用心者乎如有之則必能言之矣願自述其義以發予蒙

敘語

吾視學之日久見諸生有文行之弗脩者皆原於心

術之不正心術之不正者皆原於學術之不明從古學校之教專爲明學術以正人心而今教者學者多不爲正心其所謂學大氏多釣慾之鉤線伐性之斧斤種種習弊不可勝言必待自明而後能自悔也故吾以宣條奉憲既惟是之諄諄而又申懇於循行校閱之間每于發題便欲顯自此旨講明厥術故毋奇字隱語如弔詭猜謎之類以自矜難及聒取人之耳目或亦淺近之言而有切深之理存焉所願學官弟子同志此件倘心學無外文行有資庶出離迷塗而登朗岸也肆探東循所策六首爰命梓人徧告賢舍

或問對待之說曰古無有也蓋起於末師夫道一而已矣一生二二生三三生萬物萬物可相對待一則至尊而無對聖人之言皆以一貫萬而萬以宗一初不假於對待如宋儒以制外安內言四勿以明體適用言明德新民以靜存動察言戒謹恐懼以存心致知言尊德性道問學以智盡仁至言盡心知性皆對待之說皆非也

夫學校之教卽碑勸諭之所開示詳矣然告戒雖勤遵行者少實元學者安於近習狃於小利戚戚於貧賤微微於富貴苟可得意無不不求遂使志氣變遷

流而不返雖名讀書不過假此以爲干祿之媒故其曠安宅而弗居舍正路而不由孟子所以哀之也今欲人人敦尚孝弟忠信之行禮義廉恥之節體認脩己治人一方義利公私之辨豈有外於讀書窮理之一端然讀書窮理豈有外於主敬之一念敬之一念即是千聖萬賢兢兢業業天理之所以常存人心之所以不死但上智之心常虛常明故常惺惺其存之德行發之事業著之文詞無非此理中人以下之心鮮不移於近習誘於小利故憧憧往來無復虛明亦無復惺惺故謂小人而無忌憚然此心既不常惺非

讀聖賢之書親師友之賢從而講習體認時時提警則如醉夢無有醒時故聖賢教人讀書窮理親師取友決非爲脫貧賤而取富貴之計惟是喚醒此心使天理常存脩己治人隨處發見無非孝弟忠信禮義廉恥之實至于義利公私了然明白所謂心事如青天白日磊磊落落無纖芥可疑者豈不大丈夫哉昔伊尹相湯其功格天原其志則自耕莘樂道一芥不以與人一芥不以取人始顏子簞歎陋巷不改其樂而孔子以四代禮樂許之二賢之學豈有爲耶一惟正其心而已矣而威德大業自不外是今生徒不務

窮理正心惟勤斷陳言綴掇時套求捷徑以要青紫
竟蹊跡以希魚兔豈所謂志伊尹之志學顏子之學
者耶夫志學出此更復何貴

夫德之不脩學之不講開義不能徒不善不能改雖
聖人有憂焉而下學於此不惟不憂且不少加之意
所以遷善改過之人明善誠身之士日以希闊推原
其故豈惟心學之義渾實山朋友之道喪誠得益友
時時講摩德業必相勸過失必相規則精端志趣必
有感通流俗因循必難遷引善人君子豈不由此而
出乎

文集

卷十三

四

余竊誦孔子文莫吾猶人也躬行君子則吾未之有
得之訓則知君子不患不文惟患文之失其實不患
不學惟患學之不能行又誦孔子無欲速無見小利
欲速則不達見小利則大事不成不怨天尤人下
學而上達知我者其天乎之訓則知君子不
之弊全坐見小欲速之私怨天尤人之累苟
大則近小不入矣苟求諸已則怨尤無從矣
子非若人其誰也

孔文谷集卷之十三終

孔文谷集卷之十四

四六語

秋深仲序月近九華露珠溥沆瀣之光金莖薦平瑤
素霞綺散寥陽之彩玉帳塞於紫清爰飲衆賓用娛
多暇行觴溢醴移生醉而楚主權授簡程詞枚子賦
而梁王悅復有校書宗正抽藻藜端珥筆臺條抒文
柱下響絕洞庭之樂難雄秋水之談俄景易終傾懷
未艾玲瓏陟其雲耕窮窺窺其洞棲夕陽與嵐采齊
輝天籟共谷神競爽緬牛山之歎徒苦襟沾情龍嶺
之登何噴帽落斯惟動必以禮是故舉則可書翠藻

文集

卷十四

一

文魚曾識在鎬之宴愷珍林瑞鳥總欣于苑之遊
僊座添盤孟才題鄒馬亦含毫數子之後庶以詠大
國之風
恭惟某二華據靈三秦挺秀儒林發藻藝苑馳聲
有質而有文彬彬君子斯以引而以翼謫謫吉人賢
路早登一舉而青雲可致禮闈遇偶十上而白璧難
酬乃小試乎道端迷高騰於物表分塵大府爭傳別
駕得王梓主管三農共說理財是劉晏并州來舍粟
清節以明霜代郡屬門寵白羽之飛月悉心計以裨
國計殫人謀而叶廟謨塞上防秋常甲兵之要審

中乏食得錢穀之轉輸草結關門處處皆封狐口
關刀斗人人總據教倉遂使萬里長城不作籌沙之
喝更令千尋高閣無爲庚癸之呼肆彼醜之不來恃
吾師之有待幕府上于裏之績美其賦優元戎成薄
伐之功歸其食足雙旌五馬既德懋而懋官綵幣白
金又助懋而懋賞褒書載下慶禮依行冠裳萃僚榮
之懋在郡在邑在庠序玉帛展人文之賁曰王曰侯
曰縉綬伐鼓擬金仁義之賢聲遠振彈絲吹竹中和
之雅韻弘敷環橋門而聽觀舉手加額躋公堂而稱
頌衆口一詞子茲貌焉還不謂矣縉衣適館願言欽

素系

卷十四

二

鄭武之賢昔酒在堂入飲愧濟臺之善即群公之授
簡希小技以填詞

伏以上棟下宇易形大壯之爻臨水西山詩表斯千
之什惟摩造邦家永懷燕翼斯營脩宮室大衍鴻休
粵若衛有楚丘之譽春秋稱其善與夫魯有靈光之
建詞賦美其隆成之儀有典有則獻頌之禮是寔
是圖恭惟某司馬某公某侯某子某地某官某爵某
從之正道可彌綸某公某侯某子某地某官某爵某
居正位辨方界金繩以取其直揆日測景運玉尺以
規其圖樹八柱而承天立四維以紀地出寢宮而堂

廡有翼有嚴自門觀而庭除如聲如矢周迴層複護
排金銀之臺弘敞森羅披紛丹碧之館虹蜺綢彩夾
畫棟以雲流鳩鵲騰輝蕩蕩雕簷而霞布間陳左圖右
書上映東奎西壁傍開丙舍外啓華林下帶芙蓉之
池日懸綺井高臨河漢之渚月隱朱樓輪焉奐焉彬
彬其美矣允也哉也郁乎文哉某等目擊盛事心
喜成功擬燕雀之徘徊羨蓬萊之彷彿抒詞申賀酌
醴贈言伏願有室有家安於泰山而固於磐石多男
多壽比於彭祖而康於周家富貴尊榮念國恩而由
禮文章道德體天性而敦仁伍舉論章華之臺張老

素系

卷十四

三

頌獻武之築卜云其吉終焉允臧欲綴雲門之謠先
詠瞻宮之曲

伏以寶發呈輝銀漢表金華之象靈萱著采璿堂垂
王藻之文有母氏之攸同斯人生之可賀恭惟奉國
太淑人鄭厚坤之柔完於初賦貞異之順稟於風成
筭選良姻望之淑姜之緒輝微淑質鍾奇嫺淑之英
黃宗官而黃藻芬芳主中饋而脩澹潔白篤生後嗣
芝蘭森玉樹之行恭體先君冰雪凜金天之操功弘
婦則德建好儀公叔文伯之家世奉賢媛思齊太任
之室時承淑女祿位名壽天錫善以無疆德言容功

人致福而有本惟隆慶二載之大蜡乃慈闈八表
祥辰鳳子龍孫競將赤帝而作斑衣之舞鶴笙鼗鼓
爭向瓊筵而呈寶鼎之歌緬西母之降璫池崑華皆
蒙其瑞及元君之開紫府衡湘並衍其休矧今日之
嘉光實百年之盛景幸來稱賀侑以雅詞

題石川稿敘奇人曰石川子蓋有周程伯休父之
後也通胡氏春秋洪心高蹈亮志遠遊讀鹽鐵之書
羞比弘羊觀貨殖之傳思齊范蠡早捨庠序慙失意
於青雲中涉江湖願潛踪於白舫隱市而非俗迷名
而故儒樂觴詠以韻豪賢放煙波而投旅逸學達生

卷十

鍾書

四

而果達詩人往往扣關處機事而忘機野老紛紛爭
席無取白衣之官有懷皂帽之大口不絕吟飛鶴天
之浩唱月多玄覽探禹穴之靈文濡黃而畫江樓幻
起仙人之鶴歸素而書洞錄籙來道士之鶴意獨好
之行有尚也當其良辰美景賓主成歡臨水登山關
河在望操觚而八行其义手而四韻成秀句玲瓏不
減敲金擊玉芳音縹緲何殊刻羽移商苦竹寒聲牛
渚清風之度孤桐雅調龍門積雪之標豈千載之無
聞誠一時之有見或寄瑤華而中惠好或抽蘭澤而
散幽閑或托興於騷人或摯情於騷旅捐酬期滿

爾類擊節悲歌潸然淚下要之詩綠別趣弗
門理屬同歸無論異路有子曰木過吾野叟之柄作
十年之僑寓出彼家君之著供一室之悟言輒因遊
戲玄香綴茲俳語倘欲雕鐫文梓冠此卮言

恭惟其道該文武德貫天人長久之休協壽徵而成
範順信之慶孚福應以定爰自匪茹之弗馴伏克猷
之有翼上台移度光表太清元宰臨戎策收全勝功
在社稷澤濟閭閻沐其膏者惟福之歸詠其德者咸
壽之祝爰茲吉月實乃祥辰星炳南華天象所以示
符菊呈中理地靈爲之表節二儀且爾庶府何如緬

卷十

鍾書

五

申伯之翰周維嶽有作厥南仲之城朔于襄是歌某
等列秩藩維摘詞頌禱師貞迪吉象風雲龍虎之交
皇覽壽禧等松柏岡陵之類

伏以出車郊牧皮飾鉞以專征開府邊都振旂常而
亮采道存遠畧人以全才况取賢於四岳實爲憲平
萬邦忭茲榮晉光我有孚恭維御史大夫南溪張公
鎮英海嶽奮翼天衢學匪若今道惟稽古傳綜墳典
之華玄覽天人之奧儒果通乎三才士誠懋乎九德
脩之于家孝友睦嫺之行華之于國文章禮樂之資
故家聲鵲麟鳳之祥而國器重上璋之美冲襟秋

泰宇春融星辰履長鳴建禮之珂日月依身歷
明光之草試公卿于郡縣化美弦歌容岳牧于臬
風清琴鶴四方馳譽五省蒙恩爾從中岳之司特
內臺之長謂經營朔漢必須叔甫之才安撫疆隅
重范韓之侶故推轂於西陲乃臨戎乎上郡簡書
錫車服爾庸公聞命以趨踰衆臨岐而眷戀三司舊
棠共榮元老之行萬里殊勲擬上燕然之勒迺移風
而作頌慰今日之永懷豈曰不文願言孔武歌饒虎
帳酌羽鴻磐

恭惟其海岳標奇扶風挺秀悅周公仲尼之道早居

文集

雜卷四

太

業於黌庠敦詩書禮樂之文大蜚聲於藝苑賢科振
武式高三禮之名銓部選材卓冠四方之彥燕館漢
黃金之駿闕門騰紫電之雄初筮而兩邑成能行同
游宓再命則三刀協夢志擬龔黃惟此郡之瀕汾在
昔人云覽冀吳起守而稱治卜子居而尚儒史冊有
徵鄉評無射我侯莅止日宣布以浚明之子于征時
省觀而惠郵矜寡彊禦不侮而不畏沉潛高明知柔
而知剛盤錯糾紛鉅鋒所見簿書期會條理畢彰敏
則有功寬則得衆六事之脩首學校三物之教先禮
經故功令之章師弟所共誦服而風化之聲重矣

併旼依當三載之績成實前脩之美繼茲者天開黃
道萬國朝正傳擁未輪雙旌出宿雲遶渺渺目送飛
鴻泮水悠悠情馳別鶴青氍學士張組而列筵白面
書生指景而待樂

恭惟永國啟聖賢王天派宗潢地分茅胙廠聖合武
公之懿溫文秉姬世之良純孝克全庭闈永鑒孤忠
自許宸闕攸孚褒美現乎璽書榮寵光於日月篤遵
禮訓則終三年之服而始拜封敦闢文謨則勤萬卷
之觀而勞延攬在宮闈而在廟肅和敬充然臨下簡
而居上寬仁義備矣悅詩書而耽禮樂輕貨利而淡

文集

雜卷四

七

聲華恤從役之艱難恩垂在宥好賓游之容與意廣
同人樂善之館弘開實東平之有主西園之謙數起
儼子建之多才惟黃華凝露之辰正青女降霜之月
壽星上映福曜高懸乃誕降之合符聿長久之應節
蓋陽當重九者其道莫不純陽律中無射者其德靡
有厭射是以桂掖椒房之黨絡繹稱觴金枝玉葉之
英聯翩獻頌演箕疇以言揭鑰雲笈而謂仙不日東
圃西池則云南山北海惟願不惑而不踰比德宜尼
更析以引而以恬嬉休彭祖某荒林投跡總慙鄰下
之儔綺帳填詞聊効華封之祝

皇上帝鑒于祖宗文武聖神洪蔭本支誕降遐福
茅土羣賢之固藩維衍河漢之長國有眉壽之老
邦有禮樂之英百千萬億永永勿替肆我儲王竹溪
翁磨哲之性懿於天成經緯之文光於祖訓樂善以
怡其真敦禮以端其範故天真內腴而和粹比之春
融雅範外符而精純合乎秋潔比之春者元氣流行
而不息合乎秋者玄功含蘊而不窮是以宮壽康寧
即洪範之所以稱福麟趾螽斯即國風之所以讚仁
蓋德積躬者天自佑之化及物者人自悅之焉耳茲
乙卯之歲孟秋之辰恭當令誕載周花甲形華優青
雅之儀紫殿上金尊之壽郡之耆儒散吏占瑞祉之
靈長知脩齡之綿邈乃喜溢同情歡騰共祝各吐下
里之章敬擬南山之獻取小雅所謂南山有臺北山
有萊樂只君子邦家之基樂只君子萬壽無期惟賢
王可以當之也故題其冊曰南山獻壽云
伏以黍谷沉灰未解不毛之凍栢臺授律方來有廊
之春披拂光風非蕙蘭而亦轉沾濡湛露是荆杞而
皆承拜貺拜嘉知感知重茲惟門下海岳英奇天人
俊偉文章黼黻潤鴻業而緯地經天道德珪璋贊皇
猷而外王內聖煌煌卿月曜靈西鄙之陸耿耿法星

正度太微之座問斯民之疾苦清路鳴騶訪退老之
遺餘傳書命鶴敬交久而無替仁體小而道魏侯
軾于木之間豈偃息之當念堯帝枉汾陽之駕即崇
高之已忘孰異世而同符乃大人之合德測量之廣
玉海千尋比義之高金山萬丈某丁年僂僕孤飄陌
上之遂晚節支離苦結道傍之李引盤龍而鑑貌真
面目之可憎試讀以管瀛果語言之無味何能頌
答獨有屏營敢瀝雙鯉之遺長存懷神空擬七襄之
報竟缺機梭所願早涉端枻弘敷元祉奉聖主垂衣
而治撫交泰之昌期昇野老鼓腹而遊荷昇平之景
運
伏以賢有必旌薦剡榮於華袞喜無不慶承筐侑膳
腴儀乃俎豆之嘉光寶衣冠之盛事恭惟宮教呂磻
溪先生儲靈太華早蜚三輔之英淪粹洪河濟發五
陵之秀琢玉而成寶器如珪如璋雕龍以應文心為
黼為黻脩孔門德行之科希蹤丹閣慕漢室文章之
選比跡班揚白玉京中奮雲漢而聯群龍之會黃金
臺上展電足而空萬馬之牌其有待於臨軒振武
尚期乎延閣偶想操鉛之効遂分刻竹之榮載潛岳
之花榮旭點青春秀色製尹何之錦彩霞白地

道安人春誦儒武城之室親賢友善虞絃機
父之堂無何陸起龍蛇網踈鳳傳士返青甌之座
即實務紫系之躔法鼓鞀鞀以迎捋洪鐘鏗鏘而
扣松經談治胡安定之在蘇湖言誠言明程伯子之
居伊洛典豫章之試大攬鴻材探禹穴之奇覃研與
儒指金玉而獻納情情析之詩宋王陳楚國之風
情同吹萬司馬賦梁園之雪義已折微德重位輕擲
下不卑其小道存身誦梅生以下爲高名無翼而長
飛見埋輪之使泰有脚而自至承噓吹律之人臺

泰集

卷五

十一

巡秩主薦揚當以既明揚之日省署司存按擢正幽
沉顯擢之時太階占六符見少微之有曜都講進三
鱣知伯起之就升旗禮族於堂賀實填於戶車如流
水馬似浮雲花幣熒煌同成喜氣絲篴匝沓總是歡
聲穆生執爵之餘雅歌投壺之後其詞曰翩翩王馬
雙鳬陸下碧殿鳴蒼珮平臺文雅像瀛洲又似小山
叢桂何人能到除惟是仙吏有分清如水等閑擊
斷紅塵騎思往事堪垂淚如今消得許多閑却是虛
舟無繫鳥臺有意還來相薦一疏聞丹陛
街行

孔文谷集卷之十五

書

與南溪張左丞

日去省辱城上錢乃西行三日而至密縣頓六日而
會廵院又頓二日始縣密如鄭以十六日達輝縣所
謂構行署縣中者尚無也方與諸吏定約清心省事
以保疲氓堅壁清野以戒不虞然徒聞淺省覽周
章不能就列有同負乘故已悚然憂矣幸門下其恤
之教登山臨水將毋有懷遂欲遣人去家奉迎老母
即老母顧戀親愛不堪遠勞且携妻孥耳客緒如斯

泰集

卷五

一

寧不苦煩遣人後徑趨小灘所司解運尚多後期臨
事當有報白也

與趙復齋

四載家園極承道愛分携之日又辱報章雅麗錢送
殷勤情文意氣貫日淩霜自顧鄙愚焉可堪勝別來
至都城半月而補官梁藩住一月而起以二月廿五
日赴任分守河北駐當輝縣此地乃其伯之園有孫
登嘯臺康節安樂窩七賢竹林在焉所謂瞻彼淇澳
綠竹漪漪淇水在右泉源在左正此地也且事簡民
醇儘與懶性相宜但羈旅懷親日無好況遂使山阿

莫賞徒抗塵容而走俗狀奈何奈何
天成雅調神造當弱冠之年已超然玄覽矣倘愛此
歲華益窮固象飄飄與雲氣遊蕩蕩與無極相混合
則不肖瞞乎其後拜望下風是甘心也即今春草已
歇夏雲縱橫花鳥爭媚水竹閒清安得佳客如復齋
者與之賞心樂事耶北望佳人祇增紆憤奈何奈何
茲遣人携家之便草草附承動靜

與豐川於大參

初春曾上短書想辱鑒聞緬惟仁政茂昭福履嘉集
雖龍轡雙頰而天衢有待僕南行以二月廿五日到

文集

雜卷十五

二

官此月十六日承守分疆駐輝縣此地境靜而事簡
甚與疎懶相宜但遠行有羈旅之憤孤遊極懷親之
感攬春草而生愁望夏雲而滋歎以是觀僕情可知
矣又仰思仲子辭三公爲人灌園陶生不爲五斗米
向督郵折腰視僕之頓足塵途俯首末階婆娑一官
不能捨去何天泉之遐邈如此雖古今人之異調要
之亦可憑焉久矣自明公視僕豈有行道之日耶惶
恐惶恐家人迴取賤眷謹申狀承候萬福賤眷備來
乞賜馬票一紙健步一人得將至太行不勝大幸

與弟民

春闈客緒益復無聊臨清觴而增悶伏高枕以長吁
乃知爲貧而仕誠不得已也百泉書院背青山面綠
水圖書湛采花竹含暉獨不得兄弟同游携手共玩
雖有佳景祇覺予思山中水次嘉菜細鱗種列奇分
曾不得一奉毋慈吾豈食而知味也

與雪山焦提學

承命兩文學惠音甚感此時端佇駕臨僕得從賞
百泉之流追和蘇門之嘯是大願也然自度汎舟之
役恐不能來鳳想徒疲蘭輝莫覩果然良辰美景賞
心樂事四者難并是以古人登山有慕徒之懷遠行

文集

雜卷五

三

有羈旅之憤乃若余情寧不苦傷謹留書代候已敬
報山祇肅咨川后爲君開灤雲塗奉供藻帳萬惟俯
鑒不宜

與呂山車郎中

生薄劣與世寡諧譬苦李邊道人自棄之耳故雖傾
條向人人誰復憐之者不自意在逆旅之中歲晏之
時得蒙長者而一顧焉豈曰顧之遂相知之京塵黃
黑日夜愁人以道氣相報貽者惟吾與公此非離世
抗俗神解理投聚首一夕洞懷千古蓋莫之能外飾
也春雪滿郊清觴載別回首懸心可勝壹鬱乃知屈

子之悲宜極于新知之別古今人之感良不殊也南來駐磁州十日待公其來既而不來度必歸省兼携尊俎甚便其周僕到官蓋在仲春廿五尋當祇役監兌誠無息肩之時下太行即區區分地乃弗克奉迎車駕少展情悰翻已辱教貺之仍馳想君門不能奮飛慨春草之既歇念王孫之不歸奈何奈何

與約菴周老先生

不肖昔在燕賴辱承照覆者四年別去者六年矣日月遄征懷感不替即今西北多故胡馬跳梁朝廷必欲得魏相趙充國其人者海內屬望端惟我翁詩不

卷集

雜卷五

四

云乎方叔元老克壯其猷某戊戌過家即哭先君子矣壬寅起復補河南是時得拜詩教於陳僉憲又得拜書教於遂平垂思故吏感德如春卉鳥之感其曷能言是歲九月又伏庇承乏浙中謬司文學之事念其久當俗吏舊業已銷一旦負乘何可堪勝伏觀尊慈閭界之訓

與岱野張憲副

東湖宴語永以爲好也達人雅度無日不懷切計七月初頭王節當至省中平生義契湖海襟期得共此秋天爲幸耳不意海舶之事遂勤料理悠悠佳賞

黑中閨情當奈何入秋凡三拜翰章教思深厚又展腴儀及壽家老母之儀感益何任然更欲乞惠一詩也聞海上事漸次寧息足知門下文武兼資智勇齊布一勞而永逸重內而威外甚賴甚賴但此地傳語紛紛多謂門下必主勦殺恐成事變書生冗談愚人妄議殊不入耳蓋有同事而不同心者矣而當道者亦白面郎也惟門下經畧之

與陳虞山大卿

曩某釋褐歸里幸謁門牆承教貺嗣是西入秦東遊燕趙南涉梁楚之間蓋碌碌徇祿者踰十載矣絢想

卷集

雜卷五

五

光儀但增耿耿茲移官浙省謬忝文司遡季子之流風景上公之高誼方冀獻書承候希垂誨訓乃辱門下存念故人勤以手書兼之嘉幣何敢當何敢當承命擇師得端敏士二人易曰楊生書曰王生二生俱學術純正文章典雅不爲時套所縛要之可以進道蓋不徒博取科第而已謹進之門下楊生即今歲批首彼誠願蒙光範者也惟高明處之

與謝與楓

都門一別倏已兩年自但歲一奉音微迄今未報更紛膠擾懷抱可知荒落之餘叨移學職蓋自首夏

事即出小考冒炎力疾百爾張皇雖大比屬完而病軀已倏然矣又事多掣肘道難遂心今所勉圖惟在士習學術之間他無所計也賴公之靈復何以爲教耶懸望懸望

與蔡白石

某不殺待罪名那忽已閱月矣病冗膠紛不得申問然傾心門下固無日不耿耿也憶昔京邸之暇方展契闊柰復分張遂已遙隔黃鳥私情寧不耿耿耶秋首辱承教札及諸雅章真瓊琬玉珮卓爾不群者矣甚愧鄙劣無能仰稱徒垂投分之誼奈何奈何門下

文集

雜卷五

六

與項甌東

高山景行日勤嚮往遠莫致之耿耿奈何即日得承教貺不遺千里拜命聆風欣感兼極不肖訖試之後又權管司事獅山至裁稍脫身然不能貶法苛善以狗刻薄之吏固不免於招尤也世道險艱不意遂至於此然自達人觀之殊不爲動但當解印西歸耳此時且勉從事則溫處先之矣令即遊學進學久已批

勿爲念餘命俱抵存記泉之去有志者所其歎然世事果茫茫也奈何何人便附狀承候上教約兩冊祈正諸縷縷不能宣

與劉栢山

憶昔某也宅憂兄自京華一歸里第是時尋講舊業開出新義巾車往復朝遊夕宴甚樂也已而兄西入關傑以斗米之故復出大河至浙上中間別日遂歷辛壬癸甲四載雲鳥流思萬里一致然古之達士養德勵學堅性益能恒得之遷滯之餘起之歷覽之久故知兄於此必當大有所得也僕年來累無所造但能冲厥廢居若眼前一切物幻無多繫其中者然學聞固益荒矣往往猶好作詩近非應人之求再無一句也江上愁心不遑將毋奈何奈何雲間佳麗更多風雅政日清暇其所得必更廣大也幸時時惠及

文集

雜卷五

七

與前溪劉大參

連月數奉書翰遙得記法如者世可多得耶後生讀五車書涵養十年猶不也哉自服等非敢佞詞竭來至湖頗得與諸生考究德業清言微風細雨花飛滿城不無惜此流光但不似抗風風雨殊令人作惡耳徂歲辱委作敘久錄風雨未成此時始

耽稿又索不成章惶恐奈何

與郭兗山

元城之別三踰歲時矣追惟清宴玄譚朝游夕晤割愛而分名畫詠言而疊雅篇覆我慶雲照我若華鄙人孤涉千里舉世共賤一旦承邁嘉會感激歌詠誠不能忘從歲遷此南官背淮逾海去都益以遼絕初聞足下使宣大繼得緒山所寄王書始知節駐清源然濕病瑣尾稽報仍復久之情常奈何

與戚南山

高山景行心目嚮往道遠莫致我勞如何雖徂歲數

冬祭

雜卷十五

八

承疏教然不若親炙之爲真也夫道術紛裂於詞章裨理薄蝕於聲利逢掖之徒名爲學孔子者而實泥於浮僞反不若楊墨之近裏雖高明之士猶不免於習俗之移況其下者乎此孟子之所哀也所賴海內英賢卓有先覺相與振明斯道將使堯舜周孔之教光如日月流如江河在江北則有先生與百泉諸公然薛西原化於田園林東城終于邱畧可慨也在江南則有東郭龍溪波石荆川緒山諸公實爲一時斯文之托不肖則竊有志焉而未逮者也然於喜愆哀樂未發一章實不敢忽門下其何以誨之右溪浩然

歸去豈不誠大丈夫哉

與百泉胡大參

惟敝省隘陋學士特於見聞蒙於大道得承夫子而振鐸焉惟邊圉廢弛非大整頓振刷至不可爲得承天子而論建焉然功化未就而冒嫉已不能容矣吾道之難行斯民之不幸有如此者奈何奈何然於夫子之卷舒固無與焉也夫昭文之鼓琴也與其不鼓也一也孔孟志欲行道於天下而不果也退而作春秋著七篇其行也與不行也一也然則夫子之歸也必居然于此矣謝右溪使附疏承候高山景行心切嚮往遠莫致之奈何奈何然不肖之荒于植也夫子其何以教之

冬祭

雜卷十五

九

與謝右溪年丈

嘗觀古之賢豪聖哲正學術弘德業者未嘗不本之朋友朋友之交未嘗不本之意氣後世勢利厚而意氣薄意氣薄而朋友之道喪朋友之道喪而學術德業俱以因之故士生其時或有盡一世無友而得之曠世之感或有盡一國無友而得之四海之遠亦難矣故士有爲知己死者非過也僕德薄又無勢位不能取友故舉國舉天下無與立談者然每見有道之

士未嘗不願爲之執鞭也先生來同官正業執鞭之
日先生亦不子逆僕雖不肖實願有請焉其庶乎
正學術弘德業以無忝於所生乃先生今棄官而歸
舍我而去矣古人云樂莫樂兮新相知悲莫悲兮生
別離私心以之別後大病大作數日始能執筆文不
勝題詞不盡意奈何奈何道駕暫息全椒與南山悟
言一室之內游神千古之間其於玄情當益朗絕計
其抵家當在仲秋真大鵬之去而以六月息者也僕
則捨榆枋而止爾奈何奈何

與廖東雪年丈

不棄

雜卷五

十一

遠別長懷日焉耿耿緬惟道儀貞則文命誕敷盡舉
三聖人之鐸而振之使蔽邑之聾者聽盲者視委頓
者作而起焉彬彬然日抵于咸矣乃知心德身教其
化固自神妙如此也弟則竊有志焉而未之逮者也
狗祿苟延歲月徂遷而德業曠闕門下其何以教之
此地儘有益友然地當孔道日應接不能暇即稍暇
僅圖一坐卧耳更不能學也奈何奈何弟行日妻妾
俱留奉老母以老母方抱離憂舍弟又當出會試故
也今舍弟迴家老母復甚念遊子矣但一時搬取不
便然四十無兒萬里孤泊終非人情茲遣介歸報平

安兼欲移取賤眷倘遂其行必須傳檄亦于二河公
處有告惟門下垂玉

與抑齋李年丈

首夏承書及詩誨慰鄙人甚感厚道誼一脉當自葆
之無數也蓋自此脉一衰人間萬事皆病率高明振
而存之故僕常謂當五陰浮雲之障而耀燭龍於天
庭值降冰滔天之日而殿砥柱於中流惟高明可以
當之不然勢位冷煖之間毀譽得喪之際鮮不撓其
真者而高明乃屹然矚然如是堯舜而後稱大聖人
者周公孔子然處流言而不變遭無上下之交而益

不棄

雜卷五

十二

固此聖人之所以爲大也願高明努力不宣

奉荅石山座主

某荒鄙伏自辛壬奉教承過克有今日然十年荏苒
多難屢遷無少樹詣以報明德又音塵寂蔑道遠莫
致高山白雲但增耿耿惟館下材不世出道與時遠
遂使鳳凰麒麟蔽蔽郊藪闕鴻化之嘉植垂海內之
願望雖達人大觀無所不可而登賢處俊之事良亦
舛焉然有非常之人必有非常之用故知館下亦暫
卧隆中而稍息東山耳鄙生狗祿浙中又踰歲時人
微德薄祇積愆尤然亦思告歸矣初到即擬申候深

循又已遲滯良益苦心茲因懷太公侯
修營撰儀再拜附獻館下累布腹心

與王端溪翁

往歲小瀝奉教之後即謬轉令官彼緣除書到門歸
有又轉故未能告謁請誨輒已商邁蓋自癸卯四月
以浙今又踰一年矣人微德薄畧無補於教化但於
敦本實抑浮競一節不敢後也然頗犯昔人蜀日越
雲之請而有北山愚叟之謬亦知迂飾易教而迂直
終不可回奈何奈何春首 聖憲長寄示尊緘愛念
小子至勤萬里之遙中間 及所著二書甘洞啟

奏集

奏五

圭

道隲示我廣居其雖不敏 敢不從事於斯前輩舉業
尚是通經邇來又下一二層矣孔門一派正學浸已
淪滅士人雖號高材有志不免流心埃澁况可導而
上下者乎昔孔孟扶正道則闢異端夫異端者異乎
我者也今異豈特楊墨哉蓋又異乎楊墨者也其不
為彼所悲泣者鮮矣正道之在天下即元氣流行於
四時不容少有翳闕苟非其人道不虛行故孔孟不
用則空言無補學術不明則人心陷弱知必為衛道
者之所憂也然亦終非杞人之所能濟也今夫子尚
隱淪他何是道耶楊郡守便謹狀恭候起居兼市

心向所示五經心 聖業已與同春青嶺方欲刻而
傳之人人埃成另報

與張南聖憲長

道遠莫問德音不 忘恭惟旬宣之餘再統憲紘權
刑政實久其化區 區晉鄙休沐何幸甚焉賤子干役
忽已踰年夏間欲 取家口來浙緣塗路遠艱日夜思
望又聞邊信及水 潦遂謂不可得求乃待於九月望
日出試金華心方 耿耿忽報家口數人仰庇公靈以
廿四日解舟到橋 而自家及浙一路苟安都賴從者
將護不然恐艱於 進也羈旅愁心一旦得此感激誠

奏集

奏五

圭

入骨髓而門下之高仁大義施及遠艱至周至密則
其同體天地同仁萬物之盛即是可知第未能親拜
來使面陳腹心屏營之私不勝隕越謹脩狀並封新
刻文章正宗一部報使者還報門下餘容另具不宣
與中川陳宗師

惟昔高車西邁小 正甯滯於北其後日月迅駛山
川阻修故既關繫 運又不申候至今但結佩明恩併
茲離緒緬望雲我 為勝耿耿若出登經畧弘濟艱難
許讀實惠繫我民 思者不能忘也不能言也知丘園
定素履安和回 聘世事真一笑矣撰耳小子仰庇

靈復從文事靈復從文事所宜然不斷又如
高勝昧夫子知勇之訓犯詩人如頽之譏且今年四
十即已無聞况復後來聰明益有所不逮耶誠負明
教甚矣每對流光歎不自已然正若貧子思食終無
飽時奈何奈何即月出校浙東會馮憲長便謹附狀
承候起姑畧布腹心並上絹帕一端及薛詩拾遺六
冊學政事宜四冊請教幸惟垂省

與謝右溪年丈

兄之別去時忽變而成冬鄙人孤陋當必知之夏秋
之間曾所得手書知惠子之念我也然古人謂悲樂

文集

卷五

十四

之志莫有過於相知而別離者有以也然兄之別也
豈惟失一益友實抑失吾一嚴師矣秋當四十痛感
無聞存省之餘頗覺顏子善學聖人真處遂謂聖人
不出吾腔子矣亦知博約工夫亦不在外但未能欲
罷不罷未能既竭其才未能卓然有見耳然亦非在
外也周公仰思坐待之訓豈欺我哉與四代之禮樂
使天下而歸仁亦非在外也吾兄此行知叢寶樹之
林求赤水之珠定當有見此處卓然不惑安得飛雲
間之翼以示我耶稍轉一官便道還山矣馮真齋便
草草附承動定兼布腹心

與潘春谷年丈

仲秋雷尹使來得奉教規旋附一書報命想當微聞
茲小介來得再奉教語高旨厚欲誘鄙人而納之道
範此其義高厚甚矣鄙人不敏敢不勉旃但因循之
日尚多而有事勿忘之意未之有也此非持志立
誠卓然有著脚處恐終虛枉耳古人于此一件必資
師友務在切摩眼前同志誠不易得惟念足下上根
超解卓彼先覺拂衣塵表講道汾亭誠欲納鄙人而
同歸之則鄙人歸來當必得所依矣

與洪方洲先生

文集

卷五

十五

別日漸深後晤遂不可度前兩承教書知勗我良厚
然此意乃是天地生生之脉往聖來賢惟體此而續
屬之耳孟子歿後惟濂洛爲最仁者近熟誦其書納
繹其旨頗於仲尼顏子處不甚捍隔亦知爲飛魚
躍與必有事焉而勿正心之意同也光風霽月傍花
隨柳當不在風花間乃知集義數語真吾輩著脚得
力之地然千古大病只一不能慎獨耳朋友講習莫
大於是然迹疎心密忘言而得其意庶幾勉焉期無
負於此心則不肖所以奉門下也惟高明其煩誨之
眼前世事惟事不由此件故不可言然同志實心非

待言之知之實久踰之誠亦不易得也積懷耿耿曷
由面宜水東公便謹此畧布腹心

與程松谿先生

其遠之士而節屋之人也又久睽大道之門不聞
鴻覽之訓宜其無所裁矣然研誦大學誠正至善之
理及孔子忠信好學之意未嘗不有志焉所覲先覺
焉或不遺比緣牛走之餘得遂龍見之願授館高齋
投車梵宇集兩淹展天從人欲而其玄譚秘論亮懷
吉曜真挈我廣庭而携予暢谷自謂平生之遇極于
此矣金谿錫湖蓋或無是之自在也然而道之大觀

文集

卷十五

七

必自在如鳶飛魚躍而後爲浩然之氣充塞兩間無
有間惻少有異同便有不飛之鳶不躍之魚醫書所
謂不仁大學所謂自欺者也夫子其不欺矣其庶乎
仁矣而不肖一念善信寔不敢自詭于明過自負乎
平生實幸先覺之易我也歲暮多懷正圖申候適承
教至紳領道誼易稱復見天地之心然則夫子之心
萬然可想矣比見北司成席弘化正彝應藉純德
南海之望恐不果蒼也邇來屢夢來教亦云夢之無
亦即飛躍之理乎生贈八魚蓋崔卿三鱣而誤之天
瞻望耿耿言縷難悉

再與蔡白石年丈

曠候無期局勝耿耿故雖書疏往復都莫解於饑渴
也大雅之通久微遂使作者悉專之古人豈古今果
相遠升堂入室在孔門諸賢區以別矣顧獨顏子爲
能入其室者也今門下抱不世出之資發千古之秘
當有一顏子興矣不勝區區幸慰之私僕本沉迷又
爲吏塵所汨遂無復好言羞對明德日來得近少玄
因知此兄齊衡古人無疑蓋非醞藉之久誠使難到
耳僕今試省中諸士事訖便欲渡江或乘此一遊禹
穴天台鴈蕩諸山然必無嘉藻以報山靈如兄昔遊

文集

卷五

七

武夷故事方知鄙人固陋乃爾少年不努力老大徒
傷悲斯言豈誣也巖潭兄便草草附疏承候

與百泉皇甫先生

鄙人棄外日久道里隔塞海內名英如我百泉先生
昆玉文星朗鑒珪璋特達四美全於吳門八士半於
周室則勞我思存邈莫致之故雖秉性欽賢但自抱
耿耿耳比來吏越得奉少玄教範因得竊奉先生之
緒餘然更恨不及門也不謂門下遂垂惠念情見乎
詩夫鄙人世所不道而高明不企玉其音豈以孺子
焉可教耶感激洪誼倍增耿耿思明德誠懼莫之

從也奈何奈何

與錢緒山年丈

孟陬之晤甚幸然適多人事遂於此間未獲周悉而承指授及既濶別應多惆悵爾閏月初旬起首校藝迄今仍在品閱因感古人藝成而下之說則又怪今之學猶于下者而莫之成也本之則無如之何又恐務本之士不屑反求祇於文字求之非所以待上乘迺顯以數日開閣延另講學設疑問難至十五伯人無一似顏子之徒發聖人之蘊者即以程子嘗以醫家言不知痛養爲不仁人以不知覺不認義理亦爲

文集

雜卷十五

六

不仁譬最近之說屬題試論而論者至一醫士而無之矣學術不明古聖人所深憂也而今奈何比來只理會一仁字覺着意在眼前矣但恐風雨飛花更成剥落爾勿忘勿助之間真難著力也仲春渡江當悉聞教此件昨命敘起俗之篇大氏兄敘已盡然以道命不可抗賢太守賢大尹拳拳爲風教宣言則不肖安得而不讚之也是以忘其荒鄙輒操紙筆詞不雅馴義不嚴白惟覲高明斷直之爾

與黃久菴先生

昨論學永嘉據孔子之言二其一是子張問行

一則志於道一章正竊謂俗學支離學者不知道德仁藝爲何物往往紛馳於外如游騎無所歸耳必舍一求之乃爲聖人之學而學人迷於章句皓於見聞率有瞶瞶之象方竊疑歎不能已已適承翁教書正示此旨豈非天牖愚衷者耶甚幸甚幸因以前所論說就門請正畧曰夫道一而已矣即天命之性而人之心也德者自其道之得者而言也仁者自其道之純者而言也藝者自其道之散見者而言也非有二物也非在外也自學者以聞見知識爲道遂求道於事物文爲之間此學非不立志非不要有憑據非不

文集

雜卷十五

九

要有依歸然路頭已差則所志所據所依皆無著處即於藝亦是汨沒不可以爲游也所謂游者如神女揚光於清泠之淵無迷津無駭浪者也與造化游也非以藝爲美而後游也惟學者汨沒以爲游則去道也遠矣故孔子定之而曰志於道據於德依於仁游於藝言志在是據在是依在是而後游亦在是也道之本也學之序也而皆不外乎吾心者也真知不外乎吾心則志據依游當必有著而道德仁藝謂之強名可也孔子言十五志學志於道也三十而立據於德也不惑知命耳順依於仁也從心不踰游於藝也

聖人之道如斯而已切詳末學古離全爲藝所汨蓋泥聞見者既以藝爲格物窮理之資尚空寂者又以藝爲玩物喪志之累皆非聖人游藝之學也安得不謂之汨沒支離耶此不肖論學永嘉未敢自是私心疑歎不能已已焉者幸承明訓遂敢悉申其說惟乞大賜開正不勝憤悱

與皇甫少玄年丈

高賢臨浙鄙人正幸得有所依故每一接詞承暉未嘗不昭然發予矇矓也莫春東行實躡東覽之蹤冀其還也竊有請焉當大有所承終不謂天道近垂人

文谷集

卷十五

五

事多謬遂使規矩改錯星辰失行雅志好脩傷心嚴譴夫才賢之生以資世也今所逢殆若此世道當復奈何初出天姥忽聞此惡信便急渡江欲送臨風之發然至則行矣悵悵可知是後亦復多病日卧枕簟惟有歸魂兩奉離書倍增神愴昔人有云平生竟何托懷抱共君深一朝四美廢方見百憂侵今果然哉吾丈抱明夷之爻秉素位之義且夕若有除書當便勉行更無芥意此聖人居九夷遠者覺四遐之事吾輩今日學問處此方爲有得也別緒糾紛辭不殫理更有贈章尋當報上茲更人之便力疾奉狀累款奉

東覽篇西歸藏史鄭稿三十四篇度析斤正俱惟番省而惠德音幸甚

與寒谿方隱君

薌谿夜別迴戀增懷弭嚴郡三日見有司皆神往要客之臨便理舟北還一以省地方之多事一以遂鄙人避諱之癖耳出門勿勿適奉至後一日篇翰文辭蒼雅微羽交暢且感道文之所以玄者至於相如閣筆子雲停吟而猶云玉卮而無當此所以爲玄也玄之又玄其誰知之哉痛四子之蒙覬憐孱力之假神至有取於草頭木脚則又教鄙人者深矣畱別一章

文谷集

卷十五

五

即已粘附前冊仍漫次之不用鬆字嫌在二冬也其詞曰雲裏青谿鶴髮翁送予薌水步如風形容不意如漁父姓字何緣達遠公別惜夜光星斗爛醉憐燈影髻毛鬢臨岐莫以仙凡隔天上人間此會逢次訓如然殊覺淺陋然不成報章豈今日哉教愛拳拳無不領畧幸垂鑒照開泰之約當令勿爽之耳

與鄭淡泉先生

樞謁未即果懷但增耿耿是故不見君子詩人所以憂歎也然此幽心固亦莫能宣矣即日奉枉教及書幣之貺省章思義抵擗營魂而加增鬱紆耳何能宣

文集

卷五

三

言大道之顯者莫著于文文之顯者莫著於經史經史者教典之隆也而必隨之儒冥于舉業之源溺于末習之流胥失久矣此實人才世道關係匪細鄙人叨冒此官誠竊有志於諱諱亦於此件然學人安於所習毀其所不見者甚堅甚固雖父兄之教亦復爾爾也此固鄙人德薄不足以風然亦見世趨之下其勢必至于此也孔孟至皇千載可想矣鄙人日夜之心惟有歸去但移家避寇托身難所惟谷之憂不能遂矣耳伏想明公真係龍現教阿海曲之中而抽金置石室之緒為國家成一史記上繼獲麟下繼司馬

與楊月山總六

足下渡江之時正鄙人造門之際有款未商惛然此心方西之夕更舍入下又東還而不相及也耿耿奈何僕受性癩拙不為妄交獨見善如不及耳憶足下

舊聞以來每一相見便心相愛之然擾擾吏局中未多所就正每擬終夕之談十日之飲當定有時豈料今日遂分携若此耶悵焉思之愧聞黃鳥伐木之音徒紆東軒停雲之想在嘉禾已八日文案頗已就緒但形神俱勞火病大作私自憐也正念仙舟或當便至適承手教甚慰甚慰病中草草題冊畢便據几作送行文一時都成雖文不爾雅亦頗不負知好也幸省亮

與趙龍巖年丈

文集

卷五

三

別忽三候晝思方憂未嘗不在左右也嘉興考閱連服藥養病共住十日今來湖矣文案具結頗解外紛海石書虛齋訊俱得早至甚慰懷仰靜裏尋思吾輩不如古人只是伴件粗累耳粗累之故却是放心只一放其心便將卡將去逐世習種種煩勞盡是世習故于性命道德之理無人經管也此理不經不管便如手足癱痺不成全體全體不成豈有大用耶故知吾輩今日學問只要收放心耳性命道德更無物事可把捉者即心便是矣未有心不遠仁而性命道德之不經管者也性命道德譬如日月在天光明普照萬象增輝天地之化賴以轉施即萬物有壞此精

朽焉耳吾輩今日收心只是經營此件若鄙悵內面
外膠不解雖談天如衍炙穀如髡克難以語性命道
德之真也易曰聖人以此洗心退齋戒以神明其
德洗之一字便是吾輩著脚處下手處然不齋不戒
皆非洗也日來但覺多病精力頓減于前時獨道德
初心未之歇耳道中觸目花落鳥啼遂益驚嘆惜此
逝川歲月屢換離舍屢更朋友德業相勸亦有更換
否尋思到此不覺凜然故晨起舟中書此感懷馳報
門下代面談亦冀心信海內同志幾人絕學定當有
繼今日邂逅可惜草草放過二年也昨談二氏之教

秦集

卷五

五

他不多及只彼于心先不肯放也豈不爲仙爲佛言
不盡意幸垂省教先後詩稿數篇並上爲少媚兄作
四壽文亦是今夜漫筆而成亦頗似楊子雲也幸覽
裁轉致少媚詩二紙亦是轉致少媚鳳岡二兄湖州
事訖或仍過杭也面近不悉

與蔡可泉提學

緬懷耿耿正如春草在雨中耳承教書披慰可知
細覽宣條締會兩編即敬敷勅典文質彬彬君子之
弘義也然自道德風微則俗化之衰先從學校起矣
今日吾輩所事當定不在考較末藝之一邊也諱諱

勤勤惟以明學正心盡其在我而不必其從道則吾
事畢矣兄不觀孔子與孟子好學好辨豈必世之從
違哉但令道不屈耳僕苦心三年惟是此意枘鑿之
喻蜀日之評誠亦有之而其道則可自信也世事江
河豈不知搏一丸泥而塞瓠子之決爲大愚悖要之
憂決之心不可已也夫力小負重茲事有類於鄙
人故承垂問輒以獻笑若門下高明厚威表布匡扶
當自不同也

與大司空劉坦翁先生

古人有言高山仰止景行行止身雖不至心切嚮往

秦集

卷五

五

之矣夫身至而仰可信身不至而心往誰信之者要
之心可信耳鄙生受性疎簡獨好欽賢故海內巨入
一世儒宗卓有我翁照耀今古者其心不嚮往哉顧
其心難自言之故但藏之矣從事已來一官已歷四
春三歲兩到湖郡俱爲俗牽不能此身一至門下恭
上起居一奉頌誨耿耿之懷如緬邇星漢而無梁也
則身不至而心可知矣鄙生宜條無狀正如精衛填
海而士習汎汎洪水警予非有神禹九年之力恐天
昏地陷莫知止極也鄙生將跼迴木石戰羽西山恐
伏謁長者終無晨夕謹狀付託學官代申承候抵展

私忱不嫌瀆聽

與廖洞野先生

星紀逾邁卒業無期懷詎迴風天高海隔耿耿之私
抵覺勞悴昔壬寅大梁之歲曾兩具書幣托竹泉少
參寄奉想能畢達之也到浙以來煩病幾倍于昔奔
走日無寧况故闕焉久不申候自饒尹處拜教及凱
大部又不報至今迹不逮心何勝頃越文章之盛衰
人才之進退皆世道之大關也今稱最有文章最多
人才者則有大謬不然者矣稱文最盛才最進者則
又有大謬不然者矣不審所謂大關者當復何似天

文集

雜著五

五

降時雨山川出雲天地閉塞賢人隱遯井漂不食為
我心惻觀天之道察人之行高濤上流莫可云易鄭
生賴庇光靈殉祿散吏之餘謬此文學之事簿書刀
筆推姦斷盜低首折腰雖盡俗狀猶若可為獨有今
日頽梁壞壁支離靡爛為難補塞為難扶植耳蓋補
塞扶植惟有忠信禮義可以施附然學者視此奚翅
九牛一毛即九牛又已無皮矣諺語云皮之不存毛
將安附故知今日之事顧益不可為也故移山之叟
憂天下之人千古一大愚魯也臨旅江上已及瓜矣
離老母之日久舊業遂益荒廢子嗣未立鬢毛變色

日夜思憶惟有歸歟或歸之後稍勸家事勸青人
嶽之遊則起居門牆尚復有時若聖朝恩私當儒
招舊彥弘修稽古右文之事選闢金馬石渠之風則
某伏迹蓬蒿睹日月之光華被慶雲之餘彩尤大願
也即日考訖便據案脩狀托饒尹馳上累表積忱經
筆潦草詞意不宣伏惟垂省幸甚

再與劉坦翁

即日將發刻中忽奉謝學官賁下教札四件道義太
書二件絨未啟時神情先震及既對揚則天光霍然
下布臨我有赫神情應化不知所云昨某上狀累布

文集

雜著五

五

腹心正如居井壁者仰青天望白日而希光靈之照
耀其高卑固本殊絕然獨恃區區此心可感通事
日果蒙昭鑒大普光靈何幸何幸夫同生象矣道
為歸故天民先覺所以佑於後人後生小子不遇先
覺偃張夜行乎爾今蒙佑於何幸何幸又惟我翁
律身度行遠言文片辭雙字為世寶微然少諾于
金為輕此區區所以仰天望日而不敢必得者今蒙
垂既寬言嘉藻連章屢讀嗟枯吹牛大冷無外何幸
何幸道義二字端雅莊嚴謹銘座右不敢忘規箴
謂某有之某雖不敏當必勉旃每念千古聖賢為天

地立極爲生民立命只此二字故道義兼微則網
法數此孔孟所以萃羣志士仁人不能不汲汲焉也
某也敢不勉旃若夫仁聖不倦之論則在公西華等
稱不能學而况鄙劣如某者哉然勉強道義而不已
焉倘亦有爲之不厭之意乎竊有志焉而未之逮也
詩有未見君子憂心忡忡易言利見大人則以不見
爲不幸以見爲大幸若秋水兼葭之際有不命棹於
西湖某必鼓篋於苕溪之上矣仰之望之耿耿不宣
與顧箬翁

卷集

卷五

三

昨入國不一走候門下甚非古人敬老尊賢之禮高
山景行徒自耿耿耳謝學官來撥辱教緘及和章之
什知老先生之垂青後學同仁甚顯至矣實心實事
孔門拳拳更無他道今日教者學者談空說虛谷落
片牘不惟不可施之實用抑已先自伐靈根矣微老
先生體之念之其誰與官及此爲後學呼醒耶感激
之私言語莫悉

與陳石陽先生

楔節遙邁昔人蘭亭崇山峻嶺茂林脩竹清流激湍
宛然可想而古之作者光塵不屬千載之下觀感際
迹慨然興嗟而已此時懷友正切左右適有書來遂

識此抱同也蒼音累
耳僕孟夏之聞可及
高樓否京府之遷亦
想須到秋天也不盡
望

與張南溪先生

下今日正如耳幸慰幸慰僕竊不知學自得侍
夫子而竊知所嚮僕竊不知政自得侍夫子而竊知
所從僕不信今之交者有道義自得侍夫子而竊知
其忘年與名位之盛而拳拳善類之興又如此然則
僕之少有所進皆門下之大惠也感激之私懷往之
戀中心藏之何日忘之曩僕在家辱門下塞上之書
尋有書幣附報想能見徹去歲又辱門下還都之書
緣約馬石渚要事差一人奉候竟亦未果至今耿耿
此中三載流寓因循所謂明學正心竟如枘鑿耳

卷集

卷五

三

與謝與槐少翁

寒巖別後遂聞先太君之訃矣茹苦奔歸不及辭謝
山中四載復出狗彘遠道遙音塵寂茂懷兄惠好
何時可忘恭承移鎮中土即近關可以通問雖不遽
晤猶勝隔絕萬里耳已來道況想與天游然風塵在

其能翼不變耶某憂傷之餘多病且衰嗣且未立抱
嗣以來益復無緒倘不匏繫便當長往田廬一返自
然人便草草附承情不宜悉

與李少泉先生

冀其自梁祖越辱明公教言見贈情在惠好後陳國
傳便綴一書既往復然饑渴之懷山川間之失矣獨
迹遠神馳不可得而問也每念海內綜文之士近復
不少如我公上然大雅不群名家力追古作不但少
也與樞至再得五言見懷是明公德誼甚盛顧鄙人
薄劣何可堪此知遇之極感誦言之不能章也

奏集

奏集

奏集

與包蒙永年丈

同年客游秦有十有三人四在省城而九在諸郡
合併亦已難矣念兄信旅人之安何陋之土關山
阻脩人馬關絕雖音塵不易得達而况殷勤杯酒之
懼攜手河梁之日耶此素心之交同明之友所以望
塞雲而興歎聽離鴻而耿懷也茲分俸不腆之儀少
助餽穀代以省照還謝德音

與童衡先生

一別八載地通書抵將魂夢依左右耳每訪相
知得聞桂成行之喜忽見邸報始知淹居郡縣方

轉指官耳然名德大賢行道濟時當必自茲始也
慶何可言某奔近以來苦處四年竟為斗米之故復
抱關至今矣頗頽頽白髮解然可掬行返初服聊幸
山中安得公車再在晉鄙俾鄙人一奉袞衣之光再
領緒論之懿耶懷望益不可言

與葛與川吏部

某不才辱明公知遇之日久矣茲陳疾乞休乃區區
引分知止之行故朝上疏幕離省絕無逗留顧望之
私惟覲得蒙題覆准行耳不然得為齊民亦返自然
也山間林下啜菽飲水覽卷看雲以淹餘歲無步矣

奏集

奏集

奏集

痛哭之譏而有淵亮賦歸之樂則明公之賜及鄙人
者遠矣

乞休疏

臣天胤謹 奏為患病不能供職懇乞
天恩容令休致事切照臣見年四十九歲山西汾州
人由嘉靖十一年進士初授僉事尋調知州後陞
事歷任參議副使參政按察使以至今職嘉靖三十
一年忽得陰虛火動病症痰喘怔忡幾於委頓調理
數月方克勉強提事延至今春前病又復驟發痰喘
變而為膈塞怔忡轉而為健忘形神銷憊職務廢弛

臣一芥草茅荷蒙

聖明收錄隨例外補編歷兩司二十年間遂已滿秩
誓當竭身圖報終效大馬之勞不意分過災生病漸
危篤命將先於朝露志惟切於首丘伏望
皇上矜憐小臣哀懇之私

勅下吏部准令致仕退歸調理倘得延喘息之餘年
安止足之常分即臣荷

聖明覆載生成之仁於罔極矣爲此謹具奏
聞

奏集

卷五

主

與督撫張南川先生

比奉狀畧布腹心輒蒙洪仁不外明惠德音齊明三
復玆悵頓消昔孔子論詩約三百於一思孟子談學
問總之收放心之一言故誦而不達爲無益學而不
思爲大罔皆言道理不全靠書冊耳自傳注之書出
記聞之業治而心思之學廢也久矣我翁之訓實宜
闡聖門之精義打破俗學之筌蹄正後生小子省然
欲進而未已者也行且歸向寂寞處幾事力此件但
無緣日侍門牆不免墮因習耳眼前萬事莫不是詩
莫不是學問然心思所暢退耕惟時焉恭承履長臻

泰遠懷欣仰張司訓人便謹狀承候並上近作三篇

與曹紀山先生

抑亭來辱王音不避兼錄及拙園之語知道愛無已
已也自公之南山人無復被省記者撫景暮雲春樹
可勝邑邑耶文藻江山互相發越奇人達士往往而
足於公天然之趣緬可想矣往王西瀛行時專附一
書或無不到然論賜書附東路處者竟烏有也昔人
謂遠書珍重何曾達信然耳衛源諸稿已自刻之司
中云是經公選閱今二帙想更精嚴矣計抑亭當自
孟老爲之益是比一過汾頗酌酒賦詩再宿從峪中

奏集

卷五

主

遊覽平日別去亦俗世希有之事也江陵劍客爲其
先生僕當奉書謝此神交抑亭人迴謹狀附承

與楊小竹少參

承再賜教章兼遺米肉存惠草野牖啟蔽屋仰荷知
遇之仁至矣顧下劣不足以辱清問感悚奈何夫人
情於藩籬畦迳之間無不揀擇而間隔之惟仁者則
不然畏天而悲人嘉善而矜不能此心之流行隨處
而充滿也明公之於下劣政如此耳不然置置囊枋
最莫如鄙生者而威德徃及之何如山中閑寂目
霧耳雷得傾領歡音不但肝膈生清冷之氣實遠送

聰明瞻鈞天而聆廣樂也何幸如之難以云喻後言亦敬附一跋以爲受教之階但恨不躬在門牆以畢茲生望之邊遠也紀山公且夕常至德之不孤矣臥病經旬論學稿先涉一過仍細嚼之耳

與王南岷年丈

春初首辱教書喧慰道義之雅感切心骨比承移鎮爲晉鄆錫惠綬之招甚感甚幸僕糾學三十載不敢自謂善人然實不爲惡此心誰可欺者誠不意橫被死災一至於此但僕灰心世路已非一日今天蓋假手於人令得懸解耳差足自樂也然更有一大可笑

文集

卷五

三

僕如以吉山泉爲君子路上人也乃今我不知彼焉能令彼之知我耶若彼以我離任不辭之故輒肆笑誣是大無忌憚者也若聽小人排陷甘借一窮途無力之人以作功績是心死而神不活者也僕之五內何不清涼水東公相處不多然於僕之心迹未必無睹兄試一訪問有不然者乎張元洲亦惠書喧慰痛僕受無情之謗僕報以惡言滿紙皆平生妄念所不到吾誰欺欺天乎元洲乃固信之此足爲知己矣僕死復何恨哉僕自罷歸絕口不談是事茲復及之以知己者之

合一長鳴耳大駕何期一循行西河區

區不勝顯望

再與端溪翁

陳瓊山化去再無便寄候但東望青天白雲寄此心耳王西瀛來得蒙賜誨問又得聞台居萬福所謂萬福必是祿位名壽兼隆並茂可以當之必是大德純備可以致之乃我翁今日爲然矣門人小子瞻太山望北斗更有何願佩明恩圖報答更有何私惟萬福萃元老之躬吾道衍康寧之慶如詩人歌衛頌魯是其區區耳小子入山以來覺於一切不要緊事漸次放下放得一分即一分自在也但又涉入踈懶更復

文集

卷五

三

廢棄日益習則日新之益少也有墓田三頃足飽饑粥小兒七歲小女十歲足娛目前門網常羅市喧不到靜言自撫似亦舜之徒歟聞復合藥養命以安天年時亦有少資助小子人微數奇世所共棄獨蒙大造之恩眷念也深恐亦欲得山中消息輒敢敘之

與彭東谿先生

張廷柱來得拜領教札及書絹之貺深情厚意感荷無涯晉中屬歲大侵民窮盜起草者既與世長絕而苟延旦夕者方未知所止雖儻亦餅餅儲粟矣幸芒種前後連得小雨今野有青色矣尚蒙台慈軫念自

非禹稷同心誰復聞然者眼前世事益非矣德人才
王何罪於天而以弭天災耶也邪賢不肖耶著於天
時行時止亦自有天數史稱于公必達丙吉必不病
死言善人不終阨也翁高明惻怛所在爲國爲民約
已裕物陰德非淺暫既必嘗大亨况一特假借行私
公道豈能盡滅雲開見日在詰朝矣願翁無忘蒼生
朝省交游誰最厚者亦無効福康嬾作書訖可也天
授人以大才大德豈使之棲棲巖壑已耶如不肖者
自我生之初已不遇也向來正樹鬱抱憤汾中大小
貴賤靡不同之忽承手教尤兼慰惋不往赴唁但耿
耿耳人便草草先布尚容額上起居時下炎澤萬恤
珍攝務樂天知命一平此懷以需大擢幸甚

與陳抑亭先生

明公保釐冀方以來康惠民物溥矣至於教愛鄙人
拳拳懇懇特邁等夷則非鄙人之所能勝也喜雨朝
天之後萬望復來究竟洪澤乃移鎮楚邦矣此中願
願之心延頸瞻戀無計攀援鄙人不能奮飛惟有銘
結深念報德何期又自楓落後終無可報奈何奈何
天若肯從人願還借里仁明一掛節全吾耳謹狀托
康州上質並申悃悃之送

與王敬所方伯

明公道德文章政事兼隆並茂海內願願爭先觀之
爲快賢鄙之人何幸遂得披蒙保旌之惠耶惟晉鄙
內障強宗外迫驕虜近益敵矣知我公出其緒餘以
經之則一時幽隱當必順風而翔含景而熙矣鄙生
騷伏山嶽已幸覺先風轉惠汎崇蘭也欣躍何言不
能躬拜謹頌狀肅儀申賀

再與楊小竹少參

某感明公下車惠問之仁日兢兢此心內期筋滌有
以報明德者但山中之人方習嬾耳退不敢奉書

奏集

奏集

奏集

政府耳茲履承賜教書兼之朕既又不精道論政
納之門牆而與之有言豈以小子尚可教耶蓋負雀躍
欣悚交集繞誦數章輒已心有戚戚矣因亦幸鄙人
之心原未嘗死也嗟夫此學不講在夫子亦已憂之
久矣當世固昔學儒只人已之間毫釐千里耳稽古
博文儒者皆謂之學問然聞見知識其究亦不免爲
人機孟子一言道破曰求放心而已今明公首揭爲
已之外無學則其學可知矣吾人日莘莘汲汲何所
事哉真當發深省也不肖亦竊有志於是恨不便叩
門牆敬事卒業細繹玄編不勝憤悱世降道微幸明

公爲天地立心爲生民立命即此中草木亦欣欣向榮矣何況塋東之生靈感戴之氣難以言喻

與馮少洲大祭

某至不肖然夙性敏於水滸之門地高山景行之思久矣往車駕度蒲坂承懷鄙人題建見贈兼示珠玉滿篇至今奉揚仁風無以爲報彼時盼公主盟三晉學校已而爲浙人所得心常悵悵今蒙移鎮遂終荷保隆幸甚可知矣然山中之人大類野鹿雖此心日在門牆而作書修禮拜自疎慢惶罪復何可言茲仙臺公人從之便謹奉狀恭上起居略表積忱

奏集

卷十五

三

再與王敬所方伯

比伸微撰聊表末梢迹不殫情正此悃悃乃重辱書甄荐臨適以見商誼之益崇耳薄劣其何敢當某莊服公款曲之清言匡濟之遠音感遇欣向誠不淺也芳洲公捕獲宗盜四人尋又捕獲城狐之盜十數人而渠魁極難獲者咸授首焉實與我公文學政事王映而金輝矣一時杜稷生靈之幸乃爾此文武之道所以不墜也入觀之行必且畱內如群品之延望何

耶武錄誦服之矣徑稿容錄請正

與霍思齋兵部

明公鴻才駿德爲世鼎臣比者膺大廷之殊簡綜四鎮之積弛曾不旬月綽已竟緒當奏凱還朝之日兼便道歸省之榮推功能之選舉忠孝之光至我公爲甚威矣鄙人斗瞻於停雲之餘雀躍於聞風之下然而自阻趨承者實以蓬累而行者無以與乎車馬之觀拾榆而處者無以與乎雲海之運是故高蓋之門無某之迹矣然鄙人刻意銘心盡是明公之誼固無間於形迹之遐邇也想公玄通在宥必體諒之

奏集

卷十五

三

再與趙陽谿

比辱選翰及諸新刻見寄連日披玩理學文學政事之學具卓然名家可謂無忝所生矣欽服何言向芳洲公爲山人刻詩四卷約到滁陽作敘以累下孰補刻今此公以奔訃不果然垂一語以冠卷端非吾賜谿之知愛也更嚮望耶寄呈前卷析請文壇倘蒙賜咳唾之餘便得借珠玉之光矣未審疑然何如惟高明準裁不勝翫縷小文奉書尊翁詞理欠佳然意在伸教陋不遑擇也亦附呈覽教吾鄉幸有秋矣若邊信再稀猶是太平也人便謹狀謝嘉惠並告所懇折

述畱神往無任區區

與陳梧岡都憲

燕巖役微官無足比數今返服丘中遂與鹿豕俱矣
尚憶在淮在浙之時獨蒙公教愛若心許鄙生爲可
教愛者及鄙生奔赴未能辭謝蒙又獨賜慰卹不遺
千里至今銘感洪仁無地報酬惟緬仰隆德重望撫
綏全蜀全蜀吏民鼓舞化光行且調元台鼎而大被
海隅也正人君子得時行道豈非斯文之大幸耶此
山林垂白亦願須臾勿絕以觀鴻造者也抱此區區
望青天白雲而不可達茲門生便謹奉狀托其叩申

文集

卷五

早

門下恭上起居略表積心

與王西塘侍御

再辱教音不勝感重竊嘗謬謂文章以明代運唐人
承六朝菁藻而會其文趣故其精著之詩詩斯妙矣
宋人承五代衰微而會以理趣故其精著之詞詞斯
妙矣詩者文之律詞者理之聲故皆可以風也後之
作者多長於規模而短於意趣雖工奚取焉比得睹
鴻製實大會斯肯而入其室故其大篇冲融洵可以
風雖未多屬卷帙即一櫛而備九鼎之珍矣郡守吳
君亦雅好文學欲取書院墨本並本郡刻本總作錄

稿若干篇刊付琬琰仍附鄙俚一跋裝釘成冊呈報

廣布今後學與同志者知所感發固風紀之猷遠也
野人愚慮未明可否輒吐露奉聞志目道中原開十
九今聞林廣文仍撰帝王一篇則其書乃二十等矣
敘語開十九者乞皆更作二十抑又自念衰鄙猥荷
台慈溫純之厚無可報稱但增慙慙公文之便謹狀
叩復並上酒方一通

與林虛溪先生

承道駕蚤發追送弗及撫景春暮坐缺賞心悵然索
何緬想文館多暇亦必興此懷耳及奉翰緘果爾神

文集

卷五

望

契且得聞冠變之因起於內亂此厄似有劫數夫故
假手於人至於善類天必保全如反風滅火自有明
効吾丈當寧心定慮以俟完璧之報矣首夏清和部
便且至道駕定當一來人便謹先狀附承小刻完矣
全仗珠玉之光乃先印十冊及題扇一柄呈覽

與王心菴掌科

明公端服履道光嚴朝著範我鄉邦詩曰高山仰止
景行行止鄙人身不能至心切嚮往之矣曩辱教命
以篤行貞節二傳見委茲事體重大陋劣何堪但嚮
往之心到此尤不能已輒敢勉成然於先公幽光太

大人之貞淑實不能寫其萬一才章有限但汗顏血
指耳明公純德亮采邇其家緒而弘之國功自有太
史氏記之亦奚待於野人之觀縷耶蓋澁不敢露呈
以任復覿見促遂難隱默惟亮察

與洪芳洲中丞

明公有隆龐之德汪濊之澤被於行山汾水至今山
增而高水增而深也則其邇鴻之怨思甘棠之愛慕
爲可知矣悠悠此心道遠莫致方極天悵望乃蒙惠
風吹萬無遠而弗届也奉遠書讀嘉集知公款曲之
衷博達之槩細大不遺而宇宙在其手也今主上恭
恭

奏集

卷五

望

默思道惟欲得鴻臣以造太平只須光明俊偉之材
文章禮樂之器如公等數賢布列中外即盛德大業
有不視諸掌乎雖山林岳白亦望此久矣鄙生尚善
飯每日課兒子習句讀學弓裘計優游以卒歲耳郡
中自劇盜勦平犬不夜吠矣想王僉憲翰必謝及之
王生久踴躍末塗今日得奉教承令何其幸也會思
齋公人便謹狀附承觀縷之私言不能盡

與杭州劉望陽

山人與君時之相別二十餘年地之相去四千餘里
雖審其有意無奈阻脩何矣乃於維揚舟中寄我好

昔三復清言備悉遐旨憶君博雅純茂尚爽雲間
日養素湖山之間何殊著作之庭也君子或出或處
惟其是而已矣南衡十洲相次上賓遂使友朋零落
痛當奈何山人苟延迫次濛泥自度青鞋布襪尋盟
兩峯不能不疑然耳承諭王公高士已有書達趙陽
谿款畱山人敬掃室延佇聞其歸興將不可遏且聲
討回字輒亦草草附上畧寫微忱雖書疏往復差解
渴懷然依舊阻脩適以重怛也書不盡言言不盡
意奈何奈何靖節云養真衡茅下庶以善自名惟山
人與君勗之而已五年小稿寄呈覽教向有寄懷詩
文

奏集

卷五

望

杜一篇輒蒙諸公賞和非此一寄示則冥然莫之知
也承教受益夫豈淺哉

與詩人謝四溟

李生再來再得公教音知旅邸安和爲慰蓋旅人只
怕無上下之交即有交又恐厭怠聞諸宗恩禮愈
盛而華園浩唱玄館清言疊疊焉愈出愈奇其性情
可知也峒岡公亦時時青盼尤爲可喜此外却有一
說公近日藻思更精詩律更細於老年營魄覺無焦
勞否僕每羨公無米粥之談前人未道果如其言當
信口道出信手拈出不犯思議功德有何不了更須

破除煙火煎熬耳山人無可報德但願公却老延年
故進其說如此高明以爲何如此夜長得秋懷宵談
三種正恨不縮地就正適李生廻帶呈

與馮少洲大參

恭承分函西人則誠幸矣鄙生常此正切蓬鴻之思
乃辱教貺寫懿來之清言寄離緒之懇款拜命承嘉
心魂墮越某常謂至人難遇河清靡期明公主盟斯
道冠冕人文貞德保釐光表惠乎晉鄙之人薰德而
化式弘且多某竟以衰庸自廢親炙白首無門何益
悲歎也倘某不濫先朝露猶欲待明公再撫晉疆庶
奏集

雜五

四

俾幽渺或昇景桑榆耳評旋敘謝不宣

與陳抑亭中丞

恭承節鉞鎮後南荒實惟資重經綸仰緩弘濟今元
臣雅望文德懿衷威惠兼至明允茂昭如我公者能
復幾何晉鄙生懷戀舊恩喜聞新命殊切願仰無
便輟緘乃容慈存記不遺萬里去歲劉太參來言
見昇翰其說今李思簡來又致翰簡珍林之賜有
漏丹砂已自難得况復陶鑄成器分情仙品
王不得尋美於前矣鄙生九叩首登
狀附謝

與程靜泉憲長

某自錫羽分飛由泛梗以至捨榆荏苒逾三十載想
我同明適霄壤殊塗雖神交不遐而迹固遠矣乃知
昔人伐木停雲之詠非無感而作也客歲聞公當移
總憲司知世道轉移元臣登敘在此一行又私幸友
朋零落之餘在晉之野尚有微生得躬被我公清問
之惠鴻化之光亦一勝事然駕久不至願望殊深昨
承山公見示上黨奉晤之律始知閩省吏民欣承榮
蒞某此時方圖奏記乃已辱賜問仰聆金玉之章兼
叨幣帛之貺極知盛德大誼存舊之厚待物之宏如
此感激何可云喻某月餘病清風穆如遂覺沈疴之
脫體也

奏集

雜五

四

與王西瀛年丈

日久不得東信此中僻寂亦無便奉書正深懷想適
辱教音感慰殊極憲駕久淹視司馬安一歲九遷誠
謂之拙然爲子以考最速顯揚之實爲臣以久任成
循良之美安知拙者之無効耶所貴乎君子之道盡
其在已而已矣目前遲速非可以繫其中也芳洲公
極重我公亦是此公精鑒亮懷與世俗殊也仍寄念
鄙生無可報德煩公會問一遺弟感激之私耳賢即

卜十五日赴試矣必登高選無勞遠念芳洲公許賜敘未遑又云已得石洲之作未知何時可並發來亦可望而不可必也

再與洪芳洲中丞

東方人來辱賜書賜衣其溫款之仁綢繆之義厚矣然處高位不遺傾蓋之餘在遠道猶存一室之雅自是大聖周公孔子之事顧迂賤其何可當拜命承風惟有縷刻向呈鄙俚之作輒辱許賜然壇一語又微得石洲君之好辭如是則荆棘而被慶雲之惠瓦礫而蒙冠玉之光即溘先朝露無悔矣延脰末梢可勝

奏集

無卷五

望

觀縷耶公名世大業與日俱升與時俱泰有非山人所能掄揚其萬一者然仰泰山而攀陟之未緣望蓬海而窺睽之叵測則區區無已之情也東人迺先狀申謝

與沁州張清源

鄙生當離索之秋辱公千里命駕兩歲再及感服高誼至今未能往謝慙負門墻何可勝罪蒙不彼愚陋以大製四編見教兼令校敘綠宏詞與音未易窺測及生蓬心井鑑無一日靜定之休是以丹鉛雖具勘贊久稽日來病起覺有心緒遂擅恣評點借為敘說

中間有一字一句一韻礙澁可換者仍乞斟酌去須選善書者另謄一冊仔細看過方可付梓小敘誠不足為重但博笑耳

與王龍岡太守

恭承榮上未展賀忱翻辱遠教豐貺存記犬馬之辰西瀛來又辱教書試錄之惠當寂寞之苦空得親戚之情話感慰可知矣北虜破石至汾八日方退潞燒殺掠慘不可言庸閣撫臣姦頑將士先事既不能哨探隄防臨事又不能堵截援掠坐視危亡漠不休戚鄉民平日好勇鬪恨不勝杯酒片言之憤及聞虜至

奏集

無卷五

望

骨軟魂消至有一壘千數百人死於六七賊之手者其無義氣如此豈天之所廢不可支耶大城四圍幸安堵如故兒婦輩俱各平安今某不知所適矣不知將來事勢何所止極喜公揭日月乘風雲而行自是另等福人也

再與陳抑亭中丞

恭承名世偉賢天受純懿方當光闡大猷遠就鴻業乃中輟台鉉之登蚤赴雲林之適何知幾之神而退流之勇也知今湖山之上添一南華老仙矣回視風塵之中真無物可當鄙生雖齋白待盡然佩恩慕訓

終不敢忘第北虜大犯之餘頗有憂生之嗟耳川背
去汾萬里數荷台慈不遠王青兼之珍貺此情此德
豈浮世所多有耶送李知府人迴曾附狀謝未寄達
否茲送承山公人便謹申狀承候萬福南望飛馳不
勝傾越印得舍育堂錄並薄帕借往承山公清德雅
度乃無故而由此行誠世道艱危日甚一日也達人
思遠垢氛惟怡梓葆真可以自得言不殫情

與郭艮山通政

去歲天假良緣俾幽谷鄙生得見先達彼時菊有黃
華欲攀奉賞心而道駕遙邁殊怏怏俄而胡虜跳梁

文集

卷五

四

寒籬幾壞遂謂我公之行神啓之也經義之傳根極
要領而總乎藝乃萬金不易之寶倘兒輩學得敢悖
淵源耶開舊店周遭多幽林勝宇如房山寺爲最復
多東道迤邐相邀致則老景之適豈羨丹丘之羽人金
門之貴客也鄙生囑翼恨不奮飛往從之游耳

與馬北崖員外

當春陰冷淡意緒無聊之時辱台駕枉臨得敘十七
年睽携之想而山間林下之常物情世態之變亦遂
縱談蓋一歲之中開口而笑者惟此而已何幸何幸
駕復過邁無計攀留方此抱歉更辱翰簡瓊漿之貺

珍梨裁接又得王老妙手實爲荒園添一勝事也種
種道愛中心服之人便附此先謝

與孫思泉大參

明公以待從獻納之賢出守茲藩重於分陝而文命
覃敷金條石畫大見弘濟於艱難又以其餘惠存幽
鄙自是公輔之致廣大精微如此在鄙人悶悽窮岫
病癘巨牀得此問遺政如荆杞而被垂天之雲道暘
而蒙酒心之露耳無德以報但增耿耿鄙人固蔽退
塞終不敢遺价謁書潤授公門區區之私誠有待而
上仰旋先附狀陳意

文集

卷五

五

與栗太行先生

某丁年仰高今垂白殆盡矣晤言之會了不可得賴
神交耳呂山人來蒙見惠得音乃神交之一微也呂
公以四海爲一席而我輩只咫尺千里固是人生相會
之難空言與歎足爲鼓掌呂公冲懷雅致高出塵表
宜爲君子之所樂與也將揚帆東邁遂不可羈因附
信敘謝呈舊稿一編求教

與薛方山先生

某以嘉靖乙卯之歲還山其年得公所寄武林詩卷
於閣中其一念道誼之真久而不渝如此可以振頹

風也舊日東南之羨淪落殆盡喜公挺松栢之茂樹
山斗之瞻吾道之寄斯文之托迷在茲矣鄙生投老
無聞守病待露而已心涯公便遂奉狀聊以寫心

與王鑑川督府

比節鉞經臨枉顧蓬華繼蒙遠賜教書茲又德音拜
界竊念迂賤朽生何以克堪自是台慈仁體萬物德
弘天道謙尊而光如此耳身自擅不討之日久矣
自我公忠庠神武經制萬全遂使其貴子慕義歸順
老酋執叛輸款誓滅板升諸賊奴實為我掃門庭之
寇矣至於市馬進貢乃遠人來服之効時出犒賞不

奏集

卷五

手

過費國家九牛一毛其規他費若何賴公總統方略
省歲防不貲之費以廣儲蓄養鋒銳更令郡縣略倣
唐時府兵之制各積官糧各養民兵則內治有自強
之實外寇不足虞也國家二百年來近歲虜患為劇
乃今天授公明略不煩一箭而成聖朝超古邁今一
大勝事威寧新建不得專羨於前矣二錄序中正要
添此一段所謂鋪張不世之鴻名揚厲無前之偉績
旬內克完附張分守馳獻

再與馬北崖

祖歲方欣良觀修復阻別至今猶有歉懷况值春深

又多伐木鳴鳥之情耶竊聞時人仕者無不得閑
就林間亦不戒忙促則兩失之白首安得三多前略
而猶惜杜錢畱與兒孫奄其已矣他人走榆良可矣
也獨知公是達者推其醉鄉之餘酒足簪叟使擊壤
老人頽山倒海於杏花之天誰之賜也但久策馬一
脚不能不悵然耳

荅宗老雲峰翁

其草木朽腐人也栖遲窮岫緬所高風不遠振承祗
側身東望而已茲辱瑞華專惠遠足寄存何幸如之
常謂漢家禮樂至河間始克脩明得古興不墜今聞

奏集

卷五

至

啟思弘闡六經而尤為秉禮之宗篇翰間作特緒餘
耳聖朝以暇豫待宗盟暇則盤談則息矣惟履道著
書可以無忌比荷勅寵褒豈不為宗表儀哉見壽
圖章即裝潢永以為寶尚計賦一詩從賀

與馮益川憲副

鄙人罷歸作住山道士見人便自退縮十有八年於
茲矣恭承文德鈔公來教慰意章雖時切天雲之望而
私廣自不敢陳乃隱公之洞然可鑒然東問咸
源豐儀雖謂之聖即家雖打株葉生存色可知矣

幸以一日之故爲鉅公所存誠此生之異數也感戰
在臆觀縷眉勝山中紙筆自娛每歲晏輒有數篇茲
往其丁戊巳庚四冊頗微微尚近亦以布思泉公泉
公處亦久稽候也

與王龍池方伯

夏后氏之璜天下之至寶也一旦橫棄道傍在古人
猶爲天下惜之今則誰顧之者然遇不遇時也信哉
呂望伊尹正而遇孔孟正而不遇詭遇獲禽者不正
而遇一朝而獲十狐貉盈車雖免滿乘割鮮染輪飛
毛蔽天遇之又遇矣豈非時哉而伐檀君子固甘心

奏集

卷五

五

水涯耳脩身養性可以自淑吟咏先王之風命酒弄
琴可以自樂優游容與可以卒歲大是別有天地非
人間五柳先生吾師也樂夫天命復奚疑夫樂天者
知命知命者樂天亦惟仁者善弘其事前兩次辱書
銘之心緣秋冬間病面腫牙疼缺焉久不報茲歲闌
申仰德之懷某一歲中賦詩幾百首又草詩話數十
條待開春錄呈乞點定茲不備不恭

上慶成王宗川

古聖賢論學其最大者是帝王之學帝王與書生不
同書生以射策應舉爲務聖帝明王只是常存此心

要與天地之心一般天地之心只是中正仁義故帝
王之學亦只是存此中正仁義之本心而濟之以學
問明義理以養其性情多聞見以廣其聰明攬六藝
之精華迴百家之旨趣親賢友善好禮樂天俾一言
一行足以爲法于家邦其著爲詩文必玉振金聲流
芳於藝苑處富貴而無驕侈之風在高位而有溫恭
之度乃帝王之學也今賢王獻聖仁孝誕膺鴻冊廣
廈之下細旃之上宜益留意於學以永終譽竊計四
書五經性理通鑑乃本朝經筵進講便殿觀覽之書
文章正宗古今韻會唐音李杜等書乃本朝教太子
諸王翰林吉士之書宜各置一部列之玉几但暇則
取玩味必先經書而後子史以次及於詩文詩文所
資必須廣博因檢得事類賦一部其書以一字爲一
篇賦而逐句註解括盡天下之書古人故事一覽無
遺宋太宗取爲禁中日課意今日博文之資莫妙於
此輒封上八冊請每日只看數句積久而成多識也
因上書輒瑣言陳瀆誠恃知遇之隆不敢負義故耳
倘蒙採納不勝至願

奏集

卷五

五

孔文谷集卷之十五終

孔文谷集卷之十六

明經王桐菴先生誄

嘉靖十三年乙未郡明經王桐菴先生諱行仁字愛之年四十有三卒先生直諒貞固君子也敏而嗜學質而少文履道其貧高尚絕俗窮經析理則精微洞徹立誠脩辭則簡確冲融規過廣益篤友敘倫憤世疾邪憂君念國棘園屢蹟蓬戶長倚聽金石之聲知寒士之所養挹芝蘭之氣樂善人之可俱方期東昂之招有待公車之起乃鯢程中止鴻志永徂余於先生貧交而兄事之古人云樂莫樂兮心相知悲莫悲

卷十六

雜卷十六

一

吳南齋集

先生別離嗚呼生猶如此死當奈何余仕時吊墳草之蕪經過十載歸日傷墓木之拱又已廿年思舊興嗟向秀泣山陽之懸補亡敝諫顏延闕栗里之幽其辭曰太鈞陶品翕受弘敷有材必達無莠或逋奈何先生秉命獨殊學超文史道尊典謨飲水自樂談經以娛執規持矩言師行儒朋濡麗澤邦仰亨衢璦璠竟匱不如砥砭昊天如何埤乃毒荼既鞠既疚殄我友于不官不壽山川捨諸惟德無朽惟諫不誣庶其良嗣攸恆永圖

故汾州學正虛溪先生林公誄

先生姓林氏諱大槐字茂德道號虛溪福建莆田人也嘉靖壬子以明經高第舉於鄉歷癸丑丙辰會試不第署汾州學正先生以學有憲乃身為師法藝有極乃身為黼黻教有本乃申六行而懇四維仁心以虛之義氣以鼓之中以立之和以融之量材而授之循序而與之偷懦者俄以奮蔽塞者俄以開固陋者俄以廓沉冥者華暢彊猛者柔嘉不疾而嚴不期而信詩曰載色載笑匪怒伊教然人所稟兼術為難先生則才德文學之並茂揆之衆甫信乎其天民之英傑人倫之表儀者居三年聘浙江主考已未凡三上

卷十六

雜卷十六

二

吳南齋集

不第拜直隸懷遠縣知縣則以經術調政教以文章飾紀綱以恭敏厲功能以愷悌流惠化方當擢異而儼然上賓矣嗚呼先生正志篤行憂深思遠壹以斯道為己任乃跬步未施而遐軌遽輟何其數之迫也汾弟子及諸士大夫聞訃之日莫不為位而哭心悲涕零追惟先生言有壇宇今則虛位之瞻焉行有防表今則遺蹤之想焉余乃披淚而為之誄曰天乎蒼蒼望之不可測其莽茫大化潛易脩短行藏生當變屈死必龍翔先生其天矯八極耶其乘彼白雲遊於帝鄉其御東維為列宿之光為日為月隆隆煌煌為

山之巍巍爲川之洋洋夫神則無不之也而斯人乎
災亡然道尊而位卑德厚而命微抑安能以不永傷

禱雨文

惟神幹襄造化粒我蒸民以風以雨以雷以霆鴻休
罔極惟時之徵今者雷霆絕響風雨愆期蓋三閔月
矣野草不青道殣相望室滿啼饑之兒家垂待哺之
老閭閻悲痛展轉無聊倉廩空虛賑貸莫及其所詹
仰惟神之明是用陳謄敬啟之狀叩額嚇嚇之靈伏
祈開通山澤調理陰陽早施甘澍一洗曠荒非予敢
有私逸惟神其德好生其功陰陽無感弗應無微弗
奏

卷六

卷六

三

再禱雨文

惟神於昭莫茲境內土穀嘉生風雨不置佑啓休祥
消除苗害蒸民允承庶官攸賴比者時雨弗降我稼
未安吏民皇皇屢籲靈壇竊覲神之一鑒澤之一施
植枯槁於既仆扶困餒於已疲乃今旱益太甚民益
無聊苟可以卹不敢告勞奈何心雖勞而力有限人
事邇而天道遙惟神明聖可以達天惟神靈應可以

係民神今不憫民生無所矣故某等再掃靈場懇
虔祝祈三日而爲霖庶晚田之猶熟過此則九夏將
闌一苗弗植此邦之民靡有遺子是神不我憫也神
不我憫惟我有咎斯民何辜謂不保佑於戲民嗷嗷
兮疾呼蘊隆隆兮懽予雲油油兮雨不雨望復望兮
苦復苦惟神其鑒之哉

禱雨告先正文

鄉先生歿而祭於社者其生爲民表而死則神庥乎
故建功立德則法垂乎邦國拯災捍患則能通乎鬼
神足以是也故祀禱必依依焉今九夏不雨兩浙無
禾民貧不免於餓死官空不能以賑貸望雲則西郊
之有海祈雨則百神之靡臨此群公先正之所知也
然而揀災捍患惟其時其等政不足以保民德不能
以格神敢布憂忱用求救于群哲願普威靈早施弘
濟豈惟鄉井之休實二三大夫之大幸也惟神其鑒
之哉

卷六

卷六

四

祭王陽明先生文

惟聖植教惟教闡心學由教迪道以心悅心義云何
厥惟明德上帝降恒三聖守一孟曰良知孔曰不惑
直指旁通異名同出奈何末儒日以支離矜名外蕩

逐利狂馳以富貴爲最計視聖賢爲不可爲姻大道
爲迂闊挾小技而希世資嗚呼人心陷溺聖教乃夷
滄海橫流嚙其砥之恭承先生光表良知揭日月而
行中天振唐虞鄉魯之植於已披道弗墜地文其在
茲某等東西南北之人生不及門私淑未遠于墻斯
依于堂斯踐于紳斯對于貌斯儼何以述規昧且不
顯何以申儀醜酒有衍神其鑒諸佑予狂簡

祭澗石梁方伯文

嗚呼古有哲人性成而善喜怒不形物我無間賢者
稱仁聖人許忠寂寥千載依稀我公儲靈漲海孕秀

祭

祭

五

羅浮瞰思淵蓄溫理川流學綜伊洛志纂伊周明經
上第司馬良籌于藩于臬克剛克柔自閩徂浙時推
右轄尋登左丞勲階茂徵三事翼勵九德浚明冲襟
春穆玄覽秋澄物無弗載時靡有爭朝野推賢吏民
懷惠如日斯仰如蘭斯締奈何一朝奄然長逝嗚呼
昊天曷維其惕殲我寅恭失茲愷悌江湧悲濤堂弄
素總帳焉莫從法然涕淚爰整牲蠶載申哀祭幽明
詎殊神感斯友

祭張襄敏公南川先生文

維帝降衷維民秉德爲性之恒爲物之則稽古哲人

曉斯盡斯學之弗明室是遠而歎也久矣嚙釋其回
貪邪縱妄莫知我哀我公崛起古訓是求精思力踐
匪正弗由立朝徙鎮巨壘廓清忠肅恭懿明允篤誠
誼弗諱利道不計功保我龍德以正以忠策勲拔藻
金石可鑄運緒雖促已永萬年某知公學術可以勵
俗儒罔溺之非知公志業可以愧俗吏貪鄙詐僞之
習知公貞行雅言又足以表正鄉閭也故想像陳詞
以代臨送嗚呼無忝所生寔寧其已高山差我白雲
飢麗

祭潘春谷少參文

祭

祭

六

維靈才高一世心雄萬夫晁賈之策顏孟之儒弱冠
登朝廷尉稱平參藩分陝安定臨涇直方難進舍之
則蔽潔歸猷畝忠懸廟堂令聞令望式昭遐邇屬
弗興一疾遽止於戲先生厥遺匪辰宦不達賢壽不
迨仁爰有佳嗣龍駒鳳雛企其騰陟以廓爾圖徂來
聆訃驚魂路聯今當定安還矣長遠同榜之生合道
之友奚能爲情寄詞隴首

祭李黃巖憲使文

嗚呼蒼蒼弗忍弗遺殲茲鴻哲而止于斯公有令德
復有令儀有才有猷有文有辭明粹廣博沉毅肅寧

積輸鹿炳融渾秀靈射策金門終紫庭推刑執憲
康訪藩屏敷歷廿載終始一節玉振金聲山輝泉潔
道合顯庸位宜上列中路遠遲初服永絕神返其天
人懷其賢悲風四流愁雲遠延我聞我悼我哀我憐
辦香束帛以卹末情

祭別駕陳環山文

惟靈高朗之姿正直之度博學多聞中閤外著厥德
不回與道其庶抗志雲霄遭時淪獲仕籍晚通郡僚
初署東帶俯仰珮玉趨步浩氣鬱紆歸心猶豫決事
齋居引疾投蹤未遂秋風忽委朝露宦不達才德靡

奏集

卷六

七

延數天問悠遺人胡悲訴旅櫬載旋佳城于赴兒僕
哀號間井攀慕其等共服仁賢同承禮顧緇衣徒詠
素車莫駐酌酒春郊含情烟樹冀公清明省予忱悽

祭楊七嶺先生文

惟公與余同長冀南公名先著余乃後驂憶未識公
高山仰之因迴王屋始覽光儀君子既瞻我心則慰
公情景孚亦喜斯會置酒郊亭以讌以歌飛鴻在望
朱弦孔和竭來九載音塵寂如抱關隨牒與子同車
裁一再見幽明已殊念子貞良嘉樂豈弟宜保天休
而克永世德浮于官壽不以仁淒涼虛館誰爲子親

余忝岳牧不能周卹送子將歸佇立以泣靈輅東返
河水秋橫滔滔之咽局其有平公弭立中玄冥冥矣
保爾後昆俾之興矣我心繁憂言莫之殫臨風酌公
悵焉以消

祭總督王石岡文

惟靈惇懿天授鴻朗世資其德克類厥才允宜柔嘉
惠直膺敏翁施策于上第揚于清時經術令望儒宗
淑儀踐履華要臺省茂熙式奮爾庸天衢是馳桓桓
司馬秩秩邦憲開府臨戎承帝之眷忠忱肅將嚴簡
謀選屈彼群醜綏伊遐甸弗震弗虞以溫以晏績以

奏集

卷六

八

貞收師無舛戰士嬉馬騰吏脩民便六載之功三陟
用康皇心鑒微申錫寵光朱芾帶玉崇階保衡榮祿
膺膺敷名煌煌式輝鼎鉉載表彝常即其人願與其
天福永膺難老百齡猶促胡不愍遠遽奪之速營緯
示占里春罷築精練有嚴音容莫屬哀哉云亡運也
攸慶某等觀德稟度詠威沐膏山頌棟折悲零怛切
臨水送歸逝者其涵何以述行陳詞且謠何以奏格
剏牲醴醑晝夜爰阻精誠實昭來斯歆斯我蘋我蕭

祭慶成安穆王文

繫高皇之七世曾宗子之維城奕載德之克紹停元

允之茂明軌姬文之安膳燭河獻之典刑涉藝林之
芳潤斫翰藻之精英琬琰銀鈎之妙琳瑯金薤之奇
言無微而不究理有與而必窺極萬象之包羅貞百
行之委蛇易讚黃中之美詩稱朱節之宜年彌高而
德邵帝冊命之寵旃守河山之帶礪襲珪組之蟬聯
志謙冲而質畏躬儉素而廣淵繹倚相規申之語欣
武公抑戒之篇睦群宗而有惠有儀懲弗類而無黨
無偏昭哉王度之肅允矣藩服之良胡昊天之失慙
東咸池之景光帝聞之而悲悼優卹典而謚揚實生
榮而死哀矧嗣世之發祥維孝孫之敷聖率乃祖之

祭集

卷十六

九

祭貞敷先生馮公文

惟皇降懿民受以生彊毅正直明允篤誠我觀衆甫
亦鮮克由於惟先生時乃懋脩先生之道剛貞是持
不屈於物不諛於時先生之才英邁膚敏大受則勝
弘敷則盡先生之學經史博通文情理路合一冲融
先生之教以禮爲先正容謹節少長不愆先生隱若

以經以鉅敦仁履義式表鄉閭先生教授成已成物
孫子振振生徒屹屹或登于第或勸于庠或紆華綬
或緝金章皆出模範悉資陶冶林苑桂間蹊成李下
先生惻款廊廟江湖卜築西山老我素儒無位而尊
無爵而貴彌壽而康骨福攸暨奈何弗翹圯此良木
失我所依云胡不哭丹旌在望總帷以飄畫像雖即
營魂可招其等陳牲醑醑申之謀辭薄言餞之生悲
死離形則寔矣神當旁燭歸來歸來如彼曙旭

祭王母太安人張氏文

在昔孟母育賢命世尹母育賢以善養志二母之休

祭集

卷十六

十

垂照兩儀後有作者誰其繼之曰惟安人配德貞固
節凜冰霜庭分玉樹招延師友綜史博書鴻衡黼黻
龍馬出圖郡邑庠序矢其文德成均司徒其儀靡忒
毋以子貴子由母賢徽音克紹規古有妍慈明康壽
乘彼化遷生順歿寧安人允焉茲其返真宅於玄室
永阻青春長辭白日臨岐望送嚆不殞傷余亦悲止
醑言以將

祭趙母太安人田氏文

於鑠顯母純稟淑靈柔嘉維則慈惠以貞德門之子
文儒之妹恭君之配名卿之母克孝克敬克順克儉

維壺之宜維天之倪維帝眷祥載錫之慶誕育賢
俾弘文命爲珪爲璋爲龍爲光邑錦雙製天功代興
嚴嚴司冠允允司徒帝曰嘉止申命荐敷封綸溫如
褒袞煥乎子德毋成毋名子揚慈孝相禪福祿以昌
宜克長世永保大年奄忽遐馭胡不愍焉恒數百齡
毋有其八民生萬善毋有餘烈生榮死哀群聖一轍
存順殁寧千古一訣瞻望弗及曷知我悲薄言酌之
以寫我私

祭兩湖蕭方伯文

嗚呼生之有死其誰不然顧死而可惜於公則有四

祭集

祭集

焉公之才當大有所爲公之志當遠有所就公之氣
常不屈於物公之行每特立於衆矯矯鍾鍾鷹揚虎
視有憤嫉一世之心隘狹四海之意即其環球固陸
子所謂士之豪也倘天有假年人無僭顧則積德建
功當必有見然忽身先朝露事委秋草如棟斯傾如
瀾斯倒是力之制於命也豈不惜哉嗚呼命乎玄且
幽乎疆弗能抗巧能謀乎脩以聽乎盡而正乎終
令乎惟德盛乎公之已乎其如是乎某等念當日之
相携悵一旦之永絕越水咽以悲流楚雲黯其愁結
有酒空清有銷徒潔詞慙生諫情傷死別

祭土地神文

惟神秉中氣於五行敦厚德於庶類無天地不賴其
主宰無一物不蒙其保佑今脩樂壽園成敢忘神惠
特造室選辰奉神爲司園之主園有屋宇門墻花木
果蔬鷄犬人煙井泉道路爲事頗多俱仰祈靈佑呵
禁不祥助施嘉氣令百事安和群品昌茂俾林下放
臣得享清平之福得以朔望時節長奉香火祀奠以
答神庥寔神人相與憑也是用祭告自今伊始神其
鑒予載安斯宇

祭友人文

祭集

祭集

主

惟靈發源晉水挺秀遼陽植德純粹履道正方學寔
鄒魯儒步朱張屢舉不第戢翰以翔臨豐振玉兩邑
奉揚擢居王侍如賈在梁道德仁義禮樂文章日陳
王所莊敬毅彊王每不夷公輔不僵忠憤伊鬱疾疢
云亡曷維其已塞塞用光三嗣繼述肯構肯堂武宣
垣塞文顯宮墻篤公之慶以衍則長死而不朽如陵
如岡某等忝同宗派陳此瓣香木木之恩終焉永傷
祭李荆陽大參文
憶公初夏卧病省齋謂當勿藥憂蠲喜借曷醫匪良
淹辰屢浹六月徂暑載震載愾疾疏既上溫留靡從

胃從炎熱駕言歸東群僚祖之不復能飲扶拜登車
丁寧起寢家園之樂茹必保和俾來無書覆虞有他
天根脫木嚴霜應駟凄其計聞悲其總至嗟嗟令人
明允恪恭孝友敦備文儀肅雍右秩履道左遷坦而
思不出位行乃惠時州郡稱良臺省讚直學泳源淵
辭踐閭闔何位不詣何壽不膺乃斯乃齊德之無徵
悠悠鴻造冉冉化遷安知逝者非然而然嗚呼生而
不淑誰謂其壽死而不朽誰謂其歿昌黎斯言頗類
齊物寄言歌之聊以代哭

祭張母馮氏太老夫人文

文集

卷六

七

於惟夫人載其厚德歸配宜家生賢佐國厥賢惟何
儒服履道纂孔肄周淵思岸造脫輓登階鳴珮珥筆
司直典言予遠汝弼衣繡持斧樹風省方明明御史
夫人之光庭座踐陟憲理寅清秉鉞貞園榆塞底平
再晉再移于寧于固經略總統敦大疆裕內安外攘
文恬武熙自彼鳥獸莫不懾夷中阻連廻履信思順
允復保釐山暉海潤勲繇德峻業以志崇桓桓司馬
夫人之功復有仲嗣競爽連枝敬歷昭懋宣闡敬慈
冊書內榮鼎養滋備胡乃弗須脩其厭棄司馬哀號
待命徂奔墨綬從事忠孝元元凡民有喪匍匐救之

淑媛其隕心何弗馳其等列司有三抱惻惟一言酌
斯敵有飾其舛倬然壽母休穆考終無神不屈吳威
不遺

祭劉母呂氏太老夫人文

文集

卷六

八

天佑純良作之內助篤生淑媛姜姬其庶柔惠貞懿
莊敬孝慈承天之道應地之儀克相夫君齊體合德
脩身正家亮采華國鳴珮省署握符江邦清通簡要
寰海無雙敷文闡憲于藩于宣經略安封如山如川
赫赫司徒桓桓司馬人物權衡文章風雅帝心簡重
曰惟碩臣馳封錫類嘉此令嬪於惟夫人既多受祉
官雖廟度睦嫺仁禮女有四德溫其萃焉斯其必壽
胡不永年悲之如何賢哉殄瘁騰底帝恩閭里泣惠
居諸迅邁窈窕遄臻歲云既晏迹誠已陳其等風聞
賢善其感悲零送歸酌止舛來其寧

孔文公集卷之十六終



孔文谷續集目錄

卷一

序

送鎮守省吾紀公陞陝西憲長序

送周鳳池太守陞福州別駕序

送杭玄洲太守致政還山序

呂南東閨臘迎祥卷序

送季北沙貳守陞僉憲序

贈郡伯筠亭張公以賢膺獎序

贈郡伯順菴胡公上績序

本集

目錄

玄洲喬公攝還府序

贈宋伴蘆先生通判黃州序

教授呂礪溪先生以賢膺獎序

敘諸生贈言

贈別學正懿泉先生陳公西歸序

五懷倡和集序

一齋趙公壽登七袞序

贈郡伯玄洲杭公尚尚序

贈太守一川吳公入覲序

霍大司馬壽序



贈別駕石舟陳公拂衣東歸序

寶善堂稿序

太霞閒宇集序

蘭玉堂詩集序

卷二

送疊川於公按察湖廣序

送浙江右使曉溪謝公赴河南左轄序

贈居麓艾公入覲拜河南布政右叅議序

謝母太宜人壽序

右方伯鳳岡徐公請告東歸三司贈別序

本集

目錄

送荊陽李公便道上母氏太宜人壽序

賀大中丞樵村賈公巡撫陝西序

馳頌大封君鳳灣靳公壽序

南山獻壽圖序

壽陳母太孺人九十序

贈月空上人功德圓滿序

白雪陽春序

蘆山陳公受御史臺旌獎序

陽城鍾三公翁七十壽序

代諸生贈分守馬公總憲山東序

卷三

贈都運少岳方公入覲序

泮宮獻壽文序

靈石令壽王龍門太守序

贈碧澗來公移守代州序

贈郡博愛山先生西歸序

贈邑侯陳斗垣陟南城兵馬指揮序代霍司馬作

贈王泉陳君擢順天經府序

贈少陂黃公擢守汝州序

晉陽獻壽圖序

文卷續集

目錄

三

望雲祝壽圖序

五葉重光冊序

舍育堂詩錄序

文成公學的序

贈叅知相公華山孫老先生陟憲臺長序

李母太老夫人大年序

澗南李公七十序

北堂獻壽詩序

贈郡博任龍泉公陟深澤學諭序

成趣園詩題辭

卷四

郡史贈言

浮山縣弘脩廟學記

金龍四大王祠記

龍天廟重修記

郡守楮君生祠記

寧武關督府題名記

詩樵先生鄭公墓表

封通奉大夫浙江布政使司右布政使健菴

劉公配贈夫人李氏墓表

文卷續集

目錄

四

楊母太孺人田氏墓誌銘

洛川縣知縣小亭先生楊君墓誌銘

中憲大夫平涼府知府北泉王公墓誌銘

國子監生兌川周君墓誌銘

皇宗南村公暨配淑人戚氏合葬墓誌銘

高陵縣學教諭平川鄭公墓誌銘

乾州知州近山李公暨曹氏合葬墓誌銘

誥封太淑人梁母任氏墓誌銘

資政大夫兵部尚書恩齋先生霍公誄

分守冀南道左叅政濠濱張公創開田渠序

孔文谷續集卷之一

送鎮守省吾紀公陞陝西憲長序

夫監司者國之楨守令之表也守令之於民也親監司之於守令也異分而同情故國以吏民之事付監司監司以職業之修責守令而守令者一以監司之心爲心如是而守吾之職如是而定民之業持而循之其軌易遵信而行之其沛莫禦其初也若畏其臨其成也若執左券而契之何也有以表之也故表正則影直焉理也是以維國之楨也爾其表我冀南者惟省吾公乎公天下之通才卓德也視寇亂之後則

文谷續集

卷一

一

序

防禦之爲急殘破之餘則整葺之爲先然防禦與征繕難兼整葺與休養異致公切於救民審於濟物勞逸之理運用無方是故覽我高城堅於磐石保我遺黎慈於杜母至於飭綱度紀洪纖不渝獎善疾邪舉措咸服則正固剛明之烈也識遠察微知幾其神割劇削紛沍有餘刃則弘敏摩哲之標也笑談樽俎而朗照內閣緩帶臨戎而宏機渙發則又文武之裕也是故二載之間群吏相與勵其職蒸民相與樂其生噫嘻不有以表之孰從而範之故曰表冀南者公也是年癸酉之夏上擢公總憲陝西將去汾汾陽乃開

府之地抑亦猶南國之於召伯東人之於周公也彼於召伯則有甘棠之恩周公則有遵鴻之詠今公之行也吏民能已於頌耶斯爰設祖帳而載輿人之言焉

送周鳳池太守陞福州別駕序

萬曆元年癸酉夏四月鳳池周公出守於汾五閱月而貳於福嘗其行也贈之以言夫贈言古也然而無可言者不如其默也有不容默者言之不可以已也公於是有人不能知之德人不能用之才人不能行之道而余厄言之亦猶夫古之義也公海岳之英而

文谷續集

卷一

二

序

公輔之器也聰明正直而疆固者也醇謹潔白而愷悌者也其蘊積也闕其注錯也當其治辨也精其文理也察其德有如此者而守之乎朴諾不求知故人不能知也大其懷其華袞之司而黼黻文章乎承明之從而論思淵網乎其清廟之薦而珪璋乎其才有如此者而守之乎簿領不求用故人不能用也公初由即署移郡人以爲循次之遷也非所以處公而公處之晏如已而郡後之州州復移之郡人以爲補吏之遷也非所以處公而公處之晏如其視下遷也曰大塊假我以閱歷也視粵之南冀之朔猶門庭也其

道有如此者蓋不求利於行而行無不可故人也
行也此三者與時俗殊矣凡有求者必趨時

緣俗之工巧也君子則不然寧孤立無助終不
於時俗寧踈伏偃蹇終不妄求雖然天生賢俊豈鬱
之使終伏哉凡物之將起者必伏伏必大所起故應
龍泥蟠而天飛而揚光沛澤於天下也公之象以之
公始至時州人皆望見顏色而悅頃承令而悅又頃
蒙化而大悅乃今人人悵然有所失君子曰緇衣之
言好賢也甘棠之言去思也千載一情也余故厄言
之亦猶夫古之義也群公時張組贈離遂取以代車
馬也

卷一

三

章

送杭玄洲太守致政還山序

萬曆二年甲戌之春公以南康判府擢守西河西河
固古名郡今爲汾州云南康佳山水文公講堂在焉
公正潔白之操流愷悌之惠用儒飾吏而治然每挹
巨壺輒欲振衣其上及莅於汾遂果歸言焉汾有山
河之固封建之雄戎馬之重控地數百里帶三屬城
廣土衆民又有監司開府是毗是憑俗負卜商之儒
人秉段干之節其化易陶以公之操之惠誠足坐嘯
而理乃朝上而夕辭凡三狀嘗道乞轉聞於朝即敦

喻不可得留計到官之日自夏徂冬裁八閱月耳其

淵尚所存時人莫之測也昔邵萇容爲官不肯過六
百石陶淵明在官八十餘日解綬賦歸彼皆明止足
之分樂天命而不疑公非若人之儔乎抑公延陵人
先民季子弘退讓於前公生千載之後而有其風歟
不然何浮游塵埃之外矚然泥而不滓也公在郡平
理其去後之思猶足以勵貪懦雖日月不加而遺休
永矣藹藹之饒塞塗盈亭莫不攀翻慷慨泣數行下
僚吏請余記言因敘之以表寅清之徵而著高世之
介

卷一

四

呂甬東閩臚迎祥卷序

夫泰鈞毓靈壇曼網緼爰發間氣是生奇人奇人之
生固與庸衆殊矣夫其經世之奇則調天紀正皇綱
建功名垂竹帛和風雲之會依日月之光其嘉遯之
奇則玩道遺世玄文處幽水鏡萬慮塵芥六合其輪
藻之奇則脫略公卿跌宕文史下乘章句高談名理
揭華群籍之苑振芳百氏之林成一家之言定千古
之事其遊觀之奇則迫狹區中恢廣方外徧龍門之
歷覽畢尚子之周流長嘯高巖朗詠洪川出宇宙凌
霄漢之上夫是四奇皆見鍾於扶輿之淑受賦於

結之醇故形貌與衆同而實神檢之矧別隱顯於已
異而皆卓犖之寡仇然世不恒出代不數人所謂應
間氣而生者故當希有之耳山人呂中父者四明之
幽秀也冲心粹質簡遠清夷賦窮麗則之義詩殫綺
靡之情文炳道德之精筆湧江山之氣儼語珠連妍
譚玉振翰藻既工遊觀兼嗜爾乃翔千仞之高旁覽
德輝測重溟之深超登彼岸轍迹之存幾滿天下光
塵攸屬快觀爭先故貴公倒屣而延上座賢人傾蓋
而定前言謂其盡東南之羨極天人之際必此人也
信余所謂奇人者矣山人覽其之餘蓋三聆余於汾

泰續集

卷一

五

五

上之亭今年甲戌仲秋既望余政七十山人寥雲笈
之章來遂爾以過臘惟臘之閏亦值其祥且山人乃
自嘲曰時來曷遲乎吾生於正德丁丑閏臘之念七
其後臘而不閏至嘉靖乙酉始一逢之丙申再一逢
之今萬曆甲戌又一逢之蓋吾生五十有七而真生
日者四焉時來曷遲乎余笑焉解之自丙申至今蓋
萬有千日而爲初度亦猶夫楚南之樹乎以五百歲
爲春秋蠟堯乎以三千歲爲春秋大椿乎以八千歲
爲春秋靈異之材豈與夫木樛較朝暮哉且閏臘建
春是天道歸餘於終人道履端於始交泰之振會

之運明間氣出奇之一徵矣而易時之遲哉時有
省之良栢臺之俊與諸墨客子卿咸矢詩爲壽山人
亦自詠言余乃著之於篇標曰閏臘迎祥謂纂言者
紀群王之珍也

送季北沙貳守陞僉憲序

外臺分司惟兵憲爲最重駐節之地惟薊鎮爲最重
薊左朔地也外控關塞內屏翰京師軍國之樞而我
紀之會不最重與其總統之爲經制督撫之爲整綏
兵憲布其法調度機宜講畫大議定疑決策兵憲綜
其實閭閻之疾苦行伍之艱虞吏治之淑慝兵憲鑒

泰續集

卷一

六

其弊是宜德達情稽類考衷惟兵憲之能不最重與
銓司每爲地簡才必兼資仁智昭其果毅而老於練
閭誠以仁智則能周果毅則能立練閭則能通斯得
人矣比薊鎮兵憲員缺上用太原府同知北沙季公
以山西按察司僉事補之循薦剡也公始以才名守
隰臨治擢守太原太原治諸郡邑疆圉利害之交損
益之致盤錯之艱幽隱之疑撫按下監司監司借公
處之經公所處必無不達車轍所臨遂遍全省於是
上下遠近皆服公有周知之哲大觀之雅循廉之堅
慈惠之風重鎮之陟良有以也夫鏡皆照而獨言亮

者以其萃九光之秘夫劍皆斷而獨言越者以其出百鍊之精公今闡厥宏蘊神而明之正如此矣往醜虜跳梁戎臣追鋒逐北者一時之事當黠酋內附思患預防慎於苞桑者千載之功若其文經武緯長筭遠猷坐式帷中而清塞外俾畿甸安和流行四域乃主上仄席之懷當寧之意公其懋哉盛哉同官李公喬公王公張公皆夙昔公義贈言以重其行余敬敘述之焉

贈郡伯筠亭張公以賢膺獎序

初州守員缺撫臣鄭公請擇才補之若曰汾之爲州

文卷續集

卷一

七

也居冀南之要帶三屬城幅員幾五百里土廣民衆有藩服之封戎馬之寄賦役之會簿領之叢而又有監司臨之部署委之諸所事事不一而足倘析理不精則錯爲義不勇則弛持法不允則刻秉度不弘則偏即得循敏寬仁之吏一人於要地焉何有乃太宰用筠亭公公尹鄉寧終三年行此四德誠自其已試之効而徵之公到官劑量宰割悉中肯綮稱物順施猶以輕車而踐熟路纔五閱月而百務興矣其最較著則府史肅其清裁胥徒凜其切責滯振於理繩急緩濟於調瑟撫臣聞而獎之重得人也臯陶之謨

曰在知人在安民夫能安民則惟其人矣因民之安以卜其人之賢不曰知乎知人者君之道安民者臣之職君子修身以俟時惻其民之不獲以思又非有求於知也然不見知則志不行譬騏驥千里遇良樂則至不過則伏於策之不已蹶於絙之太長是故管樂振采於桓昭董賈潛光於弘勃何也信於所知詘於所不知也今公故遇之矣遇之則可以安其位安之則可以利於用故志得行也公守專城正如大將統百萬之師先按轡徐行部署行伍定之節制又如醫師用藥察其脉之病否芝朮以養其元烏附以攻

文卷續集

卷一

八

其弊又如工師料木令長短小大悉就繩墨使其揮腫拳曲而不中者置之吾驟見驕貴者戢以禮也亦騎者嬉以騰也輸之均也監之弭也繁之約也劇之易也士修業民恬生也昔黃霸布寬和於潁川龔遂昭恩信於渤海亦如斯而已故志得行也或曰必若所云大矣美矣奚貴一獎爲是又不然蓋御才有獎薦建功有初成獎所以勵其初薦所以表其成公以其成功炳之閭閻之下登之廟堂之上豈誣也哉臨當展禮僚案稱慶野史氏記言以闡令猷

贈郡伯順菴胡公上績序

先王建官惟賢稽三年之政而賢益徵第上績如漢
史稱河南守吳公治行爲天下第一云今則有平陽
守胡公公之守平陽也端本正初以有成也其郡三
河之首其屬城三十六其視聽不殊其精神流通下
車令曰吾聞之賈生牧民之道安之而已夫生有資
也居有業也民奚而不安也或擾之則不安易慎去
其擾乎錢穀甲兵獄訟之事簿書期會之間功令之
司非政之本也我不敢多事我不敢有疑貳縣之於
州州之於府一體也其圖之於是列屬遵軌較若畫
一蓋暮月而可三年而成焉何也安擾之辨明而舉

文苑集

卷一

九

錯當也時事好奇立異矜高刻深輕改作而厭因循
多議論而少誠實其勢若操危柱之瑟小絃將必絕
焉若東野畢之御良馬將必佚焉夫使人汲汲乎鯁
鯁乎其誰曰不擾先王議事以制不爲刑辟傷煩也
罔遠道以千百姓之譽罔拂百姓以從己之欲惡矯
也風林無寧翼端水無縱鱗憂亂也公所謂擾之者
以此誠推本乎其言之也夫泰山之石積澗可穿龍
門之砥柱橫流磨之而不磷天道不以人之惡寒而
輟其冬君子不以時事之紛拏而易其守我不擾而
民自安正其本清其源而萬事理公所謂安之者以

此非徒言之實又蹈之矣汾州守張侯前尹卿寧爲
我言公之賢巨純稟懿衷冲粹廣淵包含豐美孚尹
圓融其賢也備揚紘紀淵飾采章昭回天經舒廣國
華其賢也惠嚮平理強教悅安條風濯俗敦敏廉清
其賢也履道循性樂善同人言中典謨行成儀矩其
賢也此目擊之言故詳矣臯陶陳知人安民之謨曰
亦行有九德亦言其人有德比古絜今公其以之公
出守先雲中重攘外及虜屈而擢河東又爲安內重
其繫天下之望久矣報績之行群衆贈言張侯屬余
敘其事夫問大夫之政於野野史能言之若其懋官
以酬德懋賞以崇有功則大廷之典也

文苑集

卷一

十

章

玄洲喬公攝郡還府序

君子正民以經議事以制所以法天之明因地之宜
本人之情該物之理是以上無逆施下有順應而政
平焉比總統方略之臣則不然遠經以下情之舉拂
民以從己之制行霸道於遠矣其尚墨法於禮樂
之邦名爲寬民而實違民以擾害爲節則而實不省
用財之費於是公門之事有明而司存掣肘難運至
於輿騶僕從祭祀軍實無不減削大戶庫役政委別
而矜矯枉之能滋過直之弊遂使長吏無漢官之儀

明時失周禮之度土守思去民僞日繁刻薄之風行
中和之頌息矣蓋經制本自平壹而好名喜事之人
日起而紛之譬木偶土型朝刊夕剔頻洗數刷有不
壞乎閭閻之庶冠帶之倫望促柱之改絃思亂繩之
一理得我玄洲喬公攝行郡事暮月而可方將撥苦
霧於青天布陽春於白日與民更始而代者至吏民
遑遑懷戀遵鴻公實純心亮節黼黻珪璋匡時之俊
良輔世之名德其去此而陟臺省之巍膺經略之寄
庶燮諧樞宇弘濟艱難先及晉鄙之元元復睹先王
之經制或人有所願天必從之哉汾同知綸等恭陳

文卷集

卷一

十一

章

祖帳申以贈言

贈宋伴蘆先生通判黃州序

天子於大郡置守貳之臣以奠邦國若通判者於郡
事靡不關決也必其人才有德焉而後可以弘贊襄
廣忠益學有文焉而後可以美敷陳光潤飾蓋不徒
解詁經訓明習法令而已昔者子游子夏皆有才
德獨以文學名聖人之門誠學以廣才文以經德以
故游之武城尚絃誦而修禮樂夏之莒父畧近小而
圖遠大非其道與若二子之於天下可也比黃州府
通判員缺適調我學正宋伴蘆先生補之先生有敏

碩之才愷悌之德自起家賢科通仕籍出入文學之
林政事之司者十有餘年則閱歷之甚深操履之甚
信淹貫之甚詳綜理之甚悉其於判也何有先生之
教人也敬以寬其與物也和以厚敬以寬故弟子日
入其薰陶而其興也勃焉和以厚故僚案皆愛署邑
皆見思其於判也何有除書既下太守聞而迎之喜
其良佐之來也夫題輿以待仲舉解佩而贈休徵茲
非其時哉漢世稱盛得人及推儒雅則公孫弘弘豈
游夏之匹乎直亦遇其時耳今先生當弘之時而有
游夏之實其之大郡猶駕輕車就熟路按轡徐行第
駸駸不已必至天之衢也茲文旆將發聘主考陝西
鄉試稱品藻得儔十月還汾始南邁官僚及弟子送
者藹藹依依因請余爲紀其行時余亦與供祖帳斯
序之如此

文卷集

卷一

十一

章

教授呂礪溪先生以賢膺獎序

礪溪先生文學直諒之君子也昔者夫子之論友曰
友直友諒友多聞益矣多聞者文學之謂也班史載
董仲舒司馬相如王褒劉向楊雄爲古之益友以其
直諒而多聞豈非君子哉其若人乎及觀當時如柳
下惠爲最和矣而猶見絀於魯漢之五賢皆不甚達

獨以文學雍容述作侍從之間其不能曲學以阿世明矣是故董子下邳劉生不調天人之謨山陵之戒至今可表焉是蓋文學強可以置身直諒終難於取位勢也屈於不知已而伸於知己時也君子一遜之而已礪溪先生呂公始以經術宏深策第京闈尋以剛明彊毅分符劇邑一時稱彬彬文質君子而先生為之右已而左官屬文司故一主盟紹庠再遷相王國夫洪鐘發難斧藻運轂與考禮正刑輔匡藩維翊戴王室其事當不減於治邑而邑顧不容鄉校譏評之所宗黨怨瀆之叢部使行縣又往往茂桓袞而輕

敘諸生贈言

君侯鳳池公之南邁也郊寮祖帳史紀贈言諸生仲奇等請曰夫子之於諸生也治之而教之治之其義重教之其恩深則何以報之德而贈之行乎曰以善夫君以忠望臣則臣報之以忠親以孝望子則子報之以孝師帥以善望諸生則諸生亦以善報之而已矣吾見公之治也廉制而寬和慈惠而恭儉淑慝明刑賞當諸生觀是而有得乎公之教也陳之德藝躬之表儀牖之黼黻文章諸生承是而有得乎夫人不善甚者率以其昏昧放逸故先師語子貢為仁之道曰事其大夫之賢者誠有位以臨之則肅之而收斂之心生焉格之而明覺之心生焉收斂則可以祛放逸之習明覺則可以消昏昧之氣由是可以進於仁今諸生事夫子之日多其進於仁者幾也有一於是即可以報公之德而贈之行况君子樂善好取諸人以為善未有聞善言而不嘉納者乃為詩三章付諸生令五六六七吹笙雅歌奉爵上壽九頓首祖道庶神之聽之介以景福其詩曰太上立隆以為民極我其受之是為懿德有清則昏有擾則靜鮮克自由繼不為德不有天民孰開我塞使司牧之惟帝之力文命覃敷式和民則明明司牧淵允篤誠式綏我邦爰

啓我後生根道核藝運規正衡古訓是迪大猷是程
月講時校我邁而征庶幾夙夜以廣國禎帝惠南服
咨此俊賢爰蒞海邦于藩于宜四牡既駕則莫我延
何以贈之珊瑚玉鞭何以望之旭日載旋載旋載陟
鴻飛戾天以佐天子天子萬年

贈別學正懿泉先生陳公西歸序

天授人以茂又之能而格於用是錫命有弗融也惟
善自寬者能處之嘗觀潛龍之爻時舍也羣鳳之歎
時遠也考槃之寬時止也止而寬則其視用舍行違
猶適然耳汾學正懿泉先生關西之俊儒也少負奇

文名續集

卷一

五

章

氣蘊鴻畧期射策甲乙可拾芥致顧終不遇於有司
乃俛就學職得真定府學訓導龔璽五載挺然自以
興禮教貞士習爲已任不若他師默塞縻廩而已歸
是多士皆丕丕中規郡太守品藻郡屬獨表先生賢
於人遠撫按監司並騰書嘉獎因委署高密無極鄙
城三邑所到皆見振刷蓋以儒飾吏類非庸俗之所
能爲昔繇是以才美著名燕趙之間尋遷蠡縣學教
諭乃有專而教益隆矣嘗移以署縣治益高歷三載
爲萬曆元年遷我汾州學正汾士人得先生如擣搥
之就斧斤巧埴之就繩墨也而先生興禮教正士習

隨事而發因材而施未嘗不三致意焉繇是頽庸

立因循者作廉耻之道彰長幼之序秩其諸廢墜胥
然漸而舉也郡縣咸欲得先生久任以成其化撫按
監司咸欲廣先生以民社之寄而尚書省以考績報
罷矣報至罔不駭愕先生無戚戚容即日策蹇西歸
曰青甌我家故物也登山臨水坐臥卷舒可以自由
誰知失意之時是吾得志之日耶君子曰先生信可
謂善自寬矣然名爲考績實失一茂又而不知也即
冷職可以輕棄如禮樂教化何蓋忽之也忽之弊有
二以庠序爲老儒之鋪舍惟其淹泊不惟其拔擢一

文名續集

卷一

六

也旅進旅退惟其歲月久近不惟其賢否二也要之
亦賢者之命也非自寬其孰能道之於時僚案與諸
生皆攀援顧戀而不忍釋余敬爲敘述以慰其行焉

五懷倡和集序

夫高山景行勤嚮往之恩蒼葭白露切游泗之想云
其懷矣豈伊異人蓋理有感於深情聲相應於同調
古之所謂好德之真者乎故室邇人遠則咫尺而銜
千里之嗟跡畱神往則遼邐而存一室之情或托琴
以通精誠或長誦以舒興寄皆脫畧形塵之外齊契
泰宇之間我思古人實獲我心有林臯君者神明之

胃而宗家之華也乃其廢哲冲融粹精沈明言鏗金石道美珪璋盤彼岸而高觀臨逝川而遐覽歎知德之寡儔慕同心而獨往時有玉牒名流桐封雅望挾藻潞子之墟振筆梁王之邸潯光姑射之陽煥章東海之濱皆神交道合走尺素於蒲東訊丈人於河上藹藹芝蘭之氣盈盈雲漢之光而林臯君作五懷詩穆如清風矣夫人未有不情而無懷者懷居非美士之操懷利多細人之臆惟懷德則天之人也天之人者彝倫之冠冕文章之領袖邱壘而不滓冥寥廓而無閼者也林臯君以之

卷一

七

一齋趙公壽登七表序

夫壽者天地之元氣也人所禀元氣純固故多壽然又在乎養之有道余觀洪範禍徵言富壽康寧皆福也而壽為大康寧者壽之致也富者康寧之致也豈非惟富可以養壽乎且高年之人非香美甘脆之食弗飽也非純綿麗密之衣弗煖也非一體至柔之氣不足以補其形非同類至真之味不足以補其精必一足於財則四者可以兼達故愁苦不作於心資用不缺於體優游康寧而元氣純固矣貧困之人凍餒猶不能免則戕其性命不得以終其天年者衆也故

惟富可以致康寧惟康寧可以致壽一齋趙公以人甲戌壽登七十賀客皆登堂具羔酒相慶而不知福壽康寧為天下之全福公實得之天下之全福人也抑又有福中之福則賢孝之嗣一姻締椒房一蜚英國學皆醇謹溫良問安視膳朝夕匪懈承顏順志一出言舉足而不敢忘此其善事善養益有以致其康寧信哉其福中之福也余與公有松蘿之好又同歲至較其福則遠不及公蓋宦而不尊祿而不富育子而學未成頭童齒豁行用杖拜用扶體不勝衣食不賺口其所以克其飽煖與氣味者十索而九空雖殘喘之苟延非康寧有福之人也是為遠不及公今公第飲酒高會以需萬年

卷一

七

贈邦伯玄洲杭公高尚序

余觀古之君子難進而易退今則不然進易而退難其甚也知進而不知退是以津濟多蹇濡之夫林谷罕高蹈之士有能自拔於浮沉者天下之智勇人也今見其人其玄洲公乎夫汾大州也太守尊官也諸問津者汲汲焉恒苦不值公特以明經異等見擢其匡時之器長人之畧固足以將之而文德懿衷精識雅裁尤足以潤色鴻猷揚厲儒績乃藟然棄去如剖

長惟其潔身之志思遠垢氛違時之行終難詭遁
斯一往奔詣無少恡情是能察幾於早見決策於果
行其處智勇可謂兼之亦有薦紳先生抗志澡濯雖
身在魏闕而神留巖阿羨魯連芥千金而不睚於陵
仲子辭楚三公爲人灌園及自爲之或不免於低徊
其視公爲何如至於澳忍污穢齋咨涕洟於去畱之
間者視公奚啻霄壤公于是不可及矣臨當祖道諸
士大夫乞言以識其別因畧語之大是語崑華者不
能盡其高也

贈太守一川吳公入覲序

文獻集

卷一

九

嘉靖甲子之冬一川吳公嘗以例入覲大廷僚吏設
祖帳拜送徵外史氏爲文以敘夫今郡守入覲即古
之諸侯述職之禮也孟子曰諸侯朝於天子曰述職
述職者述所事也事勝其任則功令表而錫典彰於
是有明言之試顯庸之擢而不勝者別焉於是朝廷
有尊賢使能之明列辟有賢者在位能者在職之序
乃盛世由之以熙化群又之以而亮采才生其時厥
遇隆矣郡守剖符受事出守專城夙夜循省在爲上
爲德爲下爲民是則事之存也朝夕宣序政惟其平
松惟其理吏惟其稱職民惟其安業是則事之施也

以存乎述事述乎此而已矣一川公之莅郡也恭惠
明之惕田里皆父毋之懷至於盤錯之阻苞孽之姦
催科之節調停之宜罔不制之有方發而皆中揆之
職事事勝其任趨矣今以其能事揚於大廷高洽行
之等崇選署之旌慶元會之昌期効萬年之華祝與
師師穆穆者相揖讓而光輝焉俾環樞門而觀者舉
手加額曰是西河之賢守也其適宜不謬也哉

霍大司馬壽序

文獻集

卷一

十

大司馬霍公自上疏乞還里第順素東山今且六撰
乙亥泰正廿九日爲公六十誕辰朝野誼舊咸先期
奏謁爰展賀私陝州判史某寔閨門懿親首奉觴上
壽余綴之言曰昔有周盛時明良相遇洪演太和融
徹宇宙人秉醇厚之德天眷靈長之福厚德所以莫
那長福所以保躬保躬則元首股肱共享靈長莫那
則宗社神人永綏磐石斯南山之雅曰樂只君子那
家之基言莫那也樂只君子萬壽無期言保躬也莫
那所以頌德保躬所以祈福是故一德允孚天壽平
格古今稱人之壽舉南山自非聖人之傳下之
哉維皇上帝光闡聖朝爲生鴻俊我司馬

應運奮時一若申川佐周毓神維嶽聰明正直淵懿
中和經營四方總統方略典司政本出納綸渙皆爲
國下顧大猷植援崇構建元功於不拔熙天載於罔
極衣冠榮舊德之序竹帛紀名臣之烈所謂國賴其
德以興邦天福之壽以保躬者維今日爲信然者矣
史子其舉南山之章以爲頌云

贈別爲石舟陳公拂衣東歸序

余聞之韓子士之特立獨行適於義乃豪傑之士信
道篤而自知明者也今則見其人焉郡別駕石舟陳
公賦受精純思度淵偉東南之美而神秀之英也積

卷一

卷一

主

學邁德紹世作儒力追古文辭卓然名家若相如之
入室子雲之登堂焉科舉之學號時文曰卑之毋甚
高論公其曲彌高其和彌寡以故連弗利於有司終
不緣俗以爲工詔書招選茂又公則稱首居太學數
載名益著諸學士先生謂宜待詔金馬之門著作承
明之廬墨守之吏所不能廓也已而授汾州別駕自
以不堪吏職投牒東歸當道勉留竟去計到官至去
之日僅三閱月耳夫士之干祿自子張氏至今始求
之惟恐其弗獲既獲則以官爲家惟恐其或去是故
貪競而有所不嫌也洩泄而有所不恤也曷忌諱之

條觸刑辟之網而有所不顧也涓涓者天下皆是也

而誰以易之公獨不然蓋不以物之汶汶汨天正不

以身之皎皎而蒙世俗之塵埃夫珮玉長裾不利走

趨高冠大劔不關僇僕義固有所適也夫義利之際

甚微而行止之幾難決惟智者處此而不疑去之而

不惑惟不疑不惑爲能特立而不以爲異獨行而不

以爲僻故曰豪傑之士信道篤而自知明者也太上

立德其次建功垂綸鼓刀皆能隨世以就功名人間

之世曰豪傑矣抑安知玩道遺世而有斯人耶故余

斷以公爲豪傑之士爲無所待而崛然起也公莅郡

視政兩月稱病一月士人式瞻儀範承聽音旨如鳥

趨鳳淑問平理黎民飲和如渴得泉即行道已有端

矣豈不堪吏職者耶駕言出郊郡公祖饒吏民遮擁

迴鳴鶴於九臯悵白駒於空谷用余宣旨以永去思

云

寶善堂稿序

王國文學書記饒慶成王宗川所著詩三卷成余敘

之王幼孤乃祖安穆王命之學學於鄭氏使就正於

林下之老儒老儒固禁足公府每有謔質率因鄭轉

授無不領畧者志好詩故課詩爲多王讀書有堂余

題曰寶善取楚書惟善以爲寶也斯集詩稱寶善堂
稿云王賡哲懿衷觸理神瑩和粹乎尹垂條結華雖
玄詣有待自其肇機已可覽焉然事有關於諷勸則
片言炳於丹青義有取於化裁則一字重於金璧此
邦君夾輔王室紹聖右文緝熙帝載首善敦族之事
固與持鉛摘紫者殊矣王纂世十葉族屬千門雖麟
趾之祥草出而鳴張之崇間亦有之蓋禮衰於世祿
之厚性成於習染之汚然其明覺之心可感而興也
自王好善群宗亦勉而爲善自王好學群宗亦勉而
爲學自玉琬琰其章群宗有不藻飾其德者乎夫茂

卷一

卷一

卷一

苑長洲閑房清夜縱伐性之斧斤耽迷心之鴟毒孰
愈廣厦之下細旃之上覃思道德恬順性命詠歌先
王之風暢通經之遠旨哉方象形仰鏡而依日月之
光百川學海而望洋向若其興也勃矣是詩之有補
者一也夫富貴與仁義背馳故富貴之府累文儒仁
義之士亦藐王侯假使河間王復出則兩忘之矣故
觀於詩可以知王之志抽金版玉櫃之篇操海上名
山之旨爰稽典則弘廣著述於以潤色皇猷繇此其
選是詩之有補者二也群宗嚮道分理教收誠以一
論十以十論百以百論千俾人人悅詩書而敦禮樂

出垢澤而濯清風是詩之有補者三也天下之事有
一舉而三善者春秋且必書之是故可紀也

太霞閣宇集序

國家以經術養士而不及辭賦以爵祿養宗室而不
及文章非同軒之蓋欲羨於才者因其所及而進乎
其所不及蘭軒君金枝之秀華也不狃隨時好獨好
儒少從儒生學舉子業業成猶童而適越也則改
轍而爲詩爲詩十年而篇什斐然乃自虛以問山人
山人曰可也儒士尚經而少文君尚文而本經顧反
卓於儒矣况又以文章飾富貴乎因把弱管三寸爲
點勘之凡披圖點者皆可膾炙人口時國王稽古右
文群宗風風趨旨欲鑒石索玉剖蚌求珠而蘭軒君
已先得之肆隨和之珍炳然在目矣其才之羨可觀
也君讀書有堂余嘗署曰太霞閣宇茲亦以名其集
云夫詩本乎心者也在心爲志發言爲聲聲成爲文
文有音爲詩故詩以道性情性即心也情即志也情
有喜怒哀樂則詩有懽愉悲怨情正則爲賦爲比爲
興皆正情僻則爲賦爲比爲興皆僻故曰思無邪然
必以養其性情察善惡之幾存其善端緘其不善常
使清明內湛靈穎外敷感物而動實中其聲是故作

卷一

卷一

卷一

周詩者本以綜文而見孝弟之性優柔平中而發者
溫厚之體也錦上花開長空雲起者妙有之用也妙
之又妙者玄之又玄也惟涵養之深者能自得之此
性情之理也洽浪嚴氏曰詩有別趣非關理也蓋未
識夫理生趣趣含理乎

蘭王堂詩集序

萬曆三年文學鄭栢齡等繕寶善堂詩成明年丙子
蘭王堂詩亦成寶善紀賢王之製蘭王則以紀王弟
仲川君之作云周文公之詩曰常棣之華鄂不韡韡
凡今之人莫如兄弟兄矣其是之謂與昌黎氏有言

文卷續集

卷二

王五

文章之作恒發於羈旅草野至若王公貴人氣滿志
得非性能而好之則不暇以爲信斯言也豈必以寒
酸之語爲工乎或有爲而發之王公貴人功光禮樂
德追黎庶顧不暇爲性能而好又不多有如之何其
文也推言其弊始於志氣之衰流於習俗之蕩是故
鐘鼎之室少揖遜之儀章句之門乏黼黻之致燕趙
之士慷慨悲歌鄒魯之生雍容絃誦豈非習之使然
也哉荷變而之道則文矣文者道之華也詩者文之
華也余觀蘭王之作其華之不可掩乎夫道隱於昧
荒於怠喪於傲弊也久矣仲川君則靡又敏以

謙以受之則合乎道日閉戶端居覃研六籍弘攬百
家壘壘若下帷之儒其爲詩類苦吟以其蓄德若淵
真所謂性能而好之者也蓋天挺而濟之學絕埃而
天倪之和行之必至其極矣夫文之興禮之所由舉
也表宗衮者其不在茲乎初君每有所著輒請正於
王王稱善乃錄錄之成卷以考厥成栢齡氏請余爲
敘斯敘之云爾

文卷續集

卷二

又谷續集卷之二

送疊川於公按察湖廣序

疊川於公以布政左叅政分守冀南道三載遷湖廣按察使將發車於汾南適於楚汾之吏民遵道泣留如失所天知州倅等備列公德政與吏民之思公者授簡而屬之言余亦遮留之人也乃矢之言曰公之茲行攬轡宣條握符貞軌惠流江漢之廣德加衡霍之高楚人誠甚幸矣然而奪吾之愛也知之何其弗思夫吹煦寒谷者然後知陽春之德深也弘濟艱難者然後知仁人之利溥也公之德政豈不能悉言之

文編集

卷二

百七

吾舉其大有二焉其安內攘外者乎夫三晉之敝甚矣而汾爲最汾之敝莫大乎內有強宗而外僭驕虜蓋虜孽強威豪惡肆興威劫武斷怙黨賊刑當是時百姓不能安其居長吏不能盡其法事勢瀕瀕人心疑畏蓋不知所止矣自公守臨威惠並布治不數月而綱紀肅然罰不數人而強隱衰弊盡是郡中清寧四境復安堵如故焉此其安內之彰明者也庚子秋高胡馬南犯辛壬相繼益以跳梁當是時州縣騷然不暇籌邊關失守而戰不及施殺人如麻掠奪載道蓋不知所止矣自公守臨文武兼資增城附廓

禁庫郊遠廣選兵戎備器械帑無所費

從縣是匈奴三入而不敢近汾之境追兵一出而尤多斬虜之功焉此其攘外之彰明者也夫內難倥傯昭輯允綏威德也外憂猖獗先備厚防大才也夫惟威德爲能成大下之大業惟大才爲能建天下之遠猷今主上方畏天悲人側席賢佐必欲爲天下安攘微公疇咨吾土其曷能留哉雖楚人於公亦不能久留也祇以積人之思焉而已矣初臺諫交薦公之才德宜處拊循之位振彫陶之紀宰衡猶遲之三年之餘陟之外臺之長豈欲益其才德而愈老乎才耶願

文編集

卷二

三

公崇植迂績以永鴻禧自古勲良孰不映明哲也公當啓節余亦南征道出綿山稅車官舍還顧仁人繹思邈然敬述美宜枕漱之簡冊雖不足彷彿公之威烈抑亦畧布吏民之所懷云耳

送浙江右使晚溪謝公赴河南左轄序

晚溪謝公之旬宣于浙也是爲嘉靖乙巳公下車視事以藩務殷巨姦蠹竊焉郡縣早極千里瀝草塞塗守令坐空文不能卹乃閔然憂懼日夜靡寧于是定令飭弊刪繁舉要剔弊滯整紛撓節器用順物宜採舊害匡困窮守儉而履恭居敬而行簡蓋再踰月而

政有象焉網紀章也于是吏民大悅咸願企其有成忽復陟河南左轄去吏民乃大惜之公初以監察御史按部浙中光聞風猷吏民懷畏其後東觀風齊魯之墟西汾陝而治中總憲河南距由河南而來茲也蓋踰一紀矣故人心思舊德悅新理而又惜其遠邁如此云言邁之辰白露初霜寒氣總至江潭送別朋來悲離何以贈之曰余有言夫先王代天弘化列官資理寄以風猷屬其光闡于是有宣條布憲育德厚生專厥蒞御靜以歲月俾其下視聽審固心志寧一然後群吏仰式而蒸民遵軌罔敢携貳而淑于化是

卷二

三

故官師有相乎天道君上成享乎歲功何也又于其道而天下化成也道之弗久雖美弗宣弗宣耶著又奚化焉故孔子曰苟有用我者暮月而已可也三年有成如有王者必世而後仁蓋思大化而歎其用也今上求治皇皇端理化機而官材辨治雲從林立然宰相擇賢而處恒若寡儔拔德而任猶恐不速而德賢之士又自惜其抱道屢選不得須其化于一方面人心幸遭恩化卒亦不果于成金帝繹之而不得其故茲于晚溪之行竊有視焉蓋緣督之理可以守經主求治緩急之際則人才淹速繫之乃聖人與世推

後之連權也今海內數蓄邊警若臻主上厯拊解之想執政體握髮之忠雖人才彬彬効用信匪虛乏然求英傑于千萬之中固已難矣當是時得一人焉亟而進之龍淵太阿惟上所急庸耳然則晚溪公之陟河藩也亦猶浙之日乎三河之間中國之處而天下之樞也近京邑臨要害即詔而任使揆策建勲如臂運指其勢易備焉假使公深鎮一方令吏稱其職民安其業孰與亮鴻伐以綏遠耶余肆竊有覩焉而知求治之急故用人之難也詩曰申伯之德柔惠且直操此萬邦聞于四國言謝公也實繁大夫之世德焉

卷二

四

公其以之時大叅孫公徵余此言乃取而贈行

贈居麓艾公入覲拜河南布政右叅議序

居麓子僉憲於浙三年用法廉正用威惠均又明習吏治而達於民隱吏以是畏之民以是懷之彬彬然執亮君子矣是歲甲辰當萬國朝正之期例藩臬長吏當率郡縣守令以行行而朝朝而聽部院稽察群吏之治吏治之賢否殿最惟藩臬長言而部院之黜陟幽明亦惟藩臬長言是爲國之大典然必藩臬長惟其人然後吏治之賢否殿最不差部院之黜陟幽明亦不差而吏之不能者去能者初焉賢者用不賢

者遠焉惟是之行也故必藩臬長惟其人當是時藩臬長陞去代者未來而予與二三大夫有專勃又非其人不可行乃共推居麓子率群吏以行至邸果勝其事事訖太宰以子果賢不嘗復去卑濕乃陞授河南布政右叅議居麓子親拜命於朝人盡榮之是時戶部上書畱居麓子以其官住京邸總部河省糧儲計上乃還省中於是居麓子畱京師初居麓子入覲當有贈言覲其歸也而獻之今遂遷且畱則當獻而歸之邸乎二三大夫曰夫行有贈而喜有慶今將慶之矣文谷子于是述二三大夫之意而慶之曰夫君

泰輿集

卷二

五

子脩德勉善孳孳閔晝日以學蚤夜以思惟恐不及及其得也惟恐不行及其行也惟恐不知及其知也惟恐不信及其信也惟恐不用蓋信而不用猶不見信也知而不信猶不見知也行而不知猶不能行也得而不行猶不能得也是故君子疾沒世而名不稱憂終身而道不達雖周公孔孟不能無皇皇然則道之顯庸誠亦難矣今居麓子有行于浙也而人知其賢述職于朝也而人用其能夫觀于用可以知吾之見信焉觀于知可以知吾之能行焉夫君子惠不能行與不能信而子則行道而有得焉矣由是而

之焉孔孟之德周公之業可期也何慶如之詩曰日就月將學有緝熙于光明又曰靖恭爾位正直是與神之聽之式穀與女吾取以爲居麓慶焉

謝毋太宜人壽序

少溪謝子按部於浙之明年是爲嘉靖乙巳毋氏太宜人在堂壽週甲子七齡某月某日寔其誕辰少溪子乃端冕焚香金章綵服清旦北向載拜蹈焉舞焉觴焉祝焉承家慶也荷天祉也於是三司大夫聞之咸賀申以祝辭藩大夫曰吾典方岳淑厚如吾會稽之山者壽憲大夫曰吾象太微執法太微之傍有星

泰輿集

卷二

六

曰發是爲金華之精光恒而如此者壽聞大夫曰吾提兵擐甲鎮淮海滋有如吾三神九玄靈秀而鴻烈者壽時文谷子從文學吏又先世魯人則取魯頌令妻壽毋宜大夫庶士以爲祝也夫少溪子天錫杜家承慶而三大夫咸輔發其賀祝諸吏共稽首賀不謂之宜大夫庶士不信也於是少溪子拜受善言者四則扑而喜曰昔我先齊桓公嘗三受善言而拜之史氏書冊到今以爲巨麗而尚闕四之一也今僕何幸既荷天寵綴錫老毋康彊之日而又辱公等善訓之光昭耀古今增助人子之孝攬義恩繇誠不知所來

自文谷子曰是人理樂天而頌聲起也古之人有
舜之仁者言盛夏之時萬物長遂聖人緣天心助天
喜樂萬物之長遂故舜彈五絃之琴歌南風之詩而
天下治當此之時頌聲作故知頌聲之事樂天之理
也人者物之靈也壽者長之盛也保佑覆育天心也
悠豫和泰天喜也天道普物而好生人道體天而願
壽故詩書頌壽洪範之陳南山之詠皆緣天心取天
喜而作也聖同天也故天心所喜聖人亦喜之也故
聖人樂天今少溪以太宜人之教英明和毅文雅端
平振儒甲科敷教秉刑爲天子法從巡訪之臣而太

宜人安順長年高堂溫晏淑厚光靈仁孝休穆匪戕

匪關克順克諧則既如物遂感當乎天心而喜之矣
錫祉承慶蓋將三光齊而五岳媿也然則緣取以爲
頌者其能已乎故曰人理樂天而頌聲起也謂之樂
天則人心可知矣於是少溪子之學動以天也其
文報太宜人於章丘

右方伯鳳岡徐公請告東還三司贈別序
夫朝廷之士入而不能出山林之士往而不能返是
各執于一隅若聖人則不然可以仕則仕可以止則
止可以久則久可以速則速惟其宜而已矣宜則無

執執則有見於可而無見於不可故進退之際可以
觀智出處之間可以觀仁人情愛榮顯而厭幽約故
濡迹軒冕而止心殆辱者滔滔而是濡迹丘壑而其
心窮餓者蓋任伯一二焉然而山林之士亦已難矣
有能不汲汲于必達不成成於終隱者乎是聖人之
徒也今右方伯鳳岡徐公命世之才有鄰于孟子而
願學之志一祖乎聖人爰用此學光舉制科筮仕維
揚則獄獄乎允晉秩璣闡則忠謹著聞既而宣條布
憲屏翰藩垣綜維教化匡美風俗則英聲茂實歷齊
魯秦晉而皆威焉夫古之君子上不負天子下不負
所學以是通求公其有之矣公自莅右轄位望益近
尊寵每有要缺中外咸見推蓋大官崇階可待而至
公乃偶以微恙輟上疏乞移疾歸里巡撫都御史傅
公巡按御史程公及我諸大夫僉共勉畱不從竟浩
然東歸群公追而送之灞之漘左方伯葛公俾其紀
之而贈之行歸子有言行而宜之大宜者有當于心
無歉於志真見決行我不能止人不能授之謂也今
徐公之行也果不宜而能若是乎夫人無幽顯道在
則爲尊道無方體宜之則爲是古人其上或以版築
而致大位或由釣耒而陟師衡不以爲踰其次或抗

行首陽或降志卑辱或功成拂衣或急流勇退不以爲恥何也宜也假使徐公守資積望由方岳而公孤白首巖廊之下廟堂之上信顯榮矣或一旦嫉毀隱于位高萬害萌于分過則如之何或有待而不來或無求而不得則又如之何今公退而耕于梁宋之間養病立園栖神玄默勿藥之暇課禮兒孫或與野老爭席或彈琴泉石以咏先王之風信幽約矣然寵辱不形喜怖不作得悖葆其天真而厚其壽命則如之何或道不世邈而賢不野遺鶴書赴隴而鳴騶入谷則又如之何一惟宜之而已公願學孔子而有得者

卷二

九

固將無所不可故其乞而歸也宜也行且辟而仕也亦宜也酒三行爲歌白駒之篇而爲之別書以紀之

送荆陽李公便道上母氏太宜人壽序

夫純和之德天所舍也祚胤之慶天所扶也天曷爲舍乎純和哉天王善純和以當其源浚而穆之冲而淵之日與灝灝者游也而灝灝者與之無外也故舍之乎爾舍斯聽聽斯和和斯平故曰神之聽之終和且平舍之至也天曷乎扶乎祚胤哉天主福祚胤以當其蔭益而蓋之鬱而豐之日與明明者熙也而明明者與之無射也故扶之乎爾扶斯保保斯有右斯

命故曰保右命之自天申之扶之至也舍之至者固之極者也扶之至者允植之常者也而埃壙之物無所繫焉當沴之莫從闕闕之無入也人間之世孰不欲自固以順泰化自植以提洪休然而不得其舍則暴露偏側而戾者室相比也是以有淺狹之民不長厚之俗不得其扶則惴惴遑遑而敝者室相比也是以有愁苦之民不得其所之俗斯二者皆天之棄民也亦有不棄於天或德與福違或福不劭德或秉德未大惠或戢福無聲宜觀我同生又豈少哉是以屋有三瓦之遺侯王有孤寡不穀之號言事天也大

卷二

十

參知荆陽李君有母氏曰周太宜人與其先君通參公實咸有恭和慈恩之德當乎天善篤生六子咸集令德歲壬辰乙未戊戌三遇皇上闡運登賢而太宜人六子之內科進一人今三人者皆有周之鳴鳳也夫麟鳳龜龍書記以爲四靈四靈得一即表國禎乃一門而有三焉即太宜人祚胤之慶當乎天福爲邦家之光矣遠矣而三子者方奮庸明功亮采敷懿振珮臺省之間雍容巖廊之上既而伯氏甘棠分陝仲氏銀臺獻納季子化蜀樂職中和實又榮廣惠風競爽無二即太宜人祚胤之慶當乎天福爲邦家之

光信矣明矣太宜人熙樹惇布福於外猶內受三
子之甘旨日觀諸孫之孝悌則都無顧慮而有愉
而庠士子兩人與諸孫之舉於鄉者又皆將振其
毛向朝陽而嚙鳴也而金吾子亦縮銀黃紆朱紫
時効萊綵而舞於庭則太宜人之康豫益以倍
滋其康豫匪福吳備焉而祚之胤之方勿替也
今壽六十有五季夏十八是其誕辰荆陽君當拜表
如京師計其道路與其時日則省觀太宜人而上之
壽便於是三司諸公因便送君咸為太宜人壽余於
君有年家之誼於諸公法君舉之書因抽所知聞歸

文彙集

卷三

七

善於純和表福於祚胤而原本之於天若曰天所苞
植之云爾倘人人可得此樂何世稀有也君至家躬
拜家慶親展終南華嶽之圖矣銀臺君日近紫清必
致天皇玉珮金璫之書重慶君在金馬碧雞之鄉亦
必致丹砂挑竹之獻太宜人目快嘉事耳娛好音德
和光泰慶祚景臻不曰天子善帝錫福吾不信也作
侑觴之詞三章附麗諸孫歌之其詞曰南山兮葱龍
華嶽兮三峰中有不老之樹九天秀出金芙蓉天皇
考寶文元氣兮氤氲中有不老之道躡日景兮凌霞
芬丹砂兮素芝叩竹兮桃枝中有不老之術扶助玉

體永不衰

賀大中丞樵村賈公巡撫陝西序

惟皇誕敷嘉命拊循兆民乃緣俗畫方簡畀元臣俾
總統化裁用惠用威而安之擾之令方內外畢底于
康是書所謂良哉康哉以承明哉之盛者也然方服
所維固莫重於分陝矣今歲拊循大中丞缺皇上命
我左布政使樵村賈公則簡畀之良亦莫尚焉故開
府之日內外咸悅以為民迄用康也惟陝之重東抗
河山之阻南控鄖漢之崑西關巨羗北增疆胡中峙
八郡間樹大藩戎馬之會屏翰之雄而京邑之右臂

文彙集

卷二

七

也然軌物之度取足田廬繇是百姓之供邊者什之
六供藩府者什之四邊多燧藩衍條日有脰月有削
繇是百姓之供邊者六而置其三供藩府者四而置
其二而後民用凋敝吏治之艱難也久矣縣之吏疲
于奔命不得整頓負寡于循理不得保懷黎邊之吏
困于資給不得養壯士習于畏縮不得信遠略而後
陞腹之交散威惠之靡覃然而通變其所宜順其所
樂振刷其所汗立其所隆綜統條貫而經略之則惟
大中丞之為專往公在監司之位篤以惠和宜其廉
哲守以恪恭布其允悌于前所謂吏民之不敘其業

不究心如燭照數計一切恩務保瘡爲之康之
猶患關白懸于撫按柵鑿起于異同何也總統之不
專而尊信殊也今公得專之矣行其所知溥其所未
竟如神禹之行水也而滔滔者安流也如孔子之正
樂也而雅頌各得其所也其不在茲乎夫居弘體毅
君子所以任重而道遠知明處當君子所以贊化而
參儀公自對制策名展案錯事敷歷中外迨三十載
所在惠威聲實誦誦有以也哉夫德心廣大弘也義
用彊直毅也烟物達微明也稱物平施當也公寬而
有容廣以大也間而無競彊以直也察而不苛烟以

奏績集

卷一

七

達也恕而能喻稱以平也兼斯四者以溥化裁惠流
等春澤威行並秋令內蘇息疲敝鼓舞元神外式遏
寇攘大布震疊至蕩瑕滌穢鏡于太清俾官樂其職
民敘其功康彼西維有始有卒行且陟踐衡鼎調燮
化樞以其重者遠者而成其贊參之能真有所謂良
哉康哉以承明哉之盛者固公所素蓄優爲是故悅
之開府之日望之迄康之年群情翕如也三司誼在
舊寅禮嚴新屬宜有贈言以相賀于執事其不敏實
久竚參侍斯儕言敘之云爾

馳頌太封君鳳灣新公壽序

城斬子膺簡命奉璽書重學官功令之明年是嘉
嘉靖辛亥其年十月二十七日當太封君中憲大太
吉安知府鳳灣公壽登七十有二二十五日當太恭
入田氏壽登六十有九偕老協夫婦之和同展會日
月之吉考箕疇以演福先詠南山而稱樂只斯其威
矣兩城子乃東望長懷忻慕徙倚藝香遙祝舉壽卮
加額以語客曰皇天鑒佑不遺下氓用梓家大人齊
壽駢社誕育我兄弟恩斯勤斯詎欲遠遊離膝下哉
令我客秦弟復縮符守潁比且移駕臨汾矣茲昭時
今日垂白高堂之上屬念兒子各天一涯亦必歎嗟

奏績集

卷一

古

矢之爲妄設臨觴之寡棕也而後知南陔之眷戀實
獲我心白華之晨省悠邈莫致是故余情之不勝矣
客解之曰有是哉俞俞否否夫具爾之樂誠足順親
然取樂無方而爲順不一大樂則大順大順則大福
故父子姁姁家人輯輯當歲時伏臘烹葵剥棗割鮮
宰肥陳杯酒相笑驪終老不離一室若士庶人之樂
也然而安田里悅家慶不可謂不順非所喻於福之
大也若卿大夫之行則不然以公善爲樂以顯親爲
順以致和爲福故其所爲道必至驩忻玄通鴻祉熙
洽仁壽泰和物我同域乃所以爲大兩城子伯仲競

英紆銀青佩金紫出庭闌之緒以表秦晉一則陶淵
人文一則康敘民理顯德揚聲光惠流布實用此三
道兩所載我元元含和歸福遐邇一致即太華終南
可駕几席藐姑射之山汾水之陽在座隅矣何謂各
天一涯哉夫太封君淵穆其若廣餘慶以錫類子大
夫華國承家欽時休祝以奉親大樂大順厥福以之
孰愈間里之沾沾也兩城子於是容展意舒集上頌
詞以壽之錄之娛三司大夫聞而頌之其詞曰揚庭
淑顯國領揚三子填虎鳴理洪咆德醇積贊機撲長
義菁六平保元蒸職中和來頌聲介眉壽里龜蒙

文獻

卷三

七

緝選松歌魯公右丞某敘記以爲馳頌之始也

南山獻壽圖序

嘉靖癸丑六月之望劉男太夫人程氏壽登七十有
七厥嗣少參君方握符篆帷撫治漢南不得展稱觴
之奉但爲圖史過寄獻北堂耳時右使胤於劉君有
同滂之誼乃贈之言夫人生之福惟壽而康寧之爲
天然壽繫於天康寧則在人所以養之即壽矣而於
身於子孫者有一之弗若則焦勞困拂之不暇如康
寧何即康且寧矣而非眉壽以承之亦與弗康弗寧
者等乎故兼全之爲難也太夫人慈惠貞淑以飭其

文獻集

卷二

七

南山之獻云耳

壽陳母太孺人九十序

蘆山陳公牧汾之明年爲嘉靖甲寅其年十月六日
爲賢母太孺人九十之辰蘆山乃先期過余語曰老
母慈惠康彊今歲且九十誠自幸甚然遊子不歸久
之奈何蓋某自辭親筮趙再調涑川之繁荐被命守
茲郡條十載餘矣中間省覲之日纔二三次而已老
母但勉恪官不令終處於家如人子之情何人聞之
世福老壽而提子孫今天錫老母高年乃嘉辰吉日
弗見其子躬拜稱壽何官之爲哉古之人不以三公

易一日之養今則大謬不然耳又弗得棄去如人子之情何余於是解之夫親之愛子與子之愛親一也善愛子者以教不以私溺善愛親者以道不以小養故夙興夜寐無忝爾所生者孝之始立身行道揚名於後世以顯父母者孝之終夙夜所求立行所存親之所以爲教也無忝而名揚子之所以爲道也故子之道修則親之教行則親必悅道修則可以悅親昔非世之煦煦睢睢禽犢口體之微而已焉者故孔子以爲卿大夫之孝也初太孺人以恭懿惠和之教教公公敬而服之竟以賢舉鄉以能任秩再命爲大夫

支家集

卷二

七

其在趙與洧者民籍籍頌之若行道於吾汾者有三善政皆覃太孺人之仁蓋以禮正憲而強宗戰焉一也以儉節庸而積冗捐焉二也以簡要御煩而百物敘焉三也今汾四境之內皆畏公如神明親公如父母願公久留吾土以福吾民願太孺人眉壽千老以堅太守之心咸舉手祝天歌令妻壽母宜大夫庶士之詩以相保也即太孺人聞之有不慰且悅乎使公弗格其官不得其民和雖捨而之膝下太孺人將亦不滿於衷矣何也非所以爲教也公身雖在千里而百順之休諸福之應已合通萬感而萃之堂階則

爲立而無忝孝莫大焉何也道之所以行也太孺人姓李氏性至淳厚敬先大夫如賓教其次子政與其庶子清者愛維均也今政彬彬有成德清已納級捐揮矣夫仲季承類以事其親伯子養志以事其君何弗可者太夫人業已受洧川之封矣況人之所欲天之所從者乎故天必眷孝慈以遐福永壽方未已也廬山於是遣使獻太孺人壽而余言報之

贈月空上人功德圓滿序

月空上人住持廬芽山之乾元寺遵其師奇山之業而光大之而其徒從者雲集遂初建二菴在本山曰

支家集

卷二

六

西照在老營堡口對云又念此山是古佛道場歷劫奉法代有其人獨山居岑寂遠臨邊徼教典稀存講誦多闕非所以度皈依之衆闡印度之宗泛覺海之慈航懸智天之朗曜乃飛錫南都告禮秩宗印造大藏經二部一箇本山一貯老營之菴由是嚴龕滿具葉之蘭信俗遠近之瞻實上人心堅冰築志觀烟雲涉水登山餐風味道始於荒野之林有此梵天之勝又以如來妙法具載經函五蘊迷心非茲莫啓故前聖傳音而度世後學因信以明初不由見解何補頑空須資誦說方成證果乃致求善識延請高僧

閱覽玄文搜尋奧旨經六載而告周總萬法而歸一
實觀因文闡教藉顯明幽庶講訓者不謬乎西來諦
聽者允協於東度倘人人信受得令諸苦消沉處處
修持能使一真透露惡緣不造善風流行非但空門
向化遂見比屋可封實上人開山印經扶教之功爲
益弘多今年六月六日爲其功德圓滿之期於時比
丘等衆檀越諸人咸共欣悅勝事共往稱賀有禪僧
大輝與其徒定果道其事之大端乞余爲之言也如
此月空諸眞淨本姓楊氏朔州人也

白雪陽春序

文彙集

卷二

六

白雪陽春卷者蘇寒村大參作之以贈文同陳公之
行也文同公奉天子聖書宣欽恤之令於全陝而全
陝之獄寃焉賴以昭雪幽焉賴以嘘煦者無弗然也
取象於物有白雪陽春之事焉又文同公秉文懿之
衷擅綜纂之智清獻之餘寒開之暇復感物造端風
雅著列其鴻麗藻錄調高絕響時人莫得而續之取
證於古亦白雪陽春之歌乎耶中者也斯一文而有
二義在文同公兼體而互感之斯寒村贈之云爾時
余謬從陝之康使移布政右使樂附諸大夫之後相
與贈公之行其贊衍是義而離之卷中大抵誦美之

詞曲西人歌詠之餘屬和之聲直下里巴人之類
已記公循行西土在嘉靖辛亥而畢事還京在冬春
之交又政白雪陽春之景會也

蘆山陳公受御史臺旌獎序

君子居職守道志勤於愛民事專乎報主因非有慕
乎外者然自得安其位與不得安其位有得行其志
與不得行其志者則又繫乎上之知與不知故易稱
樂則行之憂則違之豈非以樂行爲足知以憂違爲
遜世而不見知者哉古之君也親臣其臣也親民故
官無崇卑天子咸一體之民無遐邇公卿大夫咸一

文彙集

卷三

三

體之故民生之休戚即吾一身之痛癢無弗知也百
官之賢不肖即吾四肢之好惡無弗知也猶天地之
於萬物也爲同仁也後世君尊於天臣卑於地民僻
左於泉君門遠於萬里公卿之門遠於千里監司守
令之門遠於百里蓋勢分遞懸而情分亦沿之矣故
百姓之休戚有不能達之有司庶官之賢否有不能
達之大臣六卿之賢否有不能達之九重者矣是非
今古異宜亦勢之積累而然耳於是天子用耳目之
臣行按部之令察吏民之賢不肖而微之嚴廊之上
以一其情於是居職守道之賢雖不求人知亦未始

不以見知御史之爲過焉蘆山陳公守吾郡三年矣
非爲民之志弗存也非爲國之事弗行也以正疆禦
無備也以撫疲黎無擾也而又聽斷之審宜序之度
焉故求志勤於愛民事專乎報主者宜莫公若也而
御史黃公實容義而周知之乃寅闡憲絃懸旌有德
飾文誥之辭介褒美之意金幣以禮之鐘鼓以樂之
而冠裳之會車馬之同彬彬以相賀者爛公之堂也
三城之屬四境之氓踰踰而來觀者闔公之門也而
公之循良之雅中和之頌雖未易窺述然安位行志
之遇亦畧可表見焉矣郡僚王君等共徵文展慶因
文獻集 卷三 三

敬矢其大端孟子有言居下位不獲乎上民不可得
而治矣獲乎上有道不信乎朋友不獲乎上矣今公
一有喜慶而賓客影響應之其信乎朋友可知也公
有太夫人在堂能以善道崇養其志荷天之休綏以
眉壽則公之所以誠身而悅親者又可知也公勉茲
勤宜行且召公矣昔黃霸王嘉皆治郡吏尋踐司馬
鉉文翁吳公皆以治行照耀古今即如公之賢何往
而不可肩哉故必且召公矣

陽城鍾三公翁七十壽序

嘉靖丙辰之歲春正月十又六日爲前四川憲使三

所事... 莫之已也... 樂之人其拾遺... 以余於鍾翁昔忝同寅... 敘列其事遂走介發書不遠歸心而徵之余於是舉
手机天知皇矣上帝篤佑鴻告至范而茲明也一時
人事之參差官塗之訛坎... 於天也鍾翁有仁義之度剛明之德宏雅之學經濟
之才舉進士登制... 之望赫然有赫寅亮之司

必爾能致乃遂巡外臺... 寃當是時爲天下惜者以爲翁之不得於天也及翁
返服丘園急擔塵黻樂志魚鳥之間放情宇宙之外
寵辱不驚炎寒不涉忘其帝力和其天倪優優焉休
休焉殆三十年矣而神融氣和康彊容與尚無減於
仕之時也而兄弟怡怡子姓秋秩所以助公之樂康
適翁之暢朗者又總至而時惠是翁有得於天也耶
謂非天心篤佑世如翁有幾人者因憶時輩自余與
翁目所睹記有宦未登而齡早促者有宦巧行而
身名俱盡者有宦之或顯而終之不令者誠不知其

幾也知天之於彼何哉夫天之福莫於清閒莫大於康壽富貴者塵芥之微聲利者浮雲之細貴與賤為鄰利與害為徒故聖人之所不求達士之所不願也然而履清閒之府游康壽之林安居而不危周行而不殆非自天錫之而誰之能自為也假使窮勞瘁一生之力勉須極品之官進退維谷終始莫測有千日之憂而無一日之樂有貪怙待盡之苦而無優游卒歲之休一天之敝民而已矣以是而比清閒律康壽其所獲為孰多也故余必知天之於善人也固獨加厚於尋常萬萬矣夫天之所厚不可渝也翁之書

亦未可量也

卷三

三

亦未可量也敢書之以復敬菴仍望敬菴為我崇酒三觴以祈天之永命以永保善人之無疆

代諸生贈分守馬公總憲山西序

嘉靖乙卯之冬十二月德陽馬公小東先生繇分守冀南左叅政陞按察使武總全晉之憲拜命之日旌幣遂當去汾惟汾為先生駐節開府之地乃吏民之承被教澤比他所為益親而衣冠之侶親炙淵懿比他所為益厚矣於時舉人賈敦等僉謀贈言以祖先生之行因就山人而語之曰先生端亮靜默示諸生沉潛之學諸生微且寒在尊官視之略之而已先生

然感遇而不思奮思奮而不圖所以報稱則耻之先

卷三

四

則優之令諸生得進見請益又周之惠之令諸生可自資致凡此皆先生錫類之仁為敦等所共感激而不能形容其萬一者幸為之一言以表之山人固不識道惟以意應之君等不見昌黎韓子上宰相之書乎其首書稱引善我推廣長育成就賢才之旨美矣次書復稱引周公飯吐哺沐握髮下賢禮上而弘功紫蓋又感焉然光範不能樂育知小雅不能禮賢苦公旦則其書縷縷皆惜之之詞也而韓子以賢才自居以功業自待一遜諸過焉而已矣今先生既示諸君以身教而恩禮之施又復隆重則諸君為不遇乎然感遇而不思奮思奮而不圖所以報稱則耻之先生固小雅之望公旦之儔也其所以處諸君者藹然樂育之懷由然吐握之志若曰加之乎賢才以作其邁往之氣期之乎功業以濟其彌諧之謨焉爾而諸君其信於知已也其不詭於所遇也則亦賢才自居功業自待如韓子所云斯無負矣先生位望日躋即旦夕陟宰相之衡建周公之蹟當令天下之英歌菁菁者我而來也何止一郡國之士哉諸君其無徒羨德惟孳孳以自勗斯先生亦樂之矣試呈之以請正乎其言之不文不敢謂之贈也

贈都運少岳方公入覲序

入覲之行序功能也外之列辟始受天子之明命以率職弘務及三載會朝則各以其職務奏於時功有明滯能有優劣而持衡之府爲之攷定其序而黜陟之於是有嚴最之等賢否之科如數甲乙辨黑白區以別矣當是時有卓然顯功異能當厥高等無愧天子之寵靈者厥惟艱哉今嘉靖三十有八祀適列辟入覲之期都運少岳方公當以其預冬往鄉縉紳大夫條嚴張子等謀所以餞贈公者乃托禮舍張紳以語山中人侃曰吾方公且入覲矣距自公莅吾土即

卷三

三

五

惠吾土其惠流汪濊非尋常尺寸之間已也蓋乙卯地震河東之變極矣諸所傾陷頽圯自運城以至禁城六十里無弗然也自官師之解宇以至學宮書院無弗然也諸所殘破民之生者九死而一也舍之空者十室而九也當是萬有蕭條群兇竊發旁觀者束手永歎者無措蓋不知其所止矣適公下車之始目擊神愴惻然存濟毅然整修不三閱月即傾陷頽圯者復其崇堅破殘者納之安輯又隆教育以興士寬出納以通商厚賑貸以蘇困亦不數月而垂泮之餘浸變而熙熙矣其後培養休息靡有寧日焉故今

民完業百務允釐吾土雖百世賴之矣即其惠流豈

尋常尺寸之間已耶昔遵鴻之詩言東人感周公之

德喜其留相王室而復惜其去故托之詩以道其情

茲願爲我道之乎其於是作而言曰近海內多事聖

天子寧寧求治務在得賢然求功能於材藝之士常

易求顯功異能於俊乂之士則往往而難焉何也材

藝之士居常守故効伎於一事奮采於一途足表見

矣俊乂之士則不然德而不有爲而不宰居常守故

無以自別於衆惟履屯難而康之處事變而通之則

大猷鴻略方與衆殊絕焉其正少岳公之謂乎夫臣

之職務莫大於安上治民然安生於危轉危而爲安

者斯爲安矣治生於亂撥亂而爲治者斯爲治矣今

公專政離秩理財與郡縣民牧之體異乃其志畏天

悲人康屯難通事變任大弘濟而不疑而上下賴之

卒底於寧所謂顯功異能孰右之哉茲當著之天子

之庭親見俊乂之擢也鄉大夫既戀公去留復幸願

其峻步意有尚於遵鴻競以元聖之德待公則謂公

爲俊乂之良益可徵矣敬述其事以爲贈云

孔文谷續集卷之二終



孔文谷續集卷之三

泮宮獻壽文序

於奕哉慶成之聲封也自莊祖八傳而至今王隆慶六年五月王受聖天子策命續緒鴻盟踐登寶位告成宗廟之後特選元辰鳴王而謁先師孔子行釋奠如古王制仍在學開講與師生相揖讓又徧加物采以彰古之養老乞言之義於時師生咸共祗服國人之聽觀而興起者颯如神龍現而霖雨咸集圖書出而人文丕應以爲時王多自有天貴不屑爲稽古右文尊德樂道之事是以威位無赫赫之光蓋貴自貴而賢自賢耳今王仁孝聰明溫恭謙抑毅然以古之賢王好善而忘勢者自居故嘗嗣大歷服之初觀廟視學惇典厚文禮樂之度文章之選煥乎一新迴曠世之缺典建一代之雅儀昭文祖之耿光垂列辟之清憲方春秋鼎盛而規謀閑遠矣閏九月九日爲王千秋令旦師生相率獻壽如泮水之頌魯也頌之詞曰思樂泮水薄采其藻魯侯戾止其馬蹢躅其馬蹢躅其音耶耶載色載笑匪怒伊教言魯侯之幸學也又曰魯侯戾止在泮飲酒既飲旨酒永錫難老言學人之祝壽也又曰穆穆魯侯敬明其德敬慎威儀維

民之則允文允武昭假烈祖靡有不孝自求伊祐則又於頌禱之中而寓規望之誠矣今師生之於之言有盡而意無窮也王之賢也固益懋於魯侯則師生之所以爲壽者亦取此而獻之禮也外史氏爲之序

靈石令壽王龍門太守

龍門王公守平陽之踰載而政孚其屬吏靈石縣令董大經因公之令旦之辰而頌之其辭曰明明我侯令德令儀我吏我民是馮是依如茂島嶼如淵魚嬉何以報之弗知其涯日光月華山川吐氛我侯誕只郁其卿雲辰良景清和氣綢繆介以遐福而恆其德歎辭既修又請余爲敘其意而獻之余因問董令曰而府主政誠孚矣其所謂吏畏其威民懷其惠者耶令曰似矣而猶未是也其所謂吏稱其秩民安其業者耶曰是矣而猶未至也其所謂敬之如神明親之如父母者耶曰至矣而又欲其父也余問其似曰將無畏乎而侯不作威將無懷乎而侯不示惠又問其是曰吏有常秩而循之侯不拂民有常業而居之侯弗擾又問其至曰神明之於物也福善禍淫而無所私也故雖愚蠢之物無不知敬其神也父母之於子

也好好惡惡而無所偏也故雖孩提之童無不知愛其親也今吏民之於我侯也誠亦若是焉而已矣故某以爲至也乃侯之政一出於誠吏民之服一以誠侯不得而知吏民亦不得而知也余於是作而歎曰是非孟子所謂至誠而動者乎夫誠者天理之真人心之所同然也故動以威者取人之畏也威盡而畏者警矣動以惠者取人之懷也惠竭而懷者怨矣奚其誠吏不自稱而惟惴惴焉私畏之爲民不自安而惟惴惴焉私懷之爲奚其誠若善善而惡惡好好而惡惡出之不以爲威惠承之不知其畏懷其敬之也

文獻集

卷三

三

一天理之惕然者也其親之也一天理之惻然者也奚其不誠古之人有行之者堯舜帥天下以仁而民從之是也仁者誠也從之者親之也龍門公今守堯舜之故都矣其服膺精一之訓而以心會心於千載之上乎斯人皆可以爲堯舜也余又問公曰傳不云乎久則徵徵則悠遠悠遠者天地之所以長久也舜舜之所以久其道而天下化成也願我侯持是以相聖明而域天下以仁壽乃我侯之所以爲壽吏民之所以壽我侯也余曰至則久久則至乎矣信矣不可以有加矣於是敘述其語以貽董享爲龍門公獻

龍門公必曰吾道其至是耶吾方求其所未至者爾其已至耶吾懼吾之有息焉爾矣是又龍門公之所教群吏也

贈碧澗來公移守代州序

嘉靖三十五年之冬碧澗來公由太原府通判擢守汾州視事數月而事有紀焉民欣欣焉戴之而望其寢寢焉庇之也乃巡撫大中丞上疏薦言代州當鴈門孔道防秋之臣歲駐禦虜之務時飭而所以共武之服取之而逢源用之而合策率資足於有司之能故非才有司不可也來某前以通判主錢穀署代出

文獻集

卷三

四

納明允攝理兵民悉有條貫可經諸緩急所委無不神解理順而應者故較群吏之才實有裨於邊宜莫如某者矣然今已擢汾誠得許請移代則安攘之幸於是上許可之除書到門遂整駕北行當是時百姓怛然謂其奪之庇也僚吏悵然謂其奪之依歸也羅而送之境上而又索余言之以爲之贈夫公之行其說有二其一公已去代而上下思復請守代是矣然汾實大郡比代尤劇乃借才去此而不恤則當道之調停也猶未當也或曰代大門也汾堂室也曾有門不之固而室安者二故當道之意爲大門計耳計其

大者則當矣其二公之茲行信才矣然孟子以人之不善不係乎才而善未至爲不能盡其才則才之信與不信別有爲之主者矣曷爲主曰善是也公天資樸茂子諒易直而又服膺先聖敬事而信好謀而成之義而有得焉斯善矣斯可以達才矣曾有用智自私而伎倆以爲能者謂之才乎先自踣矣故公之才可以自信而信人乃信才也間嘗聽公籌邊有六事曰處芻糧以濟時艱募土著以便清勾買戰馬以備騎征樹城堡以遏外患劫賊巢以弭深入夜襲虜營以驅速退皆禦侮之良猷濟時之切務試以抒之惟

文彙集

卷三

五

惺議之廟廊夕舉而朝行之則安攘之大幸也當由是復移公以守四方亦如斯而已

贈郡博愛山先生西歸序

愛山任公繇保定府學訓導移學正汾州幾三載道行而士服乃今歲之春偶感微恙尋已勿藥矣輒謂然有歸歟之懷諸生二百餘人泣語弗從郡太守龍嶠張公別駕蕭公康公幕史冠公教授許公司訓楊公高公及士大夫咸共勉問亦弗從遂挾策蹇而行將息陰溫泉之渚怡老驪山之陽其棄一官若投瓦礫者然豈非安貧樂道守之終身而不易操者耶

時僚友諸生徵余言以爲贈余聞之曰前師有行義有弗畱弗贈者今於師何惡惡哉曰先生之處心也厚其行已也恭其待僚友也讓其訓育諸生也嚴以寬連歲大侵先生茹蔬飲水衣弊袍日臨講誦聲若金石氣如春風無戚戚容省躬飭志無少怠舊俗靡僚多失意樽俎之間芥懷升斗之際先生輕利重義遇事但雍容揖遜而已以故三師者極富以穆矣諸生質異賦志異趨者其難以一端理也先生因材而篤量可而導卒變其小異而歸之大同蓋有油油然入乎其中而不自知誰使之然者以故諸生咸敬憚

文彙集

卷三

六

其嚴而鼓舞其寬焉若是者殆古之惠也安得而不畱耶且人情好利逆而惡貧賤故官雖卑祿雖薄比之貧賤亦選也人固不能捨矣雖常捨時猶復遲迴濡滯而不肯就道先生年力屬未當免乃見定篤行不復可畱其樂天知命之心允有出於尋常萬萬者又安得而不贈言以表之耶山人曰夫士類不能安貧故無所不至昔顏淵子路獨克肖聖人獨能安貧耳然非樂道者不能愛山子夙貧能明經勵行樂古聖人之道及仕與止坦然同歸而不易其操此所以爲賢也漢策者艾有曰大夫其修身守道以終高年

余於愛山亦云

贈邑侯陳斗垣陟南城兵馬指揮序代霍司馬

斗垣陳君尹吾邑之三載政成能著銓部用薦者內遷君爲南城兵馬指揮議者以君之才宜列臺諫省署之司是殆不然主上垂神化理先首善之地則輦轂之間不可以不肅於是脩古司隸徵巡之法則疾馬之官始重於曩常而拔於才俊今君之陟茲選也良有以哉夫才足以周天下之用者無用而不宜也故置之煩劇而宜投之艱難而宜授之重大而宜不擇官而仕不選地而居惟其用之焉耳是故以大舜

文獻集

卷三

七

之智而勤於歷試孔子之聖而効於委職君通才也奮跡賢科之選超家師儒之尊偉矣其治吾邑也思信以有禮也慈惠以有成也恭毅以有勇也廉節以有文也當四郊多壘之時安攘並脩之日廢者起也作者明也呻吟疾苦者有養也不謂之通才矣乎夫通才自足以周天下之用凡其所閱歷之處則其造極之階也譬登崑崙之山苟不已於丘陵原隰之歷則必至其顛矣挹朝夕之池苟不已於川谿瀝漬之歷則必至其涸矣以君之才而又有德以基之有道以弘之其在邊縣與其在京邑也亦歷之而已矣亦

安厥職敬敬事而已矣吾知其大用之繇此也於其別也書以贈之

贈玉泉陳君擢順天經府序

夫賢才之處世也亦猶珠之在淵玉之在石平方其隱而莫之見也曾砥砭魚目之不如及精神充符光彩振越則求之者至矣以天下之寶在是也故賢才者非有求於人人自求之求之者至則達之徵也玉泉君平原之秀也平原多賢豪長者薦紳先生君起家監胄端委而從諸公博聞周覽其言論風猷與之相下上斯其中超然之識卓然之守有待而施固自

文獻集

卷三

八

有不容掩者比隨牒而簿平通平通爲汾郡劇邑其俗健訟而梗於化又多逋負君主賦而賦登鞠訟而訟平化亦不梗邑人皆曰賢郡以輶繕城委君董視厥役君經表部署作勤節勞不爽錙銖以是事省而功倍郡人皆曰賢先委董視塞垣垣獨堅頃北虜求通關市又委君綜理君區畫調停有機有宜非但闡我威畫而實中含控禦之畧邊人皆曰賢時順天府經歷員缺太宰特遷君補之夫順天大京兆也尹丞位尊重除大事表奏凡經國理民布行文書於經歷無所不關故其人必嫻於大體明習法令而後可君

高明有治劇才及歷委咸効而能益彰蓋郡邑邊鄙之稱徹之監司監司之稱徹之撫按撫按之稱徹之臺省是以其求求君也是以其有異擢也即臺省之稱又漸徹之九重則所以求君者抑又至矣夫時事重內輕外自內而出之外易由外而轉之內難今君實內遷非異擢而何夫珠之照乘也王之登明堂也賢之達也君秉文京兆之庭朝禮承明之廬蜚英三輔大授遠圖信乎其達之微自此矣君其勉作功名公車就道郡大夫咸祖帳爲贈余因畧敘其事以紀之

卷三

三

九

贈少陵黃公擢守汝州序

比汝州守缺銓部推少陵黃公往汾守龍岫張公俾野史某敘所以贈言乃作而言曰皇上臨御三十有九載威靖朔南乃莖孽內治之脩務惠養元元惟守令之慎蓋籲俊簡良惟厥德懋明厥才庸敏斯惟其人焉我黃公之於汝也洵是之選也公初以俊良起家甲科進司徒大夫出守彰德已高位崇職矣值中路坎壈復從左律用徙別駕於汾淹汾兩年而有斯擢人皆以爲屈君子以爲才德之大者無小用無近功閱歷之愈深則推引之愈遠造履之愈精則致極

之愈弘斯古之俊良之所以崇廣其勲業聖人之所謂大受也何也夷險臨之而處之一也崇卑間之而處之一也不易其德不有其才焉夫不易其德是爲懋明不有其才是爲庸敏既懋且庸才德之所以大也世未嘗無德然往往見役於才或能處利達而不能處幽微如昔儒所謂血氣用事者夫豈少哉要之不可以語其大者耳公繇大吏下遷無墮釜失聲之態及蒞厥職若固有之處僚友恭以遜也理民物愛以周也聽訟獄廉以平也居不數月而上下允孚士敬其學民恬其業姦慝者銷亡彊禦者哀止也非實

卷三

三

十

有大才大德而能若是乎然固閱歷之矣造履之矣是故明敏之純備而懋庸之克昭也行駕而之汝亦舉此而加之而彼之元元悉蒙其休可知也吾聞南郡之墟有先王之遺風焉士務學崇禮可以施教民務穡尚儉可以施養天生俊良俾懷才抱德如有甫田患不得耕今則既備乃事矣繇是而登之巖廊庸之天下其道一而已矣皇上圖治用賢自守令始即且召公矣詩曰樂只君子邦家之基公其以之於時張公取斯言以爲贈也

晉陽獻壽圖序

夫人子愛日之誠莫不欲其親之壽也然有不能必得者焉其得之者必其純善合天若故予之蓋維天之命於穆不已人受是命以生其蘊精深而冲粹其發華美而光融其積熙廣而豐隆其至堅固而悠久自百順而備之則為福自大年而保之則為壽皆其命之漠然本有森然具足太和涵演流而不息合同而化天不已人亦不已無禍無闕於其間也夫是之謂純善矣夫是之謂予之壽矣純善者以人而合天也予之壽者以天而合人也人間之世不知復善所以立命立命所以久生而習習乎誦誦乎日礪閱其

文獻集

卷三

七

生之為斯不壽有由雖至孝其能祝乎維揚有卞氏之母曰史氏者蓋天予之壽者也其配小山公也相其成貞毅之行承五世共饗之饋勿攸違事祖姑與翁姑也孝處妯娌也任御卑幼也慈訓子孫學也嚴履尊高也勤居富厚也儉而其和淑恭惠靜澹淵冲雍如晏如蓋於世之嫉妬頹靡一無介乎容儀槩平思議以礪閱其所受之命者其為善也純矣故其神檢莊嚴膚理悅澤聰明康彊優游逢吉當滿八之年猶在巽之質自非天錫難老申之保佑廣眾之中嘯克爾者即其符契故若天予之矣毋有子芷出仕於

晉為按察知事然已奉命後伯氏野樂公矣而心慕毋不忘居常祝天惟願毋多壽每家信至聞毋健輒叩首謝天今六月二十一日為母初度之辰知事君益焚香遙拜修所以獻壽奉上家慶乃藉圖繪以表其情托文言以達其志余故原幕府愛日之心本慈憐得天之慶以彰之毋既壽聖復多後且賢子五人為兵馬使者能聲最著矣而知事君玉潤金暉光臺省間臺省大僚及郡邑吏士聞君壽毋咸贈致頌言內外孫及曾孫殆三十人其所觸目多琳瑯云與毋之嚮用於是不窮所謂積之熙豐而至之堅久也抑又允矣且知事君一念愛慕不以易地而遷不以遠宦而廢又能得人之歡心以事其親蓋其志可以通神明矣詩曰神之聽之終和且平

文獻集

卷三

七

望雲祝壽圖序

嘉靖己未九月廿有三日為楊母太夫人連氏七十五誕辰時其子前原君司訓汾學以不得親承膝下奉觴上壽為歉意忽忽如有所思而不自醒色如不豫者然諸生踞而讀曰人子之孝其親者大率以承顏色備甘旨為善事之能者也然而有進於是者則順志之為美祿養之為榮古之人有行之者曾子是也

孟子述其事而稱之曰事親若曾子可也昔者子游
子夏皆不離其親之側而日以味順夫子皆弗與焉
曾子狗彘三釜蓋涉遠遊而其孝顧車絕如彼豈非
真有進於恆情之外者哉太夫人貞惠慈宣教吾師
以明經勵行之學其志實欲膺一命之寄沾升平之
福外之則於物有濟內之則於親有養也吾師體太
夫人之教竟明經勵行拜師儒之職用迪我多士端
雅而敦敦勸勉而善誘我多士式遵先訓固趨步師
門實遠被太夫人之休澤不可謂順志以爲羨乎雖
官卑祿薄然分而致養猶愈於菽水之貧者也不可

卷三

卷三

卷三

謂祿養以爲榮乎且嬉娛堂階兒女畢集四鄰斗酒
慶康祝禧太夫人今豈少哉又孰愈薦紳彬彬衿佩
濟濟出仁義之言彰禮樂之文環橋門而頌之也是
大君子之孝固與衆庶異吾師乃善學曾子而有得
者即其一念之誠固已建諸天地而不悖矣而何芥
曾情於離合之間哉前原君於是意平色怡整衣冠
望青天白雲百拜太夫人稱壽諸生即取其事繪圖
乞余敘之而使人馳獻太夫人

五葉重光冊序

觀人之仁視諸後視後之盛且賢而家祚之隆可知

一家之祚父傳子子傳孫孫又傳子子又傳孫斯
盛矣然亦似續之常耳人生百年之內五世之間祖
以見孫之賢孫以見祖之壽康疆逢吉累洽重熙斯
可以爲盛也已皇宗奉國公南村翁躬備純孝履善
敦仁始傳一子曰東臯君東臯君克纂仁孝衍有多
嗣其長曰三泉君七泉君亦溫文而懿行有多嗣子
而又子焉南村翁垂白看婦乃子乃孫乃曾孫玄孫
競爽森秀歲時伏臘縮銀黃佩三組奉觴獻壽藹藹
彬彬樂且未央廼天篤其祐而身萃其休矣不然世
之言有後者率自其身後況寓形宇宙之中受制造

卷三

卷三

卷三

物之府已之壽與子孫之多寡蚤暮賢不肖皆不可
必能令後先相見五世一堂哉是故視南村翁之後
可以觀其仁視其後之盛且賢可以知其家祚之隆
也縉紳大夫共嘉美其事作五葉重光之冊賦詩稱
述焉

含育堂詩錄序

含育堂詩錄者錄詩之關於堂者也我分守相公抑
亭先生再鎮九江之日嘗夢至一園曰孔氏之園也
園有桃有系焉已而問府於汾而觀愚公之園也謂
夢與景符也因題其堂曰含育言此中包含化育

聯其門曰桃李滿園春不老桑榆覆院景無邊言所以含育者乎而又足成七言一篇以紀人生聚會非偶然也是則詩之關於堂者夫善言必錄山人故錄而藏之嗣是而教言者咸錄也公清明正直有開必先車轍將臨淵然響應信非偶然者矣不知區區之園何以入哲人之夢如此者輒亦矢其音焉公言得是夢時竊以意自占吾其保釐東郊乎蓋將游曲阜之墟觀所謂夫子之家園者茲故神告之耳山人占曰孔園者大園也聖人以四海爲一園萬象爲一體公弘備聖道業已登太山之高觀滄海之深超然遠

朱續集

卷三

五

文成公學的序

夫學之有的也猶射之有正鵠也正鵠者的也樹十尺之侯畫四尺之鵠於其中以立的於百步射者發焉必至於是而不遷焉射其至矣而況於學乎學也者以求至乎聖人之道也聖人之道至大而不可壞至微而不可測然其精切簡易之處則謂之的乃吾

靈明之心是已冲漠無朕而萬象森然已具寂然不動感而遂通天下之故不物於物物之所不能外也不物於物故通物之所不能外故具所謂天地萬物爲一體者此也世儒論學莫不祖二帝宗三王師先聖以爲的然自格物致知之有補也則求理於物而遺其心之原具待物而知而外其心之本通蓋似以格物爲學之的其於帝王精一執中之肯先聖一貫之道不無毫釐千里之間學者習而不察則務外游不務內觀務內觀者察務外游者蕩蕩則馳騁日紛岐路日多而亡羊日衆矣何也失其的也文成公陽

朱續集

卷三

六

既歿龍溪子申演師門之訓三編曰學的教菴查公
方張皇斯道以扶世適得此編遂托汾守張君一敬
錄梓以正來學並命余爲敘其意佩不敏仰而歎曰
衆言殺亂折諸聖不有先覺孰開我後哉

贈參知相公華山孫老先生陟憲臺長序

萬曆四年我參知相公移鎮爲按察使汾守一敬言
於野史胤曰相公之德厚開鎮三載實惠綏我吏民
由是吏得以奉其職民得以安其業者公之貺也今
總統憲章實又貺我全晉而惠綏之凡一命之吏一
鄧之民孰不思以自遂然不獲知遇則有抑鬱而不

文獻集

卷三

七

暢怵惕而靡寧者或深文巧飾汚恭之弊滋於郡邑
偷惰結竄散亂之俗隱於閭閻今遇之矣相公之德
厚其道剛以明其度仁以廉剛以震之無滯之積明
以燭之無隱之隱仁以宏之體物而不遺廉以貞之
正已而不求蓋天有是四德也而公以之公在缺與
理皆秩秩大猷可表金石其最著則振旅之餘年穀
屢登天應穰也築堡之成井泉湧出地應潤也其諸
人應之和不可勝紀矣昔公孫大夫之於鄭也其恭
敬惠義亦猶行此四德也諸葛武侯之於蜀也其開
誠布公集思廣益亦猶行此四德也當時鄭人戴大

夫惟父母蜀人戴武侯惟神明今我吏民之戴公也
豈不異世而同情哉切思所以頌之矣野史氏頌曰
夫謂監司與守令合一體者信也蓋朝廷以民牧之
事付監司監司布之守令而致之乎民是監司心乎
民守令以監司之心爲心奚而不一體也若勢分限
於相臨疑畏起於緣飾斯貳矣觀州守言相公真仁
且知真能任人以安民進而憲百辟康四海功光格
天慶流奕世其自今始矣於是州守取以爲頌

李井太夫人大年序

夫君子功裨邦家德逮黎庶而頌聲作者以歸德也

文獻集

卷三

本

歸德莫大乎祝釐祝釐莫大乎祈壽祈壽莫大乎壽
親是故周人之頌而言文井也魯人之頌而言壽井
也德之所及者遠情之所感者深矣今吾於環洲公
見之公仁孝之哲而禮樂之英也太夫人在堂公奉
厥慈訓弱冠而登上第歷顯庸始教授蘇湖正經治
尋視草尚書振文雅比出守陽城進太原極循良焉
陽城之俗浮太原之俗鄙公王立冰操平理正辭斷
敕群枉滌除積滯以潤澤生民間橫經論道染翰抒
文以誘謬諸後生委歷旁邑動見整綏野老遺文悉
蒙諮攬紀綱風俗之調秩如也值御史大夫宋公頌

督捕之令開告訐之門判狀日數十下公片言折之
貞詭立分良善賴以保全其他諛旨縱茲深文搆禍
殺人不可勝紀朱去而得平反之讎罷收犖之兵解
羅織之網公之力也凡此皆精白一心爲國爲民今
百城畫像萬口成碑冰消膏澤而歌詠感德頌聲所
由起也今歲孟春太夫人壽登七十正衆甫祝釐之
辰以故馳心東海嶺南山者雲之瀚也周生文蔚
在門人小子之列實虔斯舉屬野史氏爲敘其義乃
再拜祝曰維皇上帝將弘慶善門必佑命賢毋篤生
俊嗣爲世楨臣綿綿翼翼永享多福今太夫人以康
泰編集

卷三

九

疆膺大年公以名大夫漸上信天錫純嘏也作侑
辭三章南山有李北堂有萱青葱華澤以保萬年萬
壽無已南山之李萬壽無愆北堂之萱膺彼南山十
洲載環猗彼北堂三光互藏

澗南李公七十序

夫壽何謂也人道之備也人生以百年爲大壽三十
年爲一世三世爲期過則四世不及則二世昔得歸
餘焉其七十乎故古以爲中壽也中壽而賀何也天
德盈而好謙人道守謙而成盈當君子謙謙之時
且好之矣而况於人乎此賀之禮所由起也澗南

李公實有謙德弱冠嘗與余同學見其孝友著於家
庭忠信篤於朋友非義不敢爲非禮不敢動簡默而
清修者也及遊太學貳武定司斷大寧志行一無所
移確乎其有守也方仕有能聲榮陟可待以鴻臚翁
老遽乞養歸親終盡禮鄉邦稱孝息陰田園課子明
農而已今年壽政七十慨然歎曰吾先君福厚得八
十五齡吾登七十足矣因自製誌作玄宮與石櫛其
謙損夕惕之懷視往如歸之智時人莫能測也公克
肖其先君其福厚其壽固隆余長公二歲覺前路轉
逼視公所圖則爽然自失矣公有賢即具家慶爲賀

泰編集

卷三

三

北堂獻壽詩序

憲使明軒蔡公迎養太夫人程氏之明年爲萬曆乙
亥春正月既望適太夫人登歲八十之辰公乃九頌
首上壽同家諸大夫咸矢詩以相慶也太夫人融融
然樂曰吾今日乃知吾樂夫物之生有榮於朝而不
保其夕者吾得年滿八而望百焉物有敷春華而乏
秋實者吾得有子而賢且貴焉人有蒸藜炊黍而饒

者吾得祿養焉人有縞布荆簪而寒者吾得服其命服焉婦人無丈夫之德中饋而已吾得黼黻文章之觀焉天之於婺也厚矣安得而不樂耶太夫人性勤順恭孝宜厥家侍祖姑疾三月湯藥寢食之調罔敢忽侍夫君疾三年辛勞萬狀罔敢忽視庶弟如已出周宗族之貧病無少吝居常誡兒女輩曰人生在世常行好事於人則禍不臨身及公入仕常分俸以給庶弟分田租以給諸父昆弟之貧且老者太夫人喜曰人生除一息足用皆是餘物積而能散又何患其不常足也凡是嘉言善行皆達天之道每旦必焚香

家續集

卷三

三

拜天明軒公敝歷中外一法天循理天人合德福壽乃基諸大夫曰樂者順也順天者昌故天壽平格仁孝之至通乎神明故受天之福肯哉言乎詩凡若十篇皆此肯也野史氏敘而明之

贈郡博任龍泉公陞深澤學諭序

大道爲公之世選賢與能器使之宜而推舉之當故朝無倖位野不遺才叔世有不然者吾夫子傷之曰丘竊有志焉而未之逮也明代以儒之賢爲學校師至今白頭倚席即稍轉不越黌舍或曳裾王門豈可師不可以爲大夫耶今年吏部更始用教職超補縣

今天下凡數十人於是經行之賢人人有嚮用之心矣龍泉先生任公關中之雅儒也司訓於汾之學卓然模範之端以根本六經爲文章以踐履五常爲德行不責備束修不足恭有司諸生有善若已有之其有既窮捐已卹之蕭然一室左史右書劄錄纂摭有以自守泊如也踰三載移深澤縣學諭深澤爲畿輔文物之邑邑子之屬多才俊得先生主盟造育吾道有不興乎況值登明選公之時則先生自此升矣蓋先生聰明正直愷悌慈祥聰明則可以昭德正直則可以塞違愷悌則可以教安慈祥則可以保和乃歲

家續集

卷三

三

器于身待時而動雖欲勿用時其舍諸吾固知不遠講堂之上而銜魚之有徵也汾諸生素歸服先生若吳下生之於安定同案二公服其道義真異姓骨肉臨當祖餞戀惜莫知所裁余林下之老儒也曩督學秦中與先生有一日之舊及親賢三載知厚益深因即事以道其情亦若古之贈言之義云爾

成趣園詩題辭

棲遲窮岫之人無所與於世而猶好世上之文章蓋其性之使然者矣不然狂狷乎爾警警乎猶之盲也五采現前而莫之娛乃若居深山之中耽研泉石之

英結攬巖木之華挹金膏之明光斟水碧之流溫搜
抵鵲之玉括靈蛇之珠是孰使之然哉或啓靈篇披
瑞圖理事變彰神景全會則若登中天積翠之臺而
越三山五城又孰使之然也我龍池先生迴軼紫微
之省息駕白雲之園日涉焉以成其趣趣何趣也蓋
樂天而與天游方伯董公諒言以發其微雪樵主人
同聲以反其和余亦有言効輞川雲溪政巴人下里
耳及觀雪樵之作鉤玄暢奇往往出驚人之句天仙
之辭余莊誦四三爽然自失遂欲澡心振衣振攝大
雅之堂而後知余性之所好亦正矣雪樵處仁祠宣
文編集 卷三 三

郡史贈言

皇上進賢興理惟端亮仁敏厚德之臣天下推濂濱
公矣公以名德參知晉省分道而守冀南無何陟按
察山東駕言斯邁吏民允懷汾州守一敬屬余紀去
思之義曰天生蒸民使司牧之君命之監司宜之守

令承之非有我之得私也及監司以督責爲明守令
以緣飾爲慧則川智自私之意多而經國體民之實
少矣公則不然以爲經國無二道體民無兩心興一
利除一害必與守令慮同而後發信及而始行以合
天道順人情乎物理無所自用其智故令行禁止偃
革從風吏易稱職而民業以安矣開田渠通道二十
五里決壅滯之水疏之河旱濡潦洩利民名田四萬
餘畝惠而不費悅而有功小大之獄必以情沈幽仰
鏡猶暗室而見日也救閭閻疾苦猶上醫察脉洞見
五藏癥結處方發藥應手其蘇以鎮豪猾威於九鼎

文編集

卷三

三

俾鬼物跡藏神象影滅至陳文章禮樂以臨諸生諸
生洒然若被時雨是枹鼓立軍門使將士改觀易志
思厲矢石奮封疆接士大夫與群屬莊嚴粹和使人
望之而敬心生即之而愛心生焉指美非一要之皆
開誠布公之蘊也其進登三事茂哉茂哉亦如斯而
已矣此天下稱公爲端亮仁敏厚德君子乎端亮以
有孚也仁敏以有弘也厚德以有載也君子哉若人
在肯文武受命周召佐時周公以東人見思賦遵鴻
召公以南國見思賦其棠今公應運輔世媲古名臣
其惠溥其澤長宜其敷歷之地咸有鴻棠之思云爰

原缺

孔文谷續集卷之四

浮山縣弘修廟學記

浮山縣文廟學宮嘗毀於元季地震之災時蓋聊且修復規制甚陋入本朝二百餘載圯之而已廟則正殿五間東廡七間缺西廡而戟門臨街嘉靖辛卯始補建西廡七間學則明倫堂三間在廟後西北隅無臺基階序有東西齋而圯也庖宇藏室俱壞凡祭祀賓宴講學行禮率藉草依壁不蔽風雨則陋且敝蓋甚隆慶壬申密雲左君某來宰是邑慨任舉修議捐俸募工佐貳某等亦捐俸從之由是師生與士夫及

孔文谷續集

卷四

鄉之義民胥起輸助資用既足乃請於監司修焉馮公太守順菴胡公並見許可督委省祭官周某某經紀其事以萬曆甲戌之春改建文廟五間東西各七間明倫堂五間東西齋各五間前建戟門五間門前建棧星坊一座中鑿泮池舊有民居掃廟之右堂之前茲則易其地遂得展修蓋相其陰陽審其向背改偏而爲正補缺而爲全秩秩其有條翼翼其有禮也弘曠典於幾隆隆軌物於方新且贊出於義而民不擾力成於信而民不勞實一舉而三善備焉乙亥之秋師生勒石考成通請余記余謂國之大事在祀與

教朝廷以一邑付之令誠欲其敬恭明神宣序人紀

非徒簿書期會而已也故善爲令者惟是之慎以仰

承之今左君初政而舉其大余何言哉然亦有說以

表其用心昔周衰道塞吾夫子定正六經申明五典

以垂訓萬世使萬世之下知先王之大經大法天理

之所以不昧人心之所以不死者皆至聖之德也是

故作廟以崇其報建學以闡其教虔祀者有司之事

有其舉之莫敢廢由教而入者章縫之業其可廢乎

故宜窮經以證心學之源篤倫以致良知之實然而

有不行者智愚胥失之矣有不明者賢不肖胥失之

孔文谷續集

卷四

二

矣然賢者可挽而中愚不肖可導而上也其他岐者

惑也捨真而逐妄徇物而喪心者惑之甚也蓋亦反

其本乎反本心學也千聖一心萬古一道也堯舜之

道孝弟而已矣孝弟仁也仁吾心也存之微乎其微

發之其不顯也故曰人皆可以爲堯舜辨情見類垣

傾棟則慘見修則欣見修之一新則大快顧吾自有

其身而不修與修之而不反求諸心以求日新之益

是之謂不知類矣茲蓋賢有司之心同志者之願勗

云因記及之以告執維

金龍四大王祠記

大王舊不祠於汾嘉靖癸丑之歲郡商王三志鶴等始
即黑龍廟右隙地爲之祠蓋信焉由東樓以義起者
云祠既成嚴氏九齡來乞記且告之故曰金龍之神
蓋宜諸河父矣河自大梁而東極乎漕其舟利涉與
不利涉人有禱輒著靈應故河汴之人隨地設祠焉
漕渠之官靡不拜祭凡以敬神之威也四方行貨之
旅魚貫鳥集成頂禮乞靈冥陰往來或異以交衝變
態巨測神乃弘仁顯道拯溺亨屯令倏忽之間解危
險之虞獲安通之濟當是時賊岸醉焚者殊面同
仰空讚歎者萬口齊聲實神之靈通乎天下而不可

卷四

卷四

三

垠矣故即吾郡之商某也某歲在某處嘗困於汭時
以禱神則俄而水泉涸焉某也某歲在某處嘗阻於
濤時以禱神則俄而風浪息焉至於痾札寇攘亦莫
不隨禱而應如茲之異蓋不可勝舉焉而其功德之
在人心故必思有以報之是祠之所以立也惟公其
記之庶創始之事垂後而有徵報祀之私緣情而匪
瀆云或曰山川陂池之神能演化與物以利濟民用
則各祀於其土稽古在昔如允嘉臺駘能宜汾洮障
大澤帝用嘉之封諸汾川肆汾人之祠臺駘也有繇
然也而江南之祠金龍也或亦猶是也而他所之亦

祠之也則自今始也以神言之則無不之也以禦設
擇患則祀之則無不可祠也由衷之信可質也義起
之禮可有也祠廟凡三間經之癸丑成之甲寅而記
之乙卯之歲焉

龍天廟重修記

城西二十里許里曰開原莊曰安睦有龍天神廟峙
焉兩翼則牛王馬王神祠牌板莫傳不審建自何時
弘治九年重修嘉靖十有四年又重修之其廟閭明
曠遶東隣卜山石室子夏之所退老也南屏綿上之
山文公之所封也西連關虞之嶺原公之水出焉北

卷四

卷四

四

跨龍橋之崑金宮石乳秘其中故是神宇之歲必得
形勝矣冠亂相仍漸見頽圯里人亦復凋芟不易修
營萬曆元年歲在癸酉王國人居士曹公大珮暨其
子掌記君棣經過拜廟輒起願心首倡出錢仗義興
修里中人同心響應衆緣併力居士親督其工屢增
申守文分理其事曾不數月而廟貌爲之一新又添
設鐘鼓各一以享神也落成而考之石請余記焉余
惟龍天龍星也蓋主乎農或曰龍田云牛馬之神以
主乎牧里中人重農牧故崇此三靈祈年於斯報成
於斯協氣布而風雨時嘉生殖而藝畜繁神之休民

之賴也余聞之神有所止則降康自今伊始歲其有
乎故知肇基之與修述之者皆達神人之理者也善
人也福人也因記及之

郡守楮君生祠記

元泉楮君牧霍三載而政成焉吏民兢兢翼翼懼其
擢且去也於是名其所葺之橋曰元泉橋以表君之
德澤如河之流斯而罔竭也又建生祠於橋北以表
吏民之愛敬如神明之畏父母之親而無已也其屬
靈石令王植具狀走訓導張嵩驛丞邵迎祥來徵文
以記之余固知楮君者其吏民所爲又曠古之勝事

文獻集

卷五

五

余何辭孟子有言曰善政不如善教之得民也善政
民畏之善教民愛之夫政教皆治畏愛壹民之心然
謂教大於政畏淺於愛豈其道有殊二蓋自尚氣用
智言政而不及教者言之爾若聖人以不忍人之心
行不忍人之政而仁覆天下矣孰政非教孰教非政
哉孰畏非愛孰愛非畏哉楮君學聖人之道而德性
純其治郡一本於仁心凡興利除害輯綏康和皆教
也凡講學行禮法象話言皆政也無假借無將迎惟
感以是心斯人亦以是心應也宜其敬而愛矣夫禮
歸人心生者也心含敬愛而組豆之事形焉理也漢

書載儒吏三人如董仲舒公孫弘倪寬皆通於世務
明習文法以經術潤飾吏事循吏六人如文翁王成
黃霸朱邑龔遂召信臣皆能政平訟理令庶民安其
田里而亡歎息愁恨之心至稱優被榮號遠見祭祀
則文朱召父之外無紀焉漢庭風勵天下詔祀百辟
鄉士有益於民當是時應詔立祠亦惟蜀郡與九江
豈非因民之心哉今楮君生見立祠矣故余以爲曠
古之勝事也乃樂敘其大端付令尹勒金石焉

寧武關督府題名記

文獻集

卷五

六

山西之關三而寧武在鴈門之西偏頭之東弘治七
年設守禦千戶所正德九年添設守備而副總兵駐
禦偏頭蓋是時塞外有防內險足據所慮老管河岸
之衝而已至嘉靖二十一年虜遂南犯越重關薄汾
沁矣朝議始於寧武設大總兵開府建牙居中調度
焉所統參遊六員帶甲數萬四十年復設副總兵
於老營堡駐劄輔車之勢益以嚴矣今都督董公謂
自移鎮以來大將名氏不可無記乃琢石作題名碑
於庭因徵記於外史氏記曰今京師以雲中代郡爲
右臂乎雲中諸塞以扞蔽乎內代郡三關以藉庇於
外內外慎固則我臂康彊乃其事不在於險而在於

守不在於守而在於人是故聖天子以專閫之寄付
元戎元戎亦即以長城之任慰主上勤誠則篤忠也
明又則孚信也撫綏則恤仁也果哉則宜義也運籌
則指謀也敵愾則克勇也悅詩書敦禮樂義之府德
之則利之本也見可而進知難而退軍之善政也兼
弱攻昧武之善經也絕利一源用師百倍也或外寧
則以守爲戰或內經則以戰爲守動中權舉合機
宜也先今所著檄桓桓虎臣揚聲沙漠之陞功光節
鉅之表然具體忠信仁義而兼資謀勇者幾人復德
義者幾人諳政經者幾人絀嗜利者幾人審機權者
幾人君子覽真珉抒品藻必有以別之矣聞董公負
文武之鴻資挺忠義之大節務在提三軍以城萬里
則茲舉也不已表帥之乎

太續集

卷四

七

詩樵先生鄭公墓表

先生姓鄭氏諱儀字時範性好吟詠而樂林丘因別
號詩樵人稱詩樵先生云其先吳郡嘉定人也大父
某洪武初從晉恭王之國家太原父爾復從慶成恭
僖王分封家汾陽後以奏事蒙譴移戍遼東母高氏
隨之生先生幼質穎悟年十二爲學官弟子員居高
之喪哀毀盡孝後會赦先生奉其父及繼母黎氏得

復歸汾高墳墓在遼東焉先生望思之不忘也特撰

一軒題曰望東歲時輒東望而哭之初肄毛氏詩擬
射策甲乙既益博通群籍究極奧與作詩與文爾雅
不凡彈琴寫畫匠心獨妙尤善書法以行草名時端
順王在儲貳之位方敦好禮文即延先生而師事之
先生朝夕謀迓一以禮文乃喟然歎曰昔者穆生去
楚志有所不啗卜子居觀心有所不去亦各言其止
焉而已吾幸茲會遇吾其止於此乎遂棄去科舉之
業不復求仕亦不染指勢利焉以故郡邸上下無不
以師道尊重先生者先生亦恆以道自樂不爲家故

太續集

卷四

八

一室蕭然處之晏如又善訓諸兒各因其性之所近
如琴得其琴冕翰輅得其儒椽得其賢寅得其畫鍾
其術不同其成章一也其佑放諸孫亦復如是先生
當高齡見兒孫滿前彬彬藹藹文采逼人則自以爲
天樂之在茲也日與耆舊飲酒賦詩蓋舉區中之埃
無以繫其中矣忽無疾而逝時正德庚辰正月十九
日也享年八十有二生於正統己未某月某日配吳
氏繼金氏溫氏有子男六人長蔡次冕次翰次淵次
學訓導次輅高陵縣學教諭次樞次寅孫男十有二
人長其生員次其曾孫男五人長其生員次其初先

生望滿川與高陵登上第取右職然二君晚成先生不能待矣今年高陵君解印歸里念先生有威德高義生兒未致顯揚諸兄亦零落殆盡即今不圖何以見九淵耶因買石徵余爲文勒之以表其墓先生風儀峻整望之儼然端雅恭慎行不易方易稱藏器於身待時而動又曰不事王侯高尚其事若先生抱器而不競處王門而不失其高尚世誠希有之矣銘曰雖離先生嚴質博明懷玉不售含章以貞玄菟曰歸朱邱是依詩書禮樂鈞深闡微師以道隆國由禮崇藻綵梁苑文敘鄴宮不裾而曳匪厲匪揭冠雲服芝履坦負潔辱寵不紆守我戶樞彈琴咏詩而呼俞俞有子若孫如雲斯繁衍厥慶祉本本源源滿川其風高陵有巖庭承不奕善誘不錢天祚國耆終始不移壽考洪錫令德永隨麗牲之珉哲昆是陳我言用章以曉後人

封通奉大夫浙江布政使司右布政使健菴劉公配贈夫人李氏墓表

公秉醇淑之姿履貞素之道約不求仕隱乃宗逸仁族睦鄰厚施樂與庭嚴曾訓之規門衍周楨之慶親黨歸其德良繙紳欽其雅度以其嗣大司馬西坡公

貴先封承德郎刑部廣東司主事加封通奉大夫浙江布政使司右布政使省秩清華親承寵命岳岳尊顯遠被恩榮鼎順鍾養田里而有公侯之奉垂白緇黃芟荷而兼簪組之紆一邦之人所共健羨公惟杜會高年歌怡擊壤休休焉熙熙焉立壑安之草莽自如而已故賀客加於封拜則以布衣謝鄉飲延爲大賓則以筋力辭至於野老話其桑麻兒童獻其嬉戲則掀髯與游去留不吝或跨馬出郊據鞍示矍行觴藉草憺暮志歸書載身其康彊詩云永錫難老公必當之乃嘉靖辛丑十一月念日遺疾考終得年八十有四時西陂公以巡撫遼東都察院右副都御史晉戶部右侍郎計開京邸爲位哭擗公卿百官罔不臨吊奔喪而行卹典載頒勅文誄祭命工視作桓桓彰華衮之褒鬱鬱藏佳城之兆遂以癸卯十二月三日葬於光大之里龍首之原啓夫人李氏柩焉公姓劉氏諱檉字大用別號健菴世爲咸寧縣人自始祖恭高祖子實曾祖廷玉皆賢而隱約祖清壽官父銘贈官如公封妣路氏贈夫人生公兄弟二人長桂早卒公其次也元配夫人李氏同邑處士本之女淑質幽閑閭儀恭惠授受嚴不親之禮妯娌藹同胞之愛人

美孝哉家曰宜其德過其壽天不假年卒於成化丁未三月二十八日得年二十有四生子男一人即西陂公儲秀登正德甲戌進士歷官刑部主事負外郎郎中鎮江府知府山西提學副使河南湖廣參政江西按察使至戶部尚書轉兵部辭歸公葬後十年門生仇來忝為牧司馬公特命述詞貞石以表玄岡惟封君公夫婦之懿比德乾坤嗣世之良同光日月高厚融朗固難讚測然金簡玉誥之刻藏之石室誅行銘功之藻撰自史臣則其緒畧可抽攬焉其詞曰於顯碩者含文抱質冲志寡營澹恬惟逸孝愷睦溫

泰續集

卷一

十一

厚而栗奕世載賢惟帝之弼貴焉及之崇錫爾秩服寵則榮守素弗失賓禮不居質客攸休取樂間里用陶嘉日康壽所臻詩書是述修不久淹惠化長畢帛者紛如慕德非一遺爵作塾殊典薦恤生榮死哀曾不回過龍首之官鬱其有必追彼元配歸於其室淑媛之芳修短齊匹樹石表高終南太乙受社發祥象其華律百世不驚以永貞吉

楊母太孺人田氏墓誌銘

太孺人姓田氏郡處士子敖女生四歲失所依能自植立及笄適楊西橋公家世業素勤儉孺人即不事

觀華躬操斤曰精心織紵奉舅姑以孝稱相夫君為儒弗就乃西遊為商歲歲客延榆從乃翁行姑所倚孺人孺人惟善養而孝益著有子尊顏異孺人規其必大吾家乃令隨夫君西去求師授經學數年歸還郡學弟子員無何應舉舉嘉靖癸卯科高第三會試不中太孺人命之仕因謁選授陝西麟遊縣令民為立生祠調直隸無極縣一年而大治君子曰母有慶澤而子有惠孚如水有源而善利斯溥乎尊在兩邑俱迎養太孺人太孺人喜曰吾兒始以善養今以祿養雖未震曜吾家街吾所慰亦已多矣尋以忤旨嘗

泰續集

卷四

十一

道下遷太府學教授乃遂講明道藝躬率以淑後士多上心服時官雖左俸回視簿書倥偬奔走期會之事覺靜躁之頓殊矣方計復迎太孺人就養上庠而太孺人奄以疾終時隆慶六年閏二月初二日也享年七十有九尊奔赴卜其歲四月十七日葬廊前祖塋於西橋公墳側之西橋公諱天翔字君瑞拜壽官以嘉靖三十六年正月初七日終於安寧客舍余嘗撰辭以銘其墓茲德安太守龍岡王公撰狀復以余為銘按太孺人生於弘治七年二月十有九日淑質秉嘉德性慈婉孝敬勤儉無愧古之賢媛生男三

長即尊配李氏次芹配張氏女二孫男六長四知
庠生次四維國子生次四喜四樂四科四表孫女二
曾孫男四銘曰維廓之南原隱隱廬邑大夫之尊愛
宅爰處光岳潛靈俾得爾所以鬱以慈淑媛攸同於
萬斯年以考玄宮

承直郎洛川縣知縣小亭先生楊君墓誌銘

夫士有裕於修身而約於得天君子所爲深痛也文
行本諸身祿壽令諸天盡其所本而聽其所令韓子
所謂生而不淑誰謂其壽死而不朽誰謂其天者也
斯可以銘小亭君矣君姓楊氏諱勗字象賢別號

太極集

卷

三

小亭世爲聞喜望族始祖宗道元末隱紫金山被石
不出生子三人長孟積次仲克次季敬孟積洪武初
舉明經授聞喜縣學訓導仲克生思恭思恭生剛以
忠信亮直爲邑鄉賓剛生璫仕保定縣典史稱廉惠
璫璫生謙是爲君考登弘治壬子鄉試歷仕城武諸
城單縣知縣皆有大功德於社稷生靈鄉間式之以
故三邑及聞喜皆祠祀焉大中大夫谿田馬公不妄
許可諫公曰忠惠云配劉孺人君生而端穎六歲能
誦古詩八歲解屬文十五克學官弟子員弱冠復古
文辭勵行聖門之學然輒弗利於有司乃貢入太學

太極集

卷

四

則文行益弘竟舉嘉靖庚子鄉試隨牒授洛川縣知
縣洛川邇邊一隅政教缺俗鮮興義民健訟逋負吏
治稱厥艱君至則調瑟而理之先務勸農講學罰及
頽墮徐問民疾苦與之休息於是罷里甲供饋之私
省賦役繁難之弊邑中歲派夫百名協濟三川驛接
遶遇川漲阻涉則卹人代募而倍取其值邑故貢柴
胡後移易郁李價則重君並申狀免之又應付差遣
廩餼之外仍苦折乾君白取支直銀依例分緘請上
印鈐發給不許分外須索撫按深以爲便著令通行
焉催科糧稅必酌量緩急俟其收成審編縣役必視
民消長之實而登降之乃民困漸蘇流亡者寢來復
焉有撫臣令沿邊郡縣每地糧十石抽軍一名百姓
愁懼不知所裁君抗言不便令竟不行邑有姦俠號
十龍九虎與鉅寇蘇四者吏不敢問君召父老諭曰
吾爲若除害以安良如何父老咸叩首言願於是悉
捕治管殺之一邑快然鄉野多盜君立牌甲之法盜
遂息俗婚娶論財葬柩風水因多暴其親與怨曠其
男女者君下令悉改正之聽訟鞠獄幽枉立辨故案
無留積罔寡繫囚又教民引水溉仙宮黃連開撫等
田民始知藝稻矣嘗中夜聞紡績聲明且知爲夫婦

共織老母坐觀給綿花十觔勞之於此民乃習勤
寅歲荒君募粟賑救所全活甚衆每仲冬差人掩
復時買藥以濟痾札君子以爲仁也爲善書載秦族
賢而鄉祠未列君舉而入之至孤孀老死之貞被虜
不屈之烈潛隱而莫彰者咸見表識焉君廉平公敏
每承委公幹輒明當蚤完如清戎發武臣之私占驗
功耶旗軍之妄殺是其一端已邑有戎卒七十人每
臨遣代還必厚加撫卹仍作詩以諭親上死長之義
南川撫臣聞而歎服君始至閬城即葺其缺圯令完
固仍布堅壁防虜之令民悉奉令惟謹故癸丑大虜
深入而邑中晏然君憂勤視事晨起坐衙至日晏不
遑食邑中父老相率獻新米一升叩頭上曰使君勞
悴若此百姓享豐成之樂願君進一匙粥君笑而謂
之君方直人不敢干以私然待人御物禮賢周乏罔
弗厚焉校斷罪人必男女異處曰存彼之廉耻也至
用箠朴又視獄小大以爲輕重曰勿傷平人爾居
六載清慎惠慈終始如一當道三薦之于朝數獎
於邑竟弗調乃拂衣投牒徑返田園囊篋所携惟圖
書敝袍而已里有嘲其宦久而貧者君解之曰金
帛無緣常盤橐詩書有分且盈函又曰茅屋縱疎清

野蕙蕪淡蕪蕪香又曰花辰有句貧仍樂聖
爲儒賤亦強其樂天知命如此臨水登山文朋社會
課子訓弟之外無少世營亦絕口不談世事人望之
若仙偶以病疾告終時嘉靖三十七年十一月七日
也得年五十有二君疾將革夢二童子邀至華山被
朱衣紫衣青衣三人延坐石幢出珍異飲食之要畱
君住君固辭三人各賦詩相畱有玉簡金函上帝宣
衆中迎取列仙才之語然則君豈仙去耶配王孺人
方伯濟齋公孫女有子三人夫學術隱文行豪士往
往以浮靡而取世資貪競而獵高位君遠覽博通爲
文與詩力追古作又玄解聲律兼美書畫居身守官
一以孝廉恭惠爲本而真心實踐無愧古人不可謂
文行純備彬彬君子矣乎然位臻一邑年踰五旬而
止大鈞於人何也祿不稱器壽不比德但餘平生爲
我心惻焉然孰俾君有嘉文令嗣必傳世而紹大之
真昌黎所謂淑而不朽者安知非造物者之有託耶
所著有野蟬峻嘯三卷草屋雜談一卷池蛙樂府一
卷已未九月十七日當葬城西忠惠公塋次惟滋持
父執李某狀張汝敬書來乞銘君宰洛之時余亦分
陝固知君廉平汝敬又亟稱君事太孺人頗肯曲盡

在太學夢太孺人即是夜馳歸定省無恙纔往卒業
居喪哀毀骨立則又益知其孝愛著之銘銘曰孝廉
才章忠惠之遺辟有良田耘而耔之弗逢其豐弗單
厥施授邑邑理奚如弗宜季鷹勇往淵明樂知我思
古人弗愆我所期蓄德而種令器令辭必大其世必
傳勿疑孰榮孰脩厥銘靡欺

中憲大夫陝西平涼府知府北泉王公墓誌銘
吾友北泉公之生也位不竟能其卒也壽不滿德其
葬也吾庶幾銘之以表其幽公姓王氏諱儼字汝思
別號北泉世爲汾州衛之茂族高曾祖俱慷慨有大

畧而不仕父瑄爲官毋党氏生毋劉氏公少有異才
警穎絕倫讀書日記千言屬文好瓊瑰曲曲見古人
奇事與肯必欣尚之在郡學以高等稱顧應舉輒落
落難合嘉靖戊子之試稍變格而就之乃始中式及
試南宮又屢北焉因謁選授臨洮府推官居六年鞠
訟用獄罔弗平慎查盤邊計者四一弗縱弗苛當厥
所委部使者歲上其能凡五上遷漢中府同知居頃
之會發斜盜起鳳縣盜楊元時等聚衆號三千餘畧
陽盜亦號千餘皆乘饑饉相亂時上下駭愕錯愕莫
知所圖公受巡撫謝公巡按徐公及兵備陳公委以

文谷續集 卷 主

便宜付之兵卒務相機勦撫公掀髯唯唯曰茲故易
辦耳畧陽盜雖號千餘實不過數百乃流民爲合勢
難久存鳳盜雖衆脅從者約三之二可以理解於是
先往畧陽定戎守之宜令十壯士詣敵壘諭以禍福
盜心疑然者半公乃專力鳳縣時縣令逃去公入召
居民無恐自以單騎出諭群盜曰爾等皆本土大族
雖有過失豈可自云賊乎畧陽盜皆四方流民爾等
能破之即將功贖罪有何不可於是群盜皆俯伏告
饒公乃撤去民兵出倉粟稍賑之以安衆志因密
報謝公令官軍但聲捕畧盜以怠其防而實先破鳳

壘耳已而官軍奄至公從中應之斬首五十餘級而
楊元時在焉官軍尚復追所公止之曰只許活拏勿
亂殺爲於是生禽二百有奇審釋商旅四十人饑民
三十人餘問罪焉而鳳境以寧畧陽盜聞之盡以解
散仍捕獲渠魁戮之以徇初民饑盜起公且賑且捕
動合機宜故於民多所全活民亦家畫祀公矣聞人
馬谿田贈詩濟活齊民無以報只容懸像祝焚香又
云鳳凰棲處起埃塵雲棧經年斷旅人此日山川依
舊好王尊車過滅黃巾允矣平涼守缺巡撫傳公特
疏名上請乃擢公爲平涼府知府任其能也公至政

文谷續集 卷 末

教兼舉威惠並行諸所廢滯慨然舉修而強宗悍卒
神姦鬼滑遽見消沮時上下頌頌方謂是邇得人而
公以被言歸矣輿論惜之公歸處園廬遂寡應酬但
與數老儒爲社中會而已然居常忽忽不自怡以嘉
靖四十年二月十一日終於正寢生於弘治十年
十一月初五日享年六十有五葬中千里祖塋之西
公爲人倜儻有智畧故從政優不長於治劇然遭時
淪棄抱志長往矣使用究厥能功名止此哉林間有
所著述多自秘然公博學精理其篇章固必有傳之
者配李氏封恭人子二人長順之次勝之女六人銘

太翁集

卷四

九

曰豐其才弗廓其用縮其位弗羸其年政有哺餵戡
亂起弊求偏畫像尸祝遺愛允焉識其大者孰曰弗
賢返我初服脫彼微纒深棲單繡晏然鬱然投壁於
山藏珠在淵孰掩其精其光則延我銘不爽公後不
德

國子監生兌川周君墓誌銘

君諱倫字以明號兌川以講肆在郭之西取易貞和
兄書美濟川之義其先本浙江海鹽縣人自始祖賢
以畱守總旗隨侍慶成莊惠王之國遂家涪州歷四
世至毅菴公永浩皆以循謹見重於王而毅始爲王

書記生四子君其長也九歲失母党氏見撫育
於繼母黃氏黃愛護愈已出公亦奉黃如所生人故
以慈孝歸之垂髫慈穎弱冠明茂受經師門志辨理
解遯材費序敬業樂群實天衷淳懿資秉淑靈故其
所精星壁之藏暢疏通之遠旨綴藻科場之績弘博
雅之芳猷毫翰擅臨池之工篇章臻入室之漸根本
人倫率由天性孝弟稱於宗黨敬遜著於鄉閭仁義
之言藹如芝蘭忠信之操確於金石每學使考德校
藝必見旌篤行之科襲列高文之等然連不遇於省
闈始以父命遊學京師會有詔入營爲郎遂川例充

太翁集

卷四

十

國子監生甄鴻彝之攸敘觀俊乂之所關已而從王
堂學士裴公遊蓋三年卒業畱邸舍待試京闈復不
第而歸時春秋未艾始見二毛因撫膺太息有嚴居
川觀之思遂理北谿之館葺西郭之廬將存衡門講
誨之樂收夕景桑榆之光息慮青紫安心玄白優游
容與不知老之將至乃命不副志享年六十有一以
萬曆二年正月二十八日卒生於正德九年八月九
日配謝氏生男二長文蔚郡庠生次文炳亦業儒女
一孫男一孫女三俱幼君家盛時毅菴公在堂康彊
豐裕君兄弟四人三在國學而一守家塾及毅菴奄

棄兩弟胥亡今此鞠幽君又離之痛哉其天乎其年四月二日葬君上文里新塋宜有銘嗚呼哉老友也我不銘之而誰為系之銘曰天界民性曰德與行德有九孰其守行有百孰其繹淑人君子不爽其儀不逢祚命遭此大羅善則不朽利誰能期嗣其未艾皇矣其有待我銘在幽君其處休

皇宗南村公暨配淑人戚氏合葬墓誌銘

公諱奇灝封奉國將軍道號南村系出太祖高皇帝之後慶成莊惠王之曾孫也父輔國將軍諱鍾鑒并夫人蘇氏生五子而公為長君頤長魁偉洪度豁

蒼頡集

卷四

三

達有倜儻之節仁孝友于好禮尚謙有揖讓之風當成弘正德之間宗衮蕃盛率驕貴自崇或重厚少文赫奕而已至公始折節讀書取益師友樂善而忘勢以故縉紳先生肯與之游太夫人寡居公時時安膳凡所以養志適躬靡不周至一弟早亡公為植其遺孤請封娶室悉出已貲時郡守郭侯於他宗寡交獨敬禮於公以此也公自處恒約然往往急人之難每歎貧者病不得醫則買藥弘濟獄有矯氏之冤公仁心義氣自當道得釋亦以公言為必可信碑端居多假或出其天機為竹籠網燈裝演纂組之事皆極其

妙然珪璋之德黼黻之才有足占者露之乎微而無所用於大均之乎魏王之瓠悲矣天錫之慶生一麟趾而衍有多嗣群公相賀作五葉重光圖配戚氏封淑人克柔克慎以孝以勤凡公之善行家之令猷皆淑人助焉淑人喜靜修一室清齋皎然冰玉慈惠貞嚴白首不渝公以嘉靖四十一年三月二十五日逝享年八十生於成化二十年五月十有八日淑人以隆慶四年三月十有八日終享年八十有四生於成化二十三年二月二十五日生一子曰表松封鎮國中尉配田氏封恭人孫男四長知璫次某孫女三曾

卷四

三

孫男五曾孫女十玄孫男二玄孫女一公殯蓋未之葬也茲卜庚午五月十有七日與淑人合葬某原乃中尉君用別駕水南雷公撰狀索銘余謹據其槩而銘之銘曰親則貴之愛則富之有華其牒維罔功德則韜之才則縻之有延其慶維罔悃眉壽而臧同室之藏其永祥

高陵縣儒學教諭平川鄭公墓誌銘

公姓鄭氏諱輅字宗殷道號平川先生其先蘇州人也高祖諱文通為王國人斯汾有茂族曰鄭矣厥考諱儀號詩樵先生以端雅博約為端王師篤生五子

皆治儒術公與兄翰更自超絕翰官至臨淄學訓公
由韓城學訓至高陵教諭公爲學官弟子時病學寡
師承乃從師遠游廣覽深造文翰兼美流聲晉陽顧
屢舉不第竟就冷職其在兩岸有彬彬君子之度循
循善誘之風兩岸士子皆如七十子之服孔子焉已
而鑒止足之分返田園之居其貧樂道屢空晏如性
喜飲醇作詩畫自誤詩畫往往皆傳而尤工於梅書
法則遒勁可師風流文雅大似晉人雖藩禮尊重見
公未嘗不抑公亦澹然無染指之歎人盡以是高之
享年八十有八不疾而化時隆慶二年正月二十六

李嗣集

卷

三

日也生於成化十七年十一月二十七日元配王氏
早卒繼何氏有子一人曰守身女二人嗚呼國殞頑
儒鄉傾大老位卑而道高身隱而名著凡百君子靡
不悼思仲春廿二歸窆中千里之祖塋中岳外史作
銘付石以表幽玄其辭曰穆穆元老故里延陵厥派
淳古季子之承家汾渙者盛於樵翁篤生群美高陵
有崇學有源委行有步趨抒文染翰中軌合塗清言
究萬推度鈞玄虞庠再踐費序總處知幾其神拂衣
還里薄宦猶辭厚祿寧靡于焉逍遙雲松以巢陶芳
五柳回也一瓢丹青渙發觴詠間之詎曰玩物天真

委蛇載耄及期優游爾休乘化歸盡不處不留古有
康靖非先生乎我銘匪佞惟德之銘

奉訓大夫乾州知州近山李公暨配安人曹氏
合葬墓誌銘

古之君子其生也淑其死也哀則誄之其生也有爵
其死也不朽則謚之今則誌而銘之禮以義起也夫
亦猶行古之道也是則邦伯公之亡也宜有辭以掩
諸幽按公姓李氏諱天錫字德徵道號近山世爲汾
州愛子里人曾大父鎮有隱德好儒術始卜居郡城
之文林坊大父景成好義樂施以善德拜壽官父麟

李嗣集

卷

三

以明經宿儒貢上太學授陝西鳳翔府知事卒於官
然克紹先志起家儒業實自翁肇之毋任氏生公兄
弟三人公其仲也幼英姿秀朗神哲內融趨庭學詩
玄解六義敷文析理大雅不群中嘉靖辛卯鄉試後
連上不第至甲辰授陝西乾州知州公下車觀省即
得民休戚之故利害之由疏導宣通蠲除補苴之綱
之紀有惠有威乃基月而已風采頓殊惟歲之周民
俗丕變於時上官稱能旁邑仰化謂公有邵伯分陝
之仁黃霸守潁之知方當奮庸高竝乃中道有遠遂
退而耕於野焉公優游田廬殆三十載課子明農之

外一塵不以芥其中與由夫野老話桑麻之務接文
明道侶致杯酒殷勤之歡洽如也事終久有二以
隆慶六年十二月十六日考終正寢生於弘治四年
十月初七日配任氏早卒繼曹氏溫惠貞淑內助有
聲卒於隆慶四年十月五日生於弘治十二年二月
十四日享年七十有二以萬曆元年三月二日合
葬於杜村里新塋有子四孫男五銘曰桓桓邦伯克
長克明其月而可三年有成紹志作儒光於家國一
命而偃大夫是式中林閑閑初服乃還逸我以老相
彼南山壽為福先德居位右孰是之道展茲耆舊新

誥封太淑人梁母任氏墓誌銘

太淑人姓任氏孝義處士文祐之女贈陝西行太僕
卿梁公雷之妻今四川提刑按察使明翰之母淑人
在家幼多疾其母張氏問卜得壽而且貴之辭已果
疾愈以聰惠溫純為父母所鍾愛擇配以適太僕公
公孝義巨族父志福在堂母緒氏卒繼母高氏性嚴
急動多許語太淑人孝養益恭竟得其懽心公慷慨
高義嗜酒好客有田三十畝歲用鉅貲嘗顧人代修
署之役適殞於覆壓法當給葬因又鬻田之半以給

之則益貧太淑人力勸紡績躬操井臼以補不逮雖
嚼糠蔬無怨意生有賢嗣按察君也其子鴻財推選兼
通尚書春秋二經名冠州邑嘉靖丙申詔嚴選俊又
公褒然稱首上太學由太學生中癸卯鄉試丁未登
進士第授刑部浙江清吏司主事辛亥以考最封父
本部主事母為安人甲寅出守慶陽陝西按察副
使遷本省行太僕卿值今上正位東宮覃恩誥贈祖
及父俱太僕卿祖妣褚氏為淑人而太淑人則加封
焉按察君在刑曹時分宜公執國柄百官慄慄懼得
禍太淑人夫婦迎養邸舍教君周慎舍中人賢之其
守慶陽化行邊郡有古循良之風太淑人之教焉多
副使以璽書兵備漢中漢中深山多回夷遺種時或
反側素稱難治太淑人教君審機宜重恩信一道底
寧甲子太僕公喪亡太淑人哀毀骨立訓育諸子及
孫與伯兄子孫有惠有儀按察君起復仍補陝西太
僕入覲晉本省參政分守涼州涼州介番虜之間地
險而貴重太淑人諭勉如漢中君從事一如太淑人
教以故西人至今思也嘗之涼過虜道中相去里許
得避免焉識者知有神護西人有賢母也人以此
數百金為太淑人壽太淑人斥去即報君令早決以

其親親至今邊吏憚服辛未擢四川提刑按察使
蜀吏民方望其風采偶被言後未幾年復至十餘
矣時論稱屈太淑人聞之喜曰吾老矣兒歸甚慰
到家奉母歡顏與三弟居怡怡如也萬曆紀元太淑
人年八十君張組列進集車馬衣冠文章歌頌大合
樂為慶鄰里榮之以乙亥四月告終享年八十有二
生子五人長明翰即按察君銘曰有淑其媛無美弗
全宜家則順撫已則虔婦之道正母之德淵天篤其
慶生乃國賢作哲作乂于蕃于宜母以子貴榮祚延
延沒而不朽媛其允旃勒銘玄堂以考萬年

泰續集

卷四

三

資政大夫兵部尚書思齋先生霍公諱

維萬曆三年乙亥三月二十六日大司馬思齋霍公
卒於中陽里第春秋六十嗚呼哀哉太微之精帝佐
之英珪璋特達文武兼資奮興亨衢跨騰風雲自展
案策敷御史廷尉中丞上卿暨掌戎柄出將入相天
下倚以為重殆三十年雖綠野願真之日實蒼生望
濟之時奈何奄忽哲人其亡乃朝傾隆棟鄉失表儀
余仕承襲露之麻歸襲清風之穆當公花甲載彌余
生七十有一扶筇造門舉酒祝嘏亦謝之辭余老
矣今強為耄耋者出得無憾乎余曰不然政為公壽

泰續集

卷四

三

燭微如鑑庶幾明慎邦人以寧越登臺表端軌正經
巡方覽鑒不激不煩莫敢不惕莫不震震式遏寇亂
曾從同治渠地授首渠宋底綏兵荒荐臻幾靡子遺
多方救恤發粟養黎天子曰咨體予南顧於維良哉
表茲朝著大理其微平刑貞度于張之傳臯呂之庶
夏西如鎮勅公樹循開府臨戎百寒其振士嬉馬騰
一戰則伸勸學與禮保保閭閻繼輔薦移公徂東
多士緝思勒銘譽官亦既在止繫起北蒙都都府有
習習惠風大藩之國祖帳寅情日暮外餘
和翰四鎮朝虛暮盈推較卿佐筆貳二京

總陝四域乃武乃文是匡是飭民安其居吏守其則陝隴禁戎
華條姬雅震耀遐荒發抒華夏位正樞機望均朝里
議事以制公實不違聚訟甲乙抗表旋歸命葦菟裘
俯仰嚴扉內省無疚大宅有暉子牟魏闕安石東山
蒼生拭目志士苦顏詔書將下帝鄉已還河清難俟
中歲阻艱誰謂不尊悖德元元誰謂不榮弼諧謨明
誰謂死息功存杜稷誰謂亡淪澤在生民我之懷矣
高賢愉愉不朽者三三光是俱總帷空館宿草高墳
庶幾如兄有感斯文嗚呼哀哉

李綱集

卷四

二五

分守冀南邊左叅政濠濱張公創開田渠碑

萬曆四年丙子濠濱公以布政左叅政分守冀南開
府于汾下車省方問民疾苦則得水之所以為利害
義安里有渚水一區曰猪城濠其濠西北受張堡河
十八澗之流東南隔汾河二十五里漚不得輸天雨
暴漲則彌原淹野敗懷民田凡七里十一村旱則無
補于溉大水善利萬物不因其勢而利導之則鬱而
為蓄耳是豈水之過哉公乃察河壩之紆直相水
之弦緩畫方畧定準裁乃下令
運通河口渠長九千二百五十步

高七尺兩堰基各闊一丈收頂各
深一丈二尺渠有長長有夫其

買渠地與犢勞工役用公府之粟

之五閘月而大工告成縣是數百年淤滯之陂一朝

通理委輸而會之川若水有神必飲其遇渠以衍滂

順以禦衝計民得安好腴田二萬三千四百畝有疇

父之渠水充積猶足以資灌注而退灘之餘又倍利

抗麥詩不云乎自今伊始歲其有大建便宜決壅閘

裕國足民政之仁為大昔蜀守李冰鑿離堆之渠避

津水之害民饗其利西門豹渠漳水溉鄴河內富饒

鄭國鑿轍口渠溉田關中遂為沃野此三大夫皆有

大勳於民故至今頌之今我公洪仁拯溺淵哲康屯

茲出其一端神運理解不動聲色而開萬世之利遂

俾山澤宜而氣通水土演而民用其諸經世之備為

可知矣媲美前脩休有烈光惠我無疆可無述乎於

時州之長吏僚屬大夫庶士刊石立表以紀元勲并

記渠堰制度永為後式焉慶功之日詔公總憲山東

遺令毋歲東作將與先事挑脩一次以便疏通計監

宏遠矣公陝西韓城縣人公名士

李綱集

卷四

三

處之地固然爾言先王
從事大雅而獨馳騁於
末爲原惜不知原之所
也雖欲效大雅之雍容
又遷稱詩三百篇爲
亦非通論夫文王
堂之章是何等氣
所爲不已過乎是

故詩者發乎情極乎禮義順時而動
非強物也乃今觀於近時名公之作
如孔文谷先生者亦可云觀矣始先
生仕浙中嘗著霞海篇二千餘言其
自敘天台鴈蕩之勝以爲不讓華嵩
顧獨怪其所托幽遐光靈不屬乎裡
祀余每三復其言慨然悲之其後入
關陝遊河洛退居汾曲於是復有履
霜澤鳴漁嬉諸稿爲別集若干卷其
中摘詞比義大率與霞海篇類而其
興致益深遠矣夫先生起家進士上
第歷官爲方岳長非隱者之流也而
其辭反多冲逸豪宕之致入對之後
即以藩戚出爲外史貶徙栖遲且
二十年未嘗一日身在
朝廷之上非登歌應制之會也而其

調乃多叶乎巖廊鐘鼎之音蓋先生
負卷阿崧高之具生逢大雅之朝而
其迹乃似原之放其意有碩人之寬
故其形之於詩也在江湖而懷廟廊
之憂居京洛不忘山林之趣是以性
術兼該而騷雅之道備也假使當時
弗爲制格所限得以聯玉堂金馬之
班抽金匱石室之秘即房杜王魏之
業未足道然其凌雲吐鳳飛商流徵
者不過敷陳盛德之形容而頌美之
欲求一言如衡門考槃固不可得矣
豈非天欲令其言必傳不徒秦伎周
衛之中與文史並貴於世也先生始
著霞海篇傳之已久爲詞林所宗今
大中丞芳洲洪公復取前後諸集合
而刻之譬如連珠累璧見者靡不寶

矣大春辱交先生於十年之前而公
之刻是集也特遺書於千里之外是
以得具論之如此
嘉靖四十五年歲在丙寅秋九月既
望潮陽林大春撰

紀言

芳洲洪公之莅晉也，垂問俗之仁廣敷文之義，乃移書山人曰：某頓首。捧誦佳章，如商彝如周鼎，不事雕鏤而古意宛然。且人情理路一齊迸出，透徹無遺，真希世之奇文。昭代之名家誠珍之寶，之愛之藏之，不啻百朋已也。居嘗私謂我

朝能詩者，不過數家。近如何李之作，皆道也。公詩當傳於世，至今未頒布海宇者，誰責也。敢乞鉅篇，發下容一一校閱，旋登之梓，庶

始

天下寶古今寶爲天下古今傳之行，李將東佇，埃未示伏，惟鑒其來意之誠，諒其蓄誠之久，不惜垂示。至仰至仰。又曰：尊稿尚多，僅以一冊見貽，豈非知其非入社之人而故靳之耶？尚容再請貴處刻字，匪不知執工若汾，忘則連筆鋒皆刻削，無存矣。殊不見佳也。併望賜教，俗冗尚未趨候，尚容朝還，頓首。其移書山人如此。竊念儂虛薄奚足以語詩也。特心喜學詩耳。曩歲在甲辰，公嘗稱余感懷安定之作於浙上，今隔絕殆一十九載矣。尚

親訪余詩，至欲梓之。其賞余之心哉。然余之詩則終於不能也已矣。念公賞心之言，何日忘之。謹用登記，庶斯字長不滅云。

嘉靖壬戌孟夏山人天胤謹記

孔文谷先生詩集序

始訥自范陽移廣陵過汾上校吾師文谷先生之集以行將捐俸刊布會溫陵芳洲洪公過則語訥已刺置晉省蓋先生不欲以文示人乃芳洲公請而得之者是秋先生以刺本寄示訥得讀而叙之叙曰於戲道德衰而文辭勝世之薦紳先生莫不有集集莫不有序序莫不贊美其文辭而其入之道德之實曾弗論據焉夫自達人視之文辭已落第二義矣而論者又不原其文辭之所緣起吾恐作者之心不如是也惟先生抱道於河汾之間周流於秦越燕趙伊洛之表講學以正心為本論文以躬行為先嚴教以約浮而不縱敦仁以綏窮而不猛節冗以理財而不濫奮憤以飭武而不玩雖當取忌左遷之際尤從容以展其猷即今歸老明農之時適優游以順其真彼其文辭之間作者乃游藝之緒餘也予嘗侍教於石室之中即不觀其文辭聽其言而鄙心降矣豈惟聽言即承顏之餘蓋神融而心領者真春風不言而桃李成蹊也孟子曰誦其詩讀其書不知其人可乎愚於先生竊

亦有以知其人矣知其人可以知其文辭之所寄矣載道之文有德之言誦讀之餘其意藹如也先生起家壬辰及第進士其對

御問策已稱

上意而傳之天下諸所述作皆非其志而況於集之以示人乎又況於贊美之詞刻水鏤雲者之贊乎訥蹉跎強仕風塵愧容回首西河豈其徒耶退食夜坐讀其集而深長思焉即不錄探本其道德亦不敢綴葉其文辭茲集特其守祁州至淵中與今山中訥為之摘其極玄者其詩之全集與文集尚當續請於先生訥故不敢直以詩叙之

嘉靖四十一年壬戌九月既望門人趙訥頓首
撰書於江都之體信軒

漁嬉稿自敘

山人有稿名漁嬉焉客問此名義何居張平
子歸田賦曰追漁父以同嬉嬉者樂也樂則
生矣生於心而宣於言也屬言於草則有稿
存焉耳客又問夫魚則有荃而言則有稿固
矣或猥瑣之不足存也不足存則弁髦棄之
存之何居南郭子綦之未天籟也曰大言炎
炎小言詹詹詹詹者小篇之貌也夫有使之
言而小者政吹萬不同而使其自己也亦猶
夫轂之音也蜩之響也與龍之吟也虎之嘯

也

也

也鳳凰之鳴也其有辯也語其使之然不得
不然則無辯也道惡乎往而不存言惡乎存
而不可余是以存之客聞此解自謂得其言
而言與不得其言而言且暮遇之也遂不復
起予矣嘉靖四十四年歲次乙丑六月十五
日庚辰管涔子敘記如此而書於文苑清居

孔文谷詩集卷之一

履霜集

門人趙訥校

甲午冬十二月赴邳州經宿榆次縣

寒飈轉玄陸窮陰集廣塗歲年此沉晏駕言辭故都
嗟予抱重譴投荒式餘辜國恩浩無際海嶽容垢汚
且試股肱郡而分銅虎符叩命不遑安行行中踟躕
昏雲鬱晚凍榆石含霜蕪疲馬戀鄉邑日夕憇城隅
退思有嚴程進勉缺良圖交茲起心戰時哉安所須
過平定用蘇門韻

旅館

風霜集

山程曉夕寒復當將盡歲且爾未休鞍
處世飄蓬是容身直道難紅顏與鬢鬢應為雪沾殘

至郡

解劍挂齋壁忝茲銅綬加登堂已民牧回首即京華
水帶屬城近山連舊里斜疇予論遷謫不是遣長沙

行役宿保安寺

驅策有時命疲驚誰復論畏途飛短景孤寺寂黃昏
鬢改風塵色衣殘雨雪痕春烟俱著柳應亦到蓬根
曉發望燕臺

風憶棲晨霧星軺載宿霜嚴程動往往役曉路促懸裝

水帶天雲色山披海日光燕臺高樹隱竚立客心傷

除夕同弟酌郡齋中

梅柳參差逼歲除風雲繚繞待年初人離鄉國新趨
郡鴈度關山遠憶書栢葉祇憐同弟席椒花還擬頌
親廬微臣更有嵩高祝欲撫星河謁帝居

仲春閑齋

坐覺春將半閑看柳漸長鳥鳴晨雨細花落晚風香
聽訟因農簡行春以病妨齋中掩扉罷心思益蒼茫
春夜即事

續紛稍休暇容與步楹軒月悅兼天霽宵鐘罷夕喧

吏似閑為隱心應靜不煩所嗟時暫爾非復蔣生園

午睡

柳院春陰匝蘭窓日影懸風枝喧鳥雀露幌澹雲煙
客思魂歸夢鄉愁病入眠佳期不可見還寢夢還天
病懷

為邦無異政病俗且相因卧似馬卿渴官同原憲貧
違時衰鳳是處世覆蕉真蓬累誠吾分何辭不乞身

春日路年兄涑水縣宅宴別二首

三歲別京華相逢綠水斜論交逾骨肉離思惜天涯
顧我雙蓬鬢憐君滿縣花春風方殢酒整旆復成嗟

又

春風楊柳道高館玉燈張酒發離尊滿情因別路長
堂琴和鳳侶星劍映龍光竊嘆予飄泊風雲倍感傷
晚回至郡

旅鼠對蓬飛孤征錢落暉山川非故國道路是王畿
繞樹翔禽集殘雲困馬歸郡庭憑夕望隱隱客星微
宴別雷鳴春上京用杜韻

又

少年秉孤秀神采映三台天府青雲近賢關白日開
應詔儀鳳見含景伏龍來知有長揚賦行能結駟回
獻賦趨金闕龍光切上台離堂饒夕醉別騎向明開
知爾能登奮無勞感去來豈如機上女望使王闢回
錢別君衡二首

又

汾上舊談經星間兩劍明論交多意氣懷古有餘情
尚抱匡時策空聞高士名茲歸且龍伏日夕待雲生
握瑾復西歸天涯會面稀離亭懸草色別路重雲飛
望望龍門迫依依鳳侶違所期揚子宅詞賦日光輝
十六夜鄧司僕宅小坐望月

今夜月還滿青天揚素暉懸風歸羽翮帶露濕羅衣

酒泛金波淺花看玉樹微客心應可照流影到親幃

晨起

晨起髮不理披衣撫前楹露繁花氣重雲斂木陰生
蟬響臨秋樹禽喧空曉城顧瞻林想悵悵望復餘情

秋思八首

金井雙梧桐葉葉辭枝飛零落自茲始孤鳳胡所依
人逢廣荆榛蒼茫悟言歸將勵九龜羽而覽千仞輝

又

白露沾野草商風吹前林容華忽以改寒涼時見侵
四運有承謝平生多苦辛豈不念時命積鬱終難任

又

蟋蟀鳴西堂促織吟東壁涼風吹我衣念彼北邊客
秉燭弄機杼終夜不成尺惻惻栖寒難不能生遠翮

又

西蟬鳴樹顛蟋蟀擾堦砌庭燕滋晚陰日夕涼景霽
煩蒸幸少除羈懷此方繼人無百歲年苦憂何可屬

又

初月照我戶隱隱夜微光中懷寤難燭展轉內自傷
出戶見河漢三星麗其傍水遠不能度欲濟無舟梁
肝腸結不解俛仰意何長商歌淚如霰玄夜殊未央

又

鬱鬱靈芝草芬芳瑀樹枝不植瑤池圃僊葩曉復知
涼風野草萎寒露日以滋豈不惜馨香託根難可移
欲以舉英秀遺之我所思所思在遠道孤身不能之
願為淩風羽飛寄中言辭身無青鳥姿沉憂潦水泥

又

晨風飄白日短夜以長愁入不能寐中宵起彷徨
修名難苟立遐羽無卑翔麒麟久不至鳳鳥亦微茫
德衰邇來現俛仰梧桐岡涼秋枝葉零草露晞朝陽
思乘萬里吹返我昆侖鄉

集

卷五

五

晚雲變朝露西日揚東輝萬事有轉易玄命幹其機
達人探幽眇去住無從違太公欲西往宣父思東歸
鳳鳥既不至楚狂歌亦微嗟哉飯牛侶寒夜悲無衣
清商一以展嚴霜見日晞

秋日定州道中得故園諸君子訊

孟秋水雲盛落日山川平展跋望鄉縣悠哉多苦情
何意雲中鴈啣書向我鳴借問何方來言是故園聲
念茲久離別殷勤慰遠征承之啓誠詞溫詞如風清
長吹入懷袖以解心蘊蒸不如會面好依然別思盈

秋日郊行即事

野水接雲平郊陰散曉晴村煙林際出蟬響樹中生
禾黍垂秋實山川帶雨明釣潭何處是徒有羨魚情

言懷寄王子拙菴

竄身履幽側日夕坐窮陰閉戶罕交際擁愁多苦心
幸子海天鳳來棲碧樹岑高音偶相賞遂協芳蘭襟
陳洪非我鄙幽居時見尋閨頽肆墳典灝懷超先今
邈哉山水想所得亦茲深始信一然諾不假千黃金
秋澄風雨滿羨子蛟龍吟愁思龍變化貽我空寒林

九月登南城作

日景迅西曜佳節開重陽茲辰尚登衍遊子懷遠望
良朋信高賞南樓促相將攜樽吐言笑把袂凌空蒼
緒風吹我服白雲如帷張木葉落成雨草枝垂清霜
飢鳥集水樹鴻鴈鳴悲翔黃花折盈手相對惜馨芳
歲事亦已爾臨眺徒生傷豈乏杯中醞其如籌思長
聊持轉蓬跡猗猗殘秋光

古意

西國佳人冰雪膚芙蓉雙綴夜光珠春風不住黃金
屋秋月空懸白玉壺蕙草孤房愁望絕龍沙萬里信
音無誰家笙鼓喧喧動却為封侯覓壻夫

寒食放吏齋居悄然五首

寒食曉霏微鳴鐘放吏歸庭閒如息訟几隱似忘機
階樹含風綠簷花傍鳥飛芳春由此暮撫景悵榮暉

又

龍忌殊鄉國鷄栖感歲時雲天沉旅况風日倍離思
杏雨春城暗蘭煙晚徑遲寧芳欲有贈淹寒意空持

又

庭肅春陰澹齋空人吏稀風香生草樹日影挂軒扉
柳葉金英綴桃花錦片飛沙心宛成趣嘿嘿但思歸

又

自出逢寒食依然兩度春鶯花紆淑景風雨泥佳辰
貧媿榆錢薄愁繁草帶新還思里中舊相遇出城闌

又

抱病逾春暮天涯食尚寒高雲親舍近芳草客愁寬
離陸憐星劍崔嵬嘆鶻冠佳辰亦強飲其奈不成歡

春日郊行三首

公齋稍無事驅馬出郊垌問俗依村遍看耕到隴停
攀緣垂柳陌徙倚落花汀始信長沮輩為農薄世榮

又

乘春試省勸拜蓋臨東菑鋤笠參差在田桑遠近滋
晴雲微帶雨陽鳥亂鳴枝好寄逃亡屋今年勝別時

又

宿雨春城散晴滋野色餘輕雲落水際垂柳帶村斜
隱隱鳩鳴樹喧喧雀啄花窺游使心曠綠草忘還家

貞文書院論諸生

大道易遵軌多岐涉險艱鴻英正皇覽昏狂瞽窮年
茂明二三子遐征緝古先六籍炳天日百氏紛雲煙
披紛極儀象元化自我旋文章廼餘緒勛華達淵泉
惟頌夫豈亡周孔道固然願言廣德心旆哉日乾乾

送雷生歸汾上

郡閣春方暮言歡君子來坐參芳樹席吟倚落花杯
離劔今初合征車此復回送君沙水上流水思悠哉

寄弟

遷客沉時宴離心屬暮雲風塵鴻鴈斷原草鶴鴒分
樹子高堂侍嗟予世網紛南陔與唐棣駢益肺腸熏

贈高生世榮司訓饒陽

昔予謬典教識子為醇儒薦藻辟雍渚賓光日月都
簪棠果通籍龍馬斯出圖東鐸振文響操劍貞道模
饒陽通京縣多士承化樞言贈豈伊異遐心察蘇湖

將赴潁上與親愛別

戚戚攬衣帶倉倉結征輪僮僕已在御遊子難與身

豈不畏簡書高堂有老親欲辭再三戀強拜淚盈巾
昔人曾有言之傷我神不行無可養行去百憂新
切切委兄弟依依托四隣揮淚自茲去驅車出城闌
都門楊柳陌祖餞列朋賓把酒不能飲惻愴逾逡巡
隱忍登廣途絨情各未申日不渡冰河荒山石磷磷
不見所親愛但見車行塵

初祖菴觀留影石

青山橫色界碧磬轉祇園石壁龍宮間蓮花鷲嶺翻
諸天寧有象萬法了無言却與當年事浮蹤片石存
奉和翟青石中丞長沙寇平自湘江順流而下

還軍武昌二首

烟塵時一掃江漢遽旋兵鷁舫浮佳氣龍濟泛凱聲
三湘春草滿七澤瑞雲平已自功勛盛猶謙不伐名

又

節鉞開雄鎮鉞鈴擁善兵寇淪卑濕氣師捷洞波聲
陣裏風雷出營邊草木平壯猷人共羨方叔好齊名

阻雪偃城縣館書示萬宰二首

歲晏方希澤風雲此効靈凝華紛點綴積素漫飄零
入樹潛迴綠沾田豫換青省耕勞令尹騎馬出郊坰

又

雲葉披簷重風花繞樹深庭如月波湛窓似曉光臨
釣有江湖意畊多畝畝心勞歌無與晤誰念白龍吟

登壽州寺塔

伏日淮南暑濕偏偶從高敞一攀綠觀空似覺諸天
盡證果纔看七級懸行倚夕嵐雙樹遍坐澄秋水白
雲鮮林僧不語安禪去笑我腰間銅綬牽

昆虛閣上同沈惟遠作二首

支離同極楚鄉愁嬾散還能作伴遊避暑暫憑高閣
霄凌風聊假四天秋斜陽坐落青山樹片月看生綠
水洲朝市茫茫寧有此謫來翻共爾淹留

寄書

寄書

十

紺園高閣俯東城一眺河山滿夕晴清淨自然分上
界空虛了爾是無生銖衣幾種蓮花秀金字千函貝
葉明世難欲逃應此地可能攜手謝塵纓

淮上會孫明軒水部二首

別後成飄泊思君邈若龍焉知今夕幸遂與舊遊逢
誼氣平生在情文此地鍾淮南故多麗迹攬第從容
又

愜望無由見欣逢有此時江雲迎挂舫水樹發瑤卮
申款離群思尋盟隔歲期極迴定予問栖楚尚於茲

題薛西原先生園中

解組一官後開荒十畝間著書探道德時先生正我
藥養容顏碧柳門常閉浮雲意自閑坐令鷗鳥下日
夕竟忘還

上黃安厓中丞岷梁峻捷十三韻

烽火沙場靜驚颺輦澤生簡書動帝命節鉞仗師
貞有美中丞烈曰真絕代英登壇紆妙計提旅誓橫
行虎豹盤軍壁風雲起將營關山雷鼓震部壘電旂
明負險孤雛泣擣虛草薶平人因先義奮事以好謀
成殺氣霜含陣銷氛雨洗兵露文搖漢闕星劍挂秦
京塞靜人烟出川寧物象清謳歌西土動恩寵上方
榮吉甫今為憲非徒麟閣名

廣陵贈范都運遷蜀藩叅政

濠梁始傾蓋淮海遽離舟宦業隆江左居人頌道周
風帆搖客思雲樹起天愁巫峽猿猴甚巴陵烟雨稠
經塗湘浦夏駐節錦城秋政府延新譽賓僚慰舊遊
山川增氣象閭井動歌謳訪古楊雄宅臨高白帝樓
安南金鼓震塞北羽書流共灑憂時淚伊誰為國謀

四月望日舟中

楚水浮雲日夜流扁舟如葉與悠悠遙天念國身仍
去異地懷鄉跡且留芳草目餘遊子恨幽蘭還共古

人愁江亭繫纜心無限綠樹滄波月影稠

淮南五日

建午貞時令端陽表節展仙裳五葉映綠縷百條新
秋黍還遺俗蕭蘭有逐臣羈栖成感慨况在楚江濱

潁城秋思

宿雨微朝旭涼雲澹夕岑蕭森來暮景寥唳起寒青
地擁紛紛葉城飄處處砧誰能乏鄉思對此不沾襟

從軍行四首

鴈門北望白漫漫孤嶺西驅漸漸寒黑海岸邊焚虜
帳黃沙磧裏破樓蘭

少年學劍圖金印今日飄蓬老玉關但使朔方聞姓
字任教枯骨馬駝還

漁陽戰罷陣初移萬里連營出月支相向莫言征戍
苦隴頭流水為君悲

黯黯陰風亂朔沙沉沉孤月海邊斜胡兒吹笛天山
曙回首何人不憶家

塞下曲四首

朔草肥胡騎雄風起漢兵進軍玄菟郡突陣白龍城
苦霧陰山合寒雲大漠平營將驕虜破不數衛青名

又

漢月懸沙塞胡霜掃玉門分兵防北塞出馬破西蕃
大將頭如虎三軍臂似猿封侯誰定是李廣不須言

又

轉戰皋蘭北橫行瀚海西胡風吹月墮朔霧使天迷
驃騎心成鐵匈奴血作泥捷書連夜去侯印幾時攜

又

未斷烏孫臂難辭青海頭風沙攢劍戟霜雪裹兜裘
陣苦胡笳落軍悲漢節留徒勞公主嫁不使戰塵收

山中懷秋山上人

谷口來栖二十年無人知是上乘禪還飛錫杖凌風
去却向浮雲何處邊

去却向浮雲何處邊

贈西谷

方外尋丹壑山中藝紫芝意將流水遠身與白雲期
夏葉裁書策春條攬釣絲柴門隔溪望娟娟薜蘿垂

少年行二首用侯齊韻

射鵰回細柳走馬向長楊面帶胡姬酒衣沾漢苑香
黃金捐舞館白壁謝歌場詎念閨中婦織羅繡紫綰

又

吹笛青樓暮珠簾滿落梅鳴鞭何處去走馬日邊迴
乍怒猶懸劍俄歡更舉杯來朝灞陵戲已有博徒催

曬遺書作

亂簡殘書次第開先人遺跡滿塵埃徘徊空宇嗟何
及泣涕斜陽心已摧

卜居白雲菴南谷友人

樵隱非關絕世氛退耕猶屬野人群泉間樹色籠青
霧寺裏曇華耀白雲暮雨尋僧花錫近春風藉草蔥
蘭薰高情暇日如相問一飯能烹澗底芹

奉和劉石梁太守歸思

使君嘉惠滿汾濱何事懷歸思轉頻滄海未嫌歸棹
晚皇闡寧許乞書陳榮名滿眼知誰是淡朴無心

佳節忽已回幽人在空谷朝霞刈紫芝夕露餐秋菊

九月十日出訪北村便留酌速暮率爾賦酬

服食引長年俯仰自然足猶懷方外蹤遠覽道書讀
披圖點芳翰摘藻散幽韻晴嵐生列岑澗水湛逾綠
風葉卷高林霜蕪映茅屋此時酒尋相對柴門曲
把手話嵩泉委心同草木坐求日景闌星分未遑宿
冥契忘古今寧能論昏旭世緣非所知從君謝牽束

孟春宴文湖南園

孟月春林會南園曉帳開文霞飄翠蓋華日瀉金杯

秀靄溪山入柔滋草樹迴深栖復何似暫賞遂悠哉

仲春書懷

二月春逾半高齋病獨眠尋芳雖累日服散詎延年
門柳和烟綠園桃映雨然佳期悵無晤微感曷由宣

秋日同弟西田

開秋徂西向微雨湛新晴山疊蒼林翠水紆素練明
蓐收秉金氣豐隆揚玉英皓露委圓葉丹霞冒紫莖
陰虫朝暮急陽鳥東南征節涼景多利歲晚物咸貞
豐穎灌郊遂佳蔬陰柴衡蓬麻相弼直蘭蕕有餘清
糲食甘鼎俎草衣華綬纓雖非捨塵慮亦已寡世營
胡為百年內誤馳千載情既乖大知德亦慙小隱名
初來悟所遣逍遙學無生

聞出師北伐二首

戍樓霜夜動胡笳吹起陰風滿雪花平世何人聞戰
鬪中原今日有塵沙兵分幾路連旗出陣合千重疊
鼓斜共道伐謀須上將不愁驕虜亂如麻
塞垣秋色滿寒煙正是霜高急勝弦飲馬漸看來近
渡射鵰時見落平田烽傳羽檄搖天上殺轉金符下
日邊大將誰為寶車騎會當銘藻勒燕然

次祁縣館

不能窮巷臥仍作畏途行殉祿終非志居卑但此情
朔風流絕塞寒日慘空城何物愁堪寄燈前白髮生
保定道雪

玄陰打積霰白雪曉霏霏風絮競春薄天花蕩日微
旭塵縞稍素淡鬢黑逾稀祇可欣農望那堪點客衣

孔文谷詩集卷之一

卷之一

卷之一

十六

孔文谷詩集卷之二

澤鳴稿辛丑

門人趙訥校

河南省堂公燕因呈省中諸僚長二首

春堂陳廣蕪登攝滿晴暉雅樂朱弦奏華觴翠羽飛
落霞淹已暝延露坐仍晞誰謂厭厭醉還能看紫微

又

不意窮途子來參大國藩岳瞻申伯在棠觀召公存
陪德知無似齊賢念有敦稱觴拜明燭倘肯鑒予昏

大梁城樓雨中留別三司諸公時出守河北

澤鳴稿

卷之三

高城楊柳綠森森正是天涯春草深孤客不堪時眺
望群公端向此登臨浮雲似蓋催行騎密雨如絲散
別襟白首從軍誰復念茲樓一寫仲宣心

至輝縣分司作

受命忝藩僚分疆適名縣下車此何時春和序將變
懷志未于宣驚時忽多念吏民稍已親山溪亦陵細
百泉如有情蘇門象迴眷茂樹結蒙龍芳華積葱蒨
暄鳴下嚶鳴晴霞上暉絢環顧眄皇廷芸芸灌郊甸
窺攬悉幽閒黃綠益清宴余本嗜丘園謀生廁纓弁
不意代躬耕復得無游衍殉祿雖寡庶微衷自茲見

斯民尚余安都忘卑與賤

茭道驛作

浮雲一出海風雨萬山深嶺道烟中失泉聲樹杪沉
息車防險徑投館對空林借問巢居子寧知行路心
送盧方伯之任廣東

大江東汎綵雲秋五嶺南看瘴霧收自有霜威行海
微更無塵色起邊州烏啼薇省千花馥月吐羅崖萬
壑幽莫是逍遙鵬海上翻飛還向鳳池頭

江樓送遠贈和峯大參

伐鼓通晨江練暉登樓觴別與心違明珠按劍誰知
已春水盟鷗自息機玉節忽分臺裏樹金章偏拂省
中薇馳情五老青天上時繞懸泉一道飛

與趙侯齋宴湖上閣

萬木寒山葉盡衰青青惟有桂林枝攀芳結思徒千
里聚梗論心忽此時湖雪紛從琴裏散閣鐙朗比杖
頭炊厭厭莫惜闌宵醉明日海雲何處期

石屋寺宴集

碧磴蒼松紆翠微白雲幽石啓玄扉龍盤寶藏千尋
入驚舉靈峯百丈飛若葉夜懸金色相蓮花秋吐玉
光輝菩提更在諸天上向夕同探聖果歸

憶蘭餘韻篇為邨少參題

幽蘭本是王者香紫莖綠葉垂琳瑯誇質雖同瑤草
茂玄精別稟玉池芳逶迤深谷秋風裏比德寥寥無
伴侶放臣紉為身上衣縱聖操作琴中語可憐奇物
等茵陳忠信神明道不伸楚山失却連城壁魯水難
容橫海鱗伊人千載能相憶抱潔含華處南國讀書
萬卷未成名夢取一枝天上植天上葳蕤奕葉芬人
間那數百花薰趨朝獨佩青青色行省平章采采文
嚴梅自合調金鉉誰道崇蘭不光顯羞來清廟猥頒
繁薦在明堂黃瑚璉香草美人多未逢君家升長何

出湖州童南衡送至謝村賦酬二首

春水輕舟漾曉烟美人相送坐同天連堤柳色明衫
袖隔岸桃花映酒筵客路雖非千里去朋心其柰一
帆懸西湖嘉樹予懷望最是嚶嚶黃鳥翩
吏道驅人不慙閑春辰還此度江關亭亭車蓋浮雲
外落落征衣芳草間澤旅自將顏色頓河郎誰念鬢
毛斑高人載酒來相送共寫愁心江上山

讀薛考功集感而賦之

一覽西原作闌干涕淚莫從紛茲懷化鶴憶昔見猶龍

耿耿對秋竹青青倚春松玉壺斟水月瑤席整絲桐
聽嘯蘇門上窺玄草閣中著書躡二老解綬辭三公
道即先天地名誰究始終希知占子貴直指發予蒙
義諦昭如日言詮穆似風洪河方飲鼠岐路忽飛蓬
遠吊斯文喪深悲吾道窮流沙歸李叟梁木萎尼翁
生死原相托幽明遽不同譙墳宿草長苦縣暮雲重
懸劍情何極投芻理亦空惟將千古意潛向九淵通

湖州夜坐感懷安定先生十首

微雨初收夜色清下帷默感懷生當時教授胡安
定今日人間祇姓名

澤陽稿

卷三

四

濂洛關西未有名泰山安定兩先生蘇湖講治談經
事總與當時建法程

宋初風俗還淳古肯信儒官去討論一自黨人刊石
後至今才子咲專門

本朝學校彌寰宇取士惟看十五篇里選齋分即無
用儒官昏悶老青氈

今人不似古人癡纔會操觚便已知假使儒官並安
定未知若箇肯來師

兩齋並作非閑事要使心通向此中今日學堂都破
壞幾人經治幾人通

分經分治事殊途及到同歸一也無只為學人才
別且應如此立規模

莫道明經為上乘屯田水利亦高玄假如三百篇俱
誦不會施為只罔然

大凡立教如營室要使佔身得所安可憐安宅人種
住盡向臨深絕嶺端

皓首迷途好怨嗟只緣童子路頭差而今後路追
路誰肯將車戒覆車

清明後正晴與賢良文學生大觀堂同賦
積雨辭寒食新晴上衿衣熙辰蕩煦煦韶景競芳菲

澤陽稿

卷三

五

樹翠交天色花紅捧日輝躍鱗蓬海現鳴羽杏園飛
階葉蟲雕細簷風絮落微雨光照虛牖竹影散閑扉

即事消塵慮沿情長道機閑堂羅衆彥列榻對高輝
矯矯貞鴻志踰踰儼鳳威舒文國華廣奏曲人和稀

議政薄桑孔談經邁董雋席珍誠可聘懷寶定何依
按劍知誰是投珠莫盡非管充赤水使故諳黃全微

頗學神巫術能窺善者幾流觴洛西浦春服魯
物理欣同賞天真樂共祈設心倘如是攜手詠西

寒食客中作
未成風雨颭花殘花裏看春漸復闌傳食尚嫌今日

冷更衣還比去年寬青郊百草搖鄉思古塚長楊罷
客權繫迹不違千里道歸心祇湧大江湍

宴歸雲菴是孫太初隱處

林間處士去不返山裏孤雲常自歸石徑葳蕤蘭葉
長松門寂歷鶴群稀函詩剩有天仙句壁宇還增佛
日輝今宴舊堂懷舊隱歲華春酒悵微微

晚登道場絕頂煙雲變幻兩儀混茫曠然凝視

有若鴻荒

嵐嶺氤氲生夕煙冥冥忽與太虛連穿林暗度無千
樹到頂真登不二天風籟乍疑仙樂渺雲龕祇有佛
燈懸混成天地果何物却似鴻荒上古前

謝子佩乞休有作用韻贈之

上書北闕緣何事歸駕西山別有天安石風流還
見子成都人物果誰賢臨岐不惜千金劍對酒惟歌
白雪篇去歲令兄先解印今看鴻鵠兩悠然

鐵佛寺送江大叅之金陵

花宮酌醴送君行南到金陵數日程雲裏鍾山標帝
闕天邊淮水帶玉城高臺鳳羽來儀處豐芭龍光載
見情行省平章誰不次江淹文藻舊馳名

夏日宴洪氏湖亭

湖邊高館絕氛埃湖上青山送酒杯改席暫依芳草
岸登舟還汎白雲隈風生水藻看魚戲日落烟嵐趁
鳥迴此地信能便吏隱終嫌塵網隔蓬萊

江上奉送南石翁

湖亭方晤語江路復言歸永日舟難繫高風席易飛
還山應自慰臨水柰予違此後懷思處丹霞向夕暉

夏日靈隱寺遊宴用韻

長夏深林宴白雲逍遙真與列仙群臨池水滌蓮花
色傍石經參貝葉文醉向醍醐僧語笑涼乘薜荔鳥
驚聞歸途尚隔塵中市九里松枝半夕曛

訪緒山許氏莊上

終日茫茫烟霧間茲晨裁一訪雲山柴門夾竹驚秋
早石室遶松處夏閑授講每看庭鱣進為漁常逐海
鷗還楊朱不必悲岐路自有先生善閉關

送譚少嶠西巡

銅符分憲後玉節省方初細雨吳山道清風季子墟
威將秋令肅恩作海雲舒坐見褰帷處康哉時晏如

西溪莊宴與金近山同賦

湖館澹春陰芳菲襲我襟後逢文翰侶言寫歲華心
望美雙峰合歌清一水深竹隨招隱趣於此遂投簪

奉和李抑齋司勳歸自京師游虎丘見詒五篇
本自北溟翼垂彼南天雲扶搖幾萬里蹙歷吳江濱
吳中故佳麗留覽極氤氲六合下塵芥上摩星斗文
安能比鸞鳩所捨掄與粉

又

披敝出閭門排霧覽大荒大荒不可覽終古莽蒼蒼
瞻言太伯里乃是句吳鄉遐舉遜天位至德安可量
烏序延陵子執亮期子臧夸毘變傾奪茲猷胥以亡

又

祇役別彤墀行行徂吳會吳門懷古風蘇臺稅征蓋
鷗陂蔓草鞋虎丘松栢拔霸圖不可尋滄江尚如帶
舒嘯青林端送目紫霞外恨阻雙王盤齊食鱸魚膾

又

虎丘何所有瑤樹植其巔寶露滋華葉慶雲輝以鮮
鬱鬱矜神鳥道久不來嗣今子出丹穴翻徂沅湘遷
睠伊集爰羽感彼朝陽篇願言棲此樹和鳴徹鈞天

又

美人涉秋水臨高倡吳歎音響一何亮慷慨思煩紆
所思在玄邈丹霞白玉都中有列仙侶雙雙珮明珠
又問阻烟霧竚立野踟躕危柱鶴金節涼風生坐隅

安得吹此曲飛度瑤天衢

昭慶寺承龍巖憲使招同諸寅丈宴集席上偶
成

一杯蘭若醉秋陰共愛蕭蕭風滿林出嶺高霞無鳥
度沿溪密柳繫蟬吟來頻不獨逢僧話坐久還因長
道心未是達懷超吏局幾人能向此開襟

中秋無月

涼天三五夜端合有明暉詎識浮烟澹翻含細雨微
暗窓孤燭映幽草數螢飛抱影難為照鄉心托夢歸

十六夜翫月開齋

昨夜未明月今宵却朗懸不緣雲暫蔽安表鏡長圓
影落婆娑桂光流皎潔蟾金波一何麗思取贈遐天

觀潮映江樓二首

對酒臨江隩登樓矚海濤氣噴雲葉亂光湧浪花高
地即橫三島山疑駕六鰲此時向若歎秋水興俱豪

又

渡口喧聲寂樓頭望眼明潮仍天外落水自日邊平
餘汎綠侵岸流氛白向城還今殘暑退端覺海隅清
映江樓雨中送蕭右丞皇甫公同出會稽猶
行一首用壁間韻

看君風雨別江樓却似神仙汗漫遊烟樹不離雙鷗
首雲山長繞片帆頭逍遙信有莊生樂寥泚應無宋
玉憂若到昔人修禊處試將樽酒過寒流

席上寫懷用前韻

江風吹雨散高樓江草連天悵客遊荷菱正開秋水
面鴈鴻爭返暮沙頭搖搖歲物應須惜滾滾波濤未
足憂醉傍雕軒極遐眺長空不盡海烟流

秋夜二首

秋夜方苦長那堪復風雨葉散滿林霜虫急千家杵
殘燭耿餘輝單衾寂無語還聞塞北鴻愁絕江南旅

又

海上秋風起蕭然江夜涼溪雲散疎雨葉露點微霜
忽是歲芳晏而餘宵晷長此時偏不寐端使坐懷鄉

九日同省中諸公登北峯最高頂作

霜辰天宇湛然空北上岩巖翠嶺崇杯引落霞延夕
照身隨高鳥御泠風樓臺下見江城碧洲島遙看海
樹紅却憶故林那可到應知時菊委寒叢

又用杜子藍田莊韻

秋宇寥寥無限寬暮懷因對紫萸歎霜飄孤旅芙蓉
劍風滿群公翬薦冠三竺樹連湖色落二峯崖接海

光寒醉來忘却鄉關道直倚白雲深處看

處州水心亭偶題二首

雨餘日初顯亭上風稍寒緩帶閉高閣加衣坐方欄
池清出天表蕉綠在簷端淡默得所遺忘其跡微官

又

晨起坐亭幽不異山林靜湛澹俯清池紛緼望層嶺
雲飄雨後輝竹散霜中影即是可夷猶心形猶未併
永康縣訪松谿先生不果至館頭懷寄並謝來

篇二首

秋澗瀉雙溪寒松冒層嶺緣源阻洄洑陟嶽費陵驛

思攀瑤樹枝而猶隔塵境牽跡且東游還途或未併

一日比三歲離悵曷由整

離悵不可窮矯首視飛鴻嘹唳響遠音飄搖惠風

遺我一書札云自赤松公殷勤兩三語言約意彌隆

上言思采藍下言慰轉蓬采藍亦易盈轉蓬何時定

願托廣庭陰息此塵中影

別懷送少玄

薄宦不求達佳人欣與俱門通蔣生徑宅近子雲居
方謂時相扣茲懷得晏如何舍之去茫茫向烟霧
烟霧朝凌漁浦潭星霜晚泊富春樹行到雙谿水陸

分雲嵐一路藹細縕丹楓驛裏行人少括蒼嶺頭偏
憶君不得同來永嘉縣深秋山水恣游衍瀑布空垂
鴈蕩青霞標遙倚天冥冥

雨夜不眠漫成五首

江南冬日雨江北雲連天落葉空山木鐵鳥噪野田
居間三徑裏跡紫五湖邊縱有歸歎歎泥塗那得旋

又

積雨寒堂夕蕭蕭點客心淒涼成遠道黯慘奈窮陰
海氣沾藜榻山風冷布衾擁懷獨不寐抱膝自為吟

又

驚風吹海霧飛雨夜逾繁樹冷無留葉齋空獨掩門
約情千卷廢破暗一燈存達曙惟成坐朝光尚弗暇

又

遵海守微祿星霜忽兩移淡心渾若水衰鬢悉如絲
雨夜愁偏作雲林夢不離因知越鳥意所以戀南枝

又

平生雲鳥意空往十千間魚腹經過水羊腸到處山
歸期慙綠草零雨歎顛顛賴有旅人訓時時心自閒

陪憲府諸公遊宴天竺

龍鳥思林悵不還偶逢幽賞得追攀天邊竹樹搖尊

綠雲裏松枝蔭室閑坐久法燈燃靜夜步迴仙
空山歸途尚復攜餘興迴聽微鍾杳靄間

夕宴許太守宅

郎官出守拜新恩便道歸寧愜里門戲綵偏承堂北
樹論文還敞日斜尊座中賓侶烏臺盛琴裏歌聲白
雪繁却憶巴東人吏候莫將春草戀田園

塔燈二首

寶塔凌蒼蒼金燈燦夜光非緣虛自瑩那使暗彌彰
照水蓮花秀開山若木芳還當見五蘊不滅是空王

又

久在迷途裏今來見佛燈影垂香閣盡光發寶輪層
是斗懸天象為龍燭地靈化城元不夜人世有沉冥

翠筠山房同皇甫少玄三首

一眺蓮臺上蕭然見竹林因之步空翠忽抵禪房深
窓冷含霜葉簷昏落日陰生年安簡淡此境遂投心

又

檀藥修竹裏一室有餘閒攜手罷勞慮晤談消苦顏
林聲歸鳥處嵐彩落霞間方此契玄晏止海處還

又

牽役歲仍晏勞生客已疲偶逢方外日不異山中時

樹人同老寒雲意共持言觀東壁偈總似北山移

送南橋李公赴四川右轄

一望江頭楊柳烟鳳城春色使人憐方將驄馬遊同
日誰遣驪駒唱別筵黃鸝晴臨鄉樹外碧雞新下省
薇前須知萬里懷君意共向我唱皎月懸

省堂春燕

浮海及茲歲驚時俄再春迅光長逝烏淹迹未歸人
有酒承君子登筵合衆賓華堂滿嬉笑樂事悉敷陳
擘石雷將解彈絲蠶欲振魚龍呈水戲爵馬侑杯巡
餘雪飄梅盡生烟挾柳新察雲披五采揆日仰重輪

澤陽

金華集卷三

十

道泰應承象春公詎有鄰肆來癰澤叟言共省方臣
攬木知驚陟窺淵耿蟻伸胡然復惆悵終是感熙辰

東岡寺訪楊二檀李潛厓作

為愛春林雙樹華依依未就野人家崇蘭酌醴風香
細藉草談玄日影斜海色滌絲飄一院經聲飛栗演
三車生年病在就幽寂得遇茲緣意已賒

贈許茗山赴夔州

君厭承明侍從班野庵白帝歸雲間得賢時有王褒
出喻蜀人傳司馬還水到已東情亦向猿啼峽裏勢
成攀應知虛館無爭訟端比滄陽卧治閒

春日山中行呈南衡

春色蒼蒼春欲闌春光且向山中看山中瑤草碧如
帶美人不遊子寡歡寡歡何所為行樂當及時相彼
夭桃逐長浦那能一片還故枝君今光展城隅宴烟
霞峯壑俱陵緬青林歷歷討花宮紫逕迢迢乘羽傳
雲裏流音兩鳳笙日邊蔽影雙鸞翮香采氤氲百和
生晴芬葱蒨五文明背郭花顏隨雨絕面河柳絮拂
塵輕奚似巖阿春不老好鳥懷之嘉樹嚶與君攜手
重然諾與子齊心等廖廓連翩不獨訪三山結束仍
期窮五岳尚蒙符綬苦牽纏其外則白其內玄玉壺
美酒朱絲懸下山再酌山門前夕陽嵐嶺猶堪晤吏
館夜還私自憐

送謝工部四首

玉壺攜美酒持向水衡斟且綰青絲騎聊同碧樹林
山川一以間江海若為深獨有斯須意因之款別襟

又

臨水難為送驚春復此時雲光依碧岫鳥語戀青枝
攬物猶如此嗟人獨不斯合將分手意還比會心期

又

亦知從此別且復宴晴暉春草依袍上烟花傍酒飛

澄湖方可汎畫省竟言歸縱有西林錢其如始願違

又

終然難久滯邈已發前旌去去高雲闕行行幾日程
文章推水部尊酒散江城王珮焚香暇應懷別者情

席上觀牡丹

庭中芳卉本多奇邈日華含耀景滋拂檻紺雲翻倚
蓋飄筵香霧裊遊絲佳稱絕代應遺世宴對餘春且
滿卮解道洛城真富貴銀黃三組亦虛垂

贈別林退齋赴湖廣廉使

文僚行楚憲悵錢越垌陞分手白雲意同心黃鶴思

貞堅凌竹箭芳潔比江籬寶善邦風舊還將此道推

送盧公巡撫遼陽二首

中丞開府向遼陽山海新承日月光塞外不須防虜

障雲邊批手盡夷王

樓船東下海雲生盡道龍江雨洗兵秦築何煩亘遼
水漢家別有一長城

浙中三載中秋俱不見月

江上三逢八月秋望舒曾不顯西樓踈燈螢火當窓
映亂杵蟬風帶葉流客髮正宜昏鏡裏鄉心無奈大
刀頭憑欄繞繞看烏鵲匝樹驚飛使我愁

贈虎山先生十四首

井郭高樓連袂登夕嵐秋樹彩僧仍低頭下見湖沙
盡方曉平空是上乘

常咲沙門乞食僧黃金為面有人曾不知吾黨緣何
事懶與先師繼一燈

雲裏青山更不移月中明水任流之道人住世心無
事世事悠悠何所為

金印紫綬棄若泥葛巾麻履一青谿人生行止原無
定說着避喧都是迷

湖閣宴眺

秋水連山一面斜城隅高閣野人家淹留暮景因叢

挂剝啄寒籬有九華托跡整同如聚鳥持心不住與
飛霞年來頗解浮名累未遇登臨意已賒

冬日再訪寒谿

歲晏高林再一登白雲紅葉曉層層維摩病久身無
恙女偶年長道豈增開徑只應來仲氏灌園那復數
於陵嗟予亦有垂天翼未脫樊籠愧爾能

用韻答寒谿留別之作

雲裏青谿鶴髮翁送予蘇水步如風形容不意知
父姓字何緣達遠公惜別夜光星斗爛醉憐憐

毛舉臨岐未必仙凡隔天上人間會此逢

春懷書報同志

春光纔上柳枝頭便有同聲黃鳥求始信太和能你
合可令吾道不相謀吟行每愛寒巖樹宴坐常隨綠
水洲莫是流連逐風景忘言真意總悠悠

雲居與龍巖虛齋同賦

與君攜手竹林園化閣春游宿好敦牛馬一官還自
嘆塵沙多劫好誰言階前古柏寒僧對天外浮雲夕
鳥翻解道達生忘去住合持芳醴宴林昏

荅江石南春遊見招

元僚春省踏春暉攜手同官意不違共喜晴湖淹客
棹却愁芳草照吾衣青枝送酒憑黃鳥上界尋僧見
翠微氣淑道和何處是夜深燈火醉言歸

元夕述懷奉呈龍巖兄丈前歲此夕龍巖在金

華

元夕懷君憶昨年三溪東望水如烟非無美酒乘春
興獨少同心共月圓往事蹉跎成夢裏茲宵荏苒復
燈前相離莫謂逢還易猶恐萍蹤益渺然

窓下看飛塵二首

閑向春牕窺野馬網緼不定擾虛空個中到底難安

若只好勞形去逐風


纔明忽滅胡為爾似有如無更惘然只以朝陽向窓
看絲毫都是碧紗烟

平望道中二首

輕絲流亂鳥綿蠻夾岸春深楊柳閒眺聽可能消客
慮低徊翻自長離顏
雨餘烟水澹晴暉早有風花數片飛不惜花飛帶春
去春衣又換與心違

孔文谷詩集卷之二

娘中上白清



孔文谷詩集卷之三

漁嬉稿

漁嬉

門人趙訥校

平子賦歸田願同漁父嬉我今歸已遂捨此更焉之
言鼓滄浪拙式歌濯纓辭振衣高天吹晞髮九陽曦
貪競非吾志潔芳聊爾為怡顏豈憔悴放迹良委蛇
明月乃遊鯉虹蜺其釣絲虛無之患害堅白少磷緇
追服古人訓所保今在茲

仲春始農

又知行偃蹇弗能自罷歸籠鳥待人放搶榆還獨飛
雖令羽毛鍛豈與性情違楊柳上春氣鵲鳴曙暉
田家土膏動野老生計微泉脉荷鋤現竹叢解帶圍
開荒服南畝習靜掩東扉蘭葉蔭堦秀豆苗鋪隴肥
緣源植荷芰表我遂初衣

行路難二首

飭余水陸具青雀兼紫駟坎河不自意迷遭以相繆
上山米斷道入海風引舟政駛途巨壑永將阻崇丘
饑鵲噉鼠嚇猛虎挾孤游鱉高假水食沙偵渡頭
天門一何曠人宇故多愁霜露戒朝履系渝湖晚流

自無偃佺術行路安可謀

人生大歡者飲酒及從禽桂宇羅廣宴蘭堂沸繁音
韶歌送白日上壽稱黃金走馬向芳甸放鷹起曾岑
疊變成巧射載滿縱高臨自謂樂已極孰虞憂見尋
沉酣損真氣好殺傷本心戈戟興俎豆號呶化呻吟
此時思靜澹潰敗不可任

春林即事

廿年塵土客中春今歲春纔屬隱淪欹杖慕隨處
得野花啼鳥認來真

答日者二首

即我今人猶未喻知天於我更何如茫茫只合隨緣
住不敢從君問卜居

我命自來能自算送窮乞巧兩無因若教握粟成都
市定惱當年賣卜人

閑居和荅潘子抑

自笑狂夫嬾更閑閉門不省窺園間稀疎短髮違僧
幾減損凡心與道班夢轉日長仍就寢興來瓶罄亦
開顏鄰翁剩有幽蘭調時送一篇聊啓關

仲夏北泉精舍書感

三十年前文會游此中花鳥美同流今來風景渾如

昨獨是少年成白頭

裁竹

虛心直節者比類合同群地左池堪夾園蕪徑可分
移叢偵酩酊植才厚殷勤南向道應長深資德已薰
鳳條脩蔭石龍種翠含雲詎望伶倫采惟存嶰谷芬
歲寒誰復見形影獨憐君

九日端居四首

雲淨天空露始霜山人歸隱及時光甕醅汎溢呈新
綠籬藍崢嶸現舊黃

重九嘉名俗共耽揅更斟菊滿晴嵐山人無意登高

望獨酌空齋亦已酣

籬花燦燦迎杯出門柳蕭蕭拂帽低何似關河客中
眺不堪風雨蓀淒淒

佳節無人訪華門徑荒惟有菊花存折花盈手花邊
坐一段寒香孰與論

承小村宗尉分惠萊蕪高詠數十篇愧不能

報聊戲荅短章四首

仕宦無能學圃歸那堪草盛萊茵稀侯門困載貽萊
蕪茹美應教逐才非

嘉蔬滿頰貯荆筐分付山妻好護藏桴火煨成熟

後何人知有萊根香

肉食無如藿食安胃腸已作萊園看自今尤覺藩籬
固縱有羔羊踏破難

本草圖經載此蔬導壅消穀勝薑蘇只緣一種溫平
氣遂令胃中渣滓無

謝小村孟冬雨中送菊

重陽無酒復無花偃仰蓬廬只自嗟不謂過時淹暮
雨却逢疎莖映寒霞破除楚客悲秋興粧點柴桑處
士家折取未遑羞短髮一枝先插帽欹斜

歸僦城隅之園聊以避俗頃趙孟敏有愛於竹
形之雅作輒走筆廣和且見志焉凡五首

文名軒集卷三

歸來未有買山錢僦得東鄰屋數椽灌木夾亭無次
第個中惟取竹堪憐

衆芳搖落及秋時趁暖違寒若有知不似此君淹幕
景無心一儘雪霜欺

半畝荒園兩叢竹一牕高枕上皇人看破閑居有真
相門羅蛛網座生塵

不作飄搖陌上蓬園丁纔識主人翁行吟只在脩簷
裏坐卧長依小閣中

洛陽才子氣如雲能枉紫門坐夕曛招隱何堪為君

賦情知不是野人群

郡守陳廬山言其兄小泉戶侯之高尚率爾寄贈

廬山云小泉貌似馮唐老壯略期收大漠塵雄心欲
雍祁連草偶覺功名未易居便將身世卷吾廬即今
養壽百年裏何似封侯萬里餘

元夕篇

風光新歲屬新春時景元辰更元夕天上星河泛綠
雲人間花燭紛瑤席蘭膏金燭燄幢幢絲竹嘈嘈疊
鼓從何處歌歡綠雲第何人笑語碧烟總翠蓋香車

過李華

李華詩集卷之三

五

穠李華銀鞍寶馬列侯家火看燭龍噴作樹鐙觀天
女散成花別有多情重遊說徹曉紅粧惜零亂還將
明月抵今宵未肯一刻千金換山人自翦北山萊形
如槁木心死灰不逐東城共南陌布袍孤擁月明堆

送周以明援例入太學

決戰文場日又曛且循條例待青雲辟雍流水春衫
映御苑踈鍾曉舍聞六館授書崇博士四方觀禮樂
同群玉淵金海興賢地妙選旁求會到君

喜李書記千里見訪四首

下車衣服滿塵埃千里相期笑口開門網經年雀不

到何因得有故人來

春盡深山草木長更無人語到茅堂兒童見客疑天
上敲火烹茶喜欲狂

漳臺策馬過漳川北及汾陽路已千借問遠情誰得
似涓涓流水白雲邊

我怕羊腸道路難夢魂猶自苦躋攀君過何得平如
水不是畏途途裏官

宗賓西泉折紅藥見貽其花一莖五朶便以供
佛二首

佛二首

李華詩集卷之三

五

冉冉色香搏頰霞短枝繁朶足仙葩呼童汲水淨瓶
貯持向佛前名獻花
記取一花開五葉應知此本不尋常憑君乞與靈根
種日暖風恬好護將

與李書記談諧

酌酒與君談道緣不求安飽不求仙邯鄲舍裏夢初
破傀儡場中戲可憐赤水弄珠圓的的青天邀月皓
娟娟街頭縱有兒童罵只作流風過耳邊

喜雨同李書記

問舍求田者甘為田舍翁桑麻看隴上鷄犬牧雲中
破塊惟需雨抽條但信風旱來欣灑潤况與故人同

宗賓槐泉生日漫書

日光成火雲作烟鳥不敢飛樹欲然呼童煮酒復烹
鮮與我友生相周旋豈不知苦炎熱其如樂當年九
河李子平原客槐泉趙君中散賢岸幘偏袒百壺盡
眼花耳熱就地眠此時混沌真老仙

園中和李書記

夕陽下山好滿園生綠烟一杯陳契闊三畝樂歸旋
聽鳥知求友餐霞計學仙近來迂嬾甚只想荷義眠

與南洲上人敘歸二首

一官廿載苦伶俜好似玄裝去取經萬怪千魔俱歷

盡劉劉存得本來形

巨嶙伺人橫作岸含沙射影暗如塵當時就合江中

葬不意歸來有此身

西泉莊遊眺次韻

日長何事可消愁携手聊從汗漫遊最愛西林帶雨
淨還耽高館入雲幽行揮炎暑葉為蓋坐汲清泠泉
滿甌莫道生涯太踈淡山人元不擬封侯

送徐汝戢之甘泉

年少筵邊邑下車好為之賦困田多廢兵頻屋屢移
高低烽火報赤白羽書馳大府催科急遺問奔命疲

調停策居上經紀事從宜韓范有先燭絃歌誠我師
盤根別利器推本見仁施佇聽謠鴻鴈還看詠素絲

述懷呈程古川舊巡四首

憶在關中備役時得從群衆奉光儀持心仰鏡青天
上點檢長憂負所知

十載宦情如嚼蠟不求聞達只求歸形蹤稍似鷄群

鶴得返雲松自在飛

夜光明月終無改道作魚砧可奈何自是世緣多不

遇空令千載惜隨和

一官偃蹇百無成天放歸田有此生報德竟然慙國

士矢詩聊爾見心情

送別李書記

九河李君天下奇千里訪我山中為絕有文章希李
杜豈徒方技邇黃岐足音正喜慰岑寂行色那堪轉
別離秋水茫茫暗天地問津策馬欲馬之

奉和紀山見懷山中

自覺歸山好蕭條常晏如行樵遵古道作賦信閑居
陶令真思友嵇康嬾寄書適來勞問訊惟有報迂踈

贈琴士葉友詞

友桐山人彈雅琴琴今山水生清音九月霜寒木葉

下曲終無語天沉沉此曲由來世寡和幾迴聽者識
其深山人抱琴入山去且向白雲閑素心

送李判官之武定

寒日照郊館朔風擺離旌時當一陽復君作千里行
入國凍流解到官春草榮還攜琴鶴興去訪濟南生

山中答古川二首

古木高巖誰與鄰杖藜携卷自逡巡情蹤好似脫籠
鳥不敢飛鳴更向人

歲晚山寒萬木空澗深樵響落巖風閉門擁絮復何
有梢拙滿爐燒夜紅

山齋詠雪用鄭廣文韻二首

何物乾坤一色明紙牕疑是月粧成梅間認取花無
數竹裏聽將葉有聲啄粒鳥驚殘夢語傍溪人著幾
兼行常惜白髮欺吾老及比寒華老更清

塗却人間黃與蒼只凝孤館薄梅香窮陰始滿即消
散大地不平都掩藏任俗看成輕絮舞從時烹作苦
茶嘗憑誰喚起天公問六出為花孰主張

對雪寄懷紀山學憲二首

盡日瑤空白雲飛阿誰能令此清機遙知郢客高歌
處其曲彌高和益稀

乾坤誰使玉粧成竹屋紙窓無限清擁被聊同洛下
卧拳舟恨不刺中行

和古川登覽龍門

振衣登天闕俯瞰洪河勢日日湧驚濤時時復東逝
盈竭兩不形流坎一與係升高即甘霖潤下誠普濟
善利絕矜爭平成合天地在昔澤警予九載屬乖盤
載庸神禹謨聿除穿鑿弊理順破懷裹決壅來厲揭
弼涉大川舟漁鼓滄洲拙君子觀其瀾同條聖人智

和古川游王官谷

昔接欽表聖今覽羨遊仙澗底拾瑤草峯頭凌翠烟
雲璈連谷響芝蓋與天圓即是謝埃壒真心滿虛玄

和訓許少華中丞秋日見懷

一封遙肯問荷衣未是人間知己稀吏隱向來舟不
繫山驪近與巖同肥東軒靜寄西雲靄昔月良遊今
雨違欲度關河無遠翰夢魂惟作搶榆飛

對雪寄懷少華

山齋對雪遙相憶仙掌峯頭玉樹枝在昔每容葭莢
附抵今誰賞歲寒期花前酌醴登臨日石上題篇笑
語時都作相思離別後可堪愁裏對成絲

哭李黃巖憲副

我欲紫團來結社君胡白日去昇天舊僚詩酒俱陳迹同榜聲名亦惘然不憤烟生楊柳上惟憐雪散梨花邊此時回首淚沾臆春色斷腸誰為妍

喜雨

自春不雨迫于仲夏田之弗苗亦胡以稼匪歲伊凶維時我謝我行弗遠我旋弗舊我求弗飽曷甚我飢上天有濟忽其有祁我疇晚植以需口食望秋且遙枵腹中易舉厭膏梁我免溝洫

自題山巖屋壁

猷猷餘夫山澤臞父略覽詩書粗窮鄒魯厠足雲達濫名天府一命敷文再命守土三命如前五教斯溥既典藩憲式昭王矩名位攸崇不能僂僂衆口鑠金大人解組復厥初衣保我衡宇夢醒從伊習習詡詡冷吹滿窓月華在戶人謂我今亦已太古我欲求之蔑無所取

贈別趙南菴二首

聞道移官向江右黃童白叟盡攀轅分司使者嚴如雪何得陽春滿谷暄豫章樓閣神仙府解纜江城望是仙金鼎調元要君看香爐峯藝九霞烟

贈張職方募軍北還兼寄懷林石洲戶部

赤心報國奇男子白面談兵老丈人帷幄早收西塞士貌貅新擁北門軍銜枝六月逢時雨決策三秋淨遠塵遙想清風誰作誦司徒瓊海一儒紳

七月七日答趙孟敏見訪

火德迅西邁金行生早涼鴻驚上弦月鵲起渡河梁霞表邀靈駕雲端闢洞房會期天不短泣路世偏長離索吾方感招尋爾不忘虛簷坐蕉綠大斗酌瑤光夜久彌眷戀明當復翱翔庶持九秋節無為參與商

夜坐偶然二首

總際蟬鳴曉鼓草間蚊響昏雷不是市朝聞聞如何亦有喧喧階面月光流水庭心雲影敷花薦地不堪擗弄恍然看破虛華

戲荅南公見惠絲瓜二首

絲瓜在君果園裏枝枝葉葉相綢繆霜刀剪斷送山客公然不掛一絲頭葫蘆架上蔓絲瓜絲葉相扶黃白花花落果成還未棄如同秋水送寒霞喜紀山至郡校文

新秋宿雨夜來晴星斗高懸分外明怪底人間占德曜適從天表迂文旌綠槐風動傳中講絳帳雲滌穢下生幽谷鄙夫忘却老欲充童子備將迎

生日就輝上人飯僧

我生漸已老于道蔑無聞自從脫冠來稍益厭塵紛習嬾晝多睡睡起延夕曛好覽佛氏書因與釋子群賤日適清暇消散精廬雲此時秋正中天宇澹氤氳煮飯約僧共還容鳥雀分食已各沉靜滿室香烟焚即是理齋素方為滌羶葷抱冲有餘蘊百年非所欣

重九將近招我友生二首

潘梅

卷之三

秋色凋零不暫停蝶愁蜂慘惜餘青人生潦倒知何事莫遣黃花笑獨醒

老至逢秋更不禁葉飄風打暗庭陰多情只有寒籬菊把酒來同歲暮心

九日對菊呈紀山

昔賢愛嘉名誠謂今日好高天無片雲清川絕泥濘澹泊蘊貞素澄瑩徹幽渺綠葉吐霜莖黃華絢金藻衆芳委蕭晨孤節方獨表歲晏歸來翁欣是合其道與我鄰曲交及時共傾倒撥葵而飲酌祛慮以却老茲焉景不殊云何覆傷抱為缺賞心同中懷怒如擣

承紀山枉駕丘園率爾賦謝

小園綠蕪秋能生宋玉愁人群久相棄歲序行已周顏髯先霜改神情與谷幽惟當慶雲惠垂采到林丘

贈紀山校士

金鑑自為明玉衡自為平高賢出延閣復是蘭臺英宏雅授文命允中司道盟憲天閣元化本實未浮榮九秋氣宣朗八表氛澄清凌旦莅廣堂大觀臨諸生析理發疑難屬藻定章程肅肅儼光儀錚錚流正聲羣蒙仰熙耀萬有會醇精待公相王室品題充國楨

送別紀山

潘梅

卷之三

文思信神敏功令早已竣駕言還省署旌旆颺術汗諸生擁道周列侯羅後先鴻儀競瞻奉至教圖免旃水流赴大壑民懷屬高賢曰余獨多戀送遠不能旋行行造野寺擾擾申別筵杯酒豈足珍聊用寫勤惰融暖被寒樹英雲滿山川相去逾百里竭來殊一天丈夫雖耿介離析終黯然

和紀山國寧寺小集

息駕休僕夫振衣暫祇樹之近今子華清綠昔玄度雲中野鶴歸雪裏山僧住吾道豈淹留驅車還復去和紀山自國寧寺訪白雲菴與中望卜山

東林蓋白雲北嶺籠黛色曾是聖門儒于此棲息
其人雖已朽其道常不忒俗客幾經過橫棄塗路側
君獨何為者寥帷望還憶

送紀山至白雲菴夜坐觴詠

為憇林間室在此霞外驂華月吐雙樹清光凝一龕
鐘聲散白雲萬籟虛空含端居澄道心清淨和且耽
郡守遠見候巖叟亦來參汎愛携友生抽藻締文談
達曙滿芳翰彩翠成烟嵐

奉和紀山公白雲菴留別

霜葉易分散離人難久留長廊一杯酒成喜復成憂
會面偶前期解携思舊游所須心是月流影到西樓

喜翟山人至二首

誰謂故人老猶能策馬來到門僮僕苦留榻酒尊開
瘦骨全如鶴雄心坐已灰屏風時點染輞水木蘭隈

又

蕭索歲云暮閉門人迹稀寒簷鳥不下空宇葉頻飛
棄學拋書卷巡禪擁衲衣棲遲君莫厭久與世情違

寄題子夏石室

道存身退老於斯石室千年尚可窺谷水寒流洙泗
派巖條春長杏壇枝梯雲直上心猶在帶月空迴力

已矣自歎為儒還不過由來吾黨合棲遲

送別翟汾涯

春風黃鳥泥人時却把芳尊贈路岐
怨別况逢花落盡惜分應見馬行遲
鏡中勛業看成老筆裏丹青鑒者誰
知到舊林生計拙小樓惟有獨吟詩
汾涯家有小樓故云

山中答王西石使君見訊

春晚草烟綠畫閣山雨微落花鳥聲散
閉閣客來稀蜀由天上字來訊野中
靡惠澤酒芳潤蓬藿滿清輝自慙缺
世用偃蹇與時違朝隨麋鹿往暮逐孤
雲歸習嬾益成性抱愚豈有機非君念
幽側誰不恡音微

奉和紀山公春晚齋居見答

獻歲感知已當春事行役欲往道無因
悵言空日夕奚由掃徑延觴翰來所益
庭樹華已繁階草色逾碧駘蕩撩我心
良期竟云隔奉君金爵杯無以洮溪壁
杯為酌南山壁用鎮文席亮懷豈殊况
流光坐相惜

孔文谷詩集卷之四

漁嬉稿

寄拙園敘志二首

門人趙訥校

罷官無一事涉趣有斯園半畝蒨成徑三間草作軒
窓前柱史冊厨裏步兵尊山客頻相問而非車馬喧

又

不是能辭貴無非只灌園林光映踈牖山色滿空軒
拙計畦邊甕清綠樹底尊看雲兼聽鳥誰道迹離喧

羅江公席上喜雨二首

漁嬉稿

卷之四

和氣集端暇油雲冒高城陽飈滿葉振陰鳥拂簷鳴
始至絲同散稍深河共傾已迴綠野秀遂復炎埃清
燕喜廓靈貺惠康敷太平方知霖大旱可以潤群生
奚獨束夫子卓然通神明

麋鹿在山澤野情常畏人安知食萍意還復比嘉賓
但暑奉華宴廣堂羅衆珍酌如環轉絲吹怡我神
好雨應期至良苗育時新庭樹滿芳色終席無一塵
醉飽竟何德需濟清與真臚非戰勝者庶不為緇磷

蓬蒿園用韻二首

背郭柴門嬾自開盈園蒿草未須栽無階那得翻江

燕不砌何由長綠苔僧舍相看如鹿苑儒家取次似
書臺窮年輪鞅稀塵跡鎮日孤雲任往來

短垣荒園帶孤城容得墻東一朽生苦李任天還結
實野蒿隨地亦抽莖棲遲歲月殘書卷混沌乾坤濁
酒罌仲蔚所居吾不讓祇緣除却世間情

答柳川山中送杏

北牕微雨旦來清頓覺人間暑氣澄更得山翁寄山
杏帶將仙露滿金莖

聞紀山先生訖試平陽東巡駐上黨萃考五郡

諸生寄懷

漁嬉稿

卷之四

三聖大觀揮振德五州總覽盡敷文仲尼已度臨河
轍伯樂還空在冀群簾卷翠微干彩筆弦揮吹萬滿
靈薰詩人仰止吾同調潞子高山正是君

夏日北窓偶書

溽土炎風熱不支北窓榴影綠參差單衫禿袖蕭然
卧殊勝折腰束帶時

和柳川宗尉屋泉茶竈之作二首

漠漠紫芝洞蕭蕭脩竹林泉飛牕裏細山隔世聞深
茗碗消炎氣香爐凝道心思君若天上雲路本難尋

又

早披塵網絕黃緣獨秉真機事靜專石屋水寒西澗
注竹爐茶煖一甌傳食蔬慣所芝田種衣草常收樹
葉穿可是世人尋不到只應雲鳥過窓前

西齋秋思二首

老與賤相仍新來更自經坐中常嬾起睡裏却動醒
報主心徒帶達人眼不青細思何足歎身世本浮萍

歲序行已周役車方載休涼風聽木落秋水看雲流
楚客空歌鳳莊生且任牛穫田釀濁醪聊可耐窮愁

西齋寄復齋二首

結茅如斗大即此是西齋松菊尚無遜木蘭豈有柴
隨緣希布置率性少安排三復考槃詠願言與子偕

又

偃仰一室中蕭條如抱冲方慚是非遺頃今人我空
暑氣散林薄秋光上簾櫳綠陰轉明瑩華月欣與同

秋夜

庭柯生爽吹今夕西齋秋殘著銷烟薄新涼帶月浮
青燐燈始滅滴瀝漏方適獨掃蒲團夜真成不夢周

移菊

篤愛秋容好併在菊花端碧叢分紫翠金英開玉丹

霜露方表節風雨詎知寒操當同隱士氣復尚幽蘭
迴迴遠籬玩采采帶霞餐相親意無限移向西齋看

孟冬六日宴集社中諸公

野人當歲晏斗酒會芳鄰雞黍無無味琴書有宿因
情塵風落盡鬢色雪沾新取醉合相笑清時總逸民
初雪讌柳川西園分韻得淹字

同雲作凍冬始嚴雪片下庭飛滿簾梨葉灼爐紅可
擁松枝拂牖翠堪拈未愁謝館吟難就生怕陶杯酒
不添刻棹載歸尋友興何如今侶興方淹

至後承羅江公夜宴留別

嚴車將邁更多情肯酒方為悵別傾江海天連知道
在水霜歲晚見陽生簾前燈火烟華媚院裏笙歌朔
吹輕醉飽無能勝德意懸心祇恐逐離旌

奉送羅江公總憲之江西

一陽乘取動征輪行作江鄉萬里春雪燕重憐官路
永星臨爭覩法垣新化參鐵柱流丹壑望切香爐祝
紫宸合道豫章梁棟地廟材先及老龍鱗

送張龍峒太守入覲

萬國同趨覲紫微賢侯興去有光輝一官儒雅才堪
別三德動宣世所稀春色喜瞻龍象近恩波應繞鳳

池歸還將樂職中和頌獻作賡歌滿禁闌

送趙孟敏會試二首

弘文世方盛抱道君且賢知上南宮選復當東閣延
雲羅收鳳日天府漸鴻年送者應如堵登瀛望是仙

又

目送者誰子飛鴻凌紫烟天人今擢第鄉國早推賢
日射黃金榜風生白玉鞭長安多意氣先遣報書旋
自敘耕田讀書圖意奉謝紀山公見寄題詠二

首

出身自畝畝還復返郊原回思一官繫祗足叢世喧
適來耕且穫聊慰金與尊學稼非有請休猜姓是樊

又

鯤海身難化鸚鵡手自編非將藝作圃聊以學為田
萬卷焉能破遺言冀可詮先民亦曾是所說聖人篇
奉和紀山公歲暮見懷二首

仰止情千疊離居阻一歡寄書人不便對酒獨成歎
往苒春仍及蹉跎歲已殘循環竟何益就裏是愁端

又

歲月林中老顏華鏡裏銷那堪聞別賦還復在玄宵
北斗文逾麗南山興豈豪偏能題尺牘重與故人袍

奉酬孟衛源右轄晉陽春初見懷

自歸無復達人問何得瑤華到草廬幽谷信移陽吹
東郊生歲荷德薰餘舊來高義還傾蓋別後窮愁頗
著書面目語言時盡憎報章臨遣更踟躕

喜衛源公移晉右轄作此敘懷

海內馳心者關中會面親芳蘭同氣味秋水異精神
省閣論文夜河梁送別辰篇章憐俊逸岐路悵酸辛
道遠音塵隔情深夢想頻逢時君奮陟安命我沉淪
薇省天工亮常陰野戍春久要平仲敬不棄魯公仁
惠轉光風淑鶯鳴化日新村墟無暴客畎畝得閑身
已謂居成獨誰知德尚鄰停雲徒徙倚適館竟逡巡
政府絕書信今方為子陳

山中荅李湫南大參見訪

神交十載悵多違面覲今憐得所依憇舍綠棠春兩
細下車五柳夕陽微不知子夏歸來老獨羨李膺攀
者稀谷口巖廊竟殊致鸚鵡還解看鵬飛

送客迴漫書二首

業已為主人依然還送客日暮返柴荆浮雲散巖碧

又

野徑遇山僧招邀坐幽石一掬取泉涼抗言談在昔

柳川園息陰

清和入園趣最是綠陰繁藹藹翳三徑森森周四垣
交疎人不坐靜鳥餘喧明月還相映幽閑可自言
雲山別意詩五首有序

雲山別意者贈紀山別也孟浩然曰君登青雲
去余望青山歸雲山從此別淚濕薜蘿水大似
為余道者斯取而題之卷端作詩五篇

遊好方自此榮名遽見遷駕言徂南服江帆搖遠天
孟夏山氣好草木綠成烟中有嚶鳴鳥求友聲不愆
人獨不如斯但感別經年

李益

文子野

驅車下太行坦然即平路荆門暫一過王程不可住
桂舫御安流江藩入雲樹名省得新參無人不瞻慕
文命久矣敷仍當惠風布

瞻依惟北斗仰止惟泰山高明孰不眷攀攬良獨艱
軒車舍我去望望天雲間百壺酒方湛首夏花復殷
縱有暫時晤詎解別離顏

野人曾一仕無合其所如孤雲還舊山散木存朽株
昔日金蘭友棄我若秋蕪公獨奚為者惠好竟不殊
鵬鷃當遂判臨風悵踟躕何時復琴醕重訪山中廬

又

極目送飛鴻冥冥上霄漢我欲往隨之天路與我判
短羽戢蓬蒿聊從蟲鳥玩高卑分已陳寒暑易迴換
所保金石期一別非所歎願言遺好音報之青玉案

寄贈趙生登第

久知嗟嘆屈今却羨鵬騫不有朝登俊其如野伏賢
王褒獻頌日董子策名年運合風雲裏身依霄漢邊
莫仍懷漆室真已戴堯天盡省纔分署金門更佇仙
高文宜著作異等貴招延阿閣緣何事應為鳴鳥懸
贈谷近滄自潞安兵憲擢參浙藩

李益

文子野

坐鎮三年重國楨建牙高岳與天平塞帷問俗五州
盡草偃風行一道清正是河陽資寇日那堪秋水送
王程紫微江省文華地知復甘棠滿頌聲

送王西瀛之任江西僉憲

別久纔一還歡宴謂可長柰何復言邁飲餞心徬徨
是時秋始序雲樹生新涼晴嵐出彩翠積水川澄光
子有大江行旌旆金飈揚銜命不寧處豈得論私腸
東南屬多事之紀馮肅將以有經世器弘濟在舟航
當令著明德慰此遙相望

九日喜張南川公至汾晤言奉呈四首

華秋翠渚看鴻飛盡令東人識袞衣授館豈徒留信

宿爭持壽竿獻晴暉

仙輿西下白雲層山水高深信若增何况清言是吹
萬不教狂簡一凌競

後生白首竟無聞羞觀黃花對暮雲先達誨人還不
倦坐中玄解月紛紛

山中歲月坐推遷搖落秋深信可憐看取自家何處
是冷雲堆裏菊叢邊

題東谿公新建鈴閣

紫薇分署日青瑣出藩年鈴閣開雄鎮牙旗建大川
四維端護國八柱迥承天畫戟排雲上丹梯拂漢邊

漢書

漢書

漢書

朝披分氣象夕攬辨風烟形勢山河固聲輝星斗懸
居高心每下虛左士頻延樽俎紆韜略干城屬俊賢
威行民害去惠洽主恩宣道以經綸備才將文武全
規模誠遠矣事業信巍然矜目台垣進應從此地先
寄題張都官招隱園二首

聞君棲隱處山水護林園雲幄滿空翠松門隔世喧
投心應自得撫景復誰言不是逍遙者能無足力煩

又

辭榮復何好幽曠從所如果藥羅後圃松筠列前除
窓移巖影翠簾卷月華虛借問招隱士招得幾歸與

奉和張南川公宴集見贈之作

車馬到門誰不訝別無人矐子雲玄歲華荏苒東溪
上木葉蕭疎小閣邊坐對碧山看晚翠笑臨黃菊認
秋妍一杯肯與幽人共忘却尊高輩是前

臘日小村館宴集和訓

欣茲社中會駕言停我車主人好文譙玆筵列前除
玉壺傾美酒金盤薦嘉魚日閑情未厭改席坐高廬
秉燭親茗果展玩復圖書雍容寒氣微迢遞夜景虛
歲暮余寡悵不意樂有餘方知賞心同能使俗慮祛

磬室篇贈柳川

漢書

漢書

漢書

幽人曲房名磬室問之方始得其一賦情好靜不好
喧稟志耽文亦耽質昔有江南張建勳嘗蓄玉磬泗
濱雲間有俗人談俗務起擊清耳息塵氛此事遙遙
隔千載鏡花水月無人承道通殊世會相因機合取
裁還不改以室當磬開更深自然塵遠玉山岑名在
實存奚異調今來古往總同心橫窓小戶簷簷裏茶
竈酒爐成具美蒲團一片秋鴻漾鶴嶺終南居尺咫
冬寒不入夏氣清竹露夜闌啼鳥聲幽人起看但空
翠自稱寵辱曰不驚山客抱琴候門側幽人始肯放
顏色琴罷酒酣各不言三歎靜緣題紙墨

送黃少波移守汝州

嘉會云可常不謂遽別離行邁欽剖符飲餞懷臨岐
春氣敷百卉野烟含綠滋嚶其出谷鳥翩彼上雲枝
君子抱鴻略舉翼鳴熙時方將策遐路豈撫縫繆私
佐郡已久淹專城猶量移奮庸諒茲始祇役聊爾為
當知惠邦國嵩流滿田陂昔日潁川守振珮趨彤墀
訓衛源中丞見訪

春草蔓墻東誰知引上公苔文迎憶翠樹采媚旗紅
不畏門題鳳惟欣軾畫熊非由一存舊幾與野人同

喜雨呈衛源公

沈休復

二

二

望霖方此日應雨即來車觸石靈何巧隨風潤自餘
氛銷高闕外麥秀兩岐初和澤還無限網緼滿太虛

喜分守抑亭公入汾而雨奉贈

夷稷兒童迎使君即看車蓋起浮雲山川有待為霖
溥草木何私被澤殷九派巨流曾惠楚公曾兵三河
餘潤又霑汾公曾應知民愠都消散一鼓虞絃萬室
薰

仲夏田居

永日謝紛雜惟當野老家圃收諸葛菜田長邵平瓜
細雨童吹笛晴風鳥啄花門前五柳樹往往絳飛霞

偶逢江使寄懷曹紀山先生

旅人居子心如結還使人心更結君梁苑吟同深夜
月汾亭酌別晚春雲江山夢蝶何能到霜露驚鴻不
忍聞一寄書緘竹南信可堪葭水思紛紛

贈張大行

彤闈拜命肅華旌朱邸覃恩耀寵榮天上文星遙發
使國中雲采競歌卿方當畫舸臨汾日又是錦衣歸
越程親省使應還闕下好移鴻藻奉承明

生日奉酬柳川

初度曾將孤矢懸蹉跎今老一溪烟閑筵喜共邀明
月聞道慙多負長年九局碁中甘我後三條路裏讓
人先可能積得彭聃壽傍柳隨花似葛天

寄和趙孟敏京邸中秋見憶之韻

門巷秋深斷掃除獨堪衰柳翳吾居山林未足金張
館朝省應無故舊書却老久知丹藥誤銷憂常畏綠
尊虛月明千里勞懷詠欲報瓊瑤愧不如

寄懷土岑詩社次抑亭韻

蓮社千年變詩社江山文藻別為春卷中珠玉傳高
詠圖裏冠裳見偉人望極瓊峯樹若薺夢回瑤圃草
如茵遊魚亦有聲音趣欲往從之遡廣鈞

西齋秋夕

始信寂寥者惟當揚子居荆扉謝明盛蓬鬢保玄虛
忘葉蟲雕遍階塵鳥篆餘秋聲復何處蟋蟀響前除

東谷樓九日再眺呈龍岫太守

佳辰高蓋復高臨野老還隨眺遠岑帽挿紫萸和露
重杯浮綠蟻帶霞深絃端鴻影揮秋思鏡裏潭光照
暮心叢菊何知酬勝事的然開出滿籬金

霜降日作

玉女飛霜似薄埃流飈淒緊塞鴻哀纔從黃葉林邊
過又向白頭人裏來

園中刈蔬

鐘歲菜苗稀當令吾圃微霜寒方薄擷日暮未盈歸
鐘粥聊相藉蠶鹽但不違先師有餘樂後輩良可依
夜憶吳山人寺宿二首

今宵頓覺茅齋冷古寺荒涼更若何定是單衾眠不
得愁聽落葉打牕多

雙樹蕭條獨掩扉可堪燈火夜深微此時歸夢不須
作幾客真從夢裏歸

愚公園答諸公見訪二首

城隅結茅地乃是愚公園真資苔井假山借雉垣

草因無路長樹以不材存棲息除外想土安仁亦敦
又

天地始閉塞園廬正荒涼高車尚未覲美酒還載將
嶺上雲多白林間葉盡黃不堪酬惠好聊爾對斜陽

答吳山人嘯菴

涉世一何淺入林良已深蕭條黃葉意冷淡白雲心
歲歛猶釀酒家貧未罷琴惟應同病者來此共幽沉

抑亭公惠燕柳川莊之竹林夜歸賦謝

巖扉谿館駐熊車為禮幽人向竹廬下榻敢當徐孺
後開尊已過孟公初夕陽嵐彩山增翠落木泉聲谷
轉虛醉去不驚寒犬吠村林燈火夜春餘

訓龍岫冬日招謙

劇郡一何暇平理自雍容嘉事洽樽俎和聲倫鼓鐘
儒紳既延佇野老亦過從賓貌儼庠序主儀肅愛龍
情深文益著德茂禮逾恭嚴吹生廣陌晴脾散高春
晤言歡未極留款眷彌重移席就蒼翠傾壺竭醇醪
玉童歌宛轉金爐爇玲瓏磊磊霜下栢亭亭雪餘松
當同君子操顏好耐玄冬

文谷詩集卷之四

文谷漁嬉稿

辛酉

謝東府春宴二首

東第開春宴先沾在野臣和風隨喜氣

見丰神設醴恩逾楚謝楚元王綜文義過陳謝陳思王

會當滋福慶欣觀應年新

圖書燦東壁賓客勸西園姬聖溫文萃河王

禮樂敦玉杯香柏灑金縷翠雲翻要識千春

樂應看此日存

人日詠懷一首

此日念吾生徒慙大冶成踐形衰未肖縉性

漁嬉稿

百

一

楊仁壽

老奚明憲北時高臥牆東竟寡營營為抱關

吏茂取棄繻名忠信獨蒙毀直方誰見貞謂

愚無一得寄拙有餘情靈貴爭開歲困蒙還

守程五窮揮不去六極任相攬綵勝將焉勝

清平自太平若言人似我庶類缺歡樂

柳川翁自製天香玉兔燈巧奪天工書

入神品余喜而賦之

燈火上元時君家特地奇裁綃依月體運轂

象天儀玉畫蟾宮兔紅妝藥殿枝蘭膏一吐

耀流影過庭帷

中和堂燈宴作

今歲元宵宴光華倍藹然主賓無一缺燈月

有同圓睥面宜春酒明心不夜天中和何處

是併在繡筵前

二月十五日偶然作

三分春色古人云今日平平兩半分過去已

看成幻化未來猶恐作斜隰雨中楊葉籠山

氣風裏桃花颭水紋可維遊絲繫駒住只憑

啼鳥勸杯勤

在原山竹林藏題

漁嬉稿

百

二

袁仲卿

若家好翠竹映蔭碧溪邊明月偏秋夜清風

滿夏天有酒莫向此中飲有枕莫向此中眠

若復沉酣更高臥定成瀟灑竹林賢

題條巖圖

碧樹雲為葉青山水作簾俗中人不到望想

是條巖

奉和小村郊園見贈三首

僻地稀三徑離居絕四鄰樹憐松竹舊花笑

槿葵新山迥雲來少堦閒鳥下頻坐深餘靜

定良已愜沉淪

北山看不足西嶺望還青夏木章章秀春蘭
葉葉馨耽幽深作洞結翠小爲亭不是閉關
者隱居門自扁

入山愁虎豹卜築遂邊城鷄犬墟中事煙霞
物外情種桃看少好集鳥聽嬰鳴道侶如相
問留餐綠芋羹

頃辱小村見詠荒園輒已賡韻仍專賦
奉酬

面山無美宅背郭有荒園鷄羽易棲息桂枝
聊攀援勞君白雲意遺我清風言稅駕良已

源緒稿

百

三

矣世營非所存

送陳公子歸浙應試

臨汾發英冑銳氣耿長虹學以過庭正文非
洽俗工賈生年最少董子道兼隆江省賢科
待天門廣路通鳳來鳴盛日鵬起趁遙風丹
桂榮之子泥金喜若翁太丘家自慶定國閑
宜崇詎爽青雲的腰懸明月弓

首夏背郭園卽事

結宇背城陰聊無外物侵形骸謝牽束光景
得窺臨春事良已晚樂生宜及今幽蘭何馥

鄰好鳥亦招尋秀木清夏氣輕颺澄夕襟
心寒泉井明眼北山岑昭曠此中盡冲閑竭
來深花前銜黃酒石上寫鳴琴卽是全野逸
誰爲嗟陸沉

北愚草堂謝諸公過訪二首

故人念幽獨載酒一相存美話情當悅深心
迹不喧雲峯開畫障羅幌布空軒離索還簪
盍拘方安可論

徇此野人分嘿然安我廬覺心如夢後定性
似禪餘雲裏多眠樹日中纔飯蔬足音誰不

源緒稿

百

四

感身世竟逃虛

十七章經云樹下
宿日中一飯

憂旱

永夏抱孤緒下帷坐復眠省躬一何苦蓄意
乍若煎爍石景逾燥流金燄更然已無彼黍
事孰有東菑田瓜瓞吾豈靳風雲自爲愆徒
聞發棠日未見煮粥煙家食當屢乏天災爲
誰延留任香辟穀不向飢人傳

自立春至四月終旬始見微雨

終朝訟風伯今日逢雨師觸石且無寸沾衣
纔有絲枯條希宿潤燥壤覲含滋儻遂成甘

澍薄田猶可爲

北園有樹名沙棗焉紺膚紫莖銀葉金花復有香氣頗似木犀首夏浹旬遂已芬敷余遠望而目恍近攬而神快搦管記言以徵創見云爾時歲次辛酉

小園沙棗甚稀奇銀葉金花壓滿枝香似木犀開更早清和時景正歲差

奉壽楊谿兄六旬

世間甲子遞人生一度相逢一眼明算到十迴才六伯再加三轉是錢鏗知君壽域超千

源壽福

首

五

界且喜天開第一程花下玉壘須滿泛南山詩句好同聲

仲夏二日賞王孫園芍藥賦

老去看花倍惜花藥欄千朵艷紅霞綃紈撲取香無數玉醴浮將色更嘉茁茁鮮妍聊可並茶蘼菴藹不須誇寒芳欲贈人何許目極瑤臺道路賒

閒居五日

一春無雨不成春微雨端陽後可人芍藥開遲紅更好萬蒲生早綠逾新愁兵欲遣雲符

避怕老唯煩聖酒巡爲報伯勞休擊聒且留芳草伴閒身

奉和柳川見詠背郭園之韻

退耕從所好苟簡故隨緣茅結觀書地林開曬藥天療飢瓶口粟買醉杖頭錢了此一生事寧須二頃田

詠小院榴花二首

珊瑚出水鏤成花綴碧堆紅賽浣沙潘岳閒居君是伴何如僻在海西斜

高齋一樹翠將紅似向斜暉笑老翁不見阿

嬌嬌嬌

雨

六

嬌還妒汝茜裙脂口綠窻中

送任學正歸田一首

儒官已自清如水更托高林歸去清地出華池供盟濯天開繡嶺作簷楹明農且喜饒秋事課讀還欣滿夜聲舊日社朋誰最厚好傾桑落盡平生

前題代葛陂作

清汾三載幸同簪黃鳥芳蘭意氣深三鱣欲看遷講席一杯誰想動離襟蒲津渺渺分長路驪岳蒼蒼返舊林石室陰符應獨玩知君

騰有白雲心

見榴花落地而賦之二首

樹頭早起見開紅一夜鋪階似錦叢自是繁華要刊落不須惜雨更嫌風

雨散風迴月上遲夜深驚鳥動庭枝臥聽葉葉相凌亂知是石榴花落時

閏月一日宴集郡守諸公喜雨

十旬憂旱廢琴尊一雨迴枯始掃門自奉郡侯成燕喜非干野老事攀援海榴似火催觴

速山鳥如黃賽樂繁向夕長虹掛天外欲將

酒壘摘

百

七

錦組繫歸軒

時經霜送雨俄而虹現

送抑亭公入賀一首

昔日仙班玉佩臣今還拜表賀昌辰朱軒出宿鴻儀遠紫禁趨朝鷺羽振華祝誰先百官

上嵩呼親向九天仲周南滯客空留歎獨喜

才賢遇聖人

贈羽客崔樸菴南遊二首

姑射山前是住居白雲長自繞林廬一從幸駕汾陽後更何人道接輿

道人眉宇紫華芝談吐風雲世莫知今去江

雨勿惆悵海中仙侶盡相期

北園雨後會鄭平川

雨後荒園樹有陰杖藜扶影靜沉沉不邀社會香山老落盡碧桃誰賞心

題抑亭公喜雨朝天圖

靈壇鶴立佇雲陰低頃真成大旱霖恩叟石田還種却誰人苗稼不耕深清塵故屬朝天

路瑞靄端字獻壽心徒旅亦皆歌召伯黍苗

膏雨正如今

山中喜洪方洲大參見訪廿年之別獲

絲毫摘

百

八

此良晤有形斯詠情溢乎辭

江蓋初傾日汾驂嗣晤年情文還麗密寒暑自推遷吾道知公在浮生愧我延山空無物

贈只有白雲然

薄遊無遠致中返得深棲風雨荒廬在詩書廢簾櫳猶勤長者轍尚同恩公谿誰謂斜陽

裏頽然獨杖藜

哭西田少參二首

生從遼海去死向蘭門迴化鶴人誰見歲序理自哀危途邊馬記短程隙駒催德輿看短

招豈一米

世人同委化於子獨堪悲
祗道官如水誰言命若絲
星看不老婆雲想未登兒
舉目皆傷意何能不涕垂

齊居早秋一首

爽氣生庭樹真成一葉秋
新涼從此得殘暑黯然收
佩我蘭方秀餐余菊已抽
不知楚客意何以獨多愁

和小村玉泉寺遊眺一首

北山事幽討言得古招提
樹似祗園長峯如海嶺
低雲中窺雪竇霞表陟
丹梯望望金仙路皈心正
向西

秋日送康節判于役河東

惠風嘉藻襲人裾道論時
時重起小室裏芝蘭香自
信世間萍梗味何如雲開
野水清平後木落寒山紫
翠初策馬此時雖暫別可
能分手不踟躕

秋晚山莊卽事一首

秋深田圃畢吾勸寒意蕭
條對野曛下坂牛羊渾適
性傍人雞犬不離羣林間
樹色飛黃

葉憲裏山容逗白雲
春黍作醪看漸熟太和真
味滿飢飢

辛酉九日草堂菊宴社中
諸公偕集雲溪首倡斯韻

莫向蕭晨歎歲闌社中無
事可悲酸黃花爲我明霜
節紅葉從他墮露寒潦倒
獨傾陶令酒欹斜誰整孟
公冠詩人釋子還同調攜
手柴籬盡日看

九日菊宴再用張雲溪韻

萬木蕭蕭秋序闌獨憐幽
菊侶窮酸深叢露湛千山
夕密朵霜披九日寒折翠
欲將更萸服分黃爭好插
雲冠柴桑風景依稀在邀
取同心一醉看

九月十五日邀康蒙泉節
判許葛陂楊前源高雲峯
廣文對菊二首

重陽未共菊花杯移日還
期笑口開莫道登臨佳節
過寒芳猶自遶庭臺掇英
泛酒向誰同別駕廣文三
四公可是慕心能共契癡
衰時景醉顏紅

小堂盆菊闌殘賓僚罷賞
當復埋根圃

中雲溪翁攜酒賦詩倡曰餞菊歸籬此
事自古及今無道之者但欣榮棄悴末
如霜露何耳余喜翁創意之高輒附和
二首

世情都賞菊花開及至花殘那復來收拾靈
根歸舊圃叅承化母育羣才冷雲堆裏題詩
餞落木灘邊送酒陪自古無人發斯興殷勤
只有渭城杯

窮秋復得笑顏開却喜幽人餞菊來爲愛物
生還返本真成吾意獨憐才傾壺擬作長亭

送策杖親將老圃陪一段惜花情不淺明年
花好合同杯

九月廿一日石村揮使置酒小園宴集
龍嵎太守清泉別駕蒙泉節判西瀛憲
使柳川宗尉葛陂長史適初雪載零柳
川倡爲五言羣公咸和山人亦擬作一
章

白雪滿高宴宵光重迂迴方爲梁苑集更逐
郢歌來瑞是同雲表清如皓月開此中心賞
別觀者曷能猜

廿二日葛陂復邀對雪仍用前韻
文裾饒雪興大笑剡舟迴席藉瑤華展人邀
玉樹來歲寒將意勝野老亦顏開不是希名
飲應無世俗猜

九月廿六日龍嵎館對雪

秋杪三迴與雪筵瑞花紛自繞庭前人心共
喜豐年兆天意遙符刺史賢漏永蘭膏明不
夜杯深瓊醴醉皆仙寒余只好牛衣臥一荷
招攜一惘然

奉和小村秋日游顯慶之作

王子蕭齋寄興長愛染秋壑滿林霜高僧頂
禮爭迎飯童子知名競藝香翰墨每留題曲
几威儀時整借方牀余家火宅心煩燥聞說
清緣內已涼

春江行

兗峯將軍向余道監胄王子春江賢家當故
國三賢里門對青谿萬谷泉有才能作靈光
賦有學能擬春臺篇有志排雲斗閭闔有心
揆藻希卿淵遭時不肯屈人下用賓早著觀
光鞭明堂大樂見韶獲辟雍五禮親周旋歸

來寶劒掛東壁萬箱收取大陵田乘春慣策
五花馬好客不惜沽酒錢兌峯帝子金枝秀
與君結好忘形年時節問遺喜有慶德音不
爽情兼全今日春江開壽宴兌峯躍馬如飛
仙金錯剖鱗呈席上銀潢傾酒到樽前欲唱
南山萬年曲酒酣舌掉不能宣但剪蕭湘烟
一幅强余書此爲君傳

九月廿八日東谷樓燕集

林間景晏雪消餘滿眼清輝盡弗如好客肯
邀登閣望留歡不遣笑尊虛煙嵐淡抹青山
漁燈獨
郭霜葉紅停翠憶車又是昔年經過處可堪
回首重躊躇

山中送趙陽谿之任江都

拂林瑤雪灑清塵仙尹開程氣色新海上飛
鳧雙鷁迴山中勸酒一杯頻古堤楊柳依來
駕東閣梅花應賞辰寄語淮南人吏看風光
別是廣陵春

奉和柳川與湛上人圍爐之作

寒風一夜起威稜吹入林窻第幾層貰酒未
遑邀社客烹茶且喜會嚴僧黃金地上流空

華白玉壺中徹底永何是侯門好清淨想應
三世佛身曾

題龍岫太守入覲卷

雙旌五馬再朝天六載眞成太守賢高誼欲
看惟晉岳深仁何許是汾川雪消疎柳紅亭
外日近長楊紫殿前上第定當留密勿可堪
父老望車旋

漁燈獨

甫

文谷漁嬉稿

壬戌

題楊司訓青龜獨坐圖

一寒獨坐廣文壺多士同聲夫子賢弦誦不
愆周禮後浴風如在魯城邊超羣野鶴非時
調徹底水壺是道緣間向春風問消息杏壇
花發幾枝先

壽田柏冬

憶昔紅顏美少年筆花成彩氣凌煙斗牛時
許龍光射姓字曾將虎榜懸結綬不辭爲邑
宰抽簪還擬學神仙青春半百何堪壽壺裏

漁嬉稿

戊

一

丹砂萬載延

奉謝慶國春燕喜雪一首

王國今年春到先瑞霙釀出滿瓊筵分飛晉
野農皆發點染梁園客共妍花萼梅開龍笛
裏簪裾玉屢鴈池邊腐儒尚有觀書興欲借
清光向草玄

元夕集西谷館燈宴復移柳川館觀所

畫憲燈蒙各分賜小兒敘事二首

上元燈火足繁華最是西園帝子家匝樹銀
蕤噴翠霧重輪金燼餗紅霞煙宮地縮蓬壺

湖月席杯傾珠斗斜別館春情饒翰墨松
魚藻畫窻紗

正元三五闌韶華誰勝今昆玉友家延客綺
羅同坐月徹宵燈火上蒸霞寶花如雨千枝
散仙樂凌風一派斜野老攜童善嬉戲當筵
乞取絳籠紗

正月廿日小堂春宴

絲繩玉壺春酒香嘉客奉延嬉滿堂蹀躞千
金響驪駉續紛三組輝銀黃歌雲促酌水絃
急舞雪留歡羅袖長宵漏滴殘都莫問蘭膏

漁嬉稿

戊

二

吐餞華燈光

送湛師歸臺山

與君半載結鷗盟說道無情却有情正好簞
瓢同陋巷可堪杖屨別春城香臺古寺侵雲
冷嵐嶺高林帶雪清弟子逢迎定相問齋糧
幾許濟羣生

送楊司訓東還

一官文行中無愧命合棲遲豈怨嗟生計且
將田種石世情其奈粥搏沙榮期帶索寬如
許顏子草瓢樂未涯知是先生會心處蕭然

環堵足煙霞

送蕭清泉別駕南還

歸去田園及蚤春可能沽酒會親鄰二年飲
水囊如洗萬里凌霄翻未伸奉母課兒非俗
務耕雲釣月是天真茫茫世態君須驗獨有
青山不笑貧

前題代許葛陂作

當官三事君無玷去國一朝人共憐任淺未
能饒廩餼途長應苦滯風煙離懷春草難分
秋歸計晴林好種田只恐奚囊蕭索甚兒孫

休問買山錢

春日壽東莊宗正

寶善如金玉愛賢似芝蘭家傳磐石固國典
泰山安祿生千鍾享珍充九鼎餐瑤笙聽吹
鳳紈扇看乘鸞曲度霓裳舞歌移淥水彈桃
花紅欲染楊柳碧成攢向此留春住當爲萬
載歡

送卞知事署汾事竣還省

會逢嘉客本無期願步柴門却有時求友高
深黃鳥解惠民幽隱白雲知春風正擬頻揮

芳草那堪更唱驪臨水送歸君不見隔煙
楊柳亂成絲

贈張龍嵎太守入覲榮旋一首

春日朝迴守舊疆萬家煙景襲餘光桃花細
雨隨車下蘭葉香風引綬長再見王君馳蜀
道重逢冠老借河陽依然美稷兒童輩竹馬
紛紜逐路傍

三月七日壽小溪殿下作

聖朝宗祀日光輝帝子文華耀紫微獻壽觥
籌交海運承歡花鳥雜霞飛盟來磐石天長

源鴻福

卷

四

厚分到桐珪命永祈設說東平賢漢室賢藩
今更有聲威

新理小園承西谷諸公見枉酌言謝之

一首

荒園無結構春暮始爲之疊石臺依樹編茅
室近池瑩心清湛澹止影綠參差未必居成
隱高軒共賞期

三月十九日壽西谷翁

自歸頻得款光儀八度親詩獻壽卮桃李年
年讓顏色松筠歲歲與心期求仙碧海何須

葉頌德南山故有詩仍欲野人身似鶴
翔舞降申時

題周氏五老圖

象先呈秘五老受符經持玉軸緯運鴻樞穆
沕在御熙噩以驅四序逆軌羣有順途弗宰
而茂因應而虛長永貞固敦大博舒後無罪
竟前靡厥初壽考曷算康樂豈渝遐契之者
上德之徒

送西瀛丈北上

橋頭綠水泛離卮谷口青山擁畫旗喜向帝

城

城

城

城千里道愁分鄉柳萬條絲豫章材大遙難
識宣室恩新近始知不似愚公作溝斷終無
寸補報明時

春日樂壽園卽事一首

莫笑山人缺世資山中却有好風期雲來常
繞觀書屋花落多黏壁月帷南畝婆娑桑綠
處東籬潦倒菊黃時幽棲未必無同調桀溺
陶潛是我師

春日樂壽園晏坐一首

才不通時性豪營滙園聊復遣餘生百年興

問知誰是十畝間間較獨成鳥赴花飛忘去
住雲隨山吐作陰晴楊中掃石席流坐
一笑悠然歌水清

山居一首

何處居塵不著塵白雲空谷有幽人編籬插
槿將紅藥泛水浮槎採綠蘋坐嘯獨閒三徑
事行歌且喜百年身分明擊壤陶唐世莫擬
桃源是避秦

壬戌五日宴柳川園賦

身向西河老情猶楚客深感懷驚節序承賞
及光陰香起芳華沐朋邀翰墨臨紅裙石榴
讓綠酒玉壺斟永日歡成極薰風醉欲沉詎
徒全四美良是有同心茂苑修文地清池養
道林復能延妙趣奚止滌煩襟

和謝龍喁太守見題小園爲樂壽松之

亭爲伴鶴梧之所爲棲鳳一首

丘園一賁陋迴妍風景依稀小洞天梧佇鳳
鳴傾曉日松間鶴舞伴長年邊林汲井心無
累入室團蒲意豈逸敢向師門論仁智只將
樗散學神仙

仲夏八日慶雲莊喜雨

不怕驕陽旱薄田只愁霖雨缺堯天已看夏
氣流金半繞見朝雲觸石先一灑歡顏羣品
動拜迴生意幾分全儘教野老迎神賽好翦
園葵辦社錢

奉和小溪閒居一首

煙雨朝來散綠陂晴林別館互標奇文霞倚
泥流高棟修竹檀藥夾小池嬾草東阿洛神
賦愛吟西母穆王詩應知濁路奔忙日正是
清都靜樂時

賀許教授膺獎用韻

數盤稿

虎

七

曳裾高誼並枚鄒贏得褒賢禮數優導善國
風成最樂除奸邦典伐先謀黃堂束帛敷文
盛朱邸擬金播德休復有橋門聽觀者歡聲
齊逐彩雲流

寄西巖翁

芍藥綺階槐幔窻蘭堂鏗鞠金鼓撞鶴客遙
分靈壽杖鸞姬亂開春酒缸硬肉滿盤嚼俱
盡蒸桃如斗食能復世間老叟莫誇健若見
此翁都退降

贈別張龍嵎一首

方將行理濟時康何事懷歸促曉裝清似水
壺寒徹底惠如溫谷稷生傍攀轅更欲三年
住別路那堪萬里長守語鶴籠山客道退耕
人是古賢良

題張龍嵎送別卷二首

功成身退好遺愛自堪傳任久才逾練官貧
操益堅純心尊五美亮節映三賢俗吏無公
是誰將此道詮

十年行役者無日不思歸得返王陽旆應伸
萊子衣瀾滄印江閣蒙樂罨山扉總是怡真

漁隱稿

東

八

處浮名信可揮

代許葛陂送張龍嵎南還一首

惠風終日被寒飈不覺深仁積五年治郡恩
威如召父傳經學術似韋賢只言吾道常堅
白誰料浮名有變遷悵別詎堪南去遠雙旌
搖曳我心懸

送徐洛川北上一首

綠槐夾道柳依城仙令驅車向此行酌別厭
看人乍遠衛炎欣見雨初晴舊來邊節水霜
苦今去朝聲星斗橫佇聽鷺棲復何處翻飛

應好到承明

伏日蘭雪齋睡起忽憶柳川翁別業

睡起覺齋空佳人獨未同遐心閒谷口清景
落谿東過雨留山黛殘陽閃樹紅應知納涼
處不遠北窗中

避暑小堂漫句同劉生

伏日既熾苦彼炎埃與我友生逍遙徘徊于
堂之中于樹之隈八憲齊啓重戶洞開席地
而坐岸幘以陪有瓜有李是盤是杯指揮玉
塵環轉金罍翳雜不入間以談詠邪熱內斷

魚塘鵲

戊

九

清吹遠來如濯如振匪池匪臺得一之清衆
甫允該純氣在守孰予違哉

承小村牧雲洞及谷中立秋之作輒依

韻各賦一首

牧雲洞夏日

靜中添得日頭長洞口微風花氣香却笑熱
行多襍穢不知雲館較清涼

谷中立秋

秋光繞轉梧桐上高興憐君逐景賒賦就白
雲詞絢彩池臨玄水筆生花故人衰甚能懷

寄空谷涼新好靜嘉星火迅馳誰不念寒暑
愁縷獨如麻

七夕六言二首

星彩盈盈銀漢月華穆穆金波佳期天上還
有空老人間奈何

鵲渚雙星會處蟬枝一葉飄時不憤香筵乞
巧生憎團扇含悲

橘泉圖贈陳醫士

區中有一士被褐守清緣道闡神農術方窮
本草編活人心不二市藥價無偏病屢盈門
側酬尊滿席前庭餘孤白鶴囊剩幾青錢橘
樹垂霜實銀牀引玉泉將同種杏老欲比茹
芝仙髣髴成圖畫要令識者傳

七月十四日壽柳川六十

君向蓬山壽域開我持瑤水白雲杯還同瑞
鹿銜花至欲比祥鸞授錄來修竹晴林瞻有
斐香蓮旭沼羨無埃應知不老惟清淨一任
衰區甲子催

七月十七日壽小村

北翁之後復賢君儒雅風流自不羣染翰盡

玄池內水觀書時秘枕中文謝家樓搗多明
月陶老山居滿白雲今向華辰復何祝只延
此景到無垠

對梧桐作

梧桐朝影肅庭芬還轉西窻映夕曛總是碧
天秋一段送歸山侶到閒雲

聞幕砧作

秋閒月色涼如水亂杵調砧向空起恨不流
風萬里長將聲吹入征人耳

奉謝次山公按節汾陽見訪一首

漁齋稿

戊

上

明代樓遲百不逢威儀今喜見康公澄清汾
水蒹葭日采訪虞墟蟋蟀風幽谷我猶勞問
訊窮簷誰不荷幘幘應知鴻渚攀轅意只恐
熊軒遽邁東

賤日承裕菴昆玉攜酌見枉率爾賦酬
用來篇新字

五十八迴犬馬辰頭毛贏得皓如銀不嫌衰
賤獨明月肯訪荒涼惟故人碧樹森庭擽意
趣絲雲籠席煥心神荷君瑤華之瑣報秋色
笑顏期永新

奉答趙陽谿自江都見寄壽意一首

故人在江縣憶我於汾隅江汾幾千里迹迥
神不殊牋綵致雲翼芳辭若瓊敷殷勤玉笈
意款曲金箱圖野老自多暇巖棲無一娛灌
園非寄傲學圃賤爲儒道在聞猶後時違歲
屢逾衰頽怯朝鏡涼景愛秋蕪望美廣陵郡
風舟隔蓬壺臨觴豈歡緒倚檻方煩紆適此
慰離寂何能附雙鳧

題柳川新開道場八月廿六日作

前生慣習開山住今世逢山故喜開曲曲亂

漁齋稿

戊

上

穿如玉洞層層高起似花臺窻含石樹齊巖
末門枕瓜田接澗隈怪底林間帶仙氣野雲
堆裏卽蓬萊

雨夕懷林虛溪學正二首八月廿四日

微雨澹秋煙端居感易偏抱冲餘獨緒望芙
隔清緣樹暝槐壇綠燈明草閣玄應知不成
寐默眇憶闕天

門人散今雨夫子定閒居秋色滿芸閣文華
似石渠下帷董公後掩卷伏生餘誰道官成
冷水壺湛玉虛

秋堂夜雨

今夕一天雨蕭條滿空堂庭葉委如積遊氣
生遠涼取自恨孤燭同心適來翔斗酒命歡
敘清言夜未央束濕還煮茗迹簡意彌長秋
氣轉可愛誰復含悲傷猶期待晴旦續賞寒
籬芳

九日呈次山憲使

野老悲秋秋正深使君佳節肯招尋城隅曲
徑朱旗繞山下東籬盡戟臨菊朶聊將浮綠
醑萸枝兼取奉華簪夕嵐霞綺仍相媚欲啓

漁塘稿

成

幸

高天秀句吟

九月十日慶成館菊宴呈次山憲使

屈指還山已八霜多成風雨禁重陽今年好
景逢佳客是日高臺得舉觴帝子續開黃菊
宴仙人留佩紫萸囊分明勝似陶彭澤悶把
寒英坐宅傍

奉和次山公寄拙園惠音

褰帷問閭里移榼款山扉仁恩遍惇庶禮意
達幽微是時霜始降百卉成具腓蕭條野無
綠羽書如月飛方當肅明憲兼復理戎機奈

何憂勤日慈惠益熒歲迂庸屬清斷雖飾與
時違猶荷丘園寵自慙人則非寥寥碧天曠
晶晶華日暉清光覲眉宇仰止獲因依還聆
郢中唱獨傷和者稀籬菊欣可泛愁送高鴻
歸

贈別次山憲使還鎮

汾陽按節盛威明潞子旋車愴別情伏虎盡
教潛北渡防胡無後敢南征素波簫鼓中流
送紫嶺風雲夾道迎望美可堪徒極目建牙
高岳與天平

漁塘稿

成

古

寄和杭州張南屏侍史

美人家在二峯前寄我江雲日暮篇伐木意
涯超海闊開絨眉宇覲芝鮮綠篆明代溪邊
老白簡清朝柱下賢籬鷄欲從飛不去遙心
空繞玉松泉

兩日承虛溪學正及雲峯鳳山二司訓

文燕卽席奉酬

累日沾清燕方知飽德深事當聞俎豆道乃
益朋簪入室渾書府升堂總藝林先生僕誠
盛樂處還可尋

醉起雪中口號

一杯何許寄情深早已交疎白髮侵
叔夜玉山曾潦倒季倫金谷久消沉
支離世上形無累偃僂林間道自任
今日晝眠纔是醉不知朝雪滿庭陰

和小村遊禪詠雪之韻

說法天花墜縈空復滿壇似鹽廚欲借如粒
鳥欣攢幻質應須化浮生那不殘惟當玉毫
裏認取一光寒

壬戌除夕四首

漁齋稿

卷

五

掃壁糊窗帖勝餘蕤香煮茗坐吾廬從頭點
檢一年事冷煖陰晴過隙駒

老景蹉跎又除夕了無功果在林間形如懶
衲人應笑偷取韶光特地閒

守歲今年勝昔年笑看兒女共燈前女能刺
繡兒能讀便覺春光似火然

徘徊臘盡候春來整點椒盤柏葉杯欲向正
元歌介壽太和醺得好顏開

文谷漁嬉稿 癸亥

元日寫懷一首

白髮催年又一迴何方醫得老懷開情文綺
靡閒詩卷閣里浮沉濁酒杯海燕漸當乘社
至江鴻早已踏春來胡牀玉笛休輕弄怕送
東風灑落梅

西谷館燈宴一首

野老還將春令乘年年來賞上元燈香燄絳
蠟丹霞離光薄銀花寶樹騰陽燄崢嶸殘雪
後瑞煙縹渺淡雲層仙家淑景宜長玩欲把

漁齋稿

卷

一

浮生繫玉繩

文室盆梅始開漫興二首

盆裏江梅開向春馥然香氣惹衣巾東園桃
李雖饒笑未必孤清會我神

階下寒蕪猶自荒門前凍柏未抽黃不知春
色緣何事先著孤山數朶香

新雨田家

老農春早向西疇曉曉初聞雷莽收霑灑適
來甘似露沾濡真比貴如油杏花村裏紅橋
映楊柳橋邊綠正浮正是太平春歲事不憂

豚酒祝瓊宴

閒齋對雨作

小雨閒庭春正中
杏花含蕊草抽茸
細看紅碧生香意
却恐丹青畫不工

贈趙二尹之任絳縣

攝幕汾人俱服義
棲鷺孝里盡懷仁
官微一命心無負
才屈三年道已伸
絳館哦松新暇日
清風偃草舊行春
唐堯山水依然在
民俗今看賴雨淳

題軒下碧桃一首

魚庭稿

支

二

紅梅開罷碧桃開
春色分明到草萊
俗客不知天浩大
只言幽隱是寒灰

和裕菴雨後村居之作

雨餘煙水綠浮川
渺與青山互接連
芝閣平臨楊葉裏
槿籬斜遶杏花邊
香風送酒芳菲地
遲日留人澹蕩天
信是春林多自在
醉來從枕白雲眠

和裕菴端居寫懷之作

高人彷彿嵇中散
俗事眼前無一歡
厭濁日將山木餌
耽玄時取道書觀
愛硯泉脉攜筇

杖懶整朝簪
戴鵝冠蘭雪尚難爭
氣象世間何物可能干

春日愚公園一首

園涉自成趣
春風還起予
已妝花覆砌
更染柳含渠
翠逐鶯聲滿
紅翻蝶勢虛
廚中現有酒不樂今何如

春晚背郭園賦

巧智無能拙有餘
田園春晚獨躊躇
新醅未出酬花下
寒食仍過禁火初
細雨齋空衣尚厚
斜陽門掩榻常虛
蕭條不耐聞如許
飲學

漁隱稿

支

三

安仁賦所居

神女詞二首

神女姣麗陽臺之下
霧縠徐步霓裳屢舞朝
行爲雲暮行爲雨
忽而霽兮草木莽莽
豔逸洛妃于洛之浦
遊龍鱗蜺驚鴻揚詠左
采明珠右拾翠羽
忽而逝兮不知何許

與野老酌花下二首

老去光陰倍惜之
恬風香雨看花時
只愁花片沾庭砌
故悅鶯兒勸酒卮
野老扶筇向藥欄
一壺留賞惜春殘
斜陽潦

不歸去更折紅香醉裏看

舊認串條紅為碧桃近得真品始覺前
誤因喜而賦之

碧桃原別種錯認串條紅仙苑新移植山除
第養蒙妍姿香露潤艷質煖煙烘似有花神
助春深更不同

莫春閒齋作

春草遮徑合門無車馬喧青錢榆上挂白雪
梨邊翻沾酒應難遂彈琴差可援勿云虛薄
甚聊寄賞心存

源齋稿

文

四

雨中栽菊一首

結根霜雪裏分種夏春交生意芽抽葉化機
莖奮梢油雲應時育靈樹解畦磽節晚定須
就幽人在衡茅

聽鳥林間悵然感懷一首

清和嬌鳥趁芳林背翠霏紅流好音丘壑此
中堪眺聽煙霞何處有招尋周公伐木希同
調陶令停雲寄遠心獨酌東軒子不豫悵然
還撫沒絃琴

臥病高齋作

口燥唇乾燕笑餘由來悲樂有乘除匡牀自
合維摩臥閉戶誰憐楊子居茂樹陰籠高閣
靜落花香趁小堂虛却慙詩思依然在時復
浮雲共卷舒

四月八日背郭園宴集諸友生夕雨時
至挑燈夜留一首

夏氣始可愛清風扇幽園扶疎嘉樹列鮮美
落英繁黃鳥咬窻前華蟲雉隴上有情皆命
儔孰誼不相向掃徑集蘭友披襟坐竹林盤
蔬無世味壺醕不時斟既醉延永日還歌樂

源齋稿

文

九

當年行休吾已爾賞會誰復然密雨解留人
紛絲繁歸驛方將秉燭遊達曙娛心意
酬裕菴四月八日宴集桐竹山房對雨
之作用韻

短垣垂綠徑堆紅高閣褰帷招遠風竹杖肯
尋山郭外桐花相對井欄東不綠空谷無人
問應是天台有路通坐愛清和爽芳潤夕嵐
疎雨白雲中

高西泉行年六十詩以侑觴時癸亥四
月十日

三十年間莫逆交酒杯無日不嚶嚶近來形迹多踈曠可是心情竟擲拋我與鷗盟嬉海岸君如鴻侶住雲巢却憐初度貧無宴合訪仙人去煉茅

林間宴坐偶書

茅堂蔭綠夏行深宴坐蕭條便隱心出嶺白雲塞道服當意寒井瑩空林扉扃或有高僧扣徑寂應多細草侵近愛淨名居士傳一編時啓向桐陰

題卞知事萱花榮茂卷

漁隱稿

卷

七

遙思白雲舍一獻紫霞觴壽祝南山永心隨愛日長淮王鴻寶地晉使豸冠郎望美堂中樹花深玄圃芳

題卞知事風木餘悲卷

由來風木意偏感薄遊人祇役憐之子孤生念所親不聞歌處樂詎美食前珍誰道南陔廢皇魚跡已陳

夏日與友生飲花下

榴火朝來綵槐風午復清披襟意已曠入坐眼逾明猶恐丹粧歇兼將綠畧傾因之命觴

具于以招友生

送林先生赴省修志一首

晉乘闕無詮次久編摩今喜屬才賢三長自覺雕蟲陋六藝誰知司馬玄花發杏壇明彩筆草深芸館拂青氈河汾弟子多歸向挾策尋師到講筵

客有賣花而過小園者余愛而買之輒

已罄囊正釋氏所謂障也乃作此自嘲

租錢那作買花錢一種能輸數畝田乞食舊

緣渾忘却捏華新障苦纏綿豈無非樹千紅

漁隱稿

卷

七

鵲更有真香百和焚笑殺支公愛巖選讓他

洗耳棄瓢賢

夏日端居有懷南宮弟二首

永日心不忙端居還自持豈無千金劍亦有

白玉卮鴻羽分飛處棣華連理時相思杳難

制極目夏雲滋

獨緒感芳物攜筇時一臨華光明靜院香氣

襲幽襟原馨玄鶴急池生綠草深不知惠

處亦有悵離心

贈別雲棲畫史

我愛高平老畫師形如野鶴髮如絲司空
題書送招隱園中下榻期適意丹青存古
淡隨緣冷煖識時宜飄蓬更欲浮淮去舊友
相逢是阿誰

賦得幽人在空谷

幽人在空谷如鶴處寒松頂有丹砂鍊翎皆
白雪鏐遠心超海運絕響微霄重仙路原無
極雕軒安可籠

齋居憶大輝上人

不見高僧久跣趺何處邊火雲燒世界甘露

漁隱稿

文

人

灑心田獨轉蓮花梵誰參柏樹禪老懷逾寂
寞將共爾隨緣

和裕菴落日登樓之作

憐君傑閣滿篇詩落日危欄獨倚時黛色層
峰屏裏看金光曲沼鏡中窺僧鍾杳逐鴉羣
度牧笛橫歸牛背騎賞會盡成吾土趣仲宣
應作旅人悲

覽鏡戲題

清晨鏡裏忽驚魂芳樹窻前未敢論學蔭丹
砂墮薄命思彈玄草落空言頭毛短脫

甚面色衰殘肝皺繁聞道利名能速老
顛倒著丘園

偶書背郭園壁

高城直北小閣偏東百花香裏萬水陰中蕭
然茅屋兀爾愚公不怨遺佚不憫阨窮飢食
渴飲朝屯暮蒙禽魚自適葵藿以充時人稀
偶世事闕通書劍無用身名可空雖慙介石
差愈轉蓬蒿前芍藥井上梧桐竹柏雙挺蘭
菊交叢物而不累神焉有融徘徊容與庶其
古風

漁隱稿

文

人

寄贈張半山二首半山善草書又久不
拜官

青雲世胄樂清真時向山中作隱淪望美若
人誰得似右軍瀟灑在風塵
華宗草聖自張芝後代流傳孰可追今日美
君還獨步滿庭池水墨淋漓

在柳川山莊作

識破迷途有變通初衣來訪祝雞翁到園瑤
草連畦碧入室銀砂滿灣紅山色晴流窻樹
裏泉香細出洞雲中逃名結社君須信非復

吳江舊阿蒙

林間早秋卽事一首

秋光起庭際流向碧煙窻煙從何處碧翠柏
夾庭雙復有竹間綠鳳下與龍降二物稟天
粹貞標凌石幢結頂槩金氣托根潔玉淙相
蕩吐靈秀華景印澄江對此悅清曠炎埃盡
推空徘徊上涼月瑤采奪蘭缸冷然谷神嘯
劃若余鼓擬微生本耽寂首路謬爲邦歲晏
始棲托鴻林在崆峒雖非鹿門隱願學襄陽
龐

漁海集

卷

十

題庭前黃蜀葵

鳳爪移爲葉蛾黃帖作花傾心向何處留滯
野人家

題剪春羅花

絳羅時一剪爭看若耶春艷色由來重應知
閨裏人

古意

楊花飛罷蘆花飛溪上老人愁落暉無奈蘆
花秋色裏楊花端是送春歸

壽小村作時七月十九日

轉眼秋光又漸臻涼雲鋪水白鱗鱗筵開金
鏡千年會客擁銀潢一派人滿座清淨仙氣
象南山翠合玉精神愚生亦有銜花分青雀
西隨向此辰

生日承西谷諸公惠宴卽席賦酬一首
清時早還誠達機初度年年觴翠微桂宇涼
飄天上發蘭筵秋引日斜暉長歌喜聽瑤池
曲緩舞爭看金縷衣幸是列仙扶野老敢辭
醅酹踏雲歸

和西瀛年丈中秋見壽之作一首

漁海集

卷

十

世間何許是良辰月裏中秋觴故人念昔獨
驚千里別憐今同感二毛新夢迴烏鵲南飛
夜看破桃花東去春只有杜康能却老賴君
呼取玉杯頻

訓吳一川太守中秋雨中見在宴集之
作一首

小宴期華月高天隔暮雲清光還照我明德
自承君濁酒呼盧勸枯魚束濕焚應知憐野
老不擬慙杯勤

和一川太守仲秋雨中行祀馬跑泉祠

一首

聞道隨車雨相將出谷雲
寒帷觀野俗露冕見仁君
樹引雙旌濕香迎夾路
焚川祇方望幸時享復精勤

韻

生日寄答南宮弟見壽之作一首用來

山林多暇日犬馬復餘年
展我中秋宴傳君上壽篇
氣同連碧樹心遠共長川
今夜雙鴻影遙天一鏡懸

題馮師河底山莊一首

漁隱

東

主

界取青山一曲深傍巖隨水結高林雲間洞
館流霞氣樹裏池亭散竹陰舊卷不忌攜討
論幽人每許到招尋聖朝亦有冥搜士不向
金門歎陸沉

壽平陽劉進士母氏七十一首

積善門庭慶自隆北堂真喜福攸同
華辰坐歷堯年永壽酒持添舜岳崇
寶馬蘭孫姿若玉青雲桂子氣如虹
相將戲綵慈顏下不減西王鸞鶴叢

送霍思齋侍郎之留都

公清德重鄉評數歷真蜚朝野聲
按節三河川后順提兵兩鎮虜魂驚
徵輪特藉司農計留守還咨副相行
遙想金陵迂仙鶴大江秋水貼天明

秋日蘭竹館偶書

仕路不得意歸園頗自寬
賴存三徑竹復藝九畹蘭
竹以清風扇蘭將香露溥
已便無世味獨感歲華殘

中秋無月用小村韻一首

我向西樓候月圓夜深舉手問遙天
揚輝正好行時令埋采何如邀世賢
庭葉珠沉風裏露池波金散雨餘煙
水壺欲貯無消息獨有寒砧到耳邊

漁隱

主

再用蒙字奉懷柳川翁一首

谷口秋林葉漸空棲遲誰識臥雲翁
澄潭積水搖天白散綺餘霞帶日紅
龍性却馴蓮社裏鶴形偏趁羽人中
何時杖策來齊物一叩南華爲啓蒙

小園籬菊始開裕菴便攜酒見賞漫此敘酬

籬花纔吐清秋色，便得幽人共賞之。可是同心憐晚節，故教三徑有佳期。隨緣雞黍慙無厚，適意壺觴醉豈辭。野老近來知盡興，不堪衰柳異如絲。

今年園植盡爲風，窻所摧獨籬下之蓂。不減郁馥霜辰翫之幸，爾成句。

苦雨酸風作祟餘，短籬荒圃尚扶疎。金英擢秀看還勝，玉朶聯芳畫不如。白帝似教陪處士，青神應遣照幽居。一杯佳色誰能負，儘與南山共翠虛。

漁塘稿

支

古

自笑一首

人言拙老固相隨，體向吾身信有之。藝黍石田逢雹打，種蔬園壤著霜披。奸饒僮僕如油滑，頑鈍妻孥似馬疲。自笑癡僧能說法，不能行矣但支頤。

奉酬西瀛翁見賞園菊之作用來韻

徑荒松冷菊猶花，妝點空林處士家。秀色不妨名酒對，幽香能取使君誇。車亭坐愛吟斜日，杖倚行看弄采霞。豈道寂居無勝事，歲寒心賞興逾賒。

和柳川巖洞之作

深巖卜築樹新栽，非復他年舊草萊。洞裏膜藏燒藥竈，林間高起讀書臺。白雲滿眼將誰贈，明月同心自我開。俗客欲尋應不到，丹丘惟見羽人來。

送次山劉公南還

滿眼風霜屬歲關，傷心岐路結愁端。文章東觀與璠美，法象西臺星斗寒。兩郡分符同吏治，五州開府盡民安。賢聲獨不聞霄漢，可是天門四達難。

漁塘稿

支

年

冬日入室

兩儀閉塞羣彙藏，不走岐路蹉亡羊。襍挂簷遮冷落甍，甍鋪地坐齋莊。灰中有火吹還蕤，蕤蒼寒無鹽淡。可嘗身世此時成，混沌北窻何許較羲皇。

喜李山人見訪一首

千里故人去八年，今復來乍逢疑作夢相對。喜衙杯淡水交心在，寒山笑口開吾生君信否。付與白雲飛。

相見行贈李山人

憶昔關中初見君，驚看野鶴超鷄羣。大梁城裏再相見，恍如玉琰昆山片。別君初服返吾廬，千里君來問起居。白雲汾水留君住，把酒婆娑數株樹。日暮酒闌離緒生，拔劍起舞舞東南。征自從別後，少書信。春草秋鴻空復情，至今八載離當合。匹馬衝寒扣山閣，開閣招延喜欲狂。鶴形無改玉仍光，五岳周遊欠衡岳。大江直往到錢塘，自言囊中有靈藥。傳得仙人海上方，一丸服之老可却。與我共造無何鄉。

源塘稿

文

去

寒夜憶李山人齋居

今夜寒更多，重衾煖猶薄。伊人在山齋，得無逾冷落。湛月流高窓，嚴風響幽壑。短褐雖不充，敝貂還可著。默坐守玄虛，身應向寥廓。奚必羔醕儔，酣歌擁華閣。此語道門緣，道心能領略。不聞楊子雲，閉戶爰寂寞。

喜南宮弟書至因便寄答二首

塞鴻飛盡朔風寒，北海常山道路難。書到未開心已定，封皮先寫報平安。
獨令齋中寄寓身，青袍無改二毛新。田來儒

行多難進只合棲遲似魯人

送西瀛丈北上

世路驅人不得閒，衝寒又復上重關。水壺酒滿應須盡，雪柳條高未可攀。飛鳥曉浮雙闕下，除書新拜五雲間。吳公最著河南治，莫說馮唐鬢已斑。

寄答謝四溟見懷一首用來韻

孤生冉冉思依依，欲訪蓬瀛話息機。舟去只愁風倒引，路迷常苦夢空歸。馬卿才湧天雲氣，謝眺名流海日暉。何幸欲來相問訊，瑯函

源塘稿

文

主

先遣報嚴扉

柳川小洞夜宴用韻

小洞圍爐夜不寒，泰和薰取破冬殘。應門童子垂頭睡，閉戶先生抱膝歡。石鼎香籠雲氣暗，紙窻明透月華圓。此中清意言難罄，須寫孤桐韻雪蘭。

謝汾村大宗正西園高會韻

嗣君命飲復綢繆，歡緒開宵秉燭遊。絲管沸庭天樂下，壺觴淹席海霞流。碧山學士焚魚棗，紫府仙人醉鶴樓。莫道西園明月夜，歌鍾

却似五陵侯

除夕共李山人作二首

歲去如河決寧無川上心茅齋邀客共杯酒
命兒斟聽漏嫌春早挑燈應夜深獨憐殘臘
盡猶自雪盈簷

山人應自老又閱歲華歸與世知誰是謀生
覺盡非丹心灰更冷白髮短仍稀那有延年
術令予駐夕暉

刊漁嬉稿

天

天

家兄文谷先生詩稿多矣率散刊齋間民齋
居獨冷有所待癸亥漁嬉稿亦書而壽諸梓
云時嘉靖甲子春弟弟子孔天民記

谷漁嬉稿 甲子

春林即事同李九河作

今日覺林間青春稍已還入看花落舊流聽
鳥綿蠻渠瀉泉紋細窓含岫影開餐霞期道
舊同此鍊朝顏

謝王北野送玫瑰栽

玫瑰虞山叢珍寶蘊石中謝君能採擇遺我
得尊崇選地托膏潤秉天授和融涵濡濯纓
水噓拂舞雩風位置儼如竹班行造蓮蓊生
看春物蕩行觀化機克垂棘抽條軟懸璆照
影空葉裁羽葆翠花綴火齊紅曉露團香濕
佳人讓色同釘糖逾拘醬糝茗跨龜蒙秀出
標瓊園粧成豔葉宮招邀三足鳥笑傲九達
蓬蘭谷傷孤茂堯源恨靡通誰知草木品亦
以遇時豐

謝王北野見惠竹栽二首

連牆覆砌好清芬却許人移種白雲可是太
繁禁不得蕭騷風雨夜深聞
細梢雨葉不曾乾認取南枝次第安待到來
池國萬箇邀君來賞綠檀栾

和九河春遊鵲時予宴生林間

惠文珥貂無福冠帶索鹿裘頗自寬得處洪
釣爲大幸行歌終日有深歡杏花雨過酒方
貴柳葉風來食正寒藉草觴波僕不與喜聽
春鳥啄林端

春寒

仲春天氣冷風埃柳眼模糊不肯開何處
聽得歡笑佳人都著錦貂兒

負暄篇

太陽垂景耀暴我屋南榮冲融瀉天粹盎
然

燕堵初

一

純以精僊蹇受熨帖鉅鏘誰爲營初若浴
溫室少焉肌栗平薰蒸徹五內靈府騰光明
欽艷啗金砂咀霞噍瓊英陰淫如霧釋寒病
永不嬰引鏡照顏色澤理紅黃生袖毫繹文
思錦組爛縱橫珍此欲持獻徒抱區區誠寄
言短褐子夜旦何哀鳴

寄訓謝四溟用來韻

春深無奈獨臨流一望天涯生遠愁芳草
璚人還異縣青衫爲客幾同游賦成脩竹
梁王苑詩滿高雲謝眺樓何日扶印定相
問楊花

撩亂水悠悠

園中雜詠十二首

平霞館

本自餐霞人高居與霞接要令天宇閒
了此道門業

讀書臺

少年學書史白首無聞知猶自荒臺上
開編時一窺

雙樹軒

不是祇園樹分庭翠亦雙光華垂日月
扶影

津塘稿

三

到軒窓

杏花亭

山鳥悅春林啞花流好音焉知亭上老
不有惜花心

桐竹山房

一室依桐竹清陰拂地垂愧非丹穴鳥
閑却朝陽枝

長春洞

洞棲無結構深靜保玄虛若問春何
在此中常晏如

春草茵

林叢匝青翠積草芳蒙茸宴坐無餘物文茵即此中

果菴

開花仍結實種樹功乃成退處茅菴內澹然無復營

槐井

山川雲不出時雨望中稀喜聽槐陰裏泉聲一道飛

藥欄

名花伍衆草衆草獨繁滋不有雕欄別終漸困今知

魚鏡

曲沼清泥注澄凝無急湍要知魚所樂只向鏡中觀

菊柴

陶令存籬菊曰余有菊柴若添詩酒興便好作同儕

清明後邀廣文諸公遊慈北谿時虛溪先生有作乃率爾率酬

春至變林色維暮益以滋丹雘耀陽崖翠結臨清池竹栢挺貞秀桃柳弄柔颺公鳥一何好嚶鳴群來嬉同聲悅相應妙機疇委之昔人觀所感長謠伐木詩肆予招我友銜觴不復疑芳菲葉昭曠暢敘閒且夷達儒秉鴻諒摘擗按新辭羅縷詎雕飾茂對神理熙雖非山陰禊列賢俱在斯方知詠歸趣情景無外馳

贈仙臺相公春日郊行宴集一首

案帷問俗萬花明露冕乘春宿雨晴鳥語樹

春曉林居呈九河

車

頭知讚頌雲飛谷口解逢迎不嫌野老稱觴獻真見天人捧日行過後定當留氣象高山增秀水增清

春曉林居呈九河

春曉憺林居暄研露可憇惠風沉晏溫和澤滋蕙蔭深綠寫杯中亂紅鋪水面門無車馬過門柳紛如綠

謝裕菴宗相小田茂才林中見訪

中散山林士仲容雲漢倚春來偕問卻花裏一淹畱香草承衣帶和烟如酒醃誰言離索

父但與鹿群游

東莊宅夜宴觀舞四絕

蓮花旋出繡筵紅
鸚鵡杯前恍惚逢
香霧半消銀燭上
霓裳初度廣寒宮
遊龍夭矯帶浮雲
曳袖蜚纖眇不分
向夕更堪燈影亂
回風飄轉石榴裙
凌波微步襪生塵
緩舞婆娑健有神
最是纖腰橫意態
翠烟黃柳不勝春
霧縠纖羅光陸離
閑庭起舞宴關時
陽阿激楚無人會
除却行雲付與誰

觀繩戲一首

繩戲本山戎輕趨習此中
麗人期間巧芳月
競凌空繡柱栽香桂
雕梁架彩虹
攀登魚蹕浪奮迅
鳥開籠揚袂風逾送
垂臂霧轉濃
仙妃時彷彿
神女乍過逢
駐馬情無限
遊龍勢未窮
承迴花歷亂
籍圻草蒙茸
豈若羅敷輩
條桑自一叢

含育堂奉和裕菴

君愛吾廬好
林華氣淑清
停車向垂柳
把酒對班荆
背郭平開圃
依村卜結楹
嗒然成獨

往何意有同情

出園中書感二絕

宴坐終朝獨掩門
真成董子不窺園
梨花落盡無人報
應是陽春負酒尊
春盡郊園乍一臨
青蘋綠蕙滿庭陰
可憐芳草空畱盼
其奈佳人隔賞心

暮春與李逸人薛茂才行視田園望雨
時小雨適至戲爲五韻

學圃爲農力不任
祇憑好雨一犁深
菜花憔悴榆錢小
桃葉焦卷麥浪沉
到處土龍無義氣
場來石燕有靈心
浮雲霽濈雖微細
已許蒼生望作霖

春暮背郭園奉訓大宗尉西谷諸公携
酒見過

三月芳園爛熳春
綠楊如蓋草如茵
飲中仙侶無期會
花裏相逢意自親
銀鞍翠幃照芳園
近逐餘春倒酒尊
不分煙流楊柳亂
生憎雪散梨花繁

壽西谷賦席上玉簪花

剪壁裁桐出數枝
淨瓶香水秀巖巖
仙人獻

壽應須別不說千金倩紫危

閑齋即事呈九河裕菴

比來踈拙較還多花落春園更懶過書卷任
從風歷亂酒杯聊取日消磨耳邊啼鳥如仙
妓眼底浮雲似海波門巷寂寥誰問訊一簾
閑影下烟蘿

社會二首呈一川太守

今年社會勝常年神悅民歡太守賢壇樹拂
雲依舞節旗風招雨布桑田

吹笛打鼓送神迴割牲盈紫酒盈杯長年三

老壽

老誇間巷親宴仁明太守來

四月六日壽王相葛陂翁賦

羨君長年六十餘不肯作吏風塵驅師席雍
容談古書王門偃蹇拖長裾深知道存天壤
俱無用寵辱傷玄虛世上學仙多避世未明
大隱徒區區先生內腹外若臞綠鬢方瞳捷
走趨叢桂小山昔不殊紫芝四老今堪如梁
園帝子親賜酺五岳真人齊獻圖天氣朗清
花鳥媚花間醉臥錦氍毹

陽谿自江都考績過家北上賦贈

三年百里政俱成楚水燕山滿頌聲儒術
未資吏治道心端已協民情過門家慶椿萱
壽上計天瞻日月明聞說平津開閣待可能
起擢廣川生

理園廬作

近築小園成卜居聊經一畝足吾廬樹隨土
性時宜植花任天工自在舒引水灌畦機事
外杖藜看竹賞心餘終朝變理無他技却是
逃空守靜虛

小園集景一律與畫史郝近山

海曙稿

九

果園霞館事應殊上得生維好畫圖槐井西
邊丹洞合杏亭東畔藥欄紆清池玉鏡穿魚
符虛室瑤窓鎖竹梧簫草不離雙樹下流杯
還繞菊花隅

寄懷陳抑亭蜀相

汾陽去後繫民思西蜀方當藉保登陰德晉
錢存濟日神功漳寇勦平詩文翁舊館還吾
道杜子長橋更好詩為寄遙心明月裏夜來
應已到峨岷

五月一日清居落成用九河韻

榆邊棗下結廬成場園依然面小楹知止登
蝸容我住避喧野鶴向誰鳴物華且喜蒲葵
秀人境還饒水竹清合是老農消受得傍巖
時有白雲生

送九河遊弘農謁其先人舊治

愛汝方將共白雲那堪復此別清汾萬條堤
柳生離緒一片汀鷗起索群沙澗渡頭過鄴
客苑村祠裏拜嚴君弘農父老多憐舊雞黍
相邀到日瞻

贈郝畫史

漁姑稿

十

喜君千里扣巖扉與我空林意不違家是廣
文稱畫史身從東魯服儒衣園屏雪裏迴丹
壑團扇風中起翠微更作敬亭山水障清光
長擁謝元暉

馮少洲參知往過蒲坂寄詩見懷今始
奉和呈省中

文章清穆翳皇風誰不傾心企朗融今日西
人迎竹馬何如東土送飛鴻

一自山中索莫居世間真已隔吾廬非夢三
歲瑤華字何處青雲可報書

送趙孟敏由江都宰擢刑部主事

政成單父彈琴日官擢明光起草年道在何
慙孝廉試文雄不羨子虛傳曾聞竊柱輝三
署今見含香奉九天林有素交還憶否鴻飛
應遣白雲篇

連日不噉於口戲成短言

食麪如嚼木食米如嚼砂漸不喜肉味無乃
合餐霞

伏日林間二首

山中伏日晝偏長儘我閑眠枕簟涼蝴蝶數
飛飛不盡綠槐猶自閃殘陽

漁姑稿

十一

禿袖單衫好避裁白雲堆裏綠陰傍炎天亦
有清涼處只說名場是火場

謝西谷柳川小村見惠玉李

筠籠擎到露華香知是仙園摘曉光黃玉現
前勾百顆紫霞函內勝千觴方將淡泊驅心
熱恰得甘寒助膽涼堪笑野人惟種菊贈君
須待滿籬霜

合藥一首

清晨援古鏡歎息此衰頽靈草希三秀仙方

得小還服之明水下行以白雲間倘見玄功
著先應染髮斑

睡起即事一首

閉門聊永日睡起復餘閑花徑堆風瓣苔階
積雨斑斑綠消先老樹青抹乍晴山臨眺情何
極悠然杖策還

立秋日偶書一首

端居信多暇適與懶相宜禿髮梳全廢冥心
坐屢馳困眠忘化蝶餓飯足蒸藜不看梧桐
落秋來那得知

漁塘稿

十二

六月廿日壽靜川宗尉作

學得麻姑醞玉漿敬來蘭館注霞觴浣顏有
此長生藥延壽無他却老方雲鳥絲笈催既
醉冰涵爪李薦新涼八仙名飲今誰繼宗哲
多君似汝陽

苦熱行二首

赤縣准庖龍配丁祝融司鼎扇雷霆浮歎隱
溽熏冥冥詭人尚可鏹金骨酷烈如此誰能
寧

日光下地炎氛紅泥火燄炭山煮銅高臺無

處追涼風玉瓶絲縷挈在手汲取井華烟霧
中

送林先生典試浙江一首

學士稟靈崑玉姿揆天摘藻桂林枝青氎近
屬高山仰絳帳新將北斗移晉水白雲分棹
虞吳江華月到簾時待君收取名材獻更好
同升上赤墀

塞上曲二首

秋風蕭條起何事偏苦辛砧杵聞中婦弓刀
塞上人心悲懸漢月氣哽滅胡塵老將長爲

漁塘稿

十三

主輸他鴈作賓

金甌尚餘暑玉塞早已涼鳴馬俱北向驚鴻
獨南翔書搖青海月劍抹黑山霜要掃祆氛
淨終須戰一場

秋氣篇二首

清風戒將旦爽氣明西山珍木及瑤草改綠
成蒼頰白雲起芝蓋蔭景到林間短葛生新
涼繁暑忽已刪即是便隱逸蕭條安且閒獨
驚玉衡駛遷化不可攀賴有梅中翠臨水漱
潺湲喧濁蕩如洗落霞相與還

秋露瀉香蘭翠羽雜明珠芳菊捧朝霞金玉
間珊瑚幽幽深谷裏詎減隨侯都冉冉東籬
下何慙和氏帑不堪爲君贈歲晏增踟躕

蓬蒿園即事二首

門掩蕭條仲蔚居伊人真已學玄虛雨深蒿
草生無數遽却堦前也不除
莫把蓬蒿當是蒿秋來顛倒比人高
雨都經過看何曾損一毫

乾石弟寄詩見壽漫此寄答

青鏡摩娑柰老何白頭荏苒六旬多
聲聞那

漁塘稿

十四

有先師順遺佚聊同下惠和爲壽一杯邀月
樹連枝千里隔烟蘿瑤華寄我生顏笑珍重
南山醉裏歌

七夕詞四首

烏鵲無聲河漢清玉光隱隱射樓明誰家花
果香燈上幾處蛛絲結網成
人間伎倆似波瀾日日風生沸急湍我看星
河寂無事不知何巧降靈壇
願祈天巧濟群蒙百伎千能轉六通只恐幻
筆彌世界更無人肯作愚公

臘已庭書送夕暉銀河珠斗夜霏微自知拙
命如椎鉞不望天孫惠巧機

七月十四爲柳川誕日十九爲小村誕
日詩焉共壽

清秋玉立見仙姿不逐西風蒲柳衰欲比大
椿叅八桂慣收靈草茹三芝華筵玳瑁開朝
宴綠酒瓊蘇漾夕池共羨岳生雙國秀爲歌
申甫賀昌期

送友人入試

綠槐秋早布新黃丹桂天空流好香勸駕登

漁塘稿

十五

先時已際揮戈戰勝日須長可知陽子收神
駿定見隋侯保夜光萬卷經書千首賦誰人
不羨錦心藏

奉辭諸公舉酒見壽二首

先師耳順日大聖心通年發憤當無已爲歡
獨未然困蒙人已老陶寫事應偏方惡隨秋
草何堪樽酒前
白雲在我上碧樹在我傍彷彿成變化或散
或萎黃人無仙聖略疇復永真長斷斤酒與
肉保此桑榆光

秋意二首呈南公

紛紛碧樹雨中黃
頻覺西風似水涼
坐對高僧憐歲暮
心知一段好秋光

雨後白雲和露清
落將黃葉與階平
方知老樹得清淨
不惹狂風亂作聲

和小村下莊寺道覽見寄一首

人已紛紛較短長
何如靜裏覓空王
卷阿古寺鐘鳴遠
曲突荒厨飯煮香
雲氣忽成山背紫
霜威全作樹頭黃
寄言火宅愁煩者
棲息應尋此地涼

源婦稿

壬

東籬行

吾廬東畔結東籬
挿竹編荆聊爾爲
內控外開清且夷
有如列柵嚴疆陲
未能羽衛芙蓉池
那可勾欄芍藥陂
谷裏幽蘭人不知
宅邊冷菊應易欺
特然保此傲霜枝
不許中傷凝露姿
白朶相陪白髮宜
黃蕤好補黃金虧
衆芳蕭條百草衰
獨與天地畱洪私
神鬼猶當點護持
矧吾三復樊園詩
憶昔拾掇狂走馳
失路折腰鄉里兒
詰屈羊腸愁絕此
危隄馬足精魂疲
西風始高鴈尚之
潦水初盡鴈

野曠國遙行者誰
山空木脫歸來遲
隔籬大呌鷄亦隨
鄰曲省存僮稚嬉
掇英酌醴襟顏披
醉後放歌漁父詞
籬下婆娑心自嗤
榆真已憐譽斯人
生安身立命竟有
期詎戒陶令田園
時

送西瀛丈分巡海道

一官坎壈向明時
忠信惟吾可仗之
龍劍自含星斗氣
豸冠還瑩雪霜姿
天涯絕險王尊過
世路多岐楊子悲
今日看君表東海
河南已起去思碑

源婦稿

壬

歲暮憶柳川丈山居二首

風獵獵兮號木霜
皚皚兮塗屋冰
斷道兮絕蹤
依苦寒兮夜哭
農人役休旋邑
居寒潭無情漁網
束獸炭噴紅羔
酒綠雕軒綺帳
相徵逐夫君獨何
兮在空谷望美兮
空谷逍遙兮無欲
躬耕兮隴上力食
弓自足竹林兮果
園千頭兮萬竿芙
蓉池兮蔭嘉樹復
九畹兮崇芳蘭好
奇服兮製紉光相
麗兮鵲冠牛羊歸
兮日夕鷄犬戲兮
雲端狗身世兮野
務樂天子兮林樾

壽王北野隱君

聖代何曾闕隱淪野翁真已得閑身
囊中有酒心常醒囊裏無錢道不貧
見訪每於風雪夜相携多在水雲春
壽君一點殷勤意且保清平過百年

葛陂靜川石村見過文苑清居對雪

清居何事更添清一夜寥空慘瑞英
皓采恍從虛牖得靈華紛著冷枝生
蘭舟笑刻迴梳去免苑誇梁撰賦成
不似素心能賞會接籬顛倒玉壺傾

寄題柳川翁慕草山房用原韻

望美雲峰處其高不可攀
巢松青拂漢幕草碧連山日月沉
窓外烟霞擁戶間惟應同道者識得隱君賢

贈廉憲仙臺公之蜀

滿川汾水接天清一道行山與地平
途盡能歸鎮靜間闕誰不仰廉明
郵移錦里瞻星使鏡轉峨嵋見月卿
化蜀文翁今再得詞臣應起頌賢聲

送林虛溪學正會試

春早送鴻飛直上天門
觀紫微雲裏王文五色日邊金榜姓重輝
名儒射策昌期遇弟子橫經始願違
若問去思何處繁鳳城楊柳共依依

東坡志林

不

元日試筆

愚公六十一年初晨起焚香謝太虛拙劣遠
慙偃僕丈廢弛大類支離疏又經陽氣浮天
琯送符春風到草廬老景婆娑竟何事看雲
隱馬辛生餘

寒食喜謝四溟至率爾賦呈

上黨隔年期西河今日果欣忘屣倒迎幸顧
席虛左春岸柳和煙山城厨禁火歡顏浮醕
醅喜氣明花朵大雅久糠粃多君獨揚簸精

七

上

一

華遂見收本實未曾墮擊玉寫冲融垂珥秀
婀娜清言神理熙高步塵物瑣逸矣爾超群
嗒然吾喪我朱軒安足榮素位無不可即事
且淹畱娛心方帖妥

清明日西園同賦

寂寂山城當禁煙陰陰雲鎖杏花天斜陽郭
外逢嘉客獨樹村邊橫古阡冷節已過春尚
欠寒風不斷地真偏與君沾酒消愁思莫歎
故鄉生可憐

清明後一日園亭雨集呈四溟得令韻

文字二首

望美挹清芬真成見所聞佳辰酬邂逅淑景
化氤氲興劇催花雨情繁觸石雲無爲淹逸
駕蓄意良已勤

中林畱上客輕雨度閒雲氣入蘭襟爽香沾
蕙帶薰餘寒風色變薄晚雪花紛宴坐饒清
興停觴復討文

奉和四溟園亭對雪一首

山齊看雨俄成雪可是東皇播惠威不怕春
陰多黯慘只愁時景缺芳菲世間冷暖誠難

東

上

二

料雪裏招尋幸不違酌醴焚枯無限意呼僮
且典鵝鵲衣

奉和四溟暮春北園六韻

一柱丘園酌言銷客路塵紅嫣花雨潤青路
草煙新北海慙非類東山允若人高文合風
雅冲度滿天真加飯隨寒節縫衣換暮春無
將光景易不向此中頻

暮春北園宴坐用靜川韻

何處消春緒城隅曲沼濱鳥聲猶帶蒔花葉
競舍新藻思雲林客萍蹤江海人天清意俱

暢空水縱游鱗

三月三日邀四溟徵君宴背郭園賦

昔人脩禊事引水邇華觴地以群賢勝時因
上已良江山寓陳迹金石表遺章是虞草堪
藉何年蘭不芳清塵竟誰嗣孤景莫能償有
吳中林彥陶嘉干木鄉依然惠風暢貌彼白
雲翔羽泛雙渠裏襟披五柳傍春疑越分布
詩比晉裁將蕩濁隨朝霽舍和到夕陽天機
吾尚淺神理子偏強齊契今猶古玄同隱亦
光興言遂成賦感慨焉可忘

陳壽

又

三

家有老驥伏櫪蒙諸公詠歎和此一篇

奉答

鹽車時自頓金馬信空傳霜雪摧毛縮泥沙
損足圓悲鳴猶代北疲老向誰先識道其如
遠黃臺落日邊

三月初九日壽四溟賦

碧桃黃柳翠霞危旅館春深獻壽爲詩似少
陵天寶日人如康樂敬亭時煙沅鳥語諧歌
詠雲寫山光媚羽儀瑤草拾將難致贈君家
玄圃正葳蕤

三月十有一日園植始芳適在四溟諸
公小集分韻得陽字

春寒三月園始芳春酒正熟君當嘗五岳行
遊片雲度百年寄寓高鳥翔陰晴蕩日嵐移
彩紅翠襲人衣滿香坐對幽蘭自成調不能
冶容矜艷陽

三月辛酉夜大風有感同四溟老賦

曾聞吹萬群方悅忽聽顛颺魂屢驚萬壑疑
奔洪水沸九天如掣海雷轟豈容少女傳花
信儘與於菟嘯谷聲秀木芳蘭無恙否微宵

陳壽

又

四

徒倚不勝情

同四溟弔望郭有道墓

公舊宅在郡今爲天寧寺而墓在介山

舊宅化空林高墳存大邑洪中水折旋綿上
山環立樵牧姓名知莓苔碑板濕自非聖人
徒明保誰能及

贈健菴使君參藩兩浙同四溟賦

山頭高館結旌行江上通津畫舫迎蕙轉光
風吹草偃雲隨甘雨潤花明文章軒冕歸雄
鎮煙景樓臺擁屬城麗地更逢康濟日當知

瀕海頌廉平

庭樹有花與四溟對酌同賦分得來林

二韻

嘉樹春深花正開喜逢文侶拂衣來相逢恨不早傾蓋須對芳菲數舉杯

杳翠霏紅春色深都來城角小園林高人過此非因竹多是同聲黃鳥音

同四溟對梨花桃花有感各一首

煙消露淨看梨花萬玉枝頭絕點瑕更待月明溪上看清光別是野人家

漁書

王

王

春著桃花紅可憐正嬌千朵綠樽前東風驚作尋常妬搖蕩亦如楊柳煙

和四溟原倡二首

莫道春來風日遲且拋樽酒易佳期開芳最是梨花後香雪未飄能幾枝

駘蕩韶光望眼迷桃林紅泛竹林西此中欲繫春長住却惱花間百舌啼

寄曹紀山中丞

不見中丞今七年知從瀕海亦歸田寄聲賴有南飛鴈還到荆門鄂樹邊

贈薛生

薛生河東人自荆門梓紀山書來

舊鄉春草綠菲菲贏得王孫萬里歸久處荆門富沙市多游湘浦貴荷衣岳圖畫出看皆美郢曲傳來和總稀恰爲幽人破孤悶一樽款語共斜暉

三月十九日壽西谷

聖朝宗衮紹文謨鶴髮雍容似老儒宇泰日閑詩思好天空時養谷神娛壽筵香雨桃花送春酒寒霞竹葉敷欲進一籌投海屋知君名已勒真圖

漁書

王

王

寄懷慶雲上人

上人初紆中散珮一旦投簪學身退髮落金刀煩惱除手提錫杖虛空碎踏窮滄海復還山巖曲結茅三五間挑水每收澗唇涸種田多斫石頭頽一龕古佛焚燈語大藏座言皆故楮頂上千峰要見君水雲深處須逢汝

春日郊行觀社呈四溟二首

打鼓吹笙看社迴雨餘光景畫園開雲峯百疊黛妝染水樹千重綠剪裁

社雨初晴飛絮繁送神歌管雜風喧少年爭

以青絲騎笑入花邊楊柳村

奉和四溟雨中送客

昨日看花歸今朝花亂飛此中春欲去何以
慰歡教紛紛花瓣舞為數邀客高樓誰是主
悵望綠陰紅盡銷無端一夜枝頭雨

奉和四溟雨夜感懷次日立夏

暝色生庭樹空齋一愴神連天不斷雨徹夜
未眠人雲亂已迎夏花殘寧復春若非詩酒
意那可度閒身

四月一日同四溟對薔薇作

海陽稿

五

七

氣候變清和轉來嘉樹多薔薇一何麗使我

心婆娑

當庭秀一叢露濕曉香濃並蒂復連刺防人

摘滿籠

看瓶中牡丹同賦

唐人以牡丹為木芍藥

遠欄看木藥復向寶瓶中却訝春王侈偏教
化母工風條多委翠霞朵獨堆紅香草雖堪
佩騷人怨未窮

和四溟觀種菊一首

種菊方乘夏開花要互秋芬榮久已謝衰晚

何遊碧葉看林盡金英採徑稠
酒應向此中求

初夏園集分得郊明二韻

綠樹滿煙郊將令炎景散殘花鋪水面嬌鳥
撲林梢賞酒邀山客烹葵薦野庖選樓如有
意來共此編茅

幾許百花明俄看綠林平水沅春雨歇山閣
夏雲輕彩翠通斜照清和澹遠晴晤言無俗
韻良已謝塵纓

首夏七日與四溟遊覽岵中譙於柳川

海陽稿

五

八

池亭用小村韻

勝地招遊喜乍晴隔林花鳥亦相迎衣沾翠
靄嵐光濕面灑紅霏夏氣清池上欲將蓮結
社沙邊已與鷺為盟掛冠自謂身無累今日
閒身更覺輕

四月七日贈王相寫陂翁

瘦骨峻嶒似鶴形巍冠歲葉焚王庭朴忠自
歎雲遮日淡泊誰憐浪打萍貧計淹留五
白高齋偃仰一甕青幾曾鐘鼎豪華歇事
清和醉綠醺

折園中牡丹送謝四溟

國色殿春芳天香流曉光韻宜仙翰灑用李翰林
清平標絕冶容妝拂檻嗟吾園分瓶贈客堂
調意
君家紅藥句應對此裁將

林亭同賦在柳川園

谷口晴光汎嘉樹沿源忽到樓閒處竹林前
館綠苔階蓮浦東溪白沙路路入山房花木
深泠泠碧磴瀉鳴琴荆扉時許松枝拂石徑
惟容鳥跡侵宗尉當朝貴金紫柰何喜作空
林士鶴情自在九臯中龍性由來大澤裏王

漁父

上

九

舍朱門畫不開翠虛笙鶴幾徘徊相知但謂
耽幽寂說是神仙那可猜

四月八日水竹園同賦

止溪風景好水竹此園林宿雨添新漲初晴
放密陰石邊幽草徑樹裏白雲岑相向遺塵
物淡然生遠心

四月十二日壽鴻臚李公

太平身世占來多八十餘年笑裏過記得玉
宸叅委珮說將金闕聽鳴珂兒孫戲綠心常
樂兄弟邀歡氣更和聞道遇仙傳秘訣至今

贊不贊

寄題陳梧岡侍郎紫薇園

海陵仙館托名園天府文昌奉至尊聖世由
來登築釣道心真已佐羲軒分庭八樹叅雲
直出圖三花麗日繁莫是功成休暇處綠書
早著丘中言

訓前二首

梧岡

早辭榮祿返丘園賢達高風世所尊薇省何
知飄赤綬蓬門應喜掛朱軒家從孔壁藏書
遠地似陶籬種菊繁常怪汾陰多紫氣聞君

漁父

上

十

日誦五千言

散髮行歌學灌園不知身是大夫尊遭時曾
獻明堂賦去國聊乘下澤軒世上風塵人事
改墟中花鳥客愁繁採蘭汾水遙相望何日
從君得晤言

四月廿四日集李氏園遇雨忽晴分韻

得青山

雷雨生陰壑村林晝冥冥須臾變晴旭添得
滿園青

田舍邀還去芳樽對雨閒夕陽如有意開出

以山

賞李氏白芍藥川韻

長安競青紫著眼故偏多
白芍栽江練朱欄
照雪羅飄香雲葉度送影月華過
好共人如玉春殘奈若何

折園中芍藥送四溟館

一室香堪共何偏芝與蘭
我分紅藥贈君向
寶瓶看逞豔霞初剪疑姿露
尚將意氣勝無作橙花殘

奉荅上黨大宗正雲峯達軒寄四溟兼

見懷之作

見懷之作

石徑紫園斜高雲帝子家
丹梯攀不到翠巔
望仍遠庭老棠梨樹堦空
為藥花此時同謝客惟有數天涯

贈平遙令張君權守肯嵐一首

朱絲之繩玉壺水劇縣分符衆
祈稱訟理欲欺民不忍政
平無擾賦偏登麓臺春
谷千巖秀嬰澗秋生萬壑澄
一望樓煩懷舊德可堪雲樹渺層層

四月晦日燕社中諸公作

滔滔孟夏落蕤賓
冉冉韶華劇轉輪
坐惜詎堪垂白老
行歌還共踏青人
杯傳紅袖榴花淺
鏤出冷淘槐葉新
殘照滿庭須盡醉
太平林壑好閒身

詠榴花分得秋字

槐陰方逐夏麥氣已迎秋
謾踏王孫草還看漢使榴
遲丹從渴鍊剪絳出纖柔
若可浣顏色誰能數白頭

五日邀諸公燕敘一首

御序屬端陽土風安可忘
蒲葵列紅翠鶯黍薦馨香
絲作延年縷符傳辟惡
方幽人翻勝事熱客幾相將

奉和四溟端陽懷古一首

開梅今日事沉湮昔人行
但保孤心退寧須衆口傾
江魚成一往菰米竟空情
何似逃名飲翻然解達生

夏日端居呈四溟四首

暑氣亦已煩如何畫景永
無人不苦炎獨習山中靜
石樹偃重陰巖雲蓋層嶺
車塵隔路衢清吹生涼景
濯髮西澗演瑩心寒泉井
回

思慮酸餘金鏤還能整

皎皎青雲姿誤落紅塵道當其弄熱時暴露
同野草焦卷鬚與鬚顏容悉枯槁摧頽弗盛
年一旦成醜老陶令去官遲平子歸田早赤
日謝炎氣清虛以為寶

蒼鷹化為鳩朱橘變為枳人生失意時翻覆
亦如此丹桂揮雲端幽蘭生谷裏托根高且
深氣雜何由滓首路落汙泥中道游清沚九
夏絕炎埃方見空林士

烏鳶愁欲墮炎天不肯飛驅車行薄薄鼎鼎
鴻鴻焉

觸炎威平生畏朝露揮汗沾我衣自無商丘
術火錦焉能希路逢漢陰老憬然抱甕歸拙
哉一愚叟言採北山薇

郊遊篇附溟老百花數

春草歇東郊晴峰鏡北谷垂巖無惡枝照水
有深綠好鳥識時光群飛擇雲木秀色滿煙
嵐沆音散絲竹山中人不開爭藝黍與菽陌
上亦何知競取舟行陸舉世覓丹丘終朝只
喧慶得借靜者遊新詩賦華廣仍作步虛聲
劉然林響肅汗漫非所期依稀到玉屋

潘國壽詩同謝山人賦

時謝山人獻頌余歲昔文敷亦附和此
篇又玄出老子玄之又玄象妙之門
聖皇冲漠上同天宗國時能體又玄廣座虛
涵脩竹裏高窓淨瑩白雲邊凝旒得一三才
正托乘仍多七子賢好向令辰占福德萬年
稱獻滿華筵

奉和德平王兼寄壽同謝山人賦

近得高人謝惠連逍遙池草適餘年長風吹
落郢中調明月思存鄴下賢緬想坐花臨王
樹何能嚼菓嗽珠泉殷勤共有無彊祝欲假

青鸞寄向前

題劉魯峰壽萱圖

萱草為圖瑞仙郎獻壽慈文兼萊采煥事比
朔桃奇南岳人何老北堂春自遲應同九華
殿婀娜萬年枝

喜承山公荻鎮十一韻同謝徵君賦

塞惟行楚甸改服康晉疆寧類河陽借名由
渤海揚兒童迎美稷人吏待甘棠開府山川
壯宣條日月光熊軒瞻貴立露冕見循良堵
野蒙諸俗疲黎荷省方地偏餘固陋聖遠益

微茫始是章逢侶思從文翰翔晴雲拂高閣
時雨散脩篁宴坐凝靜理端君擁清香還將
保釐意上以佐巖廊

奉詠永山館清宴用韻

高館入雲天端君望是仙延賢清暇日化俗
威明年文酒淹虛席薰琴韻古絃應知醉歸
虞神想尚泠然

伏日會四溟諸公作

端君換時節伏日早已臨詩社人偕至田家
酒共斟不嫌雲觸石生怕火沍金嘉樹應須

愁微風好夕陰

裁衣行戲作

廿年去作折腰官青袍前短後須寬十載歸
閒豎鐵脊前幅展長餘一尺山間林下好雍
容半似迂儒半老農社會家筵無外飾多穿
短褐少章縫有時接籬花下倒平鋪襜褕眠
芳草督郵到那不敢問白雲和月懷中抱近
得江南細葛黃相看絕勝紫羅裳命工裁成
水田樣要向東林披遠涼

冗中漫書呈四溟一首

形役相尋苦未閒誰言隱處得林間悲看朝
橙明初日羞對歸雲白滿山藥裹可回精力
花酒杯無補鬢毛斑須知大塊安吾老合理
茅齋去閉關

青樓曲二首

綠窓開看曉妝遲水冷銀瓶怪侍兒却是畫
眉人去後夜來花雨落胭脂
花撲簾櫳朝日暉美人猶自宿羅幃情知不
是陽臺伴却向誰家夢裏歸

宮詞二首

雲母窓前花陸離影娥池畔草參差更堪黃
鳥相催迫又是青春欲老時
長門秋鎖夜鐘聞不羨嫦娥住廣寒桂露湛
將珠箔冷月波澄得翠衾單

伏日登萬佛樓

四時冥火宅六月却憎炎風想凌霄御樓期
永日淹虹蜺樓畫棟牛斗宿雕檐下見西山
盡朝來爽氣添

避暑春谷菴輝上人便留宴坐

浮世炎埃裏應知內熱多步迴芳草徑言訪

白雲窩香品厨中飯清陰庭際柯微鐘坐銷
歌華月滿煙蘿

仙槐觀訪王全真道士

槍榆猶不至容與道林翔庭儼更生樹人脩
不死方詩歎逢隱逸茗碗酌清香無限青霞
意偏令此地長

遊手春觀登鶴鳴古洞聽鶴

仙人騎鶴去洞口白雲封何事遺清吟猶聞
在古松山藏燒藥竈門掩上堂鐘羽化嗟如
此空林一駐筇

壽靜川宗尉十韻

世祿承家遠天資積學深綜文成藝圃灑翰
作詞林客至仙基著朋來聖酒斟逍遙遊舜
日淡簡契克心王府藏名器金門謝陸沉貴
將無位視壽以大年任祥旦貞中伏華堂滿
盞簪挹清琪樹影散暑白雲陰三比封人祝
千稱囿令金思移楚南樹植子澗西岑

五月廿六日壽汾村宗正

清如皎潔銀河水秀即蓬萊玉樹枝禁闥不
教勞使從明時應負展論思靜調元氣臨丹

鼎泊守玄文傍墨池却喜令辰多富盛黃金
稱壽萬年期

六月廿三日雨電作同四溟

忽訝雨成電方知陰脅陽墮堦驚玉碎擊羽
畏弓傷圓作整鹽甕田爲土石塲所嗟平歲
世氛侵亦災祥

四溟以詩嘲不送酒漫答解之

一瓶將去一瓶迴知是仙翁索酒來兩日空
瓶缺音耗只言花底尚餘柯

送酒篇答客居也

山人嗜酒無酒量祇緣好客山中釀依稀玉
友與蘭生白墮翠濤芬鬱咤小賢收取貯瓶
罌大聖珍藏盈甕盎霜雪澄清湛月波東風
泛溢翻桃浪步兵厨裏不勝春北海能淹座
上人自笑鄙生千載後追攀聊可躡奔塵四
時光景值嘉日四海兄弟來嘉賓上堂敘禮
啜茶畢列筵整饌一杯陳命此非關達生事
解道寓形須適意入脣先好潤枯乾注腑還
當滌貪枝曾得餐霞却老方滄乎猶使朱顏
頽奚似酣歌百不憂泰和真宰傳靈秘古來

豪士卑變行變格往往醉鄉醉鄉日月何
如者抹檝古今成混茫富貴功名等飛鳥死
生得喪如七羊伯倫荷斜已齊物元亮棄官
幾葆光鄴下謝公詩酒容杖藜肯訪茅齋僻
羽翰翩翩陸地仙才章炳炳詞林伯長浮渤
澥略扶桑高跨瑯琊凌楚澤酒渴思吞朝夕
池詩狂欲掃之采石此時裝載滿鷗夷絳繹
與君觴巨卮君但豪飲賦新詩白衣不讓酒
家姬

和答趙陽谿比部自京邸見壽

漁母稿

二

五

得向高林度小年真成倦鳥克飛還卜居人
遠三閭後背郭堂依五柳邊安土到來無擇
地浮雲消盡獨觀天仙即尚復憐遺佚又枉
瑤華照壽筵

題友人書畫冊

飲水還內熱永日心不怡耳目斲消遣圖書
聊拂披丹青開地軸文翰灑天池掩卷寂無
事涼氛生座陲

贈西齋養疾西寺平安廼府

移疾蕭齋就白雲日依雙樹滿清芬尋方欬

廣仙人術擇藥應窮本草文室裏匡牀渾是
幻門前問客若為群喜今脫灑迴王舍仍把
名香坐靜焚匡牀問疾出

奉和承山相公枉駕王龍岡西園即景
論心之作

昔老亭汾處仍開背郭園朝來山氣爽雨後
木陰繁上客傾華蓋幽人共綠樽干旄寂已
久今見古風存昔王文中自泰歸晉宅居汾陽有汾上亭

題鎮康王白鹿圖

問道列仙倚長膝白鹿遊和聲徹玄圃素質

漁母稿

三

四

凌丹丘芝草頻銜得蟠桃幾見偷王將畜靈
囿宜準畫圖收

三喜篇

三喜者司徒大夫魯孝劉公進
階受封生子一時而三事可喜

上天垂慶篤仁賢親顯名揚似續連三事悅
心誰總致百生遭世幾兼全使君銜命司中
鉤策府徵能第上遷章綬共看朝服重簡書
仍為朔方延惠如蘭谷春風轉清似冰壺皎
月懸起草筆端吟鴈塞鳴珂馬首躍龍淵飲
河日飽千軍腹增竈時騰萬旅煙老將用師
文德濟大農經國武功宣安邊節苦風霜勵

報主心誠霄漢懸譽在紫宸應者注貺施元
吉好周旋貽封孟母當眉壽錫類隨珠映掌
圓瑞氣遙通東峙岳恩輝下照北流川高衙
合沓蹄輪擁華署鏗鞀金鼓駢介胄爭持寶
刀賀縉紳競獻南山篇管涔隱者復奚贈豈
少束帛與弓旂

懷山中一首

欲把山杯就白雲不勝烟道鎖氤氲樓臺乍
似中林見雞犬翻疑隔嶺聞棠蔈芙蓉拋錦
組食甘沈澹棄羶薰上皇身世儵然別短羽

何綠更索群

贈別虛溪先生之任懷遠二首

方來正師席復去宰王畿軒蓋分秋色河梁
悵夕暉道高猶倖下祿仕與心違塗嶺參金
烏荆巖駐翠微彈琴適多暇馴雉喜群飛淮
浦焉能滯承明遽見歸

杏壇千載絕微言芸閣三年綴道論弟子受
經多入室先生發憤幾窺囿久期東觀行當
至試宰中都兆已存離思鬱陶那可見白雲
秋水接天繁

東王令旦七十祝辭

八世桐珪到嗣王千秋金鏡藹重光庭儀鳳
舞南山曲宮宴霞飛西海觴翊亮帝圖承耆
佑保明邦典奉靈長現逢

聖主隆天壽定是心傳不老方

奉和承山翁秋堂夜雨暢然有作之章

并序

時雨載零有秋呈瑞我翁和德之感惕然興
詠書史可記猶有取於山人夜雨之吟何其
興之遠也輒附和一章比之投礫然酬言之

義聊復爾耳

王

廿二

上公威惠格重玄甘雨蘇民總霽然猷猷欲
將呈合穎桔槔何許汲飛泉清歸薇省觀書
夜綠滿棠陰問俗年餘潤猶能邀翰墨蘭章
分灑到林邊

乙丑七月二日立秋在林間作

衰翁畏及秋偏速火星流炎物皆將老何情
獨不愁梧飄風葉駛蟬鳴枝稠坐見林疎
索青山笑白頭

和四溟七夕感懷三首

庭空月澹風冷然悵望星期橫遠天暫諸奈
何憑鵲度長遠依舊使人憐青絲籠絡終年
繫翠錦機梭盡日懸却是自謀猶太拙乞靈
翻更滿樓前

向夕猶稀鳥雀音澹然獨坐閒此心應知乞
巧吾無分一任綺羅占繡針

長因離合損朱顏爭似無情任往還不信仙
媛缺神契含愁恨隔水雲間

積雨憶四溟太

雨深泥斷道室通嗟人遙獨坐擁蕭瑟誰來

漁陽

五

七

問寂寥歌聲子桑苦愁思景陽燒裏飯吾將

往聊充回也歌昔于桑子阻雨十日既寒茲

陽食之張景

七月十五日邀諸公北園雨中宴會得

園字

金行水雲盛蘭御風雨繁漸瀝響山閣蕭條

澄樹園暑隨流潦散涼逐前梧翻一室美清

景非君誰晤言是日爲中元之日道家作玄

楊炯有玉蘭金賦

七月十七日登龍岡龍洲西樓四溟首

倡秋字各得二首

宿雨初迴雲澹流儵然涼氣滿西樓登臨莫
惜壺觴盡翠嶺筆秋是勝游

雲白山青池上樓窓含奇樹樹含秋知君好
此凌空意不減王喬控鶴游好此凌空意本

秋風歌和四溟作

對秋風秋風感懷殊不同我愁霜葉增領上
君悲羸馬走西東人生少壯老當至不見來

往飛天鴻丈夫四海爭一席豈比捲地掀沙
蓬萊君詩入杜陵細美君才出陳思雄美君

漁陽

五

七

偃蹇行已意美君耿介超人叢北林春草見

臨况芳樹時憑白玉童妙句常如命鬼工笑

看唧唧草間蟲六虛周流迴無礙八極遠覽

方無窮晤言使我釋此懷北面頓忘爲老翁

願撫泠然發高嘯夕陽携手涼雲空

陰陽篇爲四溟作

有鳥哀鳴求匹儔謂途鴟鳥相唳決曾欲

使錦文碎顧影痛絕零山丘竊聞仁人肯弘

濟急難如此胡不周莫言羽蟲甚微渺靈性

可以媿姱脩雞鳴起居奉巾櫛小星當戶供

金綢額比女蘿附松栢枝枝葉葉終綢繆東
山逸老聽言訖心側手援遽見收貯之管城
踰金屋飲以學海過瓊流奚但爪嘴縮昏夜
遂令窈窕登河洲盟將老卅穴誓不吟白頭
感君陰陽厚報應非所謀黃雀銜環向君側
福壽圓轉應無休

和張鳴遠八月十七日再壽之作

瑤天飛下步虛詞碧落仙人見訪時爲取野
心清似水不嫌衰鬢白如絲風前玉樹連歌
扇月裏金波漾酒卮好景更逢花甲後歡顏

却老自應知

送張鳴遠見別還沁

殘年一別會無期今日重逢慰所思下榻敬
承千里駕開囊莊誦百篇詩天搖秋水浮杯
上樹引晴嵐到座陸更欲畱君卧霞閣待開
黃菊采東籬

奉訓承山相公題扁城下小園爲汾上

行窩養枉駕詠言

行窩題向白雲窩生不逢知奈老何身累一
官能解脫情塵小隱得消磨岳天麗藻回幽

勝特地良辰具美多時菊在籬聊可獻落英
還効楚人歌

奉壽宗川

天上玲瓏玉樹枝人間重九誕生時家傳世
胄神明遠國保儲君聖哲宜漢武紫萸初綴
實魏文黃菊已敷蕤他年競作求仙用今日
端爲獻壽持

憶昔行贈別四溟先生

憶昔未見君子時渺如天上攀瓊枝今日相
逢復相析相看終作長相思春草如茵當瑤

席紅藥滿欄熙岸憤把酒題詩思欲飛秋閣

羽翰汾水白雲遮去路太行黃葉灑征鞍世

間何事最爲樂獨有新知愈歌嘯世間何事

最堪悲獨有生離在路岐山中無所有贈君
池畔柳來歲輕絲流亂時可能其下一杯酒

奉和承山相公枉駕北園即事二律

傳呼使君至童稚競謹詳園幸金章貴門榮
翠憶遠開籬呈野菊汲澗煮山茶知爲幽人
款何曾厭阮家

白雲看不極秋水望無垠
澹默誰關意孤清
獨愴神聞車偏倒屣掃石亂揚巾
正有黃花醞應憐色味醇

九月十六日視穫西莊對菊小飲

桑葉辭枝露欲霜
山田登隴粟盈箱
謀生家食三時足
給餉邊需萬族強
雲度鴈行迴極浦
風吹蛩響入西堂
老農亦有功成樂
坐對黃花酌晚香

霜辰書感

白露秋將改青霜更若何
花疎悵園菊葉盡

東坡集

五

七

眇庭柯送目天鴻遠驚心塞馬多
計時當北

伐嚴凜助雕戈

和東臯邊報有感

城鴉啼落日邊馬送愁時不意重關險
仍令點虜窺總戎皆報主三捷竟稱誰
獨愧馮唐老空歌北伐詩

送霍思齋戶侍巡撫山東

正色當朝美畢公
東郊端付保釐中
司徒執法冠戎豸
督府行營賦畫熊
地出泰山符鎮靜
天輸滄海像涵融
共知德登三事勲業

應爲報主隆

奉贈姜對陽憲副

門巷蕭條落木深
幾逢車馬爲招尋
今來明月中林意
却是故人千里心
雞黍味單克列鼎
芟荷香冷對華簪
獨慙西上無堪贈
欲借白雲仙掌岑

奉和承山公中秋北溪之作

北山涵水竹略似朝川
莊不有立園貴誰憐
松桂香亭雲團紫蓋滿
月遡華觴獨灑高天
興相看色正蒼

漁母稿

五

七

贈別程竺陽

金竺巖前舊結廬
伯英池畔好臨書
彎弓欲挂扶桑上
說劍思存莊叟餘
黃鳥春林欣晤語
白雲秋水悵離居
梁王賓客今零散
君去還應著子虛

乙丑長至之前夕同龍洲戶部及竺陽

諸君集小田新居夜深酒闌歌詠樂甚

因相與賦詩

小至歲將闌新居集舊歡
家敦奕世講人羨
肯堂觀延景華燈錯崇情
玉笋寬更聞古

調白雲滿林端

孟冬訪龍岡龍洲二翁便留賞雪即席賦呈

之子端憂日曰余一款罪孟冬寒寂歷初雪
晚霏微樽俎開瑤席宮墻即粉闌素心昭色
象清表見容輝嵩室思爲侍梁園賦已歸何
能玩書冊祇有對麻衣興接山陰棹文翁何
諸機生深忘慘栗飲滿破嚴威秉燭欣蘭繼
燃爐懼桂稀茶烟隨雅淡黑錦屬輕肥玉樹
方攀附迴車意頗違

送韓君

壽王北野

羨君平世一閑人住過青山七十春屋有數
間惟鑿石田無百畝足資身情耽阮籍共厨
醉意得王褒洞管新說道避喧吾獨信白雲
深谷滿天真

壽東谷一首

世緣多半冷如灰獨有交情澹不回雪夜尚
尋林叟去花辰還引社朋來酒因合道常斟
酌詩欲忘言廢剪裁喫緊爲君稱壽處南山
借倩白雲杯

送姪受業龍洲因宴集館下用西阜韻

推顏白首未逢時偃蹇山中世莫知久愧靈
魚埋舊卷惟耽綠蟻泛新巵王通曠古能談
道匡鼎當朝善說詩老計尚存兒子輩門墻
都違學趨隨

閉關一首

老去蹉跎百不宜冬來惟欲掩柴籬宵長剝
有安眠假晝短剛餘喫飯時怯冷炭爐渾是
伴扶衰藥果鎮相隨寥寥三徑空山裏除却
白雲知對誰

送韓君

寄荅東明弟

歲晏懷君正默然喜逢蒼首尺書傳跡言五
載關河別情遙一官萍梗偏陶令思離督郵
去王陽欲戒險途旋鶴鳴原上迢迢望鴻鴈
何時共渚田

壽東阜翁

宗風樂善類能教風德惟君衆所尊翰墨作
林岳實燦詩書爲同結華繁窓中白日羲皇
世郭外青山水竹村歲歲誕辰偏勝事奉觴
稱壽滿兒孫

壽永山相公二十韻

有美生人傑，惟良表代工。純資鍾禹會，明稟
毓周嵩。特達珪璋比，登庸瑚璉同。含香龍袞
近，視草鳳池通。省署推寅亮，藩垣借朗融。循
良綏渤海，文武憲天雄。鎮從五州日，脩宣三
后風。仁恩覃隱伏，義問徹愚蒙。閭井康和裏，
河山真麗中。酬言思欲竭，報德意奚窮。壽域
千年啓，祥辰此地逢。時欣祈歲盛，世喜得賢
隆。小雅期綿邈，南星現鬱葱。金章猶未艾，玉
貌已還童。栢葉斟寒翠，青陽迺曉紅。嘉平高

漁塘稿

五

三

歲暮一首

歲暮生惆悵，微生亦已然。不堪齒髮敝，那可
學神仙。結念屬老圃，種蔬春雨前。或持一杯
酒，酣枕白雲眠。有月相對飲，無時亦不憐。悠
悠隨化耳，何敢問青天。

乙丑稿終

文谷漁塘稿 丙寅

丙寅元夕燈宴呈座上諸公

今夕華燈錯，兼之火樹紅。文霞流月宇，香霧
結烟籠。簪盞盡欣同，照樽傾畏屢。空春來多樂
事，先起上元中。

丙寅春日

依然窮谷裏，又值太平春。月令欣貞孟，農祥
美建寅。厝無耆舊紀，世有遜棲人。獨嘆青陽
轉，逾增白髮新。

寄答張清源詩酒見寄

漁塘稿

四

十

平子能西望，題詩寄所思。殷勤別後意，鄭重
到來時。淡綠消冰片，新黃上柳枝。林塘不共
賞，春酒坐空持。

山居懷古

卜居無選勝，聊以托幽閑。地即林宗里，樓通
子夏山。田園從邵仲，書史尚楊班。古老雖離
逝，神情獨往還。

壽西野翁

吾師抱道樂青林，白首窮經住世深。俗裏幻
名飛不到，區中塵景斷難侵。暖烟芳草文苑

藉和氣朝霞壽酒斟看戲綠衣還勝事門墻
苑李欲成陰

奉贈穆少春大行過汾見訪

春城共迓皇華使天宇爭攀玉樹枝秀色照
人清馥郁光風偃草綠離披幽居過訪畱能
暫野館分携去欲遲知到帝鄉多勝事紫雲
青瑣拜恩時

二月廿二日北園和裕菴見題之作

芳月過逾半蕪園尚不知東皇寧故外北鄙
自堪遲杏遊榮先蒞楊慳槁後萸茂無十步

草誰定踏青期

寅

上

二月廿四日壽劉玉泉大尹

早同文會復同官歸老還將共歲寒晚節每
看庭際栢幽香常通室中蘭長年學士頭全
黑行地神仙面更丹好向佳辰醉春色翠紅
相媚滿林端

奉謝承山公春日惠宴

二月山城尚不春喜沾文酒見天真泰和聲
轉朱絃迭清淑先生玉燭頻杏蕊詎須墻外
早柳條儘緩陌頭新合知黃鳥潛幽谷鳴向

高筵自有因

寄壽謝四溟

南山篇有之樂只壽無期今我興斯詠非君
屬阿誰倚居谿子國高步惠連詩授簡參梁
宴觀書下董帷消搖鷗鷺渚笑傲鳳凰池東
德隣皆應敦仁福所綏長庚符令誕彩筆助
神思楊柳寮文席苑花送羽卮遙緘小雅意
一寄白雲陞

三月十一日宴北野山莊題于小洞

何處巖居好林邊小洞幽荆扉長晝開柳堰

海塘橋

寅

三

伴春游坐石依山足分溪到水頭飛紅寒食
盡積翠暖烟稠友意存黃鳥開心共白鷗浮
杯要淹客怕帶夕陽流

壽西谷大宗尉

張筵把酒笑春風多歷偏能識化工柳色抽
廻千古綠苑花開出萬年紅揚塵任自田爲
海聞道還當老復童箇裏真常淨是壽莫言
人境缺仙翁

寄東明弟見春日之懷

閑看棠棣滿庭華諸曉歸鴻集暖沙同氣遙

爲百里宰相思各繫一天涯荆樓日暮難孤
眺姜被春寒奈自嗟世路舊游多按劍不知
何處可移家

答陽谿見寄介山遊覽之作

一覽山中作知閑塵外蹤文茵藉芳草羽蓋
蔭長松浮世舟難繫空林杖可容自微仙客
到誰啓白雲封

贈陳瀛南侍御行部至汾

行來郡邑皆時雨到處山川總出雲攬轡信
然森法象宣條真已煥人文官迎繡身欣承

德將

東

四

德將凜花驄願樹勲堯舜故都風俗儉大觀

應表聖明君

喜陽谿見訪同二王丈作

巾車到愚谷喜鵲繞簷飛孰是見君子而不
欣所依憶日緬中里如隔山之巍暮雲屢銷
散春草徒芳菲茲言攜手好不謂會面稀清
和呈夏氣烟彩絢晴暉花香灑文翰鳥語戀
音微同懷儼雙駕一觴來共禪歡緒若河決
湍湧無停機方將久維繫極宴廢忘歸迴旋
在倏忽此意良已遠出谷恍相送悵然空翠

微

三月初五日壽王龍洲親家

曾說兼葭依玉樹更聞松柏俯絲蘿感君高
美誠如是顧我攀援柰若何北海頗饒文酒
興南山宜向壽筵歌譬諸好鳥懷春旭不覺
清音宛轉多

效胡青厓方外之作

一條竹杖挂青鞵不躡長安市上街栗里自
存松菊徑輞川誰看木蘭柴白雲脩嶺憑虛
眺黃鶴高樓帶醉排世味備嘗渾謝却旋收

沈瀝有餘齋

堂

年

題王龍岡喜生貴子圖

泰和吐祥天毓奇大海產珠山秀芝鳳凰將
雛龍導子閨門喜見麒麟兒麒麟本爲王者
瑞要將名世偶昌期英物自然聲氣好骨相
已表青雲姿青雲器業自昭代乃祖策勲開
國時至今列侯佩銀印帶礪河岳功永垂邇
來奕葉更全盛金昆玉友振鴻儀桂子香生
月中樹蘭芽美茁庭前枝家藏萬卷會應讀
簾有千金奚足爲葦蕢向階彌晦朔清和呈

景迂炎曦菖蒲挺節紅藥滋花下列遙湯餅
隨賀客駢闐車馬馳爭看慶霄五色增門楣

四月廿七日山泉宗尉邀賞西園紅藥
偶然二首

背郭芳園披翠微名花拂檻亂紅霏含章未
覺靈根異品藻方知艷質稀茉莉撲簾還撲
扇臙脂勻面復勻衣若教移植觀書地愛護
當施絳帳圍

西園風景又朱明身世何曾有定程老去水
流三峽駛賤來山比一毛輕花邊潦倒惟拚

德壽齋

寬

六

醉樹底婆婆未達生猶恐紅香易銷落夕陽
疎雨不勝情

庭許榴花盛開酌言玩之率爾成句

綠裁翡翠千枝出紅琢珊瑚萬朵開爲荷吳
天多雨露故教炎月滿庭臺桐花小扇爭妍
集茜草長裙負如迴却笑野夫還世態愛渠
能送紫霞杯

送楊古峯之任麟遊

大才從小邑幸非宰明時美錦勞先製青雲
數後期到岐看鳳樹榮隴見麟陂祥瑞今當

別仁賢作羽儀

奉和承山相公同文峰學憲宴集山亭
之韻二首

紫薇推亮采驄馬羨皇華命駕同看竹登蓮
共坐花郢歌卑下里魯俗賤東家今日重光
照雲窓滿碧紗

誰知霄漢侶亦愛野鷗盟高蓋凌空下雙鷗
入谷鳴行邊綠樹翳座裏白雲生已作仙遊
處茲山定得名

奉和承翁臨况小堂之韻

德壽齋

寬

七

一杯何事寄情深鼓舞南薰在竹林碧簟我
便迴夏氣朱絃人阜返虞音禽魚締聽皆懽
趣童冠衆水滿道心明日還陪郭西宴適來
嘉樂可重尋

贈李澗南斷事六十

束髮同門者今皆謝政歸問年週六甲養性
樞初衣日向歌筵永雲當舞席飛看君開壽
域添得好容輝

王龍岡生日席間賦

青歲鄉書薦紫宸賈生英俊更無倫蹉跎華

髮猶爲郡荏苒金章未在身天上九關疑夢
幻人間萬事等灰塵且將美酒醉嘉旦收得
壺中不老春

竹軒宗尉納雙寵用韻戲贈四首

金剪雙裁紫臂紗香車迎得兩名娃春風貯
向紅綃帳笑對苑花映臉霞

文彩鴛鴦刺合歡芙蓉錦帳繡團圓要令二
美知人意更薰薰籠滿辟蘭

臨池折得並頭花不說雙鴛戲暖沙似是東
風欲相媚送將春色與侯家

漁村稿

賣

八

楚館高唐夢寂寥漢宮金屋草蕭蕭誰家絲
管雙調弄除却周郎有二喬

寄柳川生日七月十四日

烟霞之癖何其深不肯間里相浮沉引水作
池清見底開山種竹綠成陰春風花鳥飛雙
去夜雨蛟龍坐獨吟舊客罷携爲壽酒知君
久矣斷招尋

贈小村宗尉華誕六句

憶昔先公傾蓋時與君苑李共春姿詩中意
氣雲天渺琴裏心聲山水知今日壽辰周甲

子百年祥旦有瓜期通家載酒殷勤祝欲學
清寧配兩儀

七月十五日夜望月

明月向中元清輝迤廣軒冰壺懸皎夜水鏡
失黃昏樹鵲依涼靜風蟬褪暑煩惟應砧杵
婦愁絕塞西垣

聽美人彈琵琶和小村

佳人捲羅袖爲我撥鴟絃幽怨花含霧離傷
澗吐泉疾徐簷馬上斷續塞鴻邊曲罷還畱
聽江州思宛然

漁村稿

賣

九

和小村山居南字韻

丘壑中分我在南君家北面好清潭烟消定
是荷衣冷日落應同漁父談陶令去官翻自
樂嵇生出仕不能堪浮名頓覺都參破只有
鷗夷意尚貪

送張玉岡節推之南陽

梓里郊遙悵別深蒹葭秋水不堪吟切雲飛
蓋河梁轉計日過車那館臨好使憲章貞似
玉遂令王度式如金武侯岡隴依然在忠益
須求千載心

林間宴坐五首

今日林中影他年陌上塵
柳悽搖落歎蓬轉
倦游身涉惹波侯怒登逢山鬼
嗔迷途猶未
遠回首見吾真

回首見吾真
纔然理靜因深居
綠水石茂苑
得松筠漸復琴書好
翻將魚鳥親役形猶爾
耳未到絕埃塵

未到絕埃塵
只應悲此身
虛華非我有
實相
可誰因踏破浮雲岫
掀翻苦海津
維摩無伎
倆宴坐第淹旬

寅

十

宴坐第淹旬
從他秋復春花開
紅處滿葉墜
冷邊頻問疾
猶凡想端憂
自本因寥寥空宇
內賸有一閑人

賸有一閑人
甘爲賤與貧
如椎還魯鈍
似梗
合飄淪
松桂成三友
烟蘿足四鄰
休將數離
索大塊本同春

慶成王誕日奉壽

華辰清曉拜宸居
遙望紅雲護紫虛
開國緒
長分土後承家光
遠祚茅初升
深漸熟金砂
鼎道杳恒參玉佩書
天酒酌花須累進
杯杯

期引萬年餘

秋晚園居酬郡守詣公見枉

老圃秋深漸復荒
郡公紆駕轉輝光
神熙鏡
寫寒潭碧吹爽
旗翻落木黃
殘菊帶籬還正
色濁醪浮甕有新香
高懷對此應饒笑
殊勝
邀樽栗里傍

晚秋宴第園中

君欣初服返柴門
我歎高秋入櫺園
碧樹階
前黃葉聚紫巖
窓裏白雲屯
耳傾蟬響成蛇
蛻目送鴻飛急
馬奔即物詎堪人
速老會須

寅

十一

開口菊花樽

喜徐君謝官王門漫贈口號

我愛浙泉子
辭却宰官榮
朱門不再踐
綠樹
有餘清未覩
先賢隱逸傳
解道無官一身輕
我愛浙泉子
飲酒有酒祿
醉卧草堂雲
無榮
亦無辱
早晚生男尚不遲
還當有子萬事足

和東臯題竹軒喪寵之作

蘭摧不可道
玉折豈堪聞
窈窕恩中絕
綢繆
夢裏分團悲
班扇月斷憶
焚臺雲恠底
瑤箏
咽新來鴈失群

壽周兌川上舍

仲秋水雲淨湛澹天宇清時哲美初度潛龍
兆元禎之義初九含光稟純粹變化韜至精
蚤觀辟雍禮再試京闈衡吾謀適不用羽翼
終當升自從家食來亮懷余所程和稀白雪
調室近紫蘭英爲壽一杯酒安能不滿傾南
山鬱佳氣碧樹藹新晴歡宴在茲會萬事良
已輕

病起四首

垂帷永日卧匡牀童子渾能檢藥方只道火

遺書

宣

主

雲猶帶熱不知園綠已蒼蒼

疾餘拄杖看浮雲說是蒼梧那得分總爲太
虛難住著隨風吹雨過清汾

嗒然一笑笑何如方技頻謀老病除別有無
生稱上藥神農本草不曾書

識取浮生大患因何慙一疾動經旬有誰還
是臺山客來訪林間宴坐人

謝陽谿見壽林間

道義情親自不同隔溪來壽白頭翁詎嫌疲
老成今日直敘交游到古風林鳥欣飛秋色

菓籬花欲吐笑顏中此時何用悲明鏡一酌
丹霞面已紅

寄題陽谿郭西草堂用韻

有美郭西隈吾廬向此開案書多古禮園植
每深培守道心無間思君腸幾迴惟應悅
毋花外板輿來

和趙陽谿樂壽園即事之作

荆扉無客見招尋一晤高賢喜不禁下榻幽
蘭當谷映開窓涼樹滿庭陰巢居自合人群
遠宴坐誰憐歲序深欲教緒風驚別鶴孤雲

遺書

宣

主

冉冉又空林

奉和承山相公中秋後四日雨中臨况

東谷樓宴之賦

踏閣攀援處隨車霈灑時歲華秋半好煙景
望中竒地足雙禾穗天低萬木枝宴言逢化
雨欣喜共農師

奉和承山相公宴集龍洲戶部西城別

館之賦

樂地豈遐藉幽園却背城池將心共湛蓋與
意俱傾霽色斜陽閃涼風高樹生幸陪清宴

末塵想介然輕

對北園芙蓉作

小園亦有秋江色
開出芙蓉滿樹花
葉葉翠綃澄皓露
枝枝香粉暈彤霞
耽奇欲製衣裳美
贈遠愁看道路賒
多少芳菲競春去
西風流落野人家

奉和承山相公九日登臨太虛勝覽樓

宴更移席禪堂悠然有作

古寺高甍披翠微
重陽開宴與心怡
召公分陝文軒蒞
漢使橫汾畫舫移
雨洗烟霄迎盛節

律書稿

賞

苗

節露催寒菊款佳期
河山望美凌晨得鐘磬
畱歡落晚宜戲馬臺荒名尚在
登龍人遠與非隨
年華奄冉誰能忽
世界清平此共知
哲匠賦成還倚檻
彩毫相對法輪熙

題高貞婦陳氏冊其弟爲刑部郎中

東方有賢淑少小稱未亡
內牽慈母思上以奉姑
嫜茹荼三十載掩鏡滅鉛粧
一心抱貞孝皎潔團冰霜
朔風起當晝白日含精光
孤鴻叫玄夜落木響空堂
是時悲且勵單情誰爲詳
昊天毓靈秀賦之綱與常
丈夫翻改五

奸諛代成行視此純白姿
豈不惡蒼黃衆草委秋色
幽蘭揚其香我貴在從一
栢舟胡威傷德立而不可
垂聲以無疆

答程竺陽暮秋詠懷

天涯長作客汾館莫論秋
報國心逾壯平戎志未酬
星霜朝鏡改風雨夜燈愁
到處皆吾土王孫好自畱

別駕南岡穀峯過訪對菊率爾詠酬

獨擁寒雲數歲華
蕭條誰念野人家
連鑣肯訪重陽後
倒屣還開一徑斜
庭草不堪承墜露

律書稿

賞

十五

露籬花猶可伴流霞
題興更復傳呼去
愁對空林只晚鴉

屋傍隙地作一小室名虛白齋

隙地餘方丈安居止一間
戶樞從不靈門設好長關
夜景虛生白朝光靜是閑
自慙非絕學投老解希顏

奉和承山相公安雷明府新第

雕符玉麟後畫棟彩虹連
上客紆文組高樓格繡筵
列陪慙郡彦傍祀羨神仙
東道應深沐嘉光詎偶然

秋懷詩二十首

吾觀萬物化榮瘁相轉折衆芳歇有時胡爲
怨鴟鴞鳴鳥久寂寥斯螽何肩肩白露本無
心一灑玄蟬咽林葉稍已疎靜聽得幽絕始
知大聖言真能息邪說

其二

夏氣爲鬱蒸群有得充盛密葉翳庭柯繁草
塞塔逕蟲禽亂其間晝夜不肯靜舉翼風逾
溫揮汗如雨送極宴在朱樓方爲永日競我
本姑射人冷淡風成性何以處心神寒泉聊

漁隱集

東

共

可登

其三

郭外二頃田城中五畝宅黍稷幸見登桑棗
已屢摘鷄鳴風雨朝犬吠牛羊夕井稅無後
輸家食有餘積山客訪柴荆村醪時正碧

其四

吾道本淳樸今古一眞常偽妄與斷滅多岐
故亡羊山木乃自冠石火難爲光玄珠獨何
隕宛在水中中央軒黃茅罔象須臾繫我裳終
日寓無始蚩蚩仰洪荒

其五

盈盈靚粧女皎月布令顏遠嫁長獨栖風霜
摧以殘不及桃李春好鳥鳴間關又不弄機
杼錦綺雙鴛鴦幽蘭棄空谷桂樹委寒山猶
蒙鄰女惡薄命良苦艱

其六

我觀功名士桓赫良可爲往往岳成日禍至
毀亦隨豈乏憂與讓雖信猶見疑唐虞殷周
間四哲古所推禹稷萬世賴夷齊百代師濟
物畏天命求仁保民彞

漁隱集

東

共

其七

遐想列國士亦有三代英子產與叔向孰愈
齊晏嬰文能表刑憲義以彊國積滔滔詐力
間明允兼篤誠生不逢揖讓奚不爲保衡仲
尼泣遺愛歎息有餘情

其八

孟軻既淪亡道喪復千載卓哉河汾公束髮
探滄海揚瀾既其源周孔未之改脩史名績
經敘說大中在開繼前文立言足模楷編
書尚體裁傳記皆可采雅志屬宣尼步趨惟

恐怠豈屑後世賢覆用爲罪悔

其九

蚤歲讀毛詩晚通六義旨心聲本自然宣叶
貴神理感物斯造端綠情遂綺靡延廟簡宗
工邦國掄小史哲匠與庸師命名良有以末
學昧衆同起予者誰子今古競雌黃上中紛
比擬功虧築室迂技窮畫虎耻自非天縱資
微言勿輕矢

其十

吾聞大仙者托迹金銀官彩雲開戶牖靈草

流傳舊

賞

六

結簾攏坐邀廣成子行引浮丘公溫泉淋雪
白寒火煉鉛紅處夏不炎燠居冬反和融冲
氣四澄澈湛然秋水同十洲蓮葉上三山鶴
羽中妙化誠巨測神理終當窮誓將凌倒景
一與斯人通

其十一

金氣化爲醴玉光凝爲露肅肅掃谿堂冷冷
湛庭樹天籟生此中雲山得韶濩神朗敵昏
冥慮澹啓超悟憶落塵網時清居隔烟霧自
出迷津來今夕游太素

其十二

涼露滌氛埃天高月波穆夜靜耿蘭膏青葵
在東屋心景共虛明蕭蕭對脩竹谷傳書有
聲情知是兒讀

其十三

列國禮英賢魏文實冠冕首師洙泗儒段生
從偃蹇田子亦矯抗君侯意逾腆章逢非技
擊氣驟自陵緬坐策藩國功明因軾閭關驕
吝破崇高謙恭得尊顯勅敵罷東圖弘聲亘
西衍方愧坎中蛙矜持一何淺

流傳舊

賞

七

其十四

弘景歌白雲淵明傳五柳寄意一何深遺安
在林藪余亦遂初衣築室托崇阜泉石乃臺
隍松蘿爲戶牖鳥獸非同群駭怖都無有昔
云草莽臣今作山林守

其十五

山居四時好秋序尤所欣平生耻喧濁而不
愛炎熏到來天宇淨青谿無垢氛陰庭兩碧
樹出嶺多白雲昭曠符遠心潔爽清見閑仙
居倘可接當共爾爲群

其十六

纂纂園內叢離離野間禾田家無遠略隨分
保巖阿歲華秋有實所得良已多老至不願
餘苟可棄顏酴夜來酒新熟取醉還復歌壹
意聊爾耳捨此將如何

其十七

儒生守章句信傳不信經執經猶外望况乃
隔嚴扃上古製文字一爲寫心靈默識神所
契盡性而踐形

其十八

少年有膽略遇事輒含弘竭來衰復甚處已
猶不勝語言覺無味面目慙可憎驚禽碩珮
宿駭獸思遠騰空谷白雲裏深秋葦層層

其十九

陶潛任天真不獨在飲酒薄宦竟遺榮歸田
惟五柳屢空常晏如縱化從白首知命故不
疑素履往無咎觀其飲酒詩頗亦盡幽自
昔原思亡此義日已否樂道安貧人疇能出
其右

其二十

歲暮懷百憂不悟老已至冉冉桑榆暉
濛汜次往化難可追來日知誰是有酒且一
懼勿復獨多意

喜東明弟還山詩十首

微官易得罪方信古人言肝膽知誰見平生
頗自敦萬物各有寄世事多飛譟解綬詎疵
賤所貴還丘樊

其二

咍客勿多歎歸心久已然因事遂云邁得果
丘中緣窮達自有分華纓非所懸但令存我
貴奚曰愚與賢

其三

迢迢五載別空此郊園靡春草秋更碧仰視
征鴻飛撫景心欲絕涕下不可揮今日破爲
笑觀子遂初衣

其四

天地有界畫畫出百官圖爾我在園外差得
爲野夫簞笠而簪冕失步邯鄲趨歸來復歸
來薄田口可餬

其五

芳草雖滯歸碧雲還果諾日暮見猶疑明燈
耿華錯顏頰稍已蒼心情固如昨何以寫深
懽蘭漿差可託

其六

綠綺裝君囊蒼龍繫君帶下以款心知上焉
除國害此意適無成去來何足嘒拂拭置牀
頭摩莎倚天外

其七

大塊載我形小大各有辨當其盡性時安知
鵬與鷃容與碧林園遨遊翠山澗即此是消

游集稿

賞

幸

搖自餘非所盼

其八

東鄰招我飲綺席置華館水陸羅珍羞歌舞
雜奇玩飛爵亂縱橫昏星映河漢僕夫前致
詞雖樂會當散

其九

西山多爽氣翠彩雜烟嵐流光冷虛牖落影
淨寒潭兄弟時既翕和樂誠且湛喧客但飲
酒勿復語誦誦

其十

庭樹幾閒落客久當自知今日稅歸駕寧復
悲別離在家貧亦好帝鄉不可期斯言爲我
設何憂復何疑

入冬多雨夜坐有作二首

涉冬猶積雨聞夜響空堦風急吹難斷雲深
黯莫排人愁薄寒中時礙小春諧總有盈樽
綠其如歲暮懷

衰翁無志意歲晏仍苦心朝雨觀猶細宵霖
聽轉深飄蕭碧樹靜寂塵紫苔沉却憶子與
友京歌十日陰

游集稿

賞

幸

雨雪數十月廿日作

五日曾無一日晴北風吹雪曉盈盈疎林曲
沼皆含凍小苑空齋太放清竈冷獨愁燃桂
盡褐寬猶恨著綿輕不知馳逐名場者內熱
還能此際生

冬夜吟

玄冥撫節行夜長不令早舒白日光蘭膏見
跋銅龍強麗譙鼓冷聲不揚岑岑寂寂擁匡
牀蕭蕭寥寥空草堂六夢影滅三彭亡耳目
黢黢心清涼恍疑身在無何鄉混沌不死仍

漢荒鷄鴉戢羽猿猱藏玉兔歛足烏罷翔復
有志士睎東方商歌一曲斷人腸我亦攬衣
起徬徨河宿爛爛殊未央

寄酬謝四溟暮秋見懷

憶昨春風杖屨過論文兼得醉顏配方將瑤
席清塵滿復遣鴻天別思多攀向桂枝偏潞
國斷看雲影隔漳河惟存袖裏三年字時對
孤樽宛轉歌

山窓夜雪

今夜月應遲踈檣朝皎潔如水復如烟冷光

漁塘稿

寅

吉

凝決決純白如粉塗向虛生不滅惚恍冰壺
懸依稀玉版列侵曉益分明真知是瑤雪

宴坐偶書

衰頹乘暮序道緊復嚴風昔願脩名立今知
妄想空老還青鏡裏悶撥綠杯中木葉飛寒
盡何慙禿髮翁

承山相公新作西北城樓召宴郡中文

士左史侃與焉因敬賦詩以紀其事

河山昔美封疆固樓雉今開壯鎮雄絕塞西
臨三戍靜神京北望五雲紫天邊樽俎延

高會郡裏衣冠荷上公文采軍容互輝映鏡
歌筵吹滿晴空

奉壽承山相公

嘉辰開府宴蓬瀛野老躋堂有頌聲申毓帝
靈著翰著畢敷文命保釐成擎春梅柳當軒
映獻歲雲霞滿席生須信物華隨道泰好調
元鼎格熙平

贈蔣雲龍大行奉使南陽經臨汾郡

自儼驂駟出帝畿經臨處處有榮輝皇華鳳
彩銜冊詔嘉客龍光映紫薇時其外舅承
爾開府在汾

漁塘稿

寅

壬子

賦向漢都平子再歌來郢曲和人稀玉堂青
瑣須鴻俊旋及煙花滿禁闈

和宗川立春後一日雪

東風律始調和澤上飄蕭奏節梅花合占年
柳絮饒摘辭梁苑夜發藻瀾陵朝爭及陽春
裏仍將白雪標

除夕一首

四序功成退三陽道轉新將迎交此夕否泰
迤茲辰盤裏椒花馥杯中栢葉醇白頭仍守
歲笑殺青春人

丙寅稿終

文谷漁塘稿

丁卯隆慶元年

鼎湖曲二首

鑄鼎騎龍賓萬靈白雲玄極杳冥冥誰知草
野傷心處亦似抱弓號紫庭
紫殿前頭對制臣太平流落有閑身可憐不
得隨龍馭空煉丹砂學隱淪

元會詞二首

中和建極三陽泰曆數承乾萬祀初九野光
華瞻日月八埏文軌奉車書

聰明聖武復神文大寶重華五色雲鳳紀早

漁塘稿

五

看隆道泰鴻威先表淨邊氛

壽乾石弟

斟取南山翠一杯青春家慶好顏開年過知
命揮纓冕道不逢時合草萊看破浮雲爲幻
相從將散木當非材林間淑景誰消得晴日
烟沙二鳥迴

送別駕王龍岡先生北上

陽春有清淑群品欣向榮子有經濟略行當
謁承明嚴車即長路文采彰華纓夾夾此邦
彥表表振賢聲久凝延閣望况值泰階平運

鴻我所佇奮翅起高征親友百壺錢酌言俱
遠情東風一何好吹子青雲程

奉和憲長靜泉翁寄懷十六韻

解薜登金日爲蒞倚玉年下移余補吏高步
子登仙選羽文鴛接鳴珂曉騎連宸居依
肅穆天語聽傳宣辭賦凌青漢衣冠帶紫
煙鵬溟圖九萬桃海度三千詎見紅塵侶空
持黃石編有腰唯曲折無路不屯蓮我貴人
猶賤時違道可捐自從初服遂常恐百邪奸
忽仰臺綱振新承憲使遷惠慈烏附栢嚴凜

漁塘稿

五

崔迴鶴郡邑因之理問閭疾者痊殷勤存故
舊溫敦向園田寒谷生融吹窮途起福綠陽
春竟難和搦管意茫然

移疾高齋作

移疾高齋獨掩扉不知春事已多遠煖烟融
綠朝陰暗芳樹燃紅夕雨稀止酒故虛池上
酌耽書聊復枕邊揮隔窓幽鳥語吾意軟語
空林話息機

寄壽河內謝竹亭上舍

無日不思清化里何時能訪竹亭君每逢嘉

客傳高詠更得華絨寄好文桃水羽觴春泛
灑石嵐烟樹曉氛氲須知野老遙爲壽一借
天壇萬古雲

和答趙陽谿登樓之作

羨子登樓作高懷何亮哉天游冥泰宇人境
謝春臺伏檻虛無合當窓紫翠來莫由伸短
羽一往共徘徊

和竺陽三月三日北園宴集之韻

茂苑流杯地芳辰曲水筵霏紅花若霧沓翠
草如煙澡雪非塵事香蘭有詠篇何慙晉中

漁翁稿

三

勝今亦滿群賢

中和堂宴壽

淑氣盈三月嘉辰占此時老人星獨現仁者
壽偏宜樹色分瑤席花香點玉卮仙家好風
景最是日舒遲

謝宗川積翠亭宴用承翁韻

春風滿嘉樹高宴及時開席展流黃簞亭虛
積翠臺河間勤漢道洛浦逸仙才野老還叨
醉休光被草萊

送池卿王龍洲先生服闋還京

讀禮三年易及期王程春草綠離離臨高目
喜飛鴻送望遠心遠立馬辭雲杳曙鐘趨

闕處日長華省到官時太平

天子登賢俊阿閣須君振羽儀

寄和陽谿坐桃花軒二首

花軒邈何許宛在郭門西潤雨桃初灼芳烟
草正齊浮雲一點過幽鳥數聲啼坐愛春
晚從他落日低

默坐閑軒裏應觀春靜深紫蘭猶蘊藻黃柳
未垂陰有美桃源意無窮避世心風花時變

漁翁稿

四

幻真想自彌襟

天宮寺作

聞道天宮好才因送客過雕甍籠石樹畫壁
幌烟蘿袍惹空香細厨分素味多車塵劃然
斷雲淡晚鐘和

春日行

莫惜樽前倒接籬莫慳花底笑蛾眉棠梨一
樹堆香雪便是青春欲老時

看榴花作

夏雲堆裏石榴叢綉采矜榮翠夾紅老眼不

堪如薄霧多情還似酒杯濃

喜雲上人見訪

深山怕見虎行蹤大澤龍蛇不可從卜築故
依垂郭柳端居惟對拂簷松尋思荷蓀能嘉
遜珍重樊遲學老農何事林僧解相訊披雲
時下紫園峯

與雲坡四首

策杖西來是淨因日中樹下少風塵吾廬別
館蓬蒿地肯息悠悠雲水身

一段家風寂不分何須傾蓋始逢君應知兩

漁翁

第

五

地經行處俱倚青山看白雲

山僧舊住文殊臺瘦骨怯寒仍下來一憇樹

園誰悟語碧空香影自徘徊

蒼蒼園樹夕陽邊坐到夜深心悄然欲問楞

嚴字中義月明如畫老僧眠

四月廿七日爲竺陽子壽

人生一歲一華辰四十九迴如轉輪君但飲

酒莫辭醉百年到頭能幾迴槐陰展綠鋪芳

席樞火驕紅當美人解道及時行樂耳誰識

天涯游子身

五月十有二日大叅承山宋公湖山劉

公憲副麓池郭公見賁背郭之園兼岳

題藻輒此奉酬

神仙來往五雲車背郭肯度幽人廬童子望
塵雙躍雀中厨醺酒一焚魚沆花香雨晴光
膩偃草清風鬱景除未道離群耽寂寞總欣
華袞照林虛

承山公枉駕丘園兼有詩見贈輒倚和

奉酬

比來佳事落城陰開府能憐隱者心曲沼芳

漁翁

第

六

花頻載酒小樓高樹數行吟迺虛那有朱戟

照投老惟應白髮侵欲和陽春謝知遇不堪

徒倚沒絃琴

積翠亭夏日宴集用承翁韻

夏氣蒸雲鬱不流槐陰垂綠廣堂幽筵開牖

有華林興入座渾無熱客愁蕉葉飄成五明

扇瑤華散出萬書樓丹霞夾月尤堪愛共待

還邀沁水頭

季夏園中晚眺二絕

朱殼花殘石竹稀水荇含穎菊苗肥物華已

自關秋事更復蟬聲滿夕輝

輕雷曳雨過林西一片斜陽壓柳低晴色轉
來深似黛滿園芳草碧萋萋

避暑園中趙陽谿適至便畱小酌二首
言避日中暑來乘早旦涼雲邊鋪枕簟樹表
挂木棠心以寒泉瑩神唯空谷將冥然見秋
意蟬響木蒼蒼

避暑有同心來乘嘉樹陰話言陳在昔疲老
歎如今賴與田廬接聊無世網侵日斜清吹
好盡此一壺斟

謝東臯惠李

谷中諸李玉爲珍分惠年年到野人本是高

情存故舊頓令渴吻得時新堆盤潤潔香沾
露沉水甘寒味絕塵不用學仙求服食由來
聖果即通神

齋居秋夕

蟬風扇金節荷露傾火旻暑較池亭淺涼驚

河漢新

庭枝稍已瘦月影怪來疎黃落年年盡寒雲
抱室虛

奉和承山公枉駕園中兼題藻見贈

林園地僻背城陰取寄聊將適遠心更得山
公頻載酒那能梁父獨行吟投閑自覺形骸
放破老寧知歲序侵此意不堪還奏拍石雲
蘿月與清琴

七月五日謝承山相公載酒丘園

秋氣漸流冉涼風生樹林蕭條新雨已寂歷
池亭陰淹旬倦炎鬱幽居苦沉沉茲晨始森
爽結念我所欽熊軒適來况鳳采儀華簪携
榼百芳暢挈壺行屢斟清言灑瓊蕙公度挹

謝東臯

奉

八

崇深魚樂依藻遊鳥呈悅木吟在物猶且咸
矧余空谷心歎惊非外飾真想自彌襟零露
泣叢薄歸雲冒層岑燕娛易終極振景復難
任

奉和承山相公園中見會之作

巖壑朝來氣爽然郊墟小苑入涼天相依形
影藜藿杖共棄身名卓早懸一仕仄期成代
序幾叨蘭醴列高筵廣平大雅兼弘濟醅酌
山公未足賢

送諸子入試

聖皇御極之元年文運乾坤一轉旋藝上省
關專典雅名登天府必才賢青雲觀馬平於
地丹桂擽人香滿筵此日奮揚誰不願要令
精采應奎躔

汾上贈銀卿郭良山先生

兩朝嘉際樂昌辰翰苑銀臺並寵珍觀請維
辭丹鳳闕聲華猶重紫薇臣名儒授講還洙
泗高第傳經滿緝紳歷覽西河定相笑碧潭
秋樹有垂綸

秋日登樓作

遺書稿

卷八

九

星火催成碧樹秋湛然清況滿西樓雲連野
水含窓盡露濕晴烟拂檻流眺遠頓令心目
曠憑虛無限海天遊因知弘景高樓處不學
班生老一丘

陶弘景隱居構二層樓已居最上一層
班彪云樓還於一丘天下不能易其樂

中元節作玉京山會

淵凝參四令汎濫觀九沅中元理玄醮厥旨
齊聖歆肆赦聆冊府在宥聞莊周明王務救
世所軫悉遐陬孰是委災厲而不興殷憂大
火迅西邁倏然開首秋冷氛變蕭索冥旒滯

幽因朽腹墮冰炭壞形淪馬牛重昏非朗炬
覆照竟奚求所以真道極意靈壇脩結攬
時物芳登揚萬寶休諸香百和暢雜花五彩
繆雲璈鏗綠簡霞帳擁丹丘心虔玉京奏神
肅清都遊大帝倘昭貺苦海一航浮何縛不
可解何網不可收生平重仁術萬戶非我侯
聊因蘭月寄豈曰黃冠謀

中秋行生日答陽谿

遺書稿

卷八

十

屈指六十三中秋回思往事良悠悠少年學
文守章句佔畢漫然窮魯鄒畫粥聊能飲朝
夕結衣不肯干王侯中歲登名猥隨牒關河
江海無奇烈四方鋤口異爲飽萬里傷心成
佩玦騷騷哀鳴九坂深鸞皇銀羽層霄絕中
秋好景悵如斯幾處陰晴使我悲照徹關山
嫌短夢驚飛鳥鵲阻安枝銷魂最是臨觴夜
歎老偏當皎鏡時歸來始見家山月補我清
光慰離闕載酒恒斟金永平裁詩每助瑤華
發水邊花底倍相親稚子老妻歡不歇人生
那有大椿年月裏金杯自可憐富貴崇高果
身外豪雄往往皆塵烟秦皇漢武怕朝露入

海乞仙如上天輸他住世隨緣者但得逍遙
即仙也

奉酬承山相公見壽之篇用韻

槐穗飄黃桂吐英夜闌樽酒對長庚月華可
柰圓仍缺露質那能老復丁南極授書垂王
佩小堂延景進瑤笙因風更欲祈仙訣九轉
何當學得成仙錄有金鑑玉佩之書

壽經衛石莊君

一官如水食無魚圖史蕭條俗計疎軍事數
聞資幕府軒光時喜照林間庭前桂樹開紅

連建福

外

土

際堦下蘭芽茁紫初家慶不妨千里外露華
仙掌獻晴虛

月夜聽琵琶行

白苧生涼丹桂華美人坐月彈琵琶纖羅皓
腕輕推却安絃撫節揮橫斜初疑瑤林夢水
雪少選玉壺敲列缺單于射鴈群馬騰公主
怨鶴層雲結的的歷歷珠璣盤唧唧啾啾人
倚欄宵杳青霄截鸞鶴低徊驚啄漁浦灣緊
緩卑高斷仍續幽咽出塞入塞曲絕漠窮秋
夢豈聞曲短更長決如燭

同趙陽谿題苑內蓮池

甃碧方投種開紅遂及時妙香池面水芳意
藕中絲

月夜坐樹下同陽谿作

月光沆樹上樹影落庭邊坐久虛華滅依然
一老禪

九日有懷

陶公樂天真自號無懷偶汎彼忘憂物憂於
爾何有四序本無偏偏爲愛重九寄言雖短
章深衷固難剖曰余當此時亦復不空酒漱

連建福

外

土

底鑒寒潭高天淨氛垢紅葉灑西風黃花照
虛牖摘露瀉朝霞含嚙適我口清靈俗不干
淡泊神所受爭如鵠與鳶啄豕羶吞腐朽

恭遇宗川儲君令旦賦賢善篇

古之賢王好善而忘勢後之驕主惟知富貴
而不知有德惠譬如良田無茂草高山無美
木空空一片土石無所濟德惠者云何仁義
禮樂而愷悌衆善之靈報百祥之信諦漢興
三十有二王獨有河間稱聖廟其餘習驕逞
傲背却丹書盟不肯河山同帶礪汾川帝子

希古王懋昭聖學弘且麗朝登秘閣窺典墳
夕啓縹囊綜詞藝尊賢每羨焚元醴敬士不
嫌魏侯簪忠厚拳拳曾訓遵肅雖勉勉文謨
廟

聖主崇儒重道時賢藩謹節承風際信然宗
祀有光輝允矣邦家得屏蔽元年重九慶華
辰盛日丹顏開朗霽雍容金鷄趨兩宮遙望
紫薇朝 玉帝仙桃特進大椿嘗珍羞首爲
慈萱製便應孝道通神明且喜歡榮洽常棣
廣博由來地德符謙恭自與天心契冲齡妙

鴻禧稿

東

主

善已如斯祿位名壽萬載注延寧有替

奉壽趙母太老夫人令旦

秩秩婦規開開母儀克孝克敬乃惠乃慈作
配大儒姑章以尊治內助外承乾體坤厥德
動天錫祚有延篤生才嗣齊聖廣淵伯也先
登熙功奏能江邑再試巖廊允升帝策爾庸
言勉其封位以子貴福由善重仲氏嬌脩仕
學孔優以善養志慈顏輯柔猗歟壽母其樂
謂謂逢吉而康受天之祐季秋之月蟾兔匪
闕白露呈霜黃花表節阿母誕祥儼進舉觴

有禮有樂有文有章家慶雍容雲歸鳥從孰
是不宣而遺管彤

雨中對菊作

中秋無月重陽雨嘉節林間沒景光露冷楚
蘭沉浚谷泥深印竹阻崇岡凌高已負當年
健守黑寧嗟此夜長未必天公渾忘却酒邊
畱與菊花黃

丁卯九月望日北虜寇汾凡八日始迴

感而賦之

生當明盛時老作山林叟自幸保餘齡晏然

鴻禧稿

東

主

終白首何知異患干狂胡入郊藪憑陵復度
劉見辱良可醜主將兵不援糧糒亦何有飽
滿去仍遲驕縱來還陡無地可安居誰能善
其後恨不叫天關申嚴四夷守

乾樓獻俘一律贈承山相公

始作雉樓憑鎮遠今爲虎帳坐臨戎運籌神
鬼森嚴裏渙號風雷指點中壁有獻俘知算
勝虜因清野怨迴空怪來督府援兵絕望見
胡塵已向東

虜寇殺掠焚燒之餘風雨大作走迴人

口仍多凍死及被官軍遮殺詎充首功
因成口號四首以代七哀時九月廿七
爲立冬之日

死者縱橫生怨哀疾風寒雨更相摧可憐鈴
柝孤城夜却恐仍吹胡騎來

殘喘顛連脫繫歸口無含糗體無衣天將殺

氣摧還盡劫數真成不可造

高衙大燾是何人擁衆遙遙避虜塵烽火在

汾軍去代詢津覓路與金銀

丁男被掠變存生皮帽皮衣護虜營間道得

歸仍是禍官軍遽取作功名

贈桃林逸史

關中信多士樗散亦奇才華岳供文筆瑤池

當酒杯雲橫山水障樹匝金銀臺甲第丹青

裏爭看玉軸開

齋中積雪

積雪門前三尺強來年豐稔現年荒饑清不

憤樵蘇窘糴貴生憎鳥雀忙吻迹此身惟白

屋迷途何地有康莊玉壺沽酒難尋問愁逐

朱絲縷縷長

北虜寇亂之後逢北野王公生日林山
畫史以公善簫爲贈圖余因題此二絕
綠壑野翁閑洞簫一聲和月響山椒世人不
解此中意只說吹笙王子喬

大羅光景絕塵烟吹斷碧蕭情杳然幾夜胡

笳亂汾曲想應聞不到青天

寄答徵君沈青門先生

與徵君別二十四年矣今年得此
此詩上九月寄音有千里見訪之意因賦

山川久隔休文信蘭芷長牽公子思多道夜

酣淮市酒何期秋枉濮陽詩儘遊天海舟難

繫若就姑汾步可移勿謂索居徒草木石雲

香雨秀華芝

與蜀之日者宋峨嵋

蜀嚴高謝已千春還有成都賣卜人新雨幾

逢嘉客過好星多爲達官陳皆知李廣無封

拜誰信宣尼作隱淪我命造成非世器清時

林野一遺民

寄贈祁侯岳省吾先生二首

祁侯大岳後鴻羽合天衢旁里沾河潤清暉

照海隅身畱報國劍人仰薦賢書聞道開東

閣琴堂尚自如

下位沉英俊因君歎此言
樞嘶千里驥池寓
九霄鯢諫草傳家乘陰符逢世屯
平胡今日事誰與斗天門

石畫史歌

石子背中富丘壑援翰寫我平霞閣
高閣分明入杳冥何由落紙爲丹青
餐霞老仙人不識何由徒倚青天側
澗花巖樹幾千春疊石近泉如有神
著色鋪形物各賦含情顯性成
天真山雪新晴纔一玩瑤光彩翠交零
亂帝

過橋稿

郭

主

竟黃屋此時輕弘景白雲何處斷俗工
往往畫蛾眉變亂醜好邀賂遺不見漢宮
窈窕流絕域至今青草榮傷悲羨子深心
托毫素貌得空林烟水姿空林無世態子
亦無所私貝葉書中亦評畫單道此心爲
畫師三山五岳真圖秘妙悟還當一掃之

鶴菴行題鄭子鶴菴圖也

帝家宗家紹桐封賓客梁園亦景從就裏曳
裾誰最盛姑蘇鄭子來雍容姑蘇舊苑臨官
閣太湖森森青天落鄭子愛學浮丘公拂雲

籠取松江鶴自從野服登王門文學朝朝事

討論心在白雲君不見朱冠不肯乘華軒退
息何所依結茅成隱僻上有懸蘿偃蓋之深
松下有瀉月橫琴之巨石等閑不敢對鶴發
長嘯只恐引起飛鳴破空碧世人知白不知
玄大隱小隱俱茫然賴得丹青爲爾傳江鄉
老手謝樗仙

閑言二首

墨池淺於學海石鼎勝似燒銀讓與伯英草
聖傳將元亮茶神

過橋稿

郭

太

渴吻能消五斗枯腸原沒一篇不知誰爲詩
聖自稱臣是酒仙

陰霾積四十日不解端君寡悵悵言獨酌

亂後人烟少庭無鳥雀喧一杯誰與晤愁對
雪花繁

秋卿趙陽谿先生服竟見過因贈言二

首

我絨歲暮心君子適來晤齒閣繞一開荆扉
誠又沍白雲客往爲華月照幽素別此夢前

期恐迷芳草路

太朴蘊天真高文炳德純狂瀾漲浮世砥柱
屹斯人服竟歸朝省車停訪隱淪歲寒聊可
贈瑤雪滿松筠

題調羹補袞圖奉壽仲川殿下

金鼎調元氣袞衣伸闕文得賢保靈祚奕世
垂清芬商家傳說周仲甫載在詩書今可親
黼黻皇猷代有人本朝不許到宗臣分茅食
邑豈不偉貴而無位高無民比聞
聖主闢賢路天上九關仍自錮文學維多玉

卷之九

九

七

牒流侍從誰展金門步有美王孫海岳之英
奇其才八斗似曹植其書五車如惠施誕日
御賓觴紫危願永磐石邦家基太羹不和知
者誰古錦無象窓前摘世間何物可比瓊林
玉樹姿蓬萊宮裏萬年枝

微郭弘農游仙七首

惕時艱虞思遠世蹤辭不逮古意頌
折衷

仙人調六氣變化爲六龍含精寂無間吐景
大英容駕言軒玄運藹藹祥雲從歟停不可

頓環轉何能終

澹然無嗜欲輕體遊太清周流徧六虛寂歷
過五城路逢赤松子携手若平生話言漢庭
叟握樞朝玉京道書言張子房爲天樞上相
仙家在廖廓宮館皆金銀昭朗失晝夜晏溫
無冬春澡身玄淵裏策步飛羽輪下視世滯
濁莽莽堆紅塵
挹澗嗽丹液掇華咀紫芝金沙和五內千歲
永不饑鴟鴞爲挾腐鼠頗頗嚇長離不見瑯玕
碧磊磊瑤崑涯長離鳳也

卷之九

九

七

被服文采裳環珮極清響裁剪五雲華貫穿
七星朗振袂凌紫霄纓霞赤城上衆仙美天
章人繡非所仰

萬靈明庭居亦有宦情事衆等尋常一肯
即顛墜太上容散仙不令行作吏白鶴盤彩
雲高謝迴谿翅

珥珥西南隅傾蓋逢盡簪義農淳以朴黃老
靜而深王母粲玉座姁娥揚妙音浮光蕩空
盡漠然冥此心

素乾石第一首

窮通原自命安排憂喜浮生浪拍懷未到漆
園齊物地且從頽巷學心齋梅花雪裏情無
限荆樹春前意獨諧酌酒壽君能不醉白頭
相守共茅柴

立春前一日奉壽承山相公二首

百福隨嘉慶千祥擁誕辰德符天有合道在
日方新黃紙傳優詔青旗挹早春崧高爲公
奏誠已再生申

壽以南山介文將北斗高安期何必棗方朔
未須桃穆穆持台鉉桓桓擁節旄詎殊駉白

鹿

主

鹿五色雲中邀

丁卯稿終

大谷漁塘稿 戊辰歲二年

新歲喜陽谿來信

野館春醪第一杯端爲好懷開門前積
雪和水解天上光風思來獨鶴不辭玄夜
舞高鴻欲向紫霄迴可憐亂後還歡緒柳色
舒眉桃吐腮

和陽谿席上之作

薄酒斟來味却甘歲寒欣得友爲三只言草
野無傾蓋誰信山林有盍簪喜氣欲浮鳴鳥
樹惠風先起戲魚潭佳期又恐成離折滿眼

青雲

辰

青雲正結驂

陽谿作

春風座上酒偏甘溫語仍催須待三欲向白
雲從野服羞將華髮結朝簪草知迎暖滋芳
地魚不驚人起碧潭祗以飲醇增眷戀幾回
擬去又停驂

壽蕙亭

畱得椒盤柏葉樽都來西館壽王孫青春又
是一年盛白髮今還幾客存喚起桃腮供玉
案倩將柳眼媚朱軒此情未許倉庚覺催

百花飛滿園

贈別承山相公

相看一笑宦遊身去國傷讒最愴神只有青
天能信我更無明月可投人廣平自合登王
佐方叔還當靖虜塵坐見盛時踴躍盡啾啾
群鳥亂啼春

承山答

落落乾坤萬里身懷讒去國奈傷神天機自
信盈虛理世路誰分黑白人強引孤樽消旅
興敢言一劍淨妖塵從今拂袖歸青塢海上

蓬壺別有春

人日宴竹軒館看美人歌舞

亂後苦無惊春杯尚不空方知瑤雪館依舊
綺羅業舞態流銀燭歌聲散彩虹美人今日
勝應笑白頭翁

送尚書郎趙陽谿北上

十里亭前春正芳杏花紅夾柳枝黃雲飛高
嶺辭朝今日轉照辰上

帝鄉鸞鷟超朝選接武雙龍補袞共成行心
旌馬首多迴戀自是榮輝滿北堂

陽谿答

正好春山攬衆芳無端出處又蒼黃清時不
敢終丘壑游子其如悲故鄉眼見浮雲忽相
掩心驚旅鴈未成行適來花裏宜春服何日
尋師一上堂

上督撫相公楊夢翁二首

授符新徙鎮決策早平戎岳峙貞文德淵渟
亮武功黃塵秋塞斷白羽夜垣空克國經全
勝知將漢道隆

鴈塞羣 皇基熊軒借寵綬廷推元老望穀

轉丈人師義氣橫金鉞仁風汎羽旗坐看洪
業建何止靖疆陲

喜趙山人見訪作趙四明人工書畫

荆扉鎮日閉荒苔蘭友何期自遠來萬里光
摧霞海氣一枝秀出桂林村池邊翰藻春雲
映障裏烟嵐夕照迴却喜野人同逸調杏花
瑤草坐銜杯

憶同野君寺中二首

旅館蕭條二月中春光一半水流東遙知獨
枕眠難著吹入小窓花信風

早晚聽鐘向白雲香牀閑宇思紛紛有時掃
素僧能乞却少山陰驚一群

漫興二首

小隱荒山絕四鄰不堪猛虎漸窺人春來欲
作移家計滿眼榆錢未濟貧

陶潛三徑苦無資獨向東林尋遠師半道有
人邀一醉江州深趣古今奇

壽謝四溟行年七十

一片野雲閑素心懶將詩卷易朝簪床頭酒
有仙人送門外車多長者尋到處東山且携

遺書

辰

四

妓揭來梁父獨行吟今年七十身逾健笑酌
桃花春滿林

三月三日借乾石弟與袁張鄭三書記
程王二子爲流觴之會同賦

茲辰莫虛擲春序行已深故事美元已達人
借賞心風花澹紅采水木含翠陰揚冷滌氛
垢汎羽遺陸沉萬物本齊契眞樂良可尋富
貴非我有浮世慳黃金節往不知惜樽空寧
肯斟適與二三子陶嘉曲澗林鄉故雖曳裾
廣受已投簪悟言同在昔文感興自今奚必

竹蘭渙青霞滿瑤岑詠歸無俗韻漁父漁父
吟

送賈卜山先生之任郿縣

吾道乃西適再爲百里遷循良無異術安靜
委前賢問俗橫渠野看耕渭渚田還將出師
意叅彼訂頑篇

壽宗尉西谷翁七十

奕世金章寵洪宗王牒華守文忠翊國秉禮
孝承家善與皇風穆齡同帝道遐列仙齊獻
壽門集五雲車

遺書

友

五

題西谷壽圖卷

天將韶景媚華辰翠竹紅桃綢采新竹葉瀉
深瑤席暮桃花開滿玉顏春

金昆玉友宴瓊霞何樂能如此會嘉好似聯
輝樓畔樹枝枝連理萬年花

三月晦日作

青春亂後失舒遲一片陰寒淑景移苦霧不
開含凍藥淒風長鎖向榮枝齋空晝閑厨煙
薄室通人遙逕草滋豈道暄妍無著處適當
幽鄰未逢時

答竺陽阻雨看花不果之作二首

古樹壇邊幾壯丹，莫教風雨浪摧殘。明朝賞
酒邀君看共酌，晴霞滿赤欄。

盡道豪華逞牡丹，誰知野老惜春殘。殷勤夜
雨花神祝，生怕紅霏墮曉欄。

四月四日宴慶園西園

芳園別館校清和，瑞席金尊耀綺羅。宣子喜
承嘉樹宴，穆王能記白雲歌。花交紅翠晴光
滿，鳥弄宮商逸響多。歸去更便池上酌，夕陽
林影共婆娑。

卷五

辰

六

孟夏即事五首

點胡亂後陰陽錯，老圃空林日月昏。四月土
林猶近火，一春柴酒只關門。

土雨沙風日日狂，一春埋沒好時光。即今尚
在陰埃裏，那有清和到草堂。

四月八日佛誕，洋家焚禮浴蘭湯，有誰掬
取菩提露，一灑你氛泰宇光。

夏令已行天不開，疾風飄山波倒迴。愁來我
欲乘之去，避地海上金銀臺。

揚沙折木晝長昏，飄瓦捲簾山下村。欲作雷

聲起中夜，遶流甘澍洗乾坤

題味泉老人卷

渴飲饑餐日不離，箇中真味果誰知。洪鈞賦
予無偏向，元鼎調和有妙宜。沆瀣滿斟玄酒
夜，蓂光充飫太羹時。甜酸苦淡應難說，却憶
慈湖老趙師。

贈別趙山人

雲壑喜逢江海賓，丹青草隸俱通神。芝蘭入
室美三益，風雨對牀便一春。芳樹不將遮別
路，輕帆偏起趁離津。送歸無限登臨意，可有

卷五

辰

七

長綃畫得真

看園中芍藥有懷

牡丹連種不成葩，知我元非富貴家。却喜藥
欄清夏氣，肯垂花朶豔晴霞。香流小苑風難
斷，影轉空堦日易斜。草有性靈能對酒，客無
心賞爲誰誇。

送南洲上人經胡寇亂後往龍堂別院

院在交城縣北，是其弟子處雲所建。
枯用機欄二語開其地，形如此。
墟里煙中大相村，靜居堪比給孤園。去秋狂
胡逞陵踐，一片白雲爲掩門。弟子開山得巖

丹崖綠壑含空簷樓欄葉卷夜叉頭芍藥
花開菩薩面下界攀緣百尺梯鐵鎖不垂猿
夜啼上少香林展空碧要請老師移去棲老
師便此策飛錫松際草菴涼寂歷啜茗與君
詮會期青天有月長相覲

招隱一首

風霾一以散林景復依然雖少濯枝雨已多
籠水煙鳥聲流樹上花氣撲簾前寄與山中
客知予掃逕延

程竺陽生日書贈時年五十

海客

辰

八

不鄙西河近朔邊蕭然行李客三年林間野
景皆圖畫酒後狂歌即管絃染翰欲令池水
黑談文真到古人玄華辰勿謂官當服却是
無官好醉眠

丘中偶書

躡翼九霄人冥心一丘老文章不經國著述
安用道有酒歡自斟無詩閑亦好落霞嵐嶺
曠滴翠空林曉

贈監胄周小湖奉使隰川王府過汾一
會而別

江南塞北本無期樽酒俄逢又別離垂柳萬
條遶去岸飛花千點胃遊絲錦宣嘉樹儀鴻
日越石長松繫馬時回首可能懷故舊贈携
惟有竹林枝

五日山中即事

林間亦有端陽節却是炎涼香不分坐樹翠
搖雲毋扇酌花紅近石榴裙五方絲縷繁珠
貫六甲靈符篆寶文免俗未能聊爾耳詎知
龍舸闢江濱

林間習靜二首

海客

辰

九

爲厭塵囂耳目煩稍從清靜碧林園却嫌形
影相爭辯邀致白雲康老言
金光明滅鏡中泉翠色依微墟里煙坐對夜
深寥落盡一連拋却子雲玄

壽靜川言懷一首

求仙不耐海雲深服散難迴白髮侵且把醉
鄉爲玉洞更將老圃作瑤林生辰歲展南山
席夢曉時投北闕簪自許閑身得清靜滄浪
歌罷有餘音

白雲康老詞二首

夜吸月華朝日華冷然五内生金沙瑤林一
抹青天外何處白雲康老家

陌上起煙塵盡紅人間無地追涼風白雲康
老在姑射冰雪憂林旻火空

棣華軒即事二首

兄住東頭弟住西一壺新熟往來携非開好
飲相徵逐共對花林聽鳥啼
兄解微官弟亦辭到家俱是黑頭時如今尚
覺容顏好長有春風面上吹

鄭子移居二絕

卷

十

十

偃閣蘆蘆只數椽雖居人里不通塵要令車
馬音塵絕羸取北窓清晝眠
帝家高館挿雲紅長夏珠簾蕩遠風應笑書
生結茆地等閑一畝便爲宮

七夕詞二首

巧節年年屆祈靈處處同神光下燭地終不
到愚公

拙者有明効才疎世寡諧天孫莫相笑亦是
合安排

題絳客隱菴卷

長安青紫匝塵縑若箇英雄不詭隨何似五
湖煙浪裏逃名只數范鵠夷

海東藥草無人識天上星槎有客通解道隱
心能晦跡跳身長往一壺中

鶴林園題壁一首

園園何須廣幽閑編亦宜三間崇小架一逕
勝多岐窓几鏡文亭花林費酒資性成無俗
調願解在言詩

孟秋即柳川小村壽筵作是日天現彩
雲瓶挿紅白蓮花斯賦之云爾

卷

十

十

七月天風吹彩雲瑤空幾片落晴曛照君酒
殘爲君壽好把秋光醉十分
紅白蓮開香滿池壽筵長挿兩三枝歲來權
作看花伴一十二迴無改移

夜坐一首

說道無爲却有爲此情惟許自家知軒黃赤
水求珠日樂廣青天撥霧時

遙賀陳母太老夫人壽筵九十

八座太君膺寶籙三台元老侍斑衣人間福
壽齊溟岳天下孝慈兼寵戚曲度玉霄青鳥

語杯承瑤水白雲暉緬知家慶酬恩意並捧
南山獻紫微

卜君一首

背郭開園小結廬避喧聊學古僧居池中水
引澆花後窓裏雲分挂樹餘一枕邯鄲知是
夢幾場傀儡看非虛只愁豺虎縱橫甚何處
深山可晏如

題石假山用韻二首

有時踏雲去挑得雲根還奇峭龍撐角華嚴
豹炳斑日光每穿漏人意重翻攀纖女支機

漁婦稿

辰

二

處真成杳渺間

混沌分開後乾坤此削成入山移玉潤植館
帶雲明幾卧從風虎長棲出谷鶯猶疑補天
剩不斷彩毫生

和趙陽谿戶曹京邸寄壽

紫瑤仙體寄盈危更有南山見壽辭文露香
溥秋草處惠風光汎月華時君來鄭圃生涯
寂歸向陶園老景遲身世久併人棄盡問遺
驚喜尚如斯

送趙文周試宰臨潼

驪山溫谷朝元處霸上新豐定鼎餘湯沐千
年畱舊邑絃歌百里得新除幾經震蕩民無
屋數事將迎傳有車聽訟應爲第二義惠風
先向野田嘘

九日奉壽宗川

西山氣爽帶瑤空南極光榮入紫宮金序九
陽時最盛玉人千載道斯隆庭中燕喜歌延
露臺上雄威賦遠風更有菊芳和桂醕助顏
殊勝海霞紅

九日同乾石弟書臺登眺九首臺在平霞館前

漁婦稿

辰

十三

莫怪重陽雨滿城風吹雨迴開太清我家兄
弟秉時興聯步紫霞調玉笙
書臺高處與霞平霞外清光萬里澄說道吾
心不相似林園那有世間情
韶年拙宦只卑棲老景高臺路不迷翠嶺華
秋雲淨盡冷烟空水和天倪
千山紅樹半狼當一徑黃花堆晚香不負幽
人舊來意高高折取醉斜陽
九日晴登九仞臺洗天風雨昨宵迴高心欲
賦言難盡坐對鍾期笑口開

上有書臺接翠虛下邊松菊繞蓬廬今朝添
得登高事却爲嘉辰一起予

選征我亦羨飛鴻輕舉人皆想御風不見高

臺在平地振衣往往白雲中

一自陶潛服九華至今傳到隱淪家寒香會

裏無邪崇不用紫萸囊絳紗

然高佳日賦新詩五柳先生會意時此意亦

應人會得醉吟寒菊兩三枝

奉和見賞芙蓉五首

和西谷韻一首

集

庚

十

林居踈艷陽却有好秋光冷葉偏蔥蒨佳人

稍頽顏粉脂勻皓露羅綺護玄霜相對須成

醉清於錦瑟傍

和柳川韻一首楚辭寥芙蓉兮木末

移到纔三尺長來高一尋蒙君看木末知我

惜花深不改秋江色還傷暮渚心明分數枝

去幽薄結同林

和小村韻二首

任他菰若角春風保取秋容自在紅今日

奈何等好碧天雲淨水烟空

香紅膩粉出團團莫向長門惹恨端正是娉
婷怯羅扇可堪花老被生寒

和靜川韻一首

君愛芙蓉似美人露華清曉看來頻須知冷

豔無心緒不是江頭楊柳春

奉和龍岡青州寄壽之作

知君道妙合軒羲龍馬千年應聖期翠幃將

迎尊別駕青丘循省惠前綏松邊蘿葛猶存

記海上雲山盡表儀三復玄言來玉軸九霞

光采翳華芝

集

庚

十

秋晚西園社會一律逸我以老出莊于

歲華搖落仍嘉會始識乾坤大有容紅樹千

頭黃菊現青山一帶白雲封淡中風味鷄和

黍閑裏光陰鶴伴松老去不蒙天與逸誰將

此景付龍鍾

長嘯一首

庭前奇樹葉將飛籬下黃花耀翠微酒興半

隨秋興展詩情全與世情違我歌碩鼠招尤

衆誰道虛舟觸怒稀回首可憐驚歲暮仰天

長嘯月明歸

雨中對菊同東明弟時九月廿七日

山雨蕭蕭迫孟冬菊花猶帶好秋容東明令
尹多情思來對寒籬濁酒鍾

乾坤正氣九華存落木之時香滿園苦節不
勞青女妬真心惟共白頭論

九月廿九日壽趙小田作

趙壁由來天下奇明堂終有見微時乾坤未
必疎賢俊詩禮方當保訓遺菊長好花黃塵
帽蘭開新酒綠融危爲君初度承嘉慶一矢
南山燕樂詞

壽衣曲

嚴霜未降白露如零金飈流碧樹蔓草失其
青此時空閨婦偏念客衣單笥裏散藏滯澆
出機中寸縷落成端又幅裁新忌生硬橫斜
改舊煩鋪敘新舊皆須熨帖平殷勤幾處行
砧杵亂杵調砧積漸多燭短杵長將奈何紛
紛碎却關山月滾滾翻成瀚海波聲疾激玉
女投壺飛霹靂聲悠揚啼猿感傷人斷腸侵
作斷續聲千思萬恨情還因響哀怨可以摧
長城寒雲捲空河漢微力盡夜闌人語稀寧

知紅粉淒涼意化得寒鄉溫煖衣歌擣衣胡
感邈北里南鄰富華屋娥眉晚粧鏡袷服綈
錦文綃袖手穿屨聽擣衣驚寤宿

和東臯悼馬二首

自出黃泥阪騎來衆所看長鳴逢主識却走
爲時安芳草乘春樂垂楊踏月歡昂藏思致
遠天矯欲勝殘遽謝支公櫪空畱越石鞍仁
哉敵惟意惻愴北風寒

骨相越驪黃和柔乃獨良貴之青玉勒文以
紫絲韁足拜雲中冠能追月下亡一朝形委

化千里志難償老棄猶堪惜生捐詎可忘知
當廐焚日不止問人傷

奉壽邦田相公

帝簡高賢冀冀方恒陽開府復汾陽英威地
轉山河氣亮德天垂星斗光城起戊臺森畫
戟郊安氓里遍甘棠輿情共效華封祝敬以
嘉辰一獻將

贈孔以英赴朔邊

散袍羸馬薄長川儒行宗風自藹然去魯幾
經芳草地來汾正值白雲天好陪松菊淹吾

土又倚弓旂起朔邊先聖未周秦晉轍羨君
今且踏和連

贈賜谷崔先生教授太原

世人多笑儒官冷我道青蓮亦不寒座上春
風迴桃李室中香氣滿芝蘭洪鐘絕響需頻
扣藻鑑長輝具大觀若見督郵俱束帶先生
書卷獨盤桓

壽北野翁七十

時十月初十日

愛汝高年閑素心茅柴縮酒壽筵斟形如野
鶴與雲遠節比寒松耐雪深倚杖看山無一
事吹簫弄月有餘音將同榮啓生平樂帶索

垂垂自鼓琴

贈節判穀峰楊公擢合水縣令

佐郡三年猶一日堅清如玉復如冰文章飾
吏施爲別德禮先民感化興北地喜迎明茂
宰西河愁送短長亭古來道在無卑位謾擬
卽官是列星

哭業師西野先生

吾師歸化白雲鄉七十八年夷且康無位儘
教師道重有才不作吏途忙南窓傲寄松筠

節西野耕籍畝畝光虛館來來哭遺愛桂蘭
桃李各成行

壽仲川宗正

宗盟帶礪綿長日王子春秋鼻衄時食邑浩
恩連鳳沼免朝珠寵隔龍蟠杯傾翠醴南山
入卷展珠文北斗垂爲壽爭看道德麗冰桃
雪藕未多奇

臘月廿四日壽乾石弟作

壽筵莫惜杯行滿臘日俄驚歲序週往事笑
吾如畫虎強名呼我任爲牛山林淡簡心無
累兄弟安和道與謀共對華燈觀氣象春光

早已上眉頭

志感題樂壽園壁四首

谷雲長自白庭樹木來青縱有風塵色何曾
損性靈
自言心累盡空谷保田廬獄吏猶相問方知
公也愚

積玩生陵辱稀知絕比鄰如何談世務原是
避時人

何事受侵誣當觀百一書下流不可處君子

慎厥初

息機一首黃公事出西京雜記

說道忘機未息機一場開氣好乖違與民救
苦知誰是爲國驅殘計已非周處合憐身憐
免黃公那曉力衰微桑榆尚自存餘照猶恐
浮雲亂夕暉

漁隱

庚

子

文谷漁嬉稿 己巳陸慶三年

春日林間有懷趙陽谿使君

新年光景不曾新自判鴻蒙有此春喚雨催
耕少昊鳥含哺擊壤帝堯人林花但簇當初
錦野草還鋪太古茵酒汎東風思共御龍門
老友性情真

正月十日小堂春宴和西臯宗正

喜逢青帝送韶光更得朱軒賁小堂酒盃舊
香今日共菜盤真味幾人嘗凍迴園草生將
綠老至頭毛變已黃好景不應閑放過只愁

花鳥笑空囊

聞鴈

陽鳥通春信歸飛紫塞雲啣蘆方尚武擺宇
復成文海關愁單緒沙平愜乘群流音雜惟
怨情感思紛紛

寒食西岡二首

山後山前丘壑村南村北人家烟火蕭條時
候紙錢飛共楊花
萬戶尉陵西里墓田丙舍東家門外青苔
色窓前紅暎桃花

二月十五日口號

美錦如春一段誰將刀入中分岸柳愁遲著
線園花欲早穿裙

不分花間宿雨生憎水上浮雲是彼流將春
去教人錯怨東君

和西皋春日登城之作用韻

高城獨上思寥寥廣野春晴入望遙鴈字寫
雲江樹暖羽書沉月塞烽消酒家半向東林
閣詩社平臨北渚橋此地見之能下否同歌
擊壤 聖明朝

卷五

贈程一山參戎始建牙汾郡一首

北闕授符推轂後西河分閫建牙初弘修軍
禮昭文幕遠關兵威到朔廬戍靜關山和月
唱氓安隴畝帶經鋤方知上將收全勝頓令
邊庭絕羽書

春寒一首

造物原無我春光此地難已逢三月暮猶作
一冬寒雨雲時相雜風沙日幾搏下惟踈講
誦寂默按愁端

贈孝義葉丞膺獎代人作

儒紳佐邑最稱賢見獎中丞問俗年日對古
松開政理時思長劍掃風烟旌書花鳥韶光
煥賀客衣冠喜氣偏試向雉樓同極目滿犁
膏雨潤郊田

三月十有二日王生允承行年四十允

承吾先友桐菴先生之遺孤也蓋及髫

而遊吾門今亦長焉如是因成而賦之

少年頭角好凌雲今日昂藏未策勲學久可

能明似聖功深應自老於文風前烟柳朝無

賴月裏天香晚更芬四十古來名強仕通家

卷五

迂叟望彌勤

晚春與康老共酌

桃花隨雨逐東流楊柳牽風繞指柔坐惜芳
春三月晏行招野老一杯酬偶因藉草依山
足不爲看雲到水頭身世似將無係係信歸
渾比汎虛舟

立夏日偶書

未展春遊春遽殘夏陰早已拂冰端禽言翻
出玫瑰原花氣飄來芍藥欄天外數峰雲突
兀池邊孤館竹檀藥流光荏苒乾坤事杳息

下蓮野老安

四月五日宴小田宅

恩親隆執友念舊款通家水翠斟名酒泉珠
淪好茶坐深花困蝶歸晚樹栖鴉自賞清和
節無如此會嘉

贈侯

露泉宗相一首宗相在豫卓犖意
遠甚宜其高賢客樂與之游余愛
其美以特贈以言

我愛露泉子雅宜宗國寶聘祥克里選服寵
荷恩綸玉琬纔通籍金章已在身乘龍推上
客跨鳳美斯人晉代奇中散周家重懿親悅

文敦

四

四

敦禮樂耽隱尚松筠義氣干霄漢仁風洽
比鄰長希簡相御每望魯連塵門外多車馬
堂中滿縉紳同懷欽令德嘉會引芳辰交態
誰能古朋情爾獨醇荊扉朝夕對蘭室往來
頻書劔應無用琴樽自可因贈言非外獎辭
鄙意彌真

仲夏同程參戎遊李氏園亭

近郭園林百畝賒高原陸地俯平沙穿渠引
水紅泉細疊石為山翠領斜樹裏樓臺淹落
日花造羅綺艷晴霞上公冠蓋登臨盡何似

橋西野老家

已巳端陽日偶書

時光冉冉刺飛埃過去端陽今又來鏡裏詎
堪愁鬢改樽前惟許笑顏開符牌畫虎元虛
謬書帶成蒲翦剪裁不是鄙夫情累盡夜深
雷雨湛靈臺

贈郭公子西歸

舊守石橋公有遺愛在汾

去日西河守遺風四紀存口碑傳父老家乘
表兒孫投刺稱門閥飄蓬歎世屯故交零落
盡微我復誰論

五

五

五月八日園中再譙

重午過三日良遊喜再同景延流俗惕心賞
及時隆爽吹風翻綠妍華露滴紅真成宴嘉
樹可使玉壺空

看東家牡丹

牡丹庭館閨芳豔正是春深著色奇青紫向
人從拾芥輕盈拂檻眉遊絲香風羅扇歌殘
處麗日金尊醉倒時何似幽蘭老空谷燕傳
鶯侶不曾知

仲夏庭榴開盛對酌詠言

庭前有奇樹對此青玉樽芳宴啓炎節流
適晴嫩葱龍碧如染的歷丹若焚色膜珊瑚
水光奪櫻桃園羅紈搖葉亂茜袖擦花繁霞
綺正成絢露珠稍已翻幻質委陽皎餘英匝
苔痕焉知垂碩果而不美靈根華實豈俱散
榮枯勿復喧自從植欄檻亦是產河崑神理
若微戒吾生寧久存今日當極飲獨醒非所
論

夏日齋君

空宇獨依依柴門人迹稀日凝槐夏永風送
麥秋微樞火丹無皎茶烟綠有暉食餘分鳥
雀稍已落禪機

刈麥復無所獲笑而賦之

自笑身爲田舍翁麥收曾遇幾年豐計當十
斛成烏有力盡三時獲屢空雨露豈私磽确
虞風雲不在坎垠中若教穽者無荒儉沮溺
當時總未窮

和西臯宗尉見訪北園兼有高詠

長夏端居悶不禁委懷猶自惜餘陰舊行種
柳垂門密新學栽蓮覆水深物化轉頭驚老

大時泥携手笑幽沉憐君辭熱還相問一灑
瑤華振夕林

奉和西園宴集之製

瑤林別是洞天幽不似班生老一立大地鏡
光作沼半空霞彩結成樓流風絲管傾凡
聽過雨烟嵐淨遠眸恠底世塵都隔斷只應
仙侶占高頭

和東臯宗尉戲夏登北城新樓贈太守

甯公之作一首

高樓一上絕氛炎更覺凌空翠靄添棟彩虹
蜺如欲奮劍華萐萐不勝拈示威逾未重關
隘設伏應教萬弩潛合是守臣多大略百年
安攘力能兼

夏日山莊六言

老病不識人間幽栖一片地開炎燄夜歇高
樹爽氣朝起西山麥飯炊來香熟石田斫去
堅頑巖扉只有雲到村逗通無往還

伏日看文苑蓮花

炎暉無可避聊作看蓮遊翠蓋圓翕展紅衣
淨欲收露傾河女承風動水仙舟只恐池中

成一片秋

和答趙陽谷使君四月廿七在徐州見

夢之寄

不知歸處

別離無想應無夢有夢還愁路不明雲樹可
遮千里面江河能禦百年情形神靜夜龍山
合意氣逢天珠斗橫一笑漆園遽翔處漫將
塵物等浮生

陽谿寄

終日思君不見君清宵夢裏轉分明關河寧
阻來時路江濤遙憐去國情北極風雲方際

會

八

西山對虎且縱橫何當迴我耶鄴道酒掃
門牆盡此生

贈張國南由臨漳司訓掌教甘泉

漳河桃李下成蹊文館甘泉道復西理士受
經聆達旨詞人操管待分題槐風帶掃邊沙
靜杏雨連沾塞草萋萋莫是一官真冷落門牆
終日有攀躋

和小村山中立秋見寄

脉脉驚秋早沉沉苦晝長迴颺開葉墜片雨
覺天涼遙憶山中侶孤蹤雲外翔題詩寄日

社落晚愛榆桑

秋日書感二首

噫氣一以秋卉木無精光萎黃何足嘆貞脆
具見傷丈夫懷耿介陰賊相推戕毒螫滿蜂
蠆反面皆豺狼天進倘可滅聖世容民殃
秋氣何慘慄白日無光華陰蟲附宵火豺虎
亂如麻蛟龍竭失水受困蟻與蛇貞士見誣
辱群小方自誇或矜巧文墨或矜利齒牙悲
風在珍樹孰知我所嗟

中元令節壽柳川小村二翁同誕

九

九

九

暑就西流火涼生高樹陰露光和月汎蟬響
帶風沉雲葉天張綺槐花地布金瑤堂通碧
落朱館對青岑令節中元落南星此際臨第
兄嘉旦合德齒慶源深面有丹顏潤頭無縞
髮侵盈門來鶴馭四座儼蘭襟寶鏡將秋獻
銀河當酒斟籙傳千歲紀冠挿九華簪竹奏
蒼龍管絲調紫鳳琴清懷逾白社歡笑灑空
林即已登仙道方壺何用尋

覽鏡二首

面有慘淡色孰知情寒慘言慙成困悔動省

作貞山只恐人謀險難爲天道容將因學浮
海濤沉竟誰從

端君意不釋焉有好顏容鏡裏人先老窓前
樹尚濃急颼凌夕鳥繁雨亂秋蛩政自獨多
緒寧堪觸景重

短歌行在文苑清君作呈郡博張十洲

置酒清君我歌以噓天道幽渺人事顛離善
惡云報禍福每愆淑慝云別彰輝則偏翼虎
在邑枝蛇在野鴟爲鸞慶廢爲馬夸毗變
戾鬼神莫貞兇頑回惑賢聖靡程文王明明
愠于群小仲尼遑遑阮于周道胡寧我躬閑
侮不臻怨固叢敵德奚寡鄰局維其忘不如
飲酒積憤成癆亦復何有我思在昔爰契我
心作者七人于彼竹林

十洲和

世事何君閑念起噓薰蕕品錯鉛齏齒齟齬
回盜飯簞口之愆不疑竊金貝錦之偏爲龍
爲鳳率彼荒野如鬼如蜮蕃成錫馬所賴君
子素履以貞其惟先哲大猷是程泰宇爲大
滄溟爲小感遇付時責成付道面唾自乾衆

妙似疎狂生不忤聖徒斯鄰太白之詩淵明
之酒得也非無失也非有緬我文師妙契此
心尚友古人傲寄平林

七月十五日清醮呈郡博張十洲先生

佛氏抵孟蘭道家度玉京共以中元令同持
上善情土風沿宿昔撫景肅齋明萬寶證華
實而儀澄濁清金繩界壇道瑤席不精誠妙
香瓜果外奇味海山并羅列允珍麗祿將何
屏營仙盤玄露湛神鼎紫烟昇伏蒲陳所願
未言悽已怍四靈寂郊藪群猛浩縱橫禍福
久茫昧善良胥圯傾冥冥倘終鑑拯苦達寃
生

十洲和

射策首仙侶鳴珂遊帝京應此綠中果閱
盡世間情急流心勇退爽氣眼偏明幸際太
平世矧值節序清佛說孟蘭會道薦紫霄誠
式將斯理味元與吾儒并參玄探實際奏假
濯俗營智劍劈煩惱慧燈照悟昇慈航岸克
到苦海波自怍山鬼窮伎倆射虎任縱橫丹
衷已披瀝蒼冥諒可傾大道通三教高人遠

此生

驚秋一首

一片新秋何處生
露團雲白暑氣澄
鏡中空碧川光映
畫裏曉嵐山氣明
木葉漸隨流
響草蟲齊傍
擣衣聲此時坐卧誰能定
除却無心盡有情

月蝕後書感

門種先生柳家藏太史書
將爲君子遜不學
小人儒朱鳥還傷
尅蒼天定有無
夜來看月蝕
變似暗投珠

林君即事一首

戰勝有餘樂
自惟良已多
池蛙喧鼓吹
林鳥疊笙歌
飯客聊鷄黍
惟門滿薜蘿
少無經世用
垂老幸閑過

理北園作

心累何時盡
閑居亦有營
看山移閣就
引水鑿池成
花裏叅榮悴
酒中研濁清
無爲一邊事
深謝古先生

汾上贈孝廉何竹窓先生
故禮部尚書文定公以清純儒臣著名當世

伯起清風後
玄成素業餘
遭時猶廓落
抱道且踟躇
洛下誇新進
河陽守舊廬
相逢無可贈
一段白雲裾

答南老惠絲冰白豆

成粒美白豆
蔓絲嘉綠瓜
山中好秋實
世上玩春華
老缺牙堪粥
沉煩肺慊茶
得蒙清意味
歡喜啗烟霞

贈安上人

此舍姪謂借其蘭若讀書故有

我家秀士修文去
借與香林一片閑
鏡影每從看定水
嵐光便自得晴山
蓮花藏裏資閑

悟貝葉書中取訂
頑若向青雲策高步
不忘

天宇幸躋攀

中秋月一首和七泉宗尉見壽

一年美景私籌筭
最是中秋月滿天
簾箔漾輝珠彩亂
池潢含影鏡華圓
庭團玉樹清非淺
人照金波老更妍
世界未應終缺陷
歡盈稍已到瑤筵

和十洲見贈美際中秋喜逢華旦之作

學道無聞已白頭
月華秋水尚登樓
團團玉樹齊書案
穠穠金波汎酒籌
嘉節生憎晴簪

少拙緣私喜退藏優今年秋熟同君玩莫說東陵是故侯

答南陽長老持山果見壽

山僧不厭人間世還把菴羅餽賤辰俗眼每看成外道禪心久許契吾真稍畱香飯嘗新黍共對秋雲笑此身歸去莫令時節換菊花猶待往來頻

題贈清溪宗尉石洪山莊二首

湛湛石洪水平平綿上田耦耕非吾事高謝古人賢屋遠扶疎樹池籠縹緲烟漁樵相問

罷閑拱夕陽邊

豈無北里好獨守東臯耕點眇紫芝想蕭疎白雲情結茅倚山靜坐石臨水清哲代韜時略只應閑此生

積雨背郭園居二首

連陰迷晦朔積雨亂昏明樹染深秋色蛩悲薄暮聲布衾寒自擁苔逕滑難行焉用憂成老將因達此生
今雨復誰來荒庭滿綠苔楊朱興浩歎墨翟動長哀南北徒爲爾蒼黃何有哉惟應抱此

獨坐對不然反

謝東府宴一首

西園秋色裏賸有好筵開玉樹慙金葉冰壺瀉露杯鄴中飛綺蓋梁苑集文才往事俱陳矣茲游復茂哉

喜陽谿戶部分曹事竣過家有觀因贈

五言二律

司計足公期到家安毋慈皇華瞻伊節彩服見光儀義用丹誠盡仁由素履推那同濮陽騎盛向汝南馳

孝德

五

五

孝德邦惟懋文思國有華神明通善行詩賦藹名家任意榮三釜歸心戀九霞寧知金鉉待將爲草黃麻

酬陽谿先生以詩見壽用原韻四首

時俗眇衰賤生辰愧酒筵况當多難日猶阻太平年故舊還憐此存期尚宛然一九銷積疾恍已遇神仙
喜到龍山駕忙開鷄黍進清言淹永夕重感別經年菊園畱花看茶爐掃葉然已如方外侶只是未成仙

一語破苦惱俄登歡喜庭壺中瀉甘露鏡裏
換衰年神火得長照心灰豈復然登山謝麴
廼平地有真仙

荆扉衰柳逗霞館菊花庭冷落悲前歲歡娛
復此年秋綠千里駕相對一燈然大息人間
險將因去學仙

喜陽谿員外以九月一日過汾見訪

別經二載遙相憶歸近重陽若有期見面並
先庭樹老冥心都破海鷗疑晴暉翠領開桑
落佳色黃花折擢籬借問故園携手好何如

戲馬望鄉時

次韻九日登北城新樓呈邳田相公

雄樓茗蔕此雄州嘉節登臨是勝游萬隊旌
旗寒色動千家砧杵夕陽浮黃花有酒舒長
嘯紫塞無煙豁遠眸樽俎折衝人靜定滿城
車馬自如流

奉壽趙母太老夫人時令嗣陽谿君省
觀

阿母高堂喜氣新慶餘光景悉來臻身登壽
域儕金發兒轉仙班侍 玉宸祿養騰羞歌

潔白淑儀州里頌慈仁萬年梓梓南山祝
美萊衣悅老親

九月十九日培菊因憶雲溪老人嘗戲
菊歸籬創意殊絕斯及之焉

皇天有意人間世四序平分與之物各賦
其物隨事還順施春物駘蕩夏富繁綠岸青
郊紅采園貴游熱客車如流水馬如龍款來
聘望相攀翻我當君苦空編籬種菊廬其中
種早開後遲木落水波霜露濛雷收其聲火
藏烈炎炎者熄夷隆隆據槁焚枯問欲絕的

志

歷皎然開一叢此花真可貴皇天以補幽人
窮吾聞天地閉塞賢人隱貞卉可令荒草并
盆移案列謹呵護忍被村童悍婢殘始英又
聞老子言歸根曰靜靜復命即因刊落守靈
根仍以栽培厚真性托土欲深封欲嚴涵水
欲濡安欲定爲何珍重出尋常精和稟純三
正光金玉爲苞翠爲葉瓊碧引枝凝妙香發
藻乾坤殿清節欽形龍虎潛黃房記得雲溪
雙臨風起高趣云當玩賞餘合有戲歸爾今
日衆觴嗟共誰只應九華開謝不寒歲寒期

暮雨蓮蒿園作

一室蓬蒿掩栖遲笑屢空詩書堆案上山水
落琴中今雨心無限寒雲跡稍同群陰方剥
落幸自保微躬

喜四明呂微君自上黨來汾見訪

有美東南秀無期西北遊潞郊芳草晚汾水
白雲秋倒屣迎三逕開林坐一丘清言時領
略江左舊風流

邀呂微君次園中二首

庭前落木亂成堆遲裏蓬蒿掃不開獨有寒

集

卷

二

松帶空碧孤雲遠影鶴飛來

堂名背郭巷稱窮路絕人稀是此中不合臨
空起書閣賺來霞海杖藜翁

再贈呂二山人

四明狂叟昔稱賢再出逸人今儼然瑞草沃
洲書著處赤霞臨海杖遊邊琴中山水音常
絕壺裏乾坤趣獨玄我守空林歲云暮喜逢
傾倒菊花天

比神不旺數夢見鬼物就於夢中紀夢
爲六言者六寤而思之亦怪矣常感王

文考鬼賦今乃信之

醒怕貪狼猘犬夢遭封豕長蛇幾處飛沙吐
氣一群吮血摩牙

一念羞人僂僂終宵夢鬼嘍囉若使東方不
曙將無魔殺維摩

曾見鬼王圖相非如夢裏搗麴舞爪張牙鐵
面提刀把筆銅頭

清畫木人持杖黃昏山鬼嘯梁在昔嘗聞有
此今宵夢在我傍

整白原無借杵鼠窠那有乘車近日世情顛
倒夢中栩栩蓬蓬

集

卷

十

檄文可驅瘡鬼夢賦能掃非祥不若九天爲

正萬里誅妖電光

謝甬東題園景十二詠二首

小園分景太參差一寓閑心任所之恰似月
明隨處著萬山千水不曾離

此景被君題得破何曾清意少人知天寒澗
筆無它物只有庭前栢樹枝

邗田相公誕辰適當泰凱賦以爲贈
上公行省慰民思荒歲兵連撫且綴蕩滌煩

苟存本實調停征繕有機宜嚴城利建增高
日祥旦欣逢奏凱時野老報稱歌樂壽南山
詩裏萬年期

卜亭行

憶昔先師道不行七十二賢皆守經大者散
爲侯國師小者宰邑餘飄萍當時魏文頗重
道其師卜商抱道西河老玉韞自然山有暉
至今山以卜爲寶此山峯嶺橫地維綿亘百
里深委蛇中有石室似天造要令文儒隱在
茲文儒化去二千載空山只有白雲在隱隱

卷五

七

手

書帷挂薜蘿茫茫古道來樵採王官張子振
遺躅結草爲亭傍山曲命名取義象先賢思
義顧命美可續學禮攻詩早貫穿摘篇灑翰
復殫研奮飛有時適不遇退藏猶得保林泉
林泉一片好閑地高卧不減羲皇世聖門師
弟且遑遑咄嗟我輩成何濟綠壑丹巖無垢
氛碧樹珠泉風雨聞醉來大嘯呼猿鶴靜後
一心窺典墳溫飽亦不欽朝霞可餐蘭可結
鐘鼎萬戶食銀黃三組榮回有可憐要領絕
我觀張子毛骨奇頭圓耳闊神仙姿不礙曳

糖爲吏隱大隱小隱誰能知畱侯辟穀從赤
松果老下山騎雲龍二翁風流遐哉邈矣隔
霄漢子爲苗裔可能夭矯躡華宗

初寒擁爐酌呂二山人并竺陽諸公在

虛白齋作

青霜塗瓦上白雪帶林邊興客圍爐坐呼童
掃葉然芋煨三昧火茶煮陸家泉復有杯中
物流溫酌煖烟

齋中再集擁爐酒不殫興戲用前韻

歲華搖落盡深雪冷無邊虛室生雲白窮薪

卷五

七

三

抵桂然欣逢人似玉愧乏酒如泉第學求似
侶丹爐守絳烟

答人問疾

高齋卧疾疾非虛試把吾生說向渠草木變
衰春意盡齒毛垂朽世情踈腰纏索帶疾何
得脚躡芒鞋痛不除自是化工頻作弄老牛
捧扯破柴車

詠史

建元事招選平津亦延賢正直皆遠斥所延
誰復然引用刻薄吏文法輔威權誅殺枉天

道禍機不踵旋舉措業已爾經術有其愆徒
將矯情儉豈救阿世偏

病中偶成

纔占百年多一半已分諸疾兩三停不嫌帽
底頭增白祇恐窓前樹失青久識小兒爲造
化常疑老子鍊精形流沙一去無消息何得
人間有壽星

三次擁爐疊用前韻

天寒初雪後人語夕陽邊落葉風皆盡空齋
火獨然揚巾掃塵榻持綆汲華泉同病來同

隱蕭條遠市烟

酬呂徵君數來問疾

空齋卧疾餘復此苦寒日賴有山中人每從
林下逸圍爐意轉溫對酒情逾密方藥間討
論因知達生術

喜陽谿再過見訪

歲晏荒山下蕭條只草萊形如將夕照心比
不然灰古道冰霜斷寒簷鳥雀回故人還問
訊驚喜一街杯

至前宴集趙陽谿戶部用甬東韻

終日柴門掩今朝草閣開祇緣千里駕端爲
故人來舊雨憐簪盍新陽動琯灰省郎多道
氣詞客盛仙材調古朱絲直宵深絳蠟陪方
當笑前輩興短勒舟回

冬日宴趙陽谿復移小齋夜坐得六言
四句二首

白首相逢素交玄冬盡醉醇醪坐嫌西堂日
短移就東齋月高

爛熳夜迢東燭網繆畫短携樽目前偶爾自
適身外都無可言

至日二首

老去逢長至猶能學謹微天心存默耶吾意
在幾希關路行當閉齋君坐堂遠明窓何朕
兆野馬作塵飛

動物重淵起知幾子夜存象先開玉簫妙有
達玄門出地冰霜凜迎陽鳥雀喧下帷多日
影一線未須論

詠呂山人酒歌

似向箕山拾得疑從顏巷分來青天邀月引
滿碧海凌風醉迴

王液溶溶小勺金波穆穆盈斟飲知浮世清
濁量見滄溟淺深

壽王北野

人間無處可同群獨有深山住近君容髮漸
隨蒲柳敗襟期常惹蕙蘭薰來尋一徑兒童
喜去隔前村鷄犬聞每到壽辰偏鄭重儘教
潦倒醉寒雲

和呂二山人夜吟一首

向夕空園裏幽懷一種平霜飄寒宇白月灑
凍林清愛景披衣立絨情踏葉行從來拋寵

辱獨影自無驚

宿陽谿西郭草堂

時已巳仲冬十有六日

望美茲堂久何緣遂宿之星文羅洞牖月彩
散疎帷煖席春疑早延宵曙欲遲將因一晤
重投老百年期

阻雪懷呂山人兼索詩

俱對山齋雪應同歲暮心猶憐一城阻空望
兩相尋玉樹生蘭席瑤華惹蕙襟無爲懸下
里不作郢中吟

送大叅知邳田孫公入賀

仙曹畫省出名藩十載深銜紫禁恩嵩祝今
趨雙鳳闕日華重覲九天門喜逢堯曆開昌
運會見虞庭舉納言祖道飛鴻時極目春風
倚馬立郊原

敘舊呈馬北崖先生

相知二十載心密形影疎非自一懽阻良由
兩索居索居日已老離愁不可道缺月挂空
林東風汎芳草草歇多時寒雲滿故籬方
當憐歲晏之子忽來茲來茲遂來晤携手悅
情懷無處返東山依然隔烟霧

臘月廿日與呂山人程逸士迎春霞館

青陽獻歲新白髮增年老時物兩驚心臨觴
一杼抱少壯已蹉跎胡今不潦倒猶遵擊壤
餘倚杖東郊道卉木吐林榮嚶鳴變谷鳥維
牽耳目營不爲心志擾海客來瀟洲談玄肆
幽眇柔颺脩起予翻然在霞表衰賤匪吾珎
盛貴非我寶

臘月廿四日壽乾石弟

一官坎壈道成非五畝棲遲志不違樹種青
阜桑葉暗田開白水稻苗肥詩書侵曉聽兒

夢萊笠斜陽看牧歸歲杪天倫還樂事南山
春酒宴晴暉

題梅竹圖爲壽二首

生日不逢桃李時雪梅冰竹兩三枝暗香苦
節無人會畫出歲寒君始知
今年春早在嘉平似是東皇却有情竹葉放
將寒醞綠梅花開出冷齋清

立春後六日壽呂山人

時十二月廿七

紫氣來仙日青陽獻歲時大年超鳳紀高世
戢鴻儀桐竹書畱著雲山酒共持冲襟諸谷

漁翁稿

已

三六

羽芳翰藻林枝禮展光華旦詩申祀李詞義
因然諾重道在久要期壽命逾金石蟬蛸安
可知

和呂二山人除夕寫懷

山閣題詩幽思清不勝今夜獨多情燭華然
臘杯前盡雲色催年歲裏更結社將畱空谷
住懷鄉欲瀉大江行朝來寄語東風道慢著
天涯綠草生

已已稿終

文谷漁嬉稿

庚午隆慶四年

正月八日杏花亭與呂程二山人觀梅
呂有百年情在此杯中之句因足成一

絕

東風吹酒晤言同笑對黃梅開滿叢莫把寒
香沅玉笛百年情在此杯中

林間元夕

林下逢元夕兒童學世緣銀花雙樹燦金爐
九枝然皎鏡同遙漢韶顏憶往年傍人疑佛
火將謂此迦禪

漁翁稿

今

贈別呂山人

足音纔喜落虛堂行色那堪動曉裝去住久
諸形不定悲懽新起緒偏長碧烟垂柳空南
陌丹嶠浮雲隔兩鄉幸付心期與明月遙山
極浦見容光

和呂山人畱別

寒松雪際幸逢君弱柳風前遽惜分萬里烟
波迴越絕半天嵐嶺隔姑汾江花解點詞人
賦臯鳥知迎羽客群應笑揚雲老無用泊然
空守太玄文

寄答素愚上人

空理談不極稍從文翰游緬懷碧雲意嘉藻
凌惠休一札枉芳訊投好在滄洲歲交冰雪
散微綠生遠疇烟煖蒙龍室人閑窈窕丘山
僧或來往共此谷中幽

送別陽谿戶部在香林寺作

初旭遠烟含碧岑柔荑新柳別香林天邊畫
省行應到谷裏柴門閑復深出處兩當明聖
世悲歡一繫友朋心誰堪妍景空琴酌伐木
時聞山鳥音

陽谿和

家山回望是遙岑何苦驚飛又過林客路空
憐芳草遠洞中應愛白雲深久知奔走非吾
事無柰風塵遠此心試問相思何以遣還馮
早晚惠佳音

喜西瀛丈歸田三首

方將隆位望亦是返田園舊渚魚欣適高雲
鳥倦翻自然無俗韻偶爾謝塵喧但逐經鉏
老能令風好敦
未遑喧失位翻爲喜歸園農事春將及村煙

書不喧瀑花烹石鼎山翠閃柴門興味應全

別蕭驛吏局煩

少年同筆硯投老接田園瓜蔓相鈎帶農書
互討論琴將流水淡酒比落花繁誰謂不嘉
遊已無車馬喧

送別

杏花時節草青青流亂春陰綠滿庭欲緩別
愁惟是醉不堪黃鳥喚偏醒

春林即事

翠峯紅霏乍淺深淡烟濃靄忽晴陰齋中隱

陽谿和

陽谿和

陽谿和

几過寒食天外停雲寄遠心止酒不勝花會
勸耽詩無奈鳥能吟却憐此景消沉易何事
幽人廢討尋

看園中牡丹

衆藻多先露名花獨殿春總收烟月盛偏照
水雲頻經宿含香異妝晨出色新有神能不
笑臨眺白頭人

戲題康老

白雲康老人難識似是沉冥一腐儒天地自
將芻狗待姓名應作馬牛呼落花微雨看輕

謹帶鳥東風聽畫胡童冠比來踈問對多因
我已喪其吾

製衣歎

欲製春衣下剪遲只因疲老故然疑平生志
意無溫飽著舊山林有禮儀儒行自傳逢掖
古驛人空語艾荷奇幾多華袞同朝露不得
衰翁挂一絲

首夏齋居

流水將春帶落花密陰侵曉樹交加時光轉
眼衣成葛世事無情飯煮沙策杖不驚籠外

鳥停杯方斷酒中蛇誰知老境吾廬適山翠

林紅夾彩霞

臥疾虛白齋二首

虛室本生白匡床雷病夫又經春草歇還枕
夏雲孤開眼群書在記心一字無惟應窓裏

月慣照澤中臞

經年疾不退去日良已多扶老聊相藉沉憂
竟若何山春青入樹溪晚淡成波獨偃空空

室無人問薜蘿

送郝虞官應貢北上

長歎爲儒老一經豈期招選向彤庭還鶯自
合升喬不叨鹿原從食野草劒發土花宵氣

紫袍迎春草禁烟青君王正聞臨雍義何惜
先生賢有星

園中行藥二首

園廬入初夏卉木稍已繁藤蔓交蘿石柳條
垂竹門杖藜行藥性揅權護苔痕卧疾豐暇
豫方當向此論

服散疾仍在玩芳心稍夷雨餘花藥徑烟裏
薜蘿惟永日謝喧雜端居成委蛇白雲豈予

念到門如有期

新理茅齋

聊因雙樹舊試理一齋新虛牖納蒼翠獨居

成隱淪樽空貧亦貴書懶疾須陳形役應無

盡勞生尚此身

贈介休李學諭之芮城令

李岐周人

愷悌牧民非俗套文章節吏立言筌遺賢近

出岐周里新政還平虞芮田晉鄙好山迎翠

憶洪溪佳水媚青鹿督郵使者須珍重剛雅

方塘麥隴邊

初夏看榴花作

榴花歲歲過端午今日花開一月前時至合
教遲未得人生何用強爭先露珠叢裏鷄冠
聚霞綺園中翠葆懸只恐榮枯還不定與誰
呼酒問青天

壽程竺陽作

酒逢嘉旦莫停杯客抱今年要好開屈指光
陰如夢寐無頭學問等塵灰一番又見紅葵
展六度雙瞻紫燕來交久敬深渾不厭朝朝
携手北溪隈

壽程

年

六

北園茅室新成輒謾題壁二首

休道當年楊子居且從初地學逃虛山肴只
好烹蒼木野服惟當製碧葉時遡蕙風懷柳
下每臨桃水憶秦餘邇來剛會不思議閑却
床頭數卷書

菟裘營得一茅菴怡老如同坐佛龕著氣撲
人門向北最光開卷牖朝南白鷗來往無猜
忌紅藥枯榮少就貧但令此中長自在不知
何處有瞿曇

贈王琴史

舉世尚簞筲獨君閑古琴幽蘭曾不採綠水
意何深一鼓雲生壑再揮風灑林須臾天宇
靜萬籟此消沉歎息知音少相看淚滿襟

送王心涯別駕拂衣還里

本自西南翰墨儒却教顛顛守邊隅懷鉛未
必無操割佩玉終難利走趨元亮委心投印
綬季鷹何意美尊鱸高情只許幽人會一葉
扁舟萬頃湖

酬西臯到山房見畱之韻

貧家邀客竹林西小飲猶能具黍鷄雨後草
深迷舊逕雲邊樹密蓋清溪幽樓自覺逢人
少莊叟何勞要物齊細算此生無計達形骸
如土一壺携

壽書

年

七

寄壽陽谿戶部

去歲賤辰君面壽壽君今歲隔天涯文杼畫
省應華國夢繞萱闈自憶家賀客共傾千日
酒仙曹多駐五雲車寧知故老南山曲獨對
青松獻紫霞

陽谿寄和

微官潦倒寄京華千里神游汾水涯遙想社

中頻念遠應知客裏苦思家雪溪久艤王生
棹花節誰攀邵子車一字萬金珍壽意晉山
西望映高霞

贈春谷上人

古殿簷阿三十年春雷秋雨只如然不知安
穩綠何事坐得蒲團幾箇穿

移疾蘭雪軒四首

火宅若爲勝風軒幸可乘偶然當夕坐尋已
失炎蒸看破三分鼎分開兩合繩輕身如有
漸衰疾故相仍

卷九

八

八

抱瘵嗟永日幽林無一喧紅香和露氣翠色
落苔痕隔轍誰相問掩扉吾獨存不知清靜
理翻以病夫敦

閑居將廿載幽事稍已貞福過災還及賤來
老亦并說詩猶不廢服餌竟何營芝朮？無

補桑榆空復情

仰觀神宇曠頓覺此身微鬼物乘虛敢人天
問疾稀書空從草聖據稿倦塵機委運榆枋
裏早早一鳥飛

和宗川雨後西園漫興

宿霧連朝一雨收晴光瑤圃作仙遊魚旂翠
彩花間出鸞輅黃暉草際浮水現圓荷迎笑
傲山環高柳助清幽更從樓觀窺珠箔杜浦
呈秋到遠眸

和小村題取經僧送茶

印經兼得採茶來貝葉雲芽一迸開活火試
烹金作鼎新泉欲注玉爲杯微君嘗酒饒清
味仙客題詩有逸才從此北林添勝事法華
香露兩奇哉

和西阜答人送果

卷九

牛

九

火是團露熟檀園朱果遣人到竹門滿捧異
香供太嫗平分甘味與諸孫天漿玉粉浣顏
色仙苑瓊林共本根何必千年算花實每逢
秋早對芳樽

初秋夜坐

新涼如洗一燈青獨坐閑園孤草亭書癖尚
抽殘冊看睡魔翻逐遠鐘醒碧梧井上三飛
鶴白豆棚邊數點螢似爲驚秋栖不定我心
何許落沉冥

雲川宗尉賦中秋月見寄輒倚和奉酬

看月中秋空碧盡光華全與酒杯分庭中木
葉稀堪數鏡裏頭毛短更紛露濕青苔明壁
繡風迴綠沼見波紋玉人此夜吹笙處蘭室
盈盈桂采薰

西樓坐月

老來情狀似深秋黃葉公然比白頭壯志盡
銷成底事歸身雖晚得餘休筆床尚自陪書
卷茗椀還將配酒甌月在碧潭寧有意等閒
流影到西樓

謝雲川惠菊兼有高詠

連署

午

十

暮山搖落總芸黃獨羨寒籬菊有芳一束贈
來存古意九華叅處見真香未酬佳節臨丹
嶠先與新醅玩綠堂多謝助將彭祖術正愁
難遣鬢眉霜

一束助彭祖之術見魏文帝
與鍾繇送菊書

中秋無月和呂傳

久雨結秋陰隱居如獨深寒沅門自對落葉
徑誰尋月滿光猶秘林衰響易沈佳期不可
夢空遠歲關心

酬王龍岡太守自德州寄壽

老年生日詎成歡學道無聞百感摺雲裏中

秋恒秘月兩中衰草不分蘭昔時樽俎今寒
落同社章縫半朽殘三服使君情獨盛八行
遙與寄平安

承雲川就菊小園爲登高之會用韻

南山對酒菊時開千載人思隱逸才佳色尚
然明小圃亮懷那可負高臺詞林宗袞游龍
至記室文簪躍馬來何事秋風茂陵客橫汾
簫鼓興情哀

和雲川看菊韻

連署

午

士

花神殺秋菊郁此凝露芳濯色標中理采英
聞妙香朋來三徑益客有四明狂奚必龍山
上丘中自可觴

中理者取易云黃中通理也

俠客篇

馬上誰家子里中亡命兒二氣降年庚化爲
鳥與鴟慧辨捷連環背爪銍利雖人徹其
骨摧物如腐糜攫金日中市司隸不敢持吐
霧昏曜靈昭昭良可欺黔首豎黃髮亦莫何
我爲擊筑飲長夜肝膽知是誰連曙駕風去
縱博驅九遠

喜王龍岡使君拂衣還里

纓紱本非有解之方若無灌園仍仲子著論
只潛夫陰息影須定道同德豈孤君仁問康
鹿老園尚存吾

背郭吾廬好中多嘉樹陰冥觀涵水鏡汎覽
出雲岑門寂人稀扣林閑鳥自吟喜君來問
舍倘此共幽尋

龍岡和

白髮投簪滿黃金歸索無欲尋吟澤叟還問
灌園夫東海浮雲散西山倦鳥孤散廬汾水
上栖止可容吾

海集

年

年

歸山多氣色每日幾晴陰流水還深谷飛雲
度遠岑青牛隨草卧黃鳥隔林吟野老閑居
地忘機方可尋

和雲川初雪韻

大有從三白開冬始兆之玉林千葉綴瑤圃
萬花滋城上饑鳥粟園中寒女絲無爲怨空
獨豐稷易爲期

宗尉東臯翁令旦

庚午臘月十日

不求聞達不脩仙贏得清平老歲年思受四
朝逢世治道來千古合心傳壺觴未減陶公

逸詩賦當過楊子玄我欲移將楚南樹置君
東館玉堂前

夜坐即事呈龍岡丈

爲惜暮光成短晷不嫌宵永坐遲遲關心栢
葉床頭酒過眼燈花註脚詩世路舊蹤都不
是空林閑影畧相宜此情却恐人稀會說向
平原太守知

龍岡和

華巔逐客欲何之廬在西河歸未遲滿座接
歡將進酒隱堂感興可言詩賞心晚景閑君
好散步高蹤初服宜世事浮雲徒倚變百年
能有幾相知

臘八日作香糜供佛

喜逢白帝嘉平節正是金仙報滿時燈放寶
花融旭照粥和香米作晨炊瑠璣鉢捧三天
獻瑪瑙珠穿半偈持願化飯山彌法界更垂
甘露灑慈悲

臘月廿四日壽乾石弟

我家醇醴熟寒醅壽年年爲爾開瑤席喜
攀瓊樹合金尊笑指玉山頽流澌帶臘行將

驅轉燭龍迴

歲暮行

歲云暮矣吾何爲山空無人獨掩扉金壺漏
凍滴長夜日出景寒俄夕暉眼看庭樹雪中
老頓覺婆娑生意少我生衰蕭復何殊髮禿
齒搖行欲倒自度寓形能幾時憂思枉作千
年馳黃河之清不可俟碧海之仙難與期不
如春林釀美酒不如打柴煮爛糜藏書萬卷
漫磅礴著文千篇徒隱約教兒收取探精華

莫學迂

今

古

夜聽王生讀書二首

寒夜迢迢星斗稀讀書聲遠竹林扉王生幼
學勤如許漸覺燈煙滿布帛
強懦昏明四等分不知勤學可超群吳生渴
睡王生醒夜半然燈誦古文

答問一首

問酒有何好卿家恒滿缸蒼云憂速老難以
力相降獨有思柔部可爲戰勝邦折衝在樽
俎飛慢逾葆幢平樂陶西園歸休偃北窓頗
欣龍嶺孟不省鹿門龐惟願一杯小演之成
大江

燕喜得孫

中歲幸生子晚年仍抱孫接芳雙玉樹燕喜
一金尊華國文須廣弘家慶始繁于公陰德
厚曾已建高門

壽弟敘懷二首

潘觸智

今

主

潘觸智難進谷栖愚稍安弟兄嗟若此冰雪
歲將闌社臘且高會生辰詎寡歡應須仰天
笑盡醉白雲端
薄遊跡世態投老得天真茅結觀書室朋來
好酒人百錢挑拄杖七里坐垂綸爭似壺中
隱公然遠市塵

壽西瀛丈

青雲路滑步行難回首空林事事安栢葉翠
浮生日酒胡麻香足野人餐社中老圃談三
白洞裏明窓伏九丹若問壽徵何處是南山

長拱一峯寒

掃舍一首

此室本來淨流塵何事生一經等微細諸受
昔滿盈巾帶發朝霧窓櫺含夕清因知磨鏡
客併此得空明

庚午稿終

未

六谷漁塘稿

辛未隆慶五年

初春遊長春觀六首

觀在田村西麓是張真人羽化處後元靜人

步入洲西道山阿如有人谷傳孤鶴唳柯朒
老龍鱗初旭落幽昧衆芳回委陳願言招隱
士併此度長春

西北有巖龕空蒙紫翠含烟窓融霽旭石磴
閃昏嵐舊蹟仙人隱遺言老氏談妙門應不
二殊路可同參

青牛何處去黃鶴此曾來羽化惟空谷春登
只古臺栖雲茅再結賣藥杏仍栽却是逃虛

寒集稿

未

者新從鳥道回

三山尋妙有五嶽訪真圖不識人之世亦爲
仙所都林巒帶城邑巖洞隱蓬壺夢想丹華
子何時返故吾

西山鳴鶴地是昔羽人丘幸自接塵境依然
栖道流壑雲飛作幕巖樹結爲樓火宅窮薰
習何如此退休

緬想天皇上遙緘玉珮書期將駕烟道恨不
乘羽車人境得丹壺山堂朝紫虛雖無騰化
術於世稍已踈

題平泉館畫燈二首

玉山瑤水隔煙霏王母春池滿翠微要識上
元來獻壽毫光浮動錦燈圍夫上元者上元
煙嵐彩翠冠輕霞花鳥聯翩落絳紗試點金
膏窺妙象慶霄蓬島月生華

元夕篇

漢家祠祀燈徹宵古佛燃燈十里鏡至今粧
點上元節金燼蘭膏明不滅長安豪貴矜紫
騮飄香真成秉燭遊道逢司隸不敢問踏破
胡姬之酒樓復有高門齊衛霍大燕極權鐘

朱

朱

二

鼎錯只要銅壺漏水長翻喜紅輪向西落此
時谷中人尚不知有春東緼請火焚祈薪煮
飯作糜沾釜塵東皇太乙無私親黃面老子
不救貧欲乞銀花與火樹霧冷烟消不知處

元夕懷社中諸公

上元佳景刻千金高閣燃燈憶賞心戶外却
嫌車迹杳座中空閃漏聲深笑談白首春猶
及悵惆朱顏老自沉一語社翁如破夢但逢
權好即相尋

春日感懷用前韻

人爭解惜黃金不省春陰繫宿心雪盡冷
枝青欲壯烟生弱草翠將深馮唐老景空消
受方朔明時總陸沉獨有阮公能曠達酒家
時挑百錢尋

酬諸公看燈用來韻

金膏醺暖絳籠紗寶樹燃紅爛綺霞未踏王
孫遊瑤草先披天女散來花彩雲香輦群仙
下華月春城小徑斜只恐夜闌笙鶴去空齋
依舊野人家

仲春涉園了無春事因題二絕解之

朱

朱

朱

花信今年又較遲峭寒深鎖帶春枝憑誰寄
語東皇道借取和風一夜吹

青春過半酒盈卮欲傍好花開尚遲悟得花
須未開賞花開又是落花時

春分行

全春能幾何俄頃割其半來朝寧復畱今日
已代換荏苒此中行白頭胡不及時惟酒樓
豪家酒樓高百尺就近且從芳樹適芳樹滿
園花亦芳清露晚烟紅翠香池開弱藻雙魚
戲林汎柔風百鳥翔魚鳥無情却耽趣戲藻

月風散選聚離人輕往逐遊絲生不成名
景去復有蟲姑性弗靈不識凝冰與飛絮大
夢茫茫覺者誰多廢賞心縈俗意含華公子
燭幾先玄晏先生真解玄蘭葉題詩灑葱蒨
杏花醺酒藉羊眠世上紛紛了無取利害斷
根煩惱蠲顧免潛收玉壺裏奔龍巧落朱繩
邊泰鈞銘品授嘉令順軌陶嘉爲樂聖氣和
神逸好容顏豈把流年數青鏡

春日登讀書臺二首

自覺春林好書臺日日登馮高逾滄蕩視陰

尚凌競

香

四

尚凌競香草花霏合文霞樹藹升少年青紫
意與此隔千層

登臨日日閑稍已出入間隔樹青雲去啣花
翠鳥還舍周流到水春擁看來山怡老事全
別面無塵土顏

招隱一首

宿芥回春細縷紅東皇造物此爲工寒巖石
屋煙霏暖窮巷柴門旭靄通避俗久堪蟲網
戶凌風却訝鳥開籠寄言同隱來同醉莫著
鶯花笑苦空

有所思二首

暄風吹雨入烟條點染丹青樹樹嬌腸斷玉
壺君不見伯勞飛過落花朝

桃花紅間梨花白零亂清光拂鳥飛記得東
山人未老香風吹上越羅衣

馬員外送酒歌

祁禱宮樹滿宮綠都官郎家春酒熟夕念劉
伶未解醒朝寄一壺來野谷野谷氛氲生紫
烟村南村北杏花天朱絲提酒亦成醉不及
君家好醴泉君舊爲令色湛金莖露香浮玉井

蓮瓊液

三漿

草

蓮瓊液三漿才是聖菊花九醞只如賢怪底
仙郎富鬢髮天與靈丹鑄仙骨一日能使百
觴空三萬六千安可窮我幸酌餘波頌德起
舞徂顏配人生有酒便須醉况值花前金巨
羅

春日過天寧寺賦贈謝丈

春風巾卷落東林空水閑雲澹遠心徑草踏
殘多問訊天花飛下每沈吟香籠翠栢晴軒
滿光閃紅燈夜坐深衲子亦知畱謝眺幾
擁帝玉山岑

贈大叅知董公

洛陽鴻俊廣川儒網紀天人世絕殊正色立
朝輝柱下英威移鎮凜邊隅雨隨熊軾新恩
溥春轉薇堂舊德敷只恐借均遲不得調元
還奉紫宸樞

三月三日與龍岡諸公天寧寺宴集

嘉會本無期東林汎羽危依然上巳節還似
永和時佛樹垂烟縷天花散雨髮生深饒藻
思逾喜惠風吹

和龍岡招宴洪西隱若之作

懸解得清脩天真自在游春陰從我憇雲影
爲誰浮亭館依丹壑琴樽向綠洲時多魯城
趣歸詠不能收

古意

山下種紅藍華滋蔚猗猗美人時摘拾珠翠
奚能比皓脫淪烟支粧成合歡綺裁剪爲誰
新所期隔千里何日大刀頭音書石沉水

壽西谷宗尉

誕辰誰不登高筵爭比宗英帝室賢禮樂新
承明主眷河山共觀壽星懸青開蘭葉金梅

裏紅泛桃花綺席前最是長春美嘉慶鴈行
麟趾蔚連翩

挽宗川王夫人

素帳香猶蕙空階色映苔鸞飛花鏡去鶴斷
寶琴來短畧踈春枕深宵隱夜臺君王憶珮
珮欲向香冥迴

侯露泉賓相脩竹園

中散好清芬清芬何最清世間凡卉不足數
獨有淇澳之種蒲湘英自從天開毓靈秀聖
人葆元純粹精在物得之爲此君虛心偉節

凌天雲

一竿晴掃太空碧萬葉玲瓏風雨聞
有時變化入神品却就化工登斧斤秦女鳳
簫吹竅窈窕葛陂龍杖起氤氲玉清光景只仙
都金帝高標塵境無中散恨不移嶼嶺拂素
寫成脩竹圖看圖得意在行樂滿堂秋月涵
冰壺茂林雅歌貴同調突梯猥瑣非達模賞
心須添七賢士陪德還描五大夫

四月六日宴端謹堂看牡丹用韻

春深紅紫艷瓊危看到清和樂豈遲羅綺帶
香浮欲動文章延景坐相推緩催絲管翻高

興亂入烟雲更好詩猶是西園愛賓客露華
畱待月華移

四月八日周克川昆玉邀謝徵君王平

原與余同宴峪中園亭即席有作二首

山中知佛日林表步仙風過雨洗天碧落花
飄澗紅清和人景混簡遠性塵空後會客須
滿賞心應莫同

碧桃芳月盡坐闕流杯賞紅藥艷陽初欣同
茂林往紋波瀾石隄秀木森蘿幌對此愜幽
襟自心非外獎

送張中丞拊循寧夏

中丞節鉞事專征雄鎮輜鈴屬老成靈武高
臺依日近賀蘭脩嶺接雲平笑談應遣胡沙
靜射獵惟當野火明不負策勲酬聖主久懸
華衮待時英

書五世恩賜卷

洪宗開奕葉累世洽恩華督府能匡國勲階
更起家紫泥文綴露丹錦字紫霞耀德高陽
里昭哉詎有涯

四月九日園中宴坐

春盡郊園花漸稀坐看雲鳥獨依依雲飄遠
浦空難住鳥悅平林倦有歸僂僂累丸還用
志桔槔抽水漫成機應嫌野老踈慵甚竟日
長關白板扉

開池種白蓮呈柳川主人

自笑野人如出世稍於花草結同緣已邊曲
徑栽紅藥又著方池種白蓮水翠散擎璫朶
秀金晶須吐玉英鮮香風吹空火雲散看我
觀心古佛前

高西泉小樓行爲壽

環堵蕭然一小樓不知經歷幾春秋記得建
時髮正黑今來雪刺已蒙頭六十八年荏苒
到登樓且作蘓門嘯乾坤惟有酒杯寬身世
何曾老還少但說神仙俱渺茫請看漢武與
秦皇富貴功名本朝露高智莫如張子房花
放鳥鳴樓四傍君醉此中樂未央我家棠棣
東明君拋解印綬同浮雲與君結社離世紛
星闌舉觴窮夕燠豈限百年三萬六樓上好
山高突兀

壽程山人

孟夏年年草木長與君高宴及時光只緣北海能延客自把并州是故鄉借宅每連詩酒社臨池多畫水雲莊誰知野鶴無塵夢醉舞千迴獻壽觴

夏日與同懷諸子賞芍藥行

楊花飛盡百花開紅藥當階獨可看欣逢三五少年輩不棄老臞來締歡越羅單衫素女扇文采翩翩坐葱蒨舉杯爲我施朱顏杯裏流霞碧如醴我將此酒酌花神殷勤莫負賞心人上哲見花如見德名花逢賞即逢辰憶

集

十

昔名花遺災厄天怒人嫌兩相迫幾番風雨肆飄揚幾次兒童來躡簫賴得靈根托九淵保藏元氣行周旋變幻滅亡神理定結芳挺秀還依然國色天香真可憐與君傾倒玉樽前不見當年李謫仙自稱大隱金門賢半醉忽承天子宣揮毫立進清平篇一枝穠艷露凝妍新聲宛轉龍池邊玻璃滿酌蒲萄煎珊瑚迴策錦綉錢如此安榮百無慮那知潛隱夜歸天與君酣歌復起舞世事紛紛難縷數日暮花間生紫烟正是仙人路瑤圃

贈郡博張十洲先生遷德王府紀善
文昌送客九龍灘曾羨王門最好官今日送君復何羨小山叢桂青雲端屈指鴻儒在贊序六年不改一氈寒西河生徒蒙點化時雨杏花春滿壇董子天人未得試淮王且接嘉賓歡文茵廣厦出蓬華換却款段乘銀鞍談宴知惟道術訓不應別有秋石卅白榆本爲天上樹國香自是谷中蘭丈夫適意隨所托吏而隱者心曾寬不然張籍攻討論好官何獨稱王門

集

十一

五日對榴花作

五日江南競渡喧北山愚叟寂無言鰲頭戴浪吳天湧魚腹吞波楚水昏梅落有人吹玉笛雲深何處寫蘭樽婆娑老我安榴下却是園林宿好敦

築關城後作室嘉樹園因自寫懷

重城乍起青山郭小館新開綠樹園豈羨玉堂臨禁苑何慙薇省在雄藩安門待有樵漁扣關轍知無車馬喧片地乞閑天不吝許同仙老住瑤峯

壽域集卷六

生長太平世優游閑里間讀書不求達養志
在幽閑兼抱濟物性願爲盧扁班心明古方
契手到疾隨刪戶外屢常滿囊中藥不慳修
持偶仙道服食均九還渴飲上池水饑茹紫
芝山歷世周甲子面有好奇顏我欲迴大夢
因君訪玄關酌霞壽三獻珠樹倘可攀

夏日承同隱諸公林亭宴集得青字

潛夫谷裏真成隱處士天邊合有星巾舄萃
來城北園琴樽移轉竹西亭鴨頭新浣池華

集

卷六

七

綠鸞尾亂飄蕉葉青此境會心誰解道光風
吹徹紫霄冥

慰趙陽谿生日 時宅憂

絨情頻取折疎麻靚面翻令愴物華半夜烏
啼丹樹冷北堂人去白雲賒愁顏霧鎖菜衣
暗悲淚河傾孝水斜生日知君不爲樂惠時
蔬粥且須加

贈友人生日

老來光景重朋簪最是華辰感我心半世已
過多盛顏百年都在幾開襟海山圖裏家還

具鼓笛聲中杜酒斟共道駐齡無別藥醉鄉
深處紫霞深

大暑卧病西谷翁見惠玉李走筆奉謝

名園珍李綴圓香不羨羅浮荔子芳滿餽翠
籠黃玉冷遙通青鳥碧雲翔相如未賜金莖
露叔夜無緣石髓漿却訝病夫愁肺熱偶從
仙果得清涼

秋夕篇

七月七日古老傳安公飛昇王子仙我聽白
帝吹靈籟坐向碧梧金井邊金井沉沉鏡波

集

卷六

七

止碧梧蕭蕭玉聲起風動漢斜生彩雲半籠
弦月下澄氛月光雲影互凌亂烟霏露氣相
氤氲幽蘭幽篠涼初見驚鵲驚蟬秋始聞乞
巧樓前應未覺擣衣閨裏乍能分世人亦解
苦炎熱往往能橫還成群遂令神宇落昏黯
竊欲仰憩天皇君願將紫府三清詔來洗紅
塵五濁熏素商流空滿空白涵虛湛淡歸營
魄恍疑西母授金沙退火還精練淫僻又似
文殊携五臺遺我清涼一片石道在皓華聊
此夕龍鶴飄飄已陳迹

酬陽谿龍岡二使君見壽二首

出去半生成底事歸來稍已得閑身學書無
用猶看字枕谷何心但養神脩竹夾池鳴玉
珮孤松偃蓋結龍鱗不應種樹人先老空負
丹丘屬隱淪

甲子重過又七年校量身世轉凄然鶯斯蒿
外渾無地方士壺中却有天舊卷蠹魚應識
字濁醪浮蟻亦稱賢不堪疲老空林下踈影
婆娑意自憐

陽谿見壽

唐書

宋

古

登歲金門待制麻及今宦海永恩華歸來佩
有幽蘭在興至傳將白雪賒艤棹空臨汾水
曲停雲悵望卜山斜神游遠擬觀濤氣多壽
多籌海上加

龍岡見壽

中秋闕里慶長生喜氣文光滿座清遙捧玉
杯玄露湛高懸金鏡紫雲明蘭抽九畹菊翻
徑桂發三花芝吐英每歲笑顏行樂處壽翁
天酒醉仙瀛

雨中對庭樹二首

兩深寒露後葉卷碧林初此日人先老他時
客更疎齒齒因搖廢鬢髮以脫捐梳只有孤心
在蕭條守敝廬

碧樹渾無賴西風一夕黃白頭誰不感青鏡
自堪傷怯冷衣須厚妨眠夜始長空聞除老
病那可駐流光

龍岡和

兩色松經久蒼然節勝初金庭仙有象喬嶽
壽方如日露龍鱗結雲盤鶴髮梳相邀天外
客始許入吾廬

唐書

宋

古

坐閣雨初霽開籬花欲黃有詩吟是興無酒
坐何傷飲水神逾爽食英壽可長重陽金氣
勝幽徑亦含光

送安穆靈至西山新兆

紫府朝元竟不歸白雲回望與心違樹聲寒
擁高天吹山色晴收細雨霏城闕規模開分
野樓臺光彩動郊圻萬年松檟禎祥地佳氣
浮來滿翠微

積雨秋林四首

衰年病苦益侵尋况是秋高百感臨欽齒漸

因成拙訥降心久已倦浮沉曾經嘆犬兒童
嘆慣作離龍風雨吟自是道窮惟待盡冷雲
堆裏閉門深

一變成秋氣爽然豈堪繁雨復連綿山泉倍
逐驚波往木葉渾妨伏枕眠懸愧治身除害
馬依稀絨口學寒蟬古儒揚子仍多事門巷
蕭條獨草玄

積雨陰陰暮序催病餘空欲強登臺兼葭帶
野山城背鴻鴈連天水國回衣白杳無曾送
酒竈清剛有不然灰應門童子愚堪咤猶把

漁翁稿

宋

七

荆扉半壁開

維摩大士常稱疾宴坐林間却灑然樹不作
聲風葉散雲無留影月華圓我因踈蹇遠清
世誰謂空虛乏好緣貧于此時還鄭重破衣
藍纓一珠懸

秋雨歎

麥苗欲槁穀未布正是田家望雨時穀穗垂
黃黍頭黑塲面不乾禾耳滋造化戲人每如
此怪底狂生呼小兒自我身爲田舍翁十望
收成九脫空亦曾騎馬向西去西風倒吹馬

首東一生不得造化力若學棹船還阻風鐵
樹幾時花得開石火幾時然冷灰黃河之清
不可俟白日之去不可回眼看得意人皆老
苦死怨天天豈哀

題大司馬王公靖邊五圖

其一單于款塞

臣國歌周雅安邊倚夏卿聖文弘廟略神武
振天聲革面歌來舞懷音鳥向鳴款關何代
虜今奉一王程

其二三秋晏然

漁翁稿

宋

七

頻年塞草秋堠火不曾休今歲關山月交河
自在流羽書馳漢捷笳吹洛邊愁誰展平胡
略惟應萬里侯

其三萬里鷹揚

桓桓老尚父奕世讀鷹揚赫赫大司馬遠猷
平朔方弓開青海月甲卷黑山霜我旅非無
事開耕古戰塲

其四鈴閣蕭閒

絕徽塵煙滅嚴城鼓角閑未須登瀚海早已
定天山職貢通殊俗明威耀西閭戎樓時北

通喜慰龍顏

其五功垂帶礪

和戎非上策柔遠自殊勲義勳名王禮威成
聖代文銘功嘉鼎勒報德重圭分華袞河山
字垂輝煥五雲

酒熟一首

青女下時桑葉落竹林新酒酸寒香霞溶玉
乳蒲萄艷月汎金波琥珀光何必眺高酣九
日只須浮滿對斜陽逢人盡道憂成老誰向
樽前學楚狂

壽王相

壽王相

壽王相

壽王相呂磻溪先生

看破皺眉多少事不如開口笑佳辰山高月
小晚容淡雲白水寒秋意真殿上書仙新曳
履閣中漁父舊垂綸慙無朱果爲君壽幸托
黃花送酒頻

自咤

祇因汎愛和鷗狎便有無窮沙鳥來鏡裏採
花能得意水中撈月第成猜葉飛秋雨嫌枯
木雲靄寒山象死灰坐久嗒然渾自咤前生
應上捨身臺

合藥

持將桂斧劈枯桑爛煮斑龍頂上霜雲碓千
春火毒盡素娥九出紫霞光

霜夜

一夜高寒入被池新霜屋瓦玉琉璃思君有
夢忽零亂月落遙鍾厲響時

西岡草堂自題

結茅編槿白雲隅憔悴人呼山澤臞玉舄朱
檐久淪棄更誰知是列僊儒

自寬

深悲髮齒今

深悲髮齒今

深悲髮齒今

深悲髮齒今揜脫一望林秋正解顏落葉滿
空成代謝東流幾許得迴還避人蔣詡翻開
徑中酒劉伶善閉關臞叟只應隨幻化那能
問影白雲間

十月九日初雪

木葉霜全脫天花雪始霏光妍小春暈色亂
夕陽暉虛室人煙冷空階鳥跡稀讀書久無
緒見景復依微

山齋積雪二首

積日阻陰霰暝寒偏易生爐空燒桂盡硯凍

著書成白首知何極青山願已盈無人問岑寂猶有怨離情

門對千峯雪山圍一室寒人蹤跡戶外雀響亂簷端絮擁何慙敗衾重尚覺單將尋撫揀去自畫路行難

臘月二十四日壽乾石

吾弟介然守青松不改柯一官遲獨冷兩鬢早成皤退步翻如進寡營猶若多深衷聊可見有酒願如河

喜東谷生子

漁塘稿

未

丰

蘭葉重開九畹秀桂林新吐一枝芳英聲預洩珪璋美勝事爭欣餅餌香寶鼎龍文看氣象珥玕鳳彩見輝光仙人摩頂將何記祿壽金錢鑄永長

題雪夜辛普圖用原韻

一從真主定河山頓覺風雲意氣開曉御萬幾垂拱罷夕咨元宰退朝還行沾白雪宵衣裏坐對黃金樽酒間江北江南渾卧榻鶴為魚鑽詎須關

七泉未付五十

嗣君文雅自天成知命華年萬美并慶仰二親垂白健惟看諸子戲端榮鳳毛騰彩開詞翰螭首含恩待

聖明獻壽碧霞人盡醉滿堂歌管太平聲

守歲慶雲山房兒階侍焉

守歲兒供酌相將戀舊年惜分情愛老進寸事稱賢燭彩歡顏結香氛曙色連應知開泰處不遠善門邊

附蘭雪堂落成調沁園春一闕

嘉樹為林綠構為堂載游載躋見朝巖氣爽

漁塘稿

未

壬

凉生戶牖夕天雲淨清惹亭溪冷坐誰同閑身自許一片空香惟鳥啼回頭處塵綠漸褪好景纔携○城邊舊闢蒿藜苟美矣平軒拂柳低笑晚蠶紫緒還成大繭春鳩寄拙不肯早棲白雪關情幽蘭本性二字標堂手自題幽居裏有蓬萊玉宇豈用丹梯

陽谿和

聞說芳園見成廣厦何日攀躋想彪嶺嵯峨列為翠障文湖連漪引作清溪堂下三槐門前五柳嘉樹濃陰鳥亂啼興來處室中有酒

幻子堪携○登臨謾策青藜有具眼天邊雲
乍低喜未老抽身早拋塵鞅老來身健未遂
高樓室滿蘭香詞傳雪調心事平生白品題
人間世眼看仙境不用升梯

辛未稿終

漁塘稿

本

主

文谷漁塘稿

壬申隆慶六年

開歲五日涉園俗云此日爲五窮日

舊隱時方適焉知日五窮詩書從嗣世田舍
自爲翁旭沼冰將綠陽條杏欲紅陶嘉堂孤
緒魚鳥漸來同

人日蘭雪堂宴坐

大隱金門客當年號謫仙今日無名隱虛堂
坐紫煙蘭將表幽馥雪以喻清妍知我應希
絕獨拋區裏緣

贈平原太守王公西林清醪二首

漁塘稿

本

一

掃地西林裏安壇北斗前齋心澄石瀨朝禮
肅香煙真氣看成紫靈文聽啓玄彩雲盤白
鶴紛舞下瓊筵

雲山起韶護清醪奉瑤壇皂擁真人蓋黃分
道士冠四儀終日具五彩落霞團祈請應如
願善緣神所歡

和燈韻二首

蓬廬春每遲茲夕早光恭玉鐸碧筠籠金泥
紫綃帶懸燈汎月華燃火拂烟靄結駟枉嘉
觀照微誠有賴

宵燈明不歇春漏滴猶長燦席金花勝浮杯
栢葉芳雲車來上客月幌挂西堂文采增香
猷人間別景光

酬陽谿春初見枉之作用韻

望洋宜讓海說法愧登壇門掩蓬蒿徑人來
御薦冠巾塘冰破片茗碗月開團無自促歸
駕首春聊一歡

寶善堂觀料絲燈作寶燈行

滇南寶絲金碧精良工制器奇巧呈先學媯
皇煉五石紫煙凌颺膏吐液一鐫隨機萬縷

續編

中

工

繁大片織綃如卷席上元夫人傳古燈良工
剪裁各異能方架玉屏截瑤水圓簇冰輪挂
綵繩却嫌妍景不應素更寫丹青入香霧秦
女鸞駢弄紫簫窈妃羅襪矜微步芳菲花鳥
媚陽春繡轍雕鞍羅綺新翠蓋旒垂珠斗系
緹幕影斜銀漢津此玩世希有春城帝子家
不將照乘騁明月自著文華爛曉霞帝子文
華薄金馬碧雞門鏐從空下神燈佛火陌頭
喧何似蓬萊宮中妙觀者

仲春小園獨酌

二月空園坐獨觀依然煙景到林端東皇量
物施輕煖北叟隨時柰薄寒書帶緩抽蘭欲
釃酒錢先點杏成丹鳴夷似海今浮去可等
飛花一片殘

贈參戎程一山三首

且傾卮酒飯雕胡身外何能定有無笑口破
除蕉裏鹿愁心寄與月中烏石田我擬裁紅
稻天路誰將種白榆聞道平戎大司馬羨君
武勇足文謨

霜蹄千里獨遺遲歎息人間路嶮熾猛虎本

續編

中

王

無來市日神龍變有脫淵時建牙威武今猶
在勒石勲名素所期遙想王堂敷辟命好抒
丹烟靖疆隍
別離久阻瑤華信饑渴長懷玉樹枝今日到
門良不意早春携手若爲期鶯邊綠醕還酤
我馬青紅塵是何誰莫道故鄉寒食過此中
芳草舊遊時

登趙陽谿書樓一首

仙人怪底好樓居光景超然上翠虛秘錄瑯
函星斗刺真圖玉軸海山餘腐儒漫自誇芸

門才子由來典石渠我躡丹梯猶夢寐官堪
驛晚獨何如

春雪遣懷四首

北山氣候太偏枯寒去依稀尚若無三月雨
來還是雪幾時煙景到潛夫

禁煙時節凍猶含眼底應無三月三昨夜狂
風吹大雪恍如破絮掛蓬菴

春天國景爲誰誇桃杏無花雪有花燕子不
來風掠去畫梁何許謝公家

兒童掃雪門含凍却訝陽春過比隣未必東

君無意緒多應不勝阮家貧

清明後前一日作

社前風雪與春違社後清明春始歸紅采入

林天翠合黛容生嶺口華啼鳥知求友爭啼

樹客斷尋幽自掩扉却是澤鴈無悶處坐看

桃水浴斜暉

三月三日邀郡守鄭公峪中宴眺

水村山館豁晴暉承引高軒駐翠微雲到樹

來依碧藹鳥銜花起趁紅霏永和邀賞春無

別上已好懷天不遠最是惠風群品乃安

蘭浦夜除歸

暮春同陽谿龍岡乾石竺陽露泉至谷

口過周兌川峪川邀坐樹下一餐去看

柳川竹林不遇主人竟觴詠而歸用龍

岡韻一首

閒說桃源無處尋多應只在水雲深周家谷

口山爲障柳老莊前竹作林不問主人來下

榻自開空館對遙岑昔賢觴詠稱陳迹今日

誰知萬古心

陽谿和

陽谿

春山久擬往追尋及到山中春已深綠樹幾

家依屋舍鳴禽何處變園林行經石磧聞流

水坐對柴門見碧岑暖氣醺人渾欲醉好風

時至一清心

喜陽谿見過二首

望美適來過春林響玉珂逢迎時態少宴語

道情多灌木生葱翠叢花代綺羅孰云人間

寂籬姐在巖阿

幽人邀上客上客契幽人匪自忘形迹能誰

不越秦班荆一語款修楔千齡春即事今猶

爾在心良已真

玩階前紅藥二首

紅藥謝家吟真能得我心
烟支繁蕊艷翠葆
密叢陰文耀天孫渚香流翰墨林芳辰恐迴
換醺酒坐披襟

天花不落身時藻亦堪親
彩旭蒸紅苞香風
汎綠蘋宜沾洛浦機好上華陽巾空與幽人
玩無言若愴神

陽谿和

白髮每沉吟紅花憐壯心
南風動香氣午日

長安

中

六

轉清陰知汝方新艷陪予在舊林
當階獨對
坐寂寂抱冲襟

兩地花同發賞心遠所親
嫩紅開艷蕊濃綠
轉晴蘋縱有杯中酒其如頭上巾自知非美
好何敢問花神

閑居

山澤老仙形貌臞性情已復鴻蒙初
春風下
掃蔣生徑晚日上懸薛子車
庭樹圍成九華
帳園葵壓倒雙白魚人言此景是圖畫可有
丹青畫得如

壽西谷翁

南山彩翠合晴曛石樹高筵擁夏雲
綠鬢地
仙塵外賞朱陵天宇座中分花迎玉笋
鸞雙
下月引珪筌鶴一群莫惜千金酬令節
九霄
靈景盡輸君

宗正諸公見訪林園賦此奉酬

轍迹門如掃楚音徑始通
春歸芳草外夏轉
落花中坐竹諧三益觴蘭笑屢空清和在嘉
樹巾裘襲微風

朱弟蟬聯者翻爲隱逸人
尋幽多暇日延賞

長安

中

七

共芳辰芍藥開紅滿蒲陶蔓綠新
知非適俗
韻聊可侑杯巡

棣華軒喜雨共酌和弟韻

春晚坐芳閣緋英帶雨零松帷全湛綠
嵐嶺
半含青方此一杯晤者然萬慮冥世蹤誠已
遠樹裏戶常扃

乾石作

難逢三月雨春暮喜能零潤染花間綠光浮
杯裏青煩罷淨浙瀝澹爽豁沉冥一與雲華
暢軒窓敞不扃

避喧

煥衰年不自禁獨携形影向空林北窓時
有涼風至窮巷應稀熱客尋徑轉碧烟當樹
盡簷推青鸞傍溪深半生奔走嗟塵迹垂老
安知悟息陰

陽谿和

向來仕路熱難禁涼意於今滿舊林笑我閒
心寒自在愁他俗眼冷相尋綠樓樹底風偏
好清淺溪邊水不深欲往舞雩間道妙願操
几杖坐松陰

謝鄭明府四月八日惠燕北谿草堂

風光歲歲有清和人事無關可奈何太守惠
時弘燕樂群情含景効謳歌琴邊流水穿林
細車上亭雲在嶺多莫羨梵筵酬佛節豈勝
文酒笑顏配

庭樞盛開酌言賞之

岳白猶能玩物華安樞一任野庭遠無心富
貴朱丹滿出世文章翠彩加絳帳隔叢看是
霧金樽浮葉爵成霞時人莫漫誇奇麗不比
初移入漢家

和陽谿由雀鼠谷遊綿山見寄之作

雀鼠通綿道龍蛇隱晉賢唐宗巡幸到燕宰
和歌旋覽古君能上生今我不前終慙濟勝
具欣觀遠遊篇

陽谿作

落日山川好臨風披素襟人家依樹合野廟
帶雲深雀鼠思唐雅唐玄宗常幸雀鼠龍蛇
嘆晉音介子推從亡晉文公歸山平生多感
慨懷古獨關心

和陽谿謁介子推祠

九

從亡將義盡狗祿本無期世網捐予挂天功
任爾為焚山恩矯害誓水信成疑自是君侯
謫長留古木悲

陽谿作

蒼蒼綿上遙松栢滿山椒古廟今猶在遺寬
不可招乾坤留舊跡陵谷變前朝斜日西風
起林巒自寂寥

五日山中

端陽百忌古遺風總與山家事不同麥飯初
嘗南畝熟松醪獨撫舊游空徑尋藥草無媒

到路絕桃源少信通定是鬼兵嫌寂寞可能
千菴白雲中

贈賓卿省齋劉公至慶邸冊封

聖朝淳典樹藩屏玉檢金書下闕庭信節宵
征卿是月文躍西指使爲星河山快觀臻奇
麗袞冕欣承布寵靈歸奏傳車還迅邁望中
雲遠路蹊青

郡城新覽北樓奉玄武像而下築臺建
五丈旗壬申夏陽谿君登眺有作余倚
韻和焉

樓雉

十

十

樓雉山河信美哉鬱葱光采若浮來地憑玄
武標爲閭人道凌歊別有臺守國已成千載
固當關寧許萬夫開時清翰侶能吟眺拂檻
晴雲競護陪

夏日園居十首

田里無他累惟應野務牽荒開三畝廣小結
數椽偏種翠庭前栢栽紅沼上蓮坐看芳意
永況是日如年

宿世稟山綠居今遂復然城當半邊嶂郭負
一區田得米如官俸賣蔬充酒錢生無富貴

相處此足餘年

平子賦歸歟貧居每晏如憇陰憑屋樹窺養
足園蔬官號益人說醫方喜自書猶多著述
意臨晚獨躊躇

寂居消永夏多是北窓眠涼氣清全得衰形
懶更便山林云尚簡性行規成偏五柳先生
在吾當弟子員

勞生不自意垂老得安眠習慣平生慣栖幽
野性便衣思裁瀑布杖擬挂苔錢莫道曾爲
吏非才只散員

龍岡葵臺員字因再綴此

樓雉

十

十

避暑無餘地乘涼有一枝西山來爽氣東沼
送冷颼意曠若懸解境開如網披雖慙列禦
術已與鶴鵲期

豈無園中葵使我心不爽居士蓮孤秀先生
柳靜垂嵯峨夏雲變掩苒秋露滋坐見憂成

老佳人不可期

古今成獨往多是背時人蓬藿迺空寂魚龍
托隱淪自寬行帶素臨老坐垂緡不遇知音
者當隨秋草湮

安予蹇劣分守此丘中園端坐日方永寒隣

時勿喧新知鳥鳴樹舊想羊觸藩微尚果初
諾願言良已敦

避喧且形役止影方息陰林竹箴蹊暗巖雲
蓋屋深誓將玄處默寧用陸嗟沉怪是人蹤
滅幽居自寡尋

賀西臯新第

侯家高館傍高城樓雉烟霄翠袞橫不信天
宮移陸地已教人里得蓬瀛花攢玉樹分庭
秀石累瓊峯鎮宅清怪底微風來燕雀杏梁
朝日好光榮

海補

申

十二

壽龍岡翁六十

泰鈞鎔品百年身好景先收六十春書類賈
生才最茂民歌召父吏尤循歸田見早緣知
命入谷嫌遲爲養神奉壽却關明日事歲華
從起一元新

立秋後九日壽趙陽谿

壽君卮酒莫辭推勝日冲襟要好開駐命可
將彭祖並交情欲挽晏嬰回承明署裏三能
入背郭林間數肯來信得道高隨處樂碧天
秋爽正登臺

宗尉東臯釋禪爲拈一語奉慰

思親信斷白雲鄉讀禮空驚歲月忙日落動
搖風樹木春深消卷雪衣裳琴雖入響神猶
淡燭已成灰淚更長自是孝情終不得只從
王制表皇綱

坐笑一首

計返空林十八年不言平地少神仙寥天對
影雲常白靜夜同心月好圓萬卷付教兒子
看一杯畱聽老翁傳笑他腐鼠雄鷄腹曾嚇
鴛鴦過耳邊

海補

海補

十二

喜雨二首呈鄭明府

兌郊雲疊幕弦夜月彎弓占望田家舂神明
東子通土龍潛逝水石燕亂翔風九里奚爲
潤回枯萬有同

旱延三伏盡澤應一壇祈天意嗟如此民生
尚可爲苗稀看晚秀雨已望重施非賴昭明
信穹玄叩豈知

擬古五首

富貴不可極氣勢不可殫苟不烟損益必有
異患千天道惡高盈人道惡險難所以賢達

士惕茲倚伏端時來固龍現善守還閉關結
綬豈久牽塵冠聊一彈惻愴東門恨淒戚華
亭歎懸車保餘榮覆舟傷急湍春風二三月
花樹滿長安花樹豈無枝珍此谷中蘭谷蘭
人不采幽香長不改

我有一端綺華彩郁天章中有雙飛龍曜靈
含景光被服參兩儀萬美羅中黃我有一箱
藥軒岐遠傳將烹鍊按文武性度和陰陽服
之清五內六腑凝馨香揚芬群方悅吐氣獨
不祥百神來拱護壽命永遐昌二物世希有

靈藥

申

古

什襲而珍藏思遺我所懷曠野莽蒼蒼煙霧
截短翻山海絕梯航絨情以終老橫素勿復
道

高槐揚遠條垂陰君子堂劃若翦空翠而爲
頂幕張玲瓏逗華月微漏皎日光盛夏赫脩
畧端坐此中央好風自南來瀟灑流清香歔
蒸一消散神宇湛新涼點眇紫霞想振珮青
琳瑯我思嘉樹德不滅召公棠何以相報貽
保此萬年枝

霜露一以溥鴻鴈東南飛奈何遠遊子不來

虞重關孤白足禦冬不爲遊子衣梁肉足饜
腴不令遊子肥短布適無絮薄珣恒苦饑豈
無致身具天命與我遠豈無平生交相我如
死灰石田難爲耕銅山亦易噴清水難爲漁
鱖海亦易夷人事有往復神理疇能窺生當
異其遇盡則同所歸薑桂懷本性辛苦終不
回我歌式微歎以解我憂患

西方有美人窈窕遺世紛何以喻顏面丹霞
和白雲何以喻儀象神雀五采文揚聲諸玉
律吐氣梅檀薰管處理臺室愿將巾粉群肉

靈藥

申

古

眼不能視俗耳徒相聞詎知冰雪子天地同
網緼我欲倩青鳥傳之聖明君靚裝盈紫宮
遠道難爲通

緩歌五言

秋氣著桐竹果添林壑清碧光流枕簟朱火
散欄檻端坐語言點緩歌心性平學仙無早
悟歲晚或能成

七夕二首

金鷄起吹河漢津夾岸相望空水銀虹貫鵲
梁通絳節驚飄璿宇駐香輪楚宮雨落璫姬

夢洛浦煙銷羅襪塵不似雙星長此夕清容
俯渚歲相因

山中無曆不知時七夕俄傳尚有疑遠戍豈
嫌瓜節快衰翁惟願火朝遲鑿開渾沌心猶
憐生長昇平命越推欲向夜深求化術攬衣
顛倒拙言辭

空谷篇招隱

少日故人今漸老岳白尚能超物表幾人躡
翼墜青雲幾人走馬長安道幾人齋志入重
冥幾人棄冥如蒿草君家住在王山岑我亦

空谷

中

去

因家琪樹林除却鳥飛人不到夜來惟有月
相尋歲晏山空孰知已與君交又識君深幽
興多耽水西寺廣殿長廊時一至七寶香林
短塵揮五銖文彩雙童侍愛僧不愛紫衣僧
梵音覃討蓮花字平生著作數千篇篇篇都
帶紫霞煙文章雖好命不達坐見吹竽勝阮
越二十五絃彈向誰曲盡天空心惜怛沉火
蘭秋憶故知卜居非遠亦傷離何況迢遙隔
南浦屬書阻絕衡陽酒我歌綠水要君和我
携鴻覽要君披君獨何爲滯空谷白日逾往

南馳

贈別馮益川憲使東歸

采絲之直玉壺清白日誰能表至精延閣却
令董子去懸車終保薛公榮笑看止水無波
浪愁問高天有利名仙嶠爲家山海隔飛鴻
杳渺不勝情

雨中留陽谿二首

結軫欣君至迴策非我情僧宿良有待淹留
豈無成空齋暝雨色涼葉應秋聲正此連林
夜仍當秉燭行

陽谿

中

去

纖羅畏朝露况值秋雨繁好最尚書履聊窺
仲子園厨人東濕爨林鳥助歡喧延賞獨多
趣無將負綠樽

喜呂山人至

然諾心同金石期海天無爽再逢時域中歧
路誰能定方外神交自有知白鶴下庭雲掩
丹青蛇出袖月離披秋空一嘯生靈籟還把
江樓玉笛吹

八月十五夜邀呂山人呂太傅同弟
明令玩月

如空水樹交加中有仙人玩月華共勸
輪期緩聯久凭文几當浮槎涼光玉瀉千莖
露瀨氣金生九鼎霞看到纖埃無著處喜傾
珠斗醉橫斜

酬鄭明府見壽

一自遭逢太守賢山林無事不安全感聞穉
子青燈下耕視農夫綠野前柳巷樹深鷄犬
靜荆扉人悄薜蘿延今朝又見敦耆舊垂問
丘中草木年

生日酬親知作

坐驚涼露灑庭枝又是中秋月缺時六十八
年嗟短夢百千萬里悵佳期面容黧凍冠簪
懶筋力衰微拜起遲不負上天逸老意玉鐙
猶款對親知

酬郡博宋伴蘆先生見壽

費宮新拜我師賢經治蘇湖道始全美錦製
成花縣後青氈鋪向杏壇前諸生聽講洪鐘
扣東閣知名東帛延猶念老儒同氣味摘將
瑤草慰殘年

從呂山人處觀東巖唐公所贈詩因憶

公之雅致有古人風

爲官不過二千石歸向高巖冥古心每把浮
雲看幻化多將啼鳥伴閑吟國君憑戟門長
閉山客栖禪步屐尋近得赤霞人信息知君
遠寄寄孤琴

題潘國好學敦倫冊

洞圭光日月帶礪誓河山匪自貞文德何由
慰聖顏恩覃九族外書下十行問華衣榮
增倍褒綸禁裏頒

殷宗勤典學唐帝篤恩倫百代皆時憲今王

集

卷

九

總日新令聞賢掩貴嘉獎義先親陪德情何
許遙遙捧玉宸

雨懷呈呂逸人二首

歲晏人逾老秋深草木知擁階黃葉盡滑屐
綠苔滋永漏仍兼雨窮愁未廢詩宜言總悽
斷况是鴈歸時

昨雨復今雨佳人期不來無車泥斷道空門
酒盈杯點點飛鴻影蕭疎掃葉堆自非三楚
秀誰此賦悲哉

九日奉和慶成王

州府重申帶礪盟嶽宗真啓聖賢生修文五
緯光天德秉禮三綱樹國積壽域喜當佳節
蒞福旌欣與泰階平黃金采采花無數總有
千秋萬葉情

九日登北城樓呈鄭明府二首用韻

九日相期何處臺高天渾可白雲杯三湘舊
說登樓客五馬今逢作賦才露菊冷香當席
放煙嵐晴彩傍城開邇來不柰塵容慶廖廓
披襟遂爽哉

登高不用羨南溟酌菊簪萸也自馨山積暮

寒暑

合

主

霞橫遠靄潭明秋水湛虛靈飛樓半閃牙旗
赤伏檻平臨望眼青勝事更宜闌夕待真人
聚處有華星

九月十日與呂山人小樓續眺

自憐佳節每蹉跎喜子今來共笑歌三徑就
荒花未減重陽雖過酒還多樓若小隱虛公
狎水寫長空木葉波欲倩白雲留鶴取與參
黃老住巖阿

和呂山人山房話別三首

逃祿遙同仲子廉無愁贏得黑鬚髯近居霞

海玄蹤別歷覽雲山逸思添渭水韜鈴白
秘漢庭詞賦力能兼我家苦竹寒松徑歲晚
重來意不嫌

鴈鴻飛盡滿霜嵐江客懷歸勢欲南在館白
雲猶自戀離亭紅樹可誰堪長裾厭向王門
曳秘檢思登禹穴探莫是故鄉成獨醒也應
回首竹林酣

白葛方巾紫領衫五湖烟水一輕帆清酣竹
葉同蘇晉妙悟蓮花似苑咸雲路懶登慙執
戟石田歸種樂持鏡相逢忽漫相離別知向

寒暑

合

主

南明第幾巖

猛虎行

南山多猛虎北山多豺狼昏夜呼號出深莽
白日恣睢大道傍同生往往葬其腹唇吻爪
牙逾奮張勸君得坐且高坐惡蟲行處不可
過往年帶劍還入山比來市中常取禍不聞
枯柳啼寒鴟正是陰魔弄火時憑誰蕩掃妖
氛滅借取周郎箭頭鐵

壽呂礪溪先生

功張文昌

清時吏隱在王門邸舍猶看松菊存菊葉

齡千片撥松英擣藥大丸吞陪鸞月上承華
蓋設醴霞流獻壽尊試看此中饒宴樂何慙
彼美容梁園

題老僧衣菊用呂山人韻

花神亦愛水田衣披向寒籬澹晚暉淺絳乍
經玄露浣深黃猶惹碧霞霏三天靜影開襟
度五蘊空香繫帶圍怪底柴桑忒珍重多因
古錦世間稀

枯魚過河泣

朽索貫枯魚枯魚銜索朽始知貪釣絲誤落

漁人手

春江引

江水碧如靛卽舟疾如箭看盡渡江人妾心
君不見

估客樂

前船載蜀錦後船裝廣葛中船有莫愁不畏
風波惡

夜聽落葉思呂山人旅桐竹山房二首

空堦聞墜葉寂歷如有人出戶曠無觀
還自親怯寒思擁絮燃火念窮薪老病

已開宵獨愴神

木葉下庭盡蕭條秋已闌高齋守空夕獨寤
生微歎隣杵月華淡野鐘霜韻寒無令望鄉
客併此結愁端

聞達泉公將去郡悵然有作

太行官路總摧輪白日浮雲更愴神襲石堂
明懷玉士吞羶焉辨飲冰人卜居身外從詹
尹歸去山中問許詢官不過時功在郡德碑
畱取對蒼旻

和甬東嘉樹園畱別

相期共度紫芝歌忽賦驪駒奈若何客路曉
霜孤劍盡家鄉春水片帆過鴻離絕嶠書應
少鶴暝遙天夢定多誰謂遊虛能不問悄無
心賞在烟蘿

贈呂山人自汾之路

橫汾一歡宴歸緒過寒流匹馬臨高岳群龍
滿呂州好賓梁苑盛作賦楚才優春草應雨
帶王孫此舊遊

姚江陳生隨其師呂公見訪以詩畱
依韻和酬

負笈從師自德鄰遙天空谷且相親霜深路
葉通樵逕水冷衝煙過釣濱五字瑤華投分
定一燈蘭彩晤言頻淹畱願借陪幽寂其柰
青雲路裏人

題蘭軒太霞閒宇

層城翳華構窈窕居蓬山几閣橫林際琴書
滿窓間情涯秋水遠神宇太霞閒叢桂攀援
處幽人得往還

齋居與甬東

野鶴本閑適深松處處宜蹇予投老地要子

海集

命

五言

歲寒期郊舍分薪大家童煮粥糜淡中應有
味靜裏復奚爲地閑征蓬覺天嚴宿鳥知龍
蛇保貞固蒲柳任先衰窮巷扃扉早空齋擁
被遲曝榮雙鶴繫袪慮一鴟夷談世已捫舌
說詩惟解頤昔人招隱士所隱寧若斯

雜詩二首

歲華一變颺成冬落木高巖吼白龍劍客不
知天地閑欲窮山鬼試寒鋒
陰風吹起白茫茫無數亂雲生冷光最是水
深人莫度惡溪窮處滿豺狼

送歸客五首

清如哀玉直如絃置在荆門古道邊白日曛
光渾不見竟誰知有後車賢
酒中九劍不成歡倍覺離憂別有端去國傷
讒誰不痛登山臨水淚闌干
結綬牽纏脫却閑竹冠泉履步雲還青山自
沒緇塵到只擁烟霞坐樹間
去位正無慙柳下入山應不愧孫登世間在
苒知誰是且喜霜刀斷葛藤
郊園春酒襲芳菲正是陶公解印歸笑看無

海集

命

五言

心雲出岫儘教籠鳥拂林飛

壽伴蘆宋先生

世路難將玉珮趨雍容還學魯中儒傳經心
與先師印講德身爲達士模石室舊山橫道
岸古壇新雨點寒蕪華辰藹藹天文應南極
垂輝滿座隅

壽柳川宗尉七十

東海記籌登七袞南山醴酒壽千金無疆德
與年俱邵不老身將世共泮松下瘦容瞻鶴
立竹間清響聽龍吟分明谷口仙人住門常

天潢一水潯

雲翁壽日

前身應是大羅仙，妙解圓中玄。又玄神室坐，盤金鼎氣天。風吹徹紫霄煙，麻姑書信潮。能達王子音，塵鶴與傳南極一星同。壽域耿垂光彩到瓊筵。

壽仲川宗正

蓬萊宮裏萬年枝，瓊雪皎然姑射姿。九曜翠螭回薄處，三天青鳥下來時。光摧玉軸圖書府，香灑銀潢翰墨池。世上但聞仙葉貴，不知

兼美在文思

題鄭君秋香玉兔圖因以爲壽

世間何物長青青，獨有月中之桂願兔搗藥和精靈。邇來十萬八千歲，丹砂金粟玉英璫。瓊華天庭康成之後，儒門彥弱冠思游廣寒。殿巨斧雖懸百鍊鋼，高枝竟阻三秋願。却剪生綃畫得成，意匠巧妙能經營。麗藻紛紛綴凝碧，奇香冉冉流空明。兔亦迷離不忍去，蟾亦連蜷不肯傾。靜玩瓊樓隔瑤水，動觀景落冰壺裏。一段清光說向誰，無始以來只如此。

元五十顏鬢蒼，見圖猶欲天衢翔。我持大觥一杯酒，勸取日月高奔方。日即金烏月即兔，弄月豈愁攀桂樹。試濯雙丸丹井西，應晒嫦娥偷藥處。

立春日偶書

門前枯柳凍初消，便有和煙四五條。何事世間還冷眼，陽春應不上眉梢。

立春次日爲東明弟壽辰得詩二首時嘉平廿四日也

同生太平世，俱作背時葳。比翼青雲短，連枝

紫樹長歡

延臘月

主

紫樹長歡延臘月，釀夢發早春。塘更得南山翠來添，野席光

日月光華旦，家庭宴喜時。兄誇能擊壤，弟逞善彈碁。舊臘銷詩帳，新春櫟酒卮。只應除老病，無樂更如斯。

題東臯翁隱居

選地桂宮餘，結成蘭圃居。仙裁象蓬闕，野製學田廬。樓榭丹青入，房櫳翠綠陰。陸廣堂凭几，正曲檻步欄徐。玉女調香篆，青童侍寶書。微九緹，慢氣朗八瑤。疏人俗，喧中斷天光。

裏虛德幾形妙有神檢秘玄初汾水紆堯駕
緹山繫帝儲安知戶庭內宛已得真如

壬申稿終

文谷漁嬉稿 癸酉萬曆元年

元夕寶善堂燈宴二首

海上三山縮地來金銀宮闕倚雲開玉繩光
轉燃燈夜寶鼎香籠散月臺花樹萬枝春冶
秀筌歌一派漏壺催仰觀河漢長無極欲與
君王注壽杯

新年佳景屬賢藩玉燭調和映上元天樂夜
懸雲彩度文杯春寫月華翻王同在鎬歌魚
藻客比遊梁賦兔園共道國風流化美紛紛
燈火未須論

漁嬉稿

卷四

一

小堂燈集用韻二首

春燈一歡宴伎我生醢顏龍騎來霄漢鸞車
轉珮環賞真情不極照寂意逾閑孰是向隅
者同嬉泰字間

上天岳淑景元夕盛燈筵綃晃鮫人織珠
龍女懸煙花噴作柳火錦簇成蓮玩此無
眩惟應玉洞仙

仲春郊行

芳草東林二月萸百錢沽酒杖頭携杏花村
館遙堪問桃水人家近不迷青鵝腰升群水

上翠微晴閃半天低此中寧惜山頽王已許
春風醉作泥

題竺陽館畫壁

客路悠悠何處歸不堪塵土散征衣蕭條舊
館餘空壁悶寫寒松黛一圖

懷古

嚴君賣卜成都市太守憐之勸作官笑道達
生貧自足莫將危險換平安

敕律歌二首

老余馬弓虺隤寒余駒弓遑迴心營陶弓白

漁翁

卷四

二

日晚野茫茫兮安歸

我馬老兮玄黃我駒駕兮不行日已晚兮心
鬱陶長太息兮野茫茫

兒階入學陽谿君有詩見教倚韻奉酬

喜看一脉綴斯文却恐趨庭學未勤放犬豈
知慙白日懶龍終餒奮青雲中陽令範西河
接三署英聲四海聞願借光風作時雨灑開
桃李徧吾汾

三月三日宴集玉龍岡洪西別墅二首

小築依岡半長林帶浦斜翠浮魚戲藻紅蘭

行花會以群賢盛辰因上巳嘉引流還列
坐併此醉烟霞

晉日山陰賞芳辰楔事脩遺文陳迹在興感
後時游細雨花含潤微風鳥弄柔命觴西澗
曲懽趣滿春流

三月十有二日宴集慶園西園爲叅知

紀公喜雨即席賦謝二首

東第移高宴西園就茂林雨餘花氣散池上
竹光深飛蓋霞如落吹笙月漸臨陳思不可
見清響盛於今

漁翁

卷四

三

名園邀客處花對紫薇即樹染丹青色雲霏
翰墨香流杯追上已改席送斜陽但覺情文
好銅龍漏自長

暮春山中一首

住山道士習離群問影扶筇祇白雲豹隱已
教人共得龍鍾真與竹平分橫花片彩朝來
看蕙草含香靜裏聞酌更堪微醉後石頭
高枕夢氤氳

落花

花開花謝本無心春到春歸恨轉深不見青

樹情芳樹紛紛紅雨濕羅襟

和陽谿春遊二首

樹下有微逕幽人時一行浮雲眞外事好鳥
若多情春氣蒸紅濕嵐光積翠平却疑仙分
少神境不勝清

微雲澹晴色飛絮捲梨花藥園畱春住蘭階
坐日斜輕身便野服爽口信胡麻貧里殊無
狀依稀似阮家

維暮之春陽谿君過訪藥園便畱賞酌
爲訪白頭人兼看紅藥新當驚溪陰老亦富

清溪稿

卷

四

洛陽春彩艷生花筆香霏漉酒巾無然輕賞
會流水帶芳辰

立夏後二日約柳川東臯礪溪園賞會

園林忽已夏綠陰生畫長幽居感時序復恐
變炎涼念當遯成老奚用空名揚是日天宇
開觸目滿嘉光花藥紛葱蒨禽魚得泳翔筠
簾蕩嵐旭玉水瀉方塘獨遊引孤緒情想多
傍徨投書速同調來此對華觴

孟夏李礪溪園游宴同柳川水南

平田北連青山郭別園西連綠樹村

藥散植後激澗果蔬繁聚雲侵曉竿
閣片雨斜陽映竹門杖策可能招隱士桂
枝誰不愛攀翻

蘭軒游河東廻奉贈二首

春草猶未歇夏雲已嵯峨齊心漢壽罷遊目
禹門多嶺疊南來路谿奔東逝波晤言懷物
表飛思灑烟蘿

回此金門步觀餘寶鼎祠汾陰存漢舊晉鄙
識堯遺水樹叅文幄烟嵐擁畫帷獨遊應不
倦歷覽故多奇

清溪稿

卷

五

贈西泉七十

厭將風露數豪雄且喜君爲七十翁頭髮尚
存多半黑面容常帶九分紅貧能樂道心無
累學不名儒義每通日暮會仙樓上醉獨聞
鷄大白雲中

贈紀省吾叅知擢陝西廉使

舊德畱棠樹新恩陟栢臺皇華從冀轉法曜
向秦開正色調網紀光風拂草萊呂刑中是
折漢典恤攸裁物觀通益日人蘇起鰲雷六
川行擢桂九鼎佇和梅引領情何極時時

上台

四月念七酌程山人生日山人寓此十度

一自旅汾陽十回春草芳詎云歲月易且喜
長相將天地爲傳舍而我俱行商孰是丹丘
不死畱舊鄉念子善淹泊嬉遊及時光孟
夏扇熙景初度屬佳祥茂苑坐蔥翠鳥弄餘
花香清和韻天籟絕出絲與簧生無燕頤食
豈有鸞駉翔若問駐顏術委已綠樽傍

五日即事呈郡守鳳池公

舊稿

卷六

六

五日沿風俗千門赴宴嬉纖羅裁碧霧皓腕
約紅絲首藉驕金勒莒蒲灋玉卮偏來承夏
令露冕出郊時

端居感時序麤景入烟沙蔥嫺光風葉梧圓
麗日花折葵香帶露浮醴暈成霞似是滄洲
趣平分小隱家

仲夏小村招飲

有美園中酌言携谷裏人連枝參玉樹列坐
滿清塵斂意在歡宴肴觴嘉慶陳息陰就繁
綠歲夏涼景新弟兄皆翰侶愧我非文寶盛

舍喜相接賽予非善鄰惟然含款曲掃逕期
載申

清夏嘉樹園二首

投老遂忘年兼忘區裏綠力疲南畝藝時借
北窓眠樹影雲添重池光月抱圓嗒然吾笑
我所守一虛玄
息陰清永夏稍已愜幽園鏡寫圓塘潔帷褰
直木繁倚窓成寄傲拋卷似忘言身世何其
曠空林獨掩門

題西齋新宮及園林二首

舊稿

卷七

七

廣厦肅高明長廊嚴序清調銀題榜正琢石
砌階平賓榻華榱蔭庭柯寶樹榮惜無文考
筆來賦魯宮成
林園多逶迤臺榭復參差種竹開三徑栽蓮
鑿二池綠槐邀對酒紅毯坐敲棋觸景皆成
樂惟應費好詩

嘉樹園自題

白榆天上樹移植此庭中茂對三槐表綢繆
綠玉叢瓊材得所庚堂復希棟隆清華結虛
翠湛淡神宇空映日文成采含采散烟虹炎

景薄不入氛埃安可通自從息陰來形影歸
鴻蒙堅貞謝先伐朽老依鬱蔥樹與人俱隱
誓當保玄同是以名吾園署余曰園公

觀書蘭雪堂作

湛湛嘉樹陰肅此幽蘭居坐愛綠光轉清氣
滿庭虛心目淡成洗稍覽道進書陳言久牽
綴疑網當見除卑高群品序安用矜鵬鷺野
性好閑適幸自返林廬無欲以觀妙俯仰真
晏如

新葺南隅書舍題以示偕

漁好稿

卷八

八

宅邊亦有塾別復尋避喧草屋資南里喜臨
高樹垣塵蕪久荒翳可以象蒙昏即新聊化
腐就簡特刪繁居此豈蕪息束心攻討論文
筆日芬紉理解暢靈根賢路自天啓青雲開
九門良才無窘步遐舉成碩言卓爾廣川生
二年不窺園陰岑下帷地大業早已敦

睡起即事二首

六龍誰遣繫長繩脩畧沉沉睡不勝起對南
窓更多暇拈將拂子獵飛繩

鶴避茶煙松徑斜竹爐往往廢烹茶炎天病

渴無金露自挈冰壺汲井華

避暑嘉樹園有序

園門晝扉日影交樹綠陰下布若積水
之方澄清氣空涵相流颺之始汎白雲
康老容與婆娑啜龍井之茶耳於中聖
卧虎丘之席適以遊仙即事興懷詠言
賦志云爾

大熱猥難禦偃余嘉樹陰霏微定光轉寂歷
煩景沉展簟適遊夢淪茶成洗心清言無與
晤獨此抱閑襟

漁嬉稿

卷九

九

宗老南川翁八十

生長太平世優游八十年守文承五主秉禮
冠多賢玉珮踈朝請金章少拜遷食饒封邑
賦用足水衡錢好植淮南桂欣耕綿上田門
前車滿駟座裏客常千祝慶移山岳邀歡沸
管絃無論白日晚連曙壽星懸

癸酉大比送諸生入試

青雲有路待君行策馬須開第一程莫道杏
壇踈舉業且看桂苑擢文英隋珠可是投人
暗秦鏡方當比日明秋水接天成目送望中

高遠不勝情

壽柳川小村靜川

三十年前舊盞簪而今俱被老相侵白雲秋水心無事碧樹開庭月有陰南極光遙連桂席西山氣爽入蘭襟邀歡且共淹遲暮莫作芭蕉帶露深

與舊游酌池上

結交三十載間里羨豪雄老去心猶壯閑來興故同蒲萄漲杯綠菡萏襯衣紅炎溽紛銅散清微得遠風

漁隱稿

卷

十

謝慶成見惠水晶蒲萄

漢苑蟠根厚梁園引蔓長芬榮張翠幄津潤灑銀潢結實成珠綴含滋醞玉漿龍鬚風裊細馬乳露凝香百果推前列三花避後行玄猿爭獻得青鳥獨銜將布德枉瑤札分情下筠筐捧盤驚的礫收籠重琳瑯瓊蕊回顏悴金莖灌頂涼何如一咀此五内生靈光

觀蓮

在塵離染著獨此池中蓮翠蓋承香露紅衣蕩彩煙負文還自歛濯質向誰妍幸以拈花

會持將一法傳

對紫薇

瑤光布其彩燦爛華紫薇秋圃見棲托晚齋成蔭依人殊省閭對事別山林揮筆共青霞賞井隨碧草排

觀魚

圓塘開皎鏡鏡裏看魚遊空與色相映天將水共浮濠梁非結網嚴瀨且垂鈎愛爾恬生事偕予樂行休

看芭蕉

漁隱稿

卷

十

舒卷恒如智芭蕉信有之含章初曲折展采漸離披風動青鸞扇雲飄翠鳳旗空林無冊簡幽悄借題詩

詠蟬

蕭蕭流響夕陽邊露濕寒光思悄然自解冠裳挂高樹潔身應已絕塵烟

雨夜聞蛙

鼓吹池塘秋夜長不勝和雨聞蒼茫林居只道避喧好對此何殊在市傍

癸酉生日書懷時六十九

當時一往成頽波來日已衰將柰何月滿遽
看蟾兔缺林疎苦傷風露多家筵見壽紛起
舞社會舉醵還放歌荏苒世間各岐路稍便
遺佚青山阿

林間秋意二首

雨餘殘暑驀然收老圃平霞處處幽何事芭
蕉綠偏重只應添得許多秋
露滴翠盤水銀爛紅蕖掩映羅衣新秋光寒
冥火煙盡一似洛浦無纖塵

秋日下午帷偶書

一簾白日挂庭前靜影寒空思爽然誰謂韶
華老無分只消此景足餘年

霜月

霜月休百工丘中閑有餘身絀是非還境幽
昏悶除山童收脫葉然火作茶蔬茹淡復散
步逍遙遠林廬英雲冒層嶺華菊明脩渠蒼
苔積門徑鳥雀依人君吾亦安所止豈曰不
晏如

九日宴錢鳳池太守

佳辰萸席款心期却是臨高送遠時菊若有

情妍正色酒偏無力蕩離思題興異表山城
到別駕英聲海嶠馳極目曉天清萬里何人
不喜見鴻儀

九日登高四首

平霞高館嵌高臺四面華秋翠嶺開拄杖一
條凌浩蕩振衣千仞絕塵埃柳飄殘綠人將
老菊吐新黃鴈獨哀目送歲闌無可柰只應
瑤水白雲杯

望望高天積翠氛野烟秋水共氤氲登臺俗
應九華節把酒人欣半夕曛真逸可同陶處

寒峰

寒峰

寒峰

士善醅仍戒孟峯軍獨憐歲晏空林下一片
寒峰滿白雲

卑棲不解攀緣事今日登高與素遠梯滑詎

能安窘步樓岑猶恐墮危機沅淒淒緊驚黃

葉落日凌競下翠微回想龍山宴來客豪華

俱已付斜暉

碧海青天霜氣橫節當重九愛嘉名樓臺歷

歷携壺眺丘壑層層蹕展行黃菊紫萸簪芳

色絳泉落木帶寒聲脫冠揮手人間事幽賞

應非逐世情

懷龍池公隱居用見題文苑清居韻

穆穆王文子寥寥汾上園雲山開竹室烟
入蓬門帷下潛爲董臺中嘯是孫功高身不
宰時詘道彌尊心密稀形跡書回抵悟言兼
蔑聊可望夢寐詎堪論老態君知否黃綿借
日暄

龍池題文苑清居圖

三賢佳選處山水載名園沓嶂分王屋飛泉
割禹門雄材真國史瑞命老王孫未就東山
詔重開北海尊絃歌俱入律桃李總忘言自

漁隱稿

香

南

惜芳辰阻誰將幽意論思君不可見燕鴈共
寒暄

雪中遣悶二首

歲暮嬰情獨多慮不勝寒雪槿園西青光汗
簡臨眸眩黛色好山當面迷作翹幸成消悶
酒爲鹽喜和禦冬蘼柴門怪底踈形迹天地
閑藏人解携

拂林瑤雪灑寒梅一片清光失草萊恨不賦
從梁客授思將曲和郢人裁樓臺鮫幕層層
展山水銀屏面面開又似粉霜篩月窟亂

上眉滿塵埃

送趙陽谿起復

彈琴適成聲改服情淡然報國有嚴程墟中
寧久延晨裝袂將判戎途旌已懸密交多慊
款離緒方見牽何以申錢贈願言保貞堅昔
叅省圖彥今漸上台躔鳴玉思比德整冠期
進賢文華廣經論出入備時銓利用在命鉉
曰余肱末侑

贈王老

空林踈往來誰與數晨夕賴有山中人葉深

漁隱稿

香

圭

投履跡一壺時共傾醉就寒齋息曉起還復
畱煑飯作糜食世難心已灰年高髮俱白獨
憐霜下松不改青青色

贈郭醫士視疾有効

初基學書史改轍攻岐黃金匱抽玄略珠囊
出寶方開山看種杏飲水遇長桑仁術多兼
濟醫師信已良

大宗正東臯翁登年七十

恭孝溫文事事真德符天瑞兩相因丹心
圖榮千石白首傳經富七旬誕日嘉平

應及時歡賞慶筵申庭森玉樹尤堪羨
枝枝擁大椿

西瀛年丈登年七十

榮期遐景在君邊且喜今登七十年閉閣白
雲辭俗客挂冠青瑣托神仙清光臘送瑤林
雪瑞氣春生寶鼎烟總是令辰嘉樂處南山
歌吹遶華筵

東明弟行年六十宴於棣華効成相語

孝弟力田卒不逢豐年被褐懷王蘊真誰爲
傳出門遇雨踣泥旋入山愁虎豹和光混跡

流堪稿

卷六

七

依人烟熱不投曲木下渴不能潦水邊頂禮

白雲希神仙神仙憐我苦探懷取藥授二圓
一圓與兄噉一圓與弟充壽筵云此是上藥
炎黃擣治日月煎醇滋入五內嘉生滿盈害
氣燭後天而老崑崙比有弟花甲之一週兄
多弟之十年自今服之倘收効當令棣華左
軒棣華右軒媿美茅君朱陵之洞天

歲晏感懷一首

鬱鬱苦無棕沉沉自傷意庭昏積霰凝鐘時
榮微闕觸物少光輝抱形獨多累于役始

跼歸耕復樵悴稍停波上舟寧弭隙中駟山
澤日益臞桑榆豈遐寄寢興遠往規食飲背
常次恃粥屏葷羶厭酒罷觴解晝短方困眠
宵長覆忘寐久知老境臨不謂馳焉至大壑
笑藏舟洪流惜川逝推遷理固然徂景奚足
喟點眇向無生凋榮兩消索

流堪稿

卷六

七

文谷漁塘稿 甲戌萬曆二年

歲初拈筆

甲子周來又十年老夫幾已是神仙世間荏苒渾無著方外逍遙略有緣海運鯢魚壺腹裏山生芝草鏤頭邊爲漁爲圃非爲學剛曉南華第二篇

元夕

銀漢寫天空玉繩牽夜永庭虛華月流輻奏春燈耿徙倚澤中臞婆娑照孤影歡遊事如昨衰健今難併聞樂忽成悲臨觴自爲哽含

雜稿

卷一

工

心煙紛紛達曙誰能整

雲川和

青玉五枝燈曲瓊懸夜永高堂邃宇間一刻千金景火樹汎光華銀蟾流素影燕歌宛轉齊楚舞聯翩併長笛韻悠悠洞簫聲哽哽上公非賞心此夕其誰整

喜雨十韻呈華山公

省歲春維暮含生化欲時言興憂旱惻載始望靈祈明信無煩禮幽玄有洞知石雲占寸合膏雨應全滋野色浮新綠埃容淨故繡雉

群嬉隴上鳩羽拂林垂豚酒奚堪祝軒轡自可隨萬畝盡南畝鑿笠滿東陂溥矣承君貺俄然及我私驩心眇難寄祇詠大田詩

寄懷陳抑菴中丞用見憶韻

德星移度東南永政日留棠此地春愛樹共思民社書多倚鴈鴻賓碧鷄金馬數文遍翠水瑤山結社新我欲往從槎在壑太霄何處可通津

抑菴寄

含育堂前桑已挺桃花洞口日增春閉門幾

雜稿

卷一

二

著潛夫草下榻常留孺子賓醴酒慙君念舊鱸魚興感我懷新冀天浙水相惆悵何日驅車再問津

讀湖南社稿緬懷抑翁

湖山佳處可誰知獨有仙群玉洞姿白社向來蓮作偶高林今與竹爲期留侯老子耽黃石角里先生愛紫芝曾是德潛光愈奮許教明主信康時

春暮聽西阜談遊武擔之勝

觀岳南還春較過猶言佳賞憶仙阿瑯霄下

磬流丹壑絳館瑤笙散碧蘿柳葉金垂魚口
線江華綠泛鴨頭波我家寒雪消繞盡曲水
無觴沂永和

園居清夏二首

芳草没行逕薛園新雨餘紅香散烟薄翠色
含晚虛路閣疑嵐嶺凌風寄蕙裾息陰聊爾
耳捨此復焉如

嬌青映階色繁綠展庭陰花下春餘幾鶯邊
夏漸深疾夷群品暢老盡二毛侵空谷無人
采幽蘭時一吟

清和曲

春衣換盡百花飛越羅錦帶飄晴暉晴暉散
作清和節梨雲柳浪融香雪清氣墮天濛雨
絕和光撲面煙霏熟玉勒驕嘶匹練曳蛾眉
巧笑千金折日輪西轍紅塵滅醉偃流黃月
華裂

四月八日即事

風土相沿佛日嬉北谿山杜古叢祠棠梨作
雪籠香索楊柳和煙颺酒旗藉草競分如錦
地攀花爭向最紅枝太平野老奚能默小飲

低垂白接籬

題崇文書院

瑤天玉樹總成行文苑金枝更結芳閨閨星
焚書葉燦臨池露浥翰花香鄭玄析理宣儒
術劉向脩辭表漢章宗主丁寧上秉義親題
銀榜重琳瑯

四月廿四作天真會於森樹園分韻才
字二首

徂顏久予感今日爲誰開喜動門前柳榮增
庭上槐陶嘉在三徑望夷得同來若道無名

欲天真任散才

銷憂事伊始沈抱忽已開香雨生紅藥柔飈
轉綠槐宴憑嘉樹下盟合素心來白首無天
伐何慙處不才

送李西渠通府署汾畢事還路

五龍高郡出浮雲一鶴清風借與汾月在冰
壺同亮采兩隨芝蓋下晴曛舊驛還守車仍
邁新館畱行袂竟分東望迢迢盡烟樹可勝
嵐嶺復氤氲

病起看榴花

抱瘵已空桃李月開顏尚及石榴華衰年定
得餘生幾芳緒猶期一日加艷采凝杯丹是
液繁英簇帳絳爲紗婆娑白髮慙珍樹莫作
仙翁弄晚霞

五日宴王相呂公二首

去日冰未泮來時花已紅奄觀時節換猶喜
宴言同佳辰適重午歸筵列芳樹相勸倒金
尊相歡贈綵縷去住得官閒恬茲散淡班君
王愛文學叢桂方追攀

驚心大化速推遷又見端陽一縷牽朱晝鬼

集

自序

五

符兵劫後青慙病草藥王前愁聞鶉鴉吟斜
日笑酌菖蒲助小年何事三閭厭入醉定應
漁父識其偏

詠山房紫竹簾一首

崔網久當敞筠簾今乍垂文驕青瑣額質勝
紫絲帷避熱飾朝旭延清逗夕吹瀟湘秋一
片惟許月明知

仲川輔國見訪樹園

槐風汎綠帶新涼橘火燃紅艷曉光遂見列
庭紆組練還隨飛蓋繞林塘谿雲不喜遊龍

駐山月仍愁別鶴翔豈是孔融能好客從來
載酒說淮王

翠虛亭

群木滿韶夏孤亭積翠芬色綠空自映香以
靜成薰簾展青瑤織書翻碧落文琉璃曉光
混無處著浮雲

六月社會

嘉月催教作會頻那能撫景不陶真平生轉
眼皆行路何處同心有比鄰止影樹園青簾
穩怡顏華沼碧筒新相看盡帶烟霜氣似是

集

自序

六

喬松隊裏人

觀謝樗仙山水畫障

謝仙圖海嶠神理浩無涯石壁表天翠霞標
逗日華浦長烟是岸村杏樹爲家絕頂千巖
小虹梁一徑斜

答方君見訪

久知窮巷無車馬誰信空林有足音好客如
從雲外至幽人却訪谷中深相畱麥飯慙鷄
黍自晒荷衣對絳簪問爲
先皇求道日幾逢青鳥玉山岑

雨後與鄭鶴菴酌亭上

客坐亭中好風來雨後清
垂簷涼葉振出沼
淨花明家食隨村野鄰
酣寄性情論交詎云
薄終以淡然成

七夕自解

巧節胡爲爾愚公拙復
蠟多應天上事不與
世間期烟道驕靈匹泥
塗老鈍姿鵲橋風未
耐鳩室兩翻宜真幻能
誰辨仙凡可自知蕙
樓紛玉案芸圃暗松帷
曙色催行速涼光助
寢遲瑟琴長在御鷄犬
亦相隨河漢原無望

何曾苦別離

西岡草堂

西岡草堂西澗邊窮僻
無如此地偏村語夜
高傳谷響鄰炊家少淡
墟烟傷心古木形容
老過眼浮雲歲序遷大
是野僧聊寄泊休猜
蔣詡默林泉

題先壟碑後

琢取青珉一片雲勒銘
爭得九泉聞山川有
意牛眠壟日月應閑馬
鬣墳呵護總憑翁仲
氏歸來時想令威君
燕趺蹲首蟠松路佳氣

長留紫翠氛

贈李劍州礪溪於生日作

半刺三年坐劍州一封
初服返林立巴山昔
兩西窓夜蜀國高絃
小洞秋名勸潼君青玉
案身閑漁父白蘋洲
地仙難老分明覺綠酒
醺顏映黑頭

壽柳川小村二翁

生長昇平代皤然鶴髮
翁宗磐良比石奕葉
自分桐珪組閑朝謁
圖書美會通買山藏
窈窕蓋屋結蒙龍學
隱真成遯叅玄遂解
空卧

遊黃竹外

會成

八

遊黃竹外坐嘯白雲中
顏駐曦和日身輕禦
冠風傳經續劉向作
賦擬揚雄嶽秀文兼
質天扶老復童華秋
屬初度高宴集群公
青鳥啣芝碧朱霞映
酒紅卜年椿共大延
景桂多叢今我將何
祝南山正鬱葱

王李時熟親知多所見貽賦此奉答

名園佳李冠時新百顆
爭傳席上珍帶露摘
來空碧樹含漿分得
冷瑤津金門漫羨偷
桃客蔥嶺還推證果
人欲報却慙無一物
擬收瓊藥雪中春

宴李別駕淵南於生日作

華筵不是等閑開要寫南山壽一杯題賦方
駢五馬去投簪早就白雲迴明農歲取芝田
熟課子時看桂苑材只此百年平地好無將
高起望仙臺

田園秋意社會作

萬木呈秋一葉先物華老圃覺澄妍芝英亂
點金花秀瓜蔓平鋪翠彩圓玄露正堪中夜
飲白雲能得幾人憐社翁來款長松下共對
西山氣爽然

總稿

甲戌

九

采蓮曲

江南采蓮女綠水芙蓉衣玉腕黃金約蘭橈
冷翠圍攀花恨紅淺愛葉怕珠微共蒂者誰
子薄游方未歸

奉酬靜川諸公見枉

祥飈吹下綠雲車却在山人背郭廬琪樹綵
毫連夕照鉤天韶響落晴虛盤收火棗花開
後杯寫金莖露滴初大是道緣嘉此會歡榮
覺與世間殊

玩池荷作

鏡光秋水沁紅蕖無限清華入草廬多露
知殘暑退微風尤覺早涼虛玉壺澈骨銷塵
夢金筍開心諷道書孤景自將成絕俗寂寥
誰問子雲居

龍洲公惠宴用韻奉酬

高筵華組拂涼開秋氣涼雲薦爽來碧葉芬
敷雙玉樹紅漿流轉百瓊杯堂中畫錦森長
戟座裏星文映上台只恐鴻飛宴闌後天功
久已佇鴻才

北野談老病多愁作此解之

總稿

甲戌

十

老來多病復多愁自是浮生下落頭秋到有
林皆墜葉雨中無水不浮漚孔顏樂處三光
並堯舜心田萬古畱細說與君君未信直須
歸卧酒家樓

寄贈張蘭池二尹

哦松大邑政優閑飲水三年帶笑顏道骨未
升從吏隱聖功將滿列仙班故人在野能相
問高義凌霄迥莫攀何日移車向州郡面談
秋水白雲間

呂山人來自上黨潘國諸王俱見存記

賦謝一首

高雲龍嶺護雄藩東望岩峩不可援好客每
開叢桂苑題詩多在綠筠軒南金擲地聲全
振秋水連天氣欲吞本自

聖皇隆大雅最宜文德滿王門

上鎮康王

西瑤玄館布瓊章散作卿雲五色光寂歷暮
山渾照澈蕭條疎樹總含將鶴諧亮節笙邊
舞魚樂希音鏡裏翔獨是七襄無可報太霄
頂禮意徬徨

漢書

會典

土

八月十五日喜雨東至二首

中秋今夜月萬里故人同遠駕心如許前言
事豈空暗枝翻喜鵲明水下遶鴻促羽金波
駛高林聞曙鐘

中庭華月滿左界銀潢斜下馬南州客開尊
北海家青囊近瑤藻玉陸噴金砂賞會歡應
別攀畱思更賒

八月十六日和甬東見壽之韻

既望生辰七十年停杯自笑月明前容輝漸
是今宵耗營魄剛存昨夜圓絳縣山人林下

老赤城霞侶座中仙相將且作陶然計誰把
盈虛更問天

壽西谷翁

朱門先達道爲尊白首論文夙好敦祥旦欣
逢三月麗芳筵茂對百花繁盤中果薦瑤池
熟袖裏書傳玉洞言帝胄有仙誰得似只應
王子在蓬崑

西臯宅陪宴節使龍洲公賦得中厨出
豐膳

中厨出豐膳延此文翰賓露氣潔高天日華
明珮紳諸生咸列坐藹藹席上珍秀藻布芬

絢光香凝翠茵金尊數斟酌絲竹催轉頻俄
景見卿月垂輝荆與榛嘉招具今夕歡樂難
縷陳

社會分題得中秋對月用高字

盈盈皎鏡晰秋毫自是孤懸碧落高映樹滿
潛流玉藻橫河一水抹銀濤明光白地衣裳
冷遠影空闌夢寐勞寄語社中來共對皓華
堆裏絕塵囂

和甬東園中偶步韻

涼葉灑天籟惟應靜裏閑幽人在空谷誰復
眼中青散步巡叢桂浮蹤笑聚萍知素素心
者無慙此山靈

酬呂山人見題蘭雪堂二首

幽蘭空谷秀白雪陰岡屯湛宇攬香絮清魂
欲飛離懷人隔瑤島有酒閒玉尊終日坐沉
默竭來方與論

一丘聊寄泊歲月稍已深漸少適俗韻猶多
求友心土花沈屐迹風葉滿庭陰不有同懷
侶寂寥方自今

卷八

集

七

貞節詩爲林臯姊太君作

名與節相因蓋棺評始真神霜冽孤操娥月
皎同倫桃落車猶肅鸞飛鏡豈塵寓形誰不
朽只有栢舟人

荅林臯蘭軒雨中見過

昨雨復今雨蕭條秋氣深半黃生冷樹輕黛
抹孤岑老盡王孫草單棲野雀林微君好幽
素應負歲寒心

荅甬東見喜生子

老蚌生珠日原蠶結繭時夜光猶可照寒服

尚堪被兄喜添新弟翁憐有二兒太釣良有
意世事本無期

贈林臯宗尉一首

威鳳來碧林華彩何離離丹霞照秋水野草
蒙光輝雉鳴澤中臞儒多委遲虞淵獲希
邁神秀與我期翩翩王子晉控鶴下庭陞對
月吹玉笙臨風遺紫芝高音絕繁響大藥回
衰姿奇氣凌九秋異香紛微微豈曰耳目奕
天地亦清夷蹇蹇若千載再晤知何時恨不
化爲鶴與爾長相隨

卷八

集

七

沁太妃令誕

帝子承顏奉淑慈彤闈宴喜學瑤池曾來青
鳥下庭際正熟蟠桃出海時舞綵袞衣千乘
貴助齡天酒萬年宜封人亦有南山祝曠望
金華寄紫芝

壽王相呂礪溪

秋深朱邸逢初度人與黃花笑獨妍極目水
波寒葉外放形鴻影夕陽邊登臺酌醴崇今
宴授簡陳詩抗昔賢執掌局中多遠老寧知
閒散足延年

九日偕諸公登平霞館用臺字

翠宇凌空雙樹臺青霞成綺絕氛埃谷中幽
賞佳辰應天外晴登好客來更紫代簪從落
帽菊黃浮醴任盈杯悲懼古往俱陳迹今日
何慙笑口開

九月廿三日同甬東竺陽少山禹麓郊
行至一僧舍少憩

散步出林間道逕信所如數家山郭外一處
野僧居茅結懸磬蒲團坐露除菊花惟欠
酒貝葉故多書茶帶樵蘇氣齋分鳥雀餘佛

邊稿

會

主

香流冷淡梵唄繞空虛縉性翻成妄冥心倒
復初看他閑寂寂慙我困蘧蘧把袖咨同調
將何遂起予

西齋王華園觀菊

霜壓槿籬白風梢榭葉聲衆青隨見悴微綠
轉抽榮孰是觀無始聊因解達生賢人當閑
塞幽卉表堅貞素質比雕玉紫英如鏤璫黃
溥金粉澤紅抱火齊精正色寒光互妙香玄
氣并開軒悅叢秀置酒延列英張組露臺靜
濯纓秋水清飛文灑葱蒨逸思浩縱橫滿插

頭應重加餐身可輕細參知我相高賞識君
情已過九華節猶申卒歲盟看花那不有春
日路傍行

和胡山人畱別一首

寒雲兼落葉老景並侵尋非復草廬意寧爲
梁父吟甕醅新秫酒牀挂沒絃琴薜園迷三
徑荆扉閃一岑獨行方念侶高士適投林塵
榻乃雙拂冰壺遠屢樹芝蘭敷秀藻水月湛
靈心不曳虛堂履安知空谷音宵譚曉星墜
朝宴夕陽沈只擬長携手那堪促別襟契離
傷歲晏重款遲春深種得庭前竹來時綠正
森

邊稿

會

主

金蘭詩社宴集

茂苑依靈囿崇基闢雅堂名因斷金利義取
沐蘭芳瓊樹標時哲瑤華炳日章二南麟趾
應五彩鳳毛翔多暇延耆舊同聲奉 睿王
寒香霜葉重清繞月枝長朱芾多歡向青袍
老段商良由機在範逐使化彌光本自圖書
府分爲翰墨場當知正四國題此記宮牆
詠甕頭春四首同呂山人

驅憂每恨無長策得句常疑別有神却是黃
花解人意等閑釀出甕頭春

暮雨空林落木愁夢魂飛上酒家樓東皇似
管人顚顚早遣風光到甕頭

甕頭春汎海波紅無數桃花落曉風三十六
宮何處是大家同跳一壺中

大家嘗取甕頭春百味無如此味真若使生
當阮公世竹林奚止七賢人

十月東臯館會

孟冬文酒社半雨夕陰園氣爽聞天籟心闊

通稿

田父

主

淨俗喧籬疎黃菊淡樹挂白雲繁晚節佳如
此何慙我所敦

贈楚鶴

疎樹半黃落寒蕪方綠沈空山逢旅逸僻逕
見招尋濁酒開新甕高歌聞素琴論文定傾
蓋棲止期共林遊子念歸路他鄉多苦吟無
何袂就判翻長一離心

送呂山人東歸

悵別休看陌上蓬翻飛不定與心同條堪繫
馬憎偏短鴈好傳書畏落空界道白雲千疊

樹連天青翰一帆風玉龍錦帶寒光結挂向
丹霄牛斗中

送陳生伯梓

翩翩公子桂林枝再別西河使我悲染翰每
看心正處論文多坐夜分時仲容天與青雲
器子禮人稱黃綃辭歸到鄉園憶今日霜前
畱飲菊花遲

山房憶呂逸人

海隅人去竹房空庭樹銷殘一夜風搖落豈
堪離折後徘徊偏向寂寥中久知大塊爲傳

通稿

田父

主

舍何惜浮生似轉蓬爭是有情除未得百年
鼎鼎意無窮

送龍洲公還京

銜命桐封建國楨奏旋星駕守嚴程經臨頓
改山川色咨訪兼知郡邑情鳴珮入朝光九
列揚庭展衆動群英自天殊寵君宜奉廷咏
康哉贊世平

水南公登年六十

高才仕州郡芳譽廣前脩薦剡屢不報一往
歸林立吾道適當隱知命復何憂振衣白雲

表長嘯青山頭回首顧埃壚華簪誠足投雍
容多歲月六甲俄已周先師稱耳順心聲相
與謀看君湛神理真乃聖之流旨酒發嘉旦
朱絃揚妙謳客獻靈椿頌海進萬年籌匣內
三尺水盈盈涵斗牛庭中叢桂樹勃勃月宮
秋持此運天壤曷言公與侯

東谷翁令誕五泰

大齡今半百懿行已三千鴻寶成書日龍文
鑄鼎年冰桃形似斗雪鶴勢如仙我奏南山
曲都來向壽筵

鴻禧稿

戊

元

仲冬巢雲館園爐

嚴月虛堂積霰微高年社會樂晴暉煖煙紅
桂金爐藝文綺青樽玉案園野鶴在群離世
網閑雲何處起塵機宴闌踏暝分燈去猶似
蓮華寶炬歸

贈趙陽谿出守保寧

十年仙署遠分麾正是文翁出守時疊嶂映
惟生彩翠空江隨纜湛清漪岷梁積阻專城
重蜀漢連騰沃野滋安阜自將成禮俗德風
流行頌聲馳

九日西園宴壽

丹霞夾月照西園翠蓋延賓惠好敦座上吹
笙鸞猗猗階前起舞鶴翩翻夜闌移款紅黃
席樂闋催添縹王尊獻壽九華無近計萬年
茅土胙名藩

謝蘭軒携酒見訪

離居歲當晏朔氣良已深夕吹響乾葉朝嗽
變成陰掩扉悟言絕隱几方沈沈不有青霞
侶一尊誰見斟

林間冬日二首

鴻禧稿

戊

三

西日淡餘暉空林獨掩扉採薪雲處有送炭
雪中稀雀網成疎箔牛衣賽煖蟬誰知結茅
地亦具首山薇
冰色已凝澗巖雲凍不浮林深滿空靜歲晚
足淹留倚樹高千尺編茅小一立向時猶覽
卷今與筆俱投

對雪

同雲鬱不開密雪灑輕埃龍井方燒液羊羔
正醅醑絮沾門外柳花度嶺南梅寄語招尋
客無然載興迴

蘭王堂稱壽有圖有詩

發祥高岳秀濟美大邦楨德劭河間禮才兼
鄰下名金昆聯王友璧采煥珠英初度臨長
至一陽光太清壽徵占道泰福應叶時亨庭
啓瓊瑤席山開紫翠楹西池朱果獻南斗綠
書呈綽約陽阿舞霏微子晉笙麻姑新釀熟
借取百杯傾

冬日謝蘭杜諸公枉駕

冬緒誰爲款惟應松桂心清成一室悟靜入
四簷深破暝焚蘭上延宵坐漏沉相將意無

三

會

三

限所保歲寒陰

贈鄭鶴菴林臯清尚

方當曳裾日遠是拂衣年清尚何其遠知幾
固已先撥雲開舊隱所石種新田菴放巢松
鶴溪收上水鱸飲中叅草聖靜裏作枯禪筆
湧山河氣門高商段賢道存爭健羨學古尚
覃研宴襲元王體經傳鄭氏箋蔭生猶有徑
楊子獨成玄世事誠難判惟應此計便

西臯壽日詠言用韻二首

朱蓮高舉玉杯三碧海冰漿味正半頌魯詩

中看壽母祝堯語裏見多男人間羨福渾兼
致世上浮名聊不貪五十年來附仙籍大羅
今日好清酣

芝房神草秀來三天酒榴花分外并假我壽
杯歌萬壽羨君男子是奇男雄才倚馬高能
賦麗句雕龍老更貪遺落世氛須盡醉等閑
叅破竹林酣

寄馮孚溪試宰香河

終知瑚璉當登薦符竹先將試理人花露近
天千樹好麥秋盈甸兩岐新朝迴吏肅鳬初

三

會

三

下野闔童嬉雉正馴才羨詎須論橘邑行看

小往大來伸

宴坐一首

夏氣晝方永鳥飛人跡稀花林結芳郁香色
滿晴暉寢瘵忽無悶開心獨依依篇章久蕪
廢鐫酌與我適今日復思整誰能空掩扉揚
巾拂瑤席延賞坐霏微

蘭軒君乃堂壽

祝釐北堂上獻壽南山前六甲周星紀九華
成洞仙元符重啓運昌曆再承乾紫府歟神

英彤闢列寶筵珍來桂海弘樂下鈞天
溢芙蓉鏡香籠翡翠烟大慈衆聖諦衆善讚
靈篇麟趾昭家瑞鴻文表國賢曾參侍饌日
萊子舞衣年金井桃如斗麻姑酒似泉端爲
仁孝助遐祉萬聯綿

汾西先生華誕六旬

莫道青雲志未酬儘餘佳景在林丘塵沙脫
屣三千界烟月行吟六十秋靜影古松長似
鶴閑心空水不驚鷗避人野老西鄰住獨喜
和君歲暮游

清遠稿

會成

三

謝劉汝清見訪

餘雪滿荒徑林藏背郭幽足音過苦竹心賞
得同清溫款然爐共清言緩帶畱柴桑居止
近無事數相求

正月十一日雪二首

種石編茅特地荒不知何處有春光今年似
荷東風力吹送雪花間雨香
歲交冰泮雨猶遲白雪陽春信有之昔日少
年今老去小窓還似映書時

題輝上人壁室二首

古廟簷阿一片閑高僧借取作禪關
下能消宿正是巢由不買山
三十年來面壁身也無歡喜也無嘆傍人不
解何清靜只道幽居少客塵

田家畱客二首

身爲野田叟尚自好畱賓莫苦茅柴薄山中
只此春
鷄黍無兼味村醪近可酤綠烟黃柳處好鳥
叫提壺

輓歌詞四首送兌川君葬

清遠稿

會成

三

厭世消搖離垢氛重淵杳眇隔層雲多情泣
盡惟沾臆總有悲聲怕不聞
懷君萬恨結孤墳玉箸縱橫馬鬣文生死到
頭原共路不應早已見離分
心期欲達命期愆朝露珠沉雨落天埋玉未
應成寂滅青袍青草共生煙
梨花柳絮亂離春苦雨淒風愁殺人君到夜
臺如夢覺也應回首重沾巾

題王龍池園圖十六首

成趣園

初由趣攝園已乃園成趣有待猶爲煩冥觀
無待處

逐初堂

揚帆吳楚甸總轄岷梁墟信美非吾土茅堂
成遂初

點易臺

韋編三絕後神理六虛前多少羲農意都從
一筆圈

百花壘

春城豔綺紉處處與花攢野老渾閑事風前

漁隱稿

卷八

五

一笑看

巢鶴山房

吾廬白雲裏人跡故應稀賴有松千尺廖天
一鶴歸

婆娑亭

嘗聞漆園吏倚樹開婆娑今日青林下息陰
當更多

清冷軒

青天落層檻下壓清冷淵靜夜月華滿珠游
神女邊

抱甕處

朝從抱甕去薄暮抱甕歸機事誠已少畦苗
當獨肥

長春洞

玉洞開天後舍將太古春桃花長貼水瑤草
歲成苗

丹藥園

荏苒異晷燠夾花銜玉卮國香隨處好休道
洛陽時

君子居

脩篁陰空曲青翠鎖庭深自是仙人館瑤天
帶玉林

仙阪

羽客住丹丘福庭能久留誰知姑射墅大是
列仙阪

流觴處

藉草席瑤青酌酒寫醪醴非由蹈陳迹自有
一蘭亭

涵靈池

湛澹靈池水有龍當自深共看雲起處去作

數天霖

餐英飲露

幽人愛蘭菊挹露吸其英怪底顏容好多應
世味輕

鄧林一枝

棄杖猶不朽虞淵尚可追至今凌倒景還是
鄧林枝

一泉宗尉山莊四首

龍蛇藏大澤雀鼠帶前川芳草王孫道來耕
綿上田

漁塘稿

甲戌

主

洪山總蒼翠石樹凌超忽中有玉笙仙吹墮

瑤臺月

湛湛石桐水泠泠似我心虛亭坐相瑩涼竹

鎖清深

林宗不可見卜築愛遺閭霞表清風至滿堂
生翠虛

甲戌稿終

大谷漁塘稿 萬曆乙亥三年

元日與呂山人聽黃生彈琴歌

我從元日探陽春欲春不春如隱淪黃生一
揮五絃出雷斧剗米波躍鱗颺轉紫淵驅綠
壑鐵幹老梅花立落招邀神鳥咏珥珥掣曳
九苞巢阿閣滄蕩悠揚流太清霞綺烟綃歷
亂明曼衍冲融拂平地陳根宿莽紛回榮貫
珠仍嫋嫋餘聲散幽悄壯士解袂羞從軍寒
女斷機期闢草坐中呂子工玉笛緬想江樓
心怵惕東家孔生知倚蘭對之不覺起長歎
賴有春醪百餘斛共醉且和陽春曲

贈杭太守抗疏還山

使君明經致高位五馬雙旌列侯貴到官首
夏同清和忽感秋風遽思退乞陳壘壘遂連
章印綬累疊不可繫當塗留勉惠元元使君
必欲果歸言吏民擁門復遮道使君不肯停
征軒只耽江上尊鱸美詎戀橫汾蕭鼓喧橫
汾蕭鼓聲嗚咽寒雲一片傷心絕塞北江南
此地分水遠山長夢難閑搖搖玉鴈曉離披
冉冉金烏夕明滅昔時名重孝廉船殊勝青

雲著早鞭今日扁舟羨張翰孤棹何慙李郭
仙紅蓼灘頭罷吹笛曠放太湖情渺然看君
骨相冰壺裏朱絲之繩直堪比卜居偏隣善
卷洞辭榮獨慕延陵子五岳尋真非浪遊定
得無生亦無死神鼎丹砂爛九霞王陽黃芽
滋萬葉將追二老芥六合何怪棄官如敬屣
贈奕客吳少山

海客談秋爽山城一見過迹畱幽薊適名在
朔雲多百戰堪懸印千年枉爛柯晉陽遊樂
地賭酒醉紅羅

海客

名

二

校奕烏皮几分明似用師鴈行參鳥陣馬首
辨魚麗始事勞千筭成功落一麾子房天下
手只有謝安知

壽東臯翁

占得人間五福先看來惟有上公然承天澤
共黃河遠捧日心隨紫極懸老學爭爲門下
士玄文新著枕中篇誰知臘酒南山獻樂只
遙含壽萬年

酌黃琴士與呂山人同之

山谷希聲不可沉支流雅善絲桐音去年爲

我彈秋竹今灑白雪寒松深松竹蕭蕭復何
有因君生辰且酤酒相邀共醉海天袖出
冰桃大如斗

和柳川小洞避冬

深洞長松老此身清朝朱邱一閑人性畢總
有烟霞癖機息偏令魚鳥親破凍滿爐燒榭
葉加餐成碗飯麻仁尋常溫飽山中足何必
秋風江上蓴

詠迎春花

有雪無梅地益芳迺早春一叢抽綠嫩五出

海客

名

三

綻黃新東閣還偏興孤山合比鄰誰知寒谷
裏先有看花人

寄酬林臯君見訊

歡來無物比新知愁轉何方慰別思翠嶺高
霞登閣處黃花香酒傍籬時萍踪已遠事如
昨梅信早通春未遲可道東軒成兀坐停雲
靄靄獨題詩

雪逕草芽青

白裏早分青東皇爲炳靈輕霏點芳意潛頤
兆初形鋪砌茵纔纖尋春屐未經金光合異

秀出別成馨

壽霍大司馬六十

青陽正律岳生神紫府高筵慶上具國有老
成忠報主家多殊錫孝榮親銘勲已在麒麟
閣論道還須黼黻臣南斗即今添壽錄東山
誰不望蒲輪

壽雲川君

穀日頻申栢葉觴壽星遙映九霞光聽歌青
鳥碧空下看舞瑤姬素面粧發藻偏工梁苑
賦談玄妙解添國章綠山一逕無人到獨許

壽鶴翔

王喬控鶴翔

壽呂山人二首

紫氣接真人青陽應美辰松帷開帳宴栢酒
縱杯巡地主能延客天涯信比鄰願持今日
意同保百年身

宴言攀逸駕關美及元辰臺是熙春陟觴爲
獻壽申歌山翻案舊告海進籌新欲弭羲和
轡因君駐日輪

燈夕宴集二首

美夜繡輪張然
點寶光珠驕瓊浦珮鏡轉

王臺粧坐月分瑤席飛星急羽觴胡能踏塵
去清境足翱翔

夕宇華燈錯金支映壁璫薄寒銷煖燄闇影
落毫光四美入方集三更漏正央春城真不
夜併此醉爲鄉

早春園中即事

東風曉色澹晴暉野館幽林變翠微萼綠小
梅披雪暈芽黃初柳帶烟霏宜春正美華觴
酌負曝何慙錦帳圍獨怪結廬人境外踏青
車馬過門稀

壽圖爲李環洲太君作

稟訓弘家緒移忠奉國恩還持南岳壽遙獻

北堂萱天翠榮輝合日華喜氣翻善門方萬
慶斑綵詎須論

春風扇微和二首

惠風一何暢吹我西雉園草樹勻華澤亭臯
美植援禽魚含意態林沼競飛翻對此情何
極端令宿好敦

大塊嘘青氣益蓋轉綠烟蕙襟稍可襲珍樹
欲成然西第操觚館東樓東燭筵芳辰不相

負觴詠上皇天

紀夢有序

余夢與過去人薛考功君采高廉使子業張方伯子魚行到一處林淵映帶迥異城域有半面磨崖議題詩其上余先題廣澤生明月蒼山夾亂流筆落而寤明以告空樓子呂山人山人意奇之因取賦詩送郡守杭公時杭拂衣歸海嶠笑曰此其不死之舊鄉者乎余因足成一篇以紀之

夢與數君子逍遙一處遊巖泉相映帶草樹

復網繆

六

六

復網繆烟嵐互明滅深靜可淹留石壁如有待題詩向上頭五言章未就二句文頗適廣澤生明月蒼山夾亂流不知此何許稍已驚莊周適有空樓子來從霞海問之笑不答但取付長謳慷慨臨風發因之送杭侯杭侯五馬貴棄去若雲浮言過赤松里爲訪羽人丘

贈喬二府玄洲署州還郡

山城春早見鴻儀已有江春到北陲幽谷空然回旭藹祥蒙何不啓華滋題輿翠

上露冕虹旌曉句馳自是甘棠遺愛永吏人事寫去思碑

春日集金蘭詩社二首

茂苑芳菲地晴曛澹蕩朝烟華紛藻思空影散塵囂蘭室人如玉金塘草是瑤樂游應未艾嘉月今始陶

已感青霞意復聞黃鳥音迴風追勝業詎日款華簪興洽嫌春淺情逸愛夕深問渠何得爾齊契在蘭金

風晨感懷呈呂徵君時同宿嘉樹園

七

七

七

條風布青氣林藹逗朝暉芳月始成趣佳人何處歸相畱過寒食相共換春衣莫作南枝鳥心心向越飛

喜雨邀呂公共酌

耕父有餘樂田園春雨中地文青野映天瑞綠疇通勝鳥來桑際鳴鳩過屋東可令紅濕處不共浣花翁

寄酬李環洲別駕

翠蓋紅旌下北林不知窮巷有招尋堂開背郭虎無盡座入光風宛轉深山鳥杏花催

酒池烟竹樹澹成陰怪來顏彩增春色時倚
青天散鬱沉

寄謝張東沙范東溟呂南渠陳抑菴馬
松里諸老見壽

寬冀人從鶴上來碧華瑤檢向予開文章北
極調元老霖雨東山濟世才一字真成萬金
布三光如掣九霄迴遙天何許堪酬寄只擬
崑崙作壽杯

寄謝沈句章范閬峯劉望洋三隱君見
壽

歸向深山歲月深嬾隨閭里學浮沉冥鴻已
矯冲天翼斥鷃寧辭惡木陰夢裏紫陽終不
到書中瑤草自堪吟可憐遠影空留滯一望
高雲寄此心

寄酬沈青門以詩畫見壽

遙憶江門老謫仙高蹤偃蹇思悠然心空上
竺聞鐘地目迥西湖看月天五岳舊游移入
畫六文精藻韻成篇前秋遺我雙鱗素懷袖
時時發彩烟

小樓春望同呂山人

與君適端暇携手一登樓上躡尋春步虛凭
寓目游雜花明秀野層樹繞芳洲好景渾相
媚能無永日留

輝上人禪室

簷隅一室嵌清似鷺峯崑雨洗曇花席風翻
貝葉函坐觀無影樹身挂沒邊衫修到不空
處諸天盡落凡

喜兒階游成均迴詩以勉之

觀國觀明主還家慰老親春衫青草色舊
巷綠窓塵宇泰天光發齋虛夜氣新肯因潛

大業行可對天人

桐竹山房聽伯梓彈琴率然有贈

閑來桐竹舍聽子泛清絃雲度遠山蒼簷飛
幽澗泉參差龍管上婀娜鳳池邊詎曰冥所
感使予心淡然

花朝步嘉樹園

陰晴不定潮來雨紅白先開樹裏花園采亂
浮青閣上郊霏紛湧綠村斜倦遊還擬
步止飲猶思問酒家總是一春中斷處

野老惜年華

仙人好樓居題扇作

仙人真是好樓居，疊閣層城滿翠虛。山琰玉
屏移閭苑，水磨金鏡攝蓬廬。馮陵倒景神霄
上，結攬玄文聖諦初。下視世間長太息，積蘇
累壤不堪除。

題陳生牡丹畫扇

鮫人織成冰繭之絲，作雲母扇裁月半規。天
女欣悅帖花一枝，丹霞掩冉香風紛披。文素
凌亂纖羅，陸離翩其神秀，縹此玉儀。

送別劉霞山二守謝秩東歸

高賢適不遇，晚路仍蹉跎。去國風塵少，還山
樂事多。樹深春浦綠，沙曠野烟和。沃壤收紅
稻，閑門蔭碧羅。兒孫滿絃誦，鄰里數經過。談
笑終日夕，優游此巖阿。魚飛千道網，鳥弄百
尋柯。已自參寥廓，澤虞將柰何。

過北谿草堂是兌川君讀書處

谿上人何在，林堂事宛然。承家還令子，畱客
尚高筵。對樹悲黃鳥，看花愁杜鵑。誰云宿草
長，不使淚如泉。

賦得遠別離送呂甬東

勸君且勿馳聽我歌，別離越江視汾水。悠悠

四千里，晉嶺望明山。岩崑不可攀，呂安昔訪
嵇生廬。命駕不遠東，平居嵇生極目送飛鴻。
深心杳然爾，彌太空。人生貴在心相知，地北天
南非兩岐。山亦不能爲之隔，水亦不能爲之
移。憶君贈我錦繡段，日華五彩相凌亂。我亦
贈君白地明光錦，一片素波中隱隱。君本黃
金臺上人，笑殺黃金不濟貧。應慙丹桂高頭
客，等閑丹桂摧爲薪。却羨竹林狂，頌酒矜短
章。自處大人先生行，眇視二豪之在傍。又晒

湘潭

老懷

士

湘潭老懷仙思遠遊，柰何耳爲汎汎之浮漚。
而不仍羽于丹丘，窄途險巖何所事，除惟別
有人間世相携，飲美酒相伴學神仙。君向霞
溟掇瓊葉，我耕谷口種芝田。華芝紫瓊紛馥
郁，相貽相報不相捐。借問結交時近遠，帶去
帶來今九年。去年日翠茵滿芳甸，來時玉鏡挂
霜天。年年逢此作憑信，遮莫丹成更不旋。

三月三日修楔事於谿中

楔辰佳事在巖巒，石裏流泉漾碧湍。引泛玉
觴沿澗竹，坐班瑤草就溪蘭。照鮮霞深繡塵

盡眺迴烟銷玉界寬豈道會稽成獨往同春
同賞合同觀

西林雅會

僦宇黃金地因依碧樹林遠塵耽靜習近道
恆幽尋磬繞春窓誦鐘閑夜榻吟直須來水
月象外一冥心

喜胡山人見訪

我欣嘉客到空林無怪莊生喜足音小隱詎
能忘寂寞大方真可破幽沉仙人白鹿烟霞
影居士青蓮水月心洞裏玉漿春正熟好班

金東

金東

王

瑤草一壺樹

花下一壺酒

對花慳酒村花落豈重開惜景慙虛度懷人
喜共來紅霏香裏逕青靄樹中臺就此朝朝
醉一春能幾迴

空林積雨

不堪農節盛連陰小苑芳叢雨亂侵倚杖愁
生紅藥徑當窓悶對碧山岑空齋束濕蒸藜
晚獨樹臨湍響澗深莫道曉晴猶未定只疑
晴賞缺同心

暮春文會觀初唐四子詩

隋季委文命唐初振典彛群才迎運出四氏
得時推斧藻暉丹牖雕龍煥陸離深春紫蘭
逕遲日綠筠陞點檢遺編絕窺臨間代奇不
誣開卷益恍已得新知

詠孟夏草木長遶屋樹扶疎

晨宇一消散叢芳夏氣初獨欣蘭徑遶尤愛
竹檣虛幽馥凝閑幔輕陰澹綠渠文華正高
會佳色滿清居塵物稍已謝神情方晏如五
柳有遺訓時還讀我書

金東

金東

王

江上行

錦纜牽青翰烟江泛綠波岸移芳草斷風通
落花多桂舫搖吳棹蘭窓映越羅所歡人不
見春晚柰愁何

孟夏柳川園看竹

昔聞梁苑竹萬箇來蓬池今見仙人館千竿
壓衛淇龍含丹壑氣鳳展碧霄玉宇何其
寂清陰盡日垂

詠出水新荷

華沼澹晨烟新荷帖水圓鏡光始合翦影

知初聯仙露凝珠綴靈薰散綺錢纖埃無處
斷獨此自澄鮮

送胡山人遊北嶽

徂歲霜月山人楚鶴子來自燕山訪予汾上
之亭其人少年逸氣而遁於詩尤善清言因
畱浹旬去遊嵩洛洛下諸公視如瓊樹今再
過汾告余以北嶽之遊爲萬曆三年初夏夫
北嶽恒山惟并之鎮阻邊臨代氣勢高寒南
客罕登乃楚鶴子不然思躋其巔何其壯也
昔尚平誓斷勅家事翱翔五嶽其仙矣乎山

漢書

卷之

古

澤之儒形容甚臞無濟勝之具而有其心亦
比於列仙余少之時臨高而躡步望遠而退
飛遂臞焉老山澤耳然矯矯霞外實神往而
迹畱是楚鶴真鶴余豈列仙之沅耶因述懷
作五言送之且以嗣洛下之音冀同雅和之
山人家居廣陵姓胡氏荆父其字懷玉其名
楚鶴則其自號云其詩曰
逝將遊北嶽還復旅西河喜見情愈舊惜分
意轉多烟峯造千仞花澗迷層阿拾得金光
草緘書寄薜蘿

目述

大似庭前竹潦倒還如樹下藤舊卷有
時披霧閱小樓無力杖藜登門閑流水斜陽
送谷隱春雷半夜升說與少年應不會嗒然
一笑白雲層

酌胡山人用韋翁韻

照人千里夜光殊自覺衣中有寶珠旅宿橫
汾三月暮舟移上洛一帆孤綠楊委地如畱
客青草連天似泛湖吾士只應隨處是步厨
新酒百千壺

漢書

卷之

五

程竺陽生日

客舍西河十二年每逢嘉旦必開筵安居頓
少還家夢久處應多宿世緣芍藥侑杯紅汎
艷薔薇張組綠纏綿浮生情景難兼適樂事
在今良已便

送程氏其章迎父回家

學步青雲志未酬且將生計寄扁舟陶朱賸
有千金策定遠終營萬里侯別路尋親春草
暮還家壽祖月華秋送君南浦情無限何處
新江江水頭

贈明府石舟公二首

高賢守山郡自覺訟庭虛永夏清枕簟孤懷
澹琴書鐘鳴夕陰滿吏散晚衙初案牘豈畱
滯優閒時晏如

補吏第隨牒服官惟守程雄州精行理列辟
讓文名發藻陽春布揮絃夏氣盈高齋一回
眺山水盡含清

喜保寧太守趙公還山

羨君解印還東山鴻飛冥冥不可攀昔去寒
齋掩松逕今來夏閣開雲關回看蜀道青天

遠高卧凉風白日閑未必土梗二千石仙標

故自出人間

訪趙陽谿孝義道中作

款段頻嘶首藟花前村過盡日初斜碧山學
士家何在白石岩扉護紫霞

寄謝彭東谿自靈寶見訊

去日棠陰滿舍春廿年滋長色逾新召公遺
澤海同潤彭祖延齡道合真彩鳳稽遲丹閣
詔白雲畱住紫微臣山中有仙人不識却笑
無官只隱淪

夏日林居

仲夏一陰轉新涼萬葉含方文舒竹簟圓蓋
啓雲龕同隱邀皆集清言坐共談炎氛暗消
去佳色滿晴嵐

東臯社會賦詩得槐陰避暑

自笑三槐在庭際看來不過野人家月明剛
有安枝鵲露濕惟多集木鴉花發少時窓下
映葉深老歲屋頭遶婆娑未是無生意獨倚
涼陰到日斜

和陽谿歸田三首

到處逢人說達生幾當榮悴不心驚浮雲野
馬須臾事流水虛舟自在行傲吏漆園聊寄
跡故侯瓜隴只閑情羨君老圃歸來後飽滿
青精綠芋羹

一覩浮名一愴神退居端自保吾真語言無
味泉聲答面目可憎山色親拄脚障流歸大
海竿頭進步得全身却憐春草耶鄆道泥殺
黃梁夢裏人

首路登朝中路墮刀頭截斷陌頭春不堪楊
柳迷行客聊爲烟霞作主人抱甕何慙漢老

拙曬禪應笑阮家貧知君松下清齋處日暮
惟令鳥雀親

詩社高齋望文昌祠廣惠寺並峙北隅
開齋眺鄰宇雙構一何高碧殿籠丹氣紅樓
放白毫竹聲虛自籟松影翠成濤隔壁巢鳥
過連天院鶴翔道同思結社業廣計分曹頌
悟慙非早空虛始欲逃

李礪溪席上作

飲君卮酒壽筵中自笑衰顏鏡裏紅住色定
非真我相隨緣聊復與人同過來旦暮成千

集

卷

文

古老去榮枯盡一空光景現前猶錯過更從
何許論英雄

送別駕陳石舟致政還山

題輿初下五雲輝返棹俄從六鷁飛秋圃飯
香紅稻熟涼筵膾炙白魚肥桂標童子高千
尺松記先人大十園此外世氛應不到海翁
鷗鳥共忘機

伏暑登郡城北樓

逃炎携酒得同遊共上高城一倚樓窓閃樹
光涵遠岸簷飛旗影像虛舟科頭白日冠皆

挂揮手紅塵劍獨畱向夕須收阮公嘯露華
瓊宇不勝秋

七月七日送別石舟先生二首

星夕方娛會人冷愴別離列筵依在渚解組
割長帷鵲繞回橋處駒鳴入谷時平觀河漢
表緬念滄溟涯一水非難越三山豈易追丹
霞夾銀闕碧樹蠲瓊枝金籥隱玄記玉璫流
妙詞名存太丘長道合洪崖期匿景虛無館
葆光朝夕池神將天共杳身與世俱遺尺鷃
望寥廓丈人真瑋琦誰能不睎者我欲往從

集

卷

文

之疲馬踟躕軌奔龍頓末垂茫茫夢中路脉
脉阻光儀

揭來心不爽忽忽如有失出門惘所之仰視
霧中日掩此夏氏璜坐昧連城逸之子文翰
實伊人罕儔匹藻拔天庭擢業廣聖門述制
作叅典謨宮商叶韶律胡不登明堂揚輝東
觀室別駕豈不崇高才第恒秩新沐正彈冠
鳴珮堂趨疾長蒲歸海隅耕雲種芝木著書
列名山立言炳丹漆冷然契吹萬澹乎冥得
一矯首睇川塗何時弗迴通自余覲仁賢疑

請質迹爲公府疎心由道綠密瓊樹方
追攀離聲變瑤瑟別鶴安可招迥鴻遺湯沐
詠言雖委懷辭殫竟難悉庶保黃髮期觀頤
玩貞吉

柳川翁製青筠蠅拂見貽兼有題識輒
歌以奉酬

金錯橫裁碧玉枝條分縷解百千絲梭欄奄
棄塵尾歇妙製且看筠拂奇皓脫香羅爲君
起寒聲浙歷瀟湘水飛蠅散失繁暑銷冰簟
紗窓淨如洗飲旨酒登華筵陳寶鼎彈朱絃

座有人如雲門無俗客瑱還將揮灑作護桐
破竹之處心悄然

七月十二日看柳川莊池荷花盛開輒
擬四絕

田田圓葉綠池平朶朶高花翠蓀擎大似梵
天鋪法座彩臺丹錦萬霞明
珠翠輕盈試靚粧紅衣紅袖綠羅裳似隨纖
女迴銀漢拂曙香籠水清涼
一片池塘萬柳斜芙蓉如錦復如霞玉晨清
磬飄風露疑有諸天誦法華

本來清淨是真如妙有誰知映翠虛塵色滿
前侵不得香華自在水雲居

壽柳川小村二翁

我采南山第一篇爲君起舞舞玉堂前殷勤獨
是平生意歡喜多應宿世緣海果摘來瓜似
棗嶽蓮收得藕如椽却嫌鼎俎非靈味轉使
仙芳助大年

秋夕憶陽谿

谿頭谷口閉門深暮去朝來詎遠尋老鶴有
情憐自舞白龍無語向誰吟當窓秋起蕭蕭

樹傍舍涼生款款砧已遣家僮釀新秫未醅
先望小車臨

社中以七月十五日爲瓜果之

金蘭翰侶結清緣學取瑤京會玉筵七夕
堪星易散中元共愛月當圓果登碧海千年
實瓜摘青門五色鮮無數綠雲塵不去天風
吹到鳳笙邊

贈呂磻師納門人小子輩受經

河山朱邸祀光儀宿德宏文是我師匡鼎說
詩願共解揚雲摘藻字多奇互鄉童子容投

學達巷黨人從問髮佇看一門桃李感東風
肯爲及時吹

自壽二首

截斷諸緣證本因空林懶散一閑人不應老
揮中秋事把酒青天醉月頻

吾道雖窮未是窮生辰杯酒不曾空壺中日
月真堪駐儘把衰翁作醉翁

生日奉酬諸公見贈二首

身世悠悠七十強真成賤與老相將蓼蟲事
業從前苦芻狗文章到底荒秋水自滌川上

集

卷

七

數夜舟誰保壑中藏餘生尚復隨華月定是
西樓醉幾場

山澤老人形貌臞遜那比列仙儒坐逢帝

里金閨彥來訪天皇玉珮圖畱飲旋收松葉
露延宵同玩水晶珠傍觀莫作尋常事此事

區中或有無

秋林宴坐

取位無三術棲身有一丘年非聞道長迹以
避人幽雲白水容淡山蒼樹色秋坐深餘老

病點眇竟難收

鴈門早秋

商飈動北邊一望冷沙烟馬噴長城水鴻驚
高闕天枕戈悽結露擣練急聞蟬誰念絨愁
者迢迢夜不眠

和小村宗尉七夕山居即事

天淡銀河靜不流星媛何許詣牽牛雲情乍
似高唐夢風景終如長信秋烟澗鳥驚弦畔
月粉筵人拜畫中樓山空此夜聞仙籟王子
吹笙在上頭

齋中和裴山人宴集同蘭軒君

集

卷

七

相憶神交久相逢義諦具山林予謬主江海
子誠賓對酒薰蘭氣裁詩挹玉塵更憐今夜
月開影共三身

釋子慶雲見訪茅齋有作率爾和酬

歸休猶自未休心慙愧空栖野雀林何似開
山千嶂曲獨觀定水一源深天香盡是青蓮
藹佛性都成翠栢森疲病却憐攀不得蕭條
風雨學龍吟

和裴山人見題文苑清君十韻

園廬久栖息名跡詎見侵世事稍已淡野情

良自深蒿萊沒荒徑几間依平林有美在幽
岫無期款鬱襟停雲曉天際倚樹夕池陰但
恨一方阻安知千里尋英英芝蘭氣耿耿金
石心共寫丘中好同行澤畔吟哇蔬獻秋摘
家醞勤夜斟始信逃空者斐然喜足音

秋林與裴山人話別

萬曆三年八月之望巢雲裴君自河東來往
余數請君會不果今始果其諾云蓋兩人神
交者神物終當必合耳靖節有言相知何必
舊傾蓋定前言謂一見若平生也若神交千

萬曆

金東

雷

里而晤言一室者何以謂耶時皓月當空皎
余心鏡玉壺有酒其清若空喜極而寓之醉
醉極而詠之言言則左史書之且以贈別
逍遙與子白雲邊似是天公借好緣秋色晴
分廣寒樹夜光冷浸瓊華遠面談千里俄今
夕夢想十年空暮烟傾蓋定交還別去後期
鷄黍寸心然

秋堂夜坐風雨淒清用燈字爲韻二絕
秋風秋雨暮相仍
隱几蕭條思不勝
童子敲門社西寺
一簣分取佛前燈

朝看西山爽氣凝翠華金水樹層層陰晴忽
變誰能測風雨滿天寒夜燈

謝郡侯張公禱雨輒應

使君閔雨愜靈心一請垂天三日霖笙鼓水
龍喧社處兒童竹馬躍城陰青山閣眺晴光
滿翠野惟霽秀色深歲有何人不稱慶老農
先奉萬年吟

晉書東先生通神明謂天三日雨澤我黍以育我稷以生何以醺之報東先生故曰萬年吟也

題彩鳳街書圖爲交城令齊公

家弘開世慶國表濟時英玉璽昭文誥金甌
著姓名排雲雙闕曙振珮九天清試比衡書

萬曆

金東

王

鳳方當應太平

九日壽慶國

大椿爲壽八千秋碧海今添幾度籌日月自
長桐葉第河山偏壯棟華樓耽文斧藻皇猷
盛寶善鈞玄聖諦幽時菊有情開令節英香
紛共紫霞浮

采菊送龍池翁

葭莢蒼蒼白露寒望中人在水雲端著書玄
閣成千卷揮手青天謝一官佳節遙臨誰與
曉濁醪孤撫自無歡寄心惟有籬間物東

朝英奉夕餐

龍池答

寒花十品錦雲裁分取靈根闢草萊佳節尚
餘呼月興素心長憶補天才東籬勝事詩千
首北海高尊酒百杯珍重瑤瑤何以報思君
不見罷登臺

謝西齋君惠菊

仙人館裏分佳色野老籬邊借逸光承露掃
開黃葉逕護霜安向翠微房惜花其奈悲秋
晚對酒還當引興長只恐自家翻冷淡可能

來此醉重陽

落葉二首

樹裏秋聲不耐聞落黃那忍更紛紛若言對
此無蕭瑟除是寒峰古白雲
秋來樹是春前樹落葉還當似落花萬片遶
溪畱不得一天空水送殘霞

壽呂礪溪先生

與君稱壽白雲秋六度黃花送酒旣節晚寒
香同氣味才高小隱亦風流傳經道洽龍門
里授簡文飛兔苑樓借問遊梁賓客盛爲儒

誰似廣川優

滿庭詩景飄紅葉

秋氣稍已勁寥寥天宇空樹銷晨露碧葉帶
晚霜紅亂下紛如雨平鋪定似蓬牆陰踈薜
荔簷影淨梧桐有美耽詩客多賢嗜酒翁燃
爐溫綠蟻搗管篆雕蟲短帚收三徑長廊貯
幾籠只緣情會景翻愛滿林風

初冬辱蘭社諸公過訪即席賦酬

落木掩行徑夕陰生始寒同懷一相訪悶緒
稍已歡村酒黃花酌家蔬綠芋餐淡然無世

味翻喜坐宵闌

夜長秉燭遊

志士惜日短起爲長夜吟迢迢望遙漢烟道
不可尋惆悵平生懷踟躕非所任還顧念白
髮霜霰日以侵何用達吾生前言得我心秉
燭至天曙美酒時自斟

小春集畫苑觀妓

舒肅翁筵向夕披竹林寒月有幽期圍屏曲
凡生春色洞管佳人學鳳吹珠珮順風愁解
去錦衾臨水欲相遺却憐文字東山飲儘興

華燈照翠眉

暮懷一首

弱冠秉微志暮年多苦懷時哉不我與萬事
寡所諧栖遲野雉澤顛顛寒猿厓猿啼腸斷
絕雉鳴少噉啗前修豈不偉天道常好爭清
晨踏霜雪短褐足無鞵饑麟不吞啞見笑虎
與豺寶劒挂東壁寥寥星斗排著書委窓間
卷卷空塵埋今我復何爲斯人邈難儕謂余
非土木久矣爲形骸

雪夜懷陽谿君

門對長川少客過可堪孤館閉巖阿白雲三
舍人何遠黃葉一堦愁更多解慍只須連榻
話怡顏未必在庭柯知君亦有山陰棹雪夜
不乘如我何

鍾琴士送余兩琴作雙玉篇

有客銅臺來遺我雙玉琴瑯琊自上古含蓄
咸池音神物久呵護精理弗銷沉一彈孤雲
起再鼓離鸞吟須臾變綠水滅沒巫山岑安
得晉子野聽曲識其深曰余委窮岫類景遂
見侵枯槎爲我形寒灰爲我心忽然聆逸響

曉已豁初襟始知作者聖至寶徵黃金詩人
感木爪見報瓊華簪我今亦何與緬在龍門
陰皎皎霜雪幹亭亭高十尋

贈平定朱博父見訪

月樹之標崑崙姿鴻都高論紫庭儀辟雍暫
假垂天翼金馬初從待詔時北海宴談霞是
酒西樓浩唱雪爲詞不應便話明朝別一片
碧雲千里思

古泉王公自汾州守戎陟山西都閫

虎符三載鎮雄州儒術兼資上將籌萬戶曉

嘉稿

三

三

山威並立西河春水惠同流冰操久已居康
吏石畫多應學武侯分閫只今臨鴈塞笑談
樽俎戰塵收

再集畫苑呈柳川翁

徘徊高館意如何爲倚清具在薜蘿招隱桂
葦寒更茂伴閑雲影畫常多醉餘直欲騎黃
鶴書罷還思換白鵝不厭社朋頻擊聒後期
携酒復來過

寒林宴坐呈社中三老

四海茫茫六合塵不知餘得幾閑人多君神

宇超千劫老我空林寄一身慣學鏡師磨水
月懶從漁父問烟津向來隱者都參破獨是
陶潛任本真

山中與王老

陶公故自出風塵塵網何能誤得身不見拂
衣田里後交情日與柴桑親我亦還山得山
客盤桓雲松淹水石至今忘却歲華深笑指
斜陽頭雪白

社中至後宴集聽鍾小雅彈琴

王壺冰凍滿寒烟早有陽春動七絃梅氣暗

清稿

云

三

浮江信裏雪聲疑度郢人邊飲逢仙侶方驩
甚坐對知音復悄然林下豈期還勝事蕭條
琴酒白雲天

蘭玉堂稱壽

白鶴青天盤綠雲南山佳氣結祥氛金庭正
啓瓊華宴玉簫新成珠斗文發藻鳳條翹帝
業表儀麟趾冠人群九霞仙侶前爲壽一罇
冰桃滿座暉

壽東臯宗尉西瀛少叅

嘉平卮酒薦瑤筵高宴蓬萊洞府仙松下祇

不蒸琥珀月中環珮舞輝煌半酣面湧朱霞
第一笑塵飛碧海烟朝菌日曄時借問可從
聞道學長年

乾石弟生日

沉年共度百餘春兄七旬來弟六旬盛世托
生同草木微官過眼落沙塵歸從謝氏池邊
夢老向茅君洞裏身豈道列筵無陸海壽高
酒滿不爲貧

冀陽生日

栢葉樽開獻壽初梅花香繞讀殘書青萍氣

清稿

云

三

湧寒霄上綵筆文驕秋水餘暫比蛟龍蟠大
壺多逢車馬近高閣應六歲久才逾劬會向
承明賦子虛

雪樵

大雪群山閉丁丁響一燕空聲流遼壑獨影
度回橋村飯人烟少城醅酒望遙玄猿啼日
暮辛苦抱寒條

書堂對雪

寒光浩無際豈辨青山阿食淡鹽空撒衣單
絮漫多閑庭生鳥篆舍罷漁花想瑤臺

樹紛紛定若何

冬夕宴集張卜亭宅觀諸老奕

晚空晴碧四簷清邀客小堂敲玉枰絳蠟光
搖雲毋帳竹爐火沸瑤漿鑄寒星縱橫渾在
手天旦星離復何有勝負從來是戲場相逢
且酌東家酒

西寺迎春

莫道春無象綢繆繞佛香目華曇點碧心樹
栢回蒼鸚鵡翻珠綴醅酬倒玉漿詎須遊上
苑早已證三陽

通雅

全

三

立春日分題得香烟接瑞雲

招搖東指歲華新拂曉焚香拜玉晨烟上翠
虛飄作蓋雲和青霽結成輪紀官遙識千年
瑞占象今知萬有春蘭館柳塘先意緒雕盤
文酒樂同人

歲暮詠懷呈同社三老翁

冉冉歲云暮吾衰久矣夫詩書既委退田圃
亦荒蕪白石終難煖黃金不可圖賴從霞表
逸斗酒聊共娛

乙亥稿終

文谷漁嬉稿 萬曆丙子四年時七十二

首春文會

玉燭調青律文明啓泰元日章君子道時憲
聖人言妙義三經析希聲五字翻翰華凌綠
勝春象滿東軒

正月六日喜陽谿過訪二首

適枉東春駕言申隔歲期北山吾是我南郭
子爲誰獨往凌瑤雪同懷覓紫芝平生鷄黍
意猿鳥或能知

冒雪猶能訪空山合有人足音誰不喜心賞

通雅

丙子

一

自相親飯煮瓶中栗柴焚澗底薪淩然無世
味却是野田春

穀日壽雲川君

獻歲爭傳栢葉杯何如王子宴春臺祥逢穀
旦梅迎雪慶衍燈宵雪映梅三鳥拂雲將果
至群龍流水駕車來洞天光景應無限挑海
看花定幾迴

寄懷呂徵君時在潞安

昨年惜別桃花春今日傷離柳色新仙嶠遙
通滄海夢僧房慣住白雲身郭東遺佚中林

老江左名流大國賓相憶却憐汾潞近寄聲
猶得往來頻

寄懷上黨程存齋先生

束帛無因贈子華絨書聊且遡情涯遙憐海
客同雙樹自笑山人隔九霞秀藻千章抒斗
酒清言幾段落杯茶經春碧草遮行逕桃水
煙洲路更賒

寄懷上黨李養虛先生

何事高才李裕州清時早已卧林丘逃禪五
馬雙旌貴草聖千金一字通憶昔彩毫能見

枉慙今秃筆若爲酬東軒藹藹停雲意只向
龍門漳水頭

元夕贈楚峒上人用來韻

香牀宴坐一禪清詩卷行吟萬里情月寫冰
壺空是色雲和玉磬靜成聲寒山古寺繡經
徧深竹閑園駐錫輕五夜燃燈供繡佛蓮花
時轉大光明

寶善堂燈宴

春城元夜萬家燈別有蓬萊最上層壁月吐
華蘂火樹珠星結綵挂金繩屏圖翠水鮫光

濕樓薄紅嵐蜃氣凝福地好春人不見驂驛
爭覩路傍乘

瓊筵朱邸上元燈七寶粧成五色層酒稔冬
醅斟翠栢饌香春餅襯紅綾烟花萬朵金枝
秀火錦千章玉軸凝極宴詎嫌宮漏永鶴笙
時繞曙光升

釋子楚峒年少嗜詩來自京國訪余汾
上之亭屬嘉藻見貽尋別去將遊彼中
條因贈酬二首

遊於方之外貌釋而趣文不逐紫衣侶寧同

白社群清言對庭樹麗藻發身雲南況中條
去與誰凌翠氛

霞散文成綺花生錦上春五言超半偈近體
攝全身古寺叅無業空林若有人誰知珠在
繫未是野僧貧

再贈楚峒北還

春草行應歇夏條歸已繁流暉杯裏度歷景
拂邊論貝葉移詩卷榴花當酒尊知將碧雲
思齋向竹林園

題柳川館鑲花紙燈

光采玉繩牽文華金錯妍人將燈枕視我愛
月輪懸幕歷垂珠網玲瓏結綺錢誰知一尺
素澄徹九霄烟

晦日西園雅集

初月俄成晦明朝已仲春列筵將急景敦賞
愜同人邊雪迎鴻盡城烟上柳新風光和酒
力應向百年身

崑山館聽南洲說法

仙人騎白鹿下聽演三車支果小童學宗門
大士家香風吹海水法雨灑天花回向清都

去長空有斷霞

登杏花村酒樓

春來何許豁吟眸村路逶迤芳草洲馬繫短
楊遙問酒鶯啼修竹近登樓倚憐半醉遊三
日不分孤生老一丘叮囑杏花徐點綴莫隨
桃水向東流

春分日感懷

微雨灑青烟漠漠柔風生綠草萋萋暗機已
剖春中斷餘景剛成月半携猶恐落暉還促
追亟從芳苑共攀躋多情獨是畫胡鳥偏向

杏花村裏啼

春至林木變

旭日照山樞前陂烟水生空林何澹蕩衆木
總芬榮微綠工初染深紅畫未成勾萌皆變
態翔泳亦含情戲鏡魚吹沫調簧鳥弄聲二
三隱君子安可廢鉶鑿

叅知華山公陟憲臺長

薇省霜臺望並隆百城觀感萬心同明如玉
鏡開雲淨清比冰壺湛月空思召豈惟耽茂
樹戀周聊假賦遵鴻泰階此日何宣朗賢路

才當進上公

贈呂璠谿教授北歸

蹉跎江國早懸車笑傲何慙宴里聞元亮不
貪五斗米子雲自愛一牀書花潭酒衍新詩
出香閣鐘聞舊講餘回首西園明月夜恍然
塵夢落清虛

和陽谿山中見懷二首

晨興獨多意啼鳥落花中勝水谿頭盤山
谷口宮窓含杏壇雨簾捲竹林風想亦仙源
近沿洄路轉窮

紅子樂南田愁予渺北川
澗花紅欲染池柳
綠堪牽路閣阻芳月停杯悵夕天
將心托瓊樹時繞碧溪邊

內省軒新葺池塘

內省軒前一片地等閑開作種蓮池
葉含圓景金田合花發靈根玉井移
風細落霞免檻虞月明清露捲簾時
香光撲面羅衣冷不著紅塵始自知

南洲上人王莊蘭若

色相不離塵還將謬本因人烟資一鉢
佛火

寄雙輪窮岫雲爲友空齋樹作鄰誰知古橘

畔見住法王身

三月三日侍太霞亭曲水宴

上已屬時熙祿亭樂在茲華杯追往事嘉客
萃來思汲綆寒泉井流杯曲水池穿花浮落
葉遶樹標低枝順湯方連絡迴飄復遙遙酌
蘭渾是醉吟草忽成詩九轉天潢派千春帝
子期丹霞隔城市遙聽綠鸞吹

王司馬巡視朔方

邊城楊柳綠依依上相行春別有暉節鉞省

臺新法象樓船淮海舊聲威平胡更講安危
畧定國尤嚴戰守機元老到來猷自壯我歌
周雅贈旋歸

碧桃花下聽吹笙

玉笙吹紫烟時向碧桃邊縹緲九霄奏悠揚
三月天耳和聞鳳曲心恆對花筵不是洛賓
侶飄飄願學仙

春晚杏花亭小集

杏花春幾許流水去閑閑草遶臨城斷柴門
隔樹關多愁催白首一笑返紅顏吾意真堪

適自餘非所攀

暮春過子夏祠

舊蹟陶山表荒祠相里存土花開雨繡石樹

暮春過子夏祠

舊蹟陶山表荒祠相里存土花開雨繡石樹
斷雲屯聖遠傳經術時危輟道論寥寥竟千
載誰與奠芳蓀

暮春宴金蘭館賦酬

崇蘭幽谷裏叢桂小山邊招隱非無地陶嘉
剎有天舞花頻送酒歌鳥競調絃適意芥塵
物惟餘藻思牽

落花二首

三杯賞花酒一片惜花心何待紅芳歇臨開念已深

宿酒侵晨散林堂小徑斜滿堦紅撲蔌却是夜來花

感遇四首

積思能令神鬼通定知此語決非空打開太極從前寂恰是先天一老翁

獨掩荆扉歎日斜更無人問野人家夜來却有風雷至鐵樹新開幾朶花

盤龍寶鏡絕塵埃妙有都從一照開只爲色

空非見解智人拈出暗人猜

緱氏山頭逢子喬玉笙吹起鶴飄飄曲終騎鶴杳然去獨立有人愁慶霄

山中答李使君見枉用韻

旌榮遙臨背郭堂薜蘿生來蕙生香巢林事業一枝小補衣文章萬丈長竹裏掃雲安几席花邊汲井漱壺觴十年關尹無奇遇今日

青山禮伯陽

壽王龍池先生

勝日長懷玉樹枝橘花天酒慶生時門迎多

是大羅客山祝惟應小雅詩仙籍紀年南極注儒林邈世少微知無能學得馮虛子一策冷風副所期

讀王龍池先生小像

溫潤而栗純粹以精維金之鑑維玉之衡維岳之重維辰之明文命之表德充之符國之楨幹庭之典謨懿厥宏規詠此瑞圖

謝查毅菴王秋溪二使君見枉丘園蓬蒿不辨野人廬邂逅何期長者車紫氣忽浮雙翠蓋玄言時映九霄書香生古栢含風

遠光轉孤桐上月初坐對夜深渾默默恍然空水一舟虛

雜言

燕雙雙薄倖郎尾涎涎巢君梁啣泥濺文杏落穢庭中央群生八九子亂點千金白王床主人憐汝特呵護保汝出入無憂惶夕扉恒

晚閉朝戶闌晨光丁寧戒兒女莫作打鴨驚鴛鴦主人恩甚厚胡爲却相忘去不辭謝來

不參詳賴道去時壘好墻不知若箇是渠房啁啾啾啾逞口強自焚其巢先笑後號咷

西園壯冊亭侍宴作

仙苑名花拂檻新東皇畱與十分春丹堦合
是園林主翠葆渾如侍從人光映水簾搖畫
障影飄羅袖入香塵喜將供奉清平曲爲勸
金樽滿百巡

紅藥欄邊飲酒賦詩

觴詠陶嘉虞林園芍藥園樹光流綠暈花氣
灑紅霏游目炎朝永傷心春事微繞欄看未
足移簞坐相依絕代愁空老穠香畏易晞有
懷人不見無復贈將歸

題鄰溪園

增翻紅藥盡簾捲翠微來鳥趁嵐光下魚吹
荷氣開林香縈宿靄泉潔澹炎埃樹裏仙人
館雲邊帝子臺扶筇愜登眺岸幘重徘徊綠
篠紛瑤席青蒲泛玉杯自然淹客醉况復鳳
笙催

首夏猶清和社中作

不堪芳草歇况復妍花飛稍喜身猶健高歌
事不違園苗暢和澤林館澹清暉及此邀吾
老携壺坐翠微

清和文會同賦西苑池亭

高園愴情景陶詠嘉宴娛道與朝心契文因
夏氣敷清暉蕩喧濁和吹轉虛無亭上瓊爲
席池邊錦作鋪啼禽偏向竹戲鯉或依蒲風
雅開詩譜烟霞染畫圖淮山鴻寶地汾水白
雲都豈羨沉冥子潛身跳一壺

夏日永蘭社諸公招飲崇文書院賦酬

文園清夏氣秀樹滿涼陰美酒榴花席佳人
蘭葉襟鸞歌白日永鳳吹紫烟深試問傍觀
者寧知世外心

五日對榴花作

朱英嶽碧樹交加天與端陽潤物華如畫采
章明向日隔簾文綺散成霞芳連薜荔清無
限珍比珊瑚富不奢對酒頓令顏色好白頭
何許煉丹砂

五月既望蔭修竹之林漱清流之渚南

風時至宴言詠懷

炎景修已遁大運迅回幹潛哲苦埃蒸高昊
思遣撥臨流携友生爰展素心瀾竹氣酒庭
陰南薰飄木末綠條時可攀朱果適堪

魚亦翩翩游魚何潑潑揮軫命飛觴瓊枝屬
鐵湯輕舉雖未然拘方庶茲豁

送郭文山守備柴溝

本自濡翰希鳳舉今當射策事鷹揚登壇好
佩黃金印釋褐焉知紫繡裳大樹入雲閣幕
府高山壓海待錦章由來我武貞文畧叔甫
真堪莫朔方

伏暑高齋靜坐

逃暑西林一片陰高齋逕入白雲深長松箕
踞方紋簟短葛襪披小領衿御氣能令六月

清暑

雨子

三

息空心不受萬緣侵坐來自覺清涼滿何用

臺山頂上尋

題蔡使君獻壽北堂冊

維皇肇造陶世埴埴俾弘而家彌我帝疆
無幽不暢有啓必先篤佑淑媛誕生偉賢
淑媛雍容柔嘉靜恭既勤既孝克順克從慈
惠周卹睦黨敬宗身其康彊元吉其逢
嗣賢翊翊維國之楨爲天子使東南于征
持斧衣繡執規秉衡于藩于臬令儀令名
子以母令帝錫之慶榮榮服章光光寵命

社是膺克綏保定鼎養在陳鐘歌斯詠

歲八十春維母元辰子爲憲翰堂有鴻賓祝
釐昭貺茹和飲醇神之聽之莫不景臻
在昔尼父綜文于魯正魯之詩特崇壽母君
有庭闈我有黻黼秩秩德音綿綿思祐

李澗南七十

休道人生須滿百得來七十已如仙兒孫置
酒南山對賓客陳詩北斗懸憶昔曾爲萊子
舞看今又見綵衣傳知君福德渺無極合與
靈椿較大年

清暑

雨子

三

畫苑看粉紅榴花

玩美若榴傍盈盈紅粉粧純丹疑太絢半素
見孤芳簾晃玻璃色杯搖瑪瑙光惟應多結
子玉樹共成行

詠白榴花

榴火千紅沓安知一白奇吳王憐皓齒楚女
嫉蛾眉篆玉瑤分倩調鉛粉結髮最宜何處
玩清露捲簾時

詠東陵侯種瓜青門

不遠瀛城邊栖遯避世賢平生列鼎食一旦

新田偶自戒名跡聊因寄歲年山河百戰
後故國幾家全

晨起涉園二首

山氣朝來爽炎氛帶雨消天青映池草水翠
瀝巖條竹密徑幽仄鳥稀人寂寥白雲如有
意孤景共誰招

拙訥自踈世遯栖奚所求有書惟種樹無壑
可藏舟龜用支牀足鳩將刻杖頭守吾先子
訓卒歲且優游

六月平霞館會

漁翁

丙子

西

榆光荏苒數招邀霞館炎天慰寂寥雲度遠
山渾帶雨樹搖空水忽成颿登高尚欲翻詩
案茹淡無能棄酒瓢百事老來擔不得只應
閑境靜塵囂

懷王龍岡先生

三年不出意如何生日猶然謝客過聞道夕
當同女偶卧病時復効維摩青山倦眺開雙
屐白首怡顏晤一柯我亦逃虛虛未得羨君
真已遂巖阿

雨後看山

炎霧千峯隱涼飈一雨分始清開混沌太乙
共氤氲石黛烟虹彩蓮華水翠文真圖人不
識只解看浮雲

濮陽蘇礪石見訪兼遺令兄杏石訊用

韻贈酬二首

金昆居濟北王友過汾西葉縣雙鳬引蘇耽
一鶴携白雲將雨至幽鳥向人啼契闊期闊
暑無嗟塞草萋

許國青雲世相違喜復悽弓裘麟閣裏書劍
鴈門西蒿徑稀人跡柴扉有鳳題詎知瓊玉

漁翁

丙子

五

樹使我得攀躋

初秋涼氣發

端居玩玄化開暑遽將稀一帶晚林色都含
秋日暉水華如鏡是雲采似烟非爽氣平分
者偏多在翠微

宗老小村翁七十

青春結社本無期白首逢君七十時却喜古
稀今易得因知仁與壽相隨華觴滿酌瓊筵
醴茂苑爭攀桂桐枝白鶴彩雲秋一片玉笙
清響賽瑤池

雨中玩木芙蓉

玩芳微雨裏秋色乍燃紅水彙名相似木華
原不同群英羅戶牖獨秀映簾櫳可待成搖
落坐令心賞空

贈山僧三首

自笑無聞枉歲年得公提起思悠然瑯琊大
鼓初鉤後寂寂洪鐘未扣前忍草亂藤聊混
俗覺花啼鳥亦通玄想應宿世曾參侍今日
重修傍老仙

康節能收宇宙春莊生秋水湛精神羨君身

世

車

六

世千年遠古老家風一樣新虛室坐深惟潔
白玄言開朗盡清真將因洗鉢從師去可是
龍華會裏人

白頭偃蹇世交疎惟向青山守敝廬何得遠
公聞姓字多因楊子好玄虛攀緣直欲開蓮
社問難遙同講石梁靜坐月明還憶否竹林
高館誦經餘

丙子秋送諸生赴試

秋灑新黃上綠槐曉乘青靄錢高臺周興選
舉鄉閭薦漢辟賢良冊府開千載六經爲大

業幾人三對擢宏才仰觀天路平如砥直任
扶搖萬里來

丙子生日自寬時年七十有二

好作歸人尚不歸婆娑秋影對斜暉有何陰
陽天增算每到生辰客款扉具席淡香鷄黍
薄摘園丹翠果蔬肥自寬也學榮期老羞觀
黃金舊帶圍

廣庭流月華高閣凝餘霰中秋夜集西

園賦

中秋玩月興連天拈出蘇州句一聯高閣霏

世

車

三

凝殘雨後廣庭華滿薄霜前行同鄴園遊飛
蓋坐即梁園宴細旃藻思夜光相混合不知
身是大羅仙

和謝龍池翁見壽

喜見魚書寄八行未云葭水隔蒼茫青天夢
落東山墅白髮顏開北海堂俱寡世營成脫
略獨存吾道有張皇遙知著述盈金櫃何日

參同草閣傍

鳳尾竹

鳴鳳化爲竹托根北園陳紛披九苞羽搖蕩

白雲秋冷吹清吟滿朝陽異采浮自然巢阿
閣安事此淹留

秋日郊園眺望

蕭然身世槿園西平楚蒼蒼望不迷黃葉露
零高樹老白雲風卷四簷低類齡欲制還食
菊逸侶相尋共杖藜餘興却隨秋浩蕩玉壺
新醪好頻携

九日登碧海青天樓

佳辰廣宇肅高寒作賦興懷信有端畫閣朱
樓千樹遠青天碧海一壺看花千臺彩金英

清遠稿

亭

六

簇酒衍杯光玉露溥自古登臨誰不健只應
文賞性情寬

寄壽呂礪溪先生

梁園別後定何依知掩黃金臺畔菲節遇誕
祥遙記憶名高耆舊有光輝寒花擬酌千杯
獻朔鴈空傳一札歸所羨連生能不老烟霞
久已息塵機

九日賦白衣送酒於陶公

徑草已蕪沒黃花笑獨存蕭條佳節度淡泊
遠人村能使江州守來將栗里罇風流遙可

憶身約道彌敦

哭王龍岡先生

不謂黃鳥時俄乘白雲去論心少一人顧影
獨多慮惻愴山陽懷歎歎屋梁語總惟飄冷
香空是平生處

社日詠歸燕

社燕知霜信歸先旅鴈翔雲山望明滅烟海
憶微茫言鳥羞籠繫舞禽愁鏡粧何如自來
去華屋有高梁

采菊東籬下

清遠稿

亭

七

陶令憐秋色東籬采落英豈無五斗俸自有
一簞情茹淡欲多遣守愚身寡營濁醪倘然
至聊爲歲寒傾

九日奉酬蓮社諸公見訪

下里欣逢上客來一尊同向九華開霜邊時
序驚秋往雲裏登臨傍夕迴木葉水波澄洞
壑巖嵐空翠寫庭臺大夫已老猶能賦却是
文人藻思催

秋思

半夜寒生青綺衾新霜鉅透紅樓瓦迢迢金

尚更長添得啼痕數行下

太霞亭上壽詞

壽星秋殷桐葉里寶鼎河山鬱金紫公子貞
符晉日文漢皇登貺汾陰時太霞真人當盛
時慶旦合天承景禧黃菊進齡朱果侑千秋
萬歲以爲期

贈趙小田生日

濯濯桂林枝亭亭英冑姿青山千木里綠園
仲舒帷篇藻蘭瑤似丹青竹石宜老夫慙父
友之子視余師鄰曲每相顧平生遂見知寒

漁翁稿

丙子

牛

花標晚節祥旦應佳時我有一杯酒非君誰
爲持

起菜北郭園九月社會分題

蓐食安隴畝野中方見客露凋林葉盡霜壓
圃蔬重薄采先葵藿兼收及菲葑亦知多苦
淡珍此御寒冬

丙子之秋再叨東府菊宴申寫頌言

去年觀菊宴一濫紫霞觴今歲看花賞重登
白玉堂天澄霜後碧樹颺雨餘黃應節偏佳
色開籬滿異香金童來捧出青女競裁將錦

繡新爲段芙蓉舊作棠竹冠栽蔭采蘭珮黃
依光用表析齡頌千秋此郁芳

九月廿九日承蘭社諸公見訪二首

孤雲常獨往結駟詎來茲不謂離居日還成
對客時濕薪焚冷竈殘菊耀疎枝總爲談詩
好蕭條亦解頤

門外已車馬庭中方掃除自憐慵拙慣不覺
應酬疎家食慙多菲鄰酣幸未虛坐深留更
住日短意恒餘

東籬苦菊

漁翁稿

丙子

壬

歲闌風始厲群衆見摧成卧聞寒葉響起視
競飄揚園菊貞晚節順時胡不藏東籬結根
地況在南山傍埋采類幽晦旋復當輝光日
月儻余待長奉九華觴

木葉既脫愛整書齋

群木解已盡歲功方畢陳敵廬穿積雨荒徑
沒叢榛一展修平畧始諧清淨因下帷猶故
事神理日應新

送舉子會試一首

帝城煙柳萬家春文物咸熙雨露新紫琰玉

有酬錦繡臺橫金紫近麒麟才鍾間氣生非
偶道合昌期進有因何獨廣川能大對羹君
今已冠天人

書堂冬日

夕吹一何凜朝曦還復暄定光從泰宇文曜
滿東軒刺有黃綿富寧要絳帳溫此時楊子
宅玄理正堪論

夜長

群動悄然息獨成今夜長匡牀坐迢遞還寢
夢微茫省已翻多慮懷人自不忘初昏期早

曙及曙尚蒼蒼

北野老人生日賦此招飲

夜長夢短坐待晨展轉忽憶山中入雲在石
門寒幾片定應裁作白綸中山人今年七十
七手杖紫藤長八尺康老莊前有酒沽不來
訪我茆齋夕

壽雷水南先生

愛君皎然冰玉姿相對宛若攀瓊枝有客登
龍纔下榻無人放鶴獨支頤華辰十月明春
宴綺里南山定壽基借問昔時霄漢侶抵金

老鳳凰池

吊西齋奉國君

看破浮生更莫疑出頭便是盡頭時雲消大
海從龍去月滿長空任鶴之慣戰祇憑三尺
劍能贏不過一盤棋漢朝何等麒麟閣落日
黃埃蔓草滋

詠蘇子十月之望步自雪堂

赤壁從前紀勝遊獨憐蘇子寓黃州霸圖慷
慨名空在逆旅登臨興未休斷岸雪堂乘月
落寒波烟舫載雲浮劃然長嘯有誰答除却

玄裳會點頭

對酒短歌行在東臯社會作

蒼言會止三歲載週日月其邁我處其休德
不孤立孰云寡儔久而敬之景仰前修世道
交喪惟僞是謀久矣君子視民匪媮賢而幽
放貴而散投樂其天年于此林丘嘉肴在御
旨酒思柔以飲以食式行式畱疑義與析清
言用酬日牛無全意馬已收悠悠自信平浦
虛舟載其大化天迴地游以永今夕翌非前
求

呂祖像讚

王京瑤島高玄萬劫真常老仙劍氣青蛇袖
裏留聲黃鶴樓前

贈任司訓掌教深澤

西河舊範卜商儒文學今師有令模道在却
移汾席講經傳更與澤宮徒堂前冬日寒生
愛座上春風凍藻敷若向漢書觀禮樂五篇
應取頌皇都

疾夜四首

長夜如年病不支晨鐘欲動曙光遲呼童試

海客

丙子

壬子

撥寒爐火倘有星星待煮糜

鳴葉階前片片飛焚蘭窓下冷烟紅何言此

夜獨無夢七十年來盡夢中

記得丁年坐夜深聞鷄每作扶風吟如今稿

木無靈氣只有寒灰是寸心

愁來一夜猶嫌永何事常懷千歲憂聞道司

空在王谷雙雙款語教人休

哭西齋君

瑤崑一峰倒琪樹一枝摧柱下青牛去遶東
白鶴回竹荒三徑種蓮罷二池栽壁宇土花

繡窗書雲葉堆履綦難再得簪盞詎意來月
落後偏斷霜深鴈獨哀有情悲自至臨歲不
知裁

和小村看南洲說法兼贈南洲

錦囊詩草爛朝霞寒日扶筇野寺斜爲愛高
僧持貝葉因聽小品悟蓮花雲來却度講餘
磬烟起還燒鉢後茶珍重長廊畱一語門人
應已學籠紗

高僧不受著袈娑破衲猶云好自遮楮校火

傍銷冷病瑤璃鉢裏飯胡麻跡深蘭若千峰

海客

壬子

壬子

葉心轉蓮函一院花何事學人來問取殷勤

只與趙州茶

比夜長少寐思想平生謾成一律申社

長三翁

逐世無能得轉蓬飄飄迴向野田中放魚尚
怖鉤成月傷鳥猶疑箭落風舊業報顏渾作

夢老緣隨意且談空百年已過三之二幸把

餘生伴社翁

望介山緬懷郭有道先生

鴻飛白雲中衆鳥徒營營達士一何遠杳然

凌太清內蘊保身哲外無絕俗貞橫波順仙
料角巾偶華纓誓將斷巨鰲文彼天柱傾時
哉不我與高嶺獨含情

雙樹軒茶會

雙樹結龍鱗同人向此臻手持青玉杖頭帶
白綸巾住近雲邊宅消閑霞外身園爐爇香
茗聊用寫心神

白雪曲二首蘭王堂稱壽

鄧醪如霞灑縹緲南山前捧萬年厄主人何
處動仙樂盡是高天白雪詞

清嘉稿

壽

三

一派高歌白雪寒四筵傾聽和皆難醉歸餘
響挂心曲回首蓬萊樹上看

寄題陽谿新理書齋

開道新齋建宅西移將舊卷復深棲辭榮不
餌千鍾祿楚淡寧其一甕齋陋巷客稀門總
閉閑堦兒戲手頻携尋常莫作茅簷看天際
白雲聊與齊

壽蘭軒君

龍華高會慶生時獸炭烘堂酒煖危白雪唱
中人寡和南山詩裏壽多期蒼松桂森頭

色歷歷星辰粲羽儀說道是仙君不信水桃
為底摘瑤池

壽東臯翁

大塊逸君老焉知老更強紅顏賽桃灼白髮
比松長燈下看箋字枕中藏秘方喜筵仍戒
酒靜室但焚香身際四朝盛家觀五葉光南
星當戶牖北斗挂門堂洪福由天授浮生安
可量

壽乾石

亭亭連枝樹矯矯薄暮年勁幹保霜雪榮條

清嘉稿

壽

三

春復然雖無薜華姿頗類古老仙塵物日以
遠天親樂無邊舉俗愛生辰况乃同生緣同
生何所願惟願永貞堅大椿為我友喬松我
師焉寄與在鄧醪取笑南山前

兒階生日詩以勉之

年當五五學何如可是趨庭効伯魚門子未
能恢舊業里人空想建高閣青天王宇三條
路綠閣芸窓萬卷書今日發心良自勉後期
猶恐更成虛

臘月八日燕佛讚

維臘之吉供養和南于我世尊報厥恩單法
門不二風幡豈三非空非色即心是衆

社會分韻得歲寒松栢

我觀貞樹林松栢得其深葉葉冰霜保枝枝
羅鳥尋神方收絳液仙騎舞玄陰不省丘中
事焉知歲暮心

玉樹篇贈山泉宗尉四句

桂苑亭亭玉樹枝蓬宮表表列仙儀
延齡定管三千歲聞道欣當四十時
栢葉翠樽酬今節梅花綠枝報春期
爲歡正及朱顏好試聽

漢書稿

尊

三

南山小雅詩

小堂觀妓

寒堂春欲到座客笑顏多翠黛驕銀燭紅香
撲綺羅吳歆翻子夜楚舞學陽阿却恐迎風
去頻看機上波

青蓮精舍守歲

殘年此道盡暮緒益蒼茫下上樊籠鳥東西
岐路羊都令憂速老轉使聖成狂諸法原空
相回頭禮定光

丙子稿

稿

天谷漁塘稿

丁丑萬曆五年時七

立春日覽鏡

齒牙脫落鬢毛稀半似富人半已非
臨鏡不堪增醜老逢春翻更減容輝
莊生野馬觀空盡簡子微禽歎世違
寄泊此身渾似鶴寒松踈影獨依依

早春陽谿君見過有贈率爾賦酬四首

窮巷春還到高軒亦見過此身同草木今日
被陽和酒寫連醅酌琴彈帶索歌生年君莫
問但看老巖阿

漢書稿

三

一

晚歲學逃禪方知蘇晉賢祇令吾道在不受
世情憐美夜燈同看宜春酒共傳美君搖綠
筆飄渺散花天

獻歲省吾私徂顏自不怡隨陽燕北鴈發藻
讓南枝絳老年誰問維摩病獨分惟應看冰
綠脉脉守東陵

背郭東風溢扁扉冷尚餘若人嗟已爾君子
念何如伯玉朋松桂東平宴里聞遂令岑寂
地時見五雲車

贈王近陽比部

此樓未必盡離群亦有高賢問白雲畫省行
旌天上見青郊導騎谷中開條宣惠藻三陽
達節正瑤光北斗分恤猷至公兼恤隱口碑
誰不載洪勳

壽李南原

北闕辭榮早南山住歲深耕雲芝滿谷種月
桂成林尚子游仙意陶公避俗心隨緣還結
社感興亦平吟酒客頻相問詩人亦見尋壺
中新甲子洛下舊冠簪白髮將回綠丹砂欲
化金三花識祥旦開遍紫霞岑

送李南原

丁丑

二

贈穀蒼查使君移鎮廣西

移鎮行當莅粵鄉即知聲教起南荒炎風桂
水迎來棹朝雨蒲關送別觴記取耳提心學
後依稀身在聖人傍雖然我道無離合其奈
相思萬里長

送葬

大塊賦形器度數能幾何曾無金石固奄忽
歸山阿山阿亦何好歸者如逝波云誰爲鬼
雄當路揭虞羅我聞薤露唱復聞蒿里歌豈
非蒿里君竊柄恣煩苛君土亦已廣君卒亦

已多胡爲歛不休貴賤同消磨古塚湮草間
新墳鬱嵯峨白楊含悲風生死不相過心隨
死別盡淚爲生離沲

月洲詠

黃河遠灤銀潢流桂苑中涵明月洲王子吹
笙在上頭羽人跨鶴來丹丘玉兔擣藥玄霜
秋服之壽與天齊休華胥有夢非真遊浮世
等閑如泛漚不老之鄉任君住我期歲暮同
淹留

贈張濂濱使君總憲山東

嘉慶

丁丑

五

東方山海帝王都法曜重臨象緯殊網紀六
條凝正色文章五典煥洪謨逢時早勝礪溪
老淑世遙同闕里儒却念晉人攀憶處野棠
含露綠芬敷

四月八日峪中觀賽

水神祠畔夏陰繁打鼓吹笙隔樹喧社宰向
人分肉後紙錢飛上繡花幡
神媼龕前歌吹喧女郎連袂競花繁不知拜
禱緣何事炷炷名香悄悄言

前有樽酒行

我有美酒君幸過風花引觴紅玉波三千
百觴豈多十載幾迴顏面酩君今不飲將奈
何坐令白首成蹉跎月之朝日之夕抵死惜
費不惜陰黃金北斗應無益

園木初榮偶然對酌

艷裔何從起都來嘉樹林蒼蒼含霧色猗猗
藉雲陰微綠枝猶短疎紅葉漸深陶公將老
至所感正如今

和濮陽李北翁寄懷一首

忽枉瑤華訊嘉光滿薜蘿高雲睇遠岫一葦

集

卷

四

限洪河情似無群翼形如不蔭柯懷人空有
酒淡淡綠生波

李北山寄

聖主徵先達胡然久薜蘿盛名超北海高義
滿西河世種王孫草人如玉樹柯焉知汾上
水不自魯陽波

背郭園列時花藥及開寡顏題以解嘲

木藥有常姿當春故自披如何嬌艷色不似
洛陽時欽媚疑嫌我含悽欲恨誰方知背郭
地百物總難宜

礪溪園第十次賞牡丹作

拄杖看花花笑頻多因厭見白頭人香含曉
露渾增韻力怯東風似損神開落幾迴形問
影榮枯一向客同塵臺公不敢貪天祿歲得
名園五斗春

再到清華園用題壁韻

樹裏陰陰青霧屯仙家隱隱綠蘿村看山屋
對千尋嶺弄水溪流百丈源鷗鳥向人機事
息苔花上壁舊題存無絃得寫重遊興却是
意深難與言

集

卷

五

喜裴徵君見在兼在蘭章報倚韻奉酬
以寫我心

袖裏瑤華三歲存前言今喜得尋溫草長烟
水洲邊路花暗雲山谷口村松桂有緣來隱
逸詩書無計強兒孫與君長嘯清風下一片
閑陰綠滿樽

雨中過裴山人館鄭鶴菴在焉山人有
作因共和之

戶外泥深轍堦前步滑苔不綠今雨過誰爲
故人來沅水心同在停雲抱獨開酌言欣有

酒不自荷簑迴

酒掃桐竹山房迎巢雲先生館之

桐竹陰陰房翠微丹山文鳥一來歸雖鳴野
谷聞韶律肅羽空林見德輝魯父退箴時不
至楚狂歌咏意多違獨憐黃雀知趨向爭自
啣花傍爾飛

偶得名酒携訪巢雲撫景清言不覺造

夕

偶荷杯中物言尋客裏仙四隣咸寂若一室
自悠然羽扇搖薰至冰壺坐日延窓流青竹

嘉瑞

金

六

韻門網碧蘿烟談笑絕塵想淹畱果道緣梵
垣雙樹接文綺百花聯不見金蘭侶斜陽何
處邊

承蓮社諸公見賞小園芍藥依韻奉酬

種藥忽成叢焉知老圃空階分曉天翠欄聚
夕霞紅不逐蛾眉女寧從鶴髮翁莫云清富
貴吾道本來窮

謝澗南翁招賞名花

已賞名花過十年今年又向赤欄邊儘饒白
髮還詩債未化丹砂作酒錢舊會杏園成兩

落散村梅野得天全多君長是山林主不蓬萊別有仙

仲川君新園落成見招游宴即席贈酬

帝子經綸別業開三山分取一蓬萊金銀界
道雲間屋丹碧成帷樹裏臺陰席華棖明組
練炎梅藻夏鬱樽壘夕陽清吹凌空起笙鶴
盤桓未擬迴

五日宴蓮社宗英

開居觀四序全盛屬端陽脩畧導淵穆微薰
蕩幽香不將心賞寄焉用惜沅光我有數斗

嘉瑞

金

七

泥嘉賓一來翔班荆坐葱蒨倚樹弄琳瑯朱
火殷若榴圍花羅穀棠池青九鄧草石秀三
珠芳含章托毫素雅歌行玉觴面顏同美好
壽命當靈長無謂苦炎熱廣庭生夏涼

五日西園宴集用裴徵君韻

亭臯清夏氣簷履及時來水翠菖陽出烟紅
榴火開情長延命縷興洽駐年杯此會須珍
重浮生定幾迴

鶴林園避暑作社會柳川翁爲之主裴

徵君爲之賓

仙翁選地集朋簪共就王孫秀木林白社靜
緣回夏氣綠堂開影落城陰桂廉祗爲逃名
久避俗多因涉世深不遇清人裴叔則離居
何處有同心

山居寫懷呈裴山人

山居三十載慙沮非山人塵物雖稍棄俗緣
猶存臻酒中邀每去詩裏覓時新束帶揖邦
牧焚香拜王晨雲霞非實相松栢有元因所
保在貞素終期弗緇磷斯言向誰語無著與
天親

宿趙陽谿西郭園

青山背郭扣雲居童子開門會款予借榻往
年多繾綣解鞍今雨復躊躇宅邊芳蔭先生
柳窓裏玄文老氏書便欲向君畱十日呼盧
不遣玉樽虛

詠茶粥

乘涼高樹下驅暑若爲平省已蕩喧濁齋心
調靜清晚知茶粥意真偶菜羹情寄謂熱中
者醲鮮當見輕

賦裴山人柳歌

吳鉤錦帶日南歌萬古愁心向此消我愛梁
園好花月與君醺酒坐相邀吳鉤如水號神
器不及鉛刀有所置世上達生惟葆光笑他
野老風前棄

寄壽龍洲光祿

望望綠洲老遙遙紫禁中爲龍作耳澗是鳳
鳴高桐神鼎調元氣台階接上公岳生王佐
日人仰帝臣風詩比南山詠文將北斗崇惜
無縮地術矯首倩飛鴻

夏日登西山最高頂

西山鬱鬱上岩峩絕頂我我混沕寥六月火
雲翻爽氣九天涼露奪炎颺馮空鶴立黃金
界眺迥虹飛白石橋欲訪高仙乞瓊雪此生
埃滓盡然銷

李南原館宴集

野性任平生同人喜合併杯承花下馥簾展
竹間清興是披襟灑懷因岸幘傾方知形迹
外可以定交情

伏日有懷

大暑蒸紅瞥道塵多應車馬驚亭津青谿背

日無氛垢碧樹藂雲有隱淪洞口九靈芝草
長峯頭十丈藕花新儵然因對形神別便是
羲皇以上人

李磻溪六十

榮宦三年遽息機周游六甲宴開扉披霞石
上丹成慢種樹雲邊黛作園兄弟樂天延淑
景兒孫愛日歲晴暉借觀車馬盈門客全福
於君似者稀

贈滄江宗尉見訪

昔人每愛滄江月今日欣逢江上仙瑤樹真

海濱

金

十

令饑渴解龍光端共斗牛懸舟移北渚汾秋
棹琴轉南薰舜日絃願得與同河朔飲不辭
酤酒杖頭錢

和巢雲先生喜遇滄江君倩寄家信

高歌旅邸勿躊躇且喜家園信不疎稍別風
輕六月御相逢仙降五雲車論心宛在陶唐
里畱款何嫌班氏廬待灑新秋向姑射殷勤
借鶴爲傳書

涉江采芙蓉

芙蓉一何好煒煒江之湄窈窕事攀折水深

零露滋羅裳澹珠潘木蘭組連漪豈不畏沾
滯將因貽所思所思曠脩阻曷由爰致之芳
意嗟徒爾暮顏忽已衰

得圖篇

蘭秋水雲湛桂宇宴清華上客仙人彥高門
帝子家著書參玉訣燒藥變黃芽鬢綠瑤崑
草顏紅句漏砂珥貂遺富貴牧鶴足烟霞壽
以敦仁積名由邁德加西梨甘似藕東棗大
如瓜二物應難老行當駐日車

雲川新居社會

海濱

金

十

殘暑雖猶溽新秋已自清槐疎流火影輝急
擣砧聲洞館疑王屋宮牆似洛城宴言此曠
豫真境獨含情

秋日寫懷呈巢雲先生

世事生平百不能無何面目轉堪憎休官却
任山林守帶髮翻爲水月僧蘭醕遣懷心淡
泊荷衣遮體骨峻嶒良緣晚節蒙天授霞表
人來話上乘

高齋開望言懷

浙浙西山爽盈盈大火流落齋聊一望即事

稍已幽樹態變蒼色雲暉含素秋玄蟬厲高
響白鳥馴下浮歲候感遐况吾生慙遠籌何
能奮丹嶠躋景洪崖遊

生日奉酬見壽諸親舊二首

年紀蹉跎筋力衰宴言猶復荷親知瓊蘇恨
不勝杯酌桃竹應須作拄持月缺瘦多瘡免
影風高淒緊挂蘭姿也知酬藻詩人義無奈
毛君鉞若椎

天風吹下九華仙佳節奇逢詎偶然翠嶺三
秋登稼日銀河八月泛槎年翦搖金粟飄歌

海錄

主

主

右觴落瓊漿到舞前感遇便將酬好李看來
終不似桃園

齋居偶然二首

茅齋全背郭蔬圃半臨陂活計聊安我生涯
更問誰鳥憎如箭木魚畏似鈎池只有寬閑
地堪爲僻寂資

豪狔不可牧走狗不可爲功大過無補名高
毀亦隨魯生蹈東海李父趣西陲何事楊朱
子猶然泣路歧

題鄭鶴菴魚甕

鄭公陶巨甕貯水蓄游魚園轉江湖瀾中涵
天地虛星羅珠作網花撲錦爲藻牘有濠梁
趣憑觀常晏如

壽宗正一山公五旬

魏數先登五十籌瓊筵高啓宴莘秋王孫自
是山中宰仙客都來海上洲杯捧玉漿玄露
湛盤堆火棗赤霞浮大羅光景塵寰隔儘與
天真控鶴遊

和酬龍池翁見壽

一承德意深頌覺塵心淺德意等鴻鈞垂光
徹幽顯塵心絳輕埃胡力禪崇嶽濯濯間世
英明明恭階轉群倫肅表儀百辟推冠冕歲
早皇澤敷載熙聖謨闡大慶避龍蛇中林狎
鷄犬杏開耕石田桑落收原藺顧我省非曾
蒙公交是晏年憐絳縣生詩賚玄珠選報李
志徒勤折麻私莫展拜嘉頂名香走謝疲駕
蹇願見陟虞庭幸觀弘漢典天從倘不違積
念斯可遣

附龍池先生寄壽

八月寒暑平河漢清且淺望舒二八時圓影

如畫顯何處有高人彷彿山之嶽二首六如
身千周甲子轉萬言貯錦腹一瞬空塵冕洲
微至理冥述作大猷闢偏呼鶴上人時吹雲
中大英風海外揚奇士來重蘭問字過王侯
北海常歡晏斗酒詩百篇德音不可選繫余
懷素心良覲未云展欲往龍門游景行規駕
蹇願君壽千春永作邦家典終得趨庭隅晤
言欣累遣

積雨初晴秋林宴坐

雨洗晴光玉露溥林間疎影見巖巒倚梧長

集

五

古

彌身無累掩卷微吟意自寬炊黍不離黃葉
裏聞鷄只在白雲端最憐社老生能達同欽
秋容玩歲闌

聞呂徵君六旬將自潞還越寄言贈之

塞北江南萬里遊春來秋往六旬周儒生自
爲青袍誤詞客誰將白璧酬綠壘丹崖畱履
齒金箱玉笈戴牀頭還家君好吾傷別恨不
追隨似海鷗

寄贈伯粹同甫師自潞還越

有美月枝秀飄然霞表人少年甘隱逸清世

沉淪愛踏連天草羞詢要路津綠琴焦鳳
尾寶劍繡龍鱗冀覽欣王屋燕遊望玉晨棹
移漳水曲家向越江瀕正及秋林好黃花赤
葉新

苦雨行

積氣氤氲迷北渚歸鴉墮葉紛鳴舞長空闊
住萬山雲大地灘平十日雨高齋愁偃思悠
悠目極蒼葭白露秋只恐增波作川漲併將
韶景促東流

苦雨懷裴巢雲兼貽元善

集

五

五

憫雨初欣三日霖安知七日更浸淫頽垣漏
屋書猶濕乞米求薪竈已沉有客寥寥鄭家
園黃汗斷道相思苦云誰裹飯往從之莫作
琴歌似桑戶

楚客吟贈雲谷山人

楚客禁秋異鄉縣不殊鄂渚閒游衍支離願
者悅同心偃偃丈人欣識面坐撫龍門三尺
桐行披中散竹林風泰斯湮沉姬籓邀問君
雕簪何其工酷愛昌黎石鼓歌爲天飛起朱
絃和木葉下庭汾水波索居寡群愁正多床

頭酒香金巨羅晤言使我蒼顏酡不然已謂
心苦傷况復漫漫秋夜長

頃以一袍贈巢雲先生特表緇衣之好
云耳輒蒙藻答爰用矢音

自昔緇衣表好賢見賢今日豈徒然已知論
道超三語更得陳詩授五篇始信幽貞獨脩
縹緲蘭被荷帶芳杜青雲貼天當爲誰徃徃
書生說平步金剪吾裁作一袍贈君取著凌
秋高華月寫空香霧饒冷風捲地樹微銷洪
崖拍手姪娥謠翩翩兩袖雙鴻飄閭闔曉排
朝王晨珣玕吐輝臺素仲玉晨憐是謫仙人
奇服聊爲江海賓好把明珠照玄夜還將朝
笈度迷津竭來貽我錦繡段愧我報無青玉
案文綺珍藏柰若何心精絲黠紛流亂

閏月中秋辱玉牒賢宗金庭丈彥招飲
於仲府之寄與園再爲朽生壽也即事
寫心作醉歌行

芙蓉池上玩朝曦蟋蟀堂前遡晚吹唐叔思
康樂恐遲陳王歡宴不知疲百代風流如轉
環至今媲美宗英間文章華表瑩秋色簪組

芬羅開笑顏茂苑高臺鄰園起方塘白水佳
汾沚葦菊未舒九月黃流霞先酌千山紫南
榮鈞九笙鼓喧楚舞結風吳飲翻興劇曲終
仍奏雅清謠朗詠鏗璫璫此時歡樂難具陳
日短酒多銀燭申醉裏公然得中聖獨醒豈
解沉湘人座隅自哂婆娑叟生長五朝成白
首遇飲希逢莫逆交飛觥吸月欣纔有金波
穆穆桂零香披拂眞爲君子光徹底虛明殊
未央仰天載歌歌且長

奉懷呂岫雲中舍兼酬惠問

鳳池鳴珮切青雲龍袞香烟襲紫氛司馬翻
爲茂陵卧孫弘虛枉辟賢文雄裁五色自垂
藻盛世三朝誰策勲却念北山競隱逸遙緘
赤牘慰離群

畱雲洞

無心出岫口却向洞中畱石濶靈根引龍蟠
瑞靄浮微風香篆曷片雨夕陰收莫去蒼梧
野逸遙江漢秋

洞壁梅

寒梅畫壁間明對小孤山瘦影月中桂淡香

風裏來月華長不落風韻香難裁只許雪片共書郵莫浪猜

桂子山莊引爲龍池翁賦

夙世青天種白榆白榆歷歷表星都今來紫省裁丹桂丹桂叢叢森羽衛天上人間非渺茫人間玉宇涵天香子晉來仙謝城闕王陽歸隱成山莊莊前莊後通月道秋去秋來身不老顧免擣藥覓裳九明窓之塵盡爲寶金華爭自慕軒轅安見黃芽桂杪存我欲投林叩真訣仙凡迥隔難攀翻緬想婆婆最高處

凌雲閣

金華

上六

凌空積翠起烟霧開花結子子還孫永保靈根得貞固鏡水屏巖嘉月陶手提萬象恣遊遨實際芥子納須彌浮名岱岳等秋毫赤城霞起照瓊臺朱陵洞天雲往來廣庭月華臨靜夜冰壺寒露絕纖埃勝境徒聞不能見稍喜良工續蔥蒨大冊高文互品題箇裏真人合須辨真人生憎冷暖眸每把紅羅扇遮面

秋晚蔡明軒賀澹菴二使君見枉丘園詠言奉謝

漢使行風俗汾隅及隱淪蒿菴仲藟宅木土

伯倫身積兩蕪三徑孤雲絕四鄰守玄惟寂寞知白尚逡巡鶴蓋垂雙蔭熊軒儼並臻莫爐迎紫氣倒屣肅清塵禮數原寬厚情涯自切真寒花披夕秀衰草冒陽春不有丘園貴安知天地仁欲宣心所感觴楮曷能申

送月洲還蒲

金素光寒月滿洲喜逢仙侶再來遊瑤華灑翰過詩社玉笛飛聲向酒樓共羨浴儲能控鶴不嫌野老會騎牛送歸河上知吾否遙望紫雲天際頭

凌雲閣

金華

上六

奉答林臯見寄

千里書存日暮雲幾時簫鼓濟橫汾蘆花月白和誰玩菊葉霜黃悵獨芬離緒絲絲空綠繞夢途天遠竟氤氲近來稍假杯中物懷抱微開半已醺

秋杪翠虛亭留飲月洲王孫巢雲隱君巢雲有作用韻和酬

山亭幽悄足音節野水寒烟澹翠微却喜素心雙顧步頓令窮巷滿光輝芙蓉索共籬花笑蟋蟀愁隨塞草腓解道歲闌人易老及時

強飲莫相違

柳川園菊會

園卉具成腓籬花獨可依黃中標正色白藏
炳餘輝吏隱同名傲人看幾寥微智哉彭澤
宰把酒啜英歸

九日蔡明軒賀澹菴二使君平霞館宴

集即席賦酬

疎林荒館動光塵登覽時逢翰憲賓霞沉日
華明紫蓋巖飛嵐彩迓朱輪蒼蒼平楚秋容
肅九九佳辰暮序新高宴不遺彭澤侶一簪

幽藻燦霜旻

裴微君見示長夜客中述懷之作時余

在病亦寫我心

休論寒夜客中心我已閑居念更深學道未
聞慙白首巖山無補負青岑病增余冷霜塗
屋愁厭葉乾風滿林自是有情隨物化不勝
天籟起長吟

仲川鶴菴約巢雲君游覽介山山中多

王孫別墅知有嘉客率具酒邀會余聞
而美之二首

空山寒翠滿俗駕幾登臨獨有青霞客能無
紫陌心行便松界道息喜竹爲林仙酒家家
熟邀同歲暮陰

萬木脫蕭蕭晨青山見本真含弘入窈窕廉峻
上嶙峋五彩振翔翼一聲長嘯人超然向空
盡何者是沉淪

望綿山懷古

石桐水寒群木空祠墓可憐綿上翁孤兔伏
藏山鬼宅龍蛇抹撥亡人宮剖股只看處已
賤輕心那表奉君忠夕陽古道反塵起猶似

燒天野火紅

孟冬社會賦得鶴來松有伴二首

矯矯雲間鶴依依松樹陰傾枝如有待擇木
自相尋瞻彼能投分嗟余寡盡簪殷勤賦招
隱一寄歲寒心

竊羨九臯禽冥冥萬里心晨游超碧落夕愁
返青林有伴借貞素無媒嘆陸沉向天鳴和
好併在歲寒心

賦小田徵君種菊盈園招飲菊花酒歌

東籬之下南山前栗里先生敦雅緣手把黃

金若驕富心醉濁醪成隱賢祛慮能消五萬
劫制齡不止三千年畱得佳名復佳色併向
華秋正華飾末俗蕭蘭總不分清風松菊誰
爲植紫薇仙省上卿家公子翩翩逸思賒有
園不貪鶯裏樹有泉只溉鴈邊花白雲飛起
遍滿湘青女飄來滿地霜即景邀余共花酌
頓令六腑生寒香我還借酒勸君酌鼓爽藁
宮應自樂盤龍寶鏡鑄朱顏雙鳳羽觴收大
藥

詠雪二首

金

金

三

遙天疑太素大地霽餘輝煙水平鋪練雲峯
亂結衣南枝花競發北澗鳥停飛漁父家何
處寒蓑獨自歸
對酒玉爲人看花不待春只消汾曲樹莫問
武陵津筆酒雕龍屑譚飛白馬塵遙知梁苑
夜足共此心神

雪後携樽蘭館看裴微君二首

雪深晴亦冷旅舍今何如言念蒲團結應同
草閣君朋來聊貰酒客散第觀書勝有郢中
曲隨風一起予

人居雪館宛在玉山岑道阻人稀問扉
我獨尋冰清襟共澈歇短坐逾深不有寒壺
酌其如歲暮心

對雪懷劉雲谷兼呈兌軒

北地梅花少應將雪片看不愁居隴上如信
寄江干一曲聊歌郢三杯第蕩寒猶強洛陽
今辛苦卧袁安

寒日訪巢雲先生于金蘭社館

有美玉山隈扁舟停俗埃竈然薪帶葉壺挈
酒連醅野迤邐書下疇人問字迴笑予東郭

復何事路米來

隱堂洞懷古

退老西河上終然君子儒道存人代改名在
歲華徂古洞殘書寂寒峯片石孤白雲何意
緒長與碧嵐俱

贈別巢雲先生

論交喜見玉山君南北過從晉與汾又館清
言常連曙晨樽溫款復迎曛白雲幽岫
偶黃鳥春林自不分縱使別歸無住此心
自是未離群

張呂岫雲先生

金玉才章冰雪姿岸冠姑嶺帶汾陂至尊若

見輕黃屋內史何言舊鳳池

自解樊籠學退藏松苓服盡羽毛強何時一

借天風去直到仙家綠井莊

懷劉金溪先生

鳬鳥飛迴弄紫烟黃金溪水澍藍天姓名已

自登仙籍何得區中世網牽

公幹偏多里閨情肯將瑤草問臞生真成隻

字千金重不枉篇詩萬戶輕

五

五

五

蘭玉堂觀梅醉太平

紅滿枝白滿枝繡戶珠簾春到時休言黃柳

絲淺粧宜淡粧宜水月精神瓊玉姿東君

知不知

臘月一日壽巢雲君且送還山

嘉平一日古仙辰初度榮君客裏身塵世難

逢好時節天涯誰識醉鄉人面如紅玉堆霞

滿詩似冰壺湛月新計到堯城還作壽又當

姑射早梅春

丁丑稿終

文谷漁嬉稿

戊寅萬曆六年時七十四

迎春詞二首

喧喧笙鼓動城闌報道勾芒送早春紅絲逢

迎花杖簇青旗搖拽柳條新

寒巖幽谷不知春陽律何吹到隱淪似是東

皇回世態也教分與歲華新

元宵前四日晝苑試燈

燃燈只三五取樂殊未央欲展宜春興先開

不夜光金吾猶戒道寶炬已烘堂占得銅壺

水多添幾箭長

五

五

五

魚燈

冰綃出瑤水收得錦江魚五夜燈如畫舍光

混太虛

梅燈

屏裏一枝梅疑從江縣來晚風吹不落長向

上元開

正月十八日答陽谿君見訪

開歲無方慰寂寥幸來空谷有招尋黃衣架

上雲堪曳青草池邊句好吟燈以意畱過節

放酒因心賞及時對相看一對搶榆鳥短羽

低鳴不過林

春酌寫懷壽泉宗相

支離何處覓交親
晚境天開有善鄰
愛我能忘中散貴
知君亦是上皇人
延宵絳蠟然燈永
稱壽黃柑薦酒新
莫道山深無曆日
百年從此記長春

陽春行

雪盡水融天氣青
日烘烟煖北山庭
嚶嚶一鳥試新啼
兀兀幾人回夢醒
茶褐園林春事早
鹿胎田地行春好
嫩黃飛上未垂楊
微綠

清緒

金

五

點來初茁草輕薄
翻憐游俠兒聯翩走馬東
郊道洛陽春滿利名交
利盡交疎春亦拋
何似長春洞中客
酒樓平接杏花梢
攀花小飲駐顏紅
倚樓大笑凌空翠
抖擻超然象外天
拳拳莞爾人間世
眼前茶蓼負韶華
身後素囊成底事

贈李南原生日

與君玄素交
削迹紅塵道
守拙井沉寔
逃虛破煩惱
酒諧半醉佳
琴信無絃好
社鼓遶春秋
村鐘報昏曉
原盤衣稍溫
井稅食餘飽
冰

解縱游魚條榮暢
嚶鳥芳辰華誕逢
上壽南山禱丹穀
有時傾南山青未了

送田汾南應選北上

賢良文學漢科名
辟命欣君並美行
解辭不曾焚芟製
爲龍何忝羨魚情
早從三禮開儒術
時就五詩和頌聲
計到帝城春色滿
萬條烟柳正啼鶯

奉謝陳柳亭中丞寄懷

鴈飛東去鯉西旋
尺素相傳意渺綿
海月四流偏晉野
山雲孤擁獨吳天
陳蕃榻繫下徐

清緒

金

三

日召伯棠存分陝年
每共蒼生願舊德
早和台鼎玉宸前

柳亭見寄

無論去住與回旋
只有音書日可綿
道契心知猶一地
吳南冀北不分天
草玄歸老旬宣後
問字慚予貧病年
莫道清朝猶總舊
角巾共醉菊花前

秋風颯颯鴈西征
尺素聊將寄遠聲
汾甸月明開絳帳
吳山霜冷杜茅衡
聖朝有分容林叟
漁野無緣嘆水萍
爲語故人應努力
白頭

片好修行

春林適興社會作

春林洵景晏垂柳復飛花笙歌百舌鳥鼓吹
青池蛙借問此何居云是野人家野人無外
務聊爾樂生涯扶筇四老友携興入烟霞避
迥樞賓主邀樽坐日斜

贈龍洲公以光祿使晉尋轉太僕還朝

舊鄉擁傳來三月新命移官近五雲行色又
隨春草壯離思空與夏條紛清班日佇還朝
節紫禁天歸拜表文豈道夔龍惟傑正即應

端揆贊虞敷

贈周小川遊太學

賢關一路九天開昭代駢羅萬國才化雨儘
教滋棧樸祥雲爭起近蓬萊宮牆高廣須攀
詣壁水澄泓好泝洄知爾抱琦行不負相看
翻喜別離杯

開齋永日看王臨川黃豫章詩皆以竺

乾之學發之乎杜調而臨川隱約豫章

有謫諫意因隨得起與欲擬之云爾

五日書懷

荏苒偏驚物候催端陽爭得好懷開身棲絳
邑年空老家在青城首重回掃艾豈消防崔
戶酌蒲猶恐冒蛇杯榴花滿眼丹如渥不上
蒼然雨煩來

夏日登白雲寺樓

夏不登樓還一登畫簷時見白雲層雲來就
我原無意我去排雲自未能蛛網打開窓八
面貝函掀倒佛三乘當空跳出塵沙劫何處
梅炎有鬱蒸

畢宿壇道士祈雨

爲乞甘霖灑言回霄綫熏建壇臨坎位望月
次星文甕蜴徒鞭柳泥龍不逗雲黃冠彭豕
腹正自結妖氛

與南洲禪師坐談用柴定公韻

逐浪降心未易降直須潮落水平江今朝倚
杖歸南畝竟日荷扉卧北窓學佛始知門不
二爲儒不羨士無雙待渠雪裏芭蕉盡撒手
與君遊淨邦

戲題黃菜會二絕

飯炊菰米菜團盤一飽齋時到日西社友也

能忘肉味莫非都想學菩提

自作黃蘗會二年一迴相與一歡然却憐醞
醞非膠漆淡味翻成歡喜緣

題寶經禪院二首 院是僧睺天造

靜地得郊墟樓禪小結廬佛龕金作像經閣
貝爲書水月觀心後風幡定性初可還離却
此別去問真如

印經行萬里來結此招提半偈方懸悟千函
更指迷花飛香雨細樹引法雲低東土家緣
足無勞面向西

會清河老人敘懷二首

六

老來無一事何喜復何憂在處隨渠在休時
便自休夢蕉朝得鹿藏壑夜移舟說與人誰
會惟應石點頭

晝永閑無奈年衰老不知座猶嫌少客酒每
厭空厄錯認吾爲我真看爾是誰嗒然成一
笑酩酊復奚疑

過雲谷新居二首

回望荆門隔楚江安居汾水白雲邦仲宣樓
上三更月萬里隨君臥北窓

西北樓臺一逕過茅齋小隱結巖阿果然陶
巷無車轍只有閑雲到薜蘿

題雲谷山人隱居

達人從所好佳境即安棲結屋倚城北開窓
面郭西山青邀欲到雲白望堪携未是尋幽
少荆扉有杖藜

伏日憇竹林西館候中散携酒見過

西館竹林隈相將避俗埃綠陰移碧葦紅采
亂蒼苔客款同心酌人因笑口開片雲如有
意還送月華來

贈王官夏南坪

七

看盡浮雲過太虛王門真好曳長裾身閑不
道騎無馬貌瘦非干食少魚銅館舊臺鋪首
箔金塘新水艷笑藻遙知帝子登臨暇是爾
高歌醉月初

贈霍礪菴以恩蔭得官

司馬公家繼世英早蒙天寵謁承明扞文再
襲金章采步武重銚玉珮聲傑閣舊勛思博
陸高門餘慶在玄成故人相贈無他技耿耿
懷親報國情

柳川園六月社會

秋初瓜果熟園林便得天眞款盡簪四座放
教青竹近一簾垂向白雲深酒能適興方嘉
醒詩不落塵纔好音却愧病來違宿諾石榴
花滿廢招尋

秋亭宴坐看槿花

靜觀秋有色粧出槿花紅彷彿葵傾日招邀
蝶戲風榮枯朝夕裏舒卷有無中若與維摩
看應將證本空

秋林社會呈二老共和

初秋良宴會交久意逾親住近青山郭來同
白在人開軒雙樹對延款一杯申長袖爲君
起而無陌上塵

孟秋多雨弦望之交鬱不見月十九日

纔霽四野榮觀嘉禾豐茂開府榮公登
城周覽見招鄙生從邁乾樓之上共運
好月之升乃二更山吐出矣因撫景暢
懷聯十一韻翊日情感不既輒詞響復
綴一篇竊謂明公此行庾武昌之淵興
謝宣城之雅裁不是過也

旬陰遮月道翳此皓華敷澹澹長河沒蒼蒼
平野無西樓今夕望東嶺半輪孤依舊含文
曜從新映斗樞熒煌煌開寶鏡晃朗上雲珠明
昭原同執盈虛總合符挈游招隱逸登賞恣
歡娛對酒金波麗裁詩桂藻紆沅都藉郊壘
分彩綯城隅漏永增銀箭杯深倒玉壺興將
閑府並文與微亭俱美度澄秋水應知陋俗
儒

中元佳節爲柳川小村二翁壽

少日論交老不移幾人知是素心知無波淡

九

水投平仲得意高山付子期名列玉京黃籙
紀顏開金井碧梧姿年年燕洽中元節屬我
與翁爲壽時

詠蟬鳴黃葉

野水夕陽隈蟬聲樹樹哀葉黃金欲碎露白
火全灰輕翼驚寒重纖絳怯冷摧不勝蕭瑟
苦應悔噪秋來

雨懷二首念裴徵君

雨深秋欲盡頓覺暮寒多黃灑向階葉青收
肯郭柯吾衰嗟若此人遠憶如何有酒東軒

寄無然欠一過

對床風雨慣今雨却悵携緬想空齋閑多應
在竹西踏泥誰裹飯焚火獨蒸藜客抱當何
遣還來此共樓

今日良宴會

晴暉下庭際微雨散林端席是瑤華展人同
玉樹攢高言敷令德逸響奮清彈杯酒尋常
事無如今日歡

裴山人繼蘭館月餘矣會不數次招屢
愆期嗟嗣晤之幾何憐晚景之虛度悵

然成篇亦詩之韻也

未見君子時恨不往從之及既見君子猶復
隔山陵三旬無九會良月忽已移我病蹉如
棘君閑蹇可駛胡然坐自隘室近人遠而豈
曰乏音信亦多懷友詩心頗復何似所貴非
說辭伊余願瓊樹以解長渴饑睡焉今若此
安用芳香爲

戊寅七十有四謝開府榮定公見壽

百歲平鋪四段分已收三段在人群年年送
酒中秋月日日供詩小洞雲尚欲末光垂晚

照終慙初景昧朝開紫薇開府通南極假我
丹華駐落暉

榮定公見壽

四分百歲已三分愛狎漁樵麋鹿群道在自
宜冠早掛顏畱不藉酒微醺就將山斗名多
壽長此春秋月共雲老向西河傳孔脉端令
四海質疑文

奉擬贈燕一首

海燕雙棲對語頻杏梁宛款意逾親那堪近
社生歸思競爲辭巢戀主人好去烟霜南土

集

卷

七

舊還來花雨北堂新紫薇開府甄微眇看爾
如同幕下賓

園中秋夕四首

春草綠將蕪夏條蒼以疎芬榮能幾許消歇
在須臾逐世垂三組容身蹤一壺到頭誰得
計不數澤中黿

數嫌更漏短今夜覺長添露氣涼生席烟光

月在簾幙痴秋稍耐疲老歲還淹四序原平

剖潛夫仁自潛

梧桐高且脩遲彼鳳來游未若珥珥好空驚

河漢秋寒聲隨雨滴
淒響帶蟬流在樹
嗟猶此何人不白頭

商飈颯高樹
凝景黯然收
砧杵千家夕
星河一派秋
梁空鳥鵲者
簫咽鳳凰樓
孰是無情極
蕭條獨不愁

西園宴壽

筵開西園集
文裾酒對南山
獻壽初青女
點花爭壓帽
黃衣化鶴會
啣書脩成鴻
寶藏丹室眺
向玉樓凌紫
虛占却大羅
天上事風光
偏在九秋餘

舊集

卷

七

謝柳川翁菊宴用思字

木脫山空誰共期
風流只有魏陳思
人招白社來高閣
手種黃花出短籬
佳節已過重九宴
餘香還續兩三危
昔人悲處今翻樂
多是歲寒心所宜

九月念日邀裴微君小酌得詩二首一

和其旅懷一即事

采采菊方積
盈盈色已斑
感心驚歲月
回首憶鄉關
姑嶺寒流上
堯城落木間
吾廬應不遠
時向夢中還

竭來幾攜手
今始一娛心
杯酒呈新綠
篇詩出苦吟
悟言蘭是室
散步竹爲林
日暝紅燈繼
悠然坐夜深

秋暮田家

登秋輪井賦
無事不平成
山坂牛羊跡
場樊鳥雀聲
黃梁炊細飯
綠芋煮香羹
極底田家樂
迢迢沮溺情

詠桑落酒

桑風吹葉落
菊露浥花芳
未落花前甕
先開葉後觴
七賢淹菖緒
九醞盡寒香
借問求仙者
如何是玉漿

舊集

卷

七

送柴定宇參知總憲三秦

鴻天西指思無涯
栢府高臺駐使車
正色二陵風雨霽
英聲三輔震霆賒
權衡禮典弘邦憲
黻冕文章煥國華
回視舊疆遺愛滿
棠陰深處野人家

贈成監吾太史二首

豈厭承明廬
言馳使者車
褰帷觀魏鄙
憑軾問唐墟
太史陳詩日
弘文飾吏初
高齋復多暇
還理石渠書

攀援瓊樹枝汾水白雲涯正色比秋潔高香
含露滋境隨文運轉度與台躔移爲底子懷
望相逢慰渴饑

新作金蘭社門

書社始因陋戟門今壯開懸題承內史崇獎
飾群才華袞榮三字高文接上台同盟利金
斷齊契等蘭裁大雅堂斯陟周行路不回况
當東禮國雲集好趨陪

贈馮孚溪先生自香河擢貳平涼監管
固鎮糧儲

漢稿

金

五

出宰近畿安小邑分麾西守駐雄陬坐調軍
食盈邦計行理戎機贊幄籌吹角緝樓邊月
靜洗兵青海塞烟收題輿使者由來重莫向
關河歎旅遊

御書樓宴集同環洲監吾葛野三使君

賦

樓爲書府藝爲林羅綺高張宴列簪發藻
鉛篇什盛談諧樽俎興情深笙邊看鶴來松
際笛裏聞龍在竹陰信是主賢賓意愜泰光
天子路司樂

冬夜長

寒星如雨點疎帷漏水成水滴更遲休說愁
人怨長夜便是短宵愁亦知

小春集鄭隱君棲真洞分韻得瓶字

子真棲谷口洞館入林亭書演三墳義圖歲
五嶽形窓雲虛自白盆升冷猶青招隱來同
醉東床醪玉瓶

寒夕款裴山人行

雪暈長空冰帖水微吟苦竹寒聲裏柴門小
徑不逢人孤緒擁懷愁欲死薄暮倒裳迎扣

漢稿

金

五

門却是舊游隱君千獻策青雲竟白雲南山
之松北山杞幾向天台度石梁再從姑射來
汾北自柱枯藤杖一條不嫌槁葉埋雙履問
我奚爲老達生嘆謝不知其所止交深欣戚
最相關不見思之見之喜畱宿平鋪龜殼床
晤言共據烏皮几閑情只好泝金波世事不
勞開玉齒夜半酒酣將柰何舞袖龍鍾爲君
起

金蘭社宴集和李環洲韻

竹園芸館映華星高蓋清江流滿城道德觀

永周柱史門墻寧乏魯諸生春回十月心同
向酒對南山意轉傾樂極夜闌仍秉燭角吹
寒響自嚴更

冬日訪桂亭翁

幽人在空谷日夕往從之入戶蔣生逕升堂
童子惟傳雲一杯酒歌雪滿篇詩聖代得閑
放祗應方外知

蓮社新理門堂

藉地竹西隣同脩蓮社因遠心成寄泊淨理
畧蕪菴門對碧峯正堂開銀榜新當如鏡光

寶

寶

云

佛磨洗大千塵

擬淮南王招隱之篇

南山多桂樹鬱鬱廣且脩仙人好安宅結托
此爲樓上千通五城下蟠連十洲九關不可
處虎豹非我儔千仞不可覽鷓鴣劇咻歌寄
言蕩遊子返轡來淹留

鄭廣文新宅招飲同宗老柳川東臯二

翁山人巢雲子賦二首

嘉會一年幾况當芳歲關多君延舊款添我
匝新歡雪意掠梅白風聲送竹寒香籠

坐引滿復團團

鄭家亭子好非獨習之濱一逕小山側四邊
叢桂鄰天寒青綺帳雲淨白綸巾不信是仙
館君看座上人

仲冬逸老堂會

逸老堂中會因知逸老情閑消忙計較拙背
巧經營黃髮延多紀青山守舊盟塵勞無處
著把酒盡平生

寒齋雪霽得群賢見枉

積霰轉晴暉晶瑩上竹扉仙人被鶴至詩更

寶

寶

主

跨驢歸倚玉清無限傾銀冷漸微齋居亦嘉

樂矣必錦魚園

送西寺僧坐禪南山

身雲原不住西轉復南參說法生群聽翻經
第幾函嶂懸燈是月林濕雪爲曇老病吾憐
我聞鐘空夕嵐

憶慶雲上人說法南山道場二首

北山小隱住多年今去南山飭講筵門法到
頭原不一南山禪是北山禪

深林古道一僧歸兀兀山行雪滿衣寶閣香

牀時入座天花應繞法華飛

過裴徵君畱飲有作二首

懷君當積雪稍喜數招尋貌古唐虞意歌清
金石音著書成有日彈鋏澹無心與子爲雙
鶴翩翻不異林

僑館淹窮巷同人獨屢尋杯深緣取醉絃絕
爲知音處世無多術論文只此心誰憐王山
子偃蹇在空林

和裴徵君雪中感懷

寒深孤館雪仍催三尺擁階門罷開燃火可

集

卷

十

憐薪似桂折花空見樹如梅故人多落回溪
舫好事誰携濁酒杯最是西林不堪聽愁聲
偏打暮鐘來

喜蘭軒公寒日見訪

窮巷本無期高軒忽問之喜談畱坐久淹款
許杯遲鷄黍山空日冰霜歲暮時寥寥人境
裏能得幾相知

巢雲生日

獨游三士里半度百年生見壽多瀛客然堂
有洛英杯香臘月釀笛韻早梅聲大笑烏巾

折長謠彩筆橫天遺龍榜挂地表鹿仙行但
得長如此浮名奚足營

雪後承李潤南招飲即席敘懷

少日同游侶多成異路塵惟君尚堅白與我
不淄磷雪地圍爐共花天對酒頻誰知忙世
界容得兩閑人

壽恭衡立明府

耆舊踰踰振羽儀喜逢名岳誕申時寬和賴
水澄波迥惠愛芍陂華澤滋庭綵遙臻千石
駕春光豫動萬年卮南山周雅關情切歌向

集

卷

九

融峯仙老知

和裴山人思歸四首

之嗟不樂久淹懷慨悲歌爲我心樹故

謂是古西河迢迢一再過看碑魏侯廟吊隱

卜山阿甲第新雲日長筵盛綺羅羈人歌石

爛聲短意逾多

寒室嗟懸磬匡牀獨揮衣二毛霜不辨三友

雪應稀殘角孤城咽錢鳥半夜飛只愁鄉路

迫不得夢中歸

衰翁憐歲暮復自怨宵長點眇懷同病蕭條

帶一鄉少薪黔墨突無憂熟黃梁却憶邯鄲
道平原客滿堂

披褐子懷玉賣綃吾泣珠由來傾義氣到底
落虛無意畝青山曲雲房綠野隅還從著書
去垂老學潛夫

雜言四首

楊花飛御溝溝水帶花流無計攔春住教人
不白頭

短褐風冷冷寒瓢永涸涸無錢拄杖頭推碎
青樓月

清稿

廣

壬

趙女彈箜篌吳姬唱鵲鵲愁人不堪聽塞耳

雙明珠

招搖東北指白日西南馳寧父死道傍魯陽
亦奚爲

東臯翁令旦

祥辰歲歲樂嘉平仙表峨峨骨相成架上黃
雲衣慰帖育中皓月鏡圓明梅傳春信南枝
早栢醞寒香北斗傾四世兒孫鐔玉珮大羅
宮裏拜長生

壽鄭鶴菴

汾上談經鄭廣文真成孤鶴在人群絳帷西
館握衣衆朱邱高筵設醴勤坐永樂天閑歲
月行深平地好風雲華辰賀客輪如水誰把
寒松取贈君

潮陽太守若泰公取道汾陽上嚴尊紫
薇翁壽頃有詩答諸賀客首余及之報

擬贈謝

朱紱金章朝日輝娛親殊勝老萊衣楚南樹
裏儀青鳳冀北雲邊觀紫薇五嶽圖開瑤島
獻八瓊杯遠玳筵飛還持起草明光筆發藻

清稿

廣

壬

陽春和益稀

戊寅除夕兒階具觴守歲

驚心俄景駛瞬目一年除總有青春復終於
白髮踈兒翮萊子袖親老段生廬笑劇燈前
飲婆娑還晏如

戊寅稿終

文谷漁嬉稿

已卯萬曆七年時七

元日書懷呈攝守立司理暨長君潮州

太守

陽長陰消歲復新可能新得背時人風行硯
水冰猶滯雪盡庭柯柳尚顰自笑北愚空有
谷誰憐西老四無鄰相存獨荷太丘長並挹
元方五馬塵

詠春日春盤

歲事一番新先從六膳陳紅綾封餅薄金錯
鏤蔬勻細脆勝煨芋生香壓膾鱗倚盤人共

漁漁稿

五

美味得案頭春

和丘若泰明府惠音平霞館

曲巷過逢長者車尋幽端不厭蓬廬呼童旋
鐫雕胡飯束濕聊焚枯鯉魚座滿春雲邀翰
墨談深野火照階除漢庭詞客知多少獨羨
相如賦子虛

群雅堂公宴

置酒禮時哲晴暉溢廣堂明明金閨彥皎皎
孤琳瑯聲歎陽春曲被服雲錦章四座咸肅
若式依君子光華星出霞際纖草夾池芳俯

仰易親聽傾心悉徬徨亮懷羅衆美保羽命
雙翔宴會豈靡他佳哉今日良

棲真洞小集

坐深仍改席斜日小堂幽文練含窓白香風
捲幔涼荆陳舊好然竹款新游不見牆東
石聞說亦點頭

西雲洞題壁

弘景先生多嶺上自言無可贈人群問君何
得相畱任知把閑身當白雲

席間會裴鄭二山人

閑雲一片兩幽人衣褐俱懷席上珍獻賦早
年猶未遇讀書窮巷有誰親寒帷忽在朱軒
使下榻平分碧海春豈道谷蘭終寂寞光風
今已汎池蘋

趙陽谿借山人之館延敬若泰先生時
正人日分韻得人字

三陽看堯茨七葉喜同人玉珮仙曹舊金尊
野館新筆花紛綵勝詩草舊文茵燕谷溫何
早飛來郢曲春

獻歲客來臻欣逢日是人平生青眼舊笑

白頭新異地猶同室遇天信比鄰爭教小隱
處不識大家春

西園燈宴

帝子瑤臺宴仙郎綺閣凭芳辰同佩勝英夜
復燃燈萬頃琉璃布千杯琥珀凝勢分河九
曲光衍佛三乘瓔珞圓周匝蓬萊映幾層銀
花瓶綻柳金爐鏡開菱剪月懸珠綴移星挂
玉繩橋虹通宛轉殿雀上觥稜采牕生江筆
靈華燦刻藤此時烟火外人比露壺冰

青蓮歌

太華峯頭驚嶺西蓮花瑩水青玻瓈古色澄
涵碧空盡露珠滿葉皆摩尼昏沙捲風天海
淪此花不染纖毫塵世間無物等芳潔太白
先生爲寫神朝班供奉玉堂仙口稱居士名
青蓮披香灑翰瀛洲裏秀出芙蓉卅歲前至
今法界青蓮宇仙客天仙猶記取紫蓋真人
疑後身黃樓學士眞儒侶瑤草生庭池綠波
王孫稱觴金巨羅請君振薄青蓮歌湘靈鼓
瑟雲璈和衆聽起舞紛婆娑蠟炬比蓮將榮
何歌聲飛入五雲去雲遠天高不知處

詠史四首

英英洛陽俊穆穆廣川儒抗志厲千載立心
雄萬夫對策窮天人上疏追典謨方當盛隆
世可以幹元樞坐令四海清名與三光俱柰
何遇不遇忠諫翻見迂琮璧委道側章衣墜
池汙良時不再至嘉會不可啻古人有餘歎
斯言非我誣所以拂衣士長嘯東山廬東山
一何崇魯叟昔歸與大聖且如此而我奚躊
躇

古人云寄傲傲實不敢爲南窓孤寂地俯仰

復奚疑

復奚疑漆園本閑曠吏隱婆娑枝無競亦無
惕名跡非所羈叔夜甘長傲醉寫絕交詞終
已隨虞羅反爲達者嗤其餘傲睨者偃蹇恣
夸毗先子有遺訓天也吾誰欺

至人不言夢魯叟歎其衰歎息有深意小子
焉能知歲暮挺春卉夏木陰已垂涼風吹槁
葉霜霰還見摧萬物有榮悴四序相轉移三
五幹玄運疇克弗如斯公旦一以往周德胥
陵夷夫子誕厥生周公復起時柰何無一木
支彼大厦頽無夢嗟已矣有夢亦奚爲春秋

三三策文隱而意悲

上德貴無名沒世吾所疾名立而道存道有
名乃實柰何寧死權貪與競俱畢滔滔烈士
間鮮不墮回通黃屋固何慙洗耳則矜逸忠
信憂可違懷沙事爲室魯連蹈東海段干蒲
魏室留侯辭萬戶柳下任三絃利達苟無心
隱顯寧非一悠悠此天壤德音恒秩秩

贈丘山人

天涯浩蕩獨遊身信步西河草色新玉蘊石
頭知我貴珠藏衣底覺誰貧不言四望非吾

五

土頓悟三生總客塵野鶴飛來復飛去月明
松影到爲隣

贈李環洲憲食西上

晉陽五載題輿使漢塞千重擁傳行白草寒
烟春色動黃沙野水日華明胡笳北捲龍堆
曲羌笛南吹猿夜聲推轂幾賢堪將相玉門
新起一營平

李南原壽日

多君解組身無累會向東園樂有年種樹高
低三畝蔭栽花紅白一溪烟同人對酒

云孤興題詩句每傳世上苦愁爭日月豈知
閑散即神仙

磬室觀妓燈下戲題

銀燭爲誰新蘭房百媚春舞容回雪態歌響
顛梁塵眉橫青眼客腸斷白頭人不作雲邊
夢空餘夢裏身

社中三老行

三人二百二十八總把心期効洛南柳谷翩
翩來鶴駕蘭皋冉冉下鸞驂桃花流春自瑤
水小鳥三清致瓊藥我引朱絲白玉壺沉醉

六

大藥配顏裏

東郡田生善書行當北上予作田生行
贈之

田生學書今幾年頓令滿紙生雲烟爲子掃
素灑芳翰銀爲鈎弓鐵爲幹周宣石鼓傳籀
文羸秦斯邈篆古分漢言杜蔡和伯英魏晉
鍾王真草行顏柳于唐實媲美後來名家多
比擬崑山片玉足爲珍看君之書亦如此君
家兄弟雙明珠六義兼將詩禮超兄今展采
鳳凰池照乘安能滄海遺即聞東閣延書

分是南宮薦爾時

南山篇寄壽龍洲

南山巍巍高且尊三十
峯連紫垣松栢藁
茂雲氣吐吞八瓊之水
厥靈根青葱彩華
朝日暎顯顯我公惇德
元克明克比承乾
効坤逢福世丁濫恩勲
威祚慶繁帝里廣
庭春曉暉桃花飄蕊簪
組七白鷺振朱鼓喧
壽旨酒歌頌言

二月十五日感懷呈社友

春序忽平分我心殊不欣
看花前渡水聽鳥

漁翁

系

半空雲翠袖柳容媚紫
杯蘭氣薰及時猶未
晚且爾狎同群

贈丘山人遊華山

逸如仙侶淡如僧雅興
文儒共一乘歷半海
天玄鶴對住多山館
層相逢好結桃源
隱便別仍從華嶽登
谷希夷原不戒君行
拍手叫還應

紫塞春鴻

塞北春纔到江南鴈即
歸關山凌曉路洲渚
斜暉借月懸弓影銜
蘆隱箭機龍沙三十

南都想換寒衣

贈別裴隱君還山

姑射山南鄉夢飛汾陽
橋北旅人歸却愁紅
杏空春色不綬驪駒駐
夕暉天上客星原自
隱世間知己故應稀
行行且學桐江釣龍渚
鷗沙置一磯

壽開府賈容翁

昔瞻北斗連青瑣今見
南山對紫薇日觀中
峯標正色台躔華衣映
祥暉蓮仙獻壽九天
至挑水知春大塵歸
冀野何人不稱慶同聲

漁翁

卷外

八

起舞鶴鳴飛

送藩理丘恭衡攝郡代還

太丘高義古無倫今見
名流復此人攝政一
州三縣長行風五馬
萬家春生憎楊柳分
亭帳稍喜桃花逐路
津晝省到來懷舊物
可能猶記老薇臣

寄懷中丞陳抑翁二首

湖水春深長芰荷湖
山人羨隔烟蘿金堂
碧嶽行應遍銅柱朱
方夢已過阮籍調同
常倚嘯張衡思遠忽
成歌奈何千里停雲
目不任

東軒藹藹多

望美東山閣雲懸廣德車功成旄節後服返
薜蘿初築圃栽仙藥垂帷理道書鳳雛翔帝
沼鳩杖式鄉閭水月心光似烟霞面色如
絃驚別鶴尺素感雙魚敘誼言應淺懷恩思
有餘惟聞詔元老鼎鉉席方虛

王允承行年五十

通家余閱世知命爾爲年冠帶還儒術詩書
且學田臨池工翰墨落紙滿雲烟赤手遺丹
桂閑身種白蓮桃花飛作錦楊葉滾成綿無

漢書

卷第

九

限春光好都來集壽筵

穀雨日種瓜東園值社中諸宗賢見訪
青門種瓜事今轉郭東園潤雨迎鳩喚晴風
下雀喧野堂芳草徑仙駕碧雲軒捨未挂虛
壁酌言春滿樽

謝楊古峯招飲

荏苒春陰到十分不堪隱几思緼縕開尊喜
就陶彭澤問字忻過揚子雲野鶴向人如有
意開花鋪水亦成文相逢與劇君知否欲把
乾坤付醉醺

嘉樹園種蓮

移來仙掌秀植向小池清要使靈根固如同
法苑生真香流夏氣妙色暈朝榮珠翠紅衣
好三山遊玉京

送別駕申半菴先生東歸

一官坎壈遠東歸長嘯清時好拂衣彭澤有
園堪寄與漢陰無圖亦忘機身安要得逃名
早道在何論知己稀坐向白雲閑盡日祇應
樵叟扣巖扉

四月一日會詩嘉樹園

漢書

卷第

十

清和貞首夏敍暢協幽尋秀木展芳蔭文禽
揚妙音物華隨序轉理感得情深一寫丘中
曲俱投象外心

四月八日宴集仲川新園

十里青谿抱綠洲重圍翠嶽豁丹丘仙家不
遠人間世方士徒勞海外求蓮葉出波編作
粉雪花舒彩結爲樓怪來神爽清和韻王子
吹笙在上頭

李澗南園觀芍藥

歲看花有此身誰知野老是仙人醜顏雖

比胭紅薄素抱還強粉白新檻外數峯來揖
讓枝頭群鳥話交親勸君尋箇丹青手描寫
蓬瀛一段真

李劍州邀賞牡丹

名園花錦闌春叢光景依稀似洛中黃紫我
看真絕色古今誰賞是英雄飛觴騰有鐵羅
勸發藻寧容彩筆空回首多情不多見可憐
門掩背東風

再賞李劍州芍藥同柳川諸公賦

曉風吹綠茶萼灣夏氣蒸紅芍藥欄一逕斜

士

通十步入千枝爭映兩階看花天只道廣陵
有錦地寧知別墅寬共愛君家清富貴玉鉤
香撲彩霞團

玩庭樞二絕

五月開庭嘉樹叢輕沾明水淡含風葉成翳
翠葳蕤綠花作珊瑚爛熳紅

一幅湘簾小閣遠半邊疏綺碧烟紗盈枝丹

翠日移影看取猶如捏目華

社中七子程藝西園應教賦詩得五言

近體用枝字

茂苑文華地洪銘麗澤資五言稽正則六義
行芳詞花悅翻階笑魚欣在沼嬉即應諸有
斐敷藻秀金枝

崧高維嶽圖詩壽明府董伊公

中嵩梁太清積翠表皇京窈窕仙靈托綢繆
聖哲生於惟董夫子所以通神明文學光朝
問符章祇國程義將風鼓動仁作雨施行河
內官容借汾陽政果平權騰九里潤頌起萬
家聲圖錄標祥旦山川現瑞禎崧高千載意
寫我慶申情

金第

士

清夏宴李南原園

青山郭外仲長園綠水橋頭栗里門春盡尚
畱花半落林深惟覺鳥餘喧有朋看我棲蘭
谷無酒呼童向杏村坐到日斜疎俗事只將
杞梓話中論

蘭社新開魚沼

引沅徙玉折成沼毓金鱗映色曉天淨含暉
華日新鷺閑青草還人卷白蛺綸試作濠間
想當知樂有真

題畫扇玫瑰

窓前有奇卉，香色露華滋。摘露和金粉，強如插鬢垂。

感興二首

人生秋水寄浮萍，風急水波萍不停。到底轉流何處去，碧天無際杳冥冥。
芙蓉鏡裏看衰形，衰甚何能老復丁。昨恨有星來點鬢，今朝無鬢可安星。

端陽即事

今日風景好，幽館共徘徊。榴豔然朱火，竹陰生綠苔。飯充九子糗，酒轉百年杯。莫道徇時

集

卷

七

物良辰歲幾回

石菖蒲吟壽龍池王公

蒲生水中石，冬夏長青青。寸餘紆九節，節節通仙靈。上藥神農本草經，至人服者登金庭。紫薇先生誕光岳，白鶴彩雲來洞冥。赤松手持紅伏苓，予亦玉箱呈翠馨。願同天酒搗花酌，一駐好顏超萬形。

謝兌軒宗尉惠千葉榴花

貴公嘉善與人同，遺我安榴一樹紅。霧障忽然開眼界，霞標早已建芳櫳。自知蓮華宜張

什，誰料花梅向孔融。愧殺白頭潭潦倒，不成桃李謝東風。

和陽谿對芍藥見懷

花底金罍歲歲開，多因心賞及時來。今年掃巷稀人跡，盡日空瓶乏酒材。鏡轉白蘋生綠沼，簾飄紅雨下蒼苔。總爲寂寥增一況，不堪揮塵獨徘徊。

題王交城化蒸甘露卷

嘉樹葱龍連翠雲，曉承甘露下絢緼。乍如玉藻凝霜潔，稍轉金莖帶日薰。園令愕傳千載

集

卷

五

瑞堂官驚捧一香，焚謙恭不敢當。仁政願取丹青獻，聖君

李萬川先生筮仕靈臺學訓，再轉靈丘學諭，又再轉靈州學正，拂衣還里。

一官三轉徧三靈，長嘯家山舊草亭。名地表將人是傑，高天占取客爲星。時微乍合謀升斗，道大終難逐梗萍。始信達生能自得，不慙松梓色青青。

病癰

瘦骨已成衰朽質，靈臺猶覺暑侵尋。聲聞泥

水思臨濯影惱隨身要息陰恰有鳥啼青樹
在更多風送白雲深現前好景且消散莫道
澤癯懷苦心

東臯翁作會 時五月二十四日

及時爲樂與誰同社樹婆娑三兩翁目擊風
花帶春夏心驚鳥兔走西東浮生有限青菱
老上智無涯綠蟻通除却相逢一相笑自餘
何者不成空

山莊綠陰清晝聽鳥看雲

山下人家好村邊綠樹林聆茲塵外境清此

集

第

五

淡然心牽葉窺雲幄攀條坐鶴岑相携琴酒
伴不謂少知音

蘭雪軒與雲谷銷暑

言逃六月暑一就小亭幽雨色浮天淡雲陰
轉樹稠蒲團宜傍晚葵扇欲含秋不到忘機
處池邊有白鷗

贈曹書記孝行

百行孝爲先群生多惘然羨君希顏叔委已
奉慈萱養志當存日追思及近年瞻闕頻滿
淚視塚數回旋乞假停書記端憂廢食眠

身非外飾天理自中全貞行乎邦國旌門戟
隱賢

六月會鄭鶴菴詩社得六言二絕

老去非無聊賴閑中却有招尋借得山亭箕
侶沽來村酒輪斟

魚藻方塘交戲松篁小院垂芬臥處白鷗忘
我飛來野鶴尋君

六月得呂甬東五言寄懷因用韻寫心

高士去予久能將尺素傳神交千里外意在
一封前白首誰如故黃金交可憐相思復相

集

第

六

望携手更何年

六字銘

僵卧不如隱几空茶殊勝銜杯清心只消省
事緘口奚用懷災

長日吟

志士由來愛日長要圖功業與文章衰翁處
此忒無賴卧不成眠坐又忘

祈雨仙姑洞

瑤宮西石岑有雨閣雲深紛屢女巫進旁皇
田畯心捧瓶承聖液折柳布靈陰詎若泥龍

椅空壇不作霖

萬曆己卯秋七月十有二日起宗老柳
川翁會會于畫苑入其園見樹皆湛碧
池蓮半開半謝明珠在葉而金粉紅霏
盈盈在水面浮秋菊盈畦夏果成熟令
人結攬不遑入其室圖史與彝器錯陳
其最奇則盆石云石有如支機者如鵲
印者有圓光而如佛羽立而如仙者有
如初平之羊李廣之虎者有如冰如酥
如几如整者皆翁因形賦續刺以金青

系

主

駭目而疑此身在星都撫摩歷歷之白
榆也其垣一方作白堊九疊屏風畫五
老峯樹一小山若瑤圃昆侖而鐫余詩
號曰萬寶詩山夫余詩非寶主人之清
高爲寶也然以礫附玉亦足以垂不朽
矣是時東臯東谷二宗老與劉雲谷逸
史共會並觀宴極而賦詩紀之亦以見
富貴之人而有此幽雅之況山澤之臞
依稀乎神仙之儒矣豈非宇宙間一大
奇事哉

茂苑像瀛洲招邀客共游銀潢星是石金字
樹爲樓斗酒薄逾厚篇詩老更道移山勒鴻
寶端可萬年留

壽柳川小村二宗翁

君將百歲四平攤已得三分入手看自是慶
源通壽域復多文藻綴吟壇桂花溥露瑤簪
滿琪樹沆飈颺碧簾寒袖取紫笙吹月下一天
秋水散雲端

蘭軒君携酒見過奉答二首

金粟瓊蘇滿玉壺問君此酒爲誰酤却邀碧

系

系

太

海青天月來醉乾坤一腐儒
涼風高樹葉鱗鱗添得西山爽氣新坐對不
知吾與汝白雲秋裏上皇人

八月六日承蓮社諸宗英見訪便留小
酌即席謝陳

秋色遠微微山容淨夕暉班荆桂叢客解帶
竹林園浮世知誰是交情似此稀頓令黃髮
叟興繞白雲飛

卜亭携酒見壽即席賦酬

故人零落盡之子獨超然散澹金門隱消搖

陸地仙東籬開菊徑南畝種芝田尚憶烟霞
雙相期松栢年登樓肅明月把酒問青天秋
水澄吾慮無心歎逝川

己卯生日寫懷

吾生七十五中秋看月盈虛只點頭賤與老
隨偏易至榮將壯去獨難留醅醕寄向杯中
物憔悴吟從澤畔游縱浪自寬聊爾耳此身
原是不維舟

贈總制大司馬吳公應詔還朝

聖皇思理詔元功玉節還京寵數隆絕塞草

漢書

卷

七

長無牧馬高天雲淨有飛鴻銘勲大冊燕然
上補袞清朝仲甫同爲底內寧由外輯十年
辛苦建平戎

中秋寫懷奉答巢雲先生惠而好我寄

以瑤華

蒼蒼陵水露華秋穆穆金波月滿樓倚檻獨
憐空遠攬停杯偏愴欽同游單棲兔影知誰
顧三匝鳥飛爲若愁縱有好音流赤牘其如
人隔海中洲

慶國廣殿新成宴集二首

開闢廣築桂宇創新宮萬卷丹樓並三山
玉館通簷秋天漢碧窓曙海霞紅未擬靈光
賦先歌大國風

經始殷星候居方正日衡承天安八柱壯國
表千楹河岳形皆拱丹青畫不成銀題昭景
福永與太階平

雙壽篇奉贊部司馬獻二親壽

福德徵雙壽祥辰詠萬年家崇高世老朝重
篤生賢錫命金章煥貤封錦誥聯榮暉增矍
鑠華澤裕綿延司馬三城鎮飛鴻上黨天稱

漢書

卷

七

觴北斗下獻席南山前衣繡瞻雲舞精誠對
日懸轅門張組練幕府集團篇尊養忠爲孝
康彊人是仙勲名方震曜烈訓始宣傳菊秀
披黃嶺萸香湛紫淵助齡良若此介景有同
然青鳥嚙芝到玄猿進采旋絳鄉扶杖者頂
禮一爐煙

秋日訪兌軒宗尉一首

門掩雀羅重孰知予寡悰惟承君子惠獨得
野人從策竹遵長阜圓蒲坐茂松清平無俗
氣綽約有仙容數會情偏愜纔離意已慳今

持一杯酒秋館對晴峯

寄酬謝竹亭遠見問

神交良積歲面晤尚愆期
總別離今君指珮日亦我挂冠時
氣味芝蘭性形骸土木姿
結廬連北阜種豆滿東菑
詩癖多關酒兵機但奕棋
水清石自見樹靜鳥應知
萬竹孟渚野九華綿上陂
登高徒極目憶美重支頤
葭靡寒蕪盡何由慰所思

贈李恒齋登第

舊德名家慶緒長超然奕世發賢良
庭傳詩

禮部

第

主

禮身為度策抱天人國有章
御宸臨軒推上第公車待詔入明光
知君盛際今如此先起高鴻第一行

集池上亭分賦水雲二首

靜觀亭上雲彩碧相細縷大似明光
錦新鋪五色文

湛湛秋池水盈盈絕餘滓
暝陰風雨消朝鏡還如此

柳川園看菊寫懷呈同社諸老

庭樹全銷歇籬花獨滿枝
人將黃髮對酒借

白衣持歲序嗟如此神仙不可期
但逢開口笑就是落便宜

西園花瑞

木藥榮春春轉來迫冬杪
秋還一開始訝延紅塞西至
俄驚魏紫洛東迴希奇變化屬禎祥
應任主人和德光和氣薰蒸希不有肆令
寒圃出暄芳碧海闌干冰作水
鰐桃開花花累累即看天藻綴金枝
信是仙官燁珠藻艷陽開好只三朝
十日朵霜渾不凋文學表靈摘妙翰
丹青圖景上輕銷啓靈篇兮披瑞圖
軋朱草兮儀赤烏帝子孫真生粹腴
百福有徵千壽符

小田誕日書贈

通家貴公子宅里接吾廬
出入每相顧歲時良不虛
設諸多載酒問字或携書
敬老忘衰賤持謙中疾徐維馨
蘭蕙若厥美璵璠如青女迎初度
黃花襲滿裾九秋神宇湛百福壽源
舒紹爾先公德弘承慶有餘

歲寒松栢

松栢有本性四時常不移
離離山上苗蔚蔚

園中枝豈不更榮茂涼風先已萎惟自度
雪青君始知

詠古人秉燭夜遊

晦息有常期宵遊胡若斯祗緣憂速老是
樂當時絳蠟燒金燼黃梅點玉卮談諧猶未
劇早已曙光移

題景福堂東煥室二首

華屋帶瑤林寒光迥莫侵綺疏榮旭重緹幕
煖烟深隱几如溫玉燃爐欲化金陽春方在
唱白雪且停吟

卷五

冬

三

香鑪借廬岳寶鼎入汾陰紫氣從中起青烟
豈外尋薰空簾雪盡却冷洞雲滌探取春消
息誰知靜後心

冬日宴李劍州宅

林下有真趣等閑多不知雍容劍門守返服
能自怡收黍釀土窖宰鷄如折葵招邀二三
老言款歲寒期晝日嫌杯短夜闌還補之挑
燈復燃桂屋煖更垂帷俗事口絕談嚴風天
外吹我爲歌蟋蟀美子樂當時

仲冬逸老堂會呈社長翁

招隱幸同人未行眉已伸非干耽廢飲聊
慰沉淪虛白風烟古寒青竹相真市酤空不
得庭雪可銷銀

贈問

十八日夜夢鄭鶴菴自定襄來余寫詩
定襄古邊邑沅水朔雲屯一月收王稅寒鴉
幾處村

石溪先生新居

不遠三賢地宮牆一畝餘賀新來燕雀携舊
有琴書席滿傳經士門橫待詔車薦文誰似

卷五

冬

三

者應在子雲廬

皇宗仙老牧雲翁壽登八袞

蓬萊仙老出人間妙有高遐世莫攀鴻寶秘
文超浩劫鳳笙遺響徹玄關敲棋綠野山河
靜把酒青天日月閑又是一陽開壽域正當
九九大丹還

己卯冬

文谷漁塘稿 庚辰萬曆八年時七十六

仲春理北園作

園圃荒殘更一新要令安息老來身天空印
出清平野市遠栽成寂寞濱初柳不寒花早
綉薄苔無恙草齊茵風光若此誰能負斗酒
逍遙會四鄰

自題丈室

背城低結小茅堂丈許依稀似上方近樹鳥
聲和細雨臨窓榆影帶斜陽同人載酒三杯
足靜夜焚香一縷長休笑老愚無上事到頭

漁稿

虞

一

只此是行藏

春陰二首

風雨澹韶光陰寒阻艷陽江南花已霰塞北
草猶霜破閣然薪火遮牖擁絮裳豈須論物
態天道有暄涼

少日了無悶老來殊不然復當聽雨夜迷却
看花天門掩虛無盡庭昏寂寞偏薄寒何意
緒專肯到愁邊

雨中閑坐喜露泉小田月山携酒見過

雲子不耐迎陰雨瘦骨何堪料峭風喜見良

朋貽飯畏憎聞稗子說瓶空寒沙漠漠千村
暗春水茫茫幾路通門柳欲黃猶未得園花
可有舊時紅

小園栽樹作

園廬果木舊成行竹樹清芬亦頗揚何事害
氛陰抹撥頓令老境春蒼茫重栽可得十年
待百補難酬一旦傷慙愧惜花空早起幾枝
猶想乞東皇

開池

寒來野雪蓋蒙籠春起晴光漾太空眞箇水

漁稿

虞

二

深魚極樂方塘那不海天通

種樹

嘉樹園收大冶春栽培時雨及農辰今生爲
底耽松竹前是朋松友竹人

雨中謝鄰翁見訪

長空黯黯雨連陰擁絮團蒲宿冷侵僮父自
知春不及鄰翁何肯夕相尋杯酣魯酒情非
淡琴樂陶絃意轉深始信鬱懷容易遣只消
開口向同心

春陰書感

連天風雨暗春城十日曾無一日晴倚杖出門愁道斷被衣還寢怯寒生衰多却恐兒孫覺悶絕惟聞鳥雀聲因憶杜翁存記否去年花裏結詩盟

清明日野望

出郭望南隴陳人墓草屯埋名何歲月雷世幾兒孫樹慘黃泉隔風淒白日昏榮華銷歇盡坏土復奚論

王雲渚生日題扇以贈

太微開府位崇高奕世昂霄有鳳毛雅為治

壽

集

生

平彰聖瑞頌今吾黨重賢豪紅顏美度桃花酌白晷英年宮錦袍定是有仙來宴壽曉天槐宇下雲璈

四月一日寫懷

十旬寒雨消春盡四月初晴始象春衣擁舊綿宜瘦骨盆埋微火繼窮薪背時老圃花無信隔轍柴門柳漫顰大塊與吾為逆旅榮枯何敢問洪鈞

寄懷陳抑菴翁

東山白雲不可見高卧清風天下聞神蘊精

和南極老人倫儀表太丘君石光金草足靈藥樹秀珠花非俗芬何日澤癰生羽翰百年萬里共氤氲

李劍州園丹藥盛開時余年七十有六仍與賞會即席賦酬

名園歲歲花相似勝賞年年酒不空好看只宜飛蓋客高情猶喜杖藜翁風香綠野野心契霧散青天天眼過後會我當無退轉期君長主道之東

和趙陽谿看花見懷

壽

集

四

當階紅藥知時節每到清和便有花空酒一尊希道侶孤吟半偈似禪家生憎小雨飄欄外更惜東流去水涯遙想高人看天未定將開影對飛霞

購取盆榴置庭際

壯日輕榮老惜花情緣顛倒思無涯盆榴小品成何益葦屋三楹取次遮綠淨夜沾玄圃露丹鮮晨起赤城霞若教澄果金仙側定許菩提共一家

小園芍藥初開承締觀有作

玄都春去老羞看綠野堂邀醉亦觀萬紫總
標紅芍藥群公都擁碧欄杆已將樽俎收香
艷更把文章壓繡團聞道鄭陂相贈好何如
君子罄交歡

宴李南原林居

誰謂索居無所親與君俱是狎鷗人携家住
近青山谷築園行邊綠樹津筆彩每傳詩裏
聖杯光常映酒中神平生學古官難入學得
歸來任本真

李澗南園觀芍藥

今年花是去年紅去年人覺今年老多君情
分不曾輸奈我精神還自好塵網難加橫海
魚雲羅豈挂冲天鳥夢將凡卉惱仙翁金樽
一笑浮榮掃

齋居稍事植援坐而有省二首

投老得閑居形塵尚未盡露花栽後院石樹
擁前除有酒醉如醒無詩拙似愚回身從宴
坐掩卷淨明書

心累未能蠲情因逐景遷惜花兼愛樹取石
復邀泉稍與矜名別終成著物偏何如閉關

子耳目則無牽

夏日宴馮平溪西園

挂冠神武好逐世竟何爲幸有先人業安然
西澗陞前庭蔭嘉樹後園植華芝靜理一空
義閑吟十畝詩朋來常染翰客至或彈棋嶺
上烟霞變溪中歲月馳直躬從緩帶高視笑
低眉即此是天逸物情非所疑

頌王龍池先生華誕五旬

喜君祥旦當維岳是我先師知命年道義合
天隨處樂功名望月幾迴圓徒聞北闕徵時

舊稿

卷八

六

俊誰識南山有隱賢廣路三條中路杳不妨
公輔作儒仙

題雷水南風雩精舍

元龍田舍遂初心儒雅高標盛自今種樹已
成雙月桂振衣獨往南山岑浮雲過眼身無
累流水希聲意却深門巷謝迴車馬客惟容
野老一相尋

荅山僧饋杏

山僧種樹熟朱明持贈白雲香滿簾願願煉
金成色相莖莖承露得甘平喜將聖果參龍

樹願借醫林謝董生多病比來思絕粒茹茲
真可配黃精

畏熱

夫子當年歎衰甚衰翁已老不與嗟蚊聲夜
聽雷驚枕樹朝看露泣花齒盡自憐長顏
領頭童惟欠一架炭平生畏熱今尤劇襲取
涼陰北澗斜

五月旦作

已謂人逾老如何歲復中流觀諸品類升長
木榮豐星鳥翔煙術風蟬響熾空化遷誰不

集

卷

七

感偏此恨悲翁

滿眼粧賓意主人應自知時來會當盛節往
寧弗衰傷彼蘼蕪化感茲鷓鴣悲奈何憂速
老有酒不須辭

避暑登南薰樓

長夏暑煩不易裁高樓侵曉八窓開未須揮
羽青天上已有微涼面面來
樹頂高樓百尺開綺疏珠網思徘徊南風久
與古絃絕似向羲皇臥裏來

夏日游園中感懷二首

覽卷竟無用何園不可窺惻心下帷子發憤
空爾爲方當春夏交百卉挺葳蕤雨露既云
溥朽株胡獨遺矜榮衆皆悅集枯情所悲上
山採薇蕨以解薄菜餼

佳芳得時茂鬱鬱我園中青紫足衿帶香光
搖翠紅憶昨阻蕭晨風凋霜野空小人窮欲
死君子思固窮仲理歸大澤於陵在濟東漢
焉從所好時與道污隆

虛白齋過夏

却暑無他術惟應掃室虛北窓生白後高枕
納涼初比跡羲皇似論心水月如誰知炎燄

集

卷

八

業不惹自銷除

五月廿二日酬鶴菴仲川克軒在雅堂
招飲二首

西林高館數招尋春不須更夏已深芳草自
多留客意浮雲那改故人心蓮華泥露和新
醞竹樹迎風上古琴朽老近來誇寸進會於
佳境惜分陰

不通文華地春延夏復深承君招隱意知我
恨離心豈少東軒酌何如西樹林綠繁晨暝

布清迥暮烟沉顧影疾隨步省躬期息陰
言誠在昔携手遂如今一寫丘中奏再移池
上吟圓荷標湛澹煩暑罷侵尋坐久生靈照
皎然明素襟

林間早秋

星紀無淹度時哉不我畱卧病親几席行藥
到林丘露濕蒼苔重花開赤槿稠不堪秋一
片早已上眉頭

雨後看榴花

雨色凝餘黛日華圍正丹無將金谷說只向

唐

唐

九

石榴看翡翠驕鴻鵠珊瑚間木難同心坐雕
檻詎忍夏空閑

背郭園即事

閑園何所有樹裏結茅堂蒼野城分斷白雲
天送將虛光搖竹翠淨色映蓮香獨坐無從
喜西看一鳥翔

古意五首

出門逢大車丹轂空九衢前雲擁雙蓋從者
數百餘六馬氣如龍噴騰成電掃勢欲凌矢
行天上沒條道

人生有大歡陽春會高宴笙歌咽綺羅
及時薦連夕樂未央再窮恐失常肥醲
毒得無爲內傷

雀困黑乾山魚危惡溪水人生失意時艱哉
亦如此左肘長垂楊背後生芒刺曠士泣途
迴饑人蒙袂死

志士行采茶茶苦不能餐踟躕黃檗樹逶迤
紅蓼灣饒他苦復苦不離西山阻稻梁豈不
井所產非吾土

唐

唐

十

棄婦采蘼蕪朝朝上山去山下草離離迷却
來時路路迷不可歸含啼怨落暉處處車如
水胡然獨我違

壽李潤南

青青碧澗林朱夏滿庭陰有彼麗眉叟於茲
抱膝吟服官聊別駕知命早投簪天與丘中
逸人將塵外欽莊嚴壽者相純朴古之心日
月光華旦雲山韶濩音衣冠來紫翠瓜李獻
浮沉家祿榮千石身安抵萬金新賓應不少
舊友幾相臨硯席情偏重桑榆景共深祝祈
何所取但看南山岑

贈周峪川新居

舊里厭塵囂新居得弘敞雕甍匝綺疏畫構
連珠幌夕宇月華間朝樓雲氣上簷飛燕雀
高戶閑蹄輪廣山水送屏圍琴書入涵養玄
談詩酒多茂育兒孫長俯仰一清寧悠悠此
天壤

夢一老僧與余說偈多品而記其半

秦火燒書六籍烟漢篇唐藻一回天宋人套
子蛛絲密無限飛蟲被攪纏

低結采椽堆亂蓬蕭條株守只頑空淡雲勾

漁翁

晨

士

引誰來往烏有先生無是公

劉火鍊魔君莫嗔伏牛山深萬鬼鄰紛紛青

臉紅頭髮裂皆張牙嚇殺人

邪魔鍊罷至如今萬里長空自在吟無上一

宮邀我到夜明簾捲月華深

壽李磻溪

逍遙浮世裏漸覺舊游稀獨愛西州中新從
初服歸傍巖看昔樹臨浦坐前磯綠竹添多
箇青松大幾圍紫鱗銜芰躍白鳥帶雲飛氣
比庭柯茂顏如海月輝華辰當夏歲高宴敞

炎威門摘瓜方熟園收果正肥持吾一杯酒
爲子百年祈長嘯生清吹斜陽滿翠微願言
崇體素齒德兼巍巍

寄酬李環洲憲使自安西見訊

萬里瑤緘寄八行情深天遠不相忘亭亭君
感汾雲白脉脉我思秦草芳經國計成清絕
塞安邊書早報明光聖皇垂拱還推轂可
擁旌麾下晉陽

階讀書北園

少年文采學清修選地莫如吾園幽樹色生

漁翁

晨

士

庭雲葉晚花香入戶月枝秋石能攻玉青山

削沙可陶金碧澗流千載聖門詩禮意超承

今喜向林丘

聽黃生彈琴

黃生鼓琴多古音原來此音不在琴心似冰
壺懸寶月音如秋水湛瑤林鳳尾不騫空琢
玉龍脣無語浪微金方知千載牙期意別有
江山一段深

獨坐有懷二首

午槐銷夏色朝槿放秋姿魚動物偏覺畧移

人不知猶慳臺裏笑，
詎惜鏡中悲。若箇千金子，
喬松與等期。

不見社朋友，寥寥多苦顏。
露深庭葉下，人散酒杯開。
室通猶離合，山空誰往還。
題詩題幽怨，叢桂幾時攀。

趙陽谿太守登年六十，
余舉酒而賦玄露。

古來爲壽重千金，要是金多交始深。
今我與君無勢利，只須杯酒罄交心。
時當六甲增齡日，賸引九霄玄露斟。
玄露朝霞夜沆瀣，天漿

漢書

卷八

五

王乳香滿淋，小飲清溪坐。
碧樹長嘯白雲登，紫岑新秋協律啓。
君聽靈籟同聲代，我吟極樂界中惟此樂。
楊州有鶴應難尋，向子深明畫前易。
陶公絕彈絃上音，青癯背病失俯仰。
池魚籠鳥遂飛沉，眼前壹意聊爾耳。
身外萬端非所任。

六月柳川園會

高林徂暑會清賞，却炎氛簷牖入。
虛翠簾簾涵水紋，杯承荷上露帶緩。
竹西曠誰見紅塵裏，消搖有白雲。

壽守府胡繼山先生

少年英選擅才雄，分領西河要隩中。
設險舊疆今在德，建牙新令古同功。
明威夜靜營門月，廉節秋清塞國風。
看擁旌麾人拜壽，南山如酒氣如虹。

喜白鹿山人卜築西澗，不遠吾廬。

君騎白鹿過青谿，種樹結茅吾園西。
人愛桑通栗里地，便村曠傍招提茅。
深幽澗詩同賦，花壓寒籬酒共携。
風雨縱能迷旦暮，不妨燈火聽鳴鷄。

漢書

卷八

五

慰周小川服中生日

與子通家三十秋，歲時風雨不曾休。
可憐讀禮逢華旦，正是思親欲白頭。
烏鳥夜啼孤月冷，黃雲朝起一天愁。
故人携茗來相慰，庭樹蕭蕭共倚樓。

秋日題姪謂讀書處

書屋遠山空翠屏，秋風秋雨不勝情。
一編懶取燈前讀，三尺驚聞匣裏鳴。
可是鐵逢時有氣，未應金擲地無聲。
我家原有干霄樹，會見大材當晚成。

題素扇

手持金錯刀裁此齊紈素皎皎霜雪姿團圓
月明度纖指動瑤光輕颺流玉樹羅袖半須
藏恐蒙青女妬

某處得孫承牧雲柳川東阜小村東谷

五宗老并鶴菴徵君持湯餅道喜輒倚

歌聲謝

七十歲老人纔抱孫焚香頂禮王宸尊群
仙聞之爲予喜車駕五雲下來平霞之館竹
素園見遺琅玕青纍纍錫珣珉紫瓊葉飼

漁隱稿

晨

主

絲苞之鳳雛于碧梧之枝裏金輪摩頂授長
生綠字書齡鑄遐祉逡巡頂禮叩群仙衰晚
何由荷帝憐謂憐爾生多缺陷富貴功名俱
寡緣補爾河東三瑞應池上一毛先眼前願
更延年一百二完却媯皇鍊石事

寄贈趙陽泉

趙氏連城振古聞高賢婉美正如君觀光賦
擬三雍獻展采官宜九德分雙住東山依紫
樹尋當北極附青雲岳祥喜與兄同月齊體
天倫更出群

立秋日喜雨納涼

新秋送晨雨少選散餘霏葉響銀林樹窓含
石壁暉方當驅酷烈稍已到清微却恐江籬
罷芙蓉不可衣

述懷呈馮孚溪先生余有園廬在城北

郭比乎溪公卜築亦于西郭門兩家相

去僅二里間余既欣鄰曲之交復雅通

家之誼爰因初度敘意侑觴

林園背郭地仍偏人道幽樓得兩賢拙似長

公應避世智如平子亦歸田校量風雨青山

漁隱稿

晨

主

外洶汰烟沙白水邊喜見歲華春有酒百年
心境在壺天

秋夜長

秋夜逾長晝逾短眠食蕭疎衣帶緩非關天
肯送人愁人自關情天不管迢迢一水限橫
河望望千山不可過亂葉驚波燈影淡寒蟬
淒響夕陰多幽闥此際腸堪結地客委懷揮
玉玦凝扉深掩病衰翁坐卧如僧車馬絕誰
家砧杵若無聞樂酒西樓歌吹分窮窺開簾
放明月月明白露沾羅裙

村田俚語四言

三家村裏十畝田西編竹爲戶結茅以爲門
人獨往有客雙携歛石烘酒入雲捕雞醵
拆棗炊黍蒸藜俗事絨口清言懶題蓬頭雅
子垢面老妻隨分供具亦畧整齊大化驅我
何高可躋鳥鳴幽澗龍卷在泥守此一壺爲
天下谿

撫蘭菊而懷佳人

幽蘭在空谷寒菊長籬隈秀藻夾芳華輝輝
白雲秋白雲空在眼情賞缺前傳伊人美如

潘楊稿

虞展

主

玉室通清芬畱望之不可見贈遺安所投雲
飛蒼野去夢想還悠悠

和兌軒山居見贈

朝來爽氣滿西山獨有幽人杖策還坐向丹
崖看木落行過綠虛羨雲閑逍遙鷗鷺大觀
外笑傲蓬壺小隱間我卧東林荷嘉聆每逢
相訪即開顏

再集水南園

再倚陳蕃榻重遊長紉園笑談秋葉英絲管
夕雲繁東岫屏松牖南泓帶薜門不緣情境

勝尊酒復誰論

秋日承蘭軒見訪

舉世素衰賤高情獨不然樹憐黃葉後人念
白頭先載酒娛今夕談詩憶往年即茲存舊
雅何讓魯公賢

搗衣曲

西風吹雲雲若霜落葉下庭庭草黃鴻鴈連
翩歸故鄉征夫坎壈繫窮荒飛狐有嶺客無
裳帝猿擁心人斷腸空房搗衣孤燭傍急杵
驚砧魂蕩揚當夜剪裁殊未央裝綴苦愁誰

潘楊稿

虞展

主

寄將天蒼蒼兮野茫茫霧鎖千山淚萬行夫
君莫是薄情郎賤妾羞看陌上桑蘇氏錦文
凡幾章頓令白日回精光

寄懷趙陽谿生日

庭樹發西氣火旻朝露溥汀葭漸靡靡野坂
被幽蘭企晤我所欽咫尺千里難嘉旦弗獲
展况當風雨寒偃病畱北牖飛夢繞南端夢
則等虛幻真想何由彈申藻代顏面長語打
肺肝

林間四時行樂詞

久入桃花洞口春却疑身是避秦人殷勤寄
語打魚客莫把仙源當路津

一園紅紫競芳菲錯認豔粧金縷衣爲底東
山謝安石傍花携酒路花歸

山水清暉白露秋園林森爽翠亭幽居塵不
著塵中事坐地懶看雲葉流

竹林西館雪花深凍浦寒橋斷客尋隱几有
懷聊撥遣微醺低作郢中吟

中秋生日樓飲對月

我愛月華臨靜夜月華憐我放中秋九霄風

瀟湘稿

庚辰

壬

露壺光湛大地山河鏡影浮何處朗吟哀客
舫此時真賞謝家樓無將四五論圓缺已分

百年長與游

積雨無聊欣小田見訪

積雨臥空林蕭條難處心泥深苔逕沒火冷
篆烟沉遯樹鳥無語題門客有尋倒迎方一
笑稍已謝愁陰

中秋對月有懷

秋水兼葭時汨汨美人脩阻奈何哉裁詩獨
倚西樓月集酒誰同北海杯白首怨離真速

老青谿招隱尚重來山房舊館還虛靜雨洗
苔花石壁開

中秋生日謝見壽諸公三首

少年忘却青春好暮齒知悲黃葉秋縱有夕
陽遲返照其如寒水汛東流窮愁悔落虞卿
裘拙計欣投叔夜甌何獨慶生纔醉月九華
閒宇更堪遊

天枝宗老大羅仙宿世與予同善緣東海摘
桃三度熟西樓玩月十分圓何當太室生靈
氣但說清朝有隱賢醉殺金波不歸去儘鋪

瀟湘稿

庚辰

壬

瑤草臥瓊筵

雲出無心鳥倦歸薄遊投老遂巖扉蔣生逕
裏偏秋色班氏丘中鏡晚輝裁竹舊滋千萬
箇種松新長二三圍年年玩月兼觴壽引滿
天香露未晞

中秋望月呈張健菴參知

月到中秋夜天開萬里明臺高森法象河廣
湛泓澄玉燭調如此蒼生望已平還令黃葉
樹垂影帶餘榮

健菴次

獨坐中秋夜雲開月倍明風同瘦骨冷露共
素心澄拱北情何極圖南氣已平幸登北海
坐衰白有餘榮

贈張使蒼參知

昔仰熊軒重今瞻薇省尊四瀛誠傳舍萬里
復雄藩過服塵沙盡根心堅白存不知咨岳
牧疇可贊調元

使蒼次

昔仰聲華茂今瞻盛德尊雄文畱秘閣豐烈
重名藩山斗身彌健林泉道益存古來不朽

雜錄

卷八

五

士豈必盡調元

奉答龍池翁寄懷

兼葭帶寒渚咫尺千里思賴有好音信聊將
慰渴鱗瑤華袖裏字瓊樹夢中枝每屆中秋
夕孤吟皎月詩清暉比君子良晤曠佳期酒
減金波穆衣沾玉露垂愁隨黃草蔓意與白
雲馳目擊道斯在神交俗豈知達人貴誠信
所保終不疑

奉謝賈春容相公見寄

開府當朝傑寒帷領野遺仁存生日賤禮向

老年推天酒朋尊下霜袍束帛隨顏華分絲
絲波瀾灑瑤池報德慙無地酬言竊有詩願
還清切禁喜起聖明時回視舊程更長華
石樹枝

秋懷二首

霜氣催寒早時光逼歲闌裝綿衣欲厚燒葉
火愁殘髮短千莖白心孤一寸丹踈籬落英
在畱取社翁看

數斗濁醪成幾枝殘菊英風吹香不斷霜染
色逾明晚節當誰與高天空復情不堪聞木

雜錄

卷八

五

葉流水送寒聲

夕雨微晴見林間返照

凌雨散東城西暉映晚晴半輪山已抱一面
樹皆明寶炬松帷微烟虹石壁紫多應竺天
聖光湧大千平

汾亭秋望

白雲飛不盡蕭鼓斷中流代往山河舊時同
草木秋踈林橫極浦平楚帶寒洲寂寂當搖
落捲簾增暮愁

九日懷古

氣寒飄玉女霜東籬花展鏡金粧人因彭
澤標清節天假江州作醉鄉太守殷勤蒼野
外長官酩酊綠樽傍起來揮手斜陽去猶是
涼風傲上皇

和柳川翁園看菊夜游

東籬西館興難收把酒看花障綠油九日自
天垂景七人隨地起其游寒香泛葉清中
聖正色搖燈畫裏秋夜半白雲林際出宛然
身倚一重樓

詠蘇子瞻雪堂夜夢

蘇子瞻

雪堂

雪

蘇公雪堂夜無與對床眠棹定千山月江空
萬里天朱冠衣綳客墨綬佩蒼賢弄影杳然
去安知非列仙

夜窓松月

松月臨窓夜冥筌不可排翠華紫皓練玉洞
合瑤齋坐久動成寐遲靜與諧遇君清禁
者何苦慙長懷

懷善書李山人宿觀音堂

楚旅涉清汾長空冷片雲攜依觀世宅人偶
出家群貝葉參奇字蓮花證妙文

虞應已襲餘芬

故人李九河孫脉千里見使臨威酸欣
形之言句

吾與九河子昔為山林交其人仙已久松栢
不曾凋家世宅漳水子孫并負樵踏霜尋故
舊不遠汾陽橋問姓名亦隨因根識其苗情
投山薯蕷義重芳瓊瑤信宿遽旋踵使予心
內焦脫衣以相贈庶復存久要

壽王老於山中

憐君樓隱在寒峯形貌蒼然似古松壽域漸
鴻禧

虞

壽

高餘七紀生辰增長又初冬風散久羔羊
缺沈老釀新琥珀濃可是道窮人跡斷白雲
深處有過從

壽水南公

歷盡塵波見此身方知無假即成真榆枋小
隱吾安宅松栢大年君比鄰壽日家傳蓬海
宴朝霞酒美洞庭春醉思芳草同游客得到
歲寒能幾人

歲晏寂居有懷朋舊

游好十年餘結蘭同野裾心神雖尚密形迹

稍已疎賤老君無亦欽賢我自如長松標後
落短影照前除屋瓦喧寒雀池盆放涸魚厨
間新釀酒門聽故人車姜草沒行徑斷雲低
里間蕭條復何事中散一篇書

寒宵不寐二首

昏黑焚香三炷餘鐘聲纔起定更初衰年未
倦團蒲坐半夜猶掀本草書出戶攬衣聊抖
擻迴房欹枕復躊躇鄰鷄不肯催殘月且引
斜光貼牖虛

歲序催人不整停幾時還得鬢毛青風驚曠

雜詩

卷

三

野枯桑覺雪蔽長空老眼醒失路豈無雙阮
籍閉關剛有一劉靈可憐心事寒爐對撥盡
沉灰夜杳冥

至日招友人圍爐賦詩

今日天心復初陽在隱微九關閑夜氣一線
衍晨輝酒煖丹爐浴人同玉洞圍題詩抽秀
藻花雪散寒霏

再題煥室二首

嚴冬興煥室妙理運天能掩閉陰陽合精華
日月乘烟分軒后禹光轉竺乾燈隔斷寒山

下雪雲堆幾層

大地冰霜結壺天別有春東皇畱日氣四美
合喧塵細草空青潤孤花萼綠新長生一邊
事不與世中人

贈麓菴宗尉村居

郭外青山里城中朱戶家數椽依草樹一徑
入烟霞子晉能調鶴東陵學種瓜我將乘興
往於此鍊丹砂

詠雪

樵子荷薪歸山行雪滿衣都門嫌價重市井

雜詩

卷

三

念貧稀世理知誰是生涯與我遠盤擔拚一
醉猶勝首陽薇

明妃辭二首

晶晶黃金屋盈盈白玉人君王抱素鏡奄忽

生胡塵

逆耳明妃怨傷心石季倫不知金谷裏已有
墜樓人

戲贈丹客

先生不知何許人自言爐火妙通神我將丹
砂試君煉白日黑烟飛水銀瘦如乾柴貧若

洗破帽蒙頭脚無履鷄肋雙懸怯老拳馬肝
一片文成死

野老負暄

負暄茅簷下坐與日相隨溫煦生寒際榮暉
被野時綿黃應自足狐白匪吾思獨念林巢
冷風搖鳥雀悲

送八溪洪川行香武當二首

聞持三日齋將適千里道南望武山雲精誠
微窮昊太霄金闕紫霞宮玄聖高居香火紅
除却至心上人上謁下方舉首空蒙蒙

清嘉稿

卷八

三

丹嶠躋崇觀清都觀上玄千峯羅羽衛萬壑
貯香烟有禱神皆徹無私福自偏畱春待歸
騎柳驛杏花燃

庚辰除夕兒階奉予守歲

臘盡春回此代遷一杯迎送小堂前呼僮吹
笛鼓頻和慶我身康兒復賢

庚辰稿終

孔文谷文集十六卷續集四卷詩集二十四卷
浙江巡撫採進本

明孔天允撰此本校其家刻多文集二十卷而詩
則惟有履霜集漁嬉稿缺澤鳴稿一卷所作霞海
篇亦不在其中相其詩集板式蓋隨作隨刻故傳
本多少不定也焦竑國史經籍志載天允集僅三
卷是卽多所續增之明驗矣

祐山先生文集十卷

〔明〕馮汝弼撰

蘇州市圖書館藏明刻本

附《四庫全書總目·祐山文集

十卷詩集四卷》提要

馮祐山先生集序

余十八爲州諸生事故府主簿公與公之子今叅政敏功生同歲公每試諸生經義時時甲乙因相得甚懽當是時公以名諫官舉職出外數更大州邑有循吏聲而姿貌偉秀談說慷慨即見者靡不以三事期公而公性特高朗不耐骯髒事上官僅一再轉以去公之去歸其鄉平湖雖余家不三百里而近間僂行再見之醉公別墅山池而別罷後余解卹節過公公得叅政封然已病強出而執余手謂曰後會之不能再將柰我何意君有屬者而亡何公竟以壽考終既葬而始從叅政所得公所著集百十卷卒業爲歎曰世之不能知公者此

哉母論世不能知即余不佞知之然亦不能盡公而今而後乃為侂盡公也始余謝諸生學即喜為古文辭與一二友生信眉談說西京建安業以為後世亡當者今操觚之士亦往往能舉之大較有二端最憂瑰靡之辭勝則見以為才情然其弊使人膚立而不振感慨揚厲之辭勝則見以為風骨然其弊使人氣溢而多競此二者驟而略讀之以為非治世音不可然所以為治世者不在也公之所撰著文若詩余得竊窺一二若觸邪之簡峭直深蘊何異劉子政蔡中郎籌事諸劄摺囊中繁庶幾陸敬輿蘇眉山叙記志傳蘊藉疏暢得之廬陵為多詩古近體溫厚爾雅泯泯錢左司

劉隨州遺響要而歸之尼父之一言曰辭達而已矣令識者讀而三復之而求其可謂非治世音不可得也日者大宗伯亟為上言欲大正文體而嶺表策士至甚口而詆訶操觚之徒以為鈞棘僻塞則胡為陽左而陰右之其身於鈞棘僻塞抑甚焉曷不取公集尊顯之布之功令其於回風而獨治必有當也夫侂盡者幾得之而猶小有未竟之稱也公有計然策可以霸屈而僅康其家有容成術可以長世屈而僅以却疾吾故嘗聞之人卒卒不能叩公所以稱侂盡也公之卒其鄉人祠而記於鄉所蒞州邑人祠而祀於州邑參政又不勝其而為之標本而光大之非一茲集行世

國有盡知公者亡所事余矣
南京大理寺卿門人王世貞

山馮先生小像



贊曰軒然而翹舉者其公之貌乎廓然而夷曠者其
公之度乎迺其英毅自負其平生而恢特傲睨乎一
世為名給諫為循良吏疏劾不避乎權奄治行具徵
於傳志胡為乎冥鴻高尚未究經世爰集友生哀經
陳藝憲洽宗姻振施敦羨津梁百里行者胥濟均賦
助徭與持公是蓋公之在國在家卓乎可紀是以邑
人懷德合祠崇祀肅瞻肖像儼乎與思予愧知公之
素有耿於中敬為之贊而不盡其擬議

邑人孫植謹撰 刑部尚書

祐山馮先生文集目錄

卷之一

序

三蘇文集序

太倉文略序

吟香留稿序

柘湖遺稿後序

沽頭閘誌序

常熟縣清理田糧序

湖邑拘徭序

陸氏族譜序

竈壽詩序

常足窩序

重湖水王序

來鶴園序

序賓洲卷

序雲水居卷

卷之二



序

學憲雷古和擢太僕卿序

郡伯唐巖劉公擢憲兩浙序

參戎盧柏山榮獎序

兵憲劉帶川平寇序

郡伯趙左山述職序

判府陳南棠擢貳金華府序

少府張龍川交代序

節推黃閔野擢地官主政序

郡伯張虛山擢主戶部政序

經府趙仰松榮獎序

卷之三

序

催耕不擾序

邑侯楊維齋述職序

漢樓劉侯 欽召序

海鹽令鄭壺陽 欽召序

贈直齋顧侯 欽召還京作父母解

父母篇贈丁梓淵邑侯

曾環山先生權令桐鄉序

衛川嚴先生司訓祥符序

石方山先生權寧慈谿教序

又贈石方山堂慈谿教序

送王稼軒先生司教潛山序

原教賀竹塘陳先生榮獎

朱南館先生權掌京山教序

王盤蔡先生權掌遠平教序

久道篇贈南明丁先生權掌本學教

卷之四

記

平湖縣建南社學記

報功祠記

兵憲劉帶川公乍浦生祠記

瀝泉殷公去思碑記

記康山夢

王谷新塾記

當湖勦寇紀事

當湖勝遊記

三老峰記

漢塘紀事

閱垣曲縣志

卷之五

壽文

壽樂峴翁八旬序

壽曹武川七秩序

壽曹鶴塘親家六袞序

壽張母李太夫人序

壽段溪兄更甲之慶

佑忠說壽南江先生

瑞露篇壽魯母太夫人

說

贈三兄惟聰號段溪說

惟美弟號南田說

屠肯齋說

東柳說

字姪明卿先卿說

文卿姪號得泉說

進卿姪號順泉說

卷之六

誌銘

明故 封工科右給事中思竹曹公墓誌銘

明故常州府宜興縣學訓一範丁先生墓誌

銘

神主墓誌

車十

明奉政大夫湖廣常德府同知吾泉姚公墓

誌銘

明故文學趙習菴先生墓誌銘

明故處士朴齋劉君墓誌銘

明故屠母倪孺人墓誌銘

仲兒敏勛婦錢氏合葬墓誌銘

墓表

明故中憲大夫山東按察司副使省齋屠公

墓表

行狀

明故中憲大夫山西提刑按察司提學副使

蒲山俞公行狀

明故光祿寺署丞鵠川曹公同配沈孺人行

狀

亡妻屠孺人行實

卷之七

祭文

祭霍公 即金山神主

祭蛟潭文 任餘干令作

祭曾暘谷文

祭朱百戶文

邑丞吳伊樓奠章

祭趙漸齋文

祭沈汭臯文

祭錢海石文

祭沈鄂陽文

祭俞蒲山文

祭沈觀山文

法慕蒼然文

哭趙上莘

陸湛菴誄詞

祭內伯母屠康僖公配牛老夫人文

祭沈太孺人文

祭錢親媽孺人文

祭陳太夫人文

奠姪孫婦李氏文

箴 銘 贊 跋

座右箴

平心盃銘

兩泉兄贊

備遺三錄跋

顧真女傳跋

葉母還金傳跋

卷之八

奏疏

勅吏部尚書汪鉉疏

條議

蘇州府常熟縣清理田糧或問有引

餘千造冊事宜

揭上軍門

禦寇管見凡十款

守城事宜

卷之九

揭帖 書

均田揭帖

為留廬叅將與軍門書

與陸東湖書

上軍門揭帖請救兵

揭縣轉達軍門

禮書送錢海石

答楊漢溪書

與曹龍田掌科書

答沈鈞玄書

與俞九湖書

與大兒敏幼書

與楊見山書

與陸仲鶴書

與嘉尹辭修塘碑

與張見山戒怒書

請齊峯陪雲居僧游東湖

禮書送趙夢湖

卷之十

雜錄

青雲接手

讀書必然貴

彩鳳雲霄

文章卜命

入門差

飛仙骨

移居

尊駕

乙未夢兆

隨地報恩

謫仙詩識

沈秋江

達人知命

童子詩對

陳午江論文

鍾僕

剿冠拆字

齋堂夢

漢樓靈夢

甲辰荒變

應變操縱

通達有命

李及象

宋御史

劉漢樓

駕虎傷人

曹海山

金汝規

徐白雲

麥舟詩

火中人

沈璣

孫耀

納息下氣訣

明目方

啖菜說贈陳山人

養魚

種蓮

祐文集目錄

十二

祐山先生文集卷之一

平陽縣知縣 郭著

序

三蘇文纂序

三蘇文纂纂三蘇文百篇鈔諸梓以爲游藝者之式
 或曰古文名世諸大家皆可式獨纂三蘇何曰遵
 時制便初學也蓋老泉之明白洞達東坡之宏濶瀾
 翻穎濱之壯偉發越皆含咀英華蜚聲藝苑而進退
 起伏抑揚頓挫動中矩度渾然天成不假雕琢若風
 行水上無意於文而不得不文焉者然則三蘇文皆
 可式獨纂百篇何曰體製不同作用亦異百篇者科
 目之利器也夫學貴大成文止百篇已乎曰由百篇
 以會三蘇之全由三蘇以極諸家之蘊等而上之六
 經可幾也夫學貴大用士止科目已乎曰以科目爲
 筌蹄以經綸爲魚兔等而上之伊周可幾也夫文以
 載道蘇氏之文於道未純也亦可式乎曰未純者道
 也可式者文也彼以其文載其未純之道吾以吾道
 載之於其可式之文則文不足以病道而道因文以
 顯將有所謂美則愛愛則傳者茲亦天下之至文也

或曰然是可式矣遂述其語序諸簡端

太倉文略序

余性迂愚志竊好古自乙未謫官踰八年歷三縣以至於茲蓋未嘗無所遇也始潛山登三高亭誦浩翁諸作若對何黃諸公相與上下其議論繼海虞弔仲雍之墓式言游之間讀吳文恪張止菴諸名公列傳神馳志軼皇皇焉如弗及繼餘干則又得以拜瞻紫陽夫子於東山之祠祀敬齋石城而紬繹其遺書皆充然若有得也壬寅移太倉聞其鄉尤多先哲心竊慕之方吏事旁午未暇論其世也居半載太學生王夢祥州學生陸之裴纂太倉文略若干卷將就梓余得而閱之則躍然喜曰諸先哲其在是矣儼然如目擊數公避席負牆而請益也其爲遇豈不大哉昔孔子適杞宋之國蓋嘗慨然興歎以爲夏商之禮吾能言之惜文獻不足徵夫孔子至聖且不能無徵於文獻尚友之士得是編而讀之文獻具存寔昭前矩雖老成云亡而典刑在目庶其無不遇之歎也夫

冷香留稿序

石亭陳先生績學組文馳譽藝苑益三十年於茲矣居常有經緯廟廊彌綸宇宙之志第命與時違數舉輒不利乃小試於時來掌吾邑教事吾邑諸生鼓篋環門執經問難各充其量即逡巡退矣先生卓犖之才跌宕之氣終鬱鬱弗自伸也時或發而爲詩詩成以示諸生諸生爭而誦之曰此三百篇之遺也昔聖門以學詩爲教觀於此者其可以興乎欲謀所以廣其傳者以告先生先生曰否否若知吾詩之所以作乎吾有情焉而不能已也詩以發之吾有性焉而不

石亭陳先生

序

敢蕩也詩以閑之吾詩之作也吾以自適吾天耳曷敢以教云諸生退而喜曰發乎情止乎禮義詩教也觀於此者可以興矣遂謀傳於梓而屬序於余余子敏功從諸生之後淑先生之教爲多故不獲辭而謹述如右先生名朝紀廣東之南海人

柘湖遺稿後序

嘉靖辛卯余與時魁王子禮卿俞子同舉於鄉明年壬辰策大廷官京師同旅舍王子才雄氣豪志凌千古嘗言人生真如白駒過隙所賴以不朽者功業

文章耳若碌碌窮年虛生虛死與蟻螻何異每論及
某人白其事建某功輒曰此天下大計可以不朽矣
見人詩文有得意者輒曰此兩漢此盛唐可以不朽
矣與余二人或終日論難至忘飲食或對榻劇談輒
至夜分王子曰古人論師友之益謂義重聚樂不其
然乎人生良會為難數年後萍梗異踪三人聚首未
易得也余二人聆其言要然有胡馬越鳥之悲未幾
余謫潛山王子謫滁州越明年八月而王子之訃至
矣嗚呼傷哉王子豐於才而膏於壽大其所受而未

希古集卷

中

究其所施也俞子尋亦出補泉州感今思昔悲不勝
情與余謀所以為王子不朽者乃即其弟庠生校索
遺稿得詩文凡若干篇同年太倉陳子德宣為之論
敘遂梓以傳余謂士之處世得行其志者遠古以還
數人而已可多得哉所責在不負其志耳王子筮仕
為庶吉士儲養翰院盡讀中秘書發為詩文上窺漢
唐門戶改刑部司屬受廷杖左遷在滁以循良列名
宦雖文章不究其學功業不究其用亦可以不朽矣
茲因王子嚙苔之志也因識諸末簡云

沽頭開誌序

沽頭舊無誌嘉靖甲寅上虞徐五橋先生以部使董
開政慮文獻之莫徵也搜輯故典網羅遺事將誌之
而遷秩越幾年丙辰吾邑陸丹崖先生董政於沽五
橋束稿馳書以屬丹崖丹崖曰此吾志也於是東益
而潤色之凡十有二卷將就梓屬余序余謂自古君
天下者必以足食為本足食所以足兵也三代而上
寓兵於農無養兵之費漢唐以來分兵農為二兵以
衛農農以養兵於是乎群聚而食之遠運而供之運

希古集卷

五

之道有二曰海運曰漕運議者謂海運不可行則漕
運之利士君子之所當熟講而預為之圖者也漕河
之水有南北高下界南北節高下非開不可而沽頭
又南北二京之中四十八開之首也此地或涇則兩
京無通道此水或涸則諸閘無成功甚矣職此者之
不可不慎也誌此者之不可不詳也是故漕規漕禁
飭王章也開座以通漕也秩官閘之理也經用開
之需也堤淺川源閘之所有事也公署城池皆因閘
而設以居官集衆也藝文者又所以宣閘政表官常

師上尊夫 王制者也職此者而知此則不至於廢
官隸此者而知此則不至於僨事道此者而知此則
不至於罹法君子曰斯誌也可稽於古可式於今可
傳於後矣司漕計者其亦有考於斯哉

常熟縣清理田糧序

皇帝御天下之十有六年念東南財賦天下根本經
理之制日就圯戾用太子太保禮部尚書兼翰林院
學士顧公議大度江南墾田巡撫泰和歐陽公巡按
餘姚徐公晉江陳公相與對揚休命蘇州郡守今太

市志卷六

六

倉兵憲文安王公寔相厥議圖厥終始以惠元元常
熟蘇下邑也前尹宛丘沈子君敘仰承休德畢智殫
力庶幾考成旣而以遷秩去未竟也某自潛山移宰
茲土黽勉嗣事逾年矣僅克有終蓋嘉靖戊戌冬十
月也竊嘗想見文襄周公在 英廟時剗除宿弊稱
土分糧即禹貢三壤之則周官九賦之遺也今之法
非文襄之法矣富厄貧則重輕易位智傾愚則多寡
亂真飛虛走實智巧無稽茲天下之通弊而姑蘇尤
甚者也矧常熟西北抵江陰西南距無錫東分太倉

犬牙盤錯而虞宛諸山遠近相望岡阜陂陀與平曠
交互又襟湖帶江桑田滄海朝暮殊觀坵移版脫世
業相承茲姑蘇之通弊而常熟尤甚者也是故田連
阡陌者不供上通繫終身者無卓錫戶遺在圖圖遺
在區區虧以千計圖虧以百計厥田厥賦蓋大壞極
敝於茲矣易窮則變變則通是舉也上有神化宜民
之君下有協恭亮采之臣固曰人謀爲能抑亦數窮
理極有不得不然者哉將與常熟之民世守之爲梓
其數以禦其紛更者

湖邑均徭序

均徭之法十年一役法久弊滋不可窮詰顧侯直齋
令吾邑欲救弊以維法也博訪群議議及余余曰蘇
郡見行事例可訪也侯乃移文蘇郡得其所謂賦役
冊者總十年之田而年派之計一年之差而銀徵之
田有定畝銀有定數蓋法在隨宜則吏執低昂之柄
規以畫一則吏失輕重之權此編僉之利也積之一
年則重而難辦分之十年則輕而易舉此輪納之利
也分年通免則先後不無影射常年恒免則彼此難

以惟移此優復之利也三利興而三弊革通變宜民之道也然徵銀之外又有不得不力差者則選該年上戶給領額銀爲之銀差遍及於小民力差兼行於上戶此又祖宗九等徭法分富貧輕重之遺也侯真曰通變宜民而不失乎祖宗之成法是可行矣上其議於當道而行之三年侯以欽召將行欲鉅諸梓而屬序於余余謂有治人無治法銀差計畝法也而出納弗慎則法弊力差選戶法也而撙節弗周則法弊力差如斗庫鹽兵巡夫之役爲難前此往往有破家者夫庫役之設謹防守而司出納法也而乃至於破家法之敝也若此今之庫役侯在焉錙銖弗損也豈直庫役哉侯治人也何所施而不可侯行矣余書此於冊固不能無望於吾民將來之父母

陸氏族譜序

余觀吾平湖懷洲陸子所撰族譜由今十二世而上以迄於巡檢公雖盛衰異變先後異時而一脉相承如木之有根如水之有源鑿鑿可考於是見一本之義由巡檢公而下以迄於今十二世其爲大宗其爲

小宗其爲繼祖之宗其爲繼禰之宗如木之分枝如水之流派井井不紊於是見分殊之義知其本之一則舉族之人皆出於吾祖之一身而推愛宜廣知其分之殊則人以世分情由服異而施恩有序今夫舉族之人固不能皆賢者皆貴者皆富者賢以養愚貴以逮賤富以恤貧此廣愛之道一本之義也然族之人又不能無遠近親疎也由近及遠由親及疎此推恩之序分殊之義也雖然此自本族言之耳以本族自視則族之人有遠近有親疎以途之人視族之人

其爲遠近親疎又有大於此者蓋由巡檢公而下視十二世之子孫固皆其一體之分也由十二世之子孫而上視巡檢公固分於其一體者也故族之人一人也途之人天下之人也苟待其族之人無以異於途之人則是視其祖無以異於途人之祖矣天下有視其祖無以異於途人之祖者其爲人何如也懷洲子族譜之所由作也尊祖故敬宗敬宗故睦族

寵壽詩序

當湖趙漸翁給事黃門踰十年出叅山西省政越五

月乞休歸歸又數月以季子職方君貴加封中大夫
皇帝誥命有曰茂膺寵光益綿壽祉後十五年是為
嘉靖丁未翁年七十矣龐眉華髮豐頤童顏班衣在
堂耆英之會翁謂客曰茲予壽祉寔維寵光是

皇恩之渥也是天語之徵也維茲覆冒曷罄涓埃於
是北面稽首賦詩一章有願言供奉萬年杯之句蒼
君休也坐客倚韻慶和颯颯乎大雅之音矣某作而
颺言曰大哉

皇上之仁乎至哉大夫之忠乎君錫其臣以壽祉是

神文卷一

十

君之愛臣無已也臣頌其君以萬年是臣之愛君無
已也天保升恒寥寥千載西周遺響乃今見之雖然
翁嘗明刑邁德讜論匡時是作善降祥翁之壽得之
天矣不伎不求揚休及物是和氣致祥翁之壽得之
人矣屏絕世紛葆精蓄氣是寡慾順神翁之壽得之
所養矣是宜介景福錫繁祉雖籤彭比算鶴龜齊年
老不足為翁多者翁之壽乃其所以善承天寵者與

常足窩序

常足窩者吾當湖趙漸翁之所居也嘉靖乙巳春三

月既望之十日翁命僮輩植過余東園對景凝神默
會真境謂汝弼曰夫景之勝也在心不在物吾有常
足窩蓋竹數竿石數拳山花野卉數種耳吾安焉吾
樂焉吾常足焉蓋勝於心不勝於物也汝弼憫然避
席而進於翁曰夫人之處世也每患於不足足矣每
患於不常匪翁其誰有是哉昔翁入掌西掖出叅右
藩為天子耳目為斯民師保功在社稷矣德在人
心矣維翁常足矣翁曰茲天也殆將假是以紓吾壯
志云爾奚足哉翁之掛冠而歸也心無失得身無榮

神文卷一

十一

辱不耕而不飢矣不蠶而不寒矣不事於坎離黃白
之術而駸駸乎喬松之算矣維翁常足矣翁曰茲天
也殆將假是以優吾晚節云爾奚足哉翁之子若孫
芝芬蘭茁鵬搏鳳翔或對大廷之策以從王或懷
席上之珍以待聘箕裘克紹矣突葉無疆矣維翁常
足矣翁曰茲天也殆將假是以衍吾來裔云爾奚足
哉於是汝弼茫然自失莫知所云也而以請於翁翁
出詩一章以示余有省已十年來未敢信知足之句
蓋思宣聖之從心仰遵緩之及化而慕衛武公之好

學老而不勗也乃知余所謂足足於外者也翁所謂足足於內者也足足於外者天也匪人也維皇降衷萬物咸備性本至足有不足者人也匪天也在天者吾聽之而已矣吾安之而已矣奚足哉奚不足哉在人者吾日孜孜焉殆將勉其所不足以至於無所不足斯已爾蓋不以足於外者自滿而以足於內者自勵名高之意其在茲乎翁曰然子得之矣越明日入東園景與神遇耳目俱廢蓋不見物而見心矣因述以似翁翁曰此余窩語也書諸座右以徵常足之義翁季子職方君伊汝弼同年進士也故得數奉教於翁云

重湖冰玉序

鯨川先生以郡別駕兼視嘉興平湖二邑篆嘉興有南湖平湖有東湖筆山王子繪重湖冰玉圖頌之冰清玉潔擬其廉也周官六計以廉爲本我朝六部諸司必繫之清吏王子之擬是矣而未盡也世固有若矣才或不足也可以有官未可以有爲廉且才與德未施也可以解譽未可以得民夫有爲廉之才

幹也得民廉之乎也而皆曰未可牧民之道宜不若是也先生始署嘉興嘉興余故桑梓地也日聞先生之政某事利與焉某事弊除焉某人困蘇焉某人寃雪焉是其才可以有爲而思可以得民也比署平湖平湖余所占籍也日見先生之政利之興也弊之除也因之蘇而寃之雪也事事爾也人人爾也蓋先生之廉才足以幹德足以孚無不可爲之事無不可得之民夫子所謂節用愛人者見諸行事歷歷可紀余身親見之也蓋重湖膏澤之潤物藉之以生成焉者固王子之所未盡也乃若夜嚴天地之知門絕苞苴之獻知所謂冰清玉潔者固內外一心始終一節也觀王子之所擬知先生守已之操觀余之所述知先生及物之功先生張姓諱九畝山西人

來鶴園序

來鶴園者有鶴降於古晏張先生園而名之也婁之君子咸謂名園以來鶴益異夫鶴之來而因以重夫園也爲文若干篇爲詩若干首積卷成帙以示余余謂園之重在人不在物昔洛陽名園甲天下爭奇角

勝更相雄長於一時者何可勝計今天下之所景慕而追思者誰氏之園哉蓋其人與其草木俱朽腐宜乎後世無聞也惟司馬公獨樂園人至今稱之夫獨樂最爾之地使當其時與諸名園絮長度大固丘垤之於太山耳然天下後世之論頌舍彼取此何哉亦存乎其人焉耳故人以園重則園與人俱有盡園以人重則人與園俱無窮先生爲御史則直道左遷推司直則完名勇退是青宮烏府且以先生重矣矧斯園哉故斯園之重重于人而鶴之去來不與也然曷

東坡志林

南

以名園亦猶司馬公獨樂之名之意也公以一身任天下之重乃以獨樂名園幾於無大公之心而示人不廣者夫公豈不欲樂以天下哉顧其勢有所不可耳若曰我不能與天下偕樂則亦退而自樂其樂耳是公不得已之心也夫協恭召和來鳳凰於千仞使天下復觀虞周之盛是先生之志也而韜光晦迹來鶴於園以自遂其遐棲高舉之志亦先生不得已之心也知先生不得已之心斯可諭先生名園之意矣先生諱寅字明仲別號曉川子

序賓洲卷

賓洲子持賓洲卷請序於祐山子祐山子喟然嘆曰觀是卷也可以知榮辱矣人徒知上賓于王之爲榮而不知下賓于洲之不辱也賓于王則貴且尊貴多憂尊多危賓于洲則樂且安憂危之與安樂也是榮辱之辨也惡憂危而好安樂情也舍安樂而趨憂危匪情也好而舍之惡而趨之情之佚也是榮辱之機也人知慕其貴且尊乃遂棄安樂而逐憂危蓋亦反而求之吾洲之上清風豁襟明月照懷可吟可弄水

東坡志林

五

深幽渚水落平林可漁可樵春野開畫秋泉奏琴可觀可聽賓洲子以其無不可之身超然遠舉於塵埃之表蓋不知孰爲榮孰爲辱孰爲憂危孰爲安樂而況其所謂貴且尊者哉或曰信斯言也賓洲子幾於遺世矣祐山子曰以其安且樂者自處而教其子以觀光之業固將以其憂且危者貽之也孰謂賓洲子終於遺世者哉

序雲水居卷

吾邑仰松陸太游心物外乘槎慕漢使之高風脫跡

東中扁舟得陶公之雅趣。爰新彩舫，寄傲烟波，舉棹
掀蓬，凌歷萬頃。趙漸齋先生爲題雲水居贈之，諸名
公交於陸丈者，播之咏歌，而屬序於余。夫雲無心也，
水無情也。人惟無累於心，而後心與雲會，無役於情。
而後情與水會。今夫雲其卷其舒，其聚其散，其飛揚
其變幻，千態萬狀，無窮也。是孰使之然哉？今夫水流
而川也，止而淵也，匯之而湖，放之而海也。又孰使之
然哉？雲水自然之化也。仰松傳軒岐之祕，而博施普
濟，不媒榮不賈利，不徼福不徇勢，殆庶幾乎遺智息
機，而質任自然者矣。夫以自然之心，自然之情，而體
夫雲水自然之化，宜其相忘於物，相遇於神，而相安
於雲水之居也。昔人云：水流心不競，雲在意俱遲。茲
仰松自得之趣，諸公詠歌之旨，而漸齋先生題贈之
意，也是爲序。

祐山馮先生文集卷之二

序

學憲雷古和擢太僕卿序

嘉靖戊申冬十月，豐城雷古和先生奉命督吾浙
學校。越二年，陞太僕卿。吾邑士秦繼孝輩及吾兄敏
功，出先生陶冶中，相與依依，不忍捨去。愈謀以言贈
也。余謂先生學本六經，道傳仁義，慨然以變文體，正
士習爲己任。洎浙歷十一府一州七十五縣，作士萬
餘人，弗徇於情，弗阻於勢，於一人無所私，亦無一人
敢干以私。至與諸生析疑論難，長善釋回，則披肝膽，
假顏色，如父兄之於子弟。諄諄終日，不少勸。夫惟不
敢干，故法無所撓；而士服其義，惟不少勸，故教無所
隱。而士懷其恩，某某人上，某某人下，上者無德色，下
者無怨言。鑑空衡平，取舍當也。某某人憤可啓，某某
人悱可發，其施也不悖，其受也不褊。義重聚樂，上下
交也。古之言天下之治者，必曰師道立。夫師道之立，
豈易言哉？易曰：發蒙利用，刑人言法之不可不正也。
詩曰：載色載笑，匪怒伊教。言情之不可不浹也。故師

道非難難乎恩義之兼耳義勝則睽睽則勢隔而情不通恩勝則狎狎則情昵而教不達義行而孚之以恩故不離恩洽而持之以義故不棄不離與不棄之心併而教行於多士道達於天下以此育萬民以此正萬民以此理陰陽亮天地何所施而不可是行也余故不爲浙多士不得終教之惜而深爲宗社生靈永有攸賴之慶太僕之政姑置勿論

郡伯唐巖劉公擢憲兩浙敘

嘉靖辛亥夏四月唐巖劉公奉命出守嘉興既下

神宗集卷

二

車詢民疾苦時四郊懼賊三農渴霖公曰是在我觸暑徒行巷禱籲天天降時雨乃克有秋旣而漕司改運民心洶洶公曰是在我懇白所司循宜輸直官無加賦民得少蘇余錄以示客客欣然曰善哉公也克慎厥始矣癸丑夏四月倭奴入寇勢甚猖獗時承平日久民不知兵公羅部內以募驍勇竭府庫以給糧餉賊少却民咸德公公曰茲可暫寧非久安計也於是建城保民開浦屯兵兵拒要害民保室家余錄以示客客欣然曰善哉公也克成厥中矣甲寅五月寇

逼郡城城中諸將相顧無敢出兵者公奮然請行民遮道號呼泣留者以萬計公直前不顧則執挺刃負戈矛充衢濫肆喊譟而出郡城爲空當道者懼而止之無何寇數千突入嘉興之北鄙公從大中丞梅林胡公督水陸諸兵鏖戰於王江之野斬首二千餘級賊自是莫敢犯嘉興矣公軍務之暇每進諸生揆文析理緣經論道啓鑰抽關升堂入室者先後彬彬矣壬子乙卯之賓於鄉之獨盛也其公育才造士之明徵乎余錄以示客客欣然曰善哉公也克成厥終矣

神宗集卷

三

蓋文武兼資者公之才也士民胥賴者公之德也始終一節者公之操也表裏相符者公之誠也惟才也故能成務惟德也故能宣化惟操也故能守已惟誠也故能孚衆五年之政績七邑之人心此豈可以聲音笑貌爲哉是故余三書而無愧詞客三評而有喜色言之者非諛受之者無歉也今茲擢憲吾浙也倭寇未盡寧瘡痍未盡起吾民皇皇若失所怙恃者余謂之曰浙吾省也嘉浙屬也公在省父母孔邇也於是民始相顧欣欣矣蓋憂公之去吾郡而猶喜公之

有吾省也。遂述此以徵政於人心云。

參戎盧栢山榮獎序

古今論將自武成王而下必曰韓淮陰郭汾陽天之將用茲人也必先投之至危嘗之至險以奮其志老其才而大其所受是故登壇一拜力扶漢鼎朔方一出再造唐宗列爵王侯流芳百世蓋將用之必先有以成之也參戎栢山盧公智勇如韓忠武如郭一註吏議否閔三年中丞思質公嘗謂余曰東南名將盧爲第一保薦得旨旦暮且至時海寇挾倭奴入乍浦

神宗集卷五

四

遂長驅犯平湖之東鄙郡節瀝泉殷公率衆禦之賊引退僉憲西泉羅公擊斬於徐家帶賊奔海越數日合黨復犯界公至謂余曰陸戰不若水戰守城不若守海遂臨海登山揆形度勢指乍浦之南海之涯山之麓謂衆曰此可開此可浦浦可置舟若干艘艘可置兵若干人平湖可扼海鹽可控浙西數郡可以藩屏衆皆難之公謂民不可與慮始也謀諸憲巡蒙泉姜公姜公是其議議與郡守唐嶺劉公合乃計待屬役刺日鳩工畚鍤所及儼然故迹也於是置舟若干

艘置兵若干人扼平湖之門戶控海鹽之咽喉嚴浙西之藩屏巍然東海之上雄鎮也中丞公謂公不負所舉也移檄旌之余曰公知中丞公之意乎禦寇易靖寇難禦東南之寇易靖西北之寇難禦寇安民靖寇安國蓋至於安國則社稷之衛帶礪之功然後中丞公之意始遂雖淮陰之扶漢汾陽之造唐亦可以無愧矣然則向之否閔公者寧非欲侯王公耶吾漢樓劉侯之視篆平湖也志安國民多公之功徵余文以爲賀余故述天之所以玉成乎公者登之軸

神宗集卷五

五

兵憲劉帶川平寇序

嘉靖乙卯秋九月劉帶川先生受命整飭浙西兵備時劇寇徐海等挾倭奴數萬鋒刃浙福魚肉蘇松者三年矣余進謁問所以平寇者先生曰南之海猶北之山禦虜者必於山外一過山則虜勢百倍矣禦倭者必於海中一登岸則倭勢百倍矣矧今將不知兵兵不習戰以無算之將驅不教之兵而棄之虎狼之口其望風而靡無惑也故禦寇於陸不若禦寇於海選將於力不若選將於謀求兵於衆不若求兵於

精余於是知先生之見定。又問所以致寇者。先生曰。祖宗時。倭奴入貢。歲不愆期。因以貿遷。獲利。曩因爭貢相戕。震驚邊郡。當事者不究其爭之罪。而諉曰貢之非。而絕之貢。而東南之禍肇矣。繼乃命撫臣專經制。而逸德俱焚也。遂激之而嘯聚。而剽掠而屠戮。而東南之禍慘矣。繼乃命重臣督軍務。奉將天討。而始之輕遽。覆軍繼之遷延。玩寇而東南之禍愈久愈大。以至於今。非一朝一夕之故矣。蓋今日之過一失之絕。再失之激。三失之輕。且緩以釀成之耳。不

林忠憲公集卷三

六

及今求萬全之策。為必勝之舉。東南之事。未可知也。余於是知先生之慮遠。越明年三月。先生閱兵於乍浦。徐海等率眾數萬。奄至城下。攻圍甚急。先生援弓登城。親御決拾。連斃數賊。乃督家兵之善射者。分布合天。應弦而倒者。不可勝計。由是賊懼解圍。趨桐鄉。時我軍惟宗參將所部最號驍勇。敗於賊。賊勢愈熾。遂圍桐鄉。彌月不解。巡撫函峯阮公。竭力固守。適督林胡公以大兵未至。難與爭鋒。欲以計取賊。盡銳攻賊。愈急。先生贊於二公。陽為撫之令。遂退屯

於華亭之呂巷間。携徐海。執其渠魁。麻葉陳東等。以獻。縱其徒黨歸島。設伏而殲之。海中獨徐海擁精悍千餘人。據平湖之虹霓堰。為腹心患。適宮保甬江趙公奉命視師。先生贊之為擣巢之舉。遂協謀於督撫二公。親冒矢石。率精銳奮勇先登。大兵繼之。勢如破竹。於是徐海授首。而醜類盡殲。無孑遺矣。時八月二十五日也。方曩時倭眾之相戕也。使當事者如先生。必不絕貢以肇釁。經制者如先生。必不濫殺以激變。督戎務者如先生。必不輕玩以滋禍。今日之平寇也。招撫以成。始先生協招撫之謀。擒勦以成。終先生著擒勦之績。使曩時有先生。可以無今日之功。使今日無先生。何以救曩日之禍。出吾民於鋒鏑而衽席之。誰之力也。吾禾大夫士。再造於先生者。銘之心而欲徵之言也。余遂昌言於眾。以俟職史者採焉。

郡伯越左山述職序

嘉靖丙午冬十月。左山公蒞嘉禾之七月也。遵制入覲。戒行有期。邑之士若民。相率詣余曰。湖邑比歲飢。始丁酉。歷癸卯。至甲辰。大飢。乙巳。又飢。民之

填溝壑者什之三。離鄉井者什之四。鬻妻孥蕩產業者什之五六。室如懸磬。朝不謀夕。噫。然喪其樂生之心。則比屋然矣。吾左山公始拜郡。命聞而憂之。比下車。目擊憂形於色。未幾有分廩濟飢之令。又未幾有給種勸耕之令。又未幾有覈荒捐稅之令。蓋吾郡之飢。吾湖為甚。故公憂民之政。亦於吾湖為多。吾湖民方欣欣然有更生之望曰。嗟乎。天實降割。幾於無生生我者公也。公茲行矣。其若吾民何。余譬之曰。若知公心乎。慈母之於赤子也。撫我畜我。鞠我育我。出

神書卷一

八

入腹我公之身。雖去吾郡。公之心未嘗一日不在吾民也。公茲行敷奏。大廷必將以吾民顛連疾苦之狀之親見者。與夫救吾民顛連疾苦之政之當行者。一一陳於吾君之前。他日沛天恩於九重。以恤冒我下邑者。公之心也。公豈以身之去。遂忘吾民哉。士民皆唯唯曰。是知公之深者。遂書之以表公之惠政。而因以俟公惠政之成。

判府陳南棠擢貳金華府序

天下之道。窮則變。變則通。變而通之。存乎其人。匪其

人。則天下之事。日趨日遠。以至於不可救藥。而生民之害。吾不知其所終矣。有救世君子者。出力挽而回之。然後天下之變可通。而生民之害可弭。而君子者。不有其功也。君子不有其功。而被君子之澤者。可不知其所自哉。我國家財賦。江南七府。甲天下。嘉興居七府之一。固財賦之淵藪。而吏弊民瘼。輒亦淵藪於此。智傾愚。則多寡亂真。於是。有飛灑之獎。富兒貧。則重輕易位。於是。有虛存之獎。二獎滋而民之輸納者。日困矣。徵有定額。而輸費無窮。此賠賾之難也。

神書卷一

九

輸有常數。而包侵無紀。此倩代之難也。二難併而民之轉輸者。日困矣。公督徵於郡。知吾民之困於輸納。督運於京。知吾民之困於轉輸。於是。贊於郡守左山趙公。乃令曰。維額多寡。可出可入。智者緣奸愚者受欺。維賦重輕。可高可下。富乃減科。貧乃加稅。定爾額。齊爾賦。使智愚貧富。各安其所。可乎。又令曰。額外之徵。有禁。吾寬爾額。益爾徵。使無賠賾。可乎。常數之虧。有罰。必覈乃役。核乃數。無庸倩代。可乎。令下。民雖遠。之由是向之困於輸納者。財乃不匱。困於轉輸者。力

乃不竭。易曰：通其變，使民不倦。公可謂通變宜民者矣。書曰：德乃降，黎民懷之。吾郡之民，其能已於去後之思哉？金華去吾郡不數百里，而民淳俗厚，四先生之化未泯也。其歲輸之數，視吾郡纔什之三。公不難於吾郡，而難於金華哉？余既為公喜，而且為金華之民慶。遂書此以贈公，而回以告於金華之民。

少府張鼇川交代序

鼇川先生署篆吾湖之十月，以交代行。鄉士大夫屬余言以為贈。余謂先生履任吾郡，署事鄰邑，廉勤善

祐文集卷十一

十一

政未易枚舉，而善政之在吾邑者，亦累牘不能書也。姑舉其大言之：往年寇亂聚兵乍浦，軍無統紀，制御為難。近聞南都兵變，乘機扇動，遠近洶洶。先生至吾湖甫七日，單騎入其城，思以宣威信，以懷貳。遂帖帖不復動。乃吾邑生民得免兵戈之禍矣。吾湖視他邑地最瘠，賦最重，近年不急之派，無名之徵，日益而民不能支。先生習知其弊，下令曰：正賦之外，敢有擅科絲毫者，罪在不原。自是奸人袖手，乃吾邑生民得免膏脂之剥矣。近年備寇軍需，浩繁收解之役，類多無

賴，方其收率費於無經，比其解復徵於額外，負冤抱苦，莫可告訴。先生釐其弊，悉以掌賦富民為之，自是無賴迹跡。乃吾邑生民得免橫征之害矣。往年勦寇諸司咸集里甲，供億百倍，譬昔寇平而供億如故，民不堪命也。先生力加節省，十去其九，乃吾邑生民之命蘇矣。往年禦寇調兵輸餉，哨賊傳檄，往來舟楫，編撥里迤，寇息而編撥如故，民力不勝也。先生即為裁省，百不存一，乃吾邑生民之力寬矣。縣有庫役，職司收貯，近年豁鑿無厭，執是役者率至破家。先生性清介，官舍蕭然，如寒士。家人敝衣糲食，一無與於庫役。吾邑之人始知庫役之非難，亦不意庫役之易易如此也。先生署事吾湖不數日，而立定亂軍不數月，而歷除弊政，安得復留數月，以悉更其化，而善其治，盡起吾邑瘡痍之民而更生之也。又安得天下郡縣皆有如先生者，以司民牧，盡起天下瘡痍之民而更生之也。夫事業在先生之心，聲譽在與人之口，言之者非過情，當之者無愧色。余故不辭鄉士大夫之請，而書此以為贈。

祐文集卷十一

十一

節推黃岡野擢地官主政序

嘉興郡節黃岡野先生之擢主地官政也。持治政桐鄉。桐鄉新尹曾君士彥率先生之教以治桐。而無以報也。請余文爲贈。先生以嘉靖庚申歲奉命理刑吾郡。時吾郡當倭寇殘傷之後。有乘機剽掠。有因事侵漁。有株連逮及一時。誣誤者。先生必廉之曰。某可入。某可出。咸斷而哀矜焉。旣而稽查他郡。往時稽卷者。率以刻爲能。以入爲功。甚有羅織無辜。文致其罪者。先生獨量之曰。某爲故。某爲誤。剛毅而慈良。寓焉。

嘉興縣志

卷三

焉。旣乃署篆桐邑。適桐邑之民戕於暴風。泊於淫雨。民不堪命。而國課軍興。交征皆至。先生則酌之曰。某宜急。某宜緩。催科而撫字。寓焉。常聽吾邑訟。有陸氏子兄弟訟財。久不復至。先生不復追也。謂余曰。始兄弟以不均爭。今均而和。或情也。吾何必苦之以法。常僉吾邑。有沈氏子撥毀鄰界。旣成。案矣。訴就本界。先生即更之。謂余曰。鄰界役不如役於本界之便也。情也。吾何必拘之以案。至於冰蘗之操。始終一節。則一邑然也。一郡然也。各郡亦然也。茲特耳聞目擊。

鞠

之真者。余家居杜門久矣。耳目之所不逮者。何可數也。雖然。威斷而哀矜也。剛毅而慈良也。催科而撫字也。義以行其仁也。法可原也。案可更也。民之情不可拂也。仁以濟其義也。而復身之以廉。則仁義爲有本。率是道也。可以正天下。可以育天下。鈞衡可也。台鼎可也。豈直地官哉。遂因曾君之請而書此以爲贈。且以致屬望之意云。先生諱鶴。杞人。已未進士。

郡節張虛山擢主戶部政序

虛山先生之推吾郡也。訟牒盈案。逋徒滿庭。逮究訊鞠。歲無寧日。而困於財賦者。十居八九。淫雨浹旬。良田爲壑。則困於賦。亢陽爲虐。焦禾殺稼。則困於賦。額外徵科。歲增日益。則困於賦。胥徒爲奸。飛虛走實。則困於賦。包攬侵漁。重徵遍及。則困於賦。賦困則民貧。民貧則盜起。於是有大肆兇殘。從倭寇以反戈者矣。於是有糾集徒黨。執戈矛以行劫者矣。於是有乘其黃夜。鑽穴踰牆。以鼠竊狗偷者矣。先生知弭盜之道在於裕民。裕民之道在於平賦。賦之不平。如前所云云者。先生蓋時時致意焉。裕民之道。思過半矣。而先

生冰蘖同操廉以持已裕民之本也冰鑑無私明以
照奸裕民之資也陽春溥被仁以覆物裕民之實也
吾民方裕於先生之德而天曹課績擢主地官吾民
失所怙恃咸有憂色余謂之曰地官計賦之司吾民
方困於賦先生方憇念於吾民其所怙恃豈小小哉
自茲以往先生於吾民也冰旱之災必思何以濟之
額外之科必思何以裁之飛走侵漁之弊必思何以
釐革之吾民之裕又有大於今日者雖然先生問推
吾未任一郡則裕一郡之民今擢地官任天下則裕

怡文集卷三

五

天下之民蓋其廉足以厲天下之操明足以照天下
之奸仁足以普天下之惠孰此以往宰天下有餘裕
矣豈直裕吾一郡之民已哉先生之行有日矣余與
先生爲年家故道其實德而因致拳拳屬望之意云

經府趙仰松榮獎序

天下未嘗無才顧上之人網羅之者何如耳是故
朝廷有超格之令則天下有超格之才吾郡趙經府
出世家由胄監經歷鳳陽金華及吾永凡三郡署篆
桐鄉及吾湖凡二邑其所樹立其所操持口碑載道

吾郡吾邑乃得之耳聞目擊之真者其他可知也吾
嘗觀之先生事上以敬矣上所可而或否也不徇其
可而直其否而上不以爲忤撫民以慈矣民有善而
亦有惡也長養其善而鋤其惡而民不以爲虐待士
以禮矣體其情而不廢之法而士不以爲怨持已以
廉矣以己之長形之人而人不以爲忌聽訟得情矣
或勸諭以全其天性之親或哀矜以開其自新之路
不得已而用刑焉而人不以爲苛催科課最矣或預
計以恤其荒或分輸以寬其力不得已而督徵焉而

怡文集卷三

五

人不以爲厲夫敬也慈也禮也廉也聽訟而得情也
催科而課最也人所難也乃若直其否而不以爲忤
也鋤其惡而不以爲虐也不廢法而不以爲怨也形
已之長而不以爲忌也周刑而不以爲苛也督徵而
不以爲厲也人所尤難也先生能人之所難而又能
人之所尤難謂之超格之才非耶署吾湖甫八閱月
而南運戒行吾民奔走呼號如赤子之失慈母也自
糧里蒼塘以及邑庠之士爭詣當道保留而不可得
則相與祝曰安得天祐吾湖使之遂令吾湖哉又安

得天曹諸君子垂念吾湖擢之以令吾湖哉巡院蘭亭黃公得其賢能狀移檄旌之以勸羣屬蓋先生有此超格之才故有此超格之政待此超格之名而超格之遷尤爲湖民之所願望者如此也余所望於先生者益展其才益修其政益永其名上無負朝廷之網羅下無負吾民之仰望此巡院旌賢意也茲因縣屬諸君之請遂據事直書以爲贈

祐山馮先生文集卷之三

序

催科不擾敘賀仙臺李侯

明制江南財賦當天下之半東吳七府當江南之半嘉興其一也平湖爲嘉興屬縣賦重獎滋逋負流移豐年不免自嘉靖丁酉迄癸卯歲荐饑歷乙巳丙午又饑民不聊生而奸人之蠶食其中者益甚國課用虧民患益滋矣邑侯李仙臺先生不忍凋瘵餘民之受敝也懇諸當道捐不毛之稅民欣欣有更生之

望矣則下令曰往惟歲會總計爲奸高下盈縮或出其手茲予親覈書者按籍算者代乘罔敢或干汝則有大刑往惟歲徵獎在董賊乃或括斂乃或侵漁茲弗爾擅米登於倉銀登於庫罔敢不時汝則有常刑令既下民爭趨之不數月官儲告實上供以時向之蠶食其中者垂涎袖手莫緣爲奸是以賦足而刑不施歲飢而民不病蓋權不下移而貪叨之獎絕也比歲令平湖者率以逋賦課殿先生更課以最昔人謂催科不擾是催科中撫字余於先生見之矣蓋法立

而易從者更化以宜民也。政什而有功者變通以盡
利也。宜民者通天下之志者也。盡利者成天下之
者也。率是道也。豈直一邑。推之七府。達之天下。可也。
其越在草莽而彤管未禋。謹述此以俟。觀風者采焉。

邑侯楊維齋述職序

嘉靖壬子冬。吾邑侯楊維齋先生將考最銓。帶適天
下諸司入。觀之期侯在吾浙。為清白吏。稱首邑人。
咸相謂曰。藩司憲院簡廉吏以進。天子舍侯其誰
哉。又曰。敦儉朴為天下先。聖天子簡廉吏以風天

下舍侯其誰哉。既而

命下擢南京工部主事。蓋以

廉舉也。自周官六計以廉為本。漢晉以來。若楊伯起
吳隱之。數人而下。廉吏不多見。蓋廉於始。或膠於終。
是故久為難侯。自筮仕海寧。以廉聞。轉吾湖清。操愈
厲。觀自吾湖。則三年一日。觀自海寧。則十年一日。可
不謂久乎。廉於此。或戾於彼。是故一為難侯之蒞。政
里無繁費。市無橫征。賦不耗益。罪不賄免。萬感同歸。
可不謂一乎。廉於外。或強制於內。是故誠為難侯。食
無兼味。衣無重帛。庫無私積。囊無餘資。圖於農資。

盡務

織於婢。怡然自足。不求人知。可不為誠乎。廉於已。或
未信於人。是故孚為難侯。自邑之士。若民若皂。若與
若臺。以及行道之人。達之藩果之間。朝廷之上。不
問而知其廉。不言而服其廉。可不謂孚乎。蓋久則一
一則誠。誠則孚。孚則何所施而不可。侯之宰吾邑也。
今之時苗也。進而宰一方。則劉寵之在漢也。又進而
宰天下。則楊綰之在唐也。侯行矣。異時有以廉書光
映簡冊。流芳後世者。必我侯也。邑之士大夫。相率餞
侯於郊。謀所以贈侯者。不敢瀆侯之廉也。故不以物
而以言。

漢樓劉侯

欽召序

吾父母漢樓劉侯之應。詔將行也。吾邑人喜侯道
將達於天下。而憂其身之失所。怙恃也不能留。不能
舍。各以類聚。咸謀所以寄情者。而侯門下士之舉於
乙卯也。吾兒敏功亦與焉。於是諸子屬筆於余。余請
諸子所得於侯者。陸子與容曰。吾結髮事棘闈五戰。
而弗利也。侯授之以利器。服侯之教。於是乎舉趙子
元敘曰。吾居適宮牆升堂而未入室也。侯示之以間。

與服侯之教於是乎舉沈子幼真曰吾少且弱侯之群英之中而作之氣服侯之教於是乎舉吾兒敏功趨而進曰兒向爲文逞雄鬪靡華而不實博而寡要也侯進之以反約服侯之教於是乎舉余曰卓哉迴乎侯之才也魏焉寡儔矣侯之下車也豺狼滿地烽煙滿目干戈滿道膏血滿野侯當其時日惟募驍勇簡精銳以壯兵威弗遑也日惟率鼓鑄省括度以利器械弗遑也日惟高雉堞廣濠塹以固封守弗遑也日惟謹徵科親市估以給軍餉弗遑也日惟挾弓

卷之三

四

弩擊銃砲以捍攻圍弗遑也日惟傳檄飛羽築堤列柵以勤哨報以禦衝突弗遑也日惟詰奸伺諜登訊執俘以謹關防以奮禽勦弗遑也日惟御兵以禁剽掠平役以均勞苦捐稅以恤瘡痍弗遑也茲數者日弗遑則繼之以夜夜弗遑又繼之以日日夜靡寧無有窮已侯以一心之所運一身之所歷而奔馳殫瘁於斯數者之間猶能以其餘力育昭代之菁莪植公門之桃李如前所云云者非有迴然出衆之才而能若是乎余嘗謂天下無不可爲之事患無能爲之

才耳今之議者曰今之兵決不可用今之寇決不可除吁不論求才而區區然稱兵度寇以爲勝負勝負果係於兵哉侯之行也適寇之熾吾不患無兵而深患夫無才雖然侯在邑則才著於邑邑人之幸也侯在朝則才著於朝朝廷之幸也亦天下之幸也何所私於吾湖亦何所遺於吾湖侯湖廣襄陽人登癸丑進士令吾湖嚮慕餐水以自淬礪吾邑人所爲甘棠之者折衝保障之功也故不備述云

海鹽令鄭壺陽 欽序

卷之三

五

壺陽先生之令海鹽也適海防弗戒倭虜虐所至膏血黎元煨燼廬舍蒿萊畎畝自閩浙蘇松咸罹其害而浙西爲甚浙西諸郡杭嘉爲甚而嘉興爲尤甚嘉興下邑平湖海鹽爲甚而海鹽爲尤甚蓋海鹽縣治距海不半里防守稍懈瞬息之間斬關而入蟻附而登即智者無所施其謀勇者無所用其力矣此備禦之難也衛所交錯軍民雜揉權分武弁法阻戎行此統攝之難也海濱斥鹵鯨鯢倖倖寇至則乘機剽掠急之則去而從寇此制禦之難也濱海地高艱於

漢泥夏種之間決旬不雨則平疇龜坼加之鋒刃流
離則郊原赤地此生養之難也先生以一身而處此
四難人或以此危先生先生曰天下無難處之事存
乎其人耳於是益城以高蓋濠以深週城環濠築土
為郭郭表於城裏於濠重關襲險屹然為東南一保
障乃廣瞭遠之役乃謹詰奸之令乃勤夜警之巡乃
利折衝之器乃嚴守衛之人人以備禦為難先生之
備禦易易也文武異職而同臣也軍民異事而同子
也倡之忠義則併心鼓之武勇則戮力是故折衝執

卷之三

六

俘者相切而忘身殉國者無悔進之則戰退之則守
如身之使臂臂之使指罔有弗恭厥命者矣人皆以
統率為難先生之統率易易也浙西勇悍以難徒為
奇稱御得其道則為強兵御失其道則為勦敵先生
集其人捐其罪以威惕之以惠懷之駕御而用之乃
帖帖率心桓桓敵氣矣人皆以制御為難先生之制
御易易也浙西之農勤苦特甚而海鹽地高水下勤
苦尤倍於他邑先生謹催科以節其財省徭役以寬
其力芟剽掠以安其居是以雖當下戈懷攘之時而

不失力穡有秋之望人皆以生養為難先生之生養
易易也夫是四難者足食也足兵也地利也人和也
人之所難先生之所易也豈直保鹽城哉始先生之
下車也余同年錢海石謂余曰若知吾邑鄭侯乎嚴
而易敏而重強毅而理吾民其有瘳乎既而海石捐
館先生謂余曰海石真人傑乎雖吾八閩名德未能
或之先也熟息者久之於是撫其孤恤其家以延其
世澤云余謂非海石不能知先生於履任之始非先
生不能念海石於辭世之後海石之明鑒先生之厚
德皆君子所樂道者海石之子庠生端映以先生
欽召將行請余文以贈余故述先生保民之實政而
併及於斯誼云

卷之三

七

直齋顧侯 欽召還京作父母解

直齋顧侯之赴京也吾邑鄉士大夫餞之郊而屬文
於余余謂肅曰惟天地萬物父母天以父母萬物之
心屬之君君以父母斯民之心寄之守令故民之稱
令必曰父母父母之於子也寒而衣飢而食疾痛病
痒而撫摩愚蒙昏昧而誘掖披離懦弱而提携致其

所欲祛其所苦而委曲以周全之父母以子之心爲心故也直齋顧侯之令吾邑也數吾邑百里之民而子之始下車博訪吾民之所欲與其苦者而加之意焉知吾民所欲者男而耕也女而織也士而學也貢而利也下及百工技藝與臺走卒之流而咸欲謀其生也若子之環達於膝下而各求遂其所欲於父母也侯乃推其父母之心以各遂其所欲是故農時止訟也草地開渠也火作弗禁而夜市弗擾也定復田之規申義米之令也行無舟車之算居無市廛之征也餽廩之稱而逮下之周悉也既乃男安於畝矣女安於織杼矣士安於德業矣貢安於貿遷矣工技藝與臺走卒之流各食其力各安其生矣若父母之愛其子而使之各遂其所欲也知吾民所苦者實之弗經也徭之弗均也飢荒而待哺也無知而犯法也海寇之殘傷而土賊之剽掠也若子有所苦哀號於父母之前而望其爲之祛之也侯乃隨事而祛其所苦而慰其望是故革里通之船馬也復墾長之舊額也勸之富室以施其所有餘請之當道以益其

神書卷三

卷三

所不足也頌 聖訓以開其固蔽寬息訟而使之自新也修海船修兵船以捍之於外增城垛增民壯以防之於內也立保甲而嚴守望督警捕而謹巡邏也既而經費省矣徭役均矣詞訟簡矣飢荒賑恤而垂死者蘇矣鯨鯢遠遁而狗鼠之輩亦潛伏矣若子賴父母之庇而得以盡祛其所苦也此無他父母心子之心侯心民之心也傳曰民之所好好之民之所惡惡之此之謂民之之父母余請以是爲侯頌侯茲以欽召行異日相吾 君以父母天下爲王道夫然後侯之心盡而於天地父母之心爲無愧矣余又請以是爲侯期

梅文集卷三

卷三

父母篇贈丁梓洲邑侯

朝廷設官分職以爲民也官之最親民者莫如今百里生民之命係焉人之顛連困苦冤抑憤懣而無所控訴者必呼父母以父母之必我垂情而曲爲之所也父母之愛其子也亦必有所大不忍於此惕然於心而急爲之所愛子之心誠也爲民父母者以愛子之心愛民斯誠於愛民者矣故曰若保赤子心誠不

之三代而下令之循良與如漢嘗讀漢書循吏傳見
然為天下首稱者密令卓茂也詔曰名冠天下當
受天下重賞乃拜太傅封褒德侯可謂古今天下第
一令矣夷考其世非有驚世駭俗絕類離倫之事不
過曰律設大法禮順人情而已夫不法之拘而惟情
之順父母愛子之心也初茂有所廢置吏人竊笑鄰
城聞者皆嗤其不能而不知其愛民之誠已預定矣
已而教化大行道不拾遺蝗不入境何者一誠立而
天人胥應也丁梓洲父母先生視篆吾邑某年矣恩

梓洲先生

十一

不襲而惠流也刑不濫而威著也言不出口而令行
也不干名而上下孚也不祈年而雨暘時若五穀
也所謂一誠立而天人胥應者不有在於今之卓茂
矣乎夫茂密人之父母也侯吾湖人之父母也是故
居已於儉而節省民財恤吾子之飢寒也居已於慈
而憫瘝民瘼救吾子之疾苦也催科以時率吾子以
均輸使不失上供之期也聽訟以情息吾子之爭而
使之各得其平也進民之秀而時授之使力於學
吾子而勞之以玉汝於成民有軒輊不率者嚴懲

而深創之斥不肖子而使之悔悟自新也侯之視民
真若其子故民之視侯也直曰父母云爾親之而
愛之戴之若然真父母矣於是賢聲四達按院惺菴
鹿公鹽院象川楊公及部院三檄旌之侯之僚屬
君浩劉君潮請余文以贈余故備道其實如此而尤
有所屬望於侯者益篤其誠益廣其愛使吾民恒有
所怙恃恒得保抱提攜嘻嘻於父母之懷也他日優
詔褒嘉流光史冊真可與卓子康氏媲美於千載之
上矣

梓洲先生

十二

曾環山先生擢令桐鄉序

環山曾先生之擢令桐鄉也吾邑庠生沈子朝梓輩
請余文為贈余憶歲甲辰吾湖大旱饑殍塞途時先
生父賜谷公令吾邑痛吾民之日填溝壑也為之寬
役緩征節財捐貲戢盜釐奸起吾邑數萬垂死之民
而更上之公去湖將二十年而遺愛在人心公論在
人口未嘗一日忘也先生修世業綴科已未秋來
掌吾邑教吾邑人見先生如見賜谷公先生視吾邑
人亦如視賜谷公之子若孫也是故其情易洽其教

易行不養年而上下學如盈門桃李披拂春風以上
贊我 昭代菁莪棫樸之化吾邑人受先生世澤無
窮也桐與湖俱嘉興屬邑壤地相接士風以俗不甚
相遠先生推所以教湖者以治之則寧如之乎上下
亦湖也春風之化桃李亦湖也又桐去年淫雨沒禾
今年龍風殄麥蓋當饑饉之餘先生推賜谷公之政
以援之則溝壑之民可起如湖也垂死之命可甦如
湖也蓋文章政事本同一道故先生之教湖者可達
之以治桐父作子述不假他求故賜谷公之治湖者

卷之三

三

可績之以治桐余固知桐人將蒙先生之休澤無疑
也余他日入桐之境登桐之堂觀桐之治以卜余言
之果驗又當三頓首爲桐之人賀矣夫紹前人循良
之政繼志之孝也拯 朝廷顛沛之民固本之忠也
一舉而臣子之職盡所以報効於 君親者可無愧
矣環山其勉圖之余曩沐賜谷公之澤辱知爲最深
故於先生之行也拳拳三致意云

衛川先生司訓祥符序

衛川嚴先生先君及門士也先君宦遊蔡衛歸老東

吳不相聞二十有四年矣今年秋七月衛川謁選銓
曹司訓大梁將之官訪余於京邸道先君之教甚悉
先君任真履素不事邊幅與人言諄諄終日無機心
故人之信之也篤某某人敏充之使裕某某人困開
之使達某某人易抑之使不蕩某某人難作之使不
阻救其失不使之滋盡其才不使之強故人之從之
也輕旣而詢先君遷轉流播歸休殂歿之詳惻惻若
不能爲情者先君以弘治甲子掌館陶教事余時方
稚不能記憶一聞衛川言恍然若侍先君之側而目

卷之三

三

擊焉者於是悼音容之永隔幸餘澤之猶存且歎衛
川之厚於所事父而不忘也越明日拜衛川於城南
旅次復謂余曰某宦學事先生幾人矣某也嚴嚴則
急急則無所容某也寬寬則縱縱則繩墨弛而廢格
不行慎哉其惟時中乎先師之教所以洽於吾邑吾
邑之士所以愈久而不忘也余謂衛川知人且知言
矣知其非庸衆人也詢其世則出其所集世譜披閱
之自漢子陵而下凡若干世世有聞人後先振耀迄
今不斬於是乃知源流之有自也及其行也索贈言

焉余謂立教之方衛川所得於先君者庶幾近之外是則有衛川之世德在余復何言遂述以贈

石方山先生掌慈谿教序

古人謂師者人之模範豈獨人之模範哉師固自有模範也孔之四科孟之五教所以繼往聖開來學以立萬世師道之準者固章章如是矣我國家設學育才尤重師儒之選自洪武迄今百八十餘年於華序得一人焉以師道自任講授諸生每至夜分雖隆冬盛暑不廢有若胡公儼於平湖得一人焉潛心理

禮書

古

學得吳康齋之正傳語諸生必以躬行實踐為先有若林公光於慈谿得一人焉教人不以空言必以身率其門人以明經發科者至三四十人有若陳公克振是三公者固儒紳之特昭代之良可謂成已成物不忝師範者矣先生生於華亭胡公之遺澤尚存宜於平湖林公之流風不泯遷於慈谿陳公之典刑具在高山仰止克紹前脩固先生之模範也而所以模範於慈多士者三公之外無遺教矣慈多士而模範於先生之教達則如桂如陳窮則如楊如杜茲固

繼自開來垂憲萬世孔孟所以教也豈直明經取利第如時人之所誇侈已哉余方悵悵於先生之別也遂因邑侯之屬而贈之以言至先生之所以教湖與湖多士之所以受教於先生者則已備於吾湖人之別敘

又贈石方山掌慈谿教序

嘉靖辛亥四月既望余方被文於聚樂草堂邑博章廣泉朱南竹詣余索文為方山石先生擢掌慈谿教也余辱交於先生者六年矣不容以不文辭先生松

禮書

五

之華亭人嘉靖丙午司教平湖平湖與華亭接壤先生曰吾知所以教湖矣湖之俗固華之俗也湖之士豈異於華之士哉士有蹇蹇諤諤不徇不屈者曰此吾華之氣節也有涼涼踴躍不伎不求者曰此吾華之狷介也有潛心性命篤志力行者曰此吾華之中約也有多聞強識進退古今者曰此吾華之該博也氣節者或失則高狷介者或失則隘守約者或失則徑該博者或失則支吾華固然豈獨湖之士哉高者抑之使不抗隘者通之使不拘徑者疏之使不殆支

者反之使不離各成其德各達其才由是湖之士彬
彬有君子之風矣吾湖去華亭不百里固先生之鄉
魯也先生之教易以洽而吾湖之士易以孚何者人
情固安於其所習而狃於其所偏習而安焉不可使
之強而移而狃於偏者謂宜裁之使歸於正大裁其
所習之偏而正其所安之習因材而篤緣俗而化是
故師逸而功倍若此也蓋先生以其學於華者而教
於湖湖與華同俗學與教同功是故湖之士安於教
而先生得以行其學慈為吾浙文獻首邑名公鉅儒

神宗集卷

七

後先相望流風固在也先生以其教湖者而教之慈
將必有德業聞望名於一世以羽翼聖道黼黻
皇猷如楊學士陳司成者出余豈直為先生成人
賀抑亦為聖世育才慶

送王稼軒先生司教潛山序

嘉靖庚戌稼軒子謁選天曹得潛山司訓厯於祐山
子曰子昔仕潛之矣子之知潛也今茲何以為教祐
山子與稼軒子咸嘗於厯相與有獲享之好也則為
之躍然喜曰潛善地教易行也子且得志於潛矣余

唐潛時時進諸生與之語詔顧了了退則孜孜如
不及既而充然各有得也余觀夫潛襟帶大江控制
岳衡鍾靈孕秀振發人文此其得之天者然也其俗
以通經學古為高以崇儒重道為務人慕詩書士
仁義此其脩之人者然也其人敦厚質實無機概
詐之巧無純衿華裾之習無峻宇雕牆之風此其
朴未散猶存古意者然也余因是而有所懷焉觀德
京師傾蓋如故則有若秋亭徐子資政考業握手論
交則有若王子聶子金子從余游者鵬博鳳翥一飛

神宗集卷

七

冲天則有若侯生謝生金生懷瑾握瑜席珍待聘其
老成凝重則有若王生史生陳生韓生溫粹純雅則
有若石生鄭生舒生金生英敏特達則有若丁生操
生汪生徐生其餘或憤或排啓予助予義重聚樂
一時者未易枚舉是皆儒紳之特舒皖之良也是行
也將入芝蘭之室而諸生得時雨之化矣遂書此為
稼軒贈而因以告于潛之故人

源教賀竹塘陳先生榮獎

教也諸教人以入於道者也自有生民以來教之大

者莫如孔子道之大者亦莫如孔子孔子者以道教天下者也道原於天然則孔子之教天下也天也故曰天生德於予又曰天何言哉蓋孔子以天自處而當時之視孔子也如天然故師嚴而道尊子思之嗣統於夫子也憂道失傳而作中庸曰如此為道如此為教而必本其命於天之一字實中庸開卷第一義而千萬世教天下之本原也夫天降下民作之師必以師之道界之而使身其道以教天下夫然後天下之為弟子者靡然從之視其身以為模範以入

朱子集卷三

七

於道而後師之責始盡天之心始慰矣師之重若此今之為師者率輕其身而為弟子者亦往往輕視其師之身無惑乎其教之不立而入道之無由也吾茲於竹塘先生有感焉竹塘之學出於陽明陽明之教道之宗也竹塘既淑其道以成其身而復推其身之道以為教前教常熟常熟余舊治也士有高明者有沉潛者有剛毅者有狷介者蓋皆有志於道而未知所折衷也竹塘以其身之所得者而操之縱之抑之揚之以曲成之五年而教洽今教吾湖湖之士亦猶

夫常之士也竹塘以其教常者教湖暮年而教行人五年者不以久而弛暮年者不以驟而駭道無久暫以身教者從從其命於天者也嗚呼居今之世而求幾古人之教舍竹塘吾誰與歸迺督學侍御方泉趙公按浙侍御梅林胡公交檄旌焉人心之天上下同也道之符也教之徵也雖然道無窮教亦無窮其所以命於天者不已也詩曰上帝臨女毋貳爾心茲余所愛美助於竹塘者也

朱南竹先生擢掌京山教序

朱子集卷三

七

南竹朱先生自嘉靖己酉分教吾湖今年秋擢掌京山教余與南竹交凡七年又愈親吾兄敬功輩之事南竹也又愈服南竹之教諸生也又愈尊夫人之交不難於暫而難於久蓋誓可偽為而久乃見其真也余數聞南竹之言矣未嘗為高談異論啟口容聲循循爾余又見南竹之行矣未嘗為驚世絕俗隨時應感平平爾余又見南竹之待人矣斷稜角斯崖岸吁吁爾愉愉爾而曷為親曷為服曷為孚也南竹之誠勸之也夫循循者誠於言也是故言久而信平平者

誠於行也是故行久而達吁吁愉愉者誠之及人也
是故入久而懷吾湖自開縣以迄於今師儒表著代
不乏人如林緝熙之光明磊落戴性菴之坦夷方正
固皆道淵先賢教垂後世者矣然教立於道道立於
誠惟誠故父久故歷世而彌光也南竹拜二公之祠
論二公之世固於二公乎尚友也今有繼二公之後
而道如二公教如二公誠如二公使與南竹同時則
南竹之取友也不益親且切哉否則吾見有攝人以
威者矣威久則衰吾見有舞人以術者矣術久則敗

梓潼集卷三

序

吾見有禦人以辯者矣辯久則窮何者誠不立而無
本而偽爲於外者不可久也夫前三人者與南竹志
同道合者也後三人者與南竹道不同不相爲謀者
也從違決擇不待余言顧余於南竹有祈焉詩不云
乎靡不有初鮮克有終自吾湖言至湖爲初去湖爲
終自吾湖與京山言教湖爲初教京爲終南竹之教
吾湖既克有終矣京山之教其尚圖惟厥終哉

三益蔡先生擢掌遂平教序

三益蔡先生司教吾湖五稔矣今茲擢掌遂平教先

生在吾邑歲祀鄉賢知吾先君居易公嘗掌教垣曲
而今遂平也則謂余曰某也任分教職業可勉而修
也進之掌教其責重矣居平湖習俗可久而宜也移
之遂平其俗異矣竊聞尊公職掌教則功列名宦令
遂平則德在人心果何修而得此哉余謂天下萬事
生於心心良心也賢父兄之教其子弟必中也養不
中才也養不才夫父兄之愛子弟良心也而必欲其
中且才焉則良心之不容已也昔吾先君垣曲之教
蓋憫荒僻之人之不知學而俟俟於迷途也章句以

梓潼集卷三

序

啓之帖畢以申之詞章以達之經義以闡之日而課
之旬而較之優劣而勸懲之朧朧懇懇誠如父兄之
教其子弟也九載功成賢科濟美昔之荒僻不知學
者彬彬爲文獻之邦矣迨其令遂平也適霸賊諸劉
等擁衆南下先君集民兵爲戰守計既而賊勢愈熾
所過郡縣十城九破入上蔡則生民糜爛屠西平則
噍類無遺先君泣數行下仰天嘆曰吾寧使一身獲
罪無寧使數萬生靈塗粉也乃歸庫獄於郡縱民老
弱婦女入山避寇而身率丁壯居守寇至無所掠乃

焚關門以去先君坐此罪歸時鄰邑受禍極慘而遂人獨得更生夫人情孰不好生而惡死先君於遂人奪之死而昇之生傳云民之所好好之民之所惡惡之此之謂民之父母父母之愛子良心也令有父母之責舉百里之民而子之予而欲其生也寧非良心之不容已耶一人之心人人之心也是故功列名宦而德在人心亦良心之不容已也先生身掌教之職履遂平之境先君之事皆陳迹矣其亦求諸心乎分教此心也掌教亦此心也湖人此心也遂人亦此心

臨川文集卷三

三

也心心之應甚速且久也一推此心焉掌教之職可盡遂平之任無難矣余故曰天下萬事主於心先生行遂述此而書之軸

久道篇贈南明丁先生羅堂本學教

吾湖司訓丁南明先生擢掌本學教庠士相與者諸余文以贈徐子寧曰先生久於湖知湖之人情教可施也馬子以龍曰先生久於湖知湖之上俗教可施也秦子繼孝曰先生久於湖知湖之風聲氣習教可施也懷子勳姚子應峻馬子千里孫子成烈馮子默

咸曰誠如三子言先生之教信可施也余謂之曰夫教何爲者也教人以進德脩業以弘其化此不易之教也合人情宜土俗因其風聲氣習而爲之進退抑揚以變化之此一時之教也我聖朝建學立師以廣天下之教然必廟祀孔子以爲立教之準蓋身斯道之全教萬世無窮者孔子也孔子之教猶天然故曰日月得天而能久照四時變化而能久成聖人久於其道而天下化成夫德必久而後進業必久而後修聖人之化非久惡能哉當時四科十哲之徒自及

臨川文集卷三

三

門之始以至輟環天下而卒老於行終其身不忍叛去是故有成德者有達才者有如時雨化之者夫時雨之化非一日之化也真積力久而一旦豁然其所從來者遠矣先生分教吾湖諸生坐春風中五歷寒暑而樂於先生之教也銓曹諸君子稔知先生之教而欲先生之終其教也故有是擢先生則稔知吾湖之士之進德也孰欲進而未能孰能進而未得孰得矣而未滿孰備矣而未純必如之何如之何教之日孜孜焉弗至於聖人成德之教弗止也稔知吾湖之

士之脩業也孰欲修而未能孰能修而未廢孰廣矣而未精孰精矣而未大必如之何如之何教之曰孜孜焉弗至於聖人達才之教弗止也夫德而至於成才而至於達必將心領神會於口耳之外聖人時雨之化思過半矣吾湖之士鍾山水之秀生文獻之邦克自淬礪日孜孜焉惟德之進惟業之修不疾於人情不乖於土俗不移於風聲氣習挺然自振於儔伍之中幼學壯行以成賢人之德業以終先生之教不可謂秦無人也恒之象曰君子以立不易方此立教之本也吾以是爲先生期歲之象曰君子以虛受人此受教之地也吾以是爲諸友勗益欲上下相孚以成久道之化此余拳拳屬望之意也遂書以爲贈

補文淵堂

書

祐山馮先生文集卷之四

記

平湖縣建南社學記

今之社學古之小學也小學者對大學而爲言者也小學以成始也大學以成終也然則小學者大學之基也可廢乎哉昔者聖人之作易也於升之象曰君子積小以高大漸之象曰君子以居賢德善俗夫積而後升善必以漸茲小學之說也人孰不曰今之爲小學者伸紙捉筆而已矣咕畢句讀而已矣拜起坐

補文淵堂

十一

立而已矣不知聖人之學心學也大學之道正其心而推之家國天下者也小學者收其放心而歸之正者也夫既收其放心而歸之正也則伸紙捉筆也而異日之羽翼聖經黼黻皇猷者胥此焉始矣咕畢句讀也而異日之學貫古今道通性命者胥此焉始矣拜起坐立也而異日之事上使下繼往開來者胥此焉始矣蓋學有小大心無小大彼正其心而推之家國天下者夫固今日之收其放心者爲之也信乎發蒙之利童蒙之吉蒙以養正作聖之功也矧吾邑



九山南拱九水東匯孕秀呈祥地靈人傑以左右
王室怙恃生民德業相望先後彬彬焉養正之功尤
易易也社學舊在縣治西鬱林陳侯視篆之三年改
卜於城之東南隅崇文書院之左右各一有堂有寢
有蔬圃有贍田延鄉之行誼醇謹者爲之師擇鄉之
性資聰慧者爲之弟子而屬余爲之記余故即小學
之始要大學之終而求之聖人之心使師知所以教
弟子知所以學發山川之間氣紹先正之遺風以無
負侯作人造士之盛心云

報功祠記

嘉靖三十五年丙辰秋九月二十有五

日欽差總督軍務都察院右僉都御史梅林胡公鑑海
寇於平湖之南郊先是海寇徐海等挾倭夷數萬橫
行浙直官軍莫敢誰何朝廷命重臣督廣充蒼處
諸路兵擒剿數失利賊愈猖獗率衆趨嘉興諸將沒
巡莫敢出公時爲御史按兩浙奮然起曰諸君按兵
不舉如宗社蒼生何挺身前進諸將從之鏖戰於
王江涇斬首千餘級捷聞陞右僉都御史提督

王師丙辰三月加兵部左侍郎總督軍務時徐海大
合賊黨及倭奴數萬攻乍浦兵備劉公禦之賊趨皂
林巡撫阮公率游擊將軍宗禮禦之禮兵寡力戰而
歿阮公遂保桐鄉賊百計攻圍踰月不解公知賊勢
方熾我兵未集難與爭鋒陽爲招撫之令賊退屯於
華亭之呂巷六月復還乍浦公欲剪其羽翼計遣應
襲管懋光贊畫朱尚禮等間携徐海執其渠魁麻葉
胡四戴一等以獻適提督尚書趙公奉命視師以
天兵至公與合議復遣辯士說海縛其巨酋陳東以

獻公曰賊心離矣機不可失時巡撫阮公議亦合遂
行兵備劉公分布諸將刻期進兵犄角互發奮力齊
擊賊大敗爭奔海船我兵乘勢追擊斬首七百餘級
燒賊廠二十餘處焚溺死者不可勝計獨徐海擁精
悍千餘人以歸順爲名據平湖之沈家庄去縣治纔
十里許公遣中書羅龍文義士蔡時宜等間其左右
使自相疑忌以離其心復協謀於趙公而巡撫阮公
巡按趙公謀俱協行郎中郭公會兵備劉公爲擣巢
之舉公親履行陣偕阮公督戰而劉公率驍勇爲前

鋒時賊分二巢已各相疑無固志又以招撫之故不
設備我軍攻西巢箭砲齊發賊敗入巢乘夜奔東巢
我軍齊進奮擊勢如拉朽擒斬賊級一千四百餘顆
焚溺死者不計其數於是元兇授首醜類盡殲數年
積寇一旦掃除無子遺矣振天朝之神武絕外夷
之窺伺正亂賊之典刑洩萬民之積憤以舒戔
皇上東南根本之憂豐功峻烈豈曰小補之哉向使
招撫之令不行賊必肆毒無忌戡定之功不繼賊必
貽患無窮生民之禍將不忍言而浙西瀕海之地亦
未必若是之寧謐也吾邑士民懷公再造謀諸邑令
陳君一謙建祠立碑以垂不朽屬余爲記而系之以
詩

東海冥冥 陰風怒狂 妖氛塞空 鯨鯢跳梁
天威赫赫 維公肅將 肅將伊何 神謀允臧
始則餌之 終焉在網 匪公幃幘 曷展勳勳
蕩滌妖氛 海波不揚 我家我室 奠我封疆
我衣我食 樂我耕桑 曷以報之 新祠煌煌
百千萬年 令聞無疆

兵憲劉帶川公乍浦生祠記

乍浦濱海在平湖東南乃嘉禾之門戶浙西之咽喉
也我太祖高皇帝設城於此選將屯兵以備倭患
慮甚遠也嘉靖癸丑倭奴數千人奄至城下時承平
弗戒賊攻入之軍民遇害者殆半乙卯秋公奉

命備兵嘉禾乃飭理城壑督脩戰守爲不可攻之計
明年三月閱兵乍浦巨寇徐海率倭萬人自柘林來
陳東率倭萬人自新塢來合勢攻城公率衆防禦間出
驍勇迎敵殺傷甚衆夜遣精銳劫賊營賊陽退夜則

神聖集卷五

五

長梯援城而上公家丁率官兵擊殺之賊擁衆環攻
公命家丁之善射者發矢官兵之善煩者銃砲四發
賊少却俄發大煩煩子穿公鬚左右皆驚公無怖色
親發二矢斃二賊賊復却俄復前如是者九晝夜公
衣不解帶手不釋矢誓與城存亡衆心益奮奪賊梯
二百餘座斬獲賊首一百三十餘顆賊知不可攻遂
解圍去時四月六日也賊犯崇德桐鄉總督胡公陽
爲招撫之令賊退屯呂巷六月復來乍浦時胡公與
尚書趙公協議進兵率尹游擊等兵潛入乍浦乃間

徐海率倭千人赴梁庄降而督諸將各路進兵賊倉皇失措驚潰奔逃尹游擊率兵沿海而下賊爭奔海舟自相屠戮我兵乘勝追擊斬首七百餘顆因風縱火盡燒賊廠連燒賊船焚溺死者不可勝計餘賊遠遁自是不敢復向乍浦矣向使賊之來攻也非公捍禦則乍浦成蓋粉賊之再至也非公擒勦則乍浦盡豺狼乍浦一失守西浙無寧日數年以來千里生靈得撫室家安田里者誰之賜乎乍浦軍民感公再造期報於不朽也相與建祠立像屬余爲記余故述公

卷之四

木

功之在乍浦者爲之記乃若殲強寇於沈庄則記在平湖勦妖賊於烏鎮則記在湖州單騎殿軍而陶宅之積寇宵遁則記在松江公諱壽字某號帶川山東之滄川人辛丑進士

歷泉殷公去思碑記

吾邑南距大海不三十里而山疇相間川澮交錯故海波不及邑人不戒嘉靖癸丑夏四月海寇挾倭奴四十餘人突入縣境典史喬登兵挫於曹家橋遇害官軍莫敢嬰其鋒越數日益黨攻破乍浦城勢益鴟

獒公以府推署縣逾旬賊擁大衆入當湖之案山坪去縣治纔隔一水縣無城郭官軍未集當是時通邑生靈之命在呼吸間耳公奮然曰吾署縣當與縣爲存亡岸憤登舟挺身獨進親執鼓桴招集官軍激忠義授方略鼓士氣而驅之前金鼓撼空旌旗蔽水銃砲雷驅弓矢雨發連殲數賊而市井居民鼓譟之聲震動天地於是賊始相顧駭愕更相謂曰吾謂平湖無城不意乃有人城遂宵遁時五月二十一日也余意賊必再至非城莫可禦偕明軒孫憲副請於公公

卷之四

七

是其議偕胥峯陸主政請於郡守唐巖劉公劉公議與公合乃遣吾兒敏功偕門人陸萬里與庠生陳子貫輩合詞呈公公上其議於當道當道從之公乃相基度費均勞程功以令於民民驩趨之不踰時告成公承署委之任當殘敗之餘守無防之邑禦方張之寇非忠義奮發智勇兼資何以與此至於驅疲敝之民興浩大之役成迅速之功而民不以爲厲已者則所謂以逸道使民者也公自庚戌理刑吾郡人服明允冰藥之操終始一節公去矣遺德在人百世不泯

也諸生請勸諸石以志去思云

記康山夢時在餘干縣

嘉靖辛丑秋八月二十一日余偕邑博郭君智願君奎院君世銓修祀事於國初死事三十六公之廟廟在縣治西北百二十里鄱湖之許康山之麓時邑事旁午至則約諸君以是夜三鼓祭祭畢可一日歸也乃致齋舟中方就寢夢典禮諸生張淑等前白余曰此地有陳老先生者公當召之余意其為鄉先生之有齒德者也未及應前驅已至矣與余交拜禮寫

石

人

視之年可三十人耳授余簡簡中自敘由刀筆進且歷詆邑諸名公頗自矜伐余心輕之轉盼間忽與偕通山巖巖下有石若甕傍刻立德立功等語若自述其行又若為鍾姓者余亦不甚禮焉則拂然趨去余亟從之問其所居再趨而不荅郭君顧余曰公不見其色乎余意不懌郭君乃前援之牽其裾遂譁而覺覺則東方明矣急登祭祭畢以語諸生僉曰此公精誠之格也當時死事之臣殆有鍾陳其姓而不與廟祀者乎益拊主焉余曰茲國興也拊主吾不能吾將

拊享焉以慰忠魂於地下耳遂達觀於廟則棟將摧壁將仆頽垣圯岸四顧蕭然因喟然嘆曰諸公仗節捐生開基邇運萬代瞻仰而廟敝不葺若此其何以稱我國家旌忠報功之意適山之夫姓有罹於法者則為之計工度費責之期使周葺焉以自贖後謀於眾更祝辭製祭罷益拊食之品定分獻之儀獨求所謂鍾陳其姓者而不得其人越明年二月春祀屆期余恐其久而弗傳也命工鐫石於龍津水次月既望余適以公務宿水次官倉則締思所謂鍾陳其姓者為何人忽自悟曰鍾陳即忠臣也遂躍而起曰茲意也歷三時而未達今茲頓悟殆神有以啓之歟夫神發其機於祀廟之時而啓其衷於鐫石之際信夫英靈之不泯也併紀諸石

王谷新塾記贈宜山人

嘉靖丁未祐山子有內子之喪越明年其友海石子薦宜山山人獲地於縣北王谷山之東南山人曰茲吉壤也艮山行龍轉亥向已而龍神起祖之方沙重水複足為撓掉其將結穴也二水環束乃歛乃舒兩

山連豆有起有伏左龍捕笏右虎交關南九曲之水自丁入北九曲之水自兌入胥會於明堂是為龍潭澄然環映形如偃月而巽水南來逆龍潭之水遶身而北北來諸沙重重迎拱且平原百里獨此數十步之內石骨嶙峋出土沒水而巽已諸山聯峰列岫遙相拱揖此殆天造非人力也至於明堂之左東深益高龍虎之外鑿沙成印則稍加裁剪所謂奪神功改天命者其在茲矣祐山子曰子言術吾言理吾知積善餘慶積不善餘殃而已信子之術則人善而地凶

祐山集卷四

十一

天亦不免於禍人不善而地吉天亦不能不福是禍福之權在術不在理善言天道者豈其然哉山人曰作善者順天天必錫之吉地以福之作不善者逆天天必損之凶地以禍之禍福者天也吉凶者地也善不善者人惑人惑而天應天應而地從茲二才合一之道豈直堪輿之術然哉祐山子曰山人言地理而兼達天人之奧蓋有進於揚魯之學者遂書此以

當湖勦寇紀事

嘉靖丙辰春三月剿寇徐海

即明山

大合窳黨

奴數萬由乍浦趨桐鄉攻圍甚急巡撫阮公守禦逾月幾不可支時梅林胡公以兵部侍郎總督軍務未閱月也兵僅二千餘勢難與敵乃陽示招撫為緩賊計海果就撫解圍其黨陳東獨與海異然以勢孤旋亦引去復合於乍浦公知賊有隙也遣人間於海曰若誠降必執首首葉麻來海即執葉麻獻適尚書趙公以天兵至公復遣人間於海曰若誠降必執首首陳東來海即執陳東獻余入賀曰徐海信不負公矣公曰海不負我我欲負海耳余以是知公之終必

祐山集卷四

十一

勦海也公謀秘人鮮有知者公復遣人間於海曰天兵靖亂非立大功無以自贖海因給衆陽為聽撫而陰約我軍乘其懈擊之公令預泊敵舟數十艘於海灘行兵備劉公潛入乍浦城覘賊知諸倭疑海有賣衆歸降意咸伺海海不得自出入劉公曰賊心離矣幾不可失也約諸路兵城上舉火齊發先是阮公督諸路兵伏各要害處諸路兵見城上火起爭趨奮擊海望妻妾率精銳二千餘人遁城米賊遂潰我軍追殺斬首七百餘級餘賊爭奔海舟自相殺及蹂踐溺

死者甚衆海率衆由梁庄入據沈家庄去縣治僅十餘里衆心洶洶且驚且懼公羈縻之間謀往來不絕未幾海率黨二百餘人詣公降時趙公阮公及巡按趙公俱在座賊介而入弦弓藥銃勢甚猙獰一見即復去公亦不復留也邑人轉驚懼若不可一朝居者一日公及阮公邀巡按趙公過余山園登山亭盡屏諸從人議勦賊事聞是議者惟東涯呂通政及余耳趙公曰賊名雖降我觀其情狀抗我也不速勦必遺大患公謂賊黨方固我兵不精勦之必不能勝不若

林文忠公集

卷一

姑少待之時間謀未成永保兵未至阮公及呂東涯咸同公議趙公謂余曰公家此地利害切身必有定見余曰僕山野之人安敢與廟堂之計然僕家此地得此賊早離此地一日則此地之人獲一日之安耳趙公惻然謂公曰能五日內驅此賊使離此地乎公舉其大指曰不去此則可今去此賊不信矣安能驅之海之歸撫實其弟洪於公公處趙公沉思久之曰公前奏海已降今縱能驅之外地倘遁歸海島朝廷有處分將何以復命公又曰不若姑少待之

蓋欲爲萬全之舉也是日設宴於聚樂草堂酒數行即罷志有在也海所據沈庄有新舊二宅海居舊宅是爲東巢陳東葉麻之黨居新宅是爲西巢公遣人間海使攻西巢以自效海猶豫未決公復使人遺余珠美飾於海愛妓翠翹紫雲者翠翹紫雲日夜勸海攻西巢以自效也海以罪重恐西巢既覆東巢亦所不免尚在遲疑使人洩其謀於西巢西巢之賊始相疑懼離心於海矣適永保兵至公遂欲大舉爲擣巢之計乃協於尚書趙公及阮公督諸軍齊發公親履

林文忠公集

卷一

行陣尚書趙公及阮公俱駐軍中隨宜經略而兵備劉公獨率驍勇先登先是西巢之賊疑海之圖之也悉奔東巢以制海海亦知西巢之賊之疑之也居其衆於外舍而擁兵自衛由是互相疑忌不爲戰守備劉公率衆直抵賊巢賊有格鬪者輒射却之乃舉火焚巢時東南風急煙焰蔽天賊莫知所措我軍齊進斬首一千四百餘級焚溺死者不知其數廣兵名海底鬼者獲海屍於洪水中蓋二千餘賊殲焉無一人得脫者時八月二十五日也海之爲禍首尾五年方

數千里生民咸遭其毒殺害諸路官兵不可勝計而一旦殲於吾邑公之運籌決策固自有成算而吾邑人心效順於公山川鬼神其亦有以識公之忠誠而默相之與謹識

當湖勝遊記

吾邑東枕當湖爲一方勝槩四時之觴咏聚焉自倭奴構亂是湖爲干戈矢石之區者五禩於茲矣嘉靖丙辰秋八月王師南下聞臣協謀蕩滌妖氛廓清海宇乃是湖也風景不殊烟波如故明年丁巳三月

三日余與客泛舟載酒遊北湖而上微風颭水波紋如縠對酒臨風襟懷灑灑轉盼之間市湖在目行商艤舟坐買對肆難犬相聞往來絡繹居然一闌開也陰雲四起微雨東來僕夫沾潤慢櫓南湖則野水沒鷗盆沙舞鷺列嶂豐林雲迷烟鎖雖晦明時變而觸目可人自成佳趣既而好風倏至陰霾屏空麗日融融天水如鑑於是陟案山之巔謁陸公之祠遠眺則九山環拱俯瞰則三湖貫珠西顧則千雉拂雲環視則九龍掣尾天豁勝境也命酒三巡返棹而北停橈

東浦則岸柳搖綠野花如繡漁艇凌風一瞥欵乃欣然舉杯與客斟酌余曰美哉斯湖樂哉余與客之獲游斯湖也有客愀然長嘆曰昔賊據案山虎視吾邑時尚無城距湖爲險獲保無虞向非此湖則吾邑生靈煨燼耳今復城城金湯設險地利在我樂哉吾邑人之永保無虞也有客躍然而起曰人文之興厥由地產九山孕秀九水發祥兆在儒宮卜唯吉士異日必有挺生茲土以英華文苑黼黻皇猷經綸天下者樂哉吾邑人之得與於斯文也余曰論武者志在安民論文者志在華國余歸田人也志在林泉幸今邊陲無警偃武脩文得日放情山水入烟霞狎鷗鷺浩歌劇飲擅此勝遊爲當湖主人耳於是飲滿酌客客酬余余且醺然客亦既醉少焉回颺醒夢恍然出華胥

三老峰記

予家聚樂園有石山山有三峰中峰渾厚端嚴不露圭角如端人正士可近而不可狎東峰峻峭骨立超然不群如狷介之士游神物外而塵俗紛紜有所不

肩也西峰峭以屬疏以通若狂夫有志立焉而未崇
蓄焉而未大也予釋政歸日與兩泉兄段溪兄游息
其間或觴於巖或棹於溪或歌於巔或嘯於麓與三
峰相盤桓無間寒暑久而狎狎而化有騷人唐丹泉
者以予三人類此三峯也因名峯為三老厥明三老
視峰峯無言三老亦無言各以意會哄然一笑

漢塘紀事

嘉靖四十年十月二十日余行自漢塘至郡城忽風
雨大作見兩涯斷岸泥濘僕夫牽挽及行道徒涉顛

漢塘紀事

末一

頓入水前後相繼飄泊有至不起者余不忍見也歸
辦竹木甃石沿堤修築五十餘里不終歲而竊取圯
壞者居多自是十餘年來時圯時葺即今萬曆開天
余今年七十六矣自念去日苦多恐不能為久長計
於是畜料鳩工修建石梁木梁三十二座修築石堰
土堰一十五處余自歸田以來上愧國恩下慚民
隱見聞所及不容自己為吾子若孫者稍有餘力當
世世葺之若其未備則不能無望於吾禾同志君子
云

閩垣曲縣志

先君居易公領成化癸卯順天鄉薦署山西垣曲教
諭時余尚未生也幼聞先君言其縣僻處萬山中人
鮮知學乃集諸生肄業於號舍夜分省視以稽勤惰
黎明升堂為習之攸書訓之句讀開之經義日一背
誦旬一考較業不進者庭朴之諄諄然如父兄之教
子弟也又聞先母胡孺人言先君於諸生歲時常禮
絕不介意有鄉居而貧卯酉不便者即飲食之恩義
爭洽如家人父子然諸生無不感激奮厲九載教成

林山文集

卷一

連登科第自後人才輩出遂為文獻之邦矣嘉靖甲
辰余自太倉入覲會國子學正晉曰孝詢知垣曲人
先君門生也備言先君清苦之節勤懇之教前無比
後無繼已入名宦祀矣余喜垣人之不負先君先君
之教之不泯於垣也嘉靖丙午余門人俞蒲山督學
山西進垣曲諸生訪先君之教諸生有年長郭姓者
言如先君言更詳也且言先君已入名宦矣有文希
韓者憲副文公皓之孫也言弘治壬子鄆縣楊宗師
合平陽三十八學師生通試之擢馮翁為諸學職之

首先祖為諸生儒之首且言曰師尊教弟子善學若
權衡稱量字字可刻先祖中乙卯鄉試師生偕試禮
部馮翁終場疾作而出揭曉前一日先祖猶侍疾京
寓是後馮翁陞宰遂平先祖副憲河南相見推轂
敬畏行師生之禮蒲山曰馮翁造就人才自汝祖外
更有何人文歷舉趙都憲載張州守琛趙令尹寬郭
令尹孜王令尹時雍皆實心實行為國為民俱列鄉
賢垂之不朽一時人才之盛前此未有也蓋馮公不
惟以言教且以身教而又久於其教此漸磨積習之
功也蒲山曰吾亦聞之汝言信不誣也蒲山以先君
有開創人才之功檄有司別立專祠歲時特祭焉蒲
山歸述二生言且遺余垣曲縣志一冊先君果列名
宦傳稱其身不勸教口不談利余謂此八字真先君
實錄也

祐山馮先生文集卷之五

壽文

壽樂叟翁八旬序

我漢樓劉侯蒞任之三年尊君樂峴翁壽屆八旬邑
士民欲為壽則畏侯之操弗敢干也欲勿為壽則懷
侯之德弗能已也於是余門人秦生繼孝沈生朝梓
述士民之意請余言以為壽余于敏功暨二生均冰
侯時雨之化而余之佩德尤深也安敢以不文辭余
未嘗識翁而深識侯知侯則知翁矣夫翁何樂夫峴
也彼窪焉而岑窪焉而壑翁心與之上下豁焉而崖
幽焉而谷翁心與之晦明森然而木蔚然而草達翁
心之生意泠然而風皎然而月徹翁心之化機人知
峴之形而不知峴之景人知峴之景而不知景之會
翁之心也形與景俱景與心遇夫然後觸焉而旁通
居焉而自得蓋超乎塵世之表振乎寰宇之外不知
日月之為高而天地之為大也故翁之樂夫峴也非
樂峴之形也樂形之昭夫景也非樂峴之景也樂景
之會夫心也昔羊叔子之遺德在人也蓋聞有過峴

與悲者矣翁之樂得無有遺世之心乎翁以樂天命而以憂世之志貽之侯是故忠智干城迂績民命侯之德翁之德也春風披拂桃李盈門侯之教翁之教也樂天則形逸而神全憂世則澤流而慶積是故知翁之福彌昌而翁之壽彌隆也於是秦主作而歌曰岷山巍巍兮維福之基彼美人兮巢由與期沈生作而歌曰漢水湯湯兮維澤之流彼美人兮卓魯斯傳余作而和之曰山之高兮水之長彼美人兮壽無疆

清山文集卷五

二

壽曹武川七秩序

武川翁吾湖望族也族人甚衆佩德者居多相與踵吾門而請曰翁今年七十矣非知翁之深者弗能爲翁壽余欣然捉筆曰余知翁余能壽翁今世之言壽者孰不曰形勞則神不足是故身欲其逸也資薄則生不遂是故家欲其厚也後弗昌則世弗永是故子孫欲其賢也世固有欲逸其身而以逸求之者矣然晏安鴆毒也惡乎逸世固有欲厚其家而以厚求之者矣然放利多怨也惡乎厚世固有欲其子孫之賢

而微餘慶於天者矣然天難謐不可徵也惡乎賢惟翁之逸也以勞求之內勞則家政理逸於內也外勞則公事畢逸於外也勞而學則不知老之將至逸於學也勞而仕則難進而易退逸於仕也翁之逸其諸異乎人之逸歟翁之厚也以薄求之其息之農也人五之吾三之故農者趨而厚於粟其息諸商也人三之吾二之故商者附而厚於貨其息之居停也人二之吾一之故居者安而厚於殖翁之厚其諸異乎人之厚與惟翁子孫之賢也求之於豫養博訪當世之宗工鉅儒令其子若孫者與之遊而厚遇之十年以長則師之五年以長則友之朱赤相漸而芝蘭日化故翁之子或奮身甲科數歷中外或業修黌宇藏經待時而孫枝衍慶蒙養以正翁之子孫之賢也蓋養之以豫而非微福於天者比矣人知翁能逸其身也厚其家也賢其子若孫也不知翁蓋勞之而逸也薄之而厚也豫養之而賢也夫勞以基逸則其逸也非怠荒而形神不枯薄以基厚則其厚也非拮据而內外無怨豫養以基子孫之賢則其賢也非幸得而遐

清山文集卷五

三

福無疆斯二者翁壽之原也吾將原此以壽翁可乎
翁族孫如培等喜曰信哉非知翁之深不能道此遂
書此以爲壽云

壽曹鶴塘親家六表序

嘉靖丙寅鶴塘曹先生周甲之期也誕在九月四日
其冢嗣如壻以先生將補選天曹列綵稱觴集諸賓
預壽之余謂人生天地間至難得者壽也天地以生
物爲心生生不已故天地壽人得天地生生不已之
心以爲心故人亦壽昔者舜年百有十歲古今以爲

祐山文集卷五

四

上壽而推原所自則好生之德洽於民心耳好生之
德仁也聖人論壽必歸諸仁仁即天地生物之心也
天地主物之心人人皆得之亦必人人皆全之也余
與先生自同遊邑庠以至出庠而仕而老殆四十餘
年親見先生之所事事蓋所謂不失此心而善推者
推此心於父母故能不違令而孝推此心於兄弟故
能不計利而和推此心於宗黨故能合尊卑而睦推
此心於親友故能恤困窮而惠推此心於僕隸故能
不責備而慈推此心於居官故能造就以育才推此

心於居鄉故能達情以協衆此心者生生不已之心
也先生不失乎生生不已之心故自有生生不已之
壽心者壽之原也壽者心之徵也先生之心惟余知
之余之心亦惟先生知之余觀今之君子而求其心
益知先生之心爲不可及然則先生之壽自今而周
而復始夫孰得而限量之哉彼外心而求之氣
爲偃仰屈伸之迂外心而求之形則爲乾坤鼎鼐之
謬皆聖人之所不道先生之所不屑也余故推本
生之心之仁以徵先生之壽云

祐山文集卷五

五

壽張母李太夫人序

余於聞鄉評有太僕雙溪張公者明經薦南服治兵
西陲數摧虜虜輒望風遁去 朝廷無西顧憂忠勤
表表望於時余甚慕之弗克介長業於庠獲交公暨
沈鄂陽氏每自輪服以爲名山巨壑玉韞珠潛天下
至寶也辛卯秋偕鄂陽舉於鄉獲登公堂見公家範
揮帥東匯氏熊蹲虎峙環偉魁岸足稱人豪甲午宣
宗師其孫德徵來嗣職戰鋒韜華武去紀袴冒恂恂
就矩度余乃知公家教之裕而世澤無窮也今年春

郭陽對 大廷觀政春官暇則言其岳母太夫人之淑行甚悉余喟然嘆曰嗟乎以公之才且賢而內助若此宜其業益廣名益揚卓卓可紀述若此宜夫子若壻若孫之樹立表見若此謂宜闡懿範以淑將來也茲某月某日適太夫人初度蓋年六十有八矣郭陽服勞王事不獲歸壽壽以文而屬之余余欣然操筆顧郭陽曰天地間有至壽人顧所取何如耳樂羊卒業世稱斷機陶侃勤王入賢截髮韋生建節厥有苗聲李密陳情亦延劉譽今雙溪公休聞百世而子

市山文集卷五

六

若壻若孫方懋德無涯惟古有烈惟太夫人兼之是太夫人至壽而吾弗能加矣

壽段溪兄更甲之慶

嘉靖丙辰季春之十日乃吾段溪兄初度之辰遐齡添海屋之籌週而復始雅會續瑤池之宴古亦猶今瑞氣盈門祥光燄室惟段溪兄于飛遂偕老之願嗣世衍同氣之傳連枝七姪均猶子也東林三壻咸半子也有兄胞朋友于弟也有弟恂恂恭厥兄也夫偕老也無內顧之憂矣嗣世也無身後之慮矣猶子七

也奉事者廣矣半子三也就養者衆矣友而恭也兄弟孔懷矣段溪兄當此時也天倫滿目濟濟踴躍和氣生春怡怡藹藹於是奏鈞天之樂歌南山之詩進九霞之觴睥睨宇宙固自有至樂存焉而非夫人之所能及者矣吾嘗見富累萬金而墳簞之不協也有閱牆以自侮者矣貴聯臺省而琴瑟之不調也有友目以相戕者矣族屬繁衍而相視寡恩也有舞智弄術以相愚相賊如路人如仇讎者矣吾段溪兄天倫之樂日劬劬然與之居訢訢然與之遊陶陶然與之

市山文集卷五

七

安且忘而不知其身之在塵世也無爵而貴無祿而富無權謀智數而人不我欺昔堯時有含哺鼓腹之民擊壤康衢之老吾段溪兄其始近之乎遐齡更始始而復週未可知也雅會于今今復爲古未可知也蓋不必訪安期慕赤松以求長生不老而可以益算延年如古之所謂華封絳縣之老克登上壽者矣

佑忠說壽南江馮先生

余春日憩山園賀子上滄自華亭來因扣南江先生近履賀子曰茲月十有二日先生誕辰也壽且七十

矣余躍然喜曰 大君之保全忠臣上天之默相善類可慶也亦可述也歲壬辰余任行人聞南臺有直臣歷數富朝權貴某奸某佞某常進逐某當駕御某可用某不可用至有指為天下第一惡毒小人請加顯戮以示天下者謂冢宰汪鉉也舉朝駭愕謂尚方請劍之風復見於今日天下想望其丰采已而逮繫詔獄則先生也鉉嗾所司嚴訊羅織置重典余唁先生於刑曹先生侃侃無戚容余曰南江真丈夫也明年余奉使浙閩將復 命便道護先生家人至京師

祐山文集卷五

八

又明年余給事工科先生母吳太夫人擊登聞鼓白先生冤余適直鼓讀太夫人狀感泣不能句遂持歸掖垣具疏該司之不為辯白者余同年潘十泉時在刑科謂余曰 聖恩寬大姑徐徐必獲保全此疏一激或速其禍至不可救南江利害係 社稷重輕慎勿草草也余遂止以鼓狀聞先生子道卿復刺血上書願以身代 聖恩感動時鉉尚在位所司未敢論臧會潘十泉等科道交章劾鉉方大肆辯訐挾寵張威舉朝惴惴余乃歷數鉉窮兇極惡者五事先生

之事亦其一也仰荷 聖明采納大奸之去如距斯脫諸被羅織者咸有更生之望未幾先生 恩南戍居雷陽者四年奉 詔歸田里尋復冠帶二十年室家胥慶子孫振振道卿薦名天書諸子彬彬咸稱遠器先生優游泉石既壽而康川至日升福未艾也當其披肝瀝膽奮不顧身豈知有今日哉當其詔獄嚴刑法司重典豈知有今日哉當其雷陽責戍萬里投荒豈知有今日哉夫奮不顧身也而身卒無患嚴刑重典也而罪卒見原責戍投荒也而卒得生還鄉里迄今享有諸福是誰之賜哉保全忠臣而昇之餘生者 君之恩也默相善類而賜之後福者天之慶也微 君恩不足以昭 天慶微天慶不足以永 君恩而微先生之忠則亦不足以感 君心動天眷而得其陰佑之若此也因述佑忠說以為先生壽云

祐山文集卷五

九

瑞露篇壽魯母太夫人

吾邑魯鍾乘氏事母太夫人以孝聞太夫人安其甘適康者八十有三年矣乃默禱於天曰願吾兒生兒

若吾兒也既而有甘露降於蕉客曰是天錫令子衍慶之祥也鍾乘氏曰是天錫吾母遐壽之祥也祐山子曰是天所以延子之嗣慰母之心而益母之壽之祥也居無何鍾乘氏果得子太夫人喜曰天道有知不負吾兒矣鍾乘氏喜曰萬事已足克慰母心矣乃開宴延賓爲太夫人壽維時斑斕遠勝絲竹盈庭珠履迎門祥光滿室客有歌天保者祐山子捧觴上太夫人曰信哉如日升矣如月恒矣如松栢之茂無不承矣客有歌螽斯者祐山子持觴酌鍾乘氏曰信哉

祐山集卷

十一

振振矣繩繩矣宜爾子孫無窮矣鍾乘子再拜稽首曰祝母以壽祝子以福田也敢不拜先生之賜祐山子曰維人感天莫速於孝彼湧地之魚隆冬之荀豈易得哉維矢佑人莫重於子彼謝庭之蘭燕山之桂豈易得哉鍾乘氏再拜稽首曰盡道維人降命維天田也敢不拜先生之教祐山子曰天之道人之母之心也鍾乘氏勉之將天之佑愈大子之嗣愈廣太夫人之心愈慰而壽愈無疆矣鍾乘氏再拜稽首曰母子心通天人道合茲先生之達觀也敢不佩以終

始祐山子喜曰展哉甘露之爲瑞也名其子以瑞露而徵其瑞於太夫人云

說

贈三兄惟聰號段溪說

吾惟聰兄天性孝友抱真守素不事藻飾雖出官曹無綺羅紈袴習幼從先君東歷齊魯北遊燕趙任朱祭衛間二十餘年無江湖放浪之態初居平湖之北鄆去縣治僅二里許有閭閻之餘風焉則曰此非吾居也遷之嘉興之鍾溪環溪而處者無慮數百廬而

祐山集卷

十一

賈雜市井喧囂則又曰此非吾居也乃遷北麓之段溪水流環遶郊原夷曠吾先祖父之佳城在焉則曰此可以展孝思而樂恬淡吾老是溪足矣有田數畝可供朝夕有屋數椽可蔽風雨顧神保性悠然自適視世俗紛華泊如也歲時伏臘必率妻孥羅拜墓次野花山果必以供時蔬新釀必以爲若先祖父臨之在上而相與周旋於左右也遂安是溪自號段溪子余方羈跡名疆有志未遂他日拙翁而歸當結茅側與吾兄同老是溪耳因書此以贈併爲後期

性美弟號為田說

吾弟性美雖幼出養遺家中微雅志成立初農於鄉謂不足以廣業也出賣於市凡賈率儉利便捷以競刀錐而醇篤性成以故不能什一所獲不敵所費生計日索矣余乃於縣治之南可三里芑橋之許為葺屋數椽給之田使往畊焉前有溪可灌後有地可圖倘有脩竹茂林可蔭每東作方輿則西甯有事惟土物愛厥心臧也迨三農既畢我稼既登服田力穡乃亦有秋也暇則擊壤而歌鼓腹而遊俯仰無累而

補山文集卷

十一

不知帝力何有於我也余一日過之則欣然謂余曰率是道也足以畢吾生矣吾將終身焉余謂之曰力田有三善人顧弗察耳僻居鄉鄙養真抱朴遠市井狡險之習一也終歲勤動心無外慕淫佚之志無自入焉二也一歲之入僅供一歲之出絕奢泰浮靡之心三也全是三者宜直謀生將近性矣人道其庶幾乎因號為南田子使無忘力田之善南田子再拜稽首曰生我立我兄之教也敢不佩服以勤朝夕

晉肯齋說

吾湖望族莫盛於屠氏有授散官曰堂者尚書康僖公從子也幼失怙恃克自砥礪以無忝所生康僖公甚愛之間有任焉罔不就緒康僖公喜曰五弟可謂不死矣堂父元耀翁於康僖為弟其行五也其從兄憲副省齋翁令於族曰此不失吾世風者也厥父基矣名以堂其將有望乎堂也堂能如是是不負前人之志者吾將取周書之義以肯名其齋使吾族人知所尚也族人曰然然堂爵不及下士業不抵中人屹屹窮年進寸退尺其肯安居者翁曰富貴出於天者

補山文集卷

十一

也行義脩於人者也君子脩其人以聽諸天而已人者之弗盡而營營終日以求諸天其不得也則繼以怨其幸而得之也則遂自負以為誇茲二人者舉非吾族也吾族世敦什誼以望於鄉而富與貴不與焉堂之所謂肯者蓋有取也族人曰然自後咸謂堂曰肯齋肯齋以語余余曰是肯翁之教也益慎諸遂錄其語如左使歸而銘諸座右

東泖說

天下賤地無處無之顧達人難遇耳若溪陸羽嘯傲

煙波文章。子高尚於鑑湖之曲。茲二人屏名捐利。依泉石以終其身。豈直甘恬退樂放逸而已。其必有卓然於目。躍然于心。神交冥會。而人莫與知者矣。不然。溪澣湖濱。其爲民何限也。生且死於其間。而後世無聞焉者。何謂也。夫溪湖之勝一也。衆皆與草木同腐。而二子之聲獨與俱振。地之顯晦。則固存乎其人耳。浙之平湖有泖泖。在東北隅。去縣治可三十里。延袤無算。襟帶吳會。蓋東南之勝地。有達人葉室其上。斬流爲池。疊石爲島。槐柳叢鬱。陰蔽左右。南望諸

山

五

山。遠近雄峙。鋒戟森列。勢相環拱。門外澄沙印野。天水相涵。浩渺無際。旁汀繫一小艇。每興到便欣然倚棹。御風凌波。隨意所如。雲靜水瑩。如行鏡中。情與景會。潏潏如也。於是誦赤壁之賦。歌滄浪之詩。高情遠韻。翛然塵表。蓋不知天地之爲大。而忘其身之在寰世也。其意所自得。殆與苕溪逸士鑑湖狂客相神交於千載之上而已。亦莫能以此語人也。樂而安之者。踰二十年。謂畢天下之情景。不足以加之也。遂自命曰東泖。東泖姓俞氏諱銓。字子衡。其從子工部主政

禮卿者。從余游。爲請記焉。余與君且有子女之好也。遂紀如左。

字姪明卿先卿說

吾慎齋兄二子敏德敏事。吾先君居易公所命名也。敏德之冠也。余字曰明卿。蓋取虞書克明峻德之義。敏事今茲壯有室矣。余取諸孔子所謂先事後得者。字曰先卿。夫德與事分言之。則德其體事其用。合言之。則德以建事。事以達德。蓋交資互發也。今吾二姪上之不能績學待用。以明明德於天下。而事事於當時。吾何敢厚望哉。則亦思其次矣。周公之訓曰。肇牽車牛。遠服賈。純其藝黍稷。用孝養厥父母。茲庶民之分也。或農或商。安其分以自生。生以無失其仰。事俯育。茲庶民之良也。吾德吾事。亦無不盡矣。不然而處非其分。墮乃生理。身其淪落。俯仰無賴。爲家不肖子。爲天地間棄人。又奚德與事之可言哉。蓋德本明也。昏之則喪。事宜先也。後之則失。喪且失。而人道幾乎息矣。吾故欲吾明卿明之先卿先之也。明卿爲吾家宗子。志學弗遂。即慨然欲自立。今駸駸有成矣。余甚

善之。其望之所惜者性。編不能容恐不能與物
無競耳。先卿能如明卿之。自立余亦以望明卿者望
之。蓋明卿志有餘而重不。先卿知自守而不知自
振故以是語之。欽。
口此先生常談於。終莫之省悟也。則汝祖疇
昔命名之意且不。矣余將奈爾何哉余將奈爾
何哉。

文卿姪號得身說

吾姪敏學字文卿吾兩泉兄冢子也兩泉兄以得泉

補遺集卷

末

命號以言教屬余余深悲夫孝道之薄於時而猶幸
其不盡廢於吾穴也則謂文卿姪曰若知得泉之義
乎得泉者得親也不得乎親不可以為人古之聖人
猶以此為懼而况於吾人乎所謂得親者得親之心
也得親之心者不拂其心而已矣親所命則周旋之
親所欲則敬進之親所願望則恭承而善繼之夫所
命也所欲也所願望也皆親之心也而能不拂其心
不拂其心而後可以得其心矣吾竊怪夫世之人堂
構弗育援鋤德史可稱以父命為尊如孤竹之子

者彼何人哉。有恨為鳥無情傳所稱養口體恭
志如曾氏之子者彼何人哉。狎於弟義隕厥家聲經
所稱邁跡自身以克紹先烈者彼何人哉。今吾文卿
姪嚴君切念庭訓無違云則入出云則出於親所
亦庶幾乎周旋。菽水為歡先意承志晨昏甘
旨就養無方於親所亦庶幾乎敬進之矣立身勤
儉幹蠱克家教子一經期弘先烈於親所願望亦庶
幾乎恭承而善繼之矣吾觀世之人不能不為世道
悲吾觀文卿姪不能不為家門幸吾兩泉兄命號之
意蓋喜之也亦望之也吾茲演號之義蓋傷之也亦
進之也文卿姪知女父之所以喜所以望又知汝叔
之所以傷所以進則亦不能不力勉之允蹈之而終
身慕之也文卿姪而力勉之允蹈之終身慕之也則
稱之曰得泉其亦可以無。矣夫

補遺集卷

末

誌銘

故封工科右給事中思竹曹公墓誌銘

思竹曹公卒於嘉靖己未十月二十七日其子常德府推官承聞訃奔喪哀毀踰禮辛酉冬襄事屆期捧其所自為狀請余銘余於親交中辱知於公最深義弗辭公諱渭字清夫思竹其別號也始祖端一高郵人元末徙嘉興石牌涇里隸海鹽縣宣德四年析縣為平湖人曾祖文亮公生祖壽官樂聞公斌斌生竹

西公瑜配戴氏生六子公行居五幼業儒弱冠贅陳泖隱家旋即歸宗竹西公董邑賦四十餘年家漸落公晝夜經理門戶賴以不墜既乃從事藩司奉法惟謹謁選得江西南野驛驛丞鬱鬱不得志未踰年歸課耕教子切世務恬如也晚得目疾杜門謝客益專內養先是常德君拜工科都給事中遭讒謫判無為州轉今官便道歸省邀鄉縉紳諸老為公壽余叨賓筵之末公酒微酣把盞賡歌童顏鶴髮矍鑠瀟灑殊無老態意其壽未艾也甫踰月而長逝傷哉公性

孝友慈愛事兄槐溪公如父事必諮而後行配陳太孺人自結髮偕老無一言相牴牾訓諸子諸孫必以讀書為第一義遺常德君從余受尚書舉進士歷官中外餘游國學業邑庠者先後彬彬矣公族自樂聞公而下無慮百餘人於公皆子姪行常德君給事兵工二科凡七年公在宗族為尊屬在鄉黨為勢家公不恃其尊不假其勢待族人無少長嬉嬉怡怡恩義藹然有曠於禮者必正言責之明辯曲直以相慰解故人無內外親疎咸愛敬之公為子不愧父為弟不愧兄為夫不愧妻為父不愧子為祖不愧孫傳所謂其儀不忒者公庶幾焉以常德君貴封工科右給事中距生成化十九年六月十九日享年七十有六配陳太孺人即泖隱公女以賢孝聞子男五長采娶孫氏次即常德君未娶朱氏封孺人次未娶沈氏次桐娶王氏次束娶胡氏俱邑庠生女一適姚商早卒孫男十六一貫娶張氏一化娶盛氏一陽娶費氏一忠娶施氏皆邑庠生一孝聘毛氏俱采出一圖太學生娶施氏一書邑庠生娶張氏俱未出有咸邑庠生娶

李氏志出一琴邑庠生時吳氏一鶴娶張氏一孺聘
素氏俱相出一鳳聘陶氏一鸞聘顧氏俱束出孫女
八一適管若淮采出一適華亭縣庠生孫本中一許
聘府庠生彭敏學俱禾出一適刑部主事嘉興包
芳一適邑庠生李應麟一許聘俞汝一許聘沈懋
時俱束出一許聘陸東出餘俱幼曾孫八寸敬
聘陸氏守義聘沈氏登庸聘吏部主事嘉善毛見晉
女奮庸聘禮部郎中崇德俞龍津孫女餘俱幼常德
君永與其兄采弟永等以嘉靖辛酉冬十二月二十
四日葬公於縣北二十三都騰圩之新塋謹誌而為
之銘曰

我生巨室 乃值中衰 我職下僚 乃錯榮華
我有田疇 乃耕乃鑿 我有秉彜 無愧無怍
有子駢駢 龍搏鳳翔 有孫仍仍 桂蘭蘭芳
騰水曲兮 騰土沃兮 天精畜兮 此藏玉兮
明故常州府宜興縣學訓一範丁先生墓誌銘
一範先生姓丁氏諱大華字實夫浙之平湖人世
儒父菊庄先生積學不仕尹王次先生生而穎異

六遊邑庠哀然有聲八舉不第志不少挫甚為時
輩所推重執經門下者先後彬彬焉其從受尚書時
時問難必為剖析精微使習中丁先生身教嘗謂
某曰師者天之模範匪獨師其文一言一動皆可師
也性純孝事菊庄公家雖貧朝夕必備甘旨時侍左
右愉愉若童稚然菊庄公卒事繼母徐氏如菊庄時
嘉靖癸巳擢貢試大廷授宜興司訓已亥卒於官
為人耿介明爽無矯激之行無詭隨之態與人交意
氣相孚人有過必面折之議論侃侃可謂不愧丈夫

矣距生成化戊戌享年六十有二娶姬氏妾富氏無
子繼族人子丁汝銓為嗣娶徐氏無子繼族人丁浚
卿為嗣汝銓早卒茲將以嘉靖庚戌三月九日葬於
縣北北張橋之北祖塋之西門人服心喪者若干人
某掩泣而為之銘銘曰

惟我國家 取士以文 文如先生 曷其弗聞
維彼上天 積善餘慶 善如先生 曷其弗競
北張之原 維彼埋玉 築室何人 寔漸端木
明奉政大夫湖廣常德府同知晉泉姚公墓誌

銘

嘉靖庚申九月十四日湖廣常德府同知姚吾泉卒於官其冢子應明奉秋官郎俞國良氏所述狀求余銘余與吾泉有一日之雅世之知吾泉者莫若余吾泉姓姚諱楫字文濟吾泉其別號也世籍海鹽宣德間析縣平湖遂籍平湖高祖彝齋公彥倫生松石公敬敬生少石公璿璿生汝瞻公嶽性仁厚娶王氏繼焉氏生四子吾泉其中也幼從余游執經問難每至再三必了其義然後已余文有得意者必手錄成誦

卷之十

年十

朋儕中有一句一字勝已者必取以自益少孤兄跋弟幼值家中衰公私通負咸責之吾泉吾泉上下奔走無寧日必置書袖中少暇即咄畢不已為文必明白簡當不踰繩墨作字必端楷余館於吾泉從伯勉齋公家及同邑劉氏俞氏吾泉咸負笈以從旦暮孜孜雖祁寒盛暑不輟故同門稱篤信力學必以吾泉為首若吾泉者所謂學如不及非耶丁酉舉於鄉凡六試禮部丙辰就吏部選時選人試吏部者無慮數百吾泉文第一家宰默泉吳公亟稱賞之授湖廣常

德府同知甫到任即釋疑獄稽軍餉理驛傳搜微剔隱祛弊釐奸惟日不足輒以夜繼未幾朝廷營三殿當道徵採大木時諸委官以溪峒艱險人跡罕到百計營止獨吾泉慨然就道徭歷窮山狀所稱虎豹與鄰蓬藿為宅朝犯霜露夜戴星辰入山四載不復內顧者蓋實錄也以是報完偶先巡院吳公亟稱之許其過慎之心苦節之守至謂事勞不給饔飧可謂深知吾泉矣會他郡所委有未宗者復以委吾泉復入新山行至保寧疾作猶慮王事弗克終也備

卷之十

年十

造木冊以防奸欺分遣木戶以聽委督言畢而逝若吾泉者所謂以死勤事非耶時同事指揮周某宣慰彭某相與備衣食治棺斂士民涕泣奔走者如市嗚呼吾泉未仕勤於學僅能舉於鄉而不能策對大廷既仕勤於官僅能修其職而不能超躋顯位殆天為之限而非人力所能為歟距生弘治戊辰八月十一日享年五十有三娶馬氏貞靜柔順以孝聞生二子長即應明邑庠生娶馬氏次應曉聘吳氏女一通陸承芳孫女二俱幼應明卜今嘉靖辛酉九月三

日葬吾泉於平湖城北分水墩之東阪爲之銘曰

嗚呼吾泉 天道不愆 爾胡弗延 爾心切切

爾身勞勞 爾功不驕 悠悠蒼天 逆旅重泉

式命則然 塘阜崇崇 分水榮榮 奠爾玄宮

明故文學趙習菴先生墓誌銘

習菴趙君謝世之八月其弟武選君子衡爲之狀其
子邦穎泣血稽顙請銘於余余與習菴君有通家之
義也弗獲辭君諱傳字子受習菴其別號也國初八
世祖友一以良民給帖世居海鹽之武原鄉後析縣

趙習菴

七

籍平湖大父某公贈徵仕郎大母韓氏贈孺人父漸
齋先生舉進士歷官都給事中陝西叅政母陸氏封
淑人君爲家嗣漸齋先生以周易傳家君首紹業有
聲庠校太守白泉徐公梓其文以式多士巡察潘公
以奇特人才徵入萬松書院督學進賢萬公日沃以
天人性命之蘊君遂深造遠詣發爲文章根極理真
由是鄉人服其學時有例選貢君弗以其才先輩
既乃十試鄉闈不遂迄於沒齒無怨尤由是鄉人服
其量漸齋先生居言路監司守令推敬於君君一毫

無所干請由是鄉人服其操先是君卧病長子邦穀

不起漸齋先生戒家人勿得言踰年君始知之痛悼

幾絕乃爲哀辭其略曰維吉凶死生之糾纏兮與運

化而推遷何荼毒於我乎斯極兮吾兒三十而殞以

逢戚於天繼之以操曰之子于邁詎相見期如其萃

邁黃泉爲蹊復爲其故弟東園君操曰雨露降兮春

草肥商風起兮木葉飛十世百世後丘壠與高山齊

後踰年竟亦不起時嘉靖庚戌正月二十一日也距

生弘治庚申十一月二十一日享年五十有一配沈

趙習菴

八

氏同邑隱居元誠公之女子男三長邦穀邑庠生娶
學訓馮兼山女次邦穎邑庠生娶庠士張懷南女次
邦導聘太學生李次峰女女長適邑庠生陸萬鍾次
許聘屠汝江孫男三曰志先志克榮十俱邦穀出孫
女二俱幼邦穎出嗚呼振振繩繩奕葉無疆武選君
所謂仁者之後乘除倚伏之間久而後見者信不誣
矣以庚戌十月十日葬君於縣北許家浜祖塋之次
於是採摭而爲之銘銘曰

君富於學 胡乃弗售 君令于德 胡乃弗壽

維君有子 維麟之趾 維君有孫 維蘭之馨
嗚呼天定人勝人定天勝所以紹未盡之休以衍
無窮之慶者其在茲乎其在

明故處士朴齋劉君墓誌銘

余昔館於吾湖劉朴齋氏其子光燉從余游於時知
朴齋矣越二十五年朴齋卒光燉持其從兄鄉進士
元麗君所爲狀求余銘余誼不獲辭君諱棟字汝立
朴齋其別號也系出大梁元末始祖教諭公仕海鹽
遂占籍高祖鳳以子泰貴贈河南道監察御史曾祖

清江集卷之

九

遼賢平湖清溪盛氏清溪之劉始此祖瑾父漢號北
溪少孤能自樹立母張生四子君其長也君性孝友
北溪公好治生君爲之力廣其業北溪公爲人所抑
君憤然直之官教弟靜山學諭君稅克振家聲撫弟
某其咸克成立遇三妹視諸弟正德初華亭界多曠
土君率衆往耕歲穫五百餘石古稱孝弟力田君非
其人歟有司屬君董鄉賦賦半出於乍浦豪帥先是
董賦者率破家輸代君奮然曰此非大釐正不可走
白於清戎御史急逮而痛懲之迄今三十餘年無道

賦古稱不畏強禦君非其人歟里有恒氏其妻
傷一老奴瀕死誣之官君曰奴婦必實之吏不即
氏難白矣携其奴親調攝之三月而奴愈言稱急
解紛君非其人歟族弟煙貧且病君爲養生送死而
恤其孤劉氏舊有族譜君續修之水木本源之念益
惓惓焉君爲人慷慨有大節達事機識時變恩愷周
於族黨義氣重於鄉邦真不愧丈夫哉配盛氏有賢
德嘗聞北溪公欲構一堂工具悉備曰俟眾婦子歸
視其能勝此則爲之否則止居半載喜曰是能克之

清江集卷之

十

吾業者乃構堂堂成垂二十年而家益裕繼配亦盛
氏先盛之妹也子三長卽光府庠生娶方氏次卽燉
娶林氏先盛氏出季耿娶沈氏後盛出孫男六歲
俱庠生圻塞鄉孝孫女四君生成化某年 月 日
卒於嘉靖某年 月 日享年六十有六先盛生某
年 月 日卒於嘉靖癸未五月十四日享年四十
有 光燉卜以某年 月 日合葬於齊景鄉北溪
公之昭穴乃爲之銘銘曰

哲人俶偲 胡不祿兮 子孫擔擔 以嗣續兮

佳城鬱鬱 以瘞玉号 清溪湜湜 福蔭沃若

百千萬年 條兮忽兮

明故屠母倪孺人墓誌銘

山東按察司副使省齋屠公配倪孺人謝世之明年
襄事屆期其子邑庠生鉉等捧其所自為狀泣血稽
顙求余銘余與省齋公為內戚義弗辭也按狀孺人
姓倪氏倪為海鹽望族父約齋公璠蕪湖令丹仲氏
蚤世孺人甫七歲以孝感繼母王氏鍾愛勝已女省
齋父三一公與約齋公同舉于鄉知孺人賢省齋前

卷之六

七

配沈孺人卒為請於約齋公許焉年十七歸于屠
時沈孺人遺子鉉方五歲愛養慈至如已出鉉亦忘
其非已母也弘治乙丑當會試期省齋公以孺人
病難於行孺人為強起促裝省齋公即以是年成進
士筮任常州府推官嘗檢閱文祭至夜分沉思久之
孺人曰獄有疑乎人命至重罪疑惟輕可也省齋
為末減以此明慎孚於上下未結陸宜人於百
養三年如一日省齋公考績選雲南道監察御史
宜人年高思故鄉孺人奉以歸時伯姆沈夫人

氏少參公之任孺人獨侍朝夕養則視膳疾則迎醫
終則衣衾棺槨罔不殫厥心力以助省齋公罔極之
報正德丁丑從夫貴 勅封孺人三一公清白傳家
省齋公不事家人生業孺人能治家出入乘除經理
周密家用不乏省齋公嘗曰使吾不家於官無內顧
憂吾妻力也孺人生巨室履宦途終身若布衣平生
服御皆嫁時物性嚴敏家政井井御下不假辭色然
不責備人故沒世無怨之者待子極慈然無姑息態
嘗訓之曰汝父居官不徇情不愛利盡忠於國又曰

卷之六

七

汝父事親孝故姑之愛我獨甚事汝伯猶父故我與
汝伯母無間言忠孝家法汝識之不可忘也家世濱
海省齋公歸葺舍宇孺人曰此地去海不數里必有
後患莫若徙諸邑省齋公曰吾屠自國初家此何忍
棄去後海寇至鄉居燬蕩盡無寧日乃徙諸邑悉
如孺人言孺人在家孝於親士嫁孝於姑相夫能義
教子能慈治家能勤儉至於遠慮前知卒驗於數
十年之後養孺人者可不謂女中之卓然者耶孺人
生於成化丁未八月十一日卒於嘉靖壬戌十二月

二十一日享年七十有六子男三長銓太學生前沈
孺人後月卒娶海鹽許氏次即銓娶同邑張氏次
鋒邑庠生娶嘉興陸氏繼娶嘉善沈氏女三長許聘
秀水陶次適府庠生姚箴孫男八景榮殤景裕娶
沈氏景昇聘馮氏銓出景彥娶陸氏景立銓出景淵
景瀚景清銓出孫女五長適舉人趙邦秩次許聘陸
元金餘尚幼銓等卜今嘉靖四十三年壬戌冬十二
月十有六日葬孺人齊景鄉鹹圩祖塋之穆位與省
齋合乃爲之銘曰

禮部

事

嗟嗟孺人 女則不怨 失母得母 錫孝自天
有夫赫如 高明斯慮 我克相之 以永終譽
有姑瞤如 衰憊則懼 我克事之 以淹仙馭
有孤筮笑 撫如已出 有子駝駝 養則雲翼
婦德母儀 勒此貞石

仲兒敏勛婦錢氏合葬墓誌銘

古馮世居嘉興之海鹽自始祖顯五公入 國朝二
世祖彥真公徙嘉興遂占籍六世至吾先考居易府
君諱俊領成化癸卯鄉薦筮仕垣曲館陶教諭歷遂

平知縣以遺愛祠於名宦徙居平湖子五人汝弼行
四配先室孺人生三子長敏功季敏勛敏付子
也幼穎異六歲讀書知大義八歲隨任餘干江西地
多產蛟縣治後池水無故自溢邑人以爲蛟將出也
懼而他徙余亦遣先室携勛兒歸至廣信見山水大
發舟行樹杪謂勛兒曰吾母子幸至此不知汝父何
如勛兒奮然起曰兒往伴之先室留再三不能止遂
與一僕匹馬馳三百里回餘于余公暇校紱蘇文謂
勛兒曰蘇家三父子文章可法即應聲曰程門二弟

神學

事

兄道德爲尊余甚奇之年十二長兒敏功病傷寒勛
兒侍湯藥雖澁器亦親携之晝夜弗倦年十四先室
即世勛兒哀毀骨立遂患脾絕粒者二十餘日幸而
起則病根不可拔矣年十七娶諫議海鹽錢海石公
女時時從海石講學問道遂慨然有脫凡近之志年
十八充邑庠生年十九生一女婉分而錢婦亡病由
是益深余欲爲圖聘曰喪未暮豈可議此既而遭余
慎齋兄喪辭益力是年八月試省闈下第就醫於蘇
得文衡山書畫撫玩不釋深契玄妙明年癸丑倭寇

犯境去縣治遠隔一水功兒以其病也欲令避去而已居守勛兒不忍去曰兄在弟焉往今年春女孫天歿病愈劇五月十三日寇至白馬堰時吾邑新城完余挈家入城勛兒尚能強起越十有二日而勛兒還化矣嘉靖甲寅五月二十五日也距生嘉靖甲午二月十六日在世纔二十一年耳嗚呼傷哉家人無上下無不悲痛鄉人無親疎無不悼惜化之前數旬忽自賦云春來無日不蹉跎舊學談經廢已多千載功名心未冷十年光景病中過已將癰骨歸天命未信

神異集

卷一

金丹保太和日暮詩成聊遣興那堪愁絕不成歌至是人以為讖云海石聞訃暨其冢子德卿奔至哭甚哀海石謂余曰吾閱人多矣聞教聳然領悟篤信力行未有若成卿者吾固知其非口耳皮膚之學惜不見其大成耳成卿勛兒字也性恬澹無外慕榮辱利害一無所動尤不喜機心詩請効兒曰惟誠可久愈久愈孚吾所以不得罪於人者惟一誠耳與人交不激不隨恂恂愉愉不露圭角朋儕中稱醇雅者必曰馮後山後山勛兒別號也久於書不能展讀每聽

功兒講春秋終日入耳即不忘筆硯日疎文日進蓋其正靜養心之驗云平居動循矩度雖小節亦不苟見理最真立心最高嘗與功兒論人臣洵難事功兒曰理固當然且憲典具在勢亦不得不然也勛兒曰宋室既滅天下皆元若文文山者豈因勢而為之者哉人臣因勢盡忠非忠之至者也勛兒喜讀文山集志切景仰故云然家庭論難未嘗出一妄語非尋倫道義即經史詩文余與功兒每有作即與商確時有所釐正海石謂余曰真可謂父子兄弟自師友也余

神異集

卷一

亦以為信然而今不可復作矣嗚呼勛兒含真履素不事表暴而內孚於宗族外孚於鄉黨夫子云在家必達在邦必達勛兒未至是也殆亦發軔於斯矣使天假之年吾不知其所就當何如也嗚呼痛哉錢氏婦得海石公家教簡重貞一不愧婦德生於嘉靖癸巳年纔二十余傷其夫妻早世而無嗣也為檢遺奩析田宅俟功兒効兒之有次子者繼之茲將以今年十二月二十四日合葬於縣北王谷坎新塋之穆穴乃掩泣而為銘銘曰

後以敏効次子伯理承嗣

世降風運 正氣斯鑒 間有存者 而稟亦薄
爾身古道 爾心正學 爾不永年 誰承脉絡
譬彼源水 分流各各 此流或湮 彼流相續
別子為祖 生不盡福 繼別為宗 永承昭穆
墓表

明故中憲大夫山東按察司副使省齋屠公墓表

嘉靖四十年辛酉春二月二十有二日葬故中憲大夫山東按察司副使屠公於齊景鄉鹹圩先塋之右

傳

墓

先是公自謂平生行實皆 分當為無一可語人傳
後者世人求為銘誌類多溢美九泉之下能無愧乎
故自撰誌文止述其源流履歷之槩而不及其終身
德業之詳公子鉅等懼幽光之弗耀也泣血稽顙請
余表諸墓余忝公葭莩厚知於公然不敢私公也謹
東輯遠近諸名公公言以徵之公諱堯字文治別號
省齋浙之嘉興府平湖縣人贈太子太保刑部尚書
諱汨之曾孫贈武昌府推官諱楨之孫太平府同知
進階朝議大夫諱熙之仲子 誥封宜人陸氏出也

幼穎敏器識不凡種學績文覽出時輩弘治辛酉舉
於鄉乙丑成進士授直隸常州府推官公伯父大司
寇康僖公所謂若居毘陵聲稱籍籍有正大之行聞
敏之才冰蘖之操者可以規公之志矣三年考勲選
雲南道監察御史以養親便改南道尋丁內外艱服
除補北道差刷南京等衙門卷巡按廣西奉 勅征
勦猺寇經略有方羣兇授首西土底寧 賜勅褒獎
兼賜白金文綺陞俸一級南皋王都憲所謂增吾輩
而羞武夫知將 國兵而為人司命不在彼而在此

傳

墓

者可以稽公之勲矣回道推本科兼掌諸道公日升
堂執簡進曰某事可行不可行某人可用不可用總
憲綿州金公輒唯唯行上華趙憲副所謂練達臺政
諸道事一堦遺之多多益辨者可以驗公之才矣當
武廟南巡時公上疏請 回鑾以光 聖德嗣後疏
止興作疏正朝綱疏全戚晚疏崇 聖學疏重 經
筵疏寬重罰皆國家大體切中時弊梅谷劉都憲所
請涕淚封章留禁蘂冰霜節操動臺端者可以表公
之忠矣逾二年陞山東按察司副使奉 勅提督屯

田水利兼督糧運刻期竣事

今上賜羊酒勞之侍御宋公滄所謂齊魯人士咸畏
若神明感如父母是天借恩澤以福東土者可以觀
公之政矣丙戌考察有嫌公者陰擠搆之公遂歸寧
波王都憲所謂公受無情之謗此事來歷惟吾輩知
之當道不察肆為舉錯何以示天下者可以暴公之
心矣歸即高卧湖山輕意肆志足不及府戎者三十
餘年西臬鍾太守所謂向見林明府極稱我公居鄉
高致端人正士隨地見重於人者可以知公之介矣

神道碑

九

公生於成化乙未卒於嘉靖戊午享年八十有五前
配贈孺人沈氏貴州布政司叅政同邑沈公榮之女
也端肅孝敬本於天性生年與公同卒於弘治壬戌
享年二十有八葬於鹹圩祖塋之穆位公茲與合葬
云繼配封孺人倪氏蕪湖尹海鹽倪公璠之女子男
三長即鉅太學生妻海鹽許氏沈出次鉉娶同邑張
氏次鋒娶嘉興陸氏繼娶嘉善沈氏俱邑庠生女一
適府庠生姚歲俱倪出孫男七景榮後公二年卒景
裕娶沈氏景岳聘陸氏景學景立景淵景瀚俱未聘

孫女四長適舉人趙邦秩次許聘陸餘尚幼嗟
固有求名而不得者公不求名而公論在人固自
不可得而氓焉者余固不得而私之亦安得而秘之
也因表其墓云

東海之靈 九山之英 哲人是生 射策

形庭 郡刑允平 臺憲肅清

王命于征 馳馬行行 西土以寧 我

君明明 我道方亨 朝陽鳳鳴 寵辱不驚

履道維貞 子孫振振 世德之承

神道碑

九

行狀

明故中憲大夫山西提刑按察司提學副使蒲

山俞公行狀

俞蒲山卒之六月其子應霖等以其父界溪先生
命號泣而詣余曰惟先君遊公門最久惟公知先君
最深先君之行匪公其誰狀之余不覺潸然出涕曰
嗟乎蒲山余何忍言余弗言天下後世焉從知蒲山
哉蒲山姓俞氏諱咨伯字禮卿蒲山其別號也先世
松之華亭人後徙居平湖家子祖述

士弘大父徽俱有隱 父金國子生以蒲山貴封工部虞衡司員外郎即界涇先生也母沈氏大孺人蒲山生而穎異甫十歲從界涇先生游國學讀書已了大義十二能屬文十五補邑庠生從余受尚書爲文精密純粹每試輒首選辛卯領浙江鄉薦壬辰登進士授工部營繕司主事尚書無錫秦公謂余曰俞子文學優長吏事精敏且老成嚴重真公輔器也差督蘇松織造事竣監

太廟大工陞虞衡司員外郎屢拜白金文綺之

漢書卷一百一十五

主一

賜工完例得超權謂余曰吾何功敢受茲賞遂引疾歸明年復前職督沙河 山陵工進屯田司郎中隨駕之承天倉皇數對悉稱 旨駕還將大用之特武定侯郭勛怙勢專利冒濫商估事在該司乃奏減其覈價數萬緡遂爲所攢下詔獄衆皆危之賴

今上聖明諸元老公議事得白出知泉州府泉爲閩劇郡號難治至則裁冗費賑災荒理冤獄興學校飭戎伍孜孜夙夜不遑寢食在郡六年政成化行議者謂其精確不羣循良特異茲其鑒鑒可徵者也丙午

陞河南按察司副使赴任中途奉 勅改督山西學政慨然以變士習復古體爲已任所至校文明敏絕人然亦坐是過勞舊病脾乃大作遂上疏乞歸歸數月而卒卒之日謂其子應霖曰汝大父向爲我輩多所稱貸吾無貲可償宜償以田汝二叔力學汝大姑早寡俱給田以資又曰并娶懷氏吾結髮也歲時之享禮不可廢家人咸悲泣不自勝則正色曰茲命也遂莞爾而逝殆亦庶幾乎夭壽不貳脫然於死生之際者矣嗟乎余與蒲山居同藏脩出同仕宦見其恂

韓文公集卷五

主一

恂循循弗究弗弛無間賢愚疎戚咸愛敬之又見其寒寒諤諤弗寬弗猛一時朝紳翕然歸重去泉泉人思之爲立碑建祠後復列之名宦血食無窮焉生於正德辛未九月二十四日卒嘉靖丁未五月五日享年纔三十有七先娶懷氏繼娶姚氏一子長應霖聘秀水陶氏次應楫聘嘉興項氏女二長許聘海鹽錢與映次許聘同邑孫成憲俱姚出界涇先生卜以某年某月日葬蒲山於華亭郭夜字圩懷氏先葬祖塋東側茲具寢衣以神道合寢焉禮也嗚呼蒲山充其

學可以窺聖賢之間與而乃文僅止於筌蹄充其才
可以擴廡廟之經綸而乃績僅止於工曹充其志直
欲使斯世斯民無一不得其所而乃澤僅止於晉閩
嗚呼天何奪吾蒲山之遠而不究其所施乎有限者
年不朽者德吾痛蒲山之限於年而不忍其德之不
傳也故杖淚而示之以侯埤 君子采而銘焉

明故光祿寺署丞鵠川曹公同配沈孺人行狀
新溪曹氏爲吾邑望族鵠川公又曹族之望也其
子禮部正郎光祿學廩生煒以余與曹爲姻黨且辱

清江雜錄卷六

三

知於公最深持公及公配沈太孺人行實踵門泣血
稽顙求余狀遂撫其平生梗槩爲狀云公曹姓諱校
字世儒別號鵠川元末始祖端一公避亂自高郵徙
居海鹽之華亭鄉宣德間所縣平湖遂爲平湖人曾
祖樂聞公斌祖松南公琦父豫菴公深俱有隱德豫
菴公配陳氏娶三妾生十子三女鵠川公與其兄楷
弟楫楠俱陳出公生而秀拔嗜學年十七補邑庠弟
子貞應例入太學大司成甬川張公奇其文置優選
屢試鄉闈未第晚授光祿署丞志不欲仕解組歸田

類集群史披閱每至夜分雖祁寒盛暑不輟或謂高
年不宜過勞公曰吾樂此不爲疲也常謂吾平生讀
書不能取一第欲刪訂諸史以圖不朽耳公警敏有
心計尤善治生值豫菴公家業中衰公經理哀聚日
益饒裕豫菴公所分產悉以讓諸昆季所售田悉給
還之弟楠早世撫其遺孤煒如已子待諸族人及母
妻姻黨靡不用恩細民佃公田者必周其乏有所
貸者必廉其息鄉人無不德公禮部君官南都憶公
形於夢寐急假便差歸省未踰月而公病革歿之前
二日謂二子曰吾自檢平生所爲無累汝等汝等各
以道義相砥礪吾瞑目無憾矣家事一無所問遂溘
焉長逝 配太孺人沈氏華亭沈
雲石欽之女貞靜幽閑克敦婦道上自舅姑下逮伯
叔母輩咸得其歡心豫菴公有不給輒脫簪珥以資
其所費公私通負悉責諸鵠川公欲鬻其所分基屋
以償太孺人謂世業不宜輕廢遂償以已貲而所分
基屋今益充拓爲曹族之最云太孺人綜理家務自
旦至暮不少休息躬率諸婦織紡省嗇儉約終其身

清江雜錄卷六

孟

雖一錢升米無故弗費也每戒諸子婦曰婦人相夫舍勤儉二字何以作家鵠川公教二子甚篤每延師家塾太孺人躬澹茗饌庖具精潔罔敢或怠是以師生義重罔不悉心進德修業各底其成光第庚戌進士拜監察御史激揚清濁赫然有聲歷今官燁篤學能文辛酉大比巡院崔公移文嘉獎行當遠到人皆知鵠川公能作家教子而不知太孺人內助之力居多公卒太孺人悲痛不自勝忍發瘞喘十餘日卒

公與太孺人生二男一女子

神道碑

三

長即光娶顧氏翰林庶吉士顧公燁孫女次即燁娶姚氏同邑姚鶴山女適同邑廩生戴君露之次大造孫男一如璋聘廬州太守屠石屋之女孫女一適萬年令陸迎川孫邑庠生元鍾俱光出公生於嘉治癸丑閏五月一日卒於嘉靖壬戌四月九日享年七十一太孺人生於弘治庚戌十月二十三日卒於嘉靖癸亥五月二十五日享年七十有四其子光燁將以今年月日葬公於本邑二十五都岡字址之吉壤嗚呼立家幹教子成名人世如公可謂不虛

生矣而克相其夫以廣業以昌後若太孺人者其亦可謂婦道之式哉

亡妻屠儒人行實

亡妻姓屠氏其先嘉興之海鹽人後析平湖縣遂占籍曾祖湘祖機俱贈刑部尚書為嘉興望族父炫早世母張氏嚴而能教故亡妻幼知女德莊重不苟言笑伯父太保康僖公謂其兄堂曰此女賢淑必擇儒家歸之先君居易公以儒術傳家故亡妻歸於余余未第時遭家中微亡妻親操井臼備嘗艱苦余又病

神道碑

三

脾卧榻者踰年力供湯藥晝夜不息不以為勞先母胡太孺人背棄每以不及養為恨事先君衣服飲食必親製凡所嗜好必力致之以適其意余窮居而不失先君之養者亡妻之力居多及先君違養衣棺之類頗無遺恨蓋皆先事而預為之圖者比葬垂橐以供求必備物不愆于儀余雖貧而勉克襄事亦亡妻之力也余在工科時將論冢宰汪榮和不法事則謂余曰君忘卧榻垂死時耶及得罪左遷家人有謂余多言招禍者則戒之曰此命也勿復言雖余叨歷中

外而日用服食不異寒素時經里家務每至忘食平
生衣飾未嘗有蔽壞者遇宗族婚喪事必委曲
資給待婢僕嚴而有恩蓋勤儉慈惠天性然也嘉靖
甲辰余應例考績恩封孺人子男三長敏功邑庠
生娶新帶曹氏次敏勛聘海鹽錢氏次敏効聘清溪
沈氏嘉靖丁未七月二十四日以疾終距生享年纔
四十有八嗚呼屈艱辛於窮約而不能永福祉於
衰封雖脩短有命非人所與而幽明永隔曷以為情
茲將於己酉正月十有四日乙酉葬於縣北王谷山
新塋謹述如右仰祈名公鉅筆采擇或亦可以不朽
云

祐山文集卷六

五

祐山馮先生文集卷之七

祭文

祭霍公即金山神主

時嘉靖甲寅侯宦山江
大夫上構神之祝也

維神功昭漢代靈應海邦永福翼贊利濟助勦允鎮
茲土我民用康蠹茲醜類敢爾跳梁煨燼廬舍鋒鎗
黎吐驅擄男女竭罄橐囊民難方殷神臨未央相我
將帥如鷹斯揚相我師徒如龍斯驤相我戈矛戮彼
犬羊相我城池永奠金湯相我烝民鼓腹康莊神之
格思有臨洋洋神之歆思受福無疆

祭蛟潭文

任餘于今作

天道好生地道安靜維此神淵胡然弗靖沸騰失常
恟恟靡定何物為孽震驚百姓某為今否德民則何
病我受其咎願乞民命為蛟為鯉潛驅遠遯我民爾
物各保常性永奠茲土無遺後孽神之鑒之終和且
順

祭名宦曾賜谷父母文

嘉靖丁巳曾
名宦祠

維我平邑歲當甲辰亢陽赤地溝澮生塵焦禾殺稼
珠米桂薪流離瑣尾子遺難存展轉溝壑籲天莫申

加以重賦繁役兼併上官威督屬法嚴刑剝脂代體
湯火生靈惟公憫念救災息紛寧忤上官哀此窮民
催科政拙撫字勞神隆冬之極忽遇陽春大旱之後
幸獲甘霖辟如枯株向榮欣欣辟如苗藹勃然其興
我民再造惟公之仁我公去思惟民之忱公澤入民
彌久彌深民心孔懷彌遠彌親曷以報之殷禮式陳
能禦大災令典是遵春秋釋奠黍稷非馨今茲伊始
薦我藻蘋公靈不昧鑒此明禋千百斯年血食無垠
祭朱百戶文嚴州建德縣人也嘉靖甲寅樂僊

楊文集卷二

二

嗚呼余未嘗識君之面而因君之死知君之志必欲
殪強倭殄狂寇使城守無虞居民按堵上不負
朝廷之世恩下不負當道之委任然後其心始慰耳
是故聞賊而疾趨見賊而奮擊挺刃大呼身先士卒
雖嘉責無成身膏草野其亦可謂奮不顧身而庶幾
斗其所謂以死勤事者歟使今之荷世恩承委任
者皆能如君則此賊何至於縱橫斯民何至於荼毒
而朝廷亦可無南顧之憂矣嗚呼傷哉

邑丞吳伊樓集章

君之丞吾邑也其貌朴朴其言訥訥而其心乾乾其
度渾渾其政悶悶而事關民瘼則惻惻乃身而蚤夜
為之懸懸時邑無長令當道者檄君視篆蓋試之錯
節而別利器以勞賢適臨臺按府威行上下奔走應
酬蓋終日惕惕而惟恐其有愆繼之督學選士協情
設教而周防密察發奸剔弊之惓惓又六月不雨三
農告災率僚屬禱神明曝身烈日徒行市衢憂民之
憂殆至於忘食而忘眠若君者亦庶幾乎上無愧於
官箴下無負於簡篇奈何積焦勞而遽發蹈范增之

楊文集卷三

三

不延念必死而勤事重往聖之遺編惟令名之不朽
發幽光於九原矧吾儕之匍匐悲逆旅而重泉茲揮
淚而歎語聊以代夫口碑之傳

祭趙漸齋文

嗚呼惟翁之生乃發祥於海岳惟翁之學乃究極於
天人惟翁之仕乃揚休於中外惟翁之胤乃襲慶於
雲仍顧惟某之迂踈乃幸續貂於翁子亦惟吾兒之
愚劣又獲附驥於翁孫義通世講道在儀刑嗚呼清
風明月翁茲永訣天長地久翁其不朽

祭沈沛臯文

惟天眷民厥有五福天道無私民生有欲惟公奉天
天鑒於公錫之純嘏五福在躬中古以降七十者稀
舉惟仁者乃壽之基公仁則沃公壽則宜於維公壽
八秩而奇人有恒產乃有恒心維公居室克儉克勤
克光前烈克垂後昆於維公富世業相承惟人作孽
天降之災公無怙勢公無恃才公弗行險曷生厲階
維公康寧與世無猜人有秉彜而或自失公行無虧
公心無僻見善孜孜恒如不及維公好德終身無戢

碑文卷五

四

命稟於天曰維前定公弗自戕而有天慶保合太和
脩身俟命考終全歸順受其正矧有褒封來自九
天煌煌紫誥賁我林泉矧有義方過庭詩禮於維
公孫於維公子或龍斯潛或鳳斯翥或蘭其茁或麟
其趾嗟嗟五福人或鮮焉五福之外曷以祈天天匪
私公維公令德老成云亡典刑不忒

祭錢海石文

天下之人死者何限獨海石爲可慟者蓋公之所負
者非輕而所繫者甚大也正色立朝則犯天威

斥權要而朝綱振奉命行邊則正王章剔奸蠹

而邊政肅及公之忤時而歸也探經史之奧窮性命
之源敦道迪德允矣大成而考故典酌時宜緣物情
揆治道皆鑒鑒可行至於恤困窮則羈人造命急患
難則枯骨銜恩此固公之餘事而德之在人者亦可
徵矣巡察臺院交章而薦之朝藩臬郡縣就見而
問之政英才志士爭趨而受之業猷畝而切廟堂
之憂遺佚而懷經濟之略一心而達天地之情一身
而繫朝野之望嗟嗟海石真可謂不虛生矣方今

碑文卷五

五

西北胡虜弗靖東南倭寇未寧聖天子下詔搜才
以濟蹇亨屯舍海石其誰哉嗟嗟海石已矣余特爲
當時爲鄉國爲兵荒之民之倒懸無告者慟也余與
海石有兒女之好不幸兒亡女歿而海石復銷其實
傷哉傷哉余既爲天下之公慟而復深慟海石以及
吾之私

祭沈鄂陽文

嗚呼天乎胡奪鄂陽之速乎嗚呼天乎胡待鄂陽之
酷乎天道福善禍淫胡獨異於栽培與傾覆乎鄂陽

之居家也順父母和兄弟睦姻黨有家庭負於家也
嗚呼天乎胡爲其然乎鄂陽之居鄉也尊者年友賢
士乎齊民在鄉無負於鄉矣嗚呼天乎胡爲其然乎
鄂陽之在朝也唯明唯允乃瘳乃恫乃克邁德乃
克奏功在朝無負於君矣嗚呼天乎胡爲其然乎
鄂陽之在郡也冰玉其操雨露其恩政平訟理俗美
風淳在郡無負於民矣嗚呼天乎胡爲其然乎鄂陽
循吏國失良臣家失克肖之子鄉失出類之人某忝
獲同年亦既通家姻聯仲氏情益無涯茫茫漢水悠
悠蒼天翩翩靈旆杳杳玄關胡爲而去胡爲而還嗚
呼天乎胡能已於鄂陽之悲乎

祭俞蒲山文

嗚呼蒲山而竟止於斯耶吾望子以匡時之略而乃
功止於工曹耶吾望子以濟世之勳而乃惠止於泉
南耶吾望子以橫海之化而乃者止於汾晉耶憶子
幼齡撫衣執經啓我益我惟子則能辛卯之秋攜手
鹿鳴壬辰之春胥對大廷尋從王事同官於京相
勗以義相協以心予在諫垣狂言遭否人爲我弔子

爲我喜子亦係係不撓權貴雖在縲紲乃非其罪甲
辰述職來往同途朝夕擬議康濟弘謨丙午之冬急
流勇退愛我池亭盟我松桂天胡降割奪此令人感
今懷昔曷以爲情嗚呼往年哭柘湖前年哭漸山今
又哭子矣豈天心之忌才抑稟受之匪豐或造化之
精靈有限將氣數之衰而子適當其窮天乎天乎曷
爲則然幽明永隔俾我心酸

祭沈觀山文

嗚呼天地間人誰不死死誰不傷獨觀山尤爲可傷
者蓋其死也乃其變而不得其常人之生也六旬而
下壽而觀山何爲乎降割不及五旬而仁士之藏脩
也幼學壯行而觀山胡爲乎遺佚以終身而不得壽
也過也之翼以翔翔人之夫焉嘗老百年而觀山胡爲
乎中道而相捐也使栢舟自誓於共姜人之父子撫
我畜我鞠我育我出入腹我而觀山胡爲乎忍棄乎
焚我之幼孤使哀號莫籲於穹蒼矧頃刻之疾倉皇
之計効星子曙音容莫覩嗚呼傷哉即今盜賊縱橫
干戈遍野死已無聞其如生者嗚呼傷哉有兄有弟

元方季方撫養恤孤涕泗滂滂嗚呼傷哉幽明之隔
瓜葛之惻臨喪一奠五內爲崩嗚呼傷哉

法慕菴祭文

余未嘗知公而知公冢嗣雙嶼子方其服義方聞至
道闡秘儒林蜚聲藝苑使四方同志之士爭趨環列
以自附於春風之末人知雙嶼子成物之仁而不知
啓仁之原者公之仁也既乃璧水掄英棘闈奪儒詞
天曹而典文教舉所在贊序諸生循循善誘而曲成
之以上贊我 聖朝菁莪棫樸之化人知雙嶼子造

續古文集卷七

八

士之功而不知植功之本者公之功也既乃寰宇望
隆遐方禮聘則發吳道楚歷五溪之險逾雲山萬疊
之巔入古西南夷之境乃達貴藩宣 聖朝文明之
化甄別牂牁夜郎之士拔其尤者若干人以登於
天府茲雙嶼子報國之忠而推原所自則公之教亦
公之忠也既乃去貴言旋復崎嶇數千里以抵吾湖
之官舍而知公之計也則踴躍泣血隕越而甦乃號
泣而謂余曰不孝某獲戾於天禍延吾父身羈王事
不得一侍湯藥爲終天之痛余謂之曰忠孝一道也

古人資父事君忠於君即孝於親也移孝於忠孝之
大也嗚呼仁若此功若此忠若此孝若此公有子若
此其亦可謂善繼公之志而可以慰公之心於九泉
之下無復遺憾矣

哭趙上莘

於戲莘翁胡乃遽至此耶憶昔辛卯振羽鄉關屈指
六人同公奮飛少年高科走馬吳坡西湖擊楫浩氣
凌波計偕北上彩鷁聯翔陽春絕倡形跡兩忘曲江
春暖瓊林醉歸公懷明月我籍餘輝我塞言責萬死

續古文集卷七

九

一生公秉高節鼓瑟崢嶸我先解組眠雲踏雪公亦
懸車吟風弄月唯公望重丹鳳銜書愧余薄劣碌碌
守株余今七五 恩封自 天公方六二胡遽重泉
於戲哀哉唯公冢嗣暨余長男同舉於鄉同心金蘭
惟吾季兒仲嗣聯袂近締新好冢嗣聯姻北署南闈
匍匐未能余孫納采惟曾孫愛茲委禽焉宗桃千載
翁孫余孫泮宮同躋惟茲世講綿綿續續此衷難罄
臨喪一哭

陸湛菴誄詞

公今埋玉矣惜哉公之度足以立育燕收公之
以釐奸剔弊公之愛如春陽之暱公之操如秋月
霽公之學識如山海之珍索之不匱需之不竭
下之用而無施不可推公之心直欲大展經綸以
運匡時而天不憖遺也謂之何哉嗚呼公有七旬
父子胡先殂子今曷往虎墩是徂五內欲裂曷其
蘇擺脫三障庶幾故吾皇皇朝夕感彼慈烏淚由心
滴吾苦如荼嗚呼哀哉鶴鶴在原兄弟急難時行時
止或聚或散歲寒松柏一枝彫花萼相輝空留戀長
夜漫漫何時旦悵望松楸發長嘆嗚呼哀哉百年夫
婦鳳凰和鳴中途卒變魄散魂驚不寢不食九死一
生纖我良人悠悠蒼天我身未死我心重泉余切姻
黨愛莫助之呼公汝請靈其護嗚呼哀哉惟公累
嗣矯矯人龍紅雲紫霧不日飛冲惟公幼子黃卷青
燈童年美質造詣然然公之大用雖未完於此身而
公之二子繼公之志迷公之事發公之蘊延公世澤
以振公之家聲所謂留不盡之福以遺之子孫况公
論定於益稭表揚在於當道使後學之士有所聞風

而英則公雖出於半生之壽而實伸於千載之名又
不幸中之一不幸也公其瞑目於地下矣嗚呼幽明
異道地天可通公靈不泯遺響悲風

祭內伯母屠康僖公配牛老夫人文

惟太夫人之賢實舉世之所稀相夫子位上卿落屑
氏無疆之慶教令子輔青宮為昭代

帝王之師訓諸孫或擬巍科以大南征之吉或業成
罔以培用世之基是以封章頻復於後先懿德昭
宣於遠邇謂宜享遐福於百齡胡乃遽一疾而弗起

其義同猶子情切哀悃臨喪一奠表此微悰

祭沈太孺人文 沈阜翁配

嗚呼余不知太孺人而知太孺人之夫若子於是知
太孺人之賢而悲太孺人之不可復作也蓋自太孺
人之歸於沈阜翁也家乃日裕望乃日隆乃弘先烈
乃落後昆於是乎知太孺人有少君之德太孺人之
子或與余同舉而見其登之朝也乃慰南省乃重西
廷乃膺簡拔乃篤忠貞於是乎知太孺人有敬妻之
訓或與余聯姻而見其修之家也乃兢寸陰乃惜三

餘乃探學海乃通天衢於是乎知太孺人有陶母之教亦唯諸子乃鳳乃麟或紹箕裘或繼簪纓亦有諸孫乃芝乃蘭惟國之瑞唯家之祥嗚呼太孺人之相其夫宜與偕老於百歲而胡爲乎先殂太孺人之教其子若孫宜享孝養於無窮而胡爲乎遽終是雖封章赫赫沐榮寵於生前而長夜漫漫不能不動遐思於身後也嗚呼哀哉

祭錢親媽孺人文

惟靈天成淑惠性稟慈良肅遵壹教恪守禮常事舅

禮部

主一

姑而克孝執婦道而惟勤相夫子以嚴內治光懿德以啓後人惟令女之婉婉締余子以爲姻方母儀之有奉期閨訓之是敦乃疾而弗起胡彼蒼之不仁嗟乎以孺人之孝宜假之年以終事乎舅姑而胡乃先逝耶以孺人之賢宜假之年以終相乎夫子而胡乃遠逝耶以孺人之慈宜假之年以終育乎子女使至於成立而胡乃遽逝耶嗟乎孺人往矣舅姑隨逝九原孝思死生同志嗟乎孺人往矣夫子莞然死生永訣長痛裂衷嗟乎孺人往矣子女哀哀幼而失恃逝

將壽依顧薰蒿之在上實余心其冲冲酹一滴於重泉寄百祀於遺容

祭陳太夫人文 陳邑侯母

妻賢相夫母賢教子古今懿德之所先妻繼而能相夫母繼而能教子又當何如其爲賢惟太夫人之歸陳也富先太夫人還元之後而續太先生恒齋公之斷弦相家政則生理日裕相官常則布德無偏贊之以謝政歸田也則怡神養性而遐齡福履之綿綿斯三者夫君之賢而因以知太夫人之賢念鞠子靡恃而推夫君之愛提携保護之拳拳教之義方則夙夜匪懈而所生無忝教之一經則取青拾芥而雲路高騫由是而蒞官行政也則念切民隱而惻隱夫無告之顛連斯三者令子之賢而因以知太夫人之賢賢於相夫宜與夫君同享遐福胡先永訣而不能諧老於百年賢於教子宜終令子之養胡乃不食其報遽脫塵世而升仙使夫君鬱鬱有鼓盆之戚而令子哀哀抱罔極之恨於終天僕等感令子陽春之布恨不能縮地而匍匐以周旋乃陳殷核乃執豆籩乃

酌玄酒一滴九泉望蒼梧之雲霧騰鶴駕而翩翩

奠姪孫婦李氏文

維茲丙寅仲夏二十日祐山翁奠姪孫伯恂婦李氏而爲之言曰賢哉婦也汝勤儉足以成家而無家可成誠孝足以化姑而繼姑已化柔順貞淑足以相夫而夫不我報也謂之何哉汝不負吾家而吾家負汝嗟乎汝于歸方三載住世十有七年而忽忽淪亡也天其亦負汝耶哀哉婦也生曾旌汝之德以廣懿範死復誅汝之行以永令名也嗚乎哀哉

箴二首

座右箴

知足常足無量之福此心無得失此身無榮辱不恤無價之寶不傷已之神可全人之好

平心盃銘

天惡盈盈則更人惡盈盈則傾天道平四時行人道平萬事成執斯器觀斯銘戒其盈守其平

兩泉兄贊

生也宦門長也儒業早歲韜光晚年進德養辨養巧

寺愚守拙兄弟怡怡子孫蟄蟄即其隱居雖未能正是四國而許其垂裕抑亦庶幾乎其儼不忒者歟

跋

備遺三錄跋

閩宋公端儀嘗采靖難諸遺烈錄之而未成新淦張公芹因旁加考撫爲備遺錄一卷彬陽何公孟春又惜其未備也復爲類輯以續之爲續錄一卷清江彭公英併刻以行某生也晚雖未能詳究群忠事然亦嘗聞閩於志紀則慨二錄之外復有遺焉衆諸餘干

補遺三錄跋

五

鄧君秀爲補遺一錄補遺者補二錄之遺也若二錄已收而或采詳者則分注本傳之下不復收之或謂成祖靖難諸臣死節其勢相反庸可乎某曰成祖繼緒之孝也諸臣明倫之義也有成祖而諸臣之節斯顯有諸臣而成祖萬世之洪基益固茲備遺諸錄之所由作也

顧貞女傳跋

女之事夫猶臣之事君也不幸而適遭其變以身殉之今也然古人謂慷慨赴死易從容就義難蓋義氣

激於一時則慷慨捐生所謂白刃可蹈者乃若持之以久愈久愈堅百折不迴其惟有宋文文山乎雖然文山已嫁之女也若貞女者可不謂尤難矣乎百七十年後余得貞女傳讀之敬仰芳聲既贊之以詩而復贊斯義於末簡

葉母還金傳跋

嘉靖癸卯余刻同年柘湖王子遺稿於婁江明年觀携至京訂諸王子之素所交游及同志者吾杭葉柳亭氏出其母太孺人還金傳刻示余則王子之跋

嘉靖癸卯

其

語存焉蓋遺稿所遺也余因錄之以入遺稿或曰王子之文固不必藉葉母之傳而後傳葉母之行亦不待附王子之稿而後顯何以錄為余謂葉母之傳以志行也而王子之文因亦可見王子之稿以錄之也而葉母之行亦因可考此傳與此稿俱傳則此文與此行俱不朽矣

祐山馮先生文集卷之八

疏

工科給事中臣馮汝弼謹

題為元惡佞臣訐構言官焚惑

聖德乞速

賜竄逐以警奸欺以隆治化事近該科道等官薛宗

鎰等交章論劾吏部尚書汪鋹罔

上徇私等事隨該鋹自陳伏蒙

陛下睿旨勉留鋹續自陳兼致辯計奉

帝

聖旨卿受銓衡重託又方替理大工宜照前旨即出

供職人言不必深辯欽此臣惟鋹之奸邪

聖明在上固已洞察之矣然猶拳拳慰諭至再至三

不遂屏逐者非為鋹惜惜夫大臣體貌以全始

終之義耳臣竊以為納污含垢不輕絕人帝王

包荒之仁也遠佞除奸不使病國帝王遏惡之

義也

陛下以堯舜之仁覆冒於上而工絲之惡錮蔽不悛

日增月益以自殄絕則流放竄殛堯舜之義亦

豈可終廢哉鉉被論劾例該自陳乃復強辯且自譽曰至公無私從前所末有何其大言無恥欺

君罔

上一至此極雖然其謂從前末有則誠是矣臣請昧死為

陛下言之往年大同之變鉉為元宰義同休戚乃遣其子盡歸貨寶空室以觀成敗是心也其於陛下之休戚何如也則鉉乃背德負

君保家忘

靖寧集卷八

二十一

國從前所未有者也鉉於大學士張孚敬召入則附之及其罷歸則背之迨其再召則又附之孚敬惡其反覆不為禮也乃私携重寶假名蜜煎進而進之則鉉乃廉恥婦地狐媚苟容從前所末有者也邇者三年考察鉉子納賄私宅鉉宿部堂阻於內外門禁之嚴輒集私帖假作文投遞則鉉乃賄賂公行賣貨無厭從前所未有者也嘉靖十二年

朝審重囚鉉當秉筆乃對眾攘臂大言曰馮恩欲奏請誅我我今先殺馮恩遂審情真夫刑賞

陛下之大權所謂臣無有作福作威者也假使馮恩罪果應誅是亦

陛下之天討而以為我先殺之則鉉乃專恣無君攬威劫衆從前所未有者也給事中等官葉洪等劾鉉奸佞等事或降其秩或去其官卒無一人得免者甚至刑部郎中賈名儒勘鉉賊吏欲論如法即日出補雲南則鉉乃任情報復傷善

靖寧集卷八

三十一

類從前所未有者也若曰至公無私則

聖明在上清議在朝公道在天下誰得而誣之亦誰得而掩之鉉於諸臣論劾不自引咎顧乃摘為私忿指為偽黨是蓋欲導

陛下追遠言官阻塞言路以自便其無忌憚之為耳昔編修楊名具疏上干

聖怒鉉遂乘機論

奏欲將劾已科道等官斬首以正

國典夫劾鉉科道自鉉視之則為罪自

朝廷視之未必不為忠乃欲斬

朝廷之忠臣以洩私憤鉉無

朝廷久矣自有史冊以來名臣碩輔有導其君以

殺諫臣者乎惟王鳳之於王章則有之矣然非

聖世之所宜聞也

陛下天地含容不卽誅譴今復鼓其餘奸肆為訐構

夫臺諫

陛下之耳目所有論劾莫非為

陛下明目達聰以決壅蔽焉耳諸臣知有

知有

陛下而不知有鉉是故論鉉而無懼鉉知有已而不

知有

陛下是故以諸臣為私忿為偽黨而訐構不已臣任

行人二年入科八月既無恩怨亦寡交游又何

忿何黨而論鉉若是蓋叨

陛下耳目之司誠惡夫奸臣之壅塞佞人之欺蔽是

故列鉉之罪發鉉之奸使不得聾瞽

陛下之視聽以播其惡於天下耳至其事之有無罪

之輕重

聖明

聖斷鑑空衡平無所於逃諸臣何與焉鉉亦何與焉

鉉乃妄為辯訐欲

陛下為之考驗參詳以施

乾斷則是臺省為聚訟之地科道為構訟之官彼此

株連動相劫制元凶極惡誰復敢言

君門萬里何由聞見於是罔

上行私欺

君誤

國之臣始得竊

榮寵以終身鼓威福以恣惡

陛下何以大中興之治天下何以蒙至治之澤哉伏

望

皇上大奮乾剛俯從輿論將汪鉉竄逐勿疑更選公

忠清亮人望所屬天下第一流用秉銓衡則大

奸去而羣陰屏伏正人進而眾賢和

朝中興之治有賴太平之基在是矣臣干冒

天威不勝殞越之至謹題請

旨

嘉靖十四年九月

日

條議

蘇州府常熟縣清理田糧或問有引

方汝弼之清查也流民下戶延頸其成而豪右之徒百計撓沮士大夫惑於其說有樂安靜憚更張來言不便者既隨事揆法據理以應之矣恐夫人之不能盡知也謹列如左嗚呼求吾言而不順不盡不實也乃可以病清查焉耳

或問丈量之法昔行之三年而未就今行之三月而

補山文集卷八

六

遽成得無有遺奸乎某曰昔官與之量故日不暇給遂致叢脞今人自為量而官為抽覈其勢易舉覆覈每出不意則人不敢欺懲奸必嚴且信則弊不敢匿既覈既懲發冊遍改人將自新而又知覆覈之更將及也則欺隱自無所容况揭圖刻示奸弊易知訐告懸賞人人得舉即有遺奸亦自不能遁矣

或問牽耗之法於

祖宗原額無礙乎某曰額糧

祖宗舊制升合不可

變動耗糧則隨會計轉移往年會計五斗六斗田不加耗三斗四斗田多派金花銀益亦因其重而假此以輕之耳但奸書百弊冒濫不可窮詰故為此牽攤之法大抵重糧得金花而減輕糧得耗米而增與往年會計大略相同此法較精密畫一人不能為奸耳

或問高低鄉牽耗為二則所以分肥瘠也恐田之肥瘠非二則所能盡某曰恐高低不足以盡之故有極高極低之辨恐極高極低不足以盡之故有平

補山文集卷八

七

瘦極瘦之辨牽則雖同算田實異異以合土俗之宜同以革里書之弊

或問豪民黠役寧無以高為低以肥為瘦者乎某曰清量之際蓋嘗躬行阡陌固已得其槩矣又集糧里圖圩以公舉之又委耆民以覆勘之又諭業主以告訐之乃稽之冊叅之衆以明斷之有不服者責發臨壇以再覈之然後親著之籍以高之下之肥之瘠之蓋亦至再至三不遺餘力矣其有未盡之弊如所云云者殆千百之十一耳不猶愈於向

之豪古有田無糧而小民包賠械繫流離困苦遺害無窮者乎

或問牽耗之法欲其畫一可守也今田糧則例自三升至三斗五升凡八等自高低鄉平田與夫極高極低平瘦極瘦亦八等又安知弊端不由此而起也某曰稅有八等皆有定號刻之石著之書有目熟之地重額皆歲熟倍收之田圩段分明號數別白刻之石著之書有目者庶共見也將誰欺乎或問板積荒田其未久矣今何開墾之多若是且何

布山志卷八

八

以必知三年之後能盡開墾也某曰荒田有水深草結終不能開墾者已作灘蕩輕額科租矣此外皆良田也其人偶爾逃絕則坐書乘機增畝裝糧有至數倍其原額者一有人佃種則數年數倍糧蓋皆責乏是以荒者常荒永無開墾之望今照田則以科其租牽田耗以減其糧又給帖免其三年糧差則人何苦而不告佃雖然人皆習見往年佃種賠納之累尚有將信將疑逡巡觀望者今年告佃者果免其糧差矣廣收厚獲而無粒米之費人

將爭相告佃惟恐後時何者利之所在固其趨也蓋不待三年而野無曠土理則然矣

或問金花銀每兩往年准平米四石今均入折銀項下每兩止准二石何也某曰金花銀比舊每兩減米二石蓋已於會計總內除之故往年會計共該平米四十八萬有零今止該平米四十一萬六千有零是無四石之名有四石之實矣今年會計見徵平米四十二萬一千有零者蓋召佃荒田未經起科故暫為加耗以抵其數耳

布山志卷八

九

或問逃絕有遺糧變賣有存糧獎數訟端蓋有紛紛數十年而不能解脫者今下無執訟上無勘免乃能使里無遺戶而戶無存糧何也某曰糧起於田而歸於戶田坵難隱戶冊可移向者求糧於戶故有遺有存莫為開除終當賠補今求糧於田凡有田則有糧無田則無糧田多則糧多田少則糧少是故向之遺且存於戶者不待開除又何須執訟何須勘免哉

或問冊江冊湖冒規頗多真偽難辨今何法以清查

之某曰凡真冊者必無田者也規冊者必有田者也即今照田查糧無田者糧自不及有田者糧必不免又何必曰其真其偽而後謂之清查哉

或問山池海沙畝租一斗不以輕乎某曰山池海沙

地利原薄古者聖人不窮山海之利今寬一分蓋

使欲麓山而居濱海而處者受一分之賜不盡利

以遺民也況山地非平土沙息在海中

安得比於平田哉

或問倉城基米舊積比倉今入會計且倉基城基反

其舊額何也某曰比倉之積徒為奸人侵匿之資

市志卷八

十

會計之入實減通縣耗糧之數其為利獎自是較

然又倉基僻而間架狹稅宜稍輕舊乃重之城基

要而間架寬今乃輕之今以倉基之重移於城基

庶多寡各適其宜矣

或問城中基地不科糧何也某曰城市之民有事必

先執役與鄉村之民不同自周文襄時業已優之

故今不得復稅之蓋既已供役於市廛自不得復

加於田賦也

或問菱蘆水中微利亦科蕩糧求利不以盡乎某曰

蕩糧自

祖宗來蓋已有之孰敢盡去其額况本縣湖蕩菱蘆

魚蟹之利頗多今畝租止於三升又通分三等上

者寬步中者倍之下再倍之蓋輕之輕者若無矣

蘆雖有魚蟹例不及稅夫何求利之盡之有

或問清查之後蓋有昔糧重而今輕昔田少而今多

者賣主告贖勢所不免上下紛然為之奈何某曰

亦有昔糧輕而今重昔田多而今少者則若之何

買賣既定百年不易輕重多寡各隨所遇耳前已

市志卷八

十一

出示禁約蓋所以定民心一號令而杜爭訟之端

也

或問南宋時嘗度田矣有為詩以譏之者曰一寸江

南一寸田下除滄海上除天今日之舉何以異此

某曰南宋封疆限在一隅力求羨餘故當時檢括

志在加賦所謂損下益上損民而國因以損者也

我朝區宇環薄四海不求羨餘故今日清查志

在平賦所謂裒多益寡益民而國因以益者也

烏可向口語哉

或問清查田糧乃朝廷之洪恩小民之深幸而或者猶有異議何也某曰古今天下無全利之事利於此必不利於彼凡今清查之舉所甚便者五所甚不便者二產去糧存追陪械繫昔許訟累年而未脫今不勞片紙而悉除此其所甚便者一也逃絕拋荒糧遺在圖昔有派徵之擾今無賠補之累此其所甚便者二也荒糧太重居民鮮少昔糧長包賠雖巨室不能充其役而今中人之家皆可以無患此其所甚便者三也斗則太多奸書飛詭昔

市山集卷八

十二

糧數混淆雖智者不能窮其弊而今五尺之童皆莫能相欺此其所甚便者四也昔賣買之際田糧改額遺累無窮執訟不已今田有定號糧有定則展卷在目彼此無奸富貧兩益此其所甚便者五也昔豪右之田有租無糧今田皆起科則奪其世享之利矣此其所甚不便者一也昔豪右之糧有輕無重今糧皆均平則拂其專利之心矣此其不便者二也夫天下之事便者千而不便者十則千無言而十者騰議况夫豪右之人其勢足以撼動

官府其力足以驅扇小民且欲陰壞其法則必陽爲他說以懾制上下自非任事者卓立而不搖改當而無懼其何以宣布國恩均平政典立萬世之業救萬民之命哉

餘干縣造冊事宜

照得造冊以上界實在爲主以本管親供爲據屢界雖有親供其間丁糧多有不實書手不得行改正既有改正之權則增減那移花分埋沒諸弊紛然雜出致難窮究版冊不清職此之由夫各本管所轄多

市山集卷八

十三

則十戶少則五六戶其丁糧皆所素知况近例以里徵甲虛糧虛丁責令賠贖則其利害尤爲至切今欲版冊之清莫如責在本管合行示仰通縣隅都十年黃冊本管備將本戶并本甲大小人戶丁口稅糧各戶開列舊管新收開除實在照依刊刻式樣成造甲冊一樣二本送縣另選人役後堂查對彼此收付如有情弊即拿二圖黃冊并買主賣主究問治罪改正相同用印鈐記一本留縣備照一本給發該書不用合掌悉照甲冊收付類造圖冊一樣四本送縣再發

後堂查對流算如有收付不同總撤各異等獎即拿
經造書算究問治罪改正以憑印鈐解繳所有合什
條件開具于後仰各遵奉施行如有故違決擬重罪
枷號示衆須至示者

一舊管 先界實在爲今界舊管有等書算私自洗
改以致隱漏今選無礙能算之人卦閉後堂將前
界實在項下查算總數相同備將戶總甲總圖總
造冊一本收貯待甲冊造完之日比對各戶各甲
原總如有或少即係隱漏黃冊人戶俱坐重罪

黃冊人戶俱坐重罪

五

一改正 先冊有埋沒虛蕩等獎已經陞任知縣王
查出者本縣照數抄謄發各里長分散各黃冊改
正填註新收項下其有花分詭寄等弊未經查出
者許前界書手與今界黃冊及座戶和同改歸原
戶新收項下其有夾糧許投櫃告明查果有收無
付批發本管明註開除項下不許以解夾爲名將
未收糧稅擅自開除如違者從重問擬枷號
一收付 甲冊收付止憑原契不許黃冊擅自增減
國冊收付止憑甲冊不許書手擅自增減倘有減

減虛糧情獎許賣主自行告理違者重罪

一絕戶 若逃絕之後復有推收即係書手飛漏許
各黃冊開數投櫃以憑揭冊對查查令收回若果
係逃絕之糧必有田地基址即開田地若干基址
若干見今何人管業即令管業之人收糧歸戶如
無管業之人本管即行收糧管業如係原額虛糧
許本管查出甲下欺隱不納糧及開墾不墾科田
地抵補與倒原戶如無抵補本管賠贖亦不許將
茅岡湖灘多荒少熟之地妄報抵補

茅岡湖灘多荒少熟之地妄報抵補

五

一軍戶 甲內有軍戶者務要明白開寫充軍年月
緣由并改調事故勾補等項明白不許朦朧泛略
致難稽考如有匠戶亦要明開違者重罪

一虛丁 上界書手有科索貧民不遂輒加虛丁累
害者本管於甲冊內從實開除却查各戶未報餘
丁補足原數若有虛丁而不除與無餘丁而妄報
坐罪本管仍責賠贖本丁徭差其各戶俱要見在
人丁立戶不許襲用已死老名違者重罪
一說寄 各本管將本戶及人戶稅糧從實開造不

許通同將稅糧現立子戶女戶寄庄戶或詭入他人之戶或軍匠頂冒各戶違者本管人戶各擬重罪如果係別縣寄庄許明白開入各甲照產應役不許總造圖冊之後仍復那移躲閃違者治罪

一頂補 黃冊有消乏者許於本圖百戶之內指名告出丁糧最多者審實頂替未至消乏者不許混告其有本甲甲戶太少者許指名告出本圖畸零人戶或別圖各甲甲戶十名之外者審實量行撥補

神中書卷八

十一

一分戶 民戶有合烟太多糧差不便情願分析者許令本甲分戶編充正管甲首軍匠不許

一減畝 小民賣田太戶勒減畝分遺墮虛糧者聽令私自和解改正收付如執不改正許令告發丈量得實照畝追價并週年花利及賠過稅糧仍坐以應得罪名若本無減畝而賣主誣告索要推收過割財物者重治枷號

一查獎 書手將田糧或有推無收或已收未付及埋沒飛灑以致錢糧不清今冊造完之日別選無

礙能算之人封閉後堂將正冊分派逐一穿對查出前獎即將書手問擬重罪改歸實在扣換正冊四本內抽一本備照餘者解繳以杜駁冊

一糧總 有等書手通同將田糧架空付出新收項下撒多總少開除項下撒少總多以致錢糧不清今冊造完之日亦令無礙能算之人後堂磨算務要戶總合甲總甲總合圖總圖總合都總都總合縣總仍將實在稅糧合成區總造冊貯庫每年則派倉分出給由帖以便徵解

神中書卷八

廿

一甘結 本管造甲冊即具不致將本甲丁糧增減埋沒飛灑詭寄等項結狀書手造圖冊即具不致將本圖丁糧增減埋沒飛灑詭寄結狀後堂查冊人等即具不致扶同作弊及故增故減等項結狀粘連所造所查冊前一葉以便查考仍將造冊人役姓名刊成小書頒布人戶如有弊端便於舉告

揭上軍門

一節制 海寇之來我軍往往失利者見賊而退故也間有三二驍勇先登陷陣而後者不繼勢孤力

竭橫羅鋒刃深可痛惜今欲勝賊必使我軍不退
昔岳武穆之兵百戰百勝求其故則撼山易撼岳
家軍難也今日之軍望風而靡其故何哉今之法
曰衝鋒者必賞退縮者必誅然衝鋒而無應援必
死於賊退縮者衆勢必不能盡誅是力戰者必無
生而奔潰者未必死又何惑乎其見賊輒退也欲
我軍不退必先嚴節制古者制兵五人爲伍五伍
二十五人爲兩一伍五人居前二伍十人分左右
次之又二伍十人分左右又次之每伍相去十步
則疎而可展每臨陣首伍先登左右二伍繼之次
左右二伍又繼之如首伍一人先登而四人不繼
則斬四人首伍五人先登而左右十人不繼則斬
十人如此則進有可生之路退爲必死之地先登
者不敢不登後繼者不敢不繼况先登者有後繼
者之援後繼者又有後繼者援之如身運而臂從
臂運而指應千百人如一人其心自固其勢自盛
其氣自倍矣然必先時教練臨時應用否則不特
而戰是棄之矣

一設奇 有正兵不可無奇兵必先選敢死之士分
爲數隊埋伏他處賊方與我交鋒而伏兵四起或
出其左或出其右或繞其後彼此夾擊賊倉皇失
措勢必潰亂不可復支或謂我軍素怯莫肯爲伏
練在平日用在臨時聞命而不趨及趨命而不勇
者處以軍法則孰敢不用命哉賊每以覆覆我我
軍往往爲其所乘今將何以待之臨賊交鋒四面
爲陣先事預防卒有衝突我不爲動彼計無所施
矣

一用謀 兵貴用謀兵法多算勝少算不勝今之事
勢有可算而謀者賊每出巢穴必虛虛可謀也賊
每得志必縱酒色而酣睡睡可謀也賊回必擄吾
氏載送載送可謀也吾民脅從者多不得已其心
不固不固可謀也賊既滿載各欲自爲前後不相
顧不顧可謀也賊屢勝而驕驕可謀也賊雖多實
無統領其勢散漫散漫可謀也乘其機會因其勢
而利導之皆致勝之道也

一選鋒 兵無選鋒曰北今各處客兵及本處水兵

不無驍勇出羣者必須另立賞格精選數百人拔其尤驍勇者為頭目或正兵衝鋒或奇兵埋伏其節制人人奮勇必立奇功

一御將 三軍之命懸於一將將必奮不顧身親臨行陣指揮三軍或前或後或分或合或起或伏或為畏縮退避或賞以令或斬以徇則人孰不奮發哉昨金山衛之戰惟凡氏奮勇陷陣故頗有斬獲而其兵亦不甚損使諸將皆然何憂不勝若兵不知將之遠近將不知兵之後先漫無紀律安得不敗

一正法 天下之至嚴者莫如軍法軍旅主威兵凶戰危苟非厲法以驅之孰肯以其父母妻子所仰賴之身而效命於干戈劍戟之叢哉是故威行法令則將無逗留兵無潰亂謀則必克可以擣巢穴可以殲種類禍亂不足平而吾民有更生之望矣今日之患正在將無紀律兵無節制不設奇不用謀不選鋒不正法故也率是行之雖合天下之兵決無取勝之理又聞賊中走回者言柘林之寇擇於五月

初十日開洋九月間大舉復至矣今大兵四集莫敢誰何志得意滿宴然而出安得不大舉安得不復來哉恐其為害不止今日而已興言及此寢食俱廢惟執事急圖之以救地方將來無窮之患幸甚幸甚

禦寇管見凡十款

一分班伍 古人軍政五人為伍此意最精蓋多則不能相攝少則不能相救也今守城者每班一十一人除班長仍舊總管十人外餘分為二伍每伍選一人為伍長另置一旗左管二人右管二人四人

有違伍長舉發一垛有失五人連坐

一設游兵 居民各守其垛一定不可推移至於隨其緩急往來捍禦非游兵不可必選有膽量有勇力而習於戰鬪者此非居民之所能辦當於勇士民壯中求之每城各設二三十人衣甲銃砲弓弩鎗刀俱要精利遇賊攻城隨處趨擊倘有意外不測即時格鬪此可防緩急備非常也

一防夜攻 晝日攻城易於防守黑夜暗攻難以為備今城上列燈止可照上不能照下各班之燈月明

不須點照。倘黑夜有警，則點燈繫繩懸置城脚之下。衆燈齊照，纖毫畢見，可以破暗攻之謀矣。

一防雨攻。晴日攻城，易於防禦。惟乘天雨，人情懈怠，此賊乘間抵隙之時。尤宜嚴守。守城之人，必備蓑衣箬帽，各班燈籠，上下必蓋油紙懸之城下。然必先時檢閱完備，則臨時不至誤事。若雨久人勸，許令父子兄弟或家人更番代替。

一備坍塌。賊至，倘有坍塌，若不預備，一時不能措手，必先多備熟石灰，匠及將貓竹片預編成排，一遇

祐山集卷八

三

坍塌，先將竹排攔阻，次用游兵銃弩併力捍禦。然後執石等匠衆手齊作，頃刻完固，可以無虞。

一謹盤詰。盤詰奸細，乃守城第一要務。今各門兵快雖有盤詰之名，而無盤詰之實。每日閉門既久，墮積既多，一遇放門，爭擁亂入，縱有奸細，亦何由辨。縱能辨出，彼一時抽刃相加，孰能禦之。宜於各門外離城二三大步，另置木柵，各門兵快一半守門，一半守柵。守柵者先盤詰，然後守門者開放。其水門外亦置水柵，盤詰過，每船各給一籤，然後守門者

驗籤開放。如面生可疑之人，不許縱入。若本地之人，不許攔阻。庶奸細可防，而良民亦甚便矣。

一造甲。古人用兵之道，先自禦而後攻。人今之勇士，身率無甲。一遇鎗箭，即不能支。宜於各人工食內扣除銀兩，官爲置造，或鐵或紙或皮，給以自衛，則遇賊無恐。

一置銃。銃乃守城第一長技。今雖置有邊銃等件，尚未廣宜。多造純鐵小銃，費亦不多。或每人或每伍各給一銃，量給火藥，賊或臨城，各垛之銃一時

祐山集卷八

廿三

震發，賊必披靡，不敢近城矣。

一築箭臺。城上垛間止可望前，不能望左右，亦不能望城脚之下。須於城外靠城，每邊築箭臺二三座，上下左右一望無遺。而銃箭執石便於施用。今海鹽等城俱有之，但本縣築城，人戶賠貲艱苦，令申請錢糧爲之。

一御兵。勇士固有驍勇可用者，然亦有游手之人，謀充及種田之人，陷報者。此等虛費工食，無益於事，必須精選前項驍勇充役。然驍勇之人，易於生事，

不可不嚴為之防。必須詳明戒諭。密切查訪。懲一警百。凡勇士之船。或紅或黑。不與眾船相同。仍於船頭及稍。大書管船勇士姓名。倘有被害者。得以指名陳告。

守城事宜

一各門雖有官管。但所管地遠。往往官未督。整官過。即解乞選知事老人。每名派管三四班。事有專責。情易達。法易行。較之泛然無統攝者。相去遠矣。

一城垛安卓止容一人。弓弩銃砲等役。難以竝用。亦

且不穩。今宜用大板作連長大檣。每條橫過三四

垛。務要既堅且穩。以便施展。

一水兵既收入城。宜分派各城門。併各敵臺。各用原

領弓弩銃砲等器。分地防禦。彼處有警。此處勿得

撒動。賊雖四面攻圍。吾有備無患矣。

一弩手銃手。雖已教習。亦尚恨少。宜多選水兵民壯。

分派各弩手等役。一人教十十人。教百限日操。

試。以行賞罰。傳教既廣。習演既精。分布各垛。可保

無虞。

小室

敵臺之設。甚便守禦。但其間多有離遠。瞭望不及者。更宜添設每臺定一頭目。專主其事。庶無疎失。一居民守城晝夜不息。甚為勞苦。其間有貧無小戶。生意斷絕。實難支持。必須多方處置。給燭之外。時量給糧米。

一每門預辦甄灰等料。及預置木垛四五座。大竹牌四五塊。倘賊臨城。城有坍塌處。即率弩銃等手。向小持滿。乃下木垛。大竹牌遮蔽。即用甄灰工匠。衆一齊作。庶可無虞。然預預備。恐臨時取辦不及。

古文集卷八

十五

一每門各設游兵二隊。左右分行巡警。各定界限。無地近而緩急。易相應援。

一滾木最為得用。須用鐵丁。鑄成大木。如圓造城。但

備無有空隙。兩頭繫索。放下可滾。

一賊臨城。或城內偶燃火。賊必驚。急於奔。各處

各處。四顧。諭。民。謹。慎。火。燭。倘。偶。遇。此。囑。令。勿。動。

祐山鴻先生文集卷之九

揭帖書

均田揭帖

為嚴考覈以蘇民困事近本縣加減稅糧之議紛
紛未定昨進謁臺下辱拳拳下問愧未能仰承盛德
也思之終夜似有一得之愚皆鑿鑿可行非空言無
補者請為臺下陳之昔年趙公祖均糧誠為畫一之
規但東十九都二十都地頗高阜當時議減其額東
區者二畝折一畝西區者三畝折二畝西區之地種
稻者十之七八種荳者十之二三折畝減稅無可再
議東區之地種稻者十之二三種荳者十之七八種
荳之地又有上中下三等下者荳租不過三斗二畝
所入不過六斗連年海寇侵擾人民逃散或無荳可
收止種荳數十束賣銀七八分而已其為苦楚尤當
憐恤前年九都加糧減二都東區之糧一千餘石若
盡數派與下地則貧民得沾實惠矣乃與種稻地併
上中地一樂派之是以九都之脂膏雖割而下地之
疾苦未蘇既又有地在東區而戶在九都無折畝之

則是地一畝作田一畝其苦為尤甚矣又有地在
九都而戶在東區亦在二畝折一畝之例則是糧田
一畝而納半畝之糧今又從而減之斯二者何其苦
樂不均之甚也今之議者曰若區分類別非數年不
可成若照冊加減則一布算之間頃刻可就誠為易
簡但由前三者則上下之休戚矛盾由後三者則彼
此之苦樂天淵此又民之父母之所不能不加之意
者也今欲行分別之法而求易簡之道由後二者蓋
嘗得其說而面陳之矣地在東區而戶在九都者聽
其明開其地坐落地名四至及某人賣與某年收冊
首告取各里邇不扶甘結弔查嘉靖十年二十年黃
冊推收明白者一例減糧夫自告一地無難也各里
遍執結各圖之地無難也對查在庫之黃冊無難也
旬日而事畢矣其戶在東區而地在各都者諒其不
肯自肯也徑登嘉靖十年二十年黃冊東區收來各
都之數以收來各都之數補推去各都之則二者皆
得其平不必割左股之肉以濟右股之饑而貧民垂
死之命可延旬日而事集矣唯由前三者之說昨面

承清問卒未有以對也歸而東區之人來見者問之曰東區之地種稻者不多皆近大河及支河者離大河支河二百步內而種荳者則為上地離河四百步內而種荳者則為中地離河四百步外而種荳及樵柴者則為下地其言有理乃思昨日所述東人自首之言為有據矣如某人東區地若干明開種稻地若干無則開離河二百步地若干離河四百步地若干離河四百步外地若干自行首告取各里遍不扶甘結縱不能盡得其實也不猶愈於朦朧了事一無分

市上集卷九

三十一

別者乎亦旬日而事集矣夫旬日而事集與夫頃刻而成功者遲速不甚相遠也而所減不謬所加不多合人情宜立俗則所得不啻倍蓰矣然查黃冊也其事貴密事不密則機洩而弊生示自首也其令貴嚴令不嚴則人玩而偽滋而其行之也貴斷採至公之論而不搖於羣議行之斷然以救東區下地之民及地在東區之民所謂減則必減加則輕加者用此道也伏乞臺下諒其心之無私度其言之可信而斟酌行之則幸甚幸甚

為留盧參將與軍門書

敝邑不幸屢遭寇難仰荷臺下選將調兵築城開河防禦之略擒勦之宜纖悉具備數月以來倭奴不敢犯界居民得保室家雖盧參將折衝禦侮之功實臺下大造生靈之德也昨聞巡按直隸監察御史具題欲令盧參將兼管華亭上海等處夫華亭上海與乍浦相去頗遠乍浦平潮之門戶海鹽之咽喉浙西一帶之藩屏也若提兵遠出未免顧彼失此賊或乘虛直搗數十萬生靈之命真可為痛哭流涕

市上集卷九

四十一

者也况一將官而兩處撫按調發不同勢必掣肘又新任浙西張參將今已患病回籍水陸官軍之責萃於盧之一身雖其才智有餘經略素定能保浙西數郡之地亦可以為難矣又豈能棄職守離信地越首過郡舍已田而耘人之田其勢決難兩全况蘇松自有湯總兵督領大軍隨宜戰守若猶以為未足自宜別選良將或添設副裨以壯軍威以殲醜類亦無難者豈必一人兼攝兩地無成然後為上策耶此猶猛虎扣扉將噬其子而其鄰方拉其父以救他人之子

他人之子未必能救而其子已為齏粉矣軍機民命關係非輕轉移之機在臺下一舉手間耳情急辭迫干冒尊嚴不罪幸甚幸甚

與陸東湖書

近年海寇之患浙西為慘嘉興為甚而平湖為尤甚蓋寇自南來則十七二十等都被害寇自北來則二十三四等都被害寇自東西來則十九二十一等都被害其害東西南北無不被殘傷之地無不被荼毒之民然向猶去來無定出沒無常也今則盤據上

未補遺集卷九

五

海柘林地方以為巢穴嘯聚日眾室廬鮮比貨貨山積搶男為奴擄女為妻為經久之計去平湖東北境不及五十里乃其往來必由要害之地更出迭入無時休息前載方回後舟復至所在釐人貲財燒燬廢舍淫人妻女擄歸巢穴夫不能保其妻父不能顧其子幸則奔散流離不幸則橫罹鋒刃冤苦萬狀控訴何由雖本縣劉父母盡心經理竭力保障然內無錢糧外無兵將孤城絕援勢豈能久况本縣今年自四五等月亢陽為虐濱港絕流禾苗枯槁所餘無幾今

值秋成復遭此難民將何以為生若不及今殄滅延至來年三四月民必不敢歸耕生理斷絕勢必從亂蓋此寇聚大眾擁鉅貲愚民無知苟圖朝夕今日之赤子未必不為他日之寇讎徒黨愈眾則撲滅愈難又近日此賊分黨由本縣而出一枝南犯杭州一枝西犯湖州浙西乃財賦淵藪朝廷根本之地今若此豈可不為之寒心哉况浙中諸將智勇可觀功勳頗著如俞大猷湯克寬盧鏜輩輒已移之直隸矣舉目滔滔誰可恃者仰惟臺下功多

未補遺集卷九

六

宗社望重鄉邦為國家之遠慮則浙西之關係為大為桑梓之微情則平湖之拯救為急選一偏將以據要害則平湖可救選一大將以擣巢穴則浙西可保然有將無兵將將何施有兵無糧兵將何賴浙西荒旱殘傷之際民財耗竭兵力柔脆乞議或給發運司關稅銀兩或截留本省起運錢糧以資軍餉或調發閩廣雲貴遼東精銳或召募各處沿海丁壯以助兵威庶軍資可足將才可展而吾民有更生之望若上下玩愒日甚一日浙西之地將盡為盜賊之區天

下之事蓋不止昔人所為痛哭流涕而已又本府劉太守殫心軍務悉慮民隱今又秩久當遷伏乞勿移他處仍於浙西遷轉必得仁明練達如劉者以代其任庶上下相安軍民兩利豈直平湖一邑嘉興一郡之益哉夫嘉興乃浙西之藩屏平湖乃嘉興之門戶救平湖乃所以救浙西為桑梓亦所以為國家也剥膚燎眉情懇甚切千里一言披宣罔盡

上軍門揭帖請救兵

呈稟為海寇猖獗荼毒生民孤城絕援危在旦夕十

分緊急事

分

蘇松杭嘉等府所在殺擄燒劫不忍見聞平湖濱海被害尤甚上年五月攻入乍浦城進逼縣治生民荼毒苦不可言仰蒙軍門都御史王分守道潘分巡道姜督同本府劉知府及署縣事殷推官築城開浦調兵給餉經營防守幸獲稍安今年四月海寇復至本縣廣陳鎮白沙灣等處蒙兵備道陳督同本縣劉知縣及盧參將劉把總等擒勦暫寧即今十月二十六日海寇猝至本縣二十四都等處放火劫

殺至二十九日合羣黨一千餘人奄至本縣東湖口放火攻城勢甚猖獗劉知縣督率鄉兵居民人等奮力守禦弓弩齊發銳砲連擊當殺倭賊數人次日復督鄉兵斬獲首級三顆賊眾稍退數日復集羣黨分布四郊搶劫財物燒毀室廬殺害居民驅捉男婦本縣四鄉無處不到今之海寇真正倭奴饒百中之二三餘皆漳州蕭山松江等處之人見聚華亭柘林地方列屋分廬備物利用搶掠為奴搶女為妻以為經久之計去縣治不及百里嘉善嘉興俱由此進本縣二十四等都乃其往來必由之路擄掠運送更出迭入無有窮已虐斃掀天哭聲震野況內無錢糧外無兵將孤城獨守勢豈能支百旦生靈命懸朝夕若不急請救援恐至蕩無噍類況本縣自四五等月亢陽為虐浜港絕流禾苗枯槁所餘無幾今值秋成復遭燒劫所過之地靡有孑遺伏乞體念生民塗炭急遣良將精兵星馳拯救併議賑濟一竭危庶目前之禍猶或可救而終歲之計亦有攸生生死存亡在此一舉為此激切懇請

揭縣轉達軍門 爲留鄉兵

揭爲懇乞洪恩救拔危城民命事本縣南距大海二十七里北距柘林七十六里若寇自南來一刻可到寇自北來半夜可到本縣原無衛所屢請官軍暫來復去况非本縣所轄難於控御止賴本地鄉兵支吾防守近蒙軍門調去鄉兵三百名闔境憂惶如失手足思得本縣居民上宜守塚至於執戈矛發弓弩擊銃砲以防衝突以禦攀登雖罄鄉兵猶慮弗克况可分調久出又四方哨探四境巡邏晝夜紛紜舉非鄉

揭山文集卷九

九

兵不足供役今蒙調發境內空虛一旦賊臨孰與爲守數萬生靈之命坐付鋒刃崇德之事言之痛心刻骨可爲明鑒者也况崇德深居腹裏本縣近接海隅勢尤孤危禍尤迫切伏望明臺推天地父母之洪恩念天地父母之赤子特賜申達發回原調鄉兵以救民命爲此激切具揭須至揭者

禮書送錢海石

世嘗謂古今人不相及豈誠不相及哉風俗之變則然耳愚謂世有古今人無古今使今人而生古之世

則榛榛狉狉與化相忘誰則不古而今則鑿淳敦朴日浮月滿自非至人邁世孰能挽時救弊祛厥浮滿以還淳朴哉仰惟執事黃唐其心義文其道在朝廷則昌言之臯禹在山林則洗耳之巢由是誠邁迹方今而游心太古者也昨承翰教小兒姻事謂情貴朴實若鷄鵠猪羊果餅之類一切屏去仰見執事居今之世而心古人之心竹古人之道非所謂至人邁世者哉孔子曰先進於禮樂野人也後進於禮樂君子也如用之則吾從先進夫唐虞承太古之朴而

揭山文集卷九

十

三代損益之夏以忠商以質至於周周公制禮作樂而文備先進之禮樂固周公之禮樂而猶謂之野人則周末文勝之弊耳孔子從先進蓋傷夫文勝之弊而從其備文者也然而又曰奢則不孫儉則固與其不孫也寧固固陋也孔子豈故欲率天下於陋哉傷時揀俗蓋亦有其不得已焉耳今世之文視周末文甚矣執事所謂一切屏去者即孔子傷時揀俗之心而又甚焉者也夫寧固之教乃聖人矯世之權而先進之從實聖人大中之準來教又曰禮從先進素王

所志夫固志夫聖人大中之道而奢與儉皆非聖人之所安也僕也學聖人之道有年矣而又數承教於執事故不避野人之譏而從先進之禮傳曰玉帛禽鳥以章物也榛栗棗修以告虔也古之人皆用之吾何爲獨不然此非獨僕意也固執事意也固吾聖人意也至於世俗華靡則吾豈敢

荅楊漢溪書

久別懷仰爲勞恭聞執事宦履清嘉聲譽孔著官無崇卑得意處爲安盡職處爲賢耳吾邑游園學謁選

清江集卷九

十一

天曹者甚衆如執事得清銜善地者幾人哉昔人謂一命之士苟存心於利物於人必有所濟執事倘一加意即可以行平生之志矣親與之私曷勝慰望僕遭荒歉之後幸連遇豐熟公輸之外頗可自贍小園清暇撫花竹觀魚鳥頗可自適時時課兒輩讀書作文見有長進處亦輒自喜山林之樂真不減黃扉青瑣時也執事宜情孔棘方進未之不知何時歸來與區區同享此樂耳不勝翫望不勝翫望

與曹龍田掌科書

久不通問甚爲懸想邇來曾有建白否若幾會未可不妨少待吾輩陳言務求上有益於宗社下有益於生民切不可先有沽名之意亦不可苟且了事而已慎之慎之

荅沈鈞主書

憶昔常熟投交太倉繼好久之鱗鴻未申尺素乃辱雲箋俯臨泉石原冠一篇憂國憂民藹然言表但言過切直恐爲時輩所忌君子危行言孫非以言爲諱也龍蛇不蟄則不伸此僕之所以拳拳注望於執事

清江集卷九

十二

者也方今天下多事萬惟實愛以福國民幸甚

與俞九湖書

恭臺高登黃甲不負平生於吾門牆甚有光也欣慰欣慰即今京中風俗奢侈物貴用奢交多費廣旅邸日長後將難繼宜即時撙節以爲善後之圖大抵縉紳中不以豪侈爲美而以清淡爲高雖今時勢不同然畢竟公論不泯也必使人人知吾清淡則雖儉而不以爲慢雖簡而不以爲疎雖貧而不爲吾身之累以後功名事業從此發軔亦無所用而不宜矣此言

甚切目下之用而久久不變人將目之曰此清淡人也凡事不備責不厚望終身受用端在此矣九湖素誠篤平目虛心決不以此言為嫌故特披肝膽奉告惟照亮幸幸

與大兒敏功書

吾兒既登黃甲是官皆可做不必更著一分意思此意居常論講在汝知之熟矣功名遲速顯晦俱是定數非人力所能為者吾鄉孫蜃川自筮仕以至於今未嘗有一毫着意而官獨尊顯趙上華告就南部不

祐山文集卷九

三

求速達積久而遷廣西謝病歸田此二公者雖顯晦殊方而守義安命則其致一也此皆吾鄉之表表汝之所當取法者也汝祖為官一生聽命全無機心汝父但知盡已之職在內不附權要以為援在外不徇撫按以求薦此吾家法汝之所當世守者也大抵功名但當行所無事聽其自然得失有命彼分外之求徒自營營耳縱使官以營顯公論必忌之而甘守遲滯公論必惜之夫惜與忌也而究竟其利害又自有不可相比者況終身事業俱在始進當斷自己心切

不可隨流也念之念之汝或選館則合下清高終當

顯要或部屬則不須俯仰積久而進或作州縣則才可展布惠可及民三者俱無不可但聽其自至耳此言正與時格不同其寔老成之見正大之言終有受用又汝文學治才俱不落人後然不可露才揚己使人有嫉妬之心朋儕中不無厚薄然眾人相會時顏色顧盼俱要相及不可止觀其所厚而盡棄其所薄蓋既在仕途便不可使之有所不足於我也此二者尤當切記切記所議均徭便民事縣中已付我家雖每年出銀二百兩然通縣之人富者有補費貧者無力差萬人之福萬年之利也可為一快本縣賑濟我家出米二百石俱春白送納貧民得沾實惠矣家中大小俱各平安

與楊見山書

別來准擬南宮大捷不意世無伯樂千里徒淹為之悵悵喜天曹簡刺滄州滄名州也以執事洪才治此必得令譽內轉可得副郎外轉可得僉憲雲程方進未已也居官三事所謂清慎勤者朝夕在念當必有

祐山文集卷九

四

濟藏脩二十年見之行事此其時矣千里一言肺腑
真切

與陸仲鶴書

恭喜甲科高捷平生志願可酬胃中抱負可展親交
之末曷勝慶慰嘗謂士君子立身天地間文章德行
功業耳今執事以文章進身青燈黃卷殫精勞思可
無負矣居常見執事立心制行施之家庭達之鄰里
鄉黨之間曲盡人情允協天理雖聖門德行之科何
以加此舉而措之天下則經綸事業無難爲者僕於
執事殆拳拳有深望焉辱素知愛敢以進言唯執事
亮之

東嘉興尹辭脩塘碑

生前拜祈府尊回見沿路塘岸坍塌橋梁圯壞念往
來之人有病涉之苦故爲修葺之圖乃惻隱之心施
於聞見之所及非有禦大災捍大患有大功德於民
者適見鈞判衆所欲以此事爲生立碑具呈不覺汗
流浹背慚愧不能自己念生叨舉進士歷中外七仕
一十五年上之不能樹勳於國下之不能遺愛於民

今山居暮景乃以此區區瑣屑之事自見有負平生
甚矣揣已捫心不勝惶愧此言出自肺腑惟臺下高
明可以此言告伏希特相體亮曉諭諸人停止其事
乃見相知相愛之深也

勸張見山戒怒書

論知尊惡將痊不勝慶幸但古人謂病加於小愈方
其病也人人皆知慎之至小愈則不能慎者多矣七
情五脉更相侮弄相賊相戕人非金石何以堪之然
七情惟怒最不易制五脉唯肝最不易調蓋肝主怒

清江先生集卷九

七

怒雖難制而每每受制於一忍忍之所以能制怒者
乃在吾之一心見山亦反而求之心乎忍與不忍死
生利害一大關鍵也唯翁全福遐壽方興未艾倘不
以僕言爲迂每存一忍渾然相忘於無事則翁壽無
疆而僕拳拳縷縷之心亦不孤矣

請胥峯陪雲居僧游東湖

蒙薦高僧儼然佛印後身也謹屈公爲黃太史臧舟
奉候東湖不下赤壁矣愧僕不敢當東坡耳

禮書送趙夢湖

禮謹大婚嘉事必先於納采詩嚴正始令德尤慎於
好選惟茲二姓之姻實係百年之重恭惟華胤仰承
宋代之宗俯念寒門遠紹陽侯之裔蟬聯科第既隨
三世之餘波襲附絲蘿幸托五傳之餘慶等親家名
門宗子首省元英日月近宮牆萃此湖山之秀文章
煥斗斗翹然麟鳳之先乃惟令愛婉孌克閑於姆訓
已工容言德之攸聞弱孫童稚尚歉於師傳愧禮樂
詩書之未逮幸從月下之約事脩閨內之儀足係赤
繩乃五百年之前定懽牽紅線先三七吉而預申爰
需婚媾之求夙諧父母之願但山林川澤愧疎物產
之宜而筐篚玄纁漸乏幣將之敬仰祈台鑒匪儀不
及物也乃物不及儀言念私懷匪今以為好也實永
以為好無任惶恐企仰之至

祐山馮先生文集卷之十

七

祐山馮先生文集卷之十

雜說

青雲接手

余業師丁一匏先生文華吾庠風學士也嘉靖乙酉
提學進賢萬公至嘉興考科舉余與一匏同入試一
匏倉遽中忽謂余曰倘坐相近試題為我一講余但
唯唯未解其意然坐竟不相近終日不得交一語試
畢余問其故一匏云吾甥吳恪者昨夢汝至吾家汝
上座吾下座吾與汝俱變為虎咆哮跳踴者久之復
為人吾送汝出門汝乘青雲上升吾翹首望之汝引
手下接吾亦得至青雲端意者此考或得汝力也及
出案余居首一匏竟不與余謂此夢特孟浪耳後一
匏以年資應貢適新例超選鬱鬱不得意者屢矣比
因衰年自分永棄無復仕進之想後數年余舉進士
座主莆田林退齋先生雲同擢余為本房首卷甚見
愛厚因閱余所從學以一匏對未幾退齋奉勅督
學吾浙因憶余言一匏乃得謂選天曹典教宜與者
三年余第在壬辰然乙酉之考已為之兆而一匏仕

進亦兆于此矣

讀書必然貴

余嘗館于魯約齋先生家一日其子默夜讀燈忽滅即鳴嗚作聲既而發狂語連呼讀書必然貴尿穢觸天地吳音尿讀作詩約齋問何詩豈汝日間所誦昔年曾向玉京游之詩耶默睜目大聲云不是是人尿約齋云此先生所爲耳于我何與默復大聲云先生是爾所請者罪歸家長約齋無以應爲之懇禱翌日始甦時余病眼醫用童便作粥故云云以此知鬼神之事未嘗無而人生祿位莫非前定也

彩鳳雲霄

辛卯歲余將赴省試吾邑潘東淵先生臨以肇慶府通判家居處有人持芳紙一幅上書彩鳳入雲霄至長安門爲余報捷者東淵因賦詩云喜看彩鳳入雲霄萬里風輕兩翮飄德抱九苞歌昔日文被五色瑞今朝棘闌共賀登賢俊 楓陸爭誇奪錦標末二句未得夢中不覺作吟哦聲其室人喚醒急索紙筆書之擬續前韻沉思復寐又得句云老我江湖忘想念

夢驚佳兆坐中宵翌日爲我言之是年余領鄉薦明年舉進士

文章卜命

士之急功名者往往惑於星命之說視其子奪以爲欣戚而星命者亦遂揚揚然執其子奪以射厚利及其說不驗亦恬然不以爲異幸而偶驗則更相傳播以爲奇其不驗者何限固不置之齒頰矣余素不喜此術有言及者曰卜之文章而已嘉靖辛卯科提學崇陽汪白泉先生臨鄉余與門人俞禮卿同試索其卷觀之余驚喜謂其父界涇公曰必首案無疑矣次日謝考海鹽王沂川謂余曰貴庠首案仍當屬子余曰已有人矣王問何人俞曰門下俞生也王遂求見預賀之及出案俞果首案及省試三場畢王拓湖問余曰今科誰當中者余屈指曰余與君及俞禮卿趙子相沈子完俞一清其在此六人乎及出榜余五人果中式所遺者一清耳是年沈子完病不會試余四人連第壬辰進士乙未科兩泉兄問今科吾縣當何人余曰沈子完孫斯立及關榜果然後一清亦中

甲辰進士余嘗謂卜之文章其中者十八九間有不中者亦偶然耳或曰然則人皆不必論命矣余曰文章好即是命好何莫非命人之貧富壽夭窮通得喪皆命也故曰得之不得曰有命命稟於有生之初其理甚微聖人尚罕言之豈今術家所謂五星子平者所能盡哉

入門差

嘉靖癸巳二月余在行人司王柘湖謂余曰如此閒暇何不學詩余遂勉強一絕云帝里鶯啼二月天拋

書無語對愁眠無端牕下桃花雨猶自紛紛點暮烟

四一

柘湖曰不好余問何處不好曰都不好入門差矣此是晚唐格局極卑弱詩家所謂下乘禪者公且勿作且看古選及盛唐人詩余如其教數月不敢作至八月十五日司正柳公倡中秋待月一律余次韻云何人待月倚瓊筵有客悲秋憶楚天北闕衣冠蓬海上西風鼓吹玉樓前江鄉夢斷身猶寄淮海雲橫鴈不傳兩度都城今夜月清光千里照人圓柘湖曰近之矣及余持古詩已有江鄉夢斷一聯以此知古人詩

句有相類者未必皆是祖述蓋其情景相合意興偶同耳未幾余選科謫外柘湖改刑部亦外補卒於滁嗚呼良友云亡其誰益我對景興懷愴然於邑

飛仙骨

余自幼不習詩中會榜後謂同年王柘湖梅曰倘公入翰林余不能詩奈何柘湖笑作吳語云天珊自有長茶子

吳人身長者謂之長茶子

後柘湖選庶吉士入翰林有

旨報罷柘湖寄余詩云海上黃金十二樓紫煙繚繞碧雲浮可憐不是飛仙骨咫尺三山隔弱流既而復

開館柘湖仍與選余謂之曰君今作飛仙矣向謂天

珊自有長茶子如今却是短茶子柘湖身短衆爲絕倒

移居

嘉靖癸巳余任行人僦居京師連子衡衡既閱歲矣一日夜至五鼓忽聞牀前若有人行出者余怪之且早急遣人僦屋乃移居于細瓦廠前先遣春屬至然余在舊居檢發家物祇暮尚未盡時七月七日余急欲過新居爲果瓜酌遂鎖門去甫上馬舊居轟然傾

仆一類垣矣余謂一日不遷則先室屠孺人及吾
數功俱無噍類一刻不去則余爲齏粉矣彼牀前什
步者果何人也豈非鬼神者有以使之乎至于求遷
而即得屋得屋而即移居一出門而舊居即傾覆皆
不差時刻則又若有鬼神默相于其間而陰爲之布
設者以此知死生禍福皆所謂莫之爲而爲者而人
之巧爲趨避徒自苦耳

導駕

嘉靖乙未春 賜進士韓應龍等及第出身有差鴻

嘉靖乙未春

太

臚官宣 制余當導 駕三鼓至 華蓋殿候

駕出鴻臚官及余等導 駕給事中十員又翰林官

御史扣頭禮畢翰林官御史先步東門疾馳循

殿臺而下步中左門沿廊而上趨入 奉天殿候

駕稍遲則 駕從中出不復得入矣惟給事中自

御前導

上直至 奉天殿候升 御座分侍左右最爲密邇

天顏清瑩聲咳鏗然未幾余謫外追昔遭逢慨然有

感故余南還詩云玉殿春光 龍御遠衡陽曉色屬

歸忙益憶此也

乙未夢兆

嘉靖乙未余在工科時汪榮和爲冢宰科道交章彈
劾汪辯訐不已余章第七上是夕夢逐一惡少過橋
橋爲所斷余佇立良久不得渡有人從橋下操舟葦
橋則牕外鷄鳴矣又同年潘十泉子正時在刑科上
疏之夕夢一大缸缸內大黑魚一小魚數十大黑魚
翻身一躍缸水皆渾小魚爲其所吞吞而復出若死
若生者數枚有頃始甦不甦者二枚大黑魚亦死時

嘉靖乙未春

太

汪復上疏辯訐余章留中不出者三日矣衆慮

聖意不測時屠漸山應埃爲翰林侍讀謂余曰昨

聖上置公本于几上連看數次怒形于色急召二老

李遂菴時費鵠湖宏 上人聲曰如何不與我處我

怒不能進午膳矣二老進曰臣等待他自陳 上大

怒連呼曰他肯自陳他肯自陳汪不自陳禍且不測

君自是名重天下矣翌日

旨下汪罷去余等科道交章者十人受廷杖死者二

人薛宗懌曾鼎而汝弼及翁溥等八人俱謫外余得

潛山縣丞轉歷縣府將十年至甲辰歸田汪亦尋卒
余嘗有南還詩云夢斷荒橋夜未央蓋謂此也

隨地報恩

天之于物生之仁也肅之亦仁也君之于臣予之恩
也奪之亦恩也余自給舍謫丞潛山聞報詩云長沙
自是酬恩地何必區區弔楚閭蓋隨地皆君恩隨地
皆可報恩也東坡獄中寄子由詩云聖主如天萬物
春小臣愚暗自亡身知君即天地蓋罪已而不怨可
謂度越賈生矣

謫仙詩識

余居京師時同年錢海石數乘月過余引滿高吟余
賡韻一絕云明月在地人在天塵寰王宇遙相連高
歌不問南來鶴猶恐人知是謫仙未幾果謫人以爲
詩識云

沈秋江

星士沈秋江者嘗游嘉興言屠漸山當入翰林沈少
泉呂東匪俱至通顯後三人俱中進士屠入翰林沈
在刑科呂在吏部嘉靖乙未沈秋江至京三人咸爲

延譽一時縉紳神其術爭相延致時刑科郭給事中
崇德周學山循資當遷適有京堂缺則曰公不出二
月當陞京堂矣有薦於余者試之譽美備至不數月
余謫周落職戊戌歲余轉常熟沈秋江來見余謂之
曰向者何不言我謫官沈曰公以直補外雖降猶陞
何以言謫余曰此以理論在儒家則可爾術家畢竟
陞還是陞降還是降沈不能對

達人知命

嘉靖戊戌余轉令蘇之常熟三年撫按保薦者凡八
上疏矣後巡按御史晉江陳西郭蕙至時同官相忤
者其姻家一其鄉人二萑菲於陳遂被論調餘于基
年轉太倉時陳以巡按河南舉劾不公亦謫調餘于
余復至蘇而陳乃代余故人笑謂余曰種桃道士歸
何處前度劉郎今又來又曰余歸路君來路天理昭
昭胡不悟此又不特雷州戶崖州戶而已甲辰入
覲相會於吏部席舍中陳面發赤若無所容余欣然
笑移時絕口不言往事陳謂人曰祐山長者于曩
時爲人所誤耳大抵榮枯得失固自有命所謂公伯

察其如命何者於彼何尤或勸余上疏自明余因賦
云塞上老翁誰得失籬邊朝槿自枯榮達人知命渾
無事不向江潭訴獨醒

童子詩對

余調官餘干時次兒敏勛甫九歲侍余往鄱陽見漁
人拽網者曰伏羲不仁子釣而不綱何故作網罟以
害物余心奇之因指舟中筆架出對云筆架如山余
即自思欲對硯池似海殊不穩當勛兒曰蒼盤似路
真的對矣時予校纂蘇文曰蘇家三父子文章可法

十 槐文集卷十

即應聲曰程門二弟兄道德為尊余益奇之年十三
讀書西樓未嘗學詩一日忽有作云西樓高數仞夜
靜聞人聲燈光已將滅危坐養心靈忽聞子規語不
覺已四更雲開月漸見容光透厥明此雖童稚之作
頗有古氣其岳父錢海石見之亦大稱賞以為近選
體天不假年未究所就惜哉

陳午江論文

余在太倉時取王柘湖詩文遺稿托同年陳午江編
輯午江謂余曰詩出一手文則不類余問何篇不類

曰總制三邊兵部尚書行六卿送別序其氣昌大與
諸作不同耳余笑曰兄何鑑別之精若此此余作也
館中出此題柘湖偶以他事不暇作托余代筆時柘
湖先錄稿本然後謄真故今在柘湖稿中此獨余與
柘湖知之雖其乃弟亦不知也兄鑑別若此真知文
哉午江笑曰非獨知文且知人矣蓋觀文可以知人
柘湖氣頗促故中年而歿然非午江精鑒其孰能辨

鍾僕

嘉靖辛丑提學張蒙溪案臨嘉興余兒敏功年十六
候試于院門背坐簷下眾擁入院張命趕出眾爭擁
出門功兒被蹂踏不能起偶有鍾僕在傍拽起得脫
功兒詣鍾僕謝之問其僕僕曰不知也然則院門前
拽起者殆鬼神默相之歟

剿寇拆字

嘉靖癸丑四月倭寇寇平湖官兵失利典史喬登死
之五月寇復至湯參將克寬領兵格戰邑人訕訕余
與兒輩夜宿東園候報因拆二字作口號云曲川地
可耕長刀砍低樹元來腹有文軍口三十去令兒輩

合之季兒敏効年十五曰得之矣剝寇二字也明日得報湯大克捷斬首三十級

齋堂夢

先君居易公化在嘉靖己亥距今庚申三十四年矣本縣學舉先君居官之遺愛居鄉之晚節申允當道奉入鄉賢祠擇在今十月二日前一日余齋宿山園之聚樂堂夢先君席地卧堂之西隅余亦卧側聞有呻吟聲以手捫之則膚肉溫然如生問之亦微應余喜曰阿爺活矣意若先母胡孺人卧西耳房者遙謂之曰阿爺活矣先母亦喜應曰果活矣余意先君平生德業沉淪既久一旦學校公舉當道闡揚血肉無窮名傳不朽英靈入夢殆昔人所謂生死而肉骨者耶

漢樓靈夢

嘉靖乙卯八月二十五日吾邑大尹劉漢樓先生顧余於嘉興舟次謂余曰恭喜令郎中魁矣余曰何以知之曰以夢知之且自言其平生夢極靈歲丙午鄉試夢本府應太守乘轎出府命吏險名望生員卷少

頃應回問吏云止有劉某有卷應云便將劉某解去及赴試謂其父樂峴公曰父可預備酒席兒決中矣縣字俱無字止兒一人及開榜然甚奇之夢觀會試第四十六名涿州吏甚不悅謂我乃舉人一中吏反中其成會試夢人汝命甚好只少一牛耳以此六年下第第在癸丑矣時以親老就教適選涿州涿州學吏姓名又適與漢樓同漢樓亦自喜其夢之應也又夢同年中者四人內一人甚矮比會試中式名次適符前夢同年果中四人內一人甚矮者光濟孫喬也又夢廷試中三甲六十三名黃榜開有報中二甲六十三名者先生曰非也乃三甲六十三名耳觀榜果然余因作漢樓靈夢記以遺之漢樓曰何不令郎中魁事余笑曰待開榜後補入之耳越三日得報吾兒敏効功果中第三名春秋魁也漢樓舉酒賀余曰今可補入靈夢記矣遂併書之

甲辰荒變

嘉靖十七年至二十二年嘉興各縣荒二十三年甲

居大荒平湖海鹽尤甚鄉民力田之外恒以紡織為生是歲木綿旱槁杼軸為空民皆束手待斃水上浮尸及途中飢殍為禽狗所食者不可勝數又官糧逋負苦于催科田無所售則折屋貨之蘇湖各邑不足即鬻妻女于寧紹寧紹人每以此為業官府知而不禁也蓋鬻之則妻女去而父與夫獲生否則均為杖下鬼耳有就食于野者草根芟蔓採擷無遺或行乞于市遇貨食者輒搶而奔比追及已入口矣又有數十為羣至人家求食者或不與即相凌奪其無賴者

卷之十

五

伏草野中遇人持布入市即掩擊奪之謂之打布賊數人為夥即行劫于路及村落間日未沒即不敢出相結防禦通宵不得就寢時平湖未有城余居縣市西佃戶及鄰居將百人推牛饗之白于縣書牌備罷為守望計至除日忽驚傳下浦軍人自東湖搶入縣市矣縣市人倉遽惶惑披靡失措居者爭收店鋪行者盡氣狂奔雖縣中兵皂亦各星散尹丞簿尉相聚泣下而已惟余所饗百人者相率備禦既而安然無聞始知其為訛言矣蓋飢饉流離之際民心易搖變

起倉卒雖智者亦無如之何矣故當此時蠲免之令賑濟之事備禦之策皆不可不之講也

應變操縱

甲辰凶荒之後邑人行乞者計之三逋負者什之九明年本府趙通判臨縣催徵命選竹板重七斤者檢梭長三寸者邑人大恐或誑行乞者曰趙公領府庫銀三千兩來賑濟汝何不往行乞者更相傳播須臾數百人相率詣趙趙不容入則叫號跳躍一擁而進逋負者隨之逐隸人毀刑具呼聲震動趙惶懼莫知

卷之十

五

所措余與趙上竿輩聞變趨入趙意稍安延入後堂則擊門排闥勢益猖獗問欲何為行乞者曰求賑濟逋負者曰求免徵趙問為首者姓名余曰勿問也知其姓名彼慮後禍禍反不測姑順之耳于是出免徵牌及縣備豆餅數百以進未及門輒搶去行乞者率不得食抵暮余等出則號呼愈甚突入後堂矣趙慮有他變踰牆宵遁自是民頗驕縱無忌又二月太守郭平川應奎推為首者數人于法即易然相戒莫敢復犯矣向使趙不嚴刑未必致變郭不正法何由弭

亂寬嚴操縱惟識時務者知之

遲速有命

海鹽吳南溪諱昂弘治辛酉鄉試文甚得意忽覺腹中飢不可忍恍惚間將試卷吞之至貢院門即不飢矣謂人曰余不知何故乃有此異余終身不第矣越三年甲子中式乙丑舉進士官至福建布政官蹟甚著以此知人之功名不但有無係命雖其遲速亦自有命也

李及泉

都憲李及泉巡撫吾浙爲余言正德七年其家避流賊之難穴山洞以居時及泉在襁抱婢挾坐車先登及泉母懷及泉將登未及母之兄適至曰此洞人多急爲不測吾家洞可居蓋其家亦穴山避寇也遂與俱往甫入而寇至寇退而返則洞傾石仆其家十餘人及其鄰之避寇者將百人一時塗粉矣其先登之婢亦粉身于坐車之側使當其時母之兄不至或至而不邀邀而不往則及泉母子已爲穴下鬼矣安有今日哉蓋人之死生貴賤皆非人力所能爲者事苦

偶然實非偶然也及泉名天寵乙未進士河南人

宋御史

嘉靖丙申余謫官潛山永奉委至東流閱徭冊有宋邦輔名因憶居京時識御史宋邦輔者問之果宋御史也問其產曰有田四十畝問何不優免曰與縣令俞不合繼俞者李適來會因問宋居家李曰宋道長督子躬耕夫人親餉茅屋數椽纔蔽風日安貧樂道妾如也余謂何不周之曰饋紙數張即受他物即不受昔巡撫公饋坊銀百兩以書却之曰某賢未至于可養貧未至于可周強之再三卒不受余至池州謂太守陸所默曰郡有古人寧識之乎陸曰宋道長也杜門掃軌樂道安貧余謂何不周之陸曰求一見且不可得可得而周之乎蓋自始學至筮仕至歸田表裏同操始終一節者嗚呼高風遠韻海內欽仰廉頑立懦爲百世師其亦可以無愧也夫

劉漢樓

吾平湖尹劉漢樓爲我言初第時嘗宿蓋山驛門外從人忽扣門求入問之云適夢神人促起曰虎將至

汝可急入昨途中欲傷汝因見劉進士失跌而去明
早視路傍稻田內見一頭兩膝之形深入泥中儼然
虎跡也又於左旗營雇舟往光化時薄暮微雨舟數
十俱不解纜漢樓力強所雇舟獨行途中懊惱之聲
不絕是夜抵光化次日報者云左旗營昨夜龍起舟
數十隻一時顛覆溺死百餘人信乎死生有命也

駕虎傷人

吾邑趙漸齋先生佃戶陸大老者朴野勤儉頗足衣
食忽有嘉興捕盜兵數人擁入其家稱賊攀指縛縛

卷一百一十五

十一

至舟次出一賊喝云汝寄某物于彼賊應聲云某物
某物拷掠追索陸不勝苦楚罄家所有悉與之猶不
足則賣田房為贖既獲免不勝憤憤告于監司什縣
追問陸素訥不能質對謀于漸齋漸齋贈以詩云自
昔只聞人捕虎于今駕虎偏傷人何時得向龔書語
除盜先除捕盜兵若因其被害而慰解之者且戒之
曰慎勿洩候質對時有不如意即出此陸如其言遂
得直捕兵追賊發戍矣

曹海山

嘉靖三十一年七月平湖張轅者病革昏憤之際
人拘置一柵欄中見其故父張希旦及海山故父曹
愛雲曹云賢姪何故在此張云被人捉來曹云汝不
妨我家曹金不好了張希旦問其故曹曰榜上有名
張曰恐是同名姓者曹曰下邊註定任同知決是了
張將柵欄推開謂轅曰汝可急走轅遂奔出病乃恍
然愈矣時曹海山在杭州西湖遊覽無恙聞者不以
為然九月回會飲于嘉興陳氏中風遂不起

金汝規

卷一百一十五

九

吾邑金員字汝規為人朴而愚家頗裕人有稱貸無
不與人亦不復還彼亦不復取坐是家益落一日其
孫病求護於所謂朱八官神者抵暮有賊數人打門
而入則以為朱八官至矣見其燈燭熒煌則以為朱
八官神靈顯應若此賊入卧內挈其衣其妻以為神
惡其衣之穢也則呼曰朱八官我衣皆潔淨者不須
挈去及賊倒囊篋運糧米心竊疑之比去家一空始
知其為賊矣今年八十四眼見曾玄孫行動飲食如
壯者其壽益未量也天其或者有以補之

徐白雲

余檢古人佳句云閒鋤明月種梅花。恨無可對者。嘉靖甲辰余自太倉入。觀皆寮友數輩。坐天曹席。餘中以前句索對。對者數人。俱平平耳。最後張洪齋云。謾捲疎簾邀燕子。清麗閒雅可愛。因揭之東園。聽柱後六年友人徐七橋見之。云閒鋤明月字意本虛。謾捲疎簾似太着實。因對云謾掃白雲看鳥跡。則超脫塵凡。殆有仙氣。因呼爲徐白雲。

麥舟詩

故人胡文喬遷曠達不羈之士也。家頗零落。一日詣余。出一詩於袖中。云藿食鷄衣髮已秋三喪淺士。橫流登堂稽顙無他話。見說先生有麥舟。讀之慘然爲賻之。

火中人

嘉靖癸丑嘉興宣公橋失火。延燒甚衆。亡人黃湛泉偶至郡舟泊橋下。望見火中一物如猫。火愈熾。其物愈大。少頃即成一大紅人。湛泉歸數日。家亦失火。蓋先兆云。

沈鸞

沈鸞者海鹽孫白峯義子也。白峯爲鄱陽教諭。歸居海鹽城外嘉靖甲寅五月五日。海寇至白峯。率義子四人登舟避之。賊且追及白峯。棄舟奔至城東之蠟作灣。賊追及三僕。遁去。鸞獨向賊扣頭且伸頸曰。寧殺我毋殺我主。賊以刀加其頸。言亦不變。賊遂舍去。偶有他賊隔河向白峯將發矢。鸞躍躍間前賊適回。鸞求救。前賊揮他賊使退。乃得解時。賊縱橫且方。白泥潭。白峯又病不能行。鸞尋得一舟。携主登之。即前

沈鸞集卷十

主

所棄舟也。相得者以爲白峯死矣。其子惶遽求求尸。見白峯乃大驚喜。白峯曰。吾自今以後之餘生。鸞與之也。嗚呼。鸞可敬哉。伸頸加刀之際。士君子猶或難之。而末嘗學問知理義如鸞者。可不謂尤難矣乎。嗚呼。鸞可敬哉。當於古之忠臣孝子中求之矣。

孫耀

余佃戶孫耀。世居當湖之東。弟紹愚且聾。兄弟各負余租賣田五畝。以償之。其弟者多子。已余意其祖產也。而多以予弟義之一日。其鄰有吳堯者。代弟還租。

若干且欲以其所乘舟與弟共之吳與弟素不相協
余異之問其故吳曰吾鄰孫某代弟還租吾亦有弟
安忍坐視余始知向所賣者乃耀已產其義尤可尚
也而化及其鄰反薄歸厚又以見天理之在人心者
不容泯滅顧無以動之耳因扁其室曰尚義而還其
田併吳所代租以爲世勸

納息下氣訣

納息下氣之法不拘晝夜跏趺靜坐啖菜數莖屏伏
鼻息心中默念納息下氣一次五六七八至九俱氣
隨意迸直至後門迸出每一口氣迸至九屈一指爲
記虛右大指屈至九指是爲九九八十一數虛火自
降真水自生元氣周流一無阻滯可以却疾可以延
年近取諸身歷有明驗其視鉛汞金丹之術相去遠
矣

明目方

余七旬外每患目眩偶檢得一明目方一首讀書二
減思慮三專內視四簡外觀五旦起晚六早夜眠凡
六物熬以神火下以降氣蘊以胃中七日然後納諸

方寸脩之一月近能數其目睫連視尺筆亦不展
不已洞見牆壁之外非但明目乃亦延年審如是而
竹之非可謂之嘲戲亦奇方也

啖菜說贈陳山人

夫菜氣薄而味淡且不醬不鹽不油也乃造化本然
性真物耳人之一身六氣七情紛摩膠擾咸動心火
心火一動五火烘然齊動而真水銷鑠元氣衰極百
病交作身其餘幾山人取造化本然之物資其澆薄
疏爽以納息下氣以滲洩其紛摩膠擾以救其烘熱
炎上之勢去熱後濁氣下降清氣上升是爲水火既
濟真氣還元百病屏息矣昔者聖人作易乾上坤下
曰否言天地不交而萬物不通也乾下坤上一曰泰言
天道下濟而光明地道上而上升故曰天地交泰以
財成天地之德輔相天地之宜也人與天地參使吾
之一身火不下降水不上升是即天地不交之否萬
物且不通而況於吾之一身乎能使濁氣下降清氣
上升是即天道下濟地道上行天地尚可以財成輔
相而況於吾之一身人身小天地也山人之術蓋有

得於造化之妙者人鮮知之雖山人亦不一也故為說以贈之

養魚

余東園育小山環山為池畜魚苗二千比年視之頭可一斤許明年可二斤又明年有二三斤者僅取數頭即池無遺育矣但魚殘鱗朽骨零落山隈伺之見一獺於溝中捕之不能得余謂獺食吾魚數千斤矣余別畜魚一千八百於塘橋池池可二畝一年有二千者明年六月暴雨後死而浮者三各四斤許

者十七又明日浮者二十四急取囊清數乃止至冬則二年矣舉網捕之余謂當得魚數千斤時有西鄉人在旁曰可得三百斤耳網之果得三百斤余問其故曰魚多則水色帶赤此水色白故知之間魚苗幾何余謂一千八百曰多矣此之上可苗二百日入草六七擔暑月大雨後勿入草草入魚腹即脹不能堪頭插泥中死矣夏熱魚不甚長春秋長軀冬長脂一年即大者五斤小者四斤一無所損若畜多即漸消謝魚亦不復長矣西鄉人益養魚為生有

故知之甚悉余始悟向者園池之魚蓋亦畜多消耳獺固食魚豈至數千斤若非西鄉人言獺亦寃哉

種蓮

余性有濂溪之癖嘗植蓮於東園小池時二月水寒僕夫以足踏藕入淤泥中後數日悉浮水面或朽質矣明年春則命紀於淤泥植根生土先是池中畜魚至是荷苗出水輒為嚙斷池中積石為島水環四面又明年則命植根北面東西斷以簾春暖魚行輒得躍入簾中嚙盡餘矣又明年則命築土成堤東西

是魚不

入荷苦無恙始見

而翠蓋擊珠終則然清香襲人可肌

臨風真若水宮仙

衣

也或曰子種蓮

無成而卒享其成

天下之事阻於難而廢於久無志故也

小無不可為之事豈直蓮哉

祐山文集十卷詩集四卷

江蘇周厚
清家藏本

明馮汝弼撰汝弼有祐山雜記已著錄其官工科
給事中時論劾汪鉉罪狀直聲震動一時其人足
以不朽其詩文則以人見重非以詞章傳也

序芳園稿二卷

〔明〕趙伊撰 劉子伯評點

北京圖書館藏明萬曆二年趙邦秩筆刻本

附《四庫全書總目·序芳園稿

二卷》提要

趙氏序芳園稿序

緬昔先朝



肅皇帝起代來續殷服典學崇文右賢
左戚銳精圖入海內彬彬嚮化凡彈
冠結綬之賓歟摘藻挾天之士屠維
之歲唐任陳余由此其選玄戮之歲
乃嗣響焉時當湖趙君子衡在北部
余兄子安在儀曹蔡子木王維楨在
行人余在都水由兄故獲締交焉筮
仕之始守官箴習吏事含章韜美未
暇侈然談藝也然業已邈追漢魏雄
視關洛君甫綺齡博綜緬帙騰其英
聲居亡何或引疾或承譴稍稍謝去
亦曩昔賈生櫛氏以才見忌之驗也

序芳園稿

八首序

迨後十餘年復得晉敘置于南都子
安子木在北部維楨在民部余在司
勲君在職方

帝京嘉麗郎署燕閒並攻于詩攬清暉
以緩轡訪遺事於憑虛更唱迭和夕
滅晨誦副墨索之紙楨翔價而君間
從湛文簡鄒文莊羅文恭按性禽之

序

前序

一

微窺道德之蘊夫稍涉宋學輒畔唐
藝君天資神授妙悟兼通其於詩蓋
默識而潛融矣且砥行飭法不容於
時遂有廣西之命君乃長揖當路高
蹈責園覃精詩學若昭明所選英華
所輯靡不流覽頗嗜少陵愚漢之集
手自註釋益浚造焉

莊皇帝嗣極公車屢薦而東山未起政

府高公銓曹楊公素重其名將柄用
之然并無酬知之謁中散有絕交
之書事乃竟寢士論賢之又十餘年
而三君化為異物悲哉于是子安有
少玄集子木有白石山房集傳諸同
好用垂不朽君有序芳園稿晚咸為

序

前序

三

劉君子伯所銓次又加點品題之夫
劉蓋浚於詩者言足徵矣余觀其詩
咸發乎性情止乎禮義其調冲澹雋
永其音溫潤和平每切事情而寓規
諷不徒雕藻也今時求反關洛愈乖
風雅蜀中襍就歷下誕章詩幾亡矣
使數君子者在不痛誹而力排之耶

夫陶令諸詠得於辭綾平子動思底
於歸田非恬勢利而蛻功名曷臻此
批厥考太叅公亦善詩著漸齋集行
于立先為給事彈劾不避遺榮耽籍
君訓出庭趨美由世濟若徽守義誓
志率棄官賢紹孟學詩專章氏二太
夫無媿矣集凡二卷總若干首文別

行披味劉子所摘警語口誦而心醉
焉令子邦秩等將舍梓氏屬序于余
余以世誼不克辭觀其翩翩然河東
鳳毛學足幾科才能述志趙本王孫
之後代不乏人者批遂書其端

萬曆甲戌仲春朔

賜進士吏部司勳郎吳郡皇甫汈子循撰

序芳園稿卷上

當湖上莘趙伊子衡譔

武林望陽劉子伯評點

遊雅山歌

謝靈運遊覽詩篇其真情實詞實景
為後世宗匠此作當與並觀

男邦秩邦程邦和

青山杳何許遙望青雲隔湖人生長只湖鄉一片東
湖烟水白清秋理棹戒親朋挈樽携壺動曉征話深
已覺郊垌遠山近漸分巖樹明村墟一帶經過處黍
稷離離被行路展足坡陀未厭觀俄驚大海心神寓
偈側塵區渺一隅汪洋巨浸吞無數眉睫東南天地

寬風帆朝夕華夷度登高舒嘯幾人同由來相接真
稀遇慘淡長吹萬里風迷漫遍作南山霧霜鴈年年
歸甫田寒潮日日來荒戌撫景興懷感慨多踟躕更
引前崗步峭壁高峰秋轉妍深崖古洞雲常護廿載
心期此一遊山靈應咲來何暮日落下山循山走翹
首蒼巖屢回顧廡門始有龐公知天台誰繼孫興賦
君不見江之南北山海窟勝地冥區自天設人跡不
至車馬絕榛莽未堪一二說

述懷七首

道人鎮日茅廬下一蔬一飯何為者花間晏坐常嗒

然欲寐不寐松風灑肩輿垢散那出入胡床歲久便
膝蹠寐莫翻然有所思十年於此常棲遲

有室如斗違世塵閉關常作窩中人太陽一點生虛
日照我左右圖書陳蕭然淨几淹晨暮不出從教過
客頃縱然人世多交際光陰易去非高計

我所思今在山陰望而不見愁人心西湖昨日附書
至歲暮有盟期再尋病身在床心欲奮忽然毛羽生
衣襟平生獄此懸耿耿不然僊蹇誰爲騁

我所思今江之右學徒白鹿相先後二三豪傑操紀
綱郭翁氣金匡廬秀明時會見鳳于飛大法終須歸
亦方歸

一吼我從千里遙相望龍泉鬱鬱牛斗傍
堂前樹密深相映花竹一方藏小徑水石苔香似活
泉松根雨濕無泥滓忽憶當年得意人乾坤往往收
名勝一丘一壑誅茅地若爲解作一生事

僊芝生兮瓊瑤岡一年三秀何煌煌遭逢真賴神人
力翠莖朱葉同金光枯株腐草化爲菌采之采之棄
道傍清夜撫枕恒默思無爲終歲常苦饑

昔遊金陵妄意曾窺道二十年來空自考我昔紅顏
今半衰老成存者頭盡皓皓首相去亦幾時分陰重
惜苦不早作歌書紳還自易歌成白日去何速

讀防邊集議有感

調古詞新議論整然其注念
於經者

聖主虛心念遠陲羣公協計奏弘規州城失警迫前
日主將更新又一時器甲鮮明齊嶺出垣墉連亘與
雲隨邊兵不戰多年事還伏 天威起積衰

聖祖驅胡蕩北陲

文皇三駕繼前規邊亭臥鼓由來久孽虜寧弓復此
時漢地有營星宿列天山何路虎龍隨張師詰旅承
平日周召忠謀保未衰

往時虜寇鈔邊陲背敵全軍作舊規律忌損虧雖重
戰人沿畏懼要通時軍儲更歎空填委輿議方知弗
亦方歸

雜詩

乾坤吳越開千里起北山海東南寄一隅心遠雲天誰與

共形存樗櫟自應殊風來庭卉枝枝裊月向蒼松處
處孤自信草廬堪寂寞不須著論擬潛夫

結廬城曲靜柴扉城外閑雲來去飛薇蕨欲隨貧士
食薜蘿堪看道人衣高垣月上林初映僻地庭寬暑

自微日暮無朋聊命酌青松相對更相依

五十歲生日自題三首

老錄

秋色報山中梧桐一葉驚問年何用層白髮鏡中生

白髮從今日漸多花邊坐卧還如何人爲形役苦驅馳自斷吾衰非所宜

閑居八九年日與市朝遠愛月泛清漣尋雲陝危巘

日余通籍非早歸棄置本因多病違只今了悟無纖滓自晒向來猶未耳

生日雖多歡老大安足恃省已屢愆違私心良不喜

已知四十九年非五十無聞莫可追武公何人常抑抑無更號卿故態爲

冲淡似陶而谷調則祖王孟跡其高行恐過於伯王也

蓮

虛堂對名花宴坐飾巾履清風颯然來翠蓋亭亭起

卷上

四

淋景炎天最奇絕幽居松竹無塵滓綠陰掩映傍石麗色空明自秋水佳哉岳植有餘芳何處西湖紅

十里

登湯山

詞語駢麗音調鏗鏘雖王孟復出全讓焉

烟花山際傍孤城憶昨旌旗照眼明海氣似團雲鳥陣江潮猶帶鼓聲聲幾家村落依荒戍連歲緣慚集

募兵此日登臨成感慨倚天長嘯暮雲橫

花影

思奇崛而句法瑣瑣譬若鏡中之貌波上之月可玩而不可即者也若呼童掃不開等語較之可爲執轡矣

亭亭曼曼拂茅堂何必施朱更着黃雪淡無心元不

妬日遲有意故相將玉顏空恨寒癘色高燭休誇半夜粧花下橫琴明月照幽人應得伴西墻

詠鳥聲次韻默齋

皆實情流出不著言外意甚妙

野鳥傳聲集草堂花陰何處得調簧日高已度春風

楊坐久應銷午院香欲喚世情空自語那關心事與

相忘道人本愛青山寂却向丁丁伐木傍

用意深嚴得景物之妙

送龔三尹

去去望江潯風波隔遠岑萍蓬無定跡鴻鴈有遺音

黃綬才難盡清尊意獨深相思他日事早已見人心

喜雨

卷上

二

亢陽竟連月溽暑化爲霖風送高城急雲瀾四野深

滂沱沾厚土瀟灑到荒林茅屋真成洗應憐清夜吟

夏晚

句冲雅真唐調也

雲雜溪頭樹烟分野外村微微炎影薄冉冉暮陰繁

不遠市猶集相忘鳥亦喧何當同志友披對納清言

家兄新亭同親友賞蓮

勝地亭初構芳池花盛開薰風迎戶入香氣撲人來

笑醒時能釀新蔬手自栽親朋歡未已小弟與悠哉

重賞園亭

絕似王維

爲愛池亭好還尋宴賞餘看花同舊識解帶卽吾廬

地僻涼風遠波明暮雨疎厭厭宜此日不醉欲何如

九桐詩來欲過賞盆蓮次答

自然

盈缶花如許懷君意有餘亦知多暇日屢欲就荒廬
苔蘚無人緣琴尊竟日疎廣文能見過倒屣復何如

遣興

幽興宜荒院開花常傍人物情時雨洽詩句夏荷新
樓影方中日村烟及暮辰坐來林杪見月色照城闌

簡七橋九桐二君

當與風雨時時龍一吟並看

野夫築室城之隈晝戶不扃人少來遲遲暮景鳥雙
去寂寂閑堦花獨開沈子多吟誰爾和徐君坦性無

序芳園稿

卷上

六

人猜明日草堂一杯酒莫教童豎重相催

諸友集于湖亭

澄湖積雨涵千頃小檻叢丘絕四隣蕩漿夕陽時送
酒披襟幽樹故畱人岬深漱瀨秋蒲少天遠峰巒晚
霽新負鄣溪山真咫尺忘形賓客總姻親

送盟伯武舉北上

遊子從西來片帆江上催三秋尊酒別千里捷書回
白日長安道黃花蘄北臺不妨携劍客詩句有新裁

遣懷

一曲城村野外同湖天望處海雲通秋花何意紅如

錦晚竹從教翠滿叢疏傳揮金非俗韻陶侯托酒在
高風未能五嶽遊名勝愁見吳江日夜東

重陽前苦雨

秋晚復多雨蕭蕭長夜風憂懷還近節稼事正關農
江霧迷深渚村烟出遠楓疎鍾雲外入燈火照人紅

贈岑山醫士歌

贈醫詩似此作者絕少

人有壽兮物有仙岑山岑山世所傳自誇琥珀經千
載蟠桃大椿齊壽年君不見古來方術稱華佗著名
青史永不磨岑乎岑乎功訛多

喜半峰禪師到平湖見訪奉贈

序芳園稿

卷上

七

思君君似白下山何由置我草堂間故人此日從天
降把袂猶疑夢裏還老去逢人常物色豈意容顏似
疇昔二十年來憶舊遊七十老僧還作客烟雨橫江
繫客舟莓苔滿戶畱行屐人生有情戀故知况我於
子心無逆道林幾共山頭話愚谷再同湖上跡旅館
荒城晚幽獨莫言桑下無三宿

邀半峰茶話從家園步出東門泛舟登案山祠

湖心亭贈別

憐君於我不信宿竟日淹畱傍城曲纔經草樹園林
深復泛舟航湖水綠水中孤嶼稱幽尋山際高樓恣

遐矚夕陽天外照歸人相要此會何時續懸知見憶
傳書至多在漁樵定非俗

寄袁吳門

閒居屏紛冗歲月何悠悠草木逢春榮枝條盡和柔
倏然成數貫輝光生道周思我平生友喟焉路阻脩
席珍足國華聲價逾等儔東吳挺淵藪名家振弓裘
粲彼琳琅姿清廟宜見收豈不在乘時早晚匪淹留
願言崇今德上應王明求

雪後卽事

一冬天暖遲佳雪曉起牕寒積素華故着小梅能綻

序才閣稿

卷上

八

王深沾枯草自回芽晴湖水足鴛鴦戲野圃雲橫鶴
鶴餘忽望遠山青欲破春輝早已動天涯

送馮小山春元北上兼示子姪

霽雪行舟江北寒隔年太路指長安鄉心祖席尊前
樹客興搖鞭野外鞍三載趨庭貪覲省九衢傾蓋縱
遊觀通家再續南宮宴頭上花枝許金看

後園看梅

探花經臘向花前步履衝泥霽雨天數點白含疑綴
雪一枝紅艷巧粧鉿自懷驢客芳洲外不逐王孫春
草邊深夜疎香誰爾共半依明月半和烟

况值花盛開雲錦何鮮妍掃徑候朋知長老咸來看
勁節排風霜香葉棲鳳鸞感彼千歲姿故國宜共傳
予其忘樹立眠食空華顛

遊天真書院歌

臨安山水吾所憐天真有期意更專扶杖欲乘吳嶺
屐避人却買越江船越江吳嶺開烟樹雨後初行石
門路息肩時省僕夫勞識面俄欣老僧遇老僧前引
歷階上仰止堂中拜遺像衣裾未學曳門墻俎豆當
年識函丈配以從遊數君子千載同祠萃精爽精爽
煌煌只此心良知日月懸明朗竹戶松牕畫不局江

序才閣稿

卷上

十

雲海月時更往庭草長留多土蒸巖泉恍動清絃響
嘉會軒前列翠屏文明閣上懸銀榜舊構新營漸增
拓巖霧林霏映丹堊山靜時聞磬鼓聲上下齋房還
具作諸公有意存嘉惠土木雖興未爲費傳經遊藝
各徘徊百步一亭行未旣日暮西樓憩息時開楹正
對江湖沸斗室方床我所便藜藿爲糧衣草卉野性
時隨麋鹿羣病身頗接軒車貴羽客緇流亦可親休
將外慕惱心神洽堂畫永渾無事閑與先師拂几塵
宿上天竺吟

兩山盤環夾城裏老松錯落千尋起游衍却辭芳野

情精嚴已入諸天笑寶地乾坤浩劫開琳宮草木神
光被四塞雲峰護佛燈半空星斗隨仙履音梵常運
粟籟殷香烟直上重霓紫陽春淵水畜蚪龍靈月林
臯藏虎兕密竹幽花弄夕陰禪房借榻清人心覺來
欲省塵勞念風露清虛無處尋

書院

上大司成東郭翁尊師時翁入浙中會講天真

明時墓彦宗耆老吾道千年屬典墳教鐸已看江右
接歌絃今喜浙中聞冠衣濟濟興鄒魯德化洋洋翊
舜文良弼不須宸夢協司成元受

奉簡稿 卷上 王恩殷

夏至日作

小樓梅雨連朝照天光睡思相氤氲枕邊鳴者彼何
物夏至忽然蛰蚪聞出門滿意湖波綠菰蒲青鳬
鷺浴湖山處處皆可詩日暮歸來吟未足

仲夏霖雨積時河水涌溢

少陵每遇時事輒不取
忘君今復見於此矣

江南大水流奔茫急雨層波瀾路傍入夜嚴城人鼎
沸突壤屋廬安可當下地潄池高濟漢人家門畔儲
餘皇秋稼不立人阻饑元元流冗將何如公私上下
况傾置司農未易開蠲除包元履德

聖天子雷燭雷自神理崇朝傳遍八一紙災沴消
復創痍起歌康衢兮荷帝祉

儼似愁霖賦

湖亭望水勢浩漭喟然有述

萬家城郭浮東陂樓臺一帶侵連漪江南尺寸牛耕
地化作三湘鴈鴛池湖亭前對案山祠湖中景物徒
參差停橈悵望且歸去他時有意來相隨

事實

七夕

脫舊格

七月七日良辰遇一談一笑流光度花竹陰中集暮
筵星河影裏沾涼露夜色依依照戶庭步簷倚杖向
深更悠悠時序關吟思想見千秋共此情

立秋

萬樹蒼蒼露欲浮仰看大火忽西流庭昏雨氣連三
伏砌冷蛩聲動九秋長向山林惟任達每經時序自
關愁徘徊清夜騷人思欲撫鳴琴寫我憂

遣興七首

七言絕詞藻而思奇盛唐調也

秋來蕭灑漫無營塔下羣花屬意明却被日薰還灼
灼故教風舞自盈盈

芳蓮一枝吾所愛半含半吐香蒙茸造物何私君不
見朝來偏帶露華濃

春去秋來莫恨嗟細推消息竟無差不須短髮饒人

白却有香醪入夜賒

潦倒空堂酒自傾題詩點筆對前楹秋花故作紛敷

意春鳥猶傳曉曉聲

北燕南鴻常去來清風明月相徘徊白雲欲共紅雲

合黃葉還將綠葉催

江上初聞啼鴉聲莎雞還向戶邊鳴歲月幾何今過

半長宵夜夜睡天明

庭前草長鴈來紅人似少年顏色同誰謂楚江秋易

老朝來日日是東風

得孫次韻答侶菊

康老園稿

卷上

七

樗櫟深山高幾尋兒孫生長自成林最憐名字豚和

犬不比羅紉玉與金深謝高情垂翰墨敢云積善慳

人心欲詢吾父曾孫幾十一排行是只今

賞懷洲光祿石榴歌

盆榴兩株八九尺盤結有年積工力此花淺紅色絕

稀北地携來費培植主人愛惜重護持日探生意願

歲經春舊葉添新葉入夏花開便滿枝弄日含霞

朵朵奇南國風光初試時主人邀賓賓輒隨相與花

下傾金卮是日輕雲拂四垂當暑坐客忘炎曦良辰

美景稱難遇樂事賞心良在茲妙舞清歌歡未已花

光在眼聲在耳小艇奚童候河埃青山日落暮烟起
歸途風生水瀾瀾

蝶夢

風枝猶動蝶情慵不去依然芳樹叢明事妙句亦雅圖似滕王春正

寂夢同莊叟意還濃琴書永晝通吾况野圃微生解

汝空一席自憐餘事在閑吟常逐酒杯中

雞冠花

雞冠花能得世人喜名爾頗相似我今賞翫與人同

看花亦愛雞冠紫娟映日隔簾櫳裊裊臨風傍堦

紀草堂之前多植此青栢一株花數品秋來無事時

康老園稿

卷上

十四

隱几我亦當年鷄冠子

紫雲石歌

余過默齋徐君園得奇石於竹樹中詢之則

海寧許氏物也余以此石頗淪沒因本許氏

所居山標名紫雲而題以詩與好事者共焉

紫雲石之奇我初行庭一見之天然完璞為屏障

文理細膩非人為形兼四面那易得鬼神斫全無

虧歲月深畱蝸鳥迹巖巖隱動烟霞姿紫雲石來從

何所邂逅相看猶恨遲硯礪繞庭曾汝後竹石交陰

無人知丈人却立豈其所良賈深藏或在茲久之還

聽主人語此物得之黃門許許公聲重價逾增紫雲
之山其別墅石從紫雲來義因紫雲起搜其仙產失
覓崙紀事名家徵栗里璠璣永作君家物斯名自此
傳遐邇名今與石垂不朽愧我文詞非所擬君不見
古今惟石本無數至今傳者宋人有米唐有李

登陳山歌

有意興有感慨

去年此月湯山遊今年還到陳山頭諸山去城三十
里湖城望之何者丘城中車馬縱來至未陟其巔亦
且休登高覽勝何由得東南大海空悠悠君不見東
海之東蓬萊山志士猶將入海求咫尺岡陵如未到

唐李商隱

卷上

七

空令今古談瀛洲我今同志三人來氣象直欲凌雲
浮路出萬松嶺峨嵋李君買勇沈君愁沈君苦力非
苦與涼風振羽期清秋挈榼携壺隨短杖邂逅豈卽
非良謀君不見此山之外漢古邑陸沉千里今洪流
泥沙展轉相生滅何年盡復故地成田疇麻姑仙人
三見此吾輩幾度還優游吾輩幾度還優游試問姑
仙今在不

寄題祐山山墅

肩輿時擬出西城城外看山邂逅行過雨石蹊何的
嶮遊魚萍水自迴繁巖厓愁坐論心處壺榼交遊盡

日情我病獨思蘿谷裏啼鶯脩竹聽和聲

同祐山過訪明軒病起致慰語及同年存沒爰

贈此詩

問疾知君久已除邇來塵事更應疎同袍屈指空壚
在短髮關心覽鏡初能飲沽醪隨麴米相逢飽飯足
園蔬莫辭卧起親知集吾道從今興有餘

過祐山山亭

話我同年金葉官山林禮數自宜寬祗愁席上春杯
滿爲借山中午簾寒竹馬小兒呼作戲石壺落子助
交歡主人有命終辭得日暮松陰共倚闌

唐李商隱

卷上

七

寄天寧僧虛堂夢石

山人學禪未得禪禪家風味吾所憐布袍居室每餘
衾蒲團坐日何綿延留賓煮茗情未已茸竹哦詩趣
亦偏端居老宿自爲伴繫我閑懷寄短篇

寄天界寺半峰斌上人

憶昔金陵多暇日城南騎馬逐林扉虎蹊幾度頻留
蹟潮海當年有贈衣結伴山中誰好在逢人門外老
應稀天涯倘念渙樵客尺素空中到石磯

答吳武湖用來韻

輝輝冬日照南隣深巷人家自有春歲晚默餘山水

伴閑來時見柳梅新設將物理供清話更在詩篇動
遠音相對城隅樓隱處緘題來往重於金

過海石諫議墓

甬舟昨夜倚孤灘野鷺晨飛水上寒梓里高門仍曉
望雲山滿地耐愁看新阡枉道人猶入宿草經霜歲
已闌白石他山先已辦名文珍重倩誰刊

慶三兄得孫歌

今我兄弟皆有孫兄今年幾當五旬昨年三十子懷
抱抱子非遲抱孫早入門喜氣何盈盈滿堂子孫團
圓好試聽鄉間共有言爲善積功誰所造榴花五月

序

卷上

十七

紅粉敷纍纍結實陰扶疎開軒四坐人觀賞却記當
年封殖初我來挈榼還提壺不醉無歸盡日娛明朝
湯餅大作餽宗親子弟爭來趨寧適不來微弗顧斯
言今日爲良模

敘事絕似少陵而未嘗竊用一字

三兄新堂拱上產異芳觀者以爲芝也謹獻此
詩

曾聞高士蕙蘭房何似堂成產異芳已惟經旬香不
散旋看五綵色非常竹苞衍慶真堪信棣華增輝更
可當瑤草名山何處覓人間聚首是仙鄉

和兄韻勉穆科二姪

爾祖今隨綺與黃仙遊遠隔戶庭光靈芝忽照梁間
月應在商山寄此芳

靈芝漸長色初黃日月還輸五綵光阿翁要染江淹
筆付與兒郎翰墨芳

靈芝初秀正槐黃才子虹霓競吐光共說當年五株
桂會看今日九莖芳

不見牛醫家姓黃枯株猶自發菌光芝蘭玉樹庭前
樹自是天生一段芳

壽祐山年兄六十詩

壽詩每每牽綴俗格此作
妙甚

憶昨封章入紫宸朝遊閭闔暮江津歸來已作神
仙客獻納長稱侍從臣山擁亭臺臨勝地花圍歌舞

競芳辰玉皇香案辭爲吏行樂人間幾百春

東祐山家有盛菊

諫議堂前集衆葩秋光九十占韶華也知幽事關蒼
髮儘把浮生醉紫霞荒徑幾叢聊自遣高軒名品最
堪誇舍芳欲語王弘使今日筵開陶令家

題祐山龍珠巖

鑿石何人作戲龍懸珠噴水勢相從泉輪地脉人難
見九弄天機智豈容客子登山停杖久玉人籍地瀉
杯濃批鱗爲問西庄老把酒何如此處逢

山深何處斫飛泉石出蚪姿現我前九地源源江海
破一丸滾滾古今旋誤疑僻境來風雨自覺寒光動
斗躔授簡愧予無湧思新泉應爲洗新篇

山行陡作松風聲噴薄寒泉一道鳴忽湧龍珠拋不
去誰爲機巧見常驚瀝飛水玉塵心遠九轉乾坤道
眼明幾向山中多勝覽流觴巖下有餘情

南涯宅芭蕉甘露生承以見詒賦詩寄謝

甘露俄驚玉掌傳瓊枝品味列神仙英雲夜夜通津
液花萼層層懸實堅瑞色侵晨分席上高叢積歲滿
樓前祇慙秀句堪題葉不美香醪更入筵

唐孝廉稿

卷上

九

口號美祐山脩塘

細賦

官塘五月水瀟瀟版築功成路坦夷古木斜陽堪晚
望新堤舊堰正參差行人總步清宵月去棹猶牽暮
雨時林下宰官能濟物一時傳頌口成碑

寄題祐山白雲洞

山行九折深入底中有陰洞常雲霾夏日如火人豈
到石門積雪吾獨排凜凜旦晝衣裳冷幽幽吟語琴
尊諸別來酒肆幾醒醉指點白雲飛去來

詠戲珠亭贈陳侯二首

當湖元是九龍淵渺渺波心一阜圓鰲足當年曾立

極驪珠此地亦浮川光連雲物常吞吐影入溪山盡
蜿蜒最是吾侯行樂處新亭畱與邑人傳

戲珠亭子水雲隈湖面鱗鱗百頃開混漾有時搖夜
月蒼茫何處起風雷蛟商休向人間泣神女疑從洛
浦來一咲乾坤無盡藏蓬壺咫尺近瑤臺

癸亥元日詣學宮謁廟

東方曙景開滄溟春色滿城來戶庭陶鈞一氣從天
地斗柄千年轉日星芹藻泮宮晴向綠松杉廟廡歲
常青霏霏雲氣生虛壁裊裊爐烟繞列屏春秋俎豆
從賢哲今古追崇仰聖靈拜手瞻依遲暮日低回猶

唐孝廉稿

卷上

十

向四箴亭

元日立春

湖上風光初獻歲天邊斗杓正回春雲山未解年華
異梅柳自知生意新休恠兒童喧井邑更教車馬出
城闌野夫亦有年前約會向江湖訪故人

過侶菊次韻

憐君白屋遠紛華淨几明牕自有家長向深城迷歲
月恍疑僻地滿烟霞新詩每就懷人句舊榻頻呼坐
客茶早晚東園君過我一乘明月賦梅花

元夕邀七橋侶菊觀燈小敘

春事相逢到野堂良宵燈燭報年光旋邀知己杯盤
合自向深更吟語長霽月已開元夜色早梅仍占百
花香一年佳節初看此信有人間樂未央

同李也醒觀梅二首

烟開遠見出羣姿颯颯晨風佇立時冷蕊無心誰索
吟芳葩有意獨宜詩他時桃李達塵跡晚節松篁托
舊知憐我二人還得友如蘭今已慰心期
寒寂園林春事初南枝乍對欲何如元公意思先庭
草邵子清閑傍竹居江畔此時猶踏雪龍頭何處有
征車留君共向牕前月几席香生夜話餘

春夜園稿

卷上

主

春日胥峰見招偕諸公泛湖登案山宴樓中晚

上湖心亭

何秀朗

山林結伴已忘憂况復乘春得勝遊江國城臺新壯
觀賓朋詩酒舊風流畫船簫鼓凌空發高閣壺觴盡
日留餘興水亭還繫棹烟波深處到滄洲

疊前韻

看山對酒兩無憂不厭春湖日日遊長向琴書來畫
舫已忘纓冕濯清流岬蘭芷香堪贈冷鷺飛鳬晚
共留日浴川塗人跡渺幾家燈火傍漁洲

唐調

祐山見招湖上值雨愆期聊述鄙懷東上一首

湖山有約每相違陰雨偏難定夙期縱使倍償明日
醉也知虧負暮春時禽聲到耳傳光霽草色關心遍
綠滋感物且休頻歎息林泉我輩得追隨

意足

留春

千家春色映斜暉惆悵詩人意獨違王漏筵開應盡
興金鞍草長欲忘歸林花脉脉隨流水野老依依傍
石磯却解風光流轉意青山終日對霏微

過祐山山園次韻迴文

迴文詩甚難此作亦稀

果林息倦好分枝却望前塗雨霧霏消盡酒杯千客
醉通行山道幾峰奇嬌鶯雜管歌深樹短木橫橋過

春夜園稿

卷上

主

小池朝至晚園西去路樵漁對月夜從時

湖亭翫月

孤亭湖上坐臨深皓月中天照碧濤雲樹幾重渾微
晝波濤千頃遍流金尊筵此際渾無語枕籍今宵獨
有心須信廣寒人可到滄浪早已滌塵襟

寄仲山年兄

白下違君十五秋幾番清夢結綢繆盍簪彈結同南
署逸駕追攀亦故丘湖地扁舟隨鳥去惠山高枕對
泉流紫芝眉宇行歌處料得高情事事休

苦雨遣懷

北風吹雨雨乍稀雨意翻濃風力微太陽一點含晶輝
行雲莫自湧空飛天光條劃臨書幃我有琴尊興
不違麥秋蚤月清和日短杖疎巾單袷衣放歌一曲
衙門下何異竟風擊壤歸

徐默齋園觀海棠

名園背郭芳菲滿海棠兩株爭入眼翠袖紅脣掩
紗珊交映光無限美人未必如花色如花定恐傾
人國詩家置爾小亭前長日對吟真可憐我來一步
一回望臨別匆匆色惆悵看君疑是畫中人笙歌空
列東山障出門到處春捧擁滿懷拍拍肩輿重

李商隱

卷上

主

答伯菊登臺春學次韻

家住城隅爲築臺登臨時復共朋來塵喧迥隔浮烟
外野色遙通遠岬隈嚴日高樓春欲透千村紅樹錦
成堆年來解得遊觀意隨處行吟一舉杯

東園看牡丹答次七橋韻

老樹年多花幾回繁華歲歲逐時來敢忘卦植春常
茂留到兒孫賞更迴穠露濕衣芳徑入香風滿座午
亭開殷勤最是題詩伯生向姚黃擬占魁七橋末句屬意小兒
春試設有是答

答默齋借韻見贈

雅淡篇章本自傳清癯丰格更誰仙溪山滿眼趣常
足松栢盟心晚共堅高樹欲依脩竹裏扁舟時繫綠
楊前相過竟日惟清話麤糲儒餐勝綺筵

夏日卽事次韻

歸田自老一茆堂抱甕寧辭灌圃忙篇簡未能拋永
日友朋何處共清觴斜陽背郭陰垂地密樹連雲綠
滿塘若道他山堪避暑山林城市正無妨

午日書懷

令節偶逢天日好閑依几席暫銷憂意深蒲酒臨三
嗅入競榴花插滿頭不負光陰從屢換細推身世定
何求自憐此日當長景况復山中晚更悠

李商隱

卷上

主

七夕

清雅

七夕靈辰景易斜披襟深夜露垂華人酬節序歡相
得坐望星河興欲賒誰向光芒分魴氣直從穹額泛
仙槎簷前兒女紛紛者綵縷蛛絲亦自誇

閏七夕次默齋韻

領聯咏閏七夕甚妙

銀渚依然霽色中涼添此夕灑秋風未論星駕經年
別已覺精靈一望通曾問蜀巖多道術豈云檢客竟
朦朧默齋和余前七夕詩蓋疑乘槎事余謂漫及人間瓜果
還陳否剩有詩人寄興同

入武林一首

武林行跡十年疎老眼吳天曉望舒夾道樓臺還吐
觀臨江宮闕有遺墟忘年夜月潮聲裏識面春風水
色餘物態生涯千古事長懷謗詠欲何如

登北高峰

翹首高峰獨上時蒼烟猶拂薜蘿垂海天一望際三
島雲樹愁看似九疑懷古謾尋天竺境臨風正倚桂
花枝徘徊未盡登吟興落日秋山有所思

壬辰同年會于許氏瑞巖堂

闊別悠悠幾歲暄相逢盡日對芳尊情深不爲同冠

庚子圖稿

卷上

壬子

綬誼好尤能及後昆朋舊平分名浙地時同年輟西浙各四人

湖山金入主人園瑞巖擬作香山社此去還來接道
論

又次白石年兄韻一首

秋山眼冷恣探尋頓覺春回萬木森何處漁樵來水
國一時冠蓋會雲林天邊征鴈鳴還杳石底幽花醉
亦臨最喜諸公江海思尊前一半是吳吟

贈靈壽寺館僧南公住持普福寺

交遊憶共年華壯名行憐今老宿同福寺總持新領
袖壽山脩誦舊宗風列仙嶺峻芝仍秀九里松深路

轉通已結世緣三十載居停還向此山中

過湖郡懷一菴璉川諸公

情景俱真

湖郡城南度客舟丹山碧水豁雙眸披蓬命酌還成
句入暮趨程未愜遊此際懷賢多繼緒古來棲隱尚
風流更爲後會歡娛地雪夜山陰念子猷

寄題施璉川年兄甲秀閣

題甲秀閣此作當爲首選

若溪山色映川流傑構崔嵬俯一州南署聲名推俊
彥東吳文學重清脩相如詞賦不堪金楊子玄經志
可酬獨念迂疎遠廿載追遊他日愧登樓

姚叔庵先生入祀鄉賢爲賦此詩

庚子圖稿

卷上

壬子

雪月風花寓此形昔憑山水降英靈玉樓賦就空人
世寶劍光騰指列星鄉國常瞻東海鶴行藏誰勒北
山銘千年俎豆棲神地赫赫威儀重廟庭

登烟雨樓

川原四望古名州有客題詩上此樓地拔岡巒成勝
槩天開圖畫在中流繫舟水靜魚龍夜凭檻風生蒲
葦秋一片南湖烟雨跡長留千載思悠悠

登戍樓

用事實而每成佳句如此亦藝園之巨工也

屹屹高墉踞水涯登樓百里縱觀時諸山列障羅州
郡大海爲池限島夷關市肩摩車騎合溝塍綺錯黍

禾垂亦知守在粟荒外做戒能忘羽檄馳

仲秋日邀丹厓觀山龍田月川四君草堂小敘

小溪旱後新通水荒院秋來尚有花過客也能留繫
馬傾尊未擬問歸鴉高情不厭供蔬具佳節還期醉
月華崑是良朋常間闊別離早晚更天涯

詠老少年

扶疎枝葉蘊芳妍晚見紅英日夜鮮楓老三江元異
地槐開千載可同筵無言倘授殮霞談遲暮堪隨任
地仙詩更更爲添麗藻却憐常得媚高年

贈龍峰

卷上

卷上

卷上

仰止高山意若何神龍在眼鬱嵯峨氣蒸澤國千峰
雨影落晴江萬丈波草木憑風交虎豹潮天帶海駕
鼉鼉探奇却恐迷林麓一杖相將共爾過

臘月十六日序芳園觀梅二首

寒園日出凍初融春色盈條萬葢紅肥綻更宜烟際
雨芳妍欲競雪前風松篁此日交加好桃李何時爛
熳同牆角小亭當暮晚獨遊清賞意無窮

湖上晴烟雪半融野梅村外滿枝紅早春不爲驚愁
眼芳葢誰將怨曉風書閣小牕詩句好家園南國歲
寒同折來何處尋征客應有天涯歎路窮

七橋和祐山詠雪見示且約過山亭予方煨爐

而坐次答一首

文火氤氳暢髮膚新詩雪後走奚奴懷思安道非無
興臥穩袁公試欲呼暫向幽禽藏邃谷又違冬獸對
紅爐山林西郎直奇絕驢背遊人到也無

次祐山晨臥書齋值雪

詩有蒼石之色

積素凝華凍玉屑騷人命筆似驅奴瑤臺世界三千
滿瓊閣航籌百遍呼鐵馬夜收淮右甲翠裙春抱棠
家爐却憐晨臥書齋意夢遶梨雲不可無

雪水煎茶借前韻

卷上

卷上

卷上

寒朝可怕切人膚急喚陶家掃雪奴香茗正盈俄已
辦枯腸詩就欲頻呼蹇驢門外無過客稍拙堂前自
滿爐日暮小齋聊假寐夢回銀闕世間無

一甲子元旦次祐山韻

曉日瞳瞳海上開青山不識歲時來仙人轉眼歷千
歲甲子平頭數幾回河邊欲見今朝柳牆角還看舊
日梅拍手忘情歌一曲兒童爲我酌金壺

次九桐立春日寓居湖城感興

卜居門巷靜無塵寂寞騷人發興新剩有琴書從作
客間看梅柳始逢春斟杯休恠非吾土杖屨由來重

此身讀罷高詞多苦調陽春白雪竟訛伸

次懷洲上元日同諸公鄉飲值雪

明時禮樂仰雍熙羣老林泉會亦奇百拜冠裳看折
磬高年髮髮垂絲新詞合報優閑日瑞雪還占豐
稔時聞道醉歸筋力健短筇在手不須支

觀燈有作

華燈燦爛小堂新開歲韶華集此辰月白湖城渾似
晝天晴車馬欲生塵踏歌陌上堪爲侶獨對尊前亦
有春簷外小梅寒自照一枝携取更相親

謁新倉祖墓

新倉自入世祖居焉
民稱有戶帖

國初以良

平步圖稿

卷上

三九

祖代村墟二百秋青山海上對孤丘身經亂世餘生
在家號良民舊牒留立石先公垂永計辦香孫子念
貽謀斜陽雨後頻迴望古道長渠帶遠流

述世系

此家乘也

廣陳趙氏元之前猶號王孫諱孟堅異代衣冠推遠
胄三吳文藻屬名賢湖山邑改人何在子姓支分澤
可延幾向新倉尋古跡惟吾二祖冢巋然

詠家園杏花

古木枝繁花亦繁穿雲映日擁家園香分禁苑他年
地色滿亭臺此處村執卷自宜終日對尋芳欲與故

人論却慚嘉樹留清譽正憶庭槐手植恩

邦程補廩生友人貽以詩次韻一首

第子叨前列文章及好春漸鴻不素飽鳴鹿利爲賓
屬望乃予友多情更爾親燈牕何以助詩句可書紳
五月一日

連暮陳編積端居仲夏初梅風開舊葛村雨送新蔬

設逐紛華好終甘寂寞居晝長琴瑟靜吟誦意何如

與友朋飲舍姪竹林墅

絕似少陵

爾有竹林墅讀書想古人愧示疎懶叔逢此宴遊展
味勝妨加飯數多因飲醉親朋對知已欲去又逡巡

庚子圖稿

卷上

三

時雨

仲夏行時令三農愜望覓水田方漠漠風雨正淒淒
江海洪波積乾坤萬品齊陶鈞觀化育感興有新題

草堂雨望

庭靄凝書幌衣寒近竹扉晴虹村外遠風燕柳邊稀
葉色逢時競溪聲入夜微烟光空累日端坐惜斜暉

示姪孫

脩爲須習靜藥物問真源豈誤明經業能通大道門
幸生仁厚里還向序芳園祖學心傳在披圖有至言

贈胡伯山

似少陵敘事

相逢問里居舊業伯山廬越壤還佳處虞風自古初
一方盤氏族滿戶盛詩書從此傳名地因君負美譽

夏日臥東園齋中

幽棲便隙地高臥對前楹匪侈園亭美當看竹石清
仰天惟樹影到枕但蟬鳴遠憶槐庭意令人道念生

盆荷

愛此盆荷盛清香滿院中亭亭傾艷日疊疊舞薰風
炎熾誰能逼繁華不可同緬懷溪上客吟賞意何窮
數朵盆花好芳名君子中洗心觀止水識面對光風
勝賞西湖別神遊泰華同香根傳未已物理信無窮

葵

卷十

三

夏月存芳品葵花故有名早分千葉種高發幾層榮
足有清雲護心惟麗日傾却憐遲暮老吟賞一留情

葺理東園

音調似張說

持鎌課豎兒竟日事芟夷林響暮蟬合墻陰夏景移
侵松披密篠荒徑闢樛枝還向小亭臥風牕有夢思

憶蓮

內弟號

我嘗瞻泰嶽嗟爾憶青蓮斷雲峰外香留玉井前
繁華經夏日冷落向秋天惟有傳芳意長吟溪上篇
答默齋七夕見懷敘及前歲鄙詞兼予近訪不

遇之作次韻

知君晚興舉杯遲星光生髮已絲引蟾排筵非爲
巧囊螢檢牘故宜詩撫特正合酬新句念友何當續
舊詞相見定知茶話好百年高誼有深期

七日與親友集於舍姪元碩庄上用前韻

曉望林廬步履遲更無車騎擁青絲綠荷過雨田家
話密竹清陰坐客詩共有好懷成晚集况逢佳節報
新詞也知樂事非難取旦夕家園自可期

仲秋雨後遊東湖夜歸呼門而入和三兄韻二

首

清題

卷十

三

三

雨過青山湖上遊虛亭坐對武原秋興來載酒隨輕
棹日暮尋山上遠樓正向晚風依弄笛謾携明月遊
歸流良期每月成歡會有約小第從今一記籌
月明涼露濕蒼苔何處遊人入暮來江岬蘆花行且
宿城門燈火閉還開飄飄欲寄漁樵伴擾擾誰祛市
井埃高興更傳詩句好傍舟歌曲憶初回

晚蓮

特起乘殘夏新妍對早秋故移葵日賞偏近桂陰幽
爽受風雲浥春將造化留西湖回首地香艷接天浮

過華封道院

相過卽佳期入門心遠時菊開深院桑苔上小牕滋

詩酒非吾事琴棋可汝爲清宵留客處好聽步虛詞

胥峰招飲樓船二首

昔人云詩中有畫此詩亦然

美人製木蘭憑虛起高觀邀予秋水涯臨風恣登玩
悠悠轉雲山泛泛隨盤索恍然遺世塵身到蓬萊畔
湖雲四面生湖水虛無裏此間入畫圖如對元章子
極目向薰葭冥心傍洲渚榜人鳴橈去身世杳何許

次韻答七橋二首

敢將文字比珠璣却把絲綸付釣磯山澤狂歌誰獨
聽魚龍夜水欲相依秋分日上南簷遍地鮮花藏小

唐李商隱

卷上

王三

院稀窈窕草堂棲隱地惟應詩客款荆扉

草花當鬢代簪璣盆水爲山著石磯鮭菜時爲過客
具桑麻只話小民依丁稠孫子居還闕歲了征徭事
亦稀頭白故人頻問訊將詩豎子扣晨扉

題洪都鍾氏忠節卷

鍾名鎮被軍漆脅走死章

李業謙玄稱獨行蘭摧玉折古今憐茫茫造化看來
往瞬息寰區是百年

贈壽隱上人

蘭若香爐何處邊山頭歲歲出飛泉綠知杖錫深山
意此後相逢不計年

寄半峰上人

脩篁深剎暮鍾微共話山頭坐不歸廿載宦遊陳跡
遠祗餘清夢到林扉

題平川

當湖水綠平如掌疎柳微波風更輕老去江湖渾漫
興沿溪載酒共君行

贈益春子

不事鉛華而情景皆實讀有毋忽

先生幾年居海濱野屋石田常飯芹好景盡歸山水
地長年偏見漁樵人投簪予已厭所歷被褐子寧知
有珍一笑桑榆行樂處春風開遍槐花津

唐李商隱

卷上

王三

雙躍龍

咏物詩首首有奇思

躍地歸壺矢更雙神龍出自手中降若非葛浦仙投
杖定是張華劍入江

王女王官藝絕雙西京郭舍不須降壺如神鯉飛東
海飲似長鯨吸九江

神矢雲飛中每雙滿堂賓客盡輪降葉公怕有真龍
下風雨時時動小江

幾迴壺矢偶能雙好勝如何心未降一吟躍龍龍不
見坐移白日半沉江

觀劇

此作鍊句甚精亦有關於風教佳佳

春風開遍杏花林握手都門悵別深
栽水難拋烏鳥念關山尤繫杜鵑心
柳州死友名猶在蜀郡生妻愧
豈任總是僊師遺故事傍人何事淚沾襟

姜詩

昔人云杜少陵詩史今復見於此

賢夫遺孝婦此事君勿疑賢妻諒孝子此情自相知
此情既相知恩義夫何虧彼此同求仁形跡匪所思
今古處人倫會得理無遺

姜詩三賢婦婦去常獨疑何以常獨疑婦孝母未知
婦孝母未知子道其有虧苦心愧珍羞終然母見思
姜詩不去婦吾補史家遺

卷十

姜

姜

顧貞女詩

名教繫綱常天性超等夷節婦信匪易貞女良獨稀
嗟彼顧女氏婉孌閨中姿有志貞不字不字伊爲誰
初與鄒氏盟遠戍天之涯嬰疾竟長休父母擇所歸
女氏陳不可誓死以弗移報答本無恩哀傷寧有思
至哉從一義乃在許聘時剪髮既慷慨沒身還委蛇
貧居六十年茶苦甘如飴辛勤撫厥後青衿成令兒
全行通神明回祿實避之煨燼數百屋蕭然見完祠
此事傳平湖華宗令於斯守官如守身名家有光輝
吾爲述貞行匪但女中師

又作絕句二首

貞女高賢不易倫心涵水月淨浮塵誰將名義相拘
束恣意桐江理釣綸

平生心事重丘山六十年來只等閒就義從容看晚
節燕京柴市定無還

送顧大尹

三年報績徵書至百里留賢使節催野草依依隨踏
合山花灼灼倚筵開當湖爽氣涵孤月北闕清光切
上台莫向棘林攀去翼朝陽側耳鳳凰臺

送四衙人觀

紛紛車馬客夙夜動江濤郡國三年計君門萬里心
風雲追北使梅柳問南音王事纔云畢官衙會早臨
學宮東南建鍾閣榜曰龍吟堂學雙喚法君創

識邑侯直齋顧君王事而成之者也余賦詩

述美用擬思樂之歌焉

景切

煌煌俎豆居青天插旌標暈飛昂左翼宮廟增而高
斯文肇弘規磊落資賢豪法君明堂具絳帳寄官僚
載見絃歌宰割難用犧庖二美真同心鳩功不崇朝
壯麗材難備崔嵬勢無搖負簣必固基升階可侵霄
樞檻馭長風人袞軼紛囂極目瞻滄海一氣混雲濤

飄飄舞衣裾萬古輕鴻毛日月轉雙輪江山不沉消
象教扶兩間聲聞達千郊華鍾發鯨魚音連浙江潮
鏗然警聾聵清夜何寥寥宣尼去千載說鈴自譊譊
吾聞龍變化靈物匪可招莫覩顯晦姿誰辨雌雄號
蒼茫延平津恍忽終南臯法因金石宣道以神理超
龍吟揭微義如聽空中韶邑里儒林舊此日瞻鳳雛
野夫逢勝槩白首得遊遨載筆多無言感興亦長謠
朱絃有遺調歛手俟俊髦

次懷洲鍾樓作兼呈諸公四首

樓在學宮前

樓傍東城聳巨觀環封百里勢增寬臨湖不啻如衣

序考

卷上

三

帶到海何須一鳥翰關里崔嵬還砥柱寰區彌合是

泥丸羣公並有攀躋興會見新秋月正團

近遊官側上層觀老覺湖山分外寬雲倚危楹聊縱

目風飄雙袂欲生翰諸生聚會傳鳴鐸開客逍遙寄

弄丸幸托敞廬芹水畔焚香清夜坐蒲團

地拔層樓條改觀啓元門占武湖寬儒林上築綠鍾

秀才士登臨並染翰文筆一峰當玉案

案山爲文筆峰

九水抱金丸

東湖九港中有洲爲九龍戲珠形

老夫却愛乘春興花

柳村村錦作團

一上高樓縱遠觀興酣日落未心寬興文有象傳鍾

鼓偃武何人屬屏翰閩海長鯨猶鼓浪邊氓餘狡尚
飛九林居幸受清平賜長對桑榆午蔭團

答七橋表兄用韻

自我歸休白髮添十年世路失涼炎餘生自分江湖
老大造非忘雨露露高適暮年詩更好陶潛社會酒
無嫌故人佳句堪酬酢把盞高歌月照簾

題畫四首

千郊芳草地三月艷陽時愛爾青雲翼花間寄一枝

山水面佳處綠楊垂嫋娜坦腹此老翁肯用章服裹

寒冥無人境千山落葉赤江湖一扁舟誰識鷗夷客

序考

卷上

三

炙獸紅爐處烹羔錦帳前梅花江上發雪後故人船

詠雪

風威入夜曉凝華日霽林扉景倍嘉色映湖天臨屨

杖寒封野谷見人家千嶂共我頭俱白萬樹先春絮

作花郢客由來歌白雪不將勝事向人誇

乙丑正月二日泛湖次韻

晴日天開山水圖扁舟與客一携壺郊原寂寂憐新

歲車馬紛紛自九衢梅帶曉寒臨水發鷗迎春色向

人呼懸知暮景多幽興日把漁竿出武湖

默齋病起值閏二月百花生日有感懷詩爲次

其韻

人却殘年疾花逢閏月遲青陽如有待白髮好相持
驚語繁長日林香入暖時風光休感歎且進掌中卮
首春積雨遺懷次韻 句法婉似少陵

雨絲難繫日如梭一月春光閨閣過旋有黃鸝妨翅
濕祇應新柳抹烟多遨遊春半須兼樂醉飲宵長合
放歌結伴定尋三四友陰晴每日棹清波

贈梅谷道人

有客何年別復來抱琴誰氏不須猜一身無伴數千
里少食新添三兩杯晁舍洞簫兼品藝每逢山水輒
唐才圖籍 卷上

徘徊相畱似愛城居處有約他時再上臺

暮春邀晉南屏司馬陸胥峰司寇徐默齋隱君
園亭小集次韻

小牕晨起日嘉微春暮園林花又稀高士相逢畱指
訣青山老去有依歸荒亭自慙壺觴趣短杖堪迎竹
樹暉尊酒從容遲得醉共看明月映蘿衣

家園觀牡丹

獨向芳亭爛熳開竹深人靜未須猜自將得意酬春
色漫把芳心入酒杯光被園林雲樹合香生臺榭午
風來槐陰恍見庭趨意清賞沉吟欲裁

祐山花園賞牡丹

晴寒高幔陰芳妍勝賞仍憐二月天 時閏二月翠圍花催
春宴早綺筵杯弄午香傳欲替老鬢臨泉石更調新
詞入管絃綠野追隨行樂處韶光好共盡堂年

看牡丹贈兼山馮翁

綽約高枝出晚烟一尊臨酌野亭前眼經嫩蕊初春
約書報新晴此日緣在向山花誇富貴老看國色訝
神仙物華爛熳先成醉况遇耆英八十年

詠芍藥

曾匹花王壓眾英牡丹於汝看來清物華冉冉舒長
唐才圖籍 卷上

畫風影踈踈傍晚晴荒院自深烟霧色美人虛憶佩
環聲撫時正是清和月吟賞誰憐得我情

馮兼山招飲泛湖翁昆仲年各踰八賦詩一首

凌風蘭棹破重烟四望湖山入遠天何處蓬瀛訪東
海雙瞻耆耄是神仙席迎花雨千峰外酒壓波濤萬
頃前借問磻溪容我老一江明月上漁船

端陽

句嚴而雅會於川事

歲月閑來自覺長故園今日况端陽渡舟風俗元相
競歌管樓臺且未央蘭佩幽林尋舊服荷筒小院試
新觴都將白日義皇意一臥風牕五月涼

疊韻

句意俱新

遊人觀渡接袂長空託遊龍戲赤陽百草那求山上
下青蒲自在水中央端居有日稀逢侶世路無心聊
舉觴月令省身多所戒守真何必計炎涼

生日喜雨答七橋次韻

草堂詩到有知音爲我生辰喜致霖膏澤松筠能共
得塗泥車馬謾相臨好懷偏對杯浮玉久旱真成天
雨金惟願年豐人受賜清時野老只閑吟

次默齋喜雨

久旱頻沾雨力勝草堂那更散炎蒸明農正藉田
序老園獨
卷十
聖

粒解溫誰煩玉井冰百草蔓堦生易過長松偃蓋勢
非增寄言清景還相遇月下花闌一共凭

草堂對雨次韻

入夏俄驚五月梅其其暑雨逐人來光陰荏苒隨時
令人事蹉跎付酒杯自覺蓬茅便所性不將樽櫟愧
非才白鷗本是忘機者寂寂沙頭更孰猜

泛湖

句亦工

出門理棹卽湖中竟日淹留興未窮鏡水已應歸
老習池能免醉山公雨餘江柳迎人綠野外園葵對
酒紅朋舊追隨真可樂揮金遠慕二疏風

題明川陳先生號次韻

前四句造詞寫景

茅屋青山烟淡淡野橋春岼水潯潯萬家城市浮雲
外千里舟航返照間把釣已從溪澗僻忘機真與鷺
鷗閒四更月吐明殘夜獨照幽人正閉關

題祐山弄丸亭

鑿石連筒眾水輪蟬頭水噴一丸扶天機已失宜僚
智神物誰遺象圓珠心性圓通涵變化乾坤和合旋
虛無小亭卽事瞻名義安樂窩中對範模

立秋

錄錄而思奇

梧葉迎秋色雲陰傍晚晚天新涼催去燕征暑入鳴蟬

序老園獨

卷十

聖

方術尋遊外年華疎懶前都將逢暮日一付子雲公

秋風二絕

八月秋高風自生城邊木葉連秋聲野夫朝來一踈
爽興入摩霄鶴鶴鳴

堦前眾草何紛披荷葉蕭條向小池離離彼黍花齊
放嗟爾飄風莫浪吹

漫歌行

昔余年少隨冠簪多病精神猶自堪黃昏轡馬常出
入五更屈起赴朝參邇來病少身自嬾老大筋肉成
贅綫鬢邊黑白何斑斑歲月從今一疎散收豕驅雞

非所宜彈琴拔劍令人嗤草堂鎮日渾無事手閱方書聊爾爲

中秋

此作真清水出芙蓉也絕妙絕妙

露下高秋天籟空江城月白水雲同衣裳冷逼丹霄近樓閣光騰碧海通松桂故園當此夜乾坤清賞屬微躬蟾仙願得千年藥槎客長乘萬里風

九日登案山還上鐘樓次韻

杖頭風日故相關病起扶携上小山佳會當年吹客帽黃花今日照人顏天空樹杪秋雲薄湖淨城陰夕鳥還暮倚高樓餘興在鳴鐘仍擬笑談間

李孝園稿

卷上

中

和默齋九日也醒相訪見懷用韻

佳節相逢足燕歡知君非爲酒杯寬素心人是柴桑友黃菊花爲楚客殢江清早投鴻鴈遠茅齋高臥竹梧寒東籬舉首還相憶時有南山得共看

次友人秋夜獨坐

律效少陵

莫向浮名問是非乾坤漠漠更誰私爭春樹木底心性逐化與龍自歲時草閣琴書秋正爽江城鍾鼓坐堪遲懸知對月忘懷處風竹蕭蕭入夢思

題穀菴姚柱史先生祠

吾郡論耆舊逸史風流在宗匠擅詞場名聲振江海

揮毫染紙間細素飛文綵才躋李杜堂筆壓秦庾壘

匪是形模工育中錯磊磊干謁走四方羣公想丰采

越水增而秀吳山日以鬼夙抱經綸資有才堪負負

冠豸要觸邪此四句說蓋公後生平事常甘忤時罪一麾謝朝列知足早不殆

世網非所嬰時貴焉能免歸來雲溪東水竹據爽塏

娛意對花石清心近蘭蕙圖書樂事多風月良辰借

蓮橈漾微波澳歌襍欸乃緬懷八極內俗物都傀儡

神遊天姥峰氣吞雲夢匯青青歲寒柏柯葉終無改

公性既倜儻守身戒荒怠左右列箴銘言行寡尤悔

丹青乃寓言專譽聊樂愷新祠駕湖上精英見真宰

李孝園稿

卷上

四

伏臘走冠裳祀儀應有待小子爲鄉人覩瞻得無殷

拙疾相倚薄中年愧咸晦學術既寡昧用志牽襍猥

誦公自贊篇前脩邈難逮

公自贊有曰違道干譽飾貌矯情余曷敢以是而

自寧敬事君親誠交友兄或庶幾乎予之平生某

竊以斯語自勵因述之終篇庶見公之爲人佞諂

同志云

中秋胥峰招泛樓船

樓船宴積去年遊霽月能逢此夕秋望遠光連蓬海外憑高寒近碧峰頭雲韶杳杳當筵合瞻桂霏霏入

蓬浮謾說乘槎星漢客登仙何似李膺舟

詠菊

金鳳毛

不見丹山彩鳳鳴野花猶戴羽毛形陶家冷落休相
咲此物堪移處舜庭

金鶴翎

一從黃鶴仙人去花落花開幾百齡豈是秋來回羽
駕枝頭猶撲一金翎

疊前韻各二首

梧竹參從百鳥鳴九苞日彩照方形亦知地轉義皇

序芳園稿

卷上

聖

世祥物應隨處十庭

江上臺空風不鳴吳宮花草久埋形天留物色金光
羽却咲痴人覓謝庭

仙丹有神傳變幻金姿鶴算度千齡等閑寐寐松篁
徑忽訝花間耀羽翎

曾飲南陽甘谷水身輕壽擬子喬齡昨宵夢裡膠雲
鶴半是金花半鳥翎

紫線盤

意句俱工

結綵誰爲五色絲却看身上薜蘿衣畫圖怕有人知
道恐遺花樣入宮闈

菊

昔有薜蘿客含英味道真脩名立百世葉桑繼芳塵
采采向東籬澹然葛天民視世忽若遺惟見黃花存
南山時識面旨酒還足珍曰余本無能因恬寤真
拙守資多病靜臥常經旬空堂列寒榮聊以對佳辰
秋興未蕭索况乃懷古人悠悠歲月暮盈盈物華新
邂逅一清賞綢繆意彌親服食當饌糧紉結爲佩紳
開徑復誰望歲寒松與筠

冬至

豚豚陽和九地還葭吹六琯有無間南暉欲轉堦頭

序芳園稿

卷上

聖

樹朔氣猶連海上山柳傍通津偷暖色梅藏深谷動
冰顏道人不是行時令養拙年來早閉關

和友人春寒

陌頭楊柳塞寒烟小院看梅春自全新月夜牕應半
掩茗甌香鼎故人邊

春陰過一月矣悶然自遣

沙圩塔前風色凄烟草湖上令人迷詩牋鶯花且幾
首酒償山水還頻携野渡流水凍須半柴門列楊青
漸齊東皇各解野夫意行樂便教春滿谿
春日草堂獨坐和默齋邀園亭看花韻

綠野閑來晚望時青山在眼意俱遲迷花不覺流年
度縱酒還憐暇日期閑戶晝長禽自語隔園春好蝶
先隨新詩遇景頻相約林壑幽懷愧我知

遊馮諫議山園石磴中小坐高峰突兀其上余

以爲佳處賦詩識之

探奇不厭凌山險徑易峰高憩息間似有猿聲通鳥
道真看仙嶺出人寰亂霞深谷窮難過片石孤雲坐
不還十載抽簪長不顧况同給事得躋攀

次默齋久雨喜晴

風雨江南已仲春林泉惆悵振衣人豈無楊柳開門
處

卷上

不卷上

七

綠何處桃花觀裏新返照且隨吟興逸青山還對滿
壺頻幽棲正憶於陵老一畝深園絕市塵

止酒

病起當杯興若何纔傾一盞得天和吟詩恰中詩懷
好止酒翻于酒趣多盆石風含秋骨冷簷花日映笑
顏酡半酣未到堯夫分三爵能忘衛武歌

泛湖次韻

當湖東望紫烟騰豈有人間處士星日月倒開天宇
闊樓臺遙對海峰青芒屨尋細雨呼朋去清暑深江鼓
柁行稽阮只從林下醉羲和肯向日邊停

次祐山嘉興道中詠晚霞之作

秀水光搖下尺橋蒸霞縹緲上侵霄未驚西嶺輪埋
赤忽訝千林錦作苞氣吐虹霓同赫赫章垂雲漢共
迢迢却聞隱士餐靈液爲訪丹丘遍草茅

端午次鶴椿韻

不襲舊語而自成一家之言

佳節偏城鼓吹稀薰風故里芰荷衣持杯此日歡相
得佩虎何人赫有威細葛香羅名豈與蘭汀蒲渚歲
常依閑來扶杖借童稚斲藥山中露正晞

望瀛

家住當湖海與隣神仙三島望來真逍遙福地君知
處

卷上

不卷上

宋

否桑梓常閑耕鑿人

茉莉

茉莉花開香且繁滿庭秋草自孤根臨風映竹閒時
見裊露和蘭夢裡存素萼不妨簪素髮清芳欲共倒
清尊生憐南土違霜雪歲晚相依小室溫

苦雨

不事雕鏤而情真也

水田漠漠稻苗微六月陰寒百物違苦澇已聞經月
歎時暘初報爲民祈守堤下土難爲力入海羣流不
易歸野老自關憂樂念毋從林園望西暉

前韻答諸君見和

東野雲開日又微莫教積潦歲功違憐予閑老多愁
思歎爾詩翁亦請祈菊圃雨荒併可惜釣船風逆也
須歸尚期人事諧時令共對桑榆弄晚暉

喜晴用前韻

霖雨全收風正微依然穡事更無違野夫渾失愁和
喜村社須存報與祈花影移時詩欲就蟬聲到耳夏
將歸東園携杖堪清賞密竹濃陰映遠暉

又呈諸君用韻

溪聲入曉雨初微山色迎人望不違農畝淋漓今有
賴天心仁愛本非祈清風已度晴郊遠明月還隨夜

庠老

卷上

聖

鶴歸惟與諸翁成咲飲醉同作社到斜暉

生日答介泉伯兄用韻兼呈立軒三兄

鴈行先後武湖天兄弟肩隨一二年晚歲逍遙能共
得生辰歡樂可從權日長雲護青松院雨過涼生綠
水田不盡勸酬添壽酒正將歌管奏新聯

送蔡三益掌教遂平

送君湖上惜芳尊絳帳翩翩不可援育士已知懷舊
德崇儒還喜沐新恩幾年冠蓋遊吳國千里雲山向
浚原正是先生行志日兩鄉桃李在公門

贈望湖生日

識君廿載歷青春歲晚過從意轉親問齒必要齊齒
會計年強半百年人學優豈但兼方術行篤還知重
佩紳誕日題詩將慶祝秋來初看月華新

九日登陳山

野老懷寬任暮秋歡呼與客醉山頭天高踞石渾無
礙日落觀潮獨未休世事悠悠看去鴈生涯渺渺對
浮鷗酒闌朗詠齊山句古往今來共此遊

題天心書院陸與中爲龍溪先生建

何物網維萬象森乾元渾渾此中尋羲皇立極同天
地洙泗傳仁亘古今多士四方來海石良知一脉仰

庠老

卷上

辛

山陰煌煌講院標名義講到無言只此心

家園作

穿林小徑舊逶迤竹覆花闌漸欲移喬木參天三十
載庭趨猶記及肩時

虞笑人

一花開落又花開綽約東風半欲催尚想虞兮呼欲
起君王眷眷有餘哀

祐山山園五絕句次韻

山亭遇雨

有似王維題剡川景

何處半山亭亭畔瓊花鮮奇哉此間雨回路隔凡仙

龍珠巖

幾向龍珠巖采出珠猶轉憶昨題詩處石路生苔藓

沅觴曲水

已踐流觴跡還看茂林青酌君酒一杯今古誰重輕

山頭對月

上有王子笙下有馮夷鼓月照羣峰出徧作驚鳳舞

池中進艇

方塘作畫圖千里一灣中五湖逃范蠡却似鳥開籠

次友人病起

佳興初除恙新涼已積旬松篁餘晚歲後鶴金闌身

庫方園稿

不卷上

五十一

瘦骨元非病清齋不是貧閑關常寂寂垂老見高人

詠梅

幽樹依庭久開花滿舊枝尚含他日咲應解主人知

冰雪已多歷香風忽有期從教艷陽日桃李競芳姿

和三兄觀梅

寒尋隴底句誰裁暖向堂前花自開好破玉顏從我

笑今朝恰有弟兄來

次祐山雪中觀未開梅

東閣雲連野水灣探梅踏雪過前山孫叢寒寂猶永

骨六出霏霏自玉顏冷蕊正含搖落處香風欲動竹

松間花前不識花神足休道春工不少慳

次梅灣韻

山梅遙向水邊開路轉山隈香自來逋老吟懷行處

是恍同孤嶺坐筇台

次雪梅

已看謝傅庭前絮更見羅浮夢裡姿梅雪爭春春屬

我併收香色入新詩

庫方園稿

不卷上

五十二

庫方園稿卷上終

序芳園稿卷下

當湖上萃趙伊子衡謀

武林望陽劉子伯評點

丁卯元日過湖亭

浮舟亭子濱元日舉杯新聞靜初驚客尋遊獨冠春
忘年對鷗鳥占歲向漁人久坐知長晷餘光照遠津

蒲石

娟娟書室內蓄汝意何如葉護清沙淺根穿細石虛
寒漸移暖席舊雨出前除青眼常相對纖埃不染初

序芳園稿

卷下

贈西橋楊君

河橋齊草屋深郭此幽栖釣艇近門繫囊琴過客携
夕陽分遠樹春水會前溪老况存詩景看雲日杖藜

寄七橋

別業海山邊孤雲望渺然獨違城市伴去結野人緣
雅趣時遊行高年祗靜便盍簪猶未得詩句早爲傳

送慎菴陸子

陸子工儒藝才能早獨優信陽多美政家世重前脩
暫赴冬官屬終非俗吏泥時來當穎出行矣慎嘉猷

春雨書懷

春寒積未解陰雨動妨人興遲林花發尊虛野水新
海雲時出沒谷鳥亦遑迎筋力多衰謝無勞看鏡頻

聞遺 詔志感

有赫信昭垂彌留孰轉移奸諛誅死後 朝政肅清
時 憑几彰神斷號弓竭報思傳聞遺

詔下早晚遍華夷

又作次韻

此日是何日淚灑心自言國是定遵堯非幾戒周篇
茲惟 宗社靈誰云贊襄賢孔壬今何在誅殛踵不
旋 國運屬休明同心濟時艱普天歸

序芳園稿

卷下

聖德悲號萬松前

題胡氏雙節

事在郡誌

史筆

二氏人則亡雙節名猶諸共慕雙節榮未論二氏苦
苦樂幾何時榮名著青史繁華隨腐草誰以彼易此

胥峰公往秋遊天目今春遊鴈蕩高情勝趣合

有紀述聊賦短篇奉贈

學道優遊當晚節采真遐邇歷名鄉已看秋轡回天
目又整春裝向日梁千嶺烟霞殊未極荒塗緇侶自
相將歸來入境心還遠一室焚香意正長

次祐山嘉興回舟觀曉雲之作

朝雲江上出奇峯，旗羽龍蛇畫不同。層寸泰山瀾宇，
宙網紘巫嶺散虛空。已悲幻化同塵世，况值秋風飈。
野蓬獨有僊衣，牕外白飛來飛去伴閑翁。

小園詠杏花

滿園春色競時榮，紅杏枝頭日轉晴。造物自傾珠玉，
富幽居誰掛綺羅明。亭臺照耀通僊路，冠蓋追遊憶
上京。日落柴門啼鳥靜，回頭猶見紫霞生。

疊前韻

春來草木盡光榮，紅杏開時向日晴。老幹着花仍爛，
漫幽荒隔葉自分明。舊堂槐樹傳芳圃，曲水瓊林滿

序芳園稿

卷下

三

上京正想南宮同賜宴，恩霑近侍及書生。壬辰科先君以

都給事掌廷試卷父子蒙恩同賜宴禮部榮感有述

小園賞杏花乘興放舟東湖次客韻

湖上風光面面浮，扁舟來自杏花頭。園林未盡尊前

興，雲水仍牽物外遊。几杖遠依芳草地，鳬鷗晴散夕

陽洲。爲耽賀老嵇山趣，載酒尋春獨未休。

牡丹

游氣冲融鳥遍呼，名花萬朵一時俱。春工遲爾收全，
盛衆卉隨形定有無。翰苑詞華傳李白，神僊容色見
堯夫。題詩勝絕驚吾老，惆悵天香滿座隅。

贈鄒鶴舟

扁舟載藥與誰同，皓髮玄裳一老翁。負性直如沙上，
鶴高飛終不受樊籠。

苦熱

夏民憂國之心並見

火雲常在目賓客，各相遜共苦炎蒸。劇誰堪襍勞，
尊疊心不在文字束。何高一夕千金買涼秋，泛月初
人事須暫息。天時非所逃，行人方告困。農務可辭勞，
荷氣水還靜。蟬聲風乍高，長林水心寺。此處繁蘭初，
火龍方爾熾。箴畢竟何逃，女魃助爲虐。東南實告勞，
氣蒸衡室浸。心繫塞烟高，聞有招軍令。江津聚越初

序芳園稿

卷下

四

詔起次韻答默齋

早離簪組迫耆年，起廢何堪金衆賢。江海微求逢舜

日，山林長養憶堯天。

聖朝浩蕩恩重厚，賤士迂踈報未緣。拙計倚樓誰與

判，高秋深話故人邊。

倒疊韻答默齋

徵書忽向海雲邊，未信人間別有緣。久伴庭松多歲，
月肯孤籬菊自霜。天幽棲山水便吾病，壯志風雲屬
世賢。鄉社詩壇報知己，尋盟何必問他年。

題淨土寺金蓮

墨花祇樹報荒林，法雨慈雲歲幾深。色映金鋪檀施地，名傳玉甃泰華岑。恍聆妙法天香墜，已濯塵根淨土臨。聞道醍醐真味美，中含甘露勝清斟。

遊雅山

嚴舟村畔路逶迤，引徑山童爲我隨。籍地仰看岡嶺秀，披雲遍訪洞巖奇。興濃不厭觥籌急，老健無煩僕力支。日暮下山歌詠處，天晴四野麥風吹。

雅山五詠

丁卯九日余偕客登雅山觀覽諸勝舊未有名僭爲名之以因紀以詩各一首

當湖風壤嶺頭分，昇捍高連海上雲。還望全吳窮地險，平臨南斗應天文。

右南極峯

序

卷下

五

振衣蒼嶺出塵埃，海外羣峰次第來。真是江山有神遇，波濤萬頃面蓬萊。

右望僊嶺

虛巖峻壁倚山巔，仰面當空巨石懸。混沌壁來形似昨，摩挲今已萬斯年。

右萬歲巖

石作龜形勝寶龜，乾坤不愛負書奇。何人載筆開文字，高起螭頭十丈碑。

右龜石

諸峯競起各巔屹，離立如人厚且端。且端早覺元章呼丈丈，含風伴月到詩壇。

右端石

雅山五景次韻

舊傳天駟曾星墮，遂電追風氣郁紛。一見祖龍鞭策

影挾山超海勢難羣

右天馬峯

杜公遠跡行巫峽，孫子真搜度石梁。真道雅山形勝僻，高人詞客好相將。

右石梁峽

嘗騎白鹿山頭下，此洞人呼仙子房。索我洞中無處所，紫芝朱草足春陽。

右遊仙洞

潮音動處聚千僧，南海補陀山幾層。昔日點頭今面壁，生公傳法爾堪應。

右頭陀石

脉脉寒泉巨海通，陂塘千頃未爲功。臨流晝夜常如此，吹盡溪頭樹底風。

右一脉泉

壽祐山翁

序

卷下

六

湖海千秋瑞氣函，壽星遙對草堂南。風生繡幕通丹室，月滿瑤臺繞翠嵐。溪上逢迎蚪作杖，雲中歌吹鶴爲驂。夜深真有松喬下，許共金卮醉裏參。

次韻答陳鶴湖見寄因懷勾溪翁

海鶴聲聞到野田，承家詞雅令名全。綠思耆舊雲隨杖，正挹丰神月滿川。節近晴憐浮菊盞，簪稀涼入泛湖船。不忘世好能相遇，自掃空庭老樹邊。

七橋詩送邦秩北試次韻一首

萬國追趨僉俊才，振衣策馬上金臺。人間物色呈騏驥，天上風雲護斗魁。尺牴快傳江北鯉，三春齊動澤

中雷多情早覺題詩伯仲望 皇都姓字開

戊辰元日次祐山述懷詩

頸聯止處

老臣七十倍精神華使方當觀省辰已見孝慈深父子更移憂樂向君民故園簫鼓千家曙北闕烟花萬里春吾子計偕今客邸早能陳力代而親

春日絕句

沙圩塔前春草萋案山樓外曉鶯啼畫船遊遍三湖景簫鼓聲頻日又西

柴門路僻草萋萋五柳陰多鳥自啼紫陌紅塵遊騎合靜觀春在少城西

左卷

卷下

七

觀祐山山中真珠泉

處處流泉濕翠微穿崖巧作萬絲飛昆池颯沓珠璣吐碧落空濛烟雨霏佇足衣衫渾欲澱寄聲琴曲未應希曾聞廬瀑多奇態興到相忘是與非

頗怪山人事隱微清泉安得座中飛風濤斜作松頭勢雪絮常飄日外霏珠浦標名君獨占水簾窮趣我難希此間合醉如澆酒卓錫仙人今已非
水破滄江石竇微青雲一注映空飛恍疑雲漢懸晴練更奪珠池皎夜霏搖月細看簾箔靜鳴風時聽珮環希道人却愛清泓好流出歌筵未覺非

次祐山山園四絕

仙家華表跡應稀御苑宜春草自肥何似山園馴此物主人遊行各來歸

右鶴鹿坡

晝可停桺夜可休太陽辭幄月通舟深溪一帶幽叢處莫作匆匆孟浪遊

右漏月溪

分得蓬萊第幾峰烟林雲壑壽幽蹤人間端有脩仙地笙鶴徒勞望九重

右小蓬萊

閒來日月倍遲遲千載誰云一局棋仙巖况作園中景柯爛慢消世上時

右爛柯巖

疊前韻

左卷

卷下

八

休嘆青田伴侶稀草蒿滿野舊充肥爾曹各有神仙分雞犬從人天上歸

趁月沿溪獸未休綠蘿蒙幕轉孤舟却思皓魄當瓊宇我在婆娑樹底遊

紆迴細路歷羣峰巧占蓬瀛海外蹤小着行窩寬着眼丹梯千丈水千重

一來洞中不知去柯爛何須看奕棋每貪山玉傳杯日便似樵夫弛擔時

題家園牡丹先大夫手植至今若干年矣

名花齊向艷陽天傾國容顏賦予偏所石軒前雄萬

象序芳亭裏耀高筵靈根有地傳神秀古木同時閱
歲年領客稱觴非一度舊題新詠續爲篇

夜過默齋看牡丹辭飲次日以詩見招不克赴
用韻答謝

相逢已過一春天索燭看花發興偏白髮紅粧宜照
面回舟入夜故妨筵清談更擬追遊日佳思還酬爛
熳年開落未須憐暮景卷舒常得誦新篇

生日次答默齋見寄用去年喜雨韻

賦得新詩續舊音去年此日正逢霖生辰聊復盤蔬
具暑月難爲杖屨臨鄉土尊行希大耋篇章溫美重

康芳園稿

卷下

九

雙金清尊過雨新涼夜擬向花前展咲吟

曉坐俄傳作者音翛然執熱洗甘霖南飛曲奏人猶
遠西使書來鳥自臨詩會可依羣老社歌筵却愧二

疏金清風明月尋常好促席良宵一朗吟

廿載京華杳訊音羣龍在位作商霖祗應樛櫟天年
遂錯認樛櫟匠石臨青鏡數莖添白雪丹砂幾轉得

黃金從今莫話爲官在野老悠悠只醉吟

病起偶述借友人別作韻

日日茅齋睡起遲喜無人事病堪支無言坐向環中
處有意雨來牕外時風物漸看秋入畫吟囊那有筆

如錐幽懷瘦貌誰爲侶歲晚黃花是故知

小庭行藥步遲遲竹徑涼生力漸支伏枕久知蟬響
候開簾初覺鴈來時武湖水遠涵明鏡文筆峰高露

立錐欲報故人尋賞處心期早已白鷗知

再被巡院疏舉遺逸答故人勸示次韻

誰將姓字玷羣賢莫遣徵書落遠天渤澥鷗鳬元不
少渥洼騏驎敢相先夢回京闕秋霄迥坐對林丘暮

景懸四十歸田今白首正思回轡王山年高蹈遠引於此可見

夏日與二姪元粒款語

暑坐風來飄我襟墻花度午漸成陰遠郊雲起宜時

序芳園稿

卷下

十

穆虛院涼生忽暮禽葛藟東園何莫莫槐林故里正

森森也知爲善居家樂惟有天倫樂最深

題二姪後芳亭

遙對芳亭翠木蒼亭開北野續爲芳可憐綠水田園

僻自足春風花柳香戶牖迥高堪眺望村墟卜築見

行藏汝今有意耕兼讀學也由來足稻梁

寄壽天界寺半峰上人八十

二十年來希見君君今八十遠猶聞惟同夜夜牕前

月遙指金陵禮片雲

聞蟬

端居永日忽聞蟬森木晴霞徹遠天清響已移朱景
候長吟欲賦白雲篇誰將聒耳輕微物自覺關情向
暮年倚杖飄揚潛入夜枕邊風葉復淒然

邀客遊陳山阻雨不果留酌東園次韻

南山雲霧密難開北渚鷗鳬出復回湖上平查聊弭
棹亭前芳樹好衙杯棋枰當檻梅風入杖屨穿林夕
照來雅會天教留勝事新詩賡詠興悠哉

遊項氏山園

乘興來城郭徐行入翠微疏峰開霽宇古洞積烟霏
地迥寒梅綻亭開夕鳥飛人歸新月上深掩竹林扉

卷下

十一

除日

以壯年而歸榮祿林下今見一人矣

家食真無事悠悠歲屢徂暖烟浮野樹青雨濕郊衢
尚掛銚衡籍深慚拙疾軀明春有辭疏重爲乞江湖

已巳人日

新年城市接歡譁七日筵開喜更加漸老一尊還竹

葉餘寒雙勝自梅花故人書至瞻朝政原翁書盛稱時政清明云

南國春來對物華人事天時常並美康衢歌任野夫
諄

贈龍溪先生四首

聖賢爲吾徒公卿爲吾侶其志嚶嚶然而又栖栖爾

衆人不厭君賢者亦猶是嗟嗟苦心人于何覓知己

物論常不齊道術未易違余豈知先生而不受言聒

信時意乃佳不爾志斯末以茲抱區區中誠有難奪

憶昔聞密指曰真性流行心思路俱絕黃金不可成

中夜撫枕歎百年遂虛生罪過况多端歲暮還屏營

孔子爲釋迦斯言遍中土或云龍溪師出入三教主

至哉良知學包羅非所取願言慎其防繼往詔千古

題何嘉興遺愛編

旌麾幾載嘉城別簡牘于今政蹟存鵬鸞雲霄凌爽
氣柔麻雨露浹春溫徘徊畫省郎官地繼往詔千古

卷下

十一

老言爲續歌謠成短句賢聲早已到衡門

庭前桃花盛開稍稍飄動戲題一首

葉未分時花滿柯纏頭紅錦也難過漸看顏色枝頭

老莫遺爛斑地上多向我無言還色咲停尊不飲欲

誰何相憐似問君容貌鏡裏看來准舊麼

七橋生日見過留飲花下次來韻

一樹山榴照暮春兩人花下醉佳辰尊尊莫負尋常

約歲月相看六七旬我向山林甘寂寞君將詩酒樂

清貧不須別訪丹丘訣松菊庭開道意新

題玉洲陸侍御祠堂次韻

昔宰清河河比清。至今淮北仰仁明。憲臺出入收時
望牧伯歸來保令名。通邑士風咸有屬。百年祠典信
非輕。瞻思擬向東湖曲。采采蘋花一薦情。

意新

湖祠深掩竹梧清。野日偏臨俎豆明。門外青山疑識
面。林間好鳥自呼名。人思耆舊無存沒。行別鄉間有
重輕。此日冠裳趨走處。共看賢孝子孫情。

家園牡丹

誰談花事荒多雨。默喜家園發舊枝。遺植况經三十
載。增題欲滿石牕詩。香風翠蔭寒新幕。麗日芳闌豈
小旗。親友歡來非太劇。兒曹看去有餘思。

序老園稿

卷下

七

昨日苞含雨露姿。今朝齊放艷陽枝。解醒欲盡千升
酒。疊韻還期百首詩。永晝羲和停日御。柔風屏翳靜
雲旗。洛中勝賞開時泰。野老狂歌有所思。

爲念槐庭多手植。連朝朋舊伴花枝。序芳東圃尋遺
稿。清吹西華入賦詩。雲傍御園圍綺繡。日臨仙仗擁

旌旗。太平勝事當年話。每到看花自永思。

先君牡丹詩有按垣

清吹西華道綺繡雲深過王鑒之句蓋追述爲幸西苑觀花警蹕鼓吹傳達省中爲林園勝話云

芍藥數年不花。今歲復愆其期。四月二十七日

涉園忽開一花。甚奇侈其名曰精金美玉賦

詩紀之

夏月花開芍藥奇。丹葩皓彩故愆期。笑看王貌人誰
似。巧映金杯酒正持。高價連城傾賞盡。洪鈞百鍊化
工遲。一枝數載茅衡地。爲折瓊瑤欲贈誰。

苦熱

炎歊積氣播洪鈞。赤景高穹駐火輪。幽壑寒泉那對
眼。輕紈清簟未怡神。征南將士干戈密。直北關山羽
檄頻。却愧懸車棲息地。敢誇束帶叫號人。

漫興

雨後新荷碧玉香。虛庭高燕坐生涼。轉添門外鷗鷺
水。慣着山中薜荔裳。廿載宦途如隔世。一鄉耆老自

序老園稿

卷下

十

成行。江湖縱有秋來鴈。南北無勞書寄將。

生日親友相過。有以前年詔起爲壽者。

光陰荏苒當隆夏。年紀蹉跎近六旬。灼灼葵榴明短
鬢。悠悠甲子度閑身。姓名誤入丹臺錄。田野偏宜白
褐巾。此日親朋齊醉飲。不將散勸效殷勤。

盆榴八月重見花。愛而有作。

庭樹添吾愛。開花夏復秋。高枝堪入手。細蕊欲盈眸。
晚歲芳猶在。青尊賞未休。山中松桂好。與汝共淹留。
見曹海山便面絕句。慕其詞翰。悵然思之。次韻。

并用其雙鶴紅芙蓉之句。

海山僊去今何如丰神散落入間書雙鶴千年不復
返坐令紅淚沾芙蓉

八月望日天妃宮看潮次九桐韻四首

隔宵城外艤平查侵曉朋來興可嘉路繞涼風行黍
稷山開晴海步烟霞看潮勝地追兵燹載酒遊人感
歲華更詫隨波香木異千人奔走建毗耶

滄江正值仲秋辰潮候由來月與親萬疊烟波還世
界一拳山石自吾身神驅共說浮鷗客勢轉猶傳射
弩人千古盈虛只如此臨流休歎往來頻

興入銀河八月查廣陵觀望一何嘉漸淨孤嶼迎初

庚子國朝

卷下

五

日又掣平波逐晚霞鱗穴有神傳北溟尾間何處問
南華潮來潮去從無始能數桑田三變耶

江海秋濤正此辰魚龍夜水自相親

聖朝涵育同元化蓬島微茫寄老身銜木豈勝精衛
鳥乘桴真學仲由人題詩爲報滄洲伴日日看潮不
厭頻

舍姪送菊兼以益春館賓詩來遂邀諸客同賞

次韻

知我採花數寄聲花開有客句還成風軒急掃堪乘
興貧舊相逢一話情節近重陽何惜醉年侵雙鬢未

須驚却將瀟灑忘遲暮對爾寒花寒更馨

九月四日見梅花

九月梅花亦太奇盈盈忽見兩三枝可憐彭澤黃花
節已賦孤山白雪詩

輓大中丞思質王公

忠謨素倚腹中兵志掃胡塵萬里清世列台階行道
自裁 丹闕報

皇明却憐 國是威兼福豈計身圖敗與成 政治

維新追錫定九原堪慰老臣情

九邊開府各專兵將相和諧海內清重歡中丞功是

庚子國朝

卷下

十六

懋竟罹法網事難明 本朝蕭蕭綱維正新史班班
紀載成却咲朱丹非舊轍奕棋翻覆若爲情

元粒出諸友和後芳亭詩意有賞玩之約用韻

促之

園林雪後正蒼蒼亭畔踈梅占早芳靜倚琴書來鳥
韻坐消爐篆雜花香蕭疎几杖登臨久珍重珠璣翰
墨藏好是歌遊春色裏旋沾村釀漫炊粱

徐默齋過訪適得早黃菊一本花盛開可愛因

邀七橋同飲紀會一首

早傳秋色到城西一簇黃金花正齊忽枉故人如有

約旋沽美酒不須携歌童也喚來坊市近客相邀共
黍難竟日不勝杯杓飲醉歸相送賴奴奚

疊韻答默齋

幾望停雲自我西經時朋會豈難齊棋枰與在還無
厭筇杖身輕不用携杜里樊川頻對菊陶村桑樹共
聞雞也知別去常如面慣見詩筒送小奚

再用韻謝二客

寥落寒廬枕鄣西客來蔬果碎難齊雨荒院菊憑人
送門到歌兒自手携却笑筵空花一徑多慙詩費日
雙雞俚言寄謝三高士佳句無勞再遣奚

序方園稿

卷下

十七

又答默齋

風情悞落野堂西黃菊新詩詠與齊故事不將花譜
覓聯篇還自錦囊携賡歌設擬和簫鳳却敵真如望
木雞繾綣高懷難報答花筵重整候來奚

默齋惠菊招飲柬以三絕句次韻謝菊辭飲弁

邀賞焉

不惜奇葩減翠林三株情重勝雙金開緘更誦新章
好想見南山處士吟

何當折簡送花來更約花筵爲我開花逐主人應不
讓呼童速客掃荒臺

白髮黃花不厭看夜深猶自凭闌干故人就我休辭
再把盞長宵月正圓

過默齋花園三首用前韻

琅玕千尺擁高林下有黃花滿地金過客何須聽歌
管耳邊風木自成吟

擇木栖禽去復來遊魚時見水萍開相過地僻無人
覺惟有斜陽伴石臺

芳菊清尊好共看夜深明月近闌干也知別後詩來
佳猶憶香生玉露團

次祐山菊寢韻

序方園稿

卷下

十八

別構幽棲貯萬英爲耽佳色比娉婷却看冷艷違塵
相已斷繁華到翠屏繞榻雲烟堪獨臥經秋枕簟有
餘馨此間真意通晨夕須信陶公睡亦醒

紫線盤

天然花檢不施功豈落人間錦繡叢天子鞠衣求黼
黻野人荷服咲玲瓏

紫繡毬

錦毬高飾畫堂春何似黃花朵綴新竹瓊松黃隨隱
地金屏繡褥自佳辰

一捧雪

秀整

皎皎芳叢入夜光分明積雪照茅堂梨花設擬含春態
梅蕊應同伴月香蕭瑟百年催皓髮清寒一掬沁詩腸
主人愛爾冰霜操高臥田園意亦長

金鳳毛

金鳳花圓數寸奇充庭惟在兩三枝主人誰是陶潛者
大節高風邁等夷

金鶴翎

鶴鳳名花伯仲間魁然絕品得同班寥寥千載看花客
誰共東籬萬仞山

疊韻

唐方園稿

卷下

花

千菊輪魁眾所奇家家爭覓一殘枝鳳池名瑞休相擬
此物于今在醜夷

彭澤初看五柳間黃州再見謝鵲班僊花一去同僊鶴
幾百年來遇故山

看花休歎鳳毛奇林下于今見一枝瑞草不生荆棘處
柴桑路近本平夷

花鳥雙清出世間忘形只侍隱君班如何別認林逋鶴
還與梅花並一山

紫線盤

名花箇箇五紋開纖手玲瓏未易裁自是化工餘組

織遍令草野被昭回秋蘭不獨紉爲佩春卉休誇錦
作堆彩筆題詩無以稱設同陶令白衣杯

疊韻

化機深處肖形開萬縷勻圓不可裁錦濯樊川漾露足
綵移隋苑艷陽回氣憐晚歲心如結却咲春花葉幾堆
三徑盤旋看不厭探囊有句白傾杯

次默齋冬夜不寐有感

有懷種種集更闌自耐嚴冬坐夜寒燈影照人看不寐
鍾聲到枕思猶殘徵君事業多篇翰令子冠衣可結彈
鼉是悠悠思烈母也知節孝兩情安

唐方園稿

卷下

干

爲時月溪題號

皎皎寒輝動碧流良宵都屬賞心幽短莎白露明移
萱隔浦丹楓暗入秋上下山河同一影往來星漢有
虛舟舉頭欲問南飛鶴解得坡仙赤壁遊

贈沈肖山生日述其子允仁中禮闈以父疾兩科不廷試

橫經國胄昔翺翔庭訓先成慰顯揚賈子久懷丹陛策
來生偏戀采衣觴堂中文字瓊瑤滿堦上芝蘭雨露香
爲祝康寧多壽祉才賢早遣赴巖廊

次友人見謝新曆

題詩紀曆慶同春野老常瞻日月新請誦八荒開壽
句軒轅萬載自天申

庚午迎春次韻

天時忽轉青陽今人事仍催綠柳前王政郊迎宣布
德野夫家食自開筵護從兒女歡聞郎也看牛神卜
種田歲節到來歌盛世桑榆樂處任華顛

贈南庄九十

馮翁矍鑠哉黃髮背爲台九十非凡狀生平有厚培
僊賓鄉飲重几席誕辰開

聖世崇仁壽還看粟帛來

序考蘭稿

卷下

主

小恙初愈步東園看牡丹花

強起看花試短筇一杯聊進與誰同幽林自足烟霞
氣清賞偏分雨露工叢竹經時侵小徑繁鶯盡日弄
和風年來觴詠猶題壁白髮賡吟意未窮

花邊底事苦支筇筋力雖憊興與本同不分醉翁杯盡
減也憐僻性句難工一枝濃艷畱明月百和真香度
晚風三月鶯花饒富貴乾坤何處嘆貧窮

花倚闌干人倚筇白頭歡賞可能同謾將杯酒酣春
色豈有襟懷洽化工詩句畱連香與色衣裳飄灑日
和風故園此日迷花處廿載東山道未窮

詩酒擔來併一筇花神亦解賞心同半酣最得春和
好信口無勞藻績工錦繡晴開朝嶺日笙簧遲奏午
松風畫堂捧擁無過此餘興往來夜未窮

過東園賞牡丹紀事

落日探花好出門理棹初故人貽白酒豎子賣黃魚
幸有親朋促幾將勝會虛奇葩盈百朵新簪滿闌舒

遊虎丘

再棹長堤上虎丘綠槐夾道夏陰稠寒泉古壑窮幽
境高閣迴欄瞰遠洲雙劍池深龍欲化千僧石上月
還畱吳中山水多名勝載酒惟應汗漫遊

序考蘭稿

卷下

主

登金山寺

中流翠嶺鬱蒼蒼梵宇莊嚴擁碧霄四面烟波分水
國千帆雲日弄江橈乾坤浩浩東南坼今古悠悠上
下潮高閣憑虛坐移日山僧煮茗故相邀

紫霄宮眺望

直隸其事

僊宮灌木鳥喈喈有客攀躋歷土崖地出三城雄古
郡河分幾道會長淮帆檣渺渺天低樹車馬紛紛日
轉街極目紫霄瞻帝里雲山直北繫愁懷

端陽

梅雨既過暑氣濃葵榴同節開花重衰年新泰更蒲

露清夏輕羅宜綵縫枕簟晏陰妨舉動冠衣雅性長
踈慵草堂蛙黽達郊野滿戶白雲苔藓封

端陽次七橋韻

榴紅如火對端陽笑揅能消老鬢霜醉裏物華同爛
熳興來詩賦有輝光百年時序人皆樂數畝林廬道
可藏高臥北窓無一事涼風清夏竹爐湯

臥疾自遣

由來逸叟多稱疾不似樗生病却真高枕親朋違滿
座小樓風雨聽經旬出門爭訝形如鶴覽鏡元知鬢
若銀廿載攝生湖海意蹉跎難采谷中新

庫考圖稿

卷下

三

次祐山孟秋月食

正逢三五月初揚月下行歌徹草堂忽罷管絃喧社
鼓千家翹首護清光

千家翹首護清光士庶奔馳念典常獨有舊臣青瑣
客封章猶記獻

君王

封章猶記獻

君王昔共朝班此未忘病後小樓秋夢醒紙窓欹枕
睇明光

次祐山中秋卽事

秋陰何必恠輕雷霽月仍憐爽籟催旋掃浮雲開鏡
匣肯辭深夜動尊壺百年好景還通晝萬里清光獨
上臺詩裏知君無限樂歌聲猶向耳邊來

贈平齋

劉聯形象絕稱

暮雲橫處野堂開返照還隨杖屨來棲鳥近人無擇
木短檠邀月正臨臺莊生齊物真通論楚客狂歌欲
取裁傾覆高車并駟馬從君共翦北山萊

贈築野入 觀用翁堂上揭元公詩韻

水操風生泗水寒道存商鼎入梅酸車書衮衮朝方
岳宮闕巍巍出露盤錫馬正勤清晝接樓鸞那向一

庫考圖稿

卷下

三

校安却看廊廟江湖意行矣何心作兩般

冬至

江南冬至易爲春梅柳家園幾度新已覺垂垂紅玉
綻便教葉葉翠眉顰履長同慶隨恩澤通籍他年忝
佩紳衰憊村庄猶舞蹈漁樵處處荷 皇仁

疊前韻

歸來廿載閱長春至日風光眼又新閑向餘冬堪自
樂愁牽一線爲誰擲年齡早已從鄉杖禮法焉能及
搢紳惟有閉關終日靜一陽生處見吾仁

松隣徵德詩

行誼生平長者儔老沾一命向羅浮輕財已見慈仁
切得位應知政澤優王氏植槐雖異地于公種德可
同休科名有子陰功遂事業還貽播種謀

爲盛少和題贈

手指杏花圖家住杏花里疑君有仙方寄跡吳門市

辛未歲元日迎春

元朝盡掃寒威去春令初迎旭日來除夕雨黎天意

欲歡三始候野夫真暢百年懷笙歌恍訝啼鶯合綠

勝渾憐凍並開身在江湖逢道泰

皇仁早已布遐埃

序

卷

五

詠座隅盆品三絕

梅花一株何太奇寂寞瓊瑤見滿枝對爾無言成獨

坐暗香疎影費新詩

右梅

爛熳花開香最奇休猜桃李艷陽時春寒小閣重雲

繞坐藝沉檀杳夢思

右瑞香

纖葩淡淡本無奇一種幽香君自知晚罷琴書誰是

侶夜深明月上牕遲

右蘭

有約阻雨

風雨中宵枕上來明朝有約使心猜桃花灼灼臨書

案柳色青青待客杯詩酒幾人還作社湖山張興奈

登臺浮雲盡捲佳期在日暖花香步綠苔

宿雨未霽懷洲來赴約遂邀諸客同敘前韻卽
事

皓首衝泥野徑來陰晴端不爲君猜呼童細雨催諸

客促席春風勸幾杯彩軸高樓誇錦字壽詩懷仙家

何地會瑤臺更看洗盞交酬處晚霽披襟坐石苔

獨酌牡丹花下

花開獨斬往年時幾朵爭妍也自奇無客不因花事

減老懷惟有靜觀宜倚闌春色隨筇杖入幕天香到

酒卮向晚留連移席處松陰掩映倍佳姿

序

卷

五

三月十八日初會飲聖湖草堂是日立夏後二

日也

清夏暄春月正宜舊朋新會接芳卮巷深清水市喧

隔日永高樓客意遲鄉國喜從携杖後章縫追念盞

簪時蔬盤杯酒應常繼城郭湖山隨所之

初夏集張懷南宅

湖城過雨興堪乘入市停輿報友朋棋局樓前人早

赴琴尊會裏客還增增二客開宜永日鳴禽靜醉愛

新荷碧水澄把盞相看盞知已主人情重酒頻仍

疊韻呈諸會友

真筆面句亦雅

風宜追逐月宜乘花作佳人酒作朋有主有賓人共
樂一談一笑壽宜增好將世事隨緣過直遣襟懷徹
底澄小子作詩申願祝管教此會百年仍

夏日過後芳亭泛湖歸次七橋韻

雨後平查繫夕陽芳亭款客共徜徉殘尊且食臯魚
笑鮮筍還燒竹鼎湯雲樹三湖梅水闊村庄兩岬麥
風香歸來更盡船頭酌促膝探鉤飲正忙

夏日偶成

草色侵堦映綠滋濛濛細雨暮光遲北牕高枕此何
月新竹過牆還幾枝杯酒於人休作惡交遊隨處好

康子

卷下

主

相嬉湖山見說添形勝消得閑來兩鬢絲陸文為東
湖購石增
勝故有
落句

次韻答蚤川公見寄

蓬心奚啻鬢毛髻飽食悠悠歲又仍名在廟堂還在
野德爲師範敢爲朋持竿江海終長往携杖門牆許
暫登那有徵書勞記憶蹉跎暮齒愧彌增

詠葵次韻

髮毛垂領傷吾白花並盈枝愛汝紅艷日丹心傾寸
草薰風北闕轉絲桐却違野性根孤托只寓幽懷詩
滿筒衛足全生聊自比秋原何處歎飄蓬

疊韻

東園蜀葵開幾叢葵花榴花相映紅後有千竿渭川
竹前臨百尺龍門桐詩盈屋裏風雲帙釣入溪邊烟
水筒題詩笑謂心葵子予有葵心今已蓬

長夏湖亭宴集次王人鶴椿韻

好從師伯引清風正屬義和駐赤龍白鶴道人何灝
落臨江仙調豈凡庸鶴椿作此會邀鍾呂瓊瀛客酒
詞邀客壓吳姬琥珀鍾落日歸來真酩酊踈狂端擬謝羣公

又

戲珠亭子滿清風影入晴江百尺龍相邀勝地感歡
會賸有高懷邁等庸娥娥紅粉臨秋水皎皎雲山照
酒鍾小子只供文字役一詩一會報羣公

康子

卷下

主

槐林遣酒舍姪元敬園亭

高隣北郭過賢主良會山園綺席開鼎俎隔河來俊
味笑談終日醉深杯雲陰杳靄通花徑樹影參差上
石臺日暮綢繆猶未已坐携餘興棹舟回

西郊池亭觀蓮寄陸丹厓

雙池菡萏夾亭開四面香風入座來疎雨碧波心似
拭紅粧艷日首頻回清吟洗盞隨欄畔晚興羣舟逐
舴艋兩度尋遊應問主裁詩爲謝好池臺

序芳園紫薇花桂花金開可愛有述

園序羣芳秋更別紫薇丹桂競年光霞明組綬爭春
風動旃檀滿戶揚藩省標名存世矣燕山垂陰見
書香還思手植槐堂舊吟就盤桓意正長

詠金蓮寶相

金英王露擅秋工不與羣葩色相同八月芬非當令
節十年培植見全功此花十一年一開芳亭地僻藏元氣瑤圃
株分擁翠叢坐對物華堪自寶瓊卮還取醉顏紅

和莫徐二公紀會

斗酒新詩憶夏初清秋小宴集吾廬平杳過雨仍相
款野浦凌風縱所如光景娛人歌管歡笑談終日酒
行疎莫君長句徐君律更倡諸公一起予

卷下

壬午

此山舉會西宮

齒會初周歲已闌江城梅柳入新寒筵開隣院携筇
近老向閑冬釀黍寬卽擬長宵須秉燭更憐厚款爲
加餐持觴童子清音好何惜忘懷寄一歡

懷洲慶八句歌

君不見光祿壯年名盛時揚眉吐氣千雲霓鴻鵠高
秋凌勁翮驕驕千里當輕蹄幾年鑒鐵萬人闌壘劇
鄉省還京畿古稱筆陣千軍掃先生下筆翩翩飛經

書爾腹爲笥篋至今矜珮猶歸依又不見先生笠仕

州與邑枳棘曾看鸞鳳集清源夏津政尤異前後美
名人不及悠悠食祿太官署才大何爲限資級解組
歸來幾歲華吟風醉月興無涯河陽花柳移春色光

祿池臺帶晚霞晚霞春色弄杯竿詩句動人真膾炙

古稀佳稿倍精神揮毫對客常分夜湖社會中君第

一岡陵壽高今八袞古貌蒼髯元卓偉玄關靈府還

充實天錫難老慶所鍾生平遲暮未爲失况復繡衣

家世盛簪纓書史相傳述芝蘭王樹萃階庭龍鳳駒

雛爭傑出新年初度會羣公白首相看林下日共談

卷下

壬午

南極老人星運屬南方光燦燦羣公皆得長生壽位
未滿階年過歷君爲吾儕大作例還算綿綿百千億
一氣鴻鈞到八荒共適義皇仁壽域余從諸公與漁
翁獵叟擊壤歌天保勝作非熊非熊渭川老

贈沈守愚八句誕日

膺膺清溪原奕奕冠蓋里山川有鍾毓家世非崛起
前哲更數公流芳存懿軌匪直結駟寶亦有冠羈子
謙謙守愚號坦坦幽人履柴桑隱田園鹿門遠城市
孝友聞夙昔肫誠迨暮齒龐眉若耶叟鬢髮商山綺
今年壽八旬德壽兩難擬臘月初度辰風日屬和矣

柳色回村墟梅花報江汜親友携壺榼子姓羅甘旨
松栢森庭除芝蘭滿堦屺共爰書香盛爭言福壽後
予從姻家後聊爲操杖几祝願寄盈觴歌章謝滿紙
君看南極星光照東溟溪德人足應之期君百千禩

贈默齋八旬誕日

舊德人歸隱者名高年鄉重會中英養真有道惟恬
默遺興於詩最善鳴八十年華留晚節清平身世樂
長生每逢榮誕良朋集三徑花開吟語清

至日

韶華喜見一陽生庭午東風暖更晴鳴鴈早知春意

庚子歲稿

卷下

三十二

動賜鴉逢帶日光明紀雲欲紀詩盈牘添線還添酒
一觥不是開關行月令幽棲長愜野夫情

次懷洲至日絕句

浪跡他年成底事閉關今日見吾情一陽來復歸根
帶此外都從水上萍
認得天心無改處綿綿一線本吾情玄霄溫育金花
嫩春澤瀾瀾漫漲綠萍

壬申正月廿七日書臥內

比翼雙飛四十年而今偕老事茫然不時曾待蘇君
酒此日空乘杜子船春夜徘徊看月上梅花忽復到

牕前鼓盆說說莊生達未信悲歌意蓋捐

松風臺次韻二首

天風無時休松濤無時靜高臺高百層何人踐斯境
大法曾聞獅子吼松風長號亦不靜化作鈞天滿太
清晨鍾夕梵招提境

山月池次韻二首

臨池見山月月却在天心停杯試一問千古誰知音
山月池開第二月在在中天還在心清虛直到廣寒
殿何處姮娥揚妙音

又作

庚子歲稿

卷下

三十三

荒林古跡留空臺天風颼颼臺更靜長松翻盡翠濤
聲山頭落日明西境

古池地僻來明月月照寒泉得我心庭空露濕孤琴
淨夜半秋堂起梵音

蘭

倚蘭清馥在中堂滿焚檀鑪未足方獨幹餘英傳妙
品細叢寒影謝繁粧尚憐冰雪經幽谷賸有烟霞護
洞房虛榻素琴同伴月有懷無語契衷腸
盆石相依靜者堂小梅爲友結同方冷葩不逐繁華
節寸草誰憐佩服粧桃李紛紛能媚俗菴施往往誤

盈房早知楚國留芳譽一曲昌黎爲我賜

次祐山西樓卧月

月明人靜庾公樓靜裏清光一倍收會得乾坤無盡
藏今人古月共長留

獨卧元龍百尺樓樓前顥氣幾人收醒來夜半寒蟬
處鶴唳天心月正留

疊韻

銀河顥氣滿重樓寫盡金杯不可收何處洞房雲卧
冷風吹殘夢醒還留

婦娥皎皎出瓊樓織女機絲夕未收一自月官遊賞

序芳園稿

卷下

三

後唐家勝事至今留

悠然亭

亭在放生湖

空中之鳥海中魚安得羣生總自如湖上放生誰獨
好人間密畧頓應除新庭翼置瞻雙構秋水泮泮散
九渠邂逅賦詩因慕佛悠然此意見吾初

湖上觀塔燈

火龍十里躋蒼穹高炬嚴宵象教崇香霧晴連銀漢
皎祥雲光射海波紅已聞鈴鐸交仙樂遂有幢幡閃
碧空萬古傳燈如不昧凌虛真擬駕長虹

鶴椿見示蜃川翁答隣叟貽箋詩次韻一首

詠物新篇字字安頓令白羽重齊紈恍然滿座清風
至不隔微塵便面看隣叟得詩藏笥篋故人颺頌動
衣冠廟堂雅製林泉趣小子懷翁一感歎

前韻再贈蜃川翁

時望終歸晉謝安由來清節遠襦紉急流勇退三辭
切高羽凌霄萬古看廷推久屬山濤鑑已巳冬會推家食
誰彈貢禹冠江湖廊廟心何異端爲蒼生一浩歎

爲高鶴琴太醫題號

軒蓋翩翩出禁闈故鄉相望仰清徽業精時矣鍾期
遇丹就仙從華表歸湖海濟人林下好軒岐醫國御

序芳園稿

卷下

三

前希何時報我南飛鶴綠綺相隨訪釣磯

坐雨次懷洲韻

何處吟詩坐雨天閒情無奈草芊芊潤含花色書齋
裏晴報鍾聲古寺邊綠樹城深稀過客白鷗波遠隔
遊船道書一卷時翻閱萬事都歸靜者便

遊雅山阻雨

乘興尋山期早發偶逢陰雨柰行塗林花對我休相
咲水鳥迎人莫浪呼烟霧幾重開翠嶺海天一色映
虛無停杯草閣春將暮步屣荒庭日又曠

觀海塘

侵曉肩輿入浦烟鹽官城外石塘邊祗餘尺寸東南
土不辨微茫上下天泊所漁舟依古廟背人鳥島下
桑田早知千里環州郡保障江南此地偏

遊雅山

平查幾向南郊路領客頻來上雅山不惜遠遊貪覽
勝更憐老景好偷閑輕衫小簾綠崖坐古石荒苔滿
目班此去再期秋社日相邀會友共躋攀

雅山北阜得勝處斷石粧成若假山命曰假臺

來作詩紀之

巧匠何人開碣石翻將天造假人爲離離峭壁元非

李商隱

卷下

三五

假小小蓬萊此最奇彩筆翠屏題處好仙洲神島醉
中疑誅茅我欲畱斯地髣髴簫聲鶴下時

中秋日久雨未霽乘興携具戒舟出湖口颼風

大作泊所久之忽風定天色清明進舟至五

老峰下日既晡矣湖上絕無人跡舉杯間紅

輪西下皓魄東升奇逢勝賞出於意外聊述

七言律詩一首

今年賞月遇偏奇人事天心兩見之不避淋漓乘雨
棹疾驅昏翳動風師澄清玉宇中秋夕皎潔氷輪上
海時寐寐五峰爲我伴通宵畱月醉金危

十六夜湖中翫月

待月停橈湖水東微茫烟景畫圖中江城玉笛千山
暮波面金輪萬里紅月初升色甚赤如曉日然獨抱老懷詩句別

中分秋色昨宵同也知天上光常滿直欲尋河問紫

宮

心葵初健九桐來至其所余携具就邀二子泛

湖飲五老峰下心葵有詩來和韻一首

喜聞遠客到來時汝更身強堪舉厄興自難移榮落

酒入門先就菊花枝九龍陂上隨仙杖五老峰頭着

雨絲竟日雲陰天色好徘徊光景得歸遲

李商隱

卷下

五

九日飲後芳亭晚登湖塔

檻外芙蓉爛熳開溪深竹靜此登臺方亭恰受兩三

客小飲初傳四五杯正愛臨觀會未已別延劇戲漫

相催日晡露醉可辭席更放平查登塔回

過湖隱重脩禪院吾邑經亂築城間閭繁盛寺

宇增飾感今思昔作此詩與僧人真靜

湖城小隱不知年法字重看彩壁鮮牢落僧徒還樹

立經過客話有因緣殷殷邑里繁華處攘攘千戈歲

月前感興偶然追往事將詩莫向衆人傳

長至日疊韻四首

杯酒逢時展笑歡來須放醉顏酡浮生歲月誰相惜
逸老情懷自匪他高閣風雲占氣象小園梅柳足晴和
春光漏泄知多少湖上遊船日又過

佳辰獨飲試高歌未就詩篇面已酡造化端倪還見此
風光流轉更無他一談一笑人皆樂時雨時暘天晷和
偶病采薪今小愈閉關仍喜客來過

載賡長至杜陵歌欲因三杯卯酒酡待臘衝寒果何事
尋梅問柳不知他塔前盆樹向陽好屋角網蟲得氣和
更期麥隴見三白雪舫水湖冷亦過

問余何事日高歌白髮衰顏不厭酡詩卷酒杯堪自

東坡集

卷下

三七

老求田問舍未遑他况因多病安閑散得共羣生保
太和林下優游皆

帝錫願言 皇曆萬年過

對雪

一冬晴暖初逢雪對景開尊定有詩脉脉堦前融嫩
草霏霏池畔點沝沝知寒野雀爭依樹破臘林梅早
占時虛榻小牕書卷在晚來幽獨坐偏遲

疊韻

賞心何處有佳期四野同雲謾詠詩足騎灞陵投暮
景扁舟江浦泝寒漸坐憐清絕人烟外正屬徘徊處

酒時夜半紙牕催曙色隣雞枕上聽來遲

火刺

尺木惟喬畫裏看青葱葉葉傍嚴寒莫將草芥輕微
物燦爛珠璣萬顆丹

七橋老而身僕自嘲駝仙戲爲和韻

惆悵山林歲月愆眼中老友卽爲仙童頭巨口容難
節肉項隆形步可前細雨泥塗招不得方牀尊酒坐
堪憐閑來長接詠諧伴暮景桑榆萬丈懸

湖上嬉遊嘲謔爲樂七橋有詩鶴橋和之駝仙

二公自戲也次韻

東坡集

卷下

三八

自號駝仙自喜聾笑談聲落酒杯中君看雪鬢同遊
客誰是風雪舊日童畫舫扶携山水席春光九十管
絃風歸來莫嘆桑榆晚景浴東溟早上紅

送大叅小山之河南

車蓋東南越大江壯遊千里向中邦古梁城郭雄方
面畫省雲山洞八牕盛世經綸真不負使君才調本
無雙舉頭直北瞻 霄漢送子慇懃酒滿缸

題千年松萬年竹陸憲伯貽乃翁衡山奇草置

之笥中青翠自若盆而植之而生曝而藏之
如故是日胥翁席上贈各兩莖爲壽爰賦此

詩

未聞篋笥藏生草况植盆罌旋復青萬里衡陽傳瑞
品千年松竹到中庭開函正遇喬松誕分惠企期龜
鶴齡造化有靈看物類金丹如轉見仙形

和鶴椿移居韻

卜居肩郭草堂靜曲浦古橋何處村幾箇漁舟來近
渚一釣林月掛黃昏入城小艇省徒步寄友新詩代
面論七十六翁怡老地太椿巢鶴子還孫

讀先君醉翁牀詩述韻

仙翁昔扶醉坦腹半成眠假寐常移日吟詩謔登肩
序芳園稿 卷下 五十九

贈人七十

少壯武湖里知名今作翁鄉隣皆爾敬朴儉與人同
樂向老年得心憑造物公閒中來取醉西日滿林紅

園中作

嬾性從所欲園廬長掩扉垣堦多古色竹樹有清輝
晴徑蜂相合春巢鳥欲歸山人晚何得已解萬緣非

癸酉元日

欣欣歷正旦寂寂對花枝晝遲雲未動簷近鳥頻窺
漫有酒杯興亦從山水嬉閑來知靜力端坐每移時

次七橋新春韻

比屋笙歌自正元條風淑氣滿乾坤九重奕葉開
皇曆萬里扶桑照赤輪履景饒人花欲咲春聲到耳
鳥能言高年隨處湖山興消得新詩細細論

新歲述懷

隱不忘君

聖主垂旒日表新乾坤一氣播洪鈞海邦不用揚戈
艦朔漠于今爭虜塵壯載喜爲林下客四朝長作太
平人吾衰未有涓埃報却愧南金自許身

序芳園稿

卷下

四十

對雪次鶴椿韻

漫疑春信欲飛花勢挾嚴風萬木斜已斷野田羣噪
雀更封寒澗曲藏蛇同雲積氣良非淺三白呈祥此
未賒杯酒遣懷憐寂寞詩章到眼接芳華

迎春次韻

滿城簫鼓逐人來節應條風霽色開已見孟陬臨北
斗好須春令下三台溪頭雪盡過吟屐水面晴鷗近
釣臺九十韶光行樂在畫船長向月中迴

元宵

元開萬曆自元朝元日還看第一宵皓月笙歌連白

滿街燈火。願丹霄烟。花處處。催春早。鰲海山。山對雪。遙白髮林。前逢今節。盡歡卮酒。賦長篇。

詠山茶次韻

寒花臘月見山茶。翠竹蒼松自有家。莫道山林枯槁地。回頭樹頂粲紅霞。

爲報山茶幾朵開。新詩已到望春臺。滿園物色知多少。猷傲冰霜擅品裁。

題湖上新立五老峰東胥峰一首

五峰羅列來何自。名擅當湖五老奇。山海一方增勝槩。烟霞千古肖容姿。光騰南極天文應。望入東瀛仙

序

卷下

四

侶隨題詩爲賀。赤松老好向峰前把壽卮。

玫瑰

百花開已盡。玫瑰猷遺珍。設逐時榮好。還憐色臭真。

佩蘭名不忝。殄菊味堪倫。瑤圃芳鮮足。棲遲願結隣。

疊韻答七橋見和

弱草混時晦。奇葩燦物珍。分遲翻猷賞。色冶未妨真。

珠玉憑題詠。繁華謝等倫。謾云玫瑰贈。祇與木桃隣。

張鳳樓送假山石

春來無奈野人閑。寄情山水烟雲間。好事爲遺一雙

石。草堂增重等丘山。

立石庭前。命以山名而詠之。

天馬山

天馬來從冀北山。行行萬里無終極。傾崖轉壑勢奔馳。一庭聊寄追風跡。

麟兒山

惟石天然一奇獸。大者崔嵬小者隨。山人孔釋相抱送。好似麒麟還有兒。

一枝花絕句

龍田家驢自名。

金龜携向滿筵誇。傾銀注玉一枝花。濁醪應笑題詩者。慣到杏花村裏賒。

序

卷下

四

一盞蘭陵麴米春。樵花氣暖易醺人。醉來欲夢莊周蝶。爛熳香沾花裏身。

次龍田詠佛子詩

有比有諷

經時相見問無恙。告我苦遭蟣虱侵。笑談麾手謝人事。爬搔鎮日煩予心。貴客香襦堪屢易。褊夫敗絮誰能禁。聞君妙作多賡和。可是技痒來相尋。

浩蕩乾坤容萬蠹。如何不捨一毛侵。操戈曾是忘螭角。學射無勞貫虱心。漫遊鬢髮果無賴。盡付湯浴那可禁。更憐燈下深閨女。解衣纖指動相尋。

何爲昔人呼佛子。佛子於人多所侵。百千爲輩不餓

死撲殺此曹寧忍心竹堪放汝聊相貸木若生靈誰
復禁再詠昌黎誅武吏如此民害難遍尋

入衲處禪隨所性屬毛罹裏還相侵但逢蟻子施陰
德休見螳螂起殺心賦詩作意亦太刻洗垢索癡邪
可禁乾坤觸目有微物戒殺仍將初意尋

喜雨

昊天垂惠悅無疆霈澤甘霖濟下方久旱正懸枯
望及時剛遇插青忙短蓑湖上迷烟草高枕牕前足
晚涼農唱漁歌當此日老夫應得醉壺觴

疊韻

序方園稿

卷下

四

密雲鎮日自西疆雨澤愆期數此方舉趾荷鋤農事
息鞭雷呵電化工忙滂沱更滿千人望蕭颯番成五
月涼隱几連朝歡未已載歌載詠盡餘觴

次祐山耆賓會詩五首

祐山時年七十四

毛壽官

一百八歲來作賓高年會中第一人神仙世上誰曾
見此老看來即是真

馮南庄

主翁再酌仙翁酒卽擬南庄一百春二十一年長乎
爾黃門還是少年人

楊春渠

春渠八十有七歲高年共詫衣冠新聞道壽星臨此
地湖山湖水倍生春

楊春谷

兩楊一百七十載渠谷悠悠春復春見說山林在城
市不妨城市好脩真

徐默齋

臞翁八旬加一歲靜裏正藏無限春花月更多閑捧
擁老年詩句每清新

儼似青英會詩

男我秋邪程邦和

序方園稿

卷下

四

片芳園稿卷下終

趙上莘先生行狀

上莘先生諱伊字子衡平湖人陝西參政諱漢之第四子參政始爲工科都給事中侃侃勵名節論劾宰輔至不容已懸車謝世交一意力學直闕聖域晚遂頓入先生之生參政第進士之明年也七歲善屬辭十歲貫經史爲文華瞻能持論同學三四輩文未就輒代屬藁藁人人別無弗雋年十七試高等餽之廩俄隨父京師就學於吳中表承之承之大奇趙生嘉靖辛卯年二十舉於鄉明年登進士第又明年授刑部主事以文譽簡置本科末

行狀

幾以病歸病起乞南遂改南京兵部職方司已遷員外郎郎中甲辰丁母陸淑人艱服闋補武選郎中持例嚴上官憚其正而逼於權貴人之請每冀有所遷就終不相下遂謝歸壬子復補車駕郎中執愈厲喉者衆出爲廣西副使既就官以父春秋高日夜念不置乞致其仕歸歸侍父二年父卒隆慶丁卯

莊皇帝念先朝忠謹材賢之士多沉潛未究其用者詔得論薦以起於是浙填巡官南科道官咸以先生名上太宰氏酌其言請而先生列起籍中

制曰可然先生鯁鯁榮名絕不慕仕進卽政府相知自甘踈邈而恐其離邊之不遐故數年間卒虛

詔旨以老且死萬曆元年八月六日也年六十二妻張氏封安人加封宜人子三邦秩邦程邦和女二適浙西把總張券太學生屠耿光孫男十志寧志宗志宏志宸志守志宜志寰志官志宇志榮先生弱冠登朝旋出旋歸徊翔郎署而端亮剛潔播聞天下人疑先生得介之偏鯁鯁所觸悍不却顧以襲顯譽不知平生持已本之慎密自始仕至今四十年無間然矣始仕時在職方人視之一笑少年

行狀

耳呼之爲小趙及御下甚嚴儀度峻整指揮以降無敢以履舄見者事無繁約盡一日悉遣發無留牘胥吏空手坐曹中不得窺手以故調趙職方者不必費一文錢振武諸營軍多役私門卽操閱亦多詭避每操時則獨控疋馬漏五下直走轅門籍其名不至者罰無貸營衛官有把總職相埒而權壓儕輩出入騶衛亦因以別人歆豔之造請日至先生量材簡任一無所徇當選軍政爲稽常憲察將材廉物議澄已鑑以成大典他無倖門時論崇之田兵馬貪甚著陰怙當路橫肆無忌乃立案其

實逐去已而百計窺伺中傷莫能得也有巡江官縛一江洋大盜至且具言夜所以格鬪身被巨創幸見擒獲狀先生慰勞甚苦執盜訊之云若固盜耶盜不勝冤吐其實乃良民駕木筏而賈者於是悉召所居什伍相保者鞠之語盡合夜抗官兵真盜逸去矣此良民非盜繫之何罪釋其縛而遣之於是持三尺者極重盜况盜傷殘有實一言縱之入情盡疑惟大訂上官亦貽聘相謂久之始白乃知職方之明決也南京俗多火葬湛文簡始為義阡有新都人舍青烏子術者闢義阡地固叶龍吟

符狀

三

也潛探一穴埋骨矣欲因遂廣之以成墓度未可遂會文簡去繼參贊者新邵人舊識也乃投牒願乞地數尺為展拜所先生忿然曰義阡以掩骼埋胔公也柰何以私請竟格不行而參贊公改容禮之在武選有要路故人夜持兩甕來發焉金也詰之得自某異有所請輒斥使去門下而故人忸怩歸矣某錦衣以傳奉得官常陰圖襲內附貴端外托相蒿子世蕃主之至此疏得旨先生具草將執奏力諍之上官終不得諍因嘆曰有拂衣往耳乃請告既告而冒請者得儼然世延云車駕轄置郵

關符之事是時乘傳極濫民不堪命先生為立法定限諸不在法限者禁不得請於是宰執大臣及上所親信臣若臺諫若天曹紛焉求索先生持其令一不應侍郎某方署本兵於先生為堂官欲遣家屬而奪於先生之法竟募力以返有御史某怒甚乃次潞河與於一月間伺其隙先生若弗聞也然眾怒已熾謗日益起遂有廣西之命而此時堂銓衡者萬治齋也人謂不宜舛謬若是異日者公

張公 輩入叩萬公則知其為向

所

使蓋誤聽耳其居家終日欽欽以孝友自娛處兄

符狀

四

子維已子中一不辨兄子反事叔父生順沒哀奔走服勞視已子亦不辨蓋先生所以感之平湖故無城海寇起議築城有民廬在當毀中因卑其值以售勢家爭趨之人有勸先生市者其子亦數為言則正色曰今賤鬻獨利其便柰彼不便何吾平生夢最多則未嘗夢受人物因知先生立心隱微大抵皦然不滓者如此士大夫夙慕先生高誼每過從多言乞身事先生關之曰高尚非人臣誼士皆求退則國空虛彼經綸大計更誰屬耶居常覽邸報閱天下事或嘻或嘆或堅然而怡其子姓從

旁闕之謂先生非忘世者特惡躁進也先生始刻意詩文於文選唐音及少陵昌黎愚溪諸集皆手自註釋易藁者幾矣當其未得作者之意輒數日求之不得不止至時俗所尚珞琖石室神仙脩煉堪輿家言不好也既至南都獲遇湛文簡鄒文莊羅文恭王汝中唐應德錢德洪諸公聞性命之說則心驟喜謂聖人可立至遂欲以躬踐之向所爲詩若文盡棄去當是時穎朗精深善闢師說者莫如王汝中先生獨心敬汝中事之幾於師每直宿省署輒對牀終夜語不輟獨汝中三教合一之說

行狀

五

先生終不謂然嘗曰良知一也惡有其二既無其二何有於合吾少也好竺軋內典乃今照之殆虛見耳故反躬以薛文清爲鵠精詣以王文成爲的而切要以朱紫陽爲歸自講良知之學以來未有真實近裡如斯者也始陽明先生倡學東南惻吟擊排者不少旣而海內盛行人自求異近或假借西方大雄氏言以遂其論若考亭則甘心操戈不憚攻訐先生獨持真是直援衆所詆者自信不惑此非其卓然者哉其無事時默坐自檢唯其不愧屋漏一切世俗標榜立名之事深用爲羞卽有著

述旋輒毀去曰此無益我至攬結延譽尤所心鄙內閣新鄭高公太宰蒲州楊公夙從未顯時知先生每數數從人間起居竟不報也蓋性本孤介復充以學凡毀譽得失利害榮辱斬然不膩乎其中苟所執者是人欲以私撓之則氣益厲不復遠嫌不復避謗雖刀鋸在前必伸已志而後已使在孔門將必見許剛者不至對申帳而嘆矣先生屬績時屬其子曰吾葬也必以戚生希仲狀其行於是其子邦秩涕泣來請元佐少慕先生以自守鄙隘未得脩先達之禮客歲先生至郡邂逅一遇通數

行狀

六

語闕然不滿意而不圖先生謬鍾念於元佐也元佐旣承命因詮次其事事皆實錄不敢以誣有道嗟乎古人所云朝聞夕死正爲此道道充於身將齊天地爲旦暮何論榮瘁彼世之惜先生者徒謂不至老壽不爲公卿抑末矣

將啓

張宜人封合葬於楊山祖塋之火謹以狀聞伏惟太史公俯賜高論以烜其窳

賜進士出身前奉政大夫脩正庶尹

內府尚寶司少卿郡人戚元佐謹撰

序芳園稿後序

序芳園稿乃當湖上莘趙先生所作也屬予校勘凡得古歌詩律絕句若干首詮次成帙彙爲二卷嗟乎詩之爲教豈易言哉然古今評論詮矣其要在發乎性情止乎禮義斯其至耳若杜少陵之學識沉研而李供奉之才蘊屬後世咸以詩聖稱之謂其切於時事善於規諷而與風雅同之也其餘各擅一隅

後序

罕能具體匪直機穢聘於毫端亦且誕弱菴於唇吻故耳稽諸六義四始鮮有得其真髓矣先生以弱冠登

朝卽能慷慨論天下之事惜乎世路嶮巇憤然懷卷讀書講學直以聖賢而爲依歸暇則吟咏於序芳園中構櫺不飾花木駢羅窈窕幽深宛然一山麓也且屏跡公府書絕貴人或嘯或歌以遊以息當隆慶元年

天子起天下舊臣而先生名在疏中

召之因偶病不赴故跡其所爲孤標當與華岳並峻而清操直與秋月同輝可也然其爲詩若遺

詔防邊梓樹家園遊衍等什皆心存國畧無片言之杜譏景在目前無一語之遠引且冲雅而風骨自全清新而舊言罔襲譬諸秋露之濯芙蓉冬冰之映隋寶所可得而同之也至

左芳園稿

後序

如爲世之所誦者若五言云黃綬才難盡清尊思獨深微微炎影薄冉冉暮陰繁薰風迎戶入香氣撲人來看花同舊識解帶卽吾廬江霧迷深渚林烟帶遠楓若七言云海氣似團雲鳥陣江潮猶帶鼓聲聲雲淡無心元不競日遲有意故相將庭昏雨氣連三伏砌冷虫聲動九秋燈影照人看不寐鐘聲到枕思猶殘之句其據事則絕似李杜而秀朗則又

似乎王維孟襄陽真可謂深窺風雅之奧直
闢作者之室矣信可傳也然又論之昔人云
事不詭異則文不振驚夫詩則亦有然者矣
今遍繹先生諸詩止平生故交與鴛湖風景
而已何層見疊出不富而腴猶勝於躡瑤圃
歷金門而盡覽其所謂珍奇黼黻也故先生
之詩尤爲人所難及耳雖然先生往矣猶且
廟食而凜生氣當以予言質之爲不誣也其

序

序

三

子春元邦秩等皆丹山鳳毛耳謹以先生遺
稿付諸梓人以爲垂托不朽之盛事復命予
爲之序予曰昔吳武陵以其父稿請子厚序
之而子厚乃闡揚殆盡更有過之者予愧非
其人也何以克勝其任乎然予與先生頗有
一日之雅故知先生之詩爲最深遂敢操觚
以綴諸末簡云爾

望陽山人劉子伯譚



ZW 21101000584086

序芳園稿二卷

浙江巡撫
採進本

明趙伊撰伊字子衡平湖人嘉靖壬辰進士官至
廣西按察司副使是集爲其甥沈懋孝所選附以
劉子伯批點其詩時有清脫之致而醞釀未深